

叢書集成續編 第二一六冊目錄

文學類



詩總集——清

吾彖集一卷	清	錢謙益輯	虞山	一
香咳集選六卷	清	許夔臣纂輯	香豔	二三
觀劇絕句三卷	清	金德瑛等撰	雙棧景閣	六七
合肥三家詩錄二卷	清	譚獻選	半廠	九七
同岑集十二卷	清	李夏器等輯	吳興	一二三
甬上高僧詩二卷	清	李鄴嗣選評	四明	二九五
四明宋僧詩一卷元僧詩一卷	清	董濂編輯	四明	三三九
四明詩幹三卷	清	董慶西輯	四明	三六五
丹溪詩鈔二卷補遺一卷續鈔一卷	民	胡有恂續輯	樸學齋	三九一
復園紅板橋詩一卷	清	吳修輯	武林掌故	四三九
惺齋詩課一卷	清	永瑔撰	百爵齋	四五三
武林新年雜詠一卷	清	舒紹吉等撰	武林掌故	四六七
南屏百詠一卷	清	張炳輯	武林掌故	五〇九
東山詠和集二卷	清	錢謙益輯	虞山	五二五
湖舫詩一卷	清	沈奕琛輯	武林掌故	五三九
南湖倡和集一卷	清	章世豐輯	武林掌故	五四九
官閣消寒集一卷	清	嚴長明撰	咫園	五六三

泉亭倡和集一卷	清	阮亨輯	武林掌故	五七五
秦亭山民移居倡和詩一卷	清	周三燮輯	武林掌故	五八三
養素園詩四卷	清	王德溥輯	武林掌故	五九五
同文集一卷	清	黃超曾編	房山山房	六四三
摛摛集一卷	清	萬繩棧撰	喜咏軒	六五三
宋臺秋唱三卷附錄一卷	清	蘇澤東編	聚德堂	六六一
松吹讀書堂題詠一卷附小松吹讀書堂題詠一卷	清	杭械輯	武林掌故	六九一
隨園雅集圖題詠一卷	清	袁枚輯	邈園	七一五
鑿公精舍納涼圖題詠一卷	清	朱文藻輯	武林掌故	七三七
西溪梅竹山莊圖題詠一卷	清	章黼輯	武林掌故	七五三
絳雲樓印拓本題辭一卷	清	沈澹撰	十經齋	七七一
橫橋吟館圖題詠一卷	清	許乃穀輯	武林掌故	七八一

wt85/06

吾
炙
集



吾彖集姓氏目錄

錢後人曾遵王十二首

太倉黃翼子羽二首

南陽鄧漢儀孝威六首

合肥翼鼎孳孝升二首

勾吳沈祖孝雪樵一首

廬山光熊幻住一首

宣城唐允甲祖命二首

廬陵趙疑國子一首

秦人王天佑平格一首

舊京孤臣一是二首

皖僧幼光六十八首

舊京胡徵靜夫三首

宣城梅希約司一首

楚江杜紹凱蒼略二首

江上張項印大玉三首

建昌黃師正帥先四首

舊京王潢元俸六首

東海何雲士龍八首

西江牛衲澄之六首

橋社吳時德不官七首

侯官許友有介一百七首

多月

虞山叢刻

吾彖集

虞山蒙叟錢謙益撰

錢後人曾遵王

秋夜宿破山寺絕句十二首

禪房花木蕩窮塵白髮觀河喻往因省得浮生俱幻泡山光潭

影即前身

曲徑荒涼石壁開山風暗拂舊經臺冷澗水清如碧何處龍

歸鉢裏來

劫盡灰飛變幻空陶輪世界任颺風寂光定處常無恙樓閣依

然右手巾

空庭月白樹陰多崖石巉巖似益羅莫取琉璃籠眼界舉頭爭

忍見山河

嘲鴿西飛倦又還石幢雲影度空山世人不識陀羅臂只在如

來顛倒問

空堂印火自然明山鬼窗前踏葉行十笏室中無語坐松風吹

落木魚聲

古梁斜月照經函忍草侵階悟舊參彌勒夜深還一笑長明燈

下許同龕

夢裏羣羊見負魚金鈴羯語受風初乳旁自有光明穴夜夜幽

窗照讀書

疏牖斜開對病僧閒看飢鼠噴枯藤馬兜門內依稀在卻是無

人喚百升

三劫茫茫灰亂飛蒲團錫杖且相依微光那肯開來去雞足山

頭守佛衣

長廊盡處虎曾過深歎年光一擲校閒倚殿南瓔珞樹額乾有

約笑難陀

多

虞山叢刻

蓮華法界萬松西靜夜圓音解宿迷便合洛陽城北住問來點
筆記招提

每觀吳越問名流詩字句變續殊苦眼中金屑秋燈夜雨
泊舟吳門從扇頭得遊王新句不覺老眼如月因語郭指
曰詩家之鋪陳攢麗裝金抹粉可勉而能也靈心慧眼玲
瓏穿透本之脂性出乎毫端非有使然也莫取琉璃籠眼
界舉頭爭忍見山河取出世間妙義寫世間感慨正如切
利天宮殿樓觀影現琉璃地上殆所謂非子莫證非我莫
識也正欲摘取時人清詞麗句隨筆鈔略取次諷詠以自
娛樂遂鈔此詩壓卷名曰吾炙集復戲題二絕句於右
籠眼琉璃映望奇詩中心眼幾人知思公七尺屏風上合
寫吾家斷句詩

高樓額粉笑如雲還益休隨慶喜臺大叫會孫莫驚怖老
夫還是武夷君
二虞山叢刻

丙申中秋十二日蒙叟題

太倉黃翼子羽
渝城度歲

風俗他鄉異巫歌達四鄰江明無月夜猿喚不眠人春屬生兼
死年光臘帶春客中艱一醉辜負物華新

江明無月夜猿喚不眠人昔人所謂文外獨絕有人云此
中唐句法耳殘夜水明樓非少陵語耶如此論詩正未夢
見在

村居雜詩

新桐庭院日遲遲少睡如期飯罷時一酌夢魂回萬里竹雞啼
殺武侯祠

南陽鄧漢儀孝威詩名燕市酒人篇

花朝飲張惟則郎中

花時聯騎過春城不飲空辜燕市名金甲御溝芳草路銅駝故
里落花聲偶因紅袖香塵暖卻對黃鸝夜月明文酒十年雙鬢
在秣陵楊柳更關情

金甲御溝芳草路銅駝故里落花聲絕似金人元裕之李
長源風調今人動稱盛唐李杜偶人衣冠何足以知此

乙未都門元夕卽事三首

千門朔氣隱蓬萊元夕春風雪裏回士女競傳燈火節衣冠齊
倒酪漿杯平陽雲暗珠圍冷太液波寒畫角催消息九關嚴鎖
鑰君王親上晾鷹臺

亦復莊嚴如應制之作所以為佳

東華燈市久闌珊靈佑宮前集寶鞍何處盤桓猶舊內近聞花
夢關長安龍驤耶第香塵暖燕展歌鐘子夜寒誰向天門頻痛

三虞山叢刻

奕太平風景勝三韓

昨夜居庸盛料兵牙旄千隊出都城樓船自威金焦港駝馬誰
連瀚海營火樹通宵明戰地檀槽一夜起邊聲辛勤萬乘親馳
擊滿萬生兵舊有名

過池子河城舊

一水逶迤滿塞沙昔年曾此闢繁華園林夜雨孤千隊城郭春
陰鬼萬家王謝已銷朱邸夢魚龍空識御溝花淒涼日暮笙歌
盡老樹悲風起黑鴉

園林夜雨孤千隊城郭春陰鬼萬家淒涼慘淡可泣鬼神
矣

三月十九日感事

腐儒雨度滯京華日落園林慘暮笳一似東風能解意韋祠不
放海棠花

合肥冀鼎華孝升

李威泊路河奉寄二首

惜別未絃欲罷彈側身天地未全安路經分手風煙改香息當
門出虛難鐵甕一軍江樹暗銀簫五夜酒杯寬離亭日落休回
首柳市車塵已耐看

落花亭院久經行芳草淒淒滯客程勝日尊盤虛北海清流風
俗尙東京鄉心葭莢輕鷗路兵氣關河杜宇聲同學十年頻雨
散牽衣那盡故人情

勾吳沈祖孝雪樵

廣陵曉發口占
長途千里戒行初鶴髮中宵試一梳關吏雞鳴仍出客可憐奉
法不曾疏

廬山光熊幻住

普照寺純水僧房次壁間韻

江天架破晚氛濃何處隆中膝可容獵火亂燒無帶草林霜不
殺有心松雞催枕上多生夢獅吼牀頭子夜鐘舊隱碧山梅幾
樹別來無恙倩苔封

獵火亂燒無帶草林霜不殺有心松異哉若人非無帶之
草而有之心之松也傳曰隕霜殺草記曰如松柏之有心競
病武夫何以通知經術尤可異也人傳其哭兒詩云身經
刀過頭方貴屍不泥封骨始香沈著痛快一字一血今人
點筆便稱唐詩良可以塞口矣

宣城唐允甲祖命

追從路可期不及
習池舊侶已蕭蕭空返山陰雪夜朔邠泰亭中知跡掃袁宏江
上有人招芳簾翠篠封蛛網細雨疏燈夢鹿蕉歸去故山高處

臥月明千里聽吹簫

讀次履和其章詩疊韻

辟芷香離佩久殘勞君青眼獨相看馬牛潤俗頻呼我龍鳥隨
人任紀官貝錦織成風雨急鹿蕉夢到鷓鴣寒蛾眉縱遠難辭
詠莫道東山有謝安

二詩穩熟可誦

廬陵趙疑國子

讀列朝詩集敬呈牧翁夫子
文明昭周代聖瑞肇尼父素王符火德光芒垂萬古一經繼六
義爲史兼存魯以茲經史法遂開詩史譜人之神在火文字從
心吐煌煌中華色不能安他土真火假麻戎一療乃化腐所以
赤帝與斬戡哭鬼母丙丁每不靖甲乙移賓主追尊首出人
德慕神武廬山託南服乾離瞻二五運會邁斯辰陰生厄當年

頭白爲汗青

頭白爲汗青載筆良獨苦洪惟我文明奇書成四部詩才比史
料萬斛資巨賈冒以列朝稱功德垂堯禹大雅零落盡愀歎失
朋侶元氏集中州程子慕規矩詩與人並見傳略亦因視借哉
徒草創委別竟如雨燧也誠火精薪盡傳猶炬奉爲一代光歷
代無過許聊以寄哭泣哭泣在詩祖嗚呼但言集史職臣是補
中州畢歸藏吾代泣疆圉於時爲朱明強盛此其敘金鏡未墜
地球囊重理取兩丸跳大塊一線準勾股毛子實功臣布之方
策舉得免融風災一同壁藏所用晦存吾明流布擬傲羽世人
爭購讀庸眼終盲瞽翻笑鐵函經沈淪當世語小子亦野乘敢
擬愁老杜置身丁運中心聲蓮花府歌鳳與泣麟能言比鸚鵡
弄曲哀江南圍棋思別墅秋風詩疊壯慘淡望旗鼓

秦人王天佑平格

奉贈廬山公四十韻

德昔雅熙日先生觀國寶文章通紫極甲第重青春運否天心
見朝危亂賊伸攀髯悲聖祖主器震冲人羽翼商山績推求時
兵燹權歸奄尹稟交結聖娥親死黨名驃騎淫祠徧海濱封章
南斗貫矯詔北司噴銀鍊剪羅吉膝脫殺寶陳誰能同脫冤公
幸保酒麟代邸重光始潢池發難頻疆場多孔棘明主獨勞神
鷲列皆尸位榜材每積薪虛名疑故舊實禍起臣鄰機械衰
冊恩雙牛李屯借端錄取士下獄豈存身炎暑飛霜烈兒童
淚新崇寧深網釋元祐巨碑泯北闕天崩拆留都事苦辛千尋
空鐵鎖六代入秋旻江水仍連漢柴山不拱秦典型留大老
曠醒斯民劫火燒編簡皆穿鬼燐兵殘遺跡在手散萬金
寂寂磨屋宇冷冷拂水瀕冰堅碩果物換獨星辰妙悟精禪
槍憐才訪隱淪狼儒逢世變古道是家珍史續蘭臺業詩追工
部靡有親歎負米何意夢垂綸酒缺愁陶令耕難誤鄭真吹

六

虞山叢刻

非野性減刺避延紳天地雙斑鬢江湖一白頭窮途胸鬱鬱終
歲走踈蹤傍嶽瞻夫子春風坐此辰騰驤空冀北拭土出延津
甘寂潛夫論高標國士倫前模須後勁合轍不傾輪孤月翻治
海雕雲兆紫宸願從搜石室相見一沾巾

舊京孤臣一是

三月十九日詩二首 原十首

造次煤山重上賓血衣猶自念吾民詩書以內何曾見婦寺之
中亦有人縱死已知無所贖此生皆是未亡身空餘遺恨填青
史野老年年哭暮春
滿道豺狼行路難寢園無處問祠官一成何地能興夏四海誰
人學殺韓自是諸君皆俊物盡教今日改南冠漢家飛將全非
昔父老空聞古築壇
又云何事春陵猶未見最憐靈武竟無望腐儒欲問興亡

理誰信悠悠是彼蒼
皖俗幼光
冬至日同介友二師陪成山先生禮塔夜見塔光口號

卽事

裴公禮塔日初長佛號魚聲夜繞廊月出殿東清梵合霜侵
上戒衣香多生緣共依三寶珠死心還待一陽不是虞山真願
力宵深爭覓白毫光

詠史詩五首

弘光元年避黨稱作

魏齊昔得罪六國無容身亡命走大梁虞卿義相存赫赫魏相
剛棄之如埃塵所重成卿義魏齊豈足論吁嗟樊於期困窮來
見奔荆柯利其首面之歸西秦已悲既不遂空傷急難人

古人多迺遭連遭亦何傷淮陰求期時釣釣空復張既遭亭長
厭浴醜淮水旁漂母爲進飯竟標以爲營所哀王孫仇圖報非

七

虞山叢刻

所望隆準亦推食志在垓下償英雄盤中粒豈得輕充腸惟有
漂母飯千載長馨香
煙穴產火鼠養子赤焰燄雪嶺有冰蠶營滿苦寒邊所賦既有
定炎冷終天年如何人性殊晚節多變遷事會一朝異平生甘
棄捐所以盛名士遺世以自全范蠡豈不死子房詎能仙暮年
無人見千載稱其賢

脫輅封婁敬一語相千秋陳湯斬郅支終身爲繫囚天子心見
知刀筆縱誅求兩臂不謂仲有急詔其謀算敵如鬼神終焉勳
不酬何況李將軍尺寸功未收空遇漢武帝坐令李蔡侯
漢宣續鴻業丙吉寬獨賢周旋郡郡獄夜半詔不前曾孫既卽
位絕口莫能言陰德享其報功昭命亦延重耳有晉國理數俱
已然從行邀上賞豈日非食天惟有介之推不受綿上田
春興五首

116 101

芳草鶯聲歲歲同春光又入上林中昆明柳色虛掩兩長信梨
花自逐風杜宇隔年啼建業天狼終夜照崆峒綿綿青草長安
道使節迢遞去不通

漢家陵墓在西山迢遞居庸直北還半夜鬼神通出護千年松
柏許誰攀帶刀衛士今登龕放馬胡雛任入關列聖齋宮氛祲
裏可憐霜露溼龍顏

江南節物正芳妍草色還驚入舊年玉歷半道周甲子金甌無
復漢山川人來白下花全散夢到函關月尙圓昨夜東風寒食
近中原會不禁狼煙

憶昨烽塵暗斗杓甘泉此夜尙臨朝九門肅肅金吾靜三殿沈
沈玉漏遙日落煤山收王氣雲礮宣武駐天驕先皇御榻焦勞
地想見爐香滿眼飄

長安迴望大明宮傳道千官拜舞同刀筆未全更漢吏衣冠有
意厭華風虛聞趙國誅王衍敢擬元家戮信公都尉蘭山真不
死武皇何處負軍功

重過沈聖符村居
涕淚驚看雙鬢存吹篴猶識舊王孫橋邊雨過初無路宅後人
稀早閉門古樹悲風鳴絳葉空村白晝易黃昏三更鬼哭多相
識腸斷誰招澤畔魂

夜渡
困震澤月餘得闕中信時虛信甚嚴晝伏不敢行以

夜渡云
辛苦南奔客宵征寄野航作霜片雨住過水一星長人語近溪
滅漁燈出浦藏前山間有火相戒勿鳴榔

過昌化感舊四首
山縣早收市城西問昔居樓酬沈約詠碑是蔡邕書萬事消烽

火三年變里閻老僧頭白盡不記舊相如
老瘦全非昔逢人亦自疑忽行荒墓下憶起獨吟詩賦價山僧
定詩名小吏知分來陶令米堪作數晨炊

僧眾何年散經行路已蕪人稀朝閉殿犬靜夜眠厨客舍匡牀
折鴉巢老樹枯門前沽酒女今已學當爐
欲尋問道去杖策此徘徊子思家病門人冒雨來芋糧分客
飯簾帽倚僧裁更得闕山信愁顏爲爾開門人王生助

睦州道上示新安穆秀才修玄二首
萬里雙芒屨千峰五尺藤水村朝聽雨山店夜留燈客病途中
健鄉愁醉後增平生不盡意辛望中興

屈指關中路瞻星去轉賒古橋生石齒細草結冰花絕嶺驚人
掛空村怪鳥譁吞聲是國恨原不悔傾家

衢州遇韋劍威
落魄三衢市胡塵與淚痕對人聲盡變怪我髮猶存生死渾閒
事衣冠是聖恩吳江血已碧猶自問王孫謂仲

贈黃仲聚參戎
猿臂開弓三百鈞殿前御試射如神黃童本號無雙士先帝親
除第一人久駐山城參鬪舊坐看旌纛出關頻將軍不羨通侯
印誓復新安把釣綸時新安方陷黃童官

同韋劍威徐欽玉度仙霞關二首
海日理荒霧嚴關已放晨行隨磨鏡客吟逐諷詩人堦草纔經

火巖花誤作春香燈明半嶺爭拜五通神
霞關今重地度險客心驚成廢行人歇樓荒野雀爭殘虹收鳥
外吼瀑斷猿聲過盡蕭條路將軍駐浦城

閩江卽事二首
積石疑無路長年去不違響高灘漸至招閩人舟首有定舵如

九虞山叢刻

飛估船懸軍幟漁竿掛婦衣鄉思何處訴人語聽全非
客心愁不極恣意橫師眠人自淚中下舟從巖際穿滅餐施渡
叟歌纔助鄰船風雨何嘗作聲聲在耳邊

初達行在

萬里南奔意越起赴闕初功臣營大內邊吏望乘輿建武元先
改澶淵詔似虛難餘饒涕淚羞上賈生書

秋興六首

東望龍蟠哭孝陵漢家園寢許誰登銀河不動浮金雁石室長
明閉寶燈白鹿書騎黃屋裏青松曉出碧雲層如今衛士芟夷
盡人上鍾山放海鷹

金陵佳麗六朝傳歲歲春遊豔少年月吐長干浮白夜花飛寒
食踏青天珠簾燭影搖燈市寶扇歌聲緩酒船今日滿街嘶鐵
馬垂楊可繫舊秋韉

哀

十虞山叢刻

江南行樂古長洲畫舫青娥憶昔遊茂苑鸞嬌花過兩虎丘月
上寺新秋黃衫戲鼓番商船紅燭調箏燕子樓得意酒壚人散
盡永嘉誰紀舊風流

記得雷峰日向低停橈多在斷橋西淺沙紫蟹銜霜出高樹玄
輝帶雨啼度曲夜沈青雀舫吹簫人靜綠楊隄可憐歌舞隨煙
散愁聽吳山立馬嘶

越東烽火羽書稀潮落錢塘王氣微五夜樓船航海疾千羣胡
騎渡江飛耶溪花繞吹蘆管禹穴祠荒掛鐵衣聞說君臣樓絕
鳥金盞山寺幾時歸

荒村林麓逐江涯小艇纔通水竹斜幾度客中逢燕子何年春
盡別梨花鄰牆曬網漁人屋獨樹維舟處士家亂後柴門終不
改朝朝兄弟望歸槎

宮詞六首

比問宮中疎布辛勤如一日也北狩之禍天乎人耶
追思之令人痛絕

內使承恩新置機詔傳大布織龍衣六宮羅綺無人著勅與元
戎繡將旗

光祿虛聞進八珍君王蔬食已多春黃衣小監閒鋤地御苑時
供菜甲新

宮漏沈沈迴未眠大家烟燭在甘泉遙瞻御筆珠簾裏夜半頻
開手詔傳

旌旗十萬護乘輿二聖軍中共起居長信宮人騎馬出從龍只
有五車書

外廷草奏晚猶通侍史門封五夜同傳道君王看不及黃羅親
裏送中宮

初看佛院有輝光勅使傳燒內殿香日午宮中雙輦出金蓮影
裏送中宮

哀

七虞山叢刻

行脚詩三十首

裴拜空王
佛法人情兩未通麻鞋蓋袋任西東衣冠莫笑當場戲棒喝難
施半死翁往事是非都說夢新年憂喜但書空雲山何處堪行
脚依舊臨江哭路窮

逢人又手話南宗笑殺諸方老凍儂絕迹孤峰從不到轉身洽
游豈能容情知廣額刀難放却詩曹溪確久春消息杳然香欲
燃城西正打五更鐘

瘧灰死盡志初降夜半披衣禮法懺戲把開身藏北斗笑開大
口吸西江布毛吹去無多子芒屨穿來定幾雙好趁此時重抖
擻莫教辜負月當窗

無端歌罷總成癡飄笠隨身縱所之普化雲端羞振鐸寒山壁
上怕題詩野狐到底歸槽廠貪女安心賣策離半在人家半在

寺行藏儘教世間疑

重到江南花漸稀
愁看柳絮漲天飛
殘經繙過吹松火
破衲穿時覆葛衣
明白化城無路去
等閒田地幾人歸
近來頗會牽鈞法
不坐蒲團坐釣磯

粥飯隨人生計疏
偶來野衲許同居
幾回塵夢迷蕉鹿
猛覺灰心是木魚
茗熟喜逢高士至
菜香多謝道人鋤
判將老筆修禪史
又被圓通戒著書

踏翻大地幾吾徒
笑指菰蘆興未孤
最喜龍蛇隨處雜
可知牛馬任他呼
倦來那覺繩牀短
飽後還嫌夜飯麤
巖樹是非關底事
漫勞分別問榮枯

過鳩經旬帶雨啼
沿河芳草踐成泥
何時火改茶初焙
幾日天晴夢已齊
吾道半歸滄海上
好山多在楚雲西
出門望斷原無事
到曉江頭一杖藜

天

虞山叢刻

桐帽棕篔自偶借
尋山何處有茆齋
但容折脚親支爨
得覆匡床手縛柴
佛法難憑長脫略
故人相見且談諧
常時開口防疑怪
那得臨風一放懷

赤脚拖泥日幾迴
到頭一句口難開
荒涼野寺鳴鐘過
慚媿貧婆送米來
爲覓因緣穿酒肆
欲傳心事畫爐灰
長街走盡無人遇
又向西風痛哭回

留得龍鍾半死身
今年亦肯敢云貧
飄零花鳥誰爲主
憔悴雲山定幾人
古廟有爐權過夜
老僧無婦慣傷春
荷衣每日臨江洗
莫教沾他市上塵

空中花雨日紛紛
莫道無聲隔界間
推倒泥神尋佛拜
收來牛骨換香焚
懶登挨子師青鳥
夢青鳥而得師公會
仗諸天起白雲
山廬久矣好水好山
吾自領肯容俗漢與
平分郭北村南信脚
跟當歌欲放忽聲吞
去來未必真遊戲
成敗何

須細討論不爲長
飢投米店豈因多
病叩醫門時有二居夜深
別有傷心伴叫絕
西山幾個猿

亂去林泉一半殘
藏身那得竹三竿
飢寒總被婆心誤
笑傲常防冷眼看
未許片雲黏杖背
求寸土放蒲團
飄流合是吾生事
紙衲荷湯夢也安

閱盡滄桑是等閒
終辭天半又人間
老年湖海偏驚浪
家世煙霞厭住山
豈有拈提憂惑亂
但憑伶俐笑癡頑
此生未了他生了
親見黃龍不問關

誰信靈山有別傳
偶然擔飯漫談禪
餐眠似得真三昧
功德休爭第幾天
香積屢分施鴿飯
竹筒時乞賣魚錢
白牛不用強調伏
鼻線隨人自可憐

閒來倚杖聽江湖
蘆火汀煙未寂寥
幾處棹歌傳北調
數株枯樹說南朝
貝經一軸聊遮眼
黃篋三條只束腰
同學故人書信斷
幾時垂釣接詩瓢

天

虞山叢刻

自笑顛狂白解嘲
偶思長嘯亂荒郊
放生有願收蟲網
續火無薪落鳥巢
路滑石頭還撥草
菴成枯木漫誅茅
中宵得句尋僧賞
正到柴門又嬾敲

祖庭秋晚野狐啼
龍象紛紛醉後逃
白髮豈能容大隱
青山幸不礙方袍
帆歸海島風嘗變
客去松關月自高
一卷法華隨意讀
旁人錯聽是離騷

參方老去漸蹉跎
的的西來意若何
誰是大魚能破網
敢言活水不興波
報恩臨濟三拳少
得法天龍一指多
半句投機吾事足
漫勞高座辨淆訛

夜半驚心毒鼓鳴
爐煙深處拜袈裟
當時誤訂盧生楸
此日難栽石上花
學道未能全十忍
罷參且聽演三車
天涯不用哀窮子
何處乾坤是我家

回首雲邊斷雁行
獨樓無夢過瀟湘
誰留丈室親龍
峯自別名
山夜罷香月山亂
峰間大吠泉施通
國縱子狂禪心死
後原無
事只在西天禮覺
王

傳道孤峰有磬聲
踏殘山路轉傷情
一階鬪虎留泥跡
繞樹飢
鴉訝晚晴佛座半
欹無力正龕燈欲
暗幾時明出頭天
外漢涼
久誰共貧兒結伴
行

莫作悲歌意懶聽
舊遊此日半凋零
住山幾個甘餓斷
酒多
年怕獨醒秋盡獵
人憂虎瘦春來海
客厭魚腥有誰問
我休心
法授與靈均一卷
經

來去穿雲五尺藤
好峰精刹我頻登
碧天萬里同明月
丈室千
年宿一燈頭白尚
容還故國眼枯不
敢望諸陵緇衣莫
制人間
淚原是前朝剝染
僧

啼笑非時可自繇
正傷春去又驚秋
山中有伴惟馴虎
草際無
人莫放牛誰到懸
崖真撒手幾從黑
海辨回頭冥冥雲
霧多神
物應待真僧一鉢
收

衰病由來自苦吟
年纔四十鬢毛侵
長期匣鏡開生面
忽對爐
灰竟死心幾度夢
中哀武水無端天
外雙山陰平生師
友摧殘
盡不向人間再鼓
琴

生成黃面老瞿曇
托益栖山事未諳
鳥道艱難吾獨去
蠻方辛
苦舊同參經行有
地鄰冰井詩痛哭無
舟載雪菴灑淚別
來成
底事誤人芒屨是
江南

瘦竹枯藤信手拈
何時扶上祝融尖
山靈有誓期無負
佛法將
興鳳兒占誰借鬪
飄容我住長懸袍
帽被人嫌算來寒
拾同流
少莫把浮踪到處
淹

多年家信始開函
笑脫青州鶴臭衫
坐對空宵忘月指
閒聽野
衲辨風帆大師幾
處懸心印高士經
時換道銜咫尺牛
頭吾不

到遊人狂說獻花
巖

舊京胡蝶詩夫

深秋山行書所見

誰家摘豆女應立
藉藤架過客獨先
知回身喚鄰舍

別山家牡丹留題

牡丹未放客將回
詩立蒼苔漫舉杯
誰使花神知別意
臨行爲
我一分開

我一分開

度山槍歌上大宗
伯牧齋夫子

矯矯度山槍天挺
虬龍姿高柯應北
辰清風貫四時百
草萎霜
困趨鳩羣萌向暖
復葳蕤獨此潛根
凍整走依然拔地
蒼雲垂
樵人礮斧揚敢近
神物抱節誰能窺
我時翹首不得見
再拜先
生冰雪儀丞相黃
冠指南錄尙書赤
鳥居東期七年遙
隔杜鵑
夢二月重逢楊柳
絲花霧霏微舊陵
關白頭喬木兩含
悲

夢二月重逢楊柳
絲花霧霏微舊陵
關白頭喬木兩含
悲

宣城梅蕊約司

邀蔡大美高夢姑
食魚膾歌

裴人治魚魚跳梁
咄咄落礎飛雪霜
和脂去骨用刀細
釜煙未
熟椒蘇香念邀蔡
老同此味連句饗
頭斷酒漿解衣欲
贊春寒
峭因顧徒手空傍
徨不如折簡速蔡
老兼請自攜求共
嘗比屋
高生深飲致有酌
何可無其狂供具
雖荒七箸多空盤
相對殊
無妨憶昔金陵羊
肉美厥那精饌競
雙旨孟良醃醃與老饕流
詠布人間倏忽顧
別州又死我輩懼
笑須努力倘然齷
齪達者
取明日梅花溪上
招莫惜春泥沒展
齒

楚江杜紹凱蒼略

奉和牧翁先生贈
舊校書二首

朱樓十里起雙扉
物換星移似鶴歸
怪底新人都煒燼
老來能
著水田衣

朱樓十里起雙扉
物換星移似鶴歸
怪底新人都煒燼
老來能
著水田衣

朱樓十里起雙扉
物換星移似鶴歸
怪底新人都煒燼
老來能
著水田衣

朱樓十里起雙扉
物換星移似鶴歸
怪底新人都煒燼
老來能
著水田衣

朱樓十里起雙扉
物換星移似鶴歸
怪底新人都煒燼
老來能
著水田衣

朱樓十里起雙扉
物換星移似鶴歸
怪底新人都煒燼
老來能
著水田衣

朱樓十里起雙扉
物換星移似鶴歸
怪底新人都煒燼
老來能
著水田衣

朱樓十里起雙扉
物換星移似鶴歸
怪底新人都煒燼
老來能
著水田衣

朱樓十里起雙扉
物換星移似鶴歸
怪底新人都煒燼
老來能
著水田衣

朱樓十里起雙扉
物換星移似鶴歸
怪底新人都煒燼
老來能
著水田衣

朱樓十里起雙扉
物換星移似鶴歸
怪底新人都煒燼
老來能
著水田衣

朱樓十里起雙扉
物換星移似鶴歸
怪底新人都煒燼
老來能
著水田衣

北里明提舊話長句關處處說焚香於今瓦礫風榛地祇斷橫
刀湧子腸

江上張項印大王 大有頭陀也

秣陵烏龍潭呈淵園主人三首

畫闌凭水步徐徐鏡裏藏身兩月餘倚樹愛聽宣法鳥臨淵不
羨放生魚別情未割愁春去好景難忘逐日書何事故山猶入
夢雨前雨後界茶初

消受煙波與月明一春詩夢水俱清花開花落去來蝶柳暗柳
明朝暮鴛鴦牧馬人歸夕陽影報鐘僧打渡潭聲莫愁覓渡無蘭
漿桃葉春風久斷情

來時梅雪正霏霏繞見紅肥又綠肥柳陌狂狂鋪春暮絮難垣俱
著夏初衣鷗惟空澗無他戀燕亦炎涼別處飛猶幸杜鵑聲未
喚王孫雞倦亦忘歸

亥

六 虞山叢刻

建昌黃師正帥先

小桃源山居詩四首

買山端為好藏書校勘丹鉛慰索居未醉亦言卿可去相過先
問客何如紅疏藥徑尋詩處香漬蒲汀洗硯餘不欲種松知歲
月年光自分老蟲魚

停雲零雨感天涯臥着仙源萬樹花鄰舍飯香炊蕙苒野人藪
美炙片芽傳書每倩司扉鶴押字能驚沸沼蛙栽菊藝桑吾事
了石田空種故侯瓜

新蟬響壑樹先秋煙梵沈沈靜夜流自覺據梧方喪我何須墜
齒更盟鷗移山愛著愚公號逐日兼無夸父愁聞道仙人多玩
世竹間舒嘯有高樓

嵐光霞氣繞青林投榻松根抱膝吟飲澗野麝歸洞晚隔花鳴
鳥語煙深交多谿友邀論釣社結山家約會琴為愛躬耕從避

世遙遙沮溺是同心

舊京王漢元倅

辛卯仲春望日先子禱除槍焉有作

小宛鳴鳩亦戾天每懷遺訓涉冰淵守株未改三年道負耒聊
耕百畝田老許破愁寬酒醜狂虞衝口憤詩篇放翁絕筆猶堪
憶家祭無忘尚杳然

丙申時令詩四首

元日出南郭

卑棲常藉一枝巢不用稽疑翫六爻鏡裏白惟添斷髮城邊綠
已徧荒郊年因日改懷初服星到晨稀感故交共惜衰遲風景
駛好春從此莫輕拋

立春

東郊殘雪踏芳辰屬事編年在丙申吹管土牛初應律鳴笳鐵

亥

七 虞山叢刻

馬向飛塵雲霄未必逢三素風俗猶然薦五辛白笑君平真棄
世等朋又見一回春

三月十九日

晚山宮車親聖顏蒼梧猶望白雲還乾坤萬里存三戶虎豹千
羣失几關鶴馭已升神未遠烏號雖墮邊難攀江南花落鵑啼
候野老年年哭蔣山

閏五月初十日

雖慈自古帝王旰履殿陽然倍黯然西望長陵新莽日南尋禹
穴少康年山盤龍虎含朝氣草蔓齊梁宿禱煙鐃鼎乘雲逢再
開獨并鎮藻拜堯天

壬子鍵戶詩

老至學詩篇愛與聊為爾羔雁不藉茲夸毗良可已竊恐人與
詩亦各相張裏管彼麟鳳姿此是毛與趾人理苟不虧詩纔堪

半士能令異世下搜羅及片紙庶不墮身名云胡不自砥無亦爾所生修身以俟死勵志兼責躬維以告君子

讀王子鍵戶詩可以知其入矣長篇刪為九韻而全詩意盡於此

東海何雲士龍

士龍徵表歸來相見已隔生矣婦見余喜賀曰公門下今日纔得此一入余日如得習鑿齒才半人耳婦問何故余笑曰彼半人即我身是也解裝得新詩一卷才情意匠若老雄健尤喜其七夕行感激用壯有玉川子月蝕之遺音他日采詩可以繼元和之後庶非如西臺并史之流幽憂偏塞與吟蛩寒蟬索然俱盡者也錄以升吾炙集藏之篋衍中并不與士龍見之或當村醪沈醉後放墨漆屏風上供雜毛筆草書耳

多

虞山叢刻

七夕行

歲在旃蒙律中林鐘皇帝俯仰羣臣請建國立廟闕海東孟秋改元曰隆武舊疆戎索續祖功仲尼載筆修傳史五始立義尊王風改時改月古則有王周正月萬國同況乃二后受成命燠柔百神憑顛穹立召何芒替尊收自帝焉敢爭豪雄從丁至丙一句畢帝以開六月二十七日即位丁未御辰以多難故自夏不復從臨年改元之例詔下日草莽盡傷之也自夏徂秋萬感攻天上佳期漏永永世間人口春融融微雲微瀟河漢細雨細細來空濛蟾蜍向誰矜爪距烏鵲枉爾傷頭童不見門郊戎馬過更聞十室任軸空率牛服箱宜駕輓織女鳴機習女紅傾刃台辛嘆晚晚胡為慵情嘆天公或云天孫昔下嫁亦若上姬車肅離絳節竟旌來杳杳懸輪羽駕歸歸匆匆年仇離詞已重隔河相望情何窮維下土兮芒芒我視天兮夢夢呼有疾兮不聞聽離卑兮誰聽昔將鵲首賜羸氏帝時沈沈宿醉

濃高張酒旗酌北斗忍令冠帶之國高戈大戟相撞春醫開電光倚玉女偷騎龍馭欺獅翁跳跟當關恣赤虎邀勒息摩傾黃熊我問王者父事天為天之子萬邦國家三百年柴燎告成功致孝亦已豐佳兒佳婦置何許傷先帝縱養驕子恩偏崇日兄月姊違救恤坐視同氣遭殘凶眼看烏兔至微物乘機吞昭不相容監國之月乃知區區一女孫長令隔絕夫婦非至中嗟爾肺附尚如此矧茲下民叫噪不異羣保蠱煩冤一寸心竊比下臣全願迴高聽鑒此樓樓非類神弗飲天應誘其畏高誦黃臺詠抱辜願天勿學虞腹腹頑且矇絕魯王斷取旄頭獅海外淨洗腥穢驅豐隆屏除殘賊投諸裔復我明辟歸於桐主豈由來屬長子折柱無事憂其工白首再見風塵清不辭為天吐氣如長虹玉梯崑崙不可拾絳章裔悅誰為通自傷物類至細瑣薄命敢恨飛廉擁淺身逝將東去海矯首肯逐北飛鴻

多

虞山叢刻

雜題五首之三

哀江南兮魂未歸滄江水上有楓明河澹澹兮華星隴隴我心悲兮何時終嗚呼我心悲兮何時終

賭墅潭如昨歌鐘杳未期人煙秦地少草木習時疑塵夢悲風后逢迎待雨師古來有雨翠係安危并諷謝將

我師臨戰伐消息似陳陶血染皆黃土屍橫近賊壕千官喧露布萬國困腥腥前席誰流涕文思明主勞杉關之役死傷相枕甚矣藉舉朝方賀捷蓋將

炎方迷四序涼雨類三吳梅蕊先冬放桃花過臘枯詠求窮鼠穴割剝到蜂鬚建國乾坤正退陳禮俗殊閩俗食鼠尤

觀棋示張聚生二首之一

暫息征塵豈偶緣若從吏隱我逃禪開看牛關輕於蟻靜覺人聲沸似蟬幾見冤魂成燐火始知劫燼是烽煙桐柯山下休回

首長作樵夫便合仙

除夜寓光孝寺

不向空王託此軀，卻成佳節似窮途。匝天烽火欺殘照，戶月光冷舊符子。夜鄉心勞去夢丁，年世難恨為儒嶺。梅休報春消息，剩有啼鵲血未枯。

丁亥元日

五千里外思歸客，四十年來病渴身。碧海周遭長在眼，白雲飄漫一窟中。煙蘿應改當時色，城郭空餘昔日人。僧院擁爐成獨酌，始知辜負歲朝春。粵中用舊曆較遲一日

以舊曆為辜負，正是新人矣。

留別小妓張鳳

半載心期一夕休，曉風殘月恨悠悠。劉晨去後花應謝，蕭史歸時鳳少留。別夢易迷桃葉渡，離魂難上木蘭舟。秦淮便是天河水，為有張星在上頭。

次

三 虞山叢刻

水為有張星在上頭

西江半衲澄之 飲光桐城人，有田間集

初我柴靜志居詩話錢秉鏡字幼光桐城人後更名澄之字飲光有蘇山問集田問集德衍集錢澄之注飲光一名石字為本於院僧飲光下注桐城人存田問集而柳南草堂本注又入澄之下彼此出柳南於

已亥七夕十首之二

白帝乘權下九天，金星碧月競呈妍。鸞旂隱隱朱樓外，龍馭垂垂畫檻前。河上長謠皆鼓吹，機中錦字罷傳宣。迎來此度承恩後，爭抵睽違十五年。

聞說天河已駕橋，瓊環搖曳在璇霄。平臨玉漢開黃道，不動金波漲紫潮。雲海瓜期迎巧會，刀兵藕孔賀良宵。昆侖命析木龍宮，女手捧明珠慰寂寥。

呈虞山夫子四百之二

寒芒戰斗久迷離，霧重天南隱尾箕。鴻火三精迴宇宙，龍沙一柱壓華夷。平津事業開新閣，安石功名覆舊棋。暫駐江干望殘月，曉星早已動參旗。

興城春色自天來，虞仲山光帶雨開。鳳閣護雲時拂躍，龍箋賜墨尚昭回。宗彝祕器先經咏，祖笏堆牀近有埃。樂土不離塵世外，香光五采是蓬萊。

詠史詩三十六首之二

請葛孔明

臥龍雲湧起南陽，早已三分畫土疆。兩表出師千古恨，功名未遂姓名香。

趙子龍

當年單騎戰袍新，敗井垣中救主人。漫說一身都是膽，雨餘江上見青燐。

橋社吳時德不官 舊母集

雁字十二首之二

聯翩文采更風流，游戲雲端幾度秋。紅葉怨深先望斷，青燈工苦未經求。女媧石上堪磨勒，白玉樓前合逗留。漫道嗷嗷無定止，迴文直到楚江頭。

次

三 虞山叢刻

天風吹動列同傳，兵氣依稀掠九州。偶與斷虹連鐵畫，卻當新月借銀鈎。右軍池外翻春草，西子湖頭寫莫愁。聞道紀官蒙上古，莫將今代問公侯。

新柳

凌波弄色正芳年，默動春情不愛眠。遙望半遮高士戶，乘陰先計打魚船。歌鶯舌澀翻宜緩，浣女眉顰未敢前。莫怪當時曾賜姓，見他風度自生憐。

九月十五夜對月懷漢聲

九月十五夜對月懷漢聲

九月十五夜對月懷漢聲

九月十五夜對月懷漢聲

今夜中庭月清光更可憐
遙思故人處此夜亦遲眠
雁過書難定 蛩哀語不全
前宵曾對飲 雖雨未淒然

過張文寺隱處

苔徑逶迤破草痕
蕭然南郭似荒村
滿畦野菜纒生葉
近水垂楊半露根
著述可消閒
日月香光偏到小柴門
幽棲自是吾儕事
秦後桃花且莫論

招燕

吾廬堪寄託 不息復焉之
故主知何處 新雛已及時
當年林木盡 匝地網羅垂
欲得全身計 還來莫更疑

奇題鄭世貞竹閣

萬竿深處結茅檐
素好高居不待占
客到碧陰迷徑曲
鳥銜黃籜補巢尖
乘風清聽如流水
對月遙看恍隔簾
每憶此中堪結夏
燈前吟就落枯箴

炎

虞山叢刻

余幼卽有是集已久矣
今歲夏五從友人案頭假得此本
乃葉石君照牧翁原本所鈔
臨者因爲手錄而勘閱亦仍其舊云

丙申重五日吳越後人與國識

侯官許友有介

朱友堂集

丁酉陽月余在南京爲牛腰詩卷所困
得許生詩藉然日開每逢佳處爬搔
不已因序徐存永詩牽連及之遂題其
詩曰壇坫分茅異詩籍束符同周洛東
越絕許友入閣風世斷不難盡吾哀論
自公水亭頌翦燭撫卷意何窮周咨
吾字茂山明州人嘗爲余言許友者也
旣而聞之君子或過余言又題曰數篇
匪咄咄不愧老夫知本自傾燕燕於
于燕矣何嫌說項斯解嘲應存作欲殺
豈無詞周處臺前月長懸下令神余時
寓清溪水閣介周臺下祠之間

故洛句云兩

龍洞

怪巖幾千古 藤蘿掛其膝
有洞可行人 僅容六與七
謾謾皆秋風 炎炎無夏日
雲從洞口入 水從洞口出

白巖

爾爾幽奇絕 扶筇試一行
蚤露香初溼 秋雲薄未生
草木皆太古 巖壁無陰時
門外數畦穀 山僧自種耕

憶秋夜聽客彈琴

去年秋夜半 置酒高登臨
螢火照金井 潭光映素心
風寒生涼樹 脫葉如微吟
眠馬不成夢 偷作三兩音
秋色入衣履 白月穿疏林
相對存古意 深幽歸枯琴

擬元

結本鄙野士 性惟狎林泉
早居濮溪濱 樂以讓名傳
牧豎多識面 日與相周旋
文字背時利 不能作春妍
歌童舞女日 我獨泛哀絃
浪士復漫叟 自呼頗有年
射策偶登第 亦復冠進賢
一麾守道州 地故春陵焉
昔四萬戶 經亂非復前
僅餘一二存 盡爲溝瘠捐
到官詢所苦 悲淚爲泫然
假有倉中粟 微發吾能事
冬烘請監司 符牒猶紛連
督詞故嚴重 不肯稍憐憫
數向莫飽乃欲追 其錢管捷
亦易事瘦骨能拒鞭 徒使子
遺者入地悔不先請使 臨
吾上如頭託於肩 橫壓以
弗堪寧自知其偏 誰往呼
之覺頭上尙有天 亦知應
符命拱手得美遷 願我昔
著書善惡曲與同 貶削雖
莫辭此念誓欲堅 視此持
節手殊於刺船便漫叟與
浪士漫浪終無邊 嚇我以
腐鼠視之等浮煙

炎

虞山叢刻

理傲出前村 正值天將旦
雞豚鄉老看兒女 鄰姑伴
計力約兩肩 亦得丁男半
日夕笑同歸 一響山花亂

樵婦

讀周茂之雜學詩有感和之

學死

置我空山中破茅一間止兩扇苦竹籬風吹半歇倚隔溪啼古
猿虎飢舌自舐老狐戴粉體又手習拜起月暗窺我門嘻笑露
其齒腥寒漸迫人吹燈彈窗紙此際身兀然由我心先死學死
先死心未死死同理

學為奴

骨相非王侯賤役敢無執安養恐負天庶以勞自習試疏小條
例課此閒指十屋頂舊茅亂防秋須務葺敗竹猶帶箕縛帶口
可給荒園三畝寬腹飯足當入私佃百藥苗乳之以水泔糞類
嘗在抱日不停汲巡行視圃畦土花鬆且溼兼有細碎工忙
縫亦收拾宛蔓牽作棚麥葉編為笏以受日丹涼以避風雨急
三頓能如是許嘯盤中極天翁賢主人答拙不我及

學織履

野性愛山行出入煥二丈在下為芒屨在上為藤杖濟子於險
中功高而不賞報之以躬親不污俗指掌選竹自製箬編麻自
刺紡扶子若至老著子當幾兩會從蘇雲卿問之乞遺樣

九日集石林曹生出紙索畫

九日諸子集石林俯瞰吞江遠不極曹生出紙謂我來爾其為
子綴煙色許子笑曰能爾為徐取衫袷勤拂拭移來竹木信手
成不借人問風雨極須與怪氣紙上生便覺蒼蒼寒意迎放筆
疾呼陳抑夫連點地坡便跳步陳子紙筆斜披平漠瞥見煙
如織李根旁觀口欲涎技獲臂高聲唧唧云欲留此縛茅地待
彼結廬于石側此中何可虛無人掀髯高士面欲灰雲容是日
百變來倏忽之間已莫測分命吳葉二道兄山之遠近咸爾職
二子受命勇不辭前峰遂辨深淺墨圖成灑酒慰諸君勞爾功

虞山叢刻

成在俄劫茲遊歲月誠難忘吾輩姓名當有識慨然羣謂老林
翁大手如公曷可息其幸為我志長歌亦當紀遊石上聊

秋谷崔子以水中丞侍子讀書處答之

佳士宥坐耽奇古摩挲劇于十五女有時難愛而必攝或肯慨
然推以子高情攜取無間然寄諸友生等外府嗟茲圓潤小瓮
豈何年猶是陶家土幸不取之為酒杯酒入人問舖糟醱向餘
冷腹激寒溪魂招應與清波伍牆東書客視北身常伴蕉窗數
風雨墨花穠面碎香多聞畫文中龍與虎我欲載上米家船茶
竈筆牀為靜侶吁嗟乎人既玩物物玩人彼視我人同逆旅其
在鼎鼎百年間我亦聊作居停主子不負丞丞負子此語還將
問世子

畫湖西謝評事宅

先生之官輕如紙先生之名長不死欲斜一屋傍蘆花雨扇柴

家

虞山叢刻

門面湖裏樵歌漁曲來曉昏雨月風煙無間止四時有客至湖
中便道竹邊評事里子今欣慨念先生畫此茫茫一湖水

建州別同行者還家

為念長行客時來伴我遊子歸春尚好我去夜皆愁千里無多
路三人共一舟凄然今日別此意逐江流

殘月之後喜初稜見過

感子文心好投子風露身短衣渾袖溼亂髮半眉鬢花外燈如
水簾邊月似人橫香問名酒聊復起三巡

別天生

天地干戈裏悲情秋水邊悲風催驛路古廟面江船客思煙波
斷鄉心燈火牽同袍各努力慷慨正當年

送大蘇還舊溪

荔香看未飽卻去避紅塵君似迷禪客吾猶中酒人衣輕黃葛

細洲晚白沙新小泊船頭立涼風起綠蘋

。從雪溪來磬谷

抱此幽閒福沿山間路行進朝居佛寺到處有泉聲麥穗垂肩
重松針壓鬢清願將卜茅屋工課並農耕

。病起再用茂公韻

石鼎彌明句彭亨暖古尊鶴行荒徑冷蟻鬪病牀噓炊熟兒能
喜煙寒婦忍言窗前青竹響溪水似當門

。歲晏海口舍次前韻

老農欣歲晚相屬有匏尊溪屋炊煙直山厨寬水墮塾師童淺
揖社時叟多言寒熱松肪火香溫游華門

。秋日集維摩室

卜築人間樂幽深得地歸員山多近寺種石每依泉無事為情
扁閒行當穩眠小奚樵落木蒼火雜秋煙

。多

庚山叢刻

。飲陳伯良齋堂有感

豈意茲堂上猶能集小腸日斜雞犬靜秋急芋瓜香兩扇柴門
掩一街人影涼尋常來往路荒草不堪黃

。拜墓

拜掃春秋恨履踏西復東山川雙眼底雞黍一肩中廢路斜陽
白荒碑古字紅村村松柏異惟有紙灰同

。齋居喜雨

細草如孤岸春船繫碧桐曉晴山夢裏幾月柳絲中佛古人心
寂階荒鬼語工通宵煨藥餅瓦甕火猶紅

。送黃明伯重遊粵東

豈不惜離索却君未可留魚花雲外店椰葉雨中舟遊子不成
夢家山何處樓臨行杯酒道春草易為秋

。仁王寺卽事二首

不作人間夢尋僧過講室編籜斜補徑破衲冷堆牀秋盡一
雨燈殘半寺霜此身禪定去身觀一痕香

猶是山腰立居然得遠情兩邊湖入寺一半雨過城客靜僧忘

倦林疏紅亦輕夜來清夢淺四面有濤聲

。送友之燕

纔見秋歸盡山川釀雪天一驢裝占錦片紙畫輕煙棗樹鴉昏
曉梅花驛斷迎明春能即返亦已別經年

。花朝前二日攜具西湖尋林用始居士幻因上人三首

訪子值春光茶蔬載小航冕穿薺蕩綠絲蝶抱菜花黃廢塚依頽
岸荒碑出短牆深人懷想處相對立斜陽

我亦身如幻開來日日遊滄桑人跡異籬落梵音幽作客頻歸

寺尋僧屢渡舟今年陰雨少春水淺如秋
何地可閒行春深日日晴山川應有恨花柳更多情野色勻過

。多

庚山叢刻

水村聲不入城歸時人已醉新月上船輕

。圍居卽事五首

草屋頽支樹瓶花照一牀午雲鬆練白秋月淡施黃瓜棗冰盤
熟菱茨水檻香但憂天正旱何以學休糧

朝起閒簾望竹煙入古廳柳樊低瓦綠山補矮牆青蓄藥先知

病藏茶不為醒晚秋農事急日上稻花亭

小園花藥半耘灌自相親結社邀僧士開尊選酒人斷琴文字

老破硯墨痕貧晚立柴門外溶溶月色新

雨早無常次陰陽每失時星文方割據天意亦支離述史人難

信傳言事可疑小菴香茗靜破衲久紛披

夜苦天難曉匡牀無所依詩書漸顯晦僕隸推尊威米價四方
異人情半面非行歌溪水上此髮不堪晞

。邵是龍移居於舊里之前後

世亂易移屋况君行李輕東西無一可去就總非情寄足聊當
死埋頭且學生秋蟲寒永夜幸有讀書聲

懷陳竹義

尺窗生肅氣萬物變枯情雨止雲無著霜寒夜有聲深堂眾客
醉密竹一燈明痛哭懷知己何時達友生

畫菊壽菊存堂孫七

畫此為君壽幽齋起一腸瘦根纏石勁老葉飽霜香墨色僧衣
淡花齒佛面黃年年秋九月遙集菊存堂

送羅星子歸秣陵

竹葉微霜夜與君心定盟文章規古道談笑足高情萍合歡依
水春歸忍別鶯寒家兄弟輩亦住石頭城

贈唐禪一移居予里二首

以子復移宅因知隱未能行藏猶是客閒靜過於僧秋社同拈
香

虞山叢刻

酒存街共看燈時來閒坐臥半榻倚枯藤

喜得居同里毋令相見疏燕分廳事靜花拂檻窗虛井龍宜修
藥晨昏好借書牆頭須竹影期種一竿餘

開居志喜

鄰居開若水百念已能降麗藥青鬢獨穿花蛺蝶雙蜻蜒分浦
岸螺藏附山窗更有人間樂親朋酒一缸

開居有懷

自笑會何意而為亂世人不思猶是我但念竟無身敢道乾坤
拙會明草芥臣干戈雙眼在何以慰秋旻

題畫

矮屋與溪鄰溪光集眼頻趁春樵筍髻候雨卜山中瘦僕當寒
竹村僧作古人尋常來往倦橋外酒家新

江行有餉余酒者

送酒荻花邊今宵醉晚煙隔燈分夜語曲枕學枯眠暑氣全歸
海潮痕半入天蘆中人盡結社在漁船

晚泊潞田

片棹以遲勝風輕波復微野煙依樹合沙鳥貼江飛人語孤鄉
近郊燈岸店稀記程今夜始一宿在漁磯

十一月見浦外梅花

荒村有我野人心問得梅花隔浦尋松聚小山聲似水作生深
塢菜為陰霜來半夜人爭渡月上千峰僧入林虛白暗香寒古
道一肩高聳獨行吟

入福廬

烏磴肩蘿古道斜入林橫谷曉煙遮瀑來澗老鶯飛鶴踏破苔
新碎落花海外風帆吞古刹雲中雞犬傍人家開闢生計難消
受薄榮寒薄半嶺霞

暮春村居

杜宇聲聲春正長荷錢半浦一圍桑破書散淡連雲水苦竹清
寒入草堂偶過野翁談舊事閒看村婦布新袂須臾來得蕭疏
雨輕灑柳花撲袖香

虞山叢刻

詩債

幾多詩債困追呼綠水青山奈積連已分來思無鼓吹卻逢敗
興行作租鷗肩瘦得天方雪驢背遲歸日半晡夜夜沙灘吟舌
苦揮袞愁坐笑妻孥

雜書

障戶攤書燈草遙秋齋斗酒伴無聊研光太史香藤紙班剝中
丞古瓦窰日課剝殘三畝竹夜聲亂入一窗驚正思自煎無泥
水溪雨門前漲板橋

與趙十五修白骨塔

與趙十五修白骨塔

與趙十五修白骨塔

與趙十五修白骨塔

與趙十五修白骨塔

豐肉妍皮自有初。煙飛霧散竟無餘。千人不預曾孫宴。一兩同
登載。鼎車差殆老。狐將子。戴那堪。黃蟻與君。居暮歸夕。照香幢。
下轉眼安知不是余。

送友人浪遊

柳花香路送春時。林罷疲驢野店炊。僅背一囊裁古錦。君又雙
手讀殘碑。存懷灑酒東甬。賀更欲為雲上下。隨五嶽。歸形煥卻
寄供吾山館。雨中披。

送鄭一作客

昔繡銀刀佩古囊。雞聲勒馬著衣裳。揮杯滿日皆朋友。亂世逢
場。即故鄉。斷岸孤舟千里夢。曉天殘月萬家霜。悲予獨自看花
後。春柳深深冷草堂。

弔皖城都護蘇羽若父子殉難詩

吾戴頭來眾所聞。力窮斷去又何云。同仇此日兒同命。共隱當
年母共焚。領取全家入。地統來小隊。魁猶軍。風霜漢節身。還
健典屬于今尚屈君。

神光寺看碧桃花

城頭二月綠苔侵。為訊桃花野寺尋。半樹香分疏竹影。數枝白
近古松陰。蝶心蕩漾春高下。鳩語浮沈雨淺深。蔬荀偶然無酒
禁。醉歸清夢戀空林。

遊山歸夜打坐禮佛

幽高足力千人上。峻巖巖肩十丈低。天地怪腸生。指掌文章鐵
骨立。巖巖擔輕稚子。過溪易犬吠孤僧。接杖遲。蔬果供餘香。若
梳一燈鏡。磬萬山時。

上巳集雙溪

郡治東偏溪尚存。蘭亭陳迹逐年溫。雙柑斗酒三春社。半巷雞
聲十里林。僧在竹房臨積翠。客疑松影畏黃昏。擔夫爭道歸來
溪為開越王流觴處。

晚近日山城早閉門

行散之城南尼觀留齋供

春時行藥出空堂。試學淵明乞食方。簡淡女冠菴寂冷。慈悲佛
而菜青黃。花深遠見經行緩。簾薄輕聞梵語香。午供淨修留野
服。山泉新汲茗雲涼。

喜得山中人來

近來工課在樵漁。不愧山人雜學疏。半畝借為鋤菜地。一春常
作乞花書。經營高下君應好。較量陰晴我不如。最愛重陽秋色
後。滿園霜葉繡吾廬。

與黃赤公坐月

萬物潛聲不敢言。許生黃子共高論。天開四面秋為水。月靜一
堂花倚門。此夕悲涼依杜甫。何人慚愧說劉琨。更聞露墜和衣
睡。魂魄清寒夢不溫。

登金雞寺

路入山深耳目迷。全憑春草認東西。花飛高隴芳菲動。秧插平
疇嫩綠齊。千疊雲峰江水外。萬家煙火夕陽低。遊人醉感興亡
事。敢向空門一借題。

賦得萍始生

小圓泉溜喜新生。點點依依在水輕。繞岸野花微有影。滿塘春
雨半無聲。根隨荇帶踪難定。色雜荷錢綠未成。轉眼柳陰初夏
日。還看青漲與潮平。

與涂子是夜雨讀書池上

慚愧猶存有此身。尋常蔬茗與君親。蕉堂夜雨添新水。竹屋孤
燈論古人。被冷匡牀支破衲。更深霜頂託氈巾。能從晨夕常相
對。甘向蓬門獨賤貧。

春日送馮吏部

虞山叢刻

吏持除目叩扉傳。底驚回一覺。眠書篋。小僮牽馬後。酒家獨
樹。數雞邊。春城御柳。韓君句。錦水桃花。薛氏箋。滿路煙光。世人
詠。先生又手銜雙肩。

夜悶

書火幢幢百思忙。問形影對窗光。四更殘月歸天上。獨存孤
愁宿小牀。

彈琴看瀑布

百丈流泉伴寂寥。水花如雪木蕭蕭。幽人一曲高山罷。送酒奚
奴正過橋。

山中午睡

茅亭結在萬山前。綠竹修桐適暑天。一枕夢酣啼鳥亂。百花潭
底汲新泉。

讀書夜盡聞鐘聲從白月來

爰

石樓隱向白雲封。知在岩巖第幾重。殘夜讀書人未臥。萬山明
月一聲鐘。

三虞山叢刻

清明前後山齋早起

桑姑竹篋掛柔莖。布穀聲聲喚早耕。遠望野炊村戶小。一犁寒
雨上春城。

農臣箋三首

無事消他日子長。竹筇迂步過東牆。菜花開盛桃花老。撲袖輕
黃挾蝶香。

紅日冬烘上樹枝。野人梳洗出門遲。花間水靜春如夢。三姓雞
聲聞午時。

嫩綠桑尖破眼明。風流公子踏青行。詩君且向茅堂宿。布穀歌
聲不入城。

題畫三首

茅柴沽向遠村前。一日分為兩度眠。湖落偶然初睡醒。半江秋
草夕陽艸。

淡著吾廬煙樹中。小橋春草漲西東。為因連日瀟瀟雨。落盡桃
花溪上紅。

老我閒入短棹雙。鬢絲蕭灑北風降。夕陽滿樹潮歸靜。分得沙
鷗一半江。

同謝爾玄讀書山中

門巷高寒耳目疏。相將文字當開鋤。借他紅葉青山屋。讀我人
間半日書。

畫郊行

乳鷄啼午初醒。夢蝶雙飛正弄晴。此地不因人世好。滿村花
柳自清明。

夢尋空隱和尚於亂溪之間

爰

溪亂荒蕪石路橫。尋師惟傍水痕行。楓林穿盡菴門近。草木無
言鳥有聲。

三虞山叢刻

宿鼓山寺

澗水流殘石髮香。苔衣千古蝕山光。遊人睡起思無那。山鳥銜
花背夕陽。

秋日課童子掘書齋前後亂畦種菜苗數種六首

俯餘尺地亦天恩。瓦礫除平便得園。但乞冬來青菜長。伴吾薄
粥度朝昏。

昨來新雨土花鬆。童子身輕力未慵。效爾習勞今日始。好隨吾
去作山農。

不入金盤肉味中。孤高正與野人同。深一夜屨霜打半。葉青
黃半葉紅。

新乞鄰翁舊菜栽。課奴下種昨宵纔。閒身預想添詩話。黃蝶他

時幾箇來

小接青筒曲幾層。晚香細發覆高騰。春初雨過流離靜。棲葉輕黃似病伶。

勤插名蔬似插禾。工夫一日不閒過。明年三月新茶社。敢與村僧試較多。

暮春泛舟東河二首

一派春城映竹根。風行波面織雲痕。幾家雞犬皆臨水。但過柴橋是別村。

布穀聲殘春暮天。數灣深浦泛輕煙。漁家竹裏聞簾管。閒抱兒孫看畫船。

別申霖臣還吳門

不忍無端說別離。况看雙棹雨中移。知君急遽歸鄉井。欲把楊梅較荔枝。

多

虞山叢刻

客有贈余黃白菊花

小圃從此有秋光。黃白花開一樣香。買梳更當多釀酒。不然何以過重陽。

春日園居十首

野徑荒苔寂寂春。半齋閒得讀書人。捲簾疏雨微寒在。柳線輕柔綠未勻。

綠陰影裏竹門開。百舌聲柔夢乍回。水靜山安無事事。膽瓶花滿蝶蜂來。

雨樹松濤灑細風。數竿青竹石橋東。午眠方足新茶苦。啄木聲移嫩葉中。

世得幽居草木安。小園散步較能寬。芭蕉葉下閒來往。一卷殘書斷續看。

連朝疏雨入柴扉。今日晴光落翠微。扶杖偶然花下立。閒看蝴蝶抱花飛。

蝶抱花飛

今年春至倍陰寒。菜子飽秧下町難。借得唇頭頻簡。擇野人栽種要平安。

屋簷藤葉似煙蘿。一壑平泉亦種荷。預備小園避暑地。北窗移竹養風多。

梅青如豆晝初長。簡齋翻書集竹牀。童子下簾指翁語。落花泥溼燕巢香。

布穀聲聲喚插禾。正憂天氣未清和。村人昨夜來城市。亦道田園春雨多。

翠花下土在清明。菊種分苗著水輕。還見荔枝陰類瓦。裏乳鳩傍母習春聲。

園居題壁四首

作葉青寒覆檻低。半瓢名酒讀書時。老妻近晚穿鍼罷。戲念子詩教小兒。

詩教小兒

好鳥枝頭恰恰啼。每來茅舍伴幽棲。推窗睡足春光老。一半殘陽掛樹西。

世亂山來百事乖。似吾薄福更堪懷。平居自考能為善。一月曾持一日齋。

補竹移花近草堂。工餘開卷坐匡牀。笑看蜂蝶紛紛動。小妾花中曬藥香。

題蕪溪古柳

沙文如髮蝕秋煙。細草輕寒十月天。記得青青春水候。別人曾藥釣魚船。

夜雨

障泥自散野離扉。秋草秋花著雨肥。欲盡蘆中人。與我釣竿多掛一蓑衣。

。遊雲居靜室
海天共色夕陽遮策杖人來磴道斜敢與山僧珍重別預期霜
後看梅花

。寄山樓朱子葆
曉燈如水滅還明寒雨寒風滿竹聲此夜寄書封識後山樓開
卷見君情

此人詩開口便妙落筆便妙有率易處有粗淺處有人俗
處病痛不少不妨其為妙也或曰詩具如許病痛何以
不妨其妙答曰他好處是胎骨中帶來不好處是熏習中
染來若種種病痛果爾從胎骨中來便是焦芽敗種終無
用處矣願與治深以予言為然

余於采詩之候撰吾彖集一編蓋唐人篋中之例非敢以
示人也長干少年疑余復有雌黃戲題其後云杜陵矜重
數篇詩吾彖新編不汝欺但恐旁人輕著眼鍼師門有寶
鍼兒聞者一笑而解

是書編次先後諸本微有不同而許有介詩亦有不編入者
蓋為牧翁未成之書也余此本從錢遵王家借鈔而許詩則
又得之亡友侯秉衡者適見曹彬侯處有焉定遠手錄本而
點閱則出自牧翁甚為可玩余因借歸臨之凡一日而畢時
館太原舍芳齋

戊辰七月廿四日柳南識

虞山叢刻

彖跋

虞山叢刻

吾彖集非完帙也王漁洋古夫于亭雜錄稱以詩贊虞山時年
二十有八其詩皆丙申年少作也先生欣然為序之又采入所
纂吾彖集余嘗有詩云白首文章老鉅公未遺許友入闕風如
何百代論騷雅也許憐才到阿蒙今集中無漁洋詩證一陳確
菴詩鈔有錢梅仙五十贈言詩云著述誰宗匠虞山有巨公登
龍聲氣合對雉木源同考牒知昭諫題辭重太冲尙傳吾彖句
一日滿江東自注梅仙與虞山同系武肅虞山序其詩手書其
警句入吾彖編寄示京師各家今集中無梅仙詩證二鮑琦亭
集外編周徵君墓幢銘鄧山先生周姓諱容字茂三浙之寧波
府鄞縣人也少卽工詩常熟錢侍郎牧齋稱之謂如獨鳥呼春
九鐘鳴霜所見詩人無及之者錄其詩於吾彖集牧齋有學集
題交蘆言怨集亦言吾彖集中有周茂之許有介及宗人幼光
者皆能為針師者也今集中無鄧山詩證三柳南隨筆載牧齋
尺牘與黃庭表與堅云往從行卷中得見新篇珠光玉氣前現
於行墨之間輒為採錄收入吾彖集中時人或未之許久而咸
以為知言也今集中無庭表詩證四此冊為柳南草堂鈔藏本
自錢後人會遵王以下至侯官許友有介著錄者凡二十有一
人西江半衲澄之下注云毛本不載其詩疑柳南當日或假汲
古秘帙對勘故卷中時有標舉異同之處其所采擷率皆板蕩
之餘音黍離之變調蓋遺民故老愴懷舊國其零簡臚墨可歌
可泣令人流連詠歎憑弔歎歎而不能自己然則集中無漁洋
梅仙鄧山庭表詩毋乃與虞山選詩之旨不合故始取之而終
舍之歟而柳南此本又安知其非實為完帙歟漁洋之序迦陵
篋衍集也謂牧齋此集秘不示人是其斷章取義實有難言之
隱痛矣絳雲灰燼吾彖獨存夫豈非天意哉光緒丁未八月劍
心徐兆璋跋

牧翁吾炙集不分卷數宋詩几二十一豕丁未秋余以柳南王
氏鈔藏本轉錄一通與徐劍心前輩共讀之沈鬱悲涼謂此中
熱淚可掬未嘗不有餘哀焉且為之蒐集考證知當日所采並
不止此惜其原帙之不可復覩也以語了君秉衡秉衡則出許
有介詩一小册以贈展視之亦柳南故物詩即吾炙集中所采
丹黃滿紙燦然可玩末有牧翁題詩柳南識語各一則皆集所
未載蓋柳南既鈔二十一家之本又見馮定遠傳錄許詩牧翁
點閱本因復鈔臨之而別為一本者余因取題詩識語補錄集
尾而以圈點還之許詩且校其字句之小異者以為今日得見
牧翁手跡雖零鉛粉彌可寶矣既將錄稿付手民復從李丈
竟字假得一本互勘之亦二十一家編次先後微有不同而錢
後人曾至東海何雲二十家之後有錢興國字考樛有獲雲集
見柳南海虞詩苑一跋云是葉石君照牧翁原本所鈔臨勘亦仍其舊跋後乃

交跋

虞山叢刻

接錄許詩明非鈔自葉本而別出之讀至此而二十一家乃悉
復其舊矣外光澤之本一意此為牧翁定本葉氏得其二十家
馮氏得其一葉本今固無圈點玩鈔臨仍舊二語知與國時
亦必有之殆又為後人轉鈔所略歟然編次勘闕則固信而可
據也遂又以葉本校二十家仍錄錢跋於何雲詩後集中凡柳
南所校注者亦並見焉吾炙當時禁網密故秘而未刊又其書
無卷次條貫人各件系之編采時為人傳寫去者不能無先後
詳略故柳南所見毛本則關西江半衲亦有闕許有介者今合
觀葉馮二本則陳迹宛然闕者固非而漁洋梅仙鄧山庭表諸
詩為牧翁始取而終舍之劍心之論不亦較然無疑乎嗟夫二
百餘年破碎沈霾之物至今而猶見延津之合豈非大奇臨校
畢亟告劍心秉衡皆謂余言之不謬而為之狂喜者累日南賦
識

香咳集選



香艷叢書

八集卷四

香咳集自序

蓋聞謝庭柳絮。譽溢清園。劉氏椒花。聲高華閣。惠妃作小山之賦。金鑾刊紫石之書。一帚紅箋。擬相如之才調。滿宮學士。勝江令之詞章。爭傳清照新詞。送郎花裡。雅愛淑真麗句。待月柳梢。自昔多才於今彌著。發英華於畫閣。字寫烏絲。攄麗彩於香閣。文縹黃絹。芙蓉秋水。筆花與臉。際爭妍。楊柳春山。煙黛並眉。間俱嫵。擅清風於林下。抒柔思於花前。酌剪瑤華。詞弄雲露。終年洗硯。清流即濯錦之池。盡日含毫。綵穎探畫眉之筆。拈毫分韻。居然脂粉山人。慵虎雕龍。不讓風流名士。而乃遐思引爾。幽緒縈懷。硯匣隨身。筆床在手。操亮管以贈月姊。寫紅箋而寄征人。刻玉爲花。能令香生玉葉。鏤金觀彩。從教響振金聲。固可冠冕詞壇。笙簫藝苑矣。然繡閣之唾珠墜地。美人之香草不傳。誰爲形管之胎。我製香匯之集。誦芝蘭之妙。約有千篇。合鸚鵡之蠻箋。都爲一帙。琉璃爲匣。無非

卷四 香咳集自序

香艷叢書

寶妻鮑妹之詞。玳瑁成裝。盡是宋艷班香之體。直壓南朝之金粉。堪空北部之胭脂。滴粉搓酥。國色儼然國士。敲簪擊鉢。美人都是才人。續新咏於玉台。想廢韵於纖手。欲效殷浩作集。廣輯閨閣之詞章。敢云幣璫成編。播傳華陽之士女。嘉慶九年歲次甲子十一月中。滄山關許變臣撰

香咳集選存一

任城許夢臣山臚纂輯

柴靜儀字季嫺浙江錢塘人孝廉柴雲倩女沈漢嘉室著有凝香室詩鈔北堂詩草

子用濟有遠行詩以貽之

吾子廉吏孫。讀書味生理。三十未成名。徒然還鄉里。外侮旋復來。內憂方未已。忽然遠行役。披衣中夜起。明星光在天。河流正瀾灩。行雲有返期。遊子靡所止。攬涕下高堂。長途從此始。

野雀從南來。翩翩思擇木。感此主人賢。飛鳴集其屋。才高非獨優。處卑願亦足。矧有嘉樹林。朝昏託棲宿。鷹鷂過莫窺。爵羅無由觸。哀彼黃鳥詩。長謫念邦族。

長信宮

玉臺粧罷無人見。傷心空自悲團扇。秋草偏生長信宮。春風只在昭陽殿。殿裏君王酒半醒。嬌歌雅舞爭紛紛。三千錦帳飄香麝。十二長裙散綵雲。衆中別有

卷四

香咳集選存一

香艷叢書

人如玉。新妝豔嬌紅。燭不許寒鳥帶刀啼。恐驚春燕銜花宿。誰憐長夜夢難成。忽度流鶯似有情。片片高高挂天漢。千秋應照妾心明。

清溪叔瓊姊小影題漫成長句

有姊有姊年半百。井臼親操不辭力。西湖片月清溪雲。欲往從之無羽翼。却憶當年年尚小。玉面雲鬢何窈窕。折將紅杏倚雕闌。釣得銀鱗出芳沼。猶喜二親頭未白。彩袖雙雙侍朝夕。自從丁歸三十秋。經年一面真如客。如今一面亦難得。見豔宛如見顏色。玉釵斜簪儼妝成。坐覺香風四壁生。一雙美目剪秋水。往往顧我殊有情。簾外花開淑景移。羨君言笑好容儀。堂上有姑房有妾。春風何處不相宜。昨夜烏啼霜滿野。迴首慈闈淚盈把。人皆集菀不集枯。誰復念我窮途者。君今與我最相親。惆悵扁舟隔水濱。陌上櫻桃鵝度熟。關頭楊柳幾回新。柳暗花明春似酒。爲君腸斷君知否。願作兼葭倚玉人。與君花裡長携手。

春闈

門掩櫻桃近水濱。青苔小徑淨無塵。一庭花氣蒸香雨。半榻春風臥美人。蝶去

似憐幽夢斷。燕來如話別愁新。連朝不敢開妝鏡。淚臉難將粉絮勻。
紀映淮字阿男江蘇上元人諸生紀笠遠青女莒州諸生杜李室
即景

杏花一孤村。流水數間屋。夕陽不見人。牯牛麥中宿。

柏盟鷓鴣字映潭江南江都人著有映潭詩鈔

秋夜

畫眉收鏡晚。牕下理吟箋。水涼星搖幕。雲圓月量天。絮蛩吟夜露。老鶴夢秋煙。
樽酒誰家院。嗚嗚奏管絃。

遺興

雪竊石竄窠新茶。楊柳風微紫燕斜。蝶夢已回香氣燦。小牕秋水讀南華。

張氏山東德州人田山蘊雲母著有茹茶集

示兒

一部楞嚴戶畫眉。木魚竹杖倚圍屏。老人自覺修齊好。不爲兒曹講佛經。

香咳集選存

二二

八 香 詠 集 卷 八

劉若蕙山東諸城人諸生許瑤室著有捧翠集

秋夜寄外時客燕都

一片長安月。清光兩地盈。懸知千里客。不盡故鄉情。牕竹寫秋影。村砧搗夜聲。
空閨愁不寐。自語對燈檠。

林以寧字亞清浙江錢塘人錢石臣室著有墨莊詩鈔鳳簫樓集

夢遊桃花源

理棹石瀨口。洞壑極深窅。白日翳層壁。倏然露林杪。初行不見人。仄徑礙飛鳥。
忽逢林木盡。水竹四環繞。茅屋三兩間。雞聲出林表。主人聞客來。攬衣起相勞。
荷蕨爲我設。杭梁供我飽。白鶴翔天風。游魚戲清沼。宛若素所歷。竭來胡不早。
悵惘歷世事。朗徹懷懷抱。高邱誰沉淪。阿閼孰傾倒。魏晉不復知。以下更何道。
歎息武陵人。悠悠竟終老。

獨夜吟

焦心未展桐花老。春社纔臨燕聲小。屋角陰雲凍天色。雨脚斜侵砌草纖。暮寒

2270

2269

壓夢不成。耳邊哀角鳴鳴。幽房鬼逼蘭紅。凝牀頭玉盞。紅冰。新桂燒雲
老不死。夜烏啼殺曉鳥起。獨繭抽絲結繡襦。傷心未卜耶心似。開籠蠟樹烟依
微。海燕賓鴻相背飛。孤吟起坐各無賴。昨夜鄰家夫婿歸。

寄啓姬雲間

柳上浮家小結廬。水軒竹欄稱幽居。問人新借簪花帖。教婢閒鈔相鶴書。蠃子
避潮緣視席。蟹奴沿月上階除。清閨事事堪題咏。刻玉鏤冰恐不如。

秋暮謙集願圃分韻

早起登臨玉露濃。畫樓高處碧雲涼。池邊野鳥啼寒雨。籬外黃花媚晚妝。斜倚
紅闌同照影。閒揮綠綺坐焚香。湖洄他日重相訪。一片蒹葭秋水長。

穀雨

鏡臺流影射牕沙。風到簷前柳脚斜。竹架整書除脉望。春池洗硯亂蘋花。桑濃
蠃子猶懸箔。日暖蜂王早放衙。童子佩靈尋湖水。滌甌明日試新茶。
草草深閨度歲華。生平不解問桑麻。沿籬野豆初牽蔓。繞砌山桃半欲花。細雨

香咳集選存

四

八 香 詠 集 卷 八

漬成楊柳色。暖風吹放牡丹芽。村姬結束新螺髻。傍晚比鄰喚採茶。

初春

百合名香手自焚。雪晴天際尚停雲。寒梅纔被東風坼。釀得春愁已十分。

雲字靈筠江南無錫人觀察下某側室著有友梅齋剩草

題春睡圖

玉人午倦背花眠。鬆盡雲鬢墮鬢蟬。侍女也知春夢好。不教鸚鵡近牕前。

朱柔則字則成號道珠浙江錢塘人沈方舟用濟室柴季嫻嫻著有嗣音軒

詩鈔

寄遠曲

恨少垂楊柳。殷勤繫玉鞍。夕陽鴉背暖。春雪馬蹄寒。入世逢迎拙。依人去往難。
痴兒啼向我。昨夜夢長安。

王慧字蘭韞江蘇太倉人學使王長源女常熟諸生朱方來室著有凝翠樓

集

山陰道中

出郭忘遠近。十里清陰中。川陸互回沒。延緣遂無窮。岡巒錯殊勢。竹樹交成叢。安知靈密處。下有溪流通。石橋路可尋。一轉迷西東。慙空人不見。寂寂山花紅。行行轉深處。所得益幽奇。萬壑與千巖。今來始見之。紛紛紅復碧。相引呈異姿。心目所應接。人各領其私。烟縷出叢薄。山家住茅茨。人世香然隔。何殊太古時。溪流繞巖巖。一葦去不息。沙瀨清且淺。水底見竹色。文石無歲年。山根侵歷歷。谷鳥鳴轉幽。溯澗安所極。水花愛明淨。絕境香難即。可有浣沙人。一笑似相識。

鄰女幼歸某家因婿無籍淪于塞下聞而有感

曾向鄰居共絳紗。裁雲咏絮門芳華。香沾繡帙同分線。春暖妝臺互送花。漫說羅敷原有婿。可憐蘇琰竟無家。於今辮髮雙垂耳。紫塞斜陽泣暮笳。

浦映淥字湘青江蘇無錫人武進黃雲孫永室著有繡香小草

尤姬鍾玉已入空門復欲適人甚急以詩嘲之

塗箋抹錦忒無端。枉殺多才似易安。此後若參獅子座。如來無髮亦衝冠。

香咳集選存

五

香鮑叢書

馮嫺字又令浙江錢塘人馮仲虞女諸生錢廷枚室著有和鳴集湘靈集

和夫子九日擬登吳山因雨不果原韻

重九宜晴雨聲密。相望懸前秋瑟瑟。未過小圃訪黃花。恐負花期被花責。芳辰寂寂遺情難。倦揮茱萸感百端。身世浮萍空碌碌。何如秦女蚤乘鸞。憐余夙懷林下志。相對溪山頗差遂。年來四壁聊可棲。悠然三徑有餘致。瀟瀟風雨靜中聽。竹影松枝簾外青。興到豈知塵內事。烟雲閒澗暹無停。

李芹月字璧池江西臨川人李穆堂女孫葵室早寡

過灑池縣

灑池好會憶當年。擊缶彈琴豈偶然。嶺樹蒸雲疑作雨。溪風激石亂鳴泉。已悲逆旅歌三陟。未息勞生卸一肩。日暮更投前路宿。故園芳草夢魂牽。

李蕤月字采池璧池妹廬陵歐陽上愛室

過蕪湖

輕舟渺渺下青徐。客裡河山縱目初。一片鄉心收不得。淡烟殘月照蕪湖。

吳玉青字佩環浙江錢塘人

踏青

蘇公堤畔鴨橋停。踏去香風百草青。自對春山看花鳥。六橋歌管幾曾聽。吳年字古春號雪庭浙江歸安人烏程董啟璵室著有雪庭遺稿

賈生

漢文有道主。賈生王佐才。千載幸一遇。惜不究所懷。年少倏超遷。同列相抵排。一斥不復收。野鳥言其災。志大不易副。名高世所猜。剋建出非常。往往成禍胎。不見東市上。安劉豈氏危。

張勳淑字友琴四川遂甯人孝廉吳艾香神室著有翠荇齋吟

舟次夢與竹西徐安人話舊早起欣然有渡江之想

夜靜絕鷺塵。離懷入夢頻。江分南北岸。月照去留人。往事真堪笑。新詩誰與論。明朝風日好。鼓棹莫逡巡。

倪瑞璿江南宿遷人徐起泰繼室

香咳集選存

六

香鮑叢書

戲贈山人李老

山人有足疾為余與氏灌園

李山人年已翁。可憐白髮顏猶紅。矮菲屋。是爾宮。青藜杖。是爾童。烟霞滿懷邱壑臥。夜呼骨痛朝呼餓。威施舉步行逸巡。天意厚汝汝莫噴。汝不見孫臏成名無一足。苻堅快意得半人。

趙同耀字洵嫺江蘇常熟人邵廣融室著有停雲樓稿

對鏡見影戲贈

曉妝日日與君親。怎奈相逢隔月輪。對面不妨原是我。回頭欲問更何人。漫疑笑眼還相笑。只恐顰眉便效顰。絕頂丹青無過此。周旋形影孰為真。

韓羅玉江蘇長洲人宗伯韓慕廬英季女明府顧渭熊室著有寸草軒詩

病中

月落霜寒寒滿墀。臥疴正及晚秋時。風簾網結長垂幌。硯匣塵封久廢詩。瘦影怕從明鏡見。淚痕恐有枕函知。何因乞得青囊術。擬向南華叩靜師。

吳絲字黃絹安徽合肥人總兵吳英女吳縣飲牧室

過驚脰湖

風光淡淡晚涼天。遙望漁家夕照邊。傍岸綠陰藏釣艇。一竿秋水半湖烟。

李

因字是菴號龜山女史浙江錢塘人光祿葛徵奇側室著有竹笑軒吟稿

十丈懸崖掛辟塵。參雲峰頂見嵯峨。閒搜怪石秋林晚。獨聽殘鐘曉月過。黃葉山前人跡少。白雲天際鳥聲多。冷泉亭下潺潺水。不許漁舟唱棹歌。

吳

山字岩子安徽當塗人縣丞下楚玉琳室著有青山集

薄暮到香口。風迴即泊舟。一溪分竹進。兩岸斷江流。落日明殘牖。荒煙襲廢樓。籬邊雞犬靜。寥落使人悲。

卜夢珏字元文號篆生江蘇江寧人卜楚玉女孝廉劉岐度室著有繡閣遺草西冷閣咏

卷四 香咳集選存

七

八 香 苑 叢 書

秋眺

吟息啟層樓。秋光放眼收。雲歸山自在。江靜水安流。遠樹平於草。孤村小若舟。寸心猶漫擬。聊許似閒鷗。

邱紹英字少英號伴航江蘇長洲人著有伴航集

遣懷

人生大抵寄郵亭。巾幘鬚眉豈逕庭。脂粉習消詩有力。煙霞病癒藥難靈。春慵祇費香供睡。露冷方知鶴伴醒。自笑深閨風景異。橫陳書卷對疎櫺。

吳喜珠安徽歙縣人方如麟室早寡

粵城懷古

仙人不跨五羊來。碧海丹山次第開。洗氏談兵名將氣。尉佗稱帝匹夫才。功留銅柱存窀穸。骨掩花田轉劫灰。此是炎方冠帶國。書生曾請棄珠崖。月明夜夜聽潮聲。豈有珊瑚樹可棲。不嫁誰憐何泰女。成仙真愧葛洪妻。纏綿炎海驚濤靜。蝶到羅浮好夢迷。只有包公賤巖石。五丁前此葬端溪。

趙家塊肉付庄門。王氣憑他海氣吞。誰念宮人皆北去。可憐丞相尚南奔。江山豈許偏安藉。珠貝堪為貨殖存。莫檢新書添悵惘。唾壺敲落玉釵痕。

陳

治筠字淇園江蘇崑山人余恒齋室

自拜中書令。斯文獨在茲。毫裝青縷巧。管吐綠沉奇。五色才人夢。雙灣少婦眉。惟君能領取。此外有誰知。

朱

中楣字遠山江西廬陵人侍郎李梅公元鼎室著有文江倡酬集鏡閣新集

春日熊雪堂少宰以和黃山谷梅花韵見投同梅公作

幾年偕隱同歸洛。紛紛世態春冰薄。今古長安似奕棋。惟有投閒是先着。每思登眺帝子樓。風雨靡靡滯城郭。荒園頽倚杏花村。社鼓頻傳慟恬漠。時吟佳句響琳瑯。滿紙烟霞真駭愕。綉貂髣髴韻難成。欲附青雲為寄託。綠波隱隱泛蘭舟。紅蓼森森羨華萼。階墀舊院冷鞦韆。熊國新旌綴珠珞。海棠無力怯春寒。夢

卷四 香咳集選存

八

八 香 苑 叢 書

破春愁。融和天氣。芳菲。芸艸課子差足。舞燕翻飛。墮碧空。流鶯宛轉。驚鈴索。風指韶光。又一年。閒看花開。漸花落。不關春色。苦相催。但恨封姨。還肆虐。淡宕輕陰。潤雜絃。良宵煮茗。奴稱酪。却為聽詩。滅夜眠。舉案呼尊。共微酌。寄鶩猿鶴。莫漫猜。而今始踐山林約。

尤澹仙字素蘭號寄湘江南長洲人著有曉春閣集

春夜喜山人送梅

寒林漠漠春無影。欸扉有客來銅井。折得梅花遠寄將。一枝猶帶溪雲冷。我亦羅浮謫下仙。相逢此夕豈徒然。狂呼明月伴我飲。世人那識三婢娟。

讀武侯傳

經世推王佐。伊周共瘁勤。君才能一統。天意定三分。飲血承遺詔。攻心靜微氛。英雄終古恨。淚洒出師文。

方 芬字采芝順天大興人方維翰女著有綺雲春閣詩草紅蕊山房學吟

稿

阻風景步伯武原韻

大風徹夜舞狂瀾。正是扁舟繫纜時。兩岸霜楓紫遠夢。一帆寒雨亂鄉思。江間
白浪青山動。天外黃雲畫角吹。寄語石尤須早息。揚舲穩渡莫教遲。

張 藝字于采江南吳江人張天一女弟吳士安室著有衡樓集

戲為外子撥悶

失意休教苦自煎。與君把卷論前賢。兒頑自笑同王霸。婢鈍何須學鄭玄。漢器
當墟情更洽。操春舉案志猶堅。久藏賴有牀頭。莫負梧桐月正圓。

楊 琇字倩玉浙江錢塘人沈適聲側室著有遠山集

西湖竹枝詞

斷橋西去竹間廬。不道山孤人亦孤。嶺上桃花知妾是。水中萍葉似郎無。

塞下曲

白草蕭蕭塞馬秋。濃霜入夜冷征裘。玉關不鎖長安月。萬里隨風度隴頭。

葉 氏浙江仁和人葉苑西女趙替元室著有友琴軒集

卷四 香咳集選存

九

八 香 飽 齋 詩 集

蘇堤行

西陵渡口騎驕驄。油壁香車多麗人。橋灣柳綠酒宿。王孫恣意嬉青春。昔年
蘇公築堤好。今日長堤徧荒草。花落花開能幾時。山色湖光終浩浩。君不見女
牆石礎苔痕沒。千年華表屬魁穴。賈家秋壑岳家墳。滄桑閱盡三更月。

陳絳綺字彩霞江蘇長洲人黎軍吳繫孫側室著有香閣吟稿

秋草

裙腰顛賴可人憐。曾記探春拾翠鈿。故國魂銷吳苑水。行人腸斷越溪烟。極天
山色餘殘日。帶薄寒光入暮年。一自西風搖落後。明妃塚上月娟娟。

陳結璣字寶月號蘭修江蘇常熟人孝廉鼎登谷元錫室著有咬喜堂集藕
花莊集

田家雜興四首

新晴緩履過村西。菜麥同青水拍堤。放鴨船歸香雪滿。聽鶯橋斷麴塵迷。滄桑
任老花三徑。烽火難耕雨一犁。何處芳菲堪挂眼。十年魂夢五陵溪。

樹外輕雷蓄氣蒸。茅檐翁媪話年登。危懸雨過難容履。挾港船歸喚起昏。虹影
蘸湖雲自歛。波光鎖樹翠猶凝。休耘荷鐮橋頭立。晚市爭看販早菱。

秋日郊墟喜漸涼。稻花阡陌散晴香。爭梨鳥雀喧斜日。踏藕兒童鬧晚塘。老樹
傍門常掃葉。好山當戶故低牆。悠然獨坐南隱月。早挂清芬白苧裳。

雲重風高暮雪天。冰條朶朶漸裝綿。蹇驢尚怯霜橋跡。羸馬偏驚紫塞鞭。茶拂
竹簾挑宿火。香深松戶爇寒煙。悠然更起山陰興。欲借林逋放鶴船。

方 京字彩林廣東番禺人進士方殿元女廣文金縷室著有彩林集

蕪上露

蕪上露。日出晞朝。種花日暮。萎微物轉瞬間。人生瞭如斯。彭祖帝堯民。亦復同
所歸。服食求神仙。仙成竟何時。守道以待終。令名庶可垂。

鄉思樓

楊珊珊字珮聲浙江山陰人布衣楊寶女臬司金祖靜室

旅寓金闈五十秋

旅寓金闈五十秋。親年多半老依劉。嗟余未識鄉關路。廿載空登鄉思樓。

卷四 香咳集選存

十

八 香 飽 齋 詩 集

金 順字德人浙江烏程人汪靜國母著有傳書樓稿

寄大姊太倉

惠好原同氣。分飛恨各天。夢來難識路。書到動經年。藥草緣工病。天花早悟禪。
當時詩譽美。曾記小山篇。

對雪和清溪徐太夫人次東坡先生北台約二首

空庭何處著纖塵。萬籟收聲朔氣嚴。耐冷人如霜後菊。坐禪心似水中鹽。濃飄
竹影低垂砌。飛逐梅花亂點檐。多少無衣愁歲暮。重棉猶怯晚風尖。

朝來誤喜報晴鴉。依舊重陰掩日車。粉本雲山開畫稿。白符芝采現空花。對溪
煙冷人迷棹。孤嶼天寒鶴返家。欲望高樓簾未捲。小鬟呼取玉鴉叉。

陳守範字靜閑浙江海寧人岳垣存公女錢唐諸生顧宜曾室早寡著有靜
閑遺詩

春日寄懷羽步

幾日春殘景愈消。滿山新翠落花輕。江風自引桓伊笛。嶺月時聞子晉笙。鄉夢

不隨賓雁斷。客懷應向暮雲生。年年頗頹芳華冷。書劍天涯恨別情。

金鶴素字松師江蘇長洲人臬司金祖靜女姪同郡魏澄室著有杼餘集

隨父解組旋里夜泊峽江有作

入峽風濤險孤舟泊夜闌。林深山鬼嘯。霜重月華寒。久宦謀終拙。還鄉夢亦安。親年已七十。肯戀一微官。

王薇玉字采薇號玉珍江蘇武進人明府王葢山光燮女觀察孫淵如星衍室著有玉珍集

望夫石

妾顏初如花。妾心已如石。憶昔定情雙妍姿。不忍君歸見衰色。妾顏將凋心不移。妾身已化君始知。冰爲肌。草爲髮。山頭無人寄君信。妾意淺。君心深。恐君復化填海禽。海禽來銜石方動。不作巫雲入君夢。

舟過丹徒

行行已百里。村落半柴扉。隻鳥時依樹。孤鶩不上衣。月高人影小。潮定橈聲稀。

卷四 香咳集選存

十一

八 香 咳 集 選 存

沿水星星火。歸鷺宿鳥飛。

夢起

夢醒空階望翠微。幽苔染影上羅衣。寒天細竹人孤倚。斜日高樓燕對飛。碧嶺疊來鄉路斷。玉梅枯盡舊顏非。夜堂疏磬疑禪寂。冷水閒雲合照扉。

吳中閩秀姓里未詳詩見陳其年婦人集

贈宮婉蘭

雲髻偏宜試晚妝。石牀苔潤恰新涼。探蘭愛向花間立。贏得羅衣滿袖香。

蔡 孫字季玉遼陽人綏遠將軍蔡統榮女高文良公其倬室著有蘊真軒

小草

關鎖嶺

山從絕域勢遙分。天限西南自昔聞。烽靜戍樓孤上屋。風喧古木鷓鴣群。橫燈石磴危通馬。深鎖雄關冷護雲。呵護昇平猶覺險。揮戈誰憶舊將軍。

九峰寺有感家大人

蘿壁松門一徑深。題名猶記舊鋪金。蒼生塵鼎無香火。經蝕僧厨有蠹蟬。赤手屠鯨千載事。白頭歸佛一生心。征南部曲今誰是。剩有枯禪守故林。

辰龍關

一徑登危獨惘然。重關寂寂鎖寒煙。遺民老剩頭間雪。戰地秋開郭外田。聞道萬人隨匹馬。曾經六月墮飛鳶。殘碑灑盡諸軍淚。苔蝕塵封四十年。

江西坡

西嶺千重簇劍鉞。曾揮萬騎突羊腸。鬼燈明滅圍青血。野塚荒涼嘯白楊。夢斷層霄空漠漠。事隨流水去茫茫。只今剩有殘兵卒。指點空山說斷腸。

彭氏河南鄆州人布政司彭禹峰而述女李青立鴻室著有蝶龜集

雷家灣

峰峰斜倚俯清濤。一葉孤舟亂後身。洞口白雲雞犬在。此中大有避秦人。

金銀洞

絕壁繩橋萬壑深。春風何意此登臨。安禪暫借蒲團力。坐聽神龍淵底吟。

卷四 香咳集選存

十一

八 香 咳 集 選 存

畢 著字韜文安徽歙縣人崑山王聖開室

紀事

吾父死報國。戰死于薊邱。父馬爲賊乘。父屍爲賊收。父賊不能報。有愧秦女休。乘賊不及防。夜進千貔貅。殺賊血滿漉。手握仇人頭。賊衆自相殺。屍橫滿坑溝。父體輿槨歸。薄葬荒山邱。相期智勇士。撫焉賦同讎。蛾眉一掃清。國家固金甌。董 琴字嶧蘊浙江烏程人副貢董量女諸生蔡雲室著有靜吟集

曉發

撥掉山溪口。雞聲起草廬。星稀天漸曉。風動暑微蘇。遠樹低將沒。遙山淡欲無。行行入幽境。宛在朝川圖。

初夏幽居

曲徑疏籬護短牆。衙門寂寂掩茅堂。雨涼濃翠侵書潤。風送殘紅入硯香。詩句却從閒裏得。世情漸向病中忘。倦來拋卷惟支枕。一榻清風午夢長。

香咳集選存二

任城許堯臣山臞纂輯

商婉人浙江會稽人詩見王阮亭香祖筆記

贈沈嗣芳

細筆猩紅絕妙辭。瑋眉腮下拜名師。從來玉梓稱才子。樓上昭容字婉兒。

蔣季錫江蘇常熟人南沙相國女弟華亭王圖煒室著有挹清閣集

車遙遙

車遙遙。推駑馬。紅塵撲面金鈴。鞭呼特。有驅車者。路旁楊柳藏驛樓。十里五里行。不留。蒙山之陽泗水北。石路險澀程途憂。僕夫告瘁往復來。行人多向黃金台。曉月晨星競馳逐。三萬六千雙轉轍。車遙遙。駑馬驕儂家。家近白蘋浦。幾時歸去乘吳舫。

金 逸字織織江南長洲人諸生陳竹士基室著有瘦吟樓詩草

書懷呈竹士

卷四 香咳集選存

十三

八 香 配 卷 肆

拾肩煩躬曲。招涼共息機。應均雲細入。簾啓燕爭飛。久病諸諸藥。安貧守故衣。百年何所願。生死只同歸。

靜綠軒夜坐

一碧梧桐院。新涼起遠樓。落花都是雨。枯樹易成秋。茶酒拋多病。雲山待放舟。篆煙如有意。縷縷近人流。

牡丹

我見猶憐汝。新晴兩度來。一時無粉黛。百寶有樓台。著雨春爭艷。迴風繡作堆。可憐蝴蝶倦。繞過百千迴。

次韻和吳蘭雪 嵩梁石溪觀桃花

紅雲飛隔水。應是雨催開。游屐綠溪入。春禽約客來。濕煙低隱屋。老樹臥延苔。幾度尋詩到。無人立一回。

寄懷江宜秋 玉軒閣友

落葉生空響。涼風著意吹。三分新酒病。一卷故人詩。曉夢殘燈覺。秋懷老樹知。

吳淞川裡水流不盡相思。

題香蘇山館圖

三十六奇峰。峰峰濕翠濃。應虛雲不去。人冷鶴相從。響度深林斧。寒生隔塢鐘。夢魂尋未到。水復又山重。

綠隱

綠隱午倦放簾鉤。小榻堆書當枕頭。落雁有情呼舊侶。寶奩無賴鑿新愁。花房鳳子晴留夢。竹院棋聲冷帶秋。駒隙年華容易度。西風扶病強登樓。

秋閨漫興

梧桐瑟瑟起愁思。閨閣閒情閱扇知。曉起摘花催婢早。晚涼待月放簾遲。生前未了三山夢。身外難拋一局棋。識得榮枯原有定。西風莫恨髮如絲。

隨園先生來吳門招集女弟子于繡閣余因病未曾赴會奉賦一律呈先生

西湖續會許相從。閨閣咸欽大雅宗。我豈能詩慚畫虎。人言此老好真龍。竹聲當牖涼三逕。雲氣深潭幻一峰。未得追隨女都講。春愁偏欲惱吳儂。

卷四 香咳集選存

十四

八 香 配 卷 肆

柳條不肯繫春光。返棹天台餞別觴。青眼每深知己感。白頭猶是愛才忙。湖堤草色催新夏。驛路蟬聲到夕陽。願到明年芳訊至。許教桃李附班行。

題吳玉淞太史除夕四客游山圖

浮空金碧樹模糊。誰倩袁安作畫圖。歲暮如君問未得。梅花為我肯開無。溪流殘雪春聲澀。松吹斜陽僧影孤。十萬吳城小兒女。尋春只解醉屠蘇。

一棹移來遠俗氛。半天鈴語下方聞。肯緣蠟盡開雙屐。應被山靈識四君。小閣烟寒猶鬪茗。斷崖木落不停雲。依稀記得前游迹。只是清幽判十分。

竹士同作

相期行樂及佳辰。洗盡繁華趣逼真。舟聽所之隨兩槳。客來不速得三人。松盃煖熟聊從俗。梅樹荒寒未到春。為語笙簫舊時侶。阿誰今夕是閒身。倘伴疑是小游仙。踏凍人宜喚霽天。殘雪店尋前度酒。夕陽鐘破隔溪烟。只孤僧外無餘客。再一回來已隔年。他日歲除應記取。山塘倚棹暮雲邊。

秋日有懷王碧雲女史

落盡芙蓉景物非。妝台晏起思依依。雨深別館蛩聲急。月冷吳江雁到稀。病畏
新寒張曉慢。瘦拈舊線改秋衣。生涯近日君知否。一縷爐香息紫機。

病中得郭頻伽摩贈詩並讀近作

誰吹蘭氣化秋煙。得此風流骨亦仙。世上有情春似夢。病來無睡夜如年。活依
經卷愁難餓。修到梅花瘦可憐。我愧謝家吟絮絮。漫勞刻燭劈蠻箋。
早送瀟湘八月秋。小庭梅雨響簾鉤。詩成杜牧三生恨。人在胥江一葉舟。十載
青衫勞劍缺。二分明月醉樽頭。莫言生小愁爲累。不是情多不解愁。

次韻蘭雪訊病之作

已拚小劫到游仙。閒訊芳君格外憐。喜聽新詩來病裡。強扶殘夢謝花前。風禁
鈴索清如語。月逼紗牕薄似烟。不是相逢真國手。等閒燒燭爲題箋。

靜綠軒夜話同竹士作

拈韻西懸燈火親。詩狂入夜欲驚隣。貧無長物償花債。冷怪秋風尋病人。剩有
睡鄉供小飲。那須丸藥駐青春。笑他到死方成悟。蝴蝶原來夢裡身。

病起

碧梧移影上林扉。西院無人曉日微。病起名香焚不得。花陰小立當薰衣。

次竹士約

梧桐疎雨響新秋。換得輕衫是越綢。忽地聽郎喧語笑。帕羅伴掉不回頭。

記夢

膏殘燈燼夜凄凄。夢淡如煙去住迷。斜月半溪人不見。忍寒小立板橋西。

舟中卽目

綉簾雙捲水應開。一葉風帆鏡裡迴。天意似憐人寂寞。青衫移近畫船來。

西溪舟次

西溪九曲繞烟霞。矮屋疏籬半種茶。何處東風傳笑語。隔花樓閣美人家。

題注宜秋內史詩稿後

一卷焚香供玉台。燈殘猶讀兩三回。謝家柳絮蘇家錦。如此才真未見來。
空教費盡好才華。夫婿年年不在家。願化相思一雙鳥。替銜紅豆到天涯。

卷四 香咳集選存

十五

八 香 曉 齋 集

王 倩字雅三號梅卿浙江山陰人明府王達溪謀文女陳竹士繼室

將歸吳門別駱佩香夫人

時湖無分盪船移。十丈風絲漾落漪。春亦如人留不住。好花開遍是將離。
蘭蕪一片綠含愁。唱到驪歌月滿樓。笑我遲來偏早去。別君况又別揚州。
方婉儀號白蓮居士安徽歙縣人宗伯方石村女孫江都羅雨峰聘室著有
學陸集

生日偶吟

平簾疎簾小閣晴。朝來池畔最關情。清清不染淤泥水。我與荷花同日生。
錢 潔字瑜素江南常熟人陳鉄肩室著有青螺集

贈姑新妝

春色盈盈立畫樓。不修宮樣已風流。更兼雙翠雲肩。上學得新梳燕尾頭。
周 氏浙江烏程人周孚成女

聽雨

卷四 香咳集選存

十六

八 香 曉 齋 集

簾纖小雨不曾停。纔睡仍醒伏枕聽。不是侍兒驚告我。錯疑梧葉下虛庭。
陸觀蓮字少君號雨鬢浙江嘉善人桐廬女丹生室著有蔣湖寓園草

寶劍篇贈外

吁咄哉。荆卿劍術既不成。雖有寶劍徒空名。千載黯黯閉秋水。雙匣渺渺埋龍
精。狐狸夜鳴風雨惡。蛟螭晝舞波濤驚。我持此劍若明月。衆星朗朗隨其行。又
持此劍若白日。群妖退走梟槍平。衆星沒。送君贈君君莫恐。古來遇合自有時。
神物出處當知之。

女 默字齊季小字墨姑浙江桐廬人女丹生女著有閨隱集

和母寶劍篇贈兄

床頭夜半雙龍吼。光攝群妖暗星斗。風雨霹靂一瞬間。木拔沙飛石亂走。古來
神物本平常。遭時遇主生晶光。拂拭霜花將解贈。時無烈士空徬徨。莫歎息。木
蘭唧唧當戶織。阿兄年少財白額。歸來摩挲看太白。
葛 宜字甫有浙江寧海人葛麗菴女朱爾邁室著有玉牕遺草

明月照高樓

明月照高樓。皎皎多光輝。上有蕩子婦。凭高獨徘徊。徘徊復何如。灑淚沾裳衣。思君不能語。忽忽如調飢。朔風吹庭樹。賤妾將何依。願作高山鳥。飛向君懷樓。君懷不我顧。嗚聲悲以懷。四海仰何曠。分飛東復西。

雨泊阜亭山

雨色分高岸。阜亭作客年。宿雲封野店。微火辨漁船。對酒山長暝。題詩人未眠。空嗟前路遠。處處接風烟。

王統貞字月妹江蘇江都人著有幽蘭閣集

別潤城盟姊

片帆帶霧忽東兮。載得離愁江水淒。南北地天同此恨。春秋風雨各成題。無書可借三山雁。有夢頻驚五夜雞。恨不身輕如燕子。飛飛掠過數峰西。

胡瓊字佩青江蘇長洲人朱友倩室著有小秦台詩草

蘇台懷古

可憐歌舞地。滿目盡蒼萊。誰使繁華歇。空教樂鹿來。烏啼亡國恨。花發故宮哀。剩有吳山月。淒然照舊台。

馬淑禧號墨華子浙江會稽人馬維陸女陶菴室

感懷

朝來無力倦臨妝。睡起遲遲日影長。忽報春光今已盡。含愁強步小迴廊。

樓上

夜色殊不寐。寒光望中遙。山月驚樓鶴。天風落怒潮。晴烟籠樹杪。澹露滴芭蕉。半捲湘簾起。爐香細細飄。

顏柳山東武城人陳國瑞室著有借隱倡酬草

夏日山居

山靜偏宜暑。松風入夢清。危岩飛雨色。古樹咽蟬聲。刺繡年來課。看雲物外情。不知塵市遠。聊為證無生。

卷四 香咳集選存

十七

香咳集選存

張榮安徽桐城人方合山室著有友閣詩集

暮春游王夫人園林

芳郊春欲暮。偶爾過柴關。路曲都因竹。亭高喜就山。一橋穿樹出。雙鶴引雛閒。鎮日林泉趣。塵囂忘世間。

張瑤瑛字巖舟浙江仁和人王健菴室著有繡墨齋偶吟

秋齋閒咏和健菴

風吹雲影散。斜日上花梢。雨霽蛛營網。林疎鶴補巢。舊衫歸日澣。新句暇時抄。待月閒情永。渾忘禁鼓敲。

汪玉軫號宜秋小院主人江蘇吳江人

遣悶

一番疎雨一番風。聲入秋牕曉夢空。自是愁人聽不得。莫將蕭瑟怨梧桐。睡起無心對鏡奩。紙牕紅透未開簾。蟬爐尚有微微火。沉水拈來且再添。夜涼池館雨初晴。雲影微茫月影清。坐久不知風露重。柝聲忽已報三更。

卷四 香咳集選存

十八

香咳集選存

花初破。毒柳纒青。寒食時光微雨零。妝閣有人愁不寐。挑燈無那隔簾聽。姚霞齡浙江錢塘人孫懋觀室著有晚雲樓遺稿

病起

幾日荒園不暫遊。閒行幽草綠初稠。鐘聲遠近烟中寺。樹色微茫雨外樓。臥病心情猶帶懶。殘春天氣正多愁。畫梁燕語渾無緒。故向簷前絮不休。

徐暗香字晚蘭江西南昌人

重陽

又是黃花節。江城樹樹秋。雁迷雲外路。煙鎖夕陽舟。夜月鳴霜杵。高風感敝裘。閣中殊寂寞。閒理玉搔頭。

張學雅字古什山西太原籍江蘇吳縣人張拱端佚長女字金壇于泚未嫁而卒著有繡餘遺草

閣中閒咏

槿花紅吐映疎簾。睡鴨閒將龍腦添。滿架亂書誰去整。可憐終日病懨懨。

竹院蕭蕭入語空。夜來風雨太匆匆。侵晨獨倚闌干角。閒數池蓮幾朵紅。

張學典字古政號羽仙張拱端四女吳門楊易亭室著有花樵集倡和吟

宮詞

內苑繁華柳放絲。御溝流水漲氤氳。欲將心事題紅葉。未識隨流付阿誰。

張學象字古圖號凌仙張拱端五女林屋沈載公室早寡著有硯隱集

歲暮感懷

山齋晨起。愁雲在望。庖突無煙。葛屨練裙。猶作禦寒之服。湘蘭杞菊。難供卒

歲之類。嗟乎。稽紹幼孤。長聊早喪。厚祿故人。音書斷絕。恒飢雅于。意色淒涼。

昔之車笠。申盟麥舟。相助者。復何人哉。聊詠二章。用抒悲憤。

緝柳編蒲志苦辛。半身多難已忘身。橋林乏實供餽粥。突舍無烟薦藻蘋。空羨

田真兄弟樂堪憐。任昉子孫貧。一園遺草誰為達。檢得徒令淚滿巾。

玉粒為餐桂作薪。荆釵蓬鬢自悲辛。桑麻廢盡猶征稅。典籍遺來不救貧。論著

孝標難覓友。詩哀承吉更何人。生存特落真堪慟。却向塵中厭此身。

卷四 香咳集選存

十九

香 齋 叢 書

王演之字魯菴浙江分水人副車王泐女弟張竹書室著有雕華稿

罷繡

薄暮停針線。愴然致出塵。爐深知火細。牕矮愛紗新。山外天連樹。樓邊月近人。

黃橙與綠橘。真个畫難勻。

張 吳字槎雲浙江錢塘人孝廉張義壇女諸生胡大濬室著有趨庭詠琴

樓合稿

秋晚

極目危樓上。天涯晚望中。雲憑荒野闊。月落大江空。露冷蛩初響。風寒葉正紅。

興來無俗感。明月在陳桐。

吳永和字文壁江蘇元和人董玉蒼室著有苦吟拾稿

語外子玉蒼

他年借隱卜幽居。流水空山一草廬。風外鳥啼移晚竹。雨中客至剪春蔬。低懸

茗椀隨棋局。小榻爐香讀道書。安覺此心貧亦好。眼前漂泊欲何如。

虞姬

大王真英雄。妾亦奇女子。惜哉太史公。不紀美人死。

戴陵濤字文姬江蘇江都人長洲蔣塞翁側室著有綠牕遺草

倚欄看月

碧漢迢遙夜氣清。倚欄看月十分明。何時飛入蟾宮去。長伴姮娥弄玉笙。

李 源字星鍾湖南茶陵人陳綺岩室

秋夜即事

撲籬霜氣重。隱几一哀吟。鼓角寒牕月。關河獨夜心。愁敲紅燭冷。夢斷白雲深。

隔院誰家笛。因風送好音。

徐橫波字眉生一字智珠號眉莊本姓顧名媚江蘇上元人合肥尚書龔芝

龍鼎孳側室著有柳花閣集

海月樓夜坐

香生簾幕雨絲霏。黃葉為鄰暮卷衣。粉院藤蘿秋響合。朱欄楊柳月痕稀。寒花

卷四 香咳集選存

二十一

香 齋 叢 書

晚瘦人相似。石燈涼生雁不飛。自愛中林成小隱。松風一榻閉高扉。

陳學鍾湖廣祁陽人相國陳文肅女

瀟湘寺

每到瀟湘寺。瀟湘最可憐。禪門深閉月。秋水靜如天。夏日檣荷艷。春明桃李妍。

冬來景不惡。紅葉滿山巔。

張 屯字麗然江蘇婁縣人稽念劬室早寡著有華華集

江南曲

疎牕札札鳴機聲。三日織來匹未成。迴腸曲曲如絲亂。亂絲不斷腸偏斷。腸偏

斷昨夜西風吹枕寒。夢回頻憶客衣單。江南塞北音塵隔。生死無憑憂不釋。憂

不釋填胸膈。君若堂上無老親。妾身拚化山頭石。

程瑜秀安徽歙縣人諸生王宜村室著有自怡草

桃花雪

依然醉笑太真妃。妒惹寒花六出飛。可是東皇粧點巧。水晶屏外綵綃衣。

高景芳浙閩總督高琦女靖逆侯張宗仁室著有紅雪軒稿

晨妝

妝閣開清曉。晨光上畫欄。未曾梳寶髻。不敢問親安。安貼加釵鳳。低徊揮佩蘭。隔簾呼侍婢。背後與重看。

李湘芝字秀真山東歷城人嘉定王竹所初桐側室著有柳絮集

雨中送外

閣中相送熟梅天。陰雨淒迷倍黯然。雲脚低垂芳草路。馬蹄遠入綠楊烟。紅燈照酒同誰醉。翠被薰香且獨眠。却悔西堂分手處。不應遞與紫絲鞭。

倪仁吉字心惠浙江浦江人義烏吳之葵室著有凝香閣稿

題宮憶園

調入蒼梧斑竹枝。瀟湘渺渺水雲思。聽來記得華清夜。疎雨梧桐獨坐時。

方維儀字仲賢安徽桐城人同邑姚孫榮室早寡著有楚江吟歸來嘔清芬閣集

卷四 香咳集選存

一一一 香 曉 齋 集 八

伯姊之粵有贈

昨歲長溪來。今歲粵中去。此別又數年。離情復何語。明發皖江城。山川隔烟霧。皓月臨蒼波。春風滿江樹。

方維則字季準維儀妹諸生吳紹忠室早寡著有茂松閣集

題竹

小院何空寂。相依獨此君。雪深愁易折。風急不堪聞。白石移花影。青苔擁籜文。樓頭蟾月上。空翠落紛紛。

王元禮字禮持浙江仁和人王松壑女著有梅笑軒詩集

湖上同柴季嫺朱順成

向暮遊人絕。同君步曲塘。遠山含秋色。傍水發荷香。雅調傳金軫。閒情寄筆牀。誰言閑閣友。相得在詞章。

鮑 詩字令暉浙江平湖人別駕鮑怡山女徵士張鉄珊室著有鶴舞堂小稿吾亦愛吾廬詩抄吾過集

于忠肅公墓

羣小奸謀熾。功臣死可哀。擎天空赤手。埋骨剩青苔。石馬嘶風立。靈旗捲雨回。誰居喉舌地。燕雀永無猜。

徐 氏山東長山人明府徐繼志女新城布政使司參議耿鳴世室都御史柏母

寄子

家內平安報爾知。田園歲入有餘貲。絲毫不用南中物。好作清官答 聖時。鮑鳳珍字友梧福建侯官人孝廉魏英女弟廣東番禺李聯芳室著有紅餘小草

韓侯釣台

韓侯台上秋雲陰。韓侯台下秋濤深。英雄不遇出胯下。感恩一飯酬千金。登壇一呼楚軍竄。山河萬里全歸漢。丈夫生不為真主。欲假王名翻疑叛。君不見狡兔死。走狗烹。識時勢者全令名。功高徒取殺身計。何不垂釣終平生。

卷四 香咳集選存

一一二 香 曉 齋 集 八

毛蕙華字竹君江蘇寶山人毛海客思正女嘉定王賓之室

聞蟬

雨過空林逸響清。蕭疎碧樹寄寒聲。何因長占高枝上。每向風前啞啞鳴。徐暎玉字若冰江蘇崑山人孔青崖室著有南樓吟稿

送春

春光心事兩蹉跎。愁見飛花檻外過。漫說窮愁詩便好。算來詩不敵愁多。七夕

銀漢橫斜玉漏催。穿針瓜果釘妝台。一宵。要。話。經。年。別。那。有。工。夫。送。巧。來。哀。寒。篋。字。青。洲。江。蘇。婁。縣。人。袁。玉。屏。女。著。有。綠。隴。小。草

自遣

療飢自有忘憂處。樂此衡門水一灣。漫野家貧無四壁。家無四壁好看山。吳 脚字凝真號水蟾子江蘇華亭人浙江嘉善曹允明室

鮑曲

金屋暖長春。蘭階人似月。但願如月圓。不願如月缺。
贈妾紫金環。遺郎白玉珎。郎恩環不解。妾心玉比潔。

灑 氏山東平原人尚書董訥女孫同郡鄭樞室

題水墨畫蘭

魏紫姚黃錦樣般。春風一夜玉樓寒。何如尺幅藤溪帶。富貴常從淡處看。

李國梅字芬子號韞菴江□□□李翰史瀚女解時九舉鼎室著有林下

風清集

搗衣篇

金閨寂歷金風起。極目關山幾千里。誰家少婦顏如花。夜搗征衣月明裡。親搗
寒衣寄遠客。千山萬水兩思積。嘹嘹征雁逐行飛。渺渺流螢當戶入。銀河秋冷
夜無光。幾點疎星明復滅。風吹砌草泣寒蛩。露滴井梧凋敗葉。閒雲片片成東
西。砧聲斷續高復低。此時相望情何已。此際寒烏夜半啼。含情搗罷嬌無力。拋
杵攬衣長歎息。依稀記得別君時。于今幾度秋花碧。踽踽獨立意何如。淚痕滴

卷四 香咳集選存

一十二 香 詠 八

滴露襟濕

張以誼字鸞賓安徽桐城人尚書張傳和女主事姚文燕室著有保艾閣詩

抄

月夜憶夫子

霜風月影透紗紗。香冷金猊燭吐花。料得寒侵孤枕客。相思應有夢歸家。

聞 璞字楚璜浙江石門人庫大使聞譽彥女奉養父母矢志不嫁著有醉

鶴樓集

感懷

十年塵掩老萊衣。回首淒涼萬事非。顧影自驚鴻雁斷。傾心猶望鶴鴒飛。支離
空惜微軀在。寂寞誰憐白髮稀。唯有牽衣兩行淚。夢中灑向夜台歸。

楊素書號種竹人浙江秀水人楊芥堂文淳女會稽寶德輝室著有若香樓

集

咏奕

三百六十着。變化無終極。取勢貴斜飛。布局在整飭。奇正兩週環。勝負分頃刻。
失不生憤心。得亦無矜色。譬彼登射堂。于此可觀德。

吳 巽字道嫻浙江嘉興人鄭聯室著有聽鶯樓詩稿

綠牡丹和韻

平台冉冉黛初勻。不逐鄰園鬥麗春。金谷荒涼成往事。風前猶想墜樓人。

程懋良江蘇嘉定人徵士程宗傳女錢塘諸生汪秋御繩祖繼室早寡著有

吾土軒稿

題聽秋圖

月窟高于絳樹庭。桂叢誰占一枝馨。年來我是傷心客。每遇秋聲最怕聽。

汪 坤字順哉浙江錢塘人汪秋御女顧某室

聞蟲

四壁亂蟲鳴。聞聲暗自驚。猶憐秋一色。可奈月三更。嘆息余如助。丁寧夢未成。
可知為客者。緣爾倍關情。

卷四 香咳集選存

一十四 香 詠 八

駱綺蘭字佩香江蘇句容人江寧龔世治室早寡僑寓鎮江著有聽秋軒詩

集

晚泊龍潭

薄暮雨初霽。空江日已斜。沿堤孤客舫。近水幾人家。野浦螢還燄。山田稻自花。
涼風天未起。秋氣滿汀沙。

三月四日過雲根山館時左晚卿夫人歸寧見千葉桃盛開題壁一絕

寂寂園林日來斜。一庭江影上牕紗。主人難免花枝更。如此春光不住家。

方 氏安徽桐城人方恪敏公妹

自題畫牡丹

寒瘦蘭貧植謝家。愧無春色繪年華。刺來井底胭脂水。學畫人間富貴花。

黃媛介字皆令浙江秀水人同郡楊世功元勳室著有湖上草離隱詩如石

閣漫草

同祁夫人商媚生祁修嫻湘君張楚纒朱趙壁遊真山分韻二首

名園多異植。花繞曲園邊。山抱蒼潭水。林藏碧樹烟。樓鳥啼月下。迴棹泊霜前。酒罷同歸閣。開窗納翠鉤。

作園饒逸趣。遠客一登台。薛老蒼烟靜。風高落木哀。看山空翠滴。竟路亂雲開。欲和金閨句。慚非鬼苑才。

胡芳蘭江西南城人。萬蓉村。春榮室。著有瓊玉集。

夜坐
月色浮山外。秋光滿碧空。更深人不見。風響竹林中。

方 瑛字眉士。浙江錢塘人。

春怨
一夜梨花落滿池。西風空自惜殘枝。銷魂怕向樓頭立。况是斜陽欲暮時。

吳 蕙字蘭質。江南吳縣人。吳漢樓。女孫。諸生費定烈室。著有虞樓吟。

卷四

香咳集選存

二十五

香 詒 齋 書 集

田 玉字璧華。貴州開州人。文生某室。

避兵織履度日
皎月清天淨。似借宵深猶自鬥牙牌。而今約事渾如夢。門掩黃昏製草鞋。

查 惜字淑英。浙江海寧州人。馬思替室。著有南極吟香集。

呈家仲安
人言夫婿殊。夫婿殊文章。冥思出天地。抽籤開洪荒。高舉振六胡。梧桐棲鳳凰。德輝被天下。不與燕雀翔。由來三都賦。待價費洛陽。

王 芬字蕙田。江蘇婁縣人。王香溪女。唐齋。室。著有十燕集。閑遺稿。

晚晴
鷓鴣啼散。溪烟繞放。春晴景便妍。斷嶂截雲拖。剩雨垂虹銜。石架遙天徑。紅香印翠芳。屐岸綠痕移。把釣船。偏是倚關吟。未了月輪騰湧隔林圓。

陶文柔。江蘇青浦人。陶文女。廣文葉永年室。著有白雲樓詩草。

秋日歸里夜泊

2314

2313

五露傍江浮。歸帆何處洲。人疑湘水夜。月照故鄉秋。短燭消殘夢。清樽破旅愁。別離難自主。淚對白雲流。

沈持玉字佩之。號皎如。江南長洲人。著有停雲閣稿。

落花和江碧岑姊韻

笛裏誰家怨。吹來總斷腸。六朝春夢短。終古別愁長。天地老烟景。江山空夕陽。尋芳歸路晚。贏得馬蹄香。

登 川滿洲正黃旗人大中丞銜冶亭保室

閑居

排遣紛囂日。閉關案頭癩。祭每開顏。一旗香泛甌。中月半抹平。分枕上山得意。偏愁花落去。無心常見鳥飛還。劇憐吟興連朝夕。鎮日偷閒却不閒。

何 氏山東德州人。王伊室。著有歷亭吟稿。

海棠

海棠昨夜綻東風。誰把胭脂點碧叢。彷彿華清香夢破。玉腮猶自暈潮紅。

卷四

香咳集選存

二十六

香 詒 齋 書 集

葉宏湘字雪城。號曉菴。江蘇昆山人。嘉定諸生。闕敷在宗寬室。早寡。著有餘草。

雁來紅
朝來雙雁度秋空。帶得燕支塞上江。應是傳書飛太急。紛紛飄墜小庭中。

葉蘭谷字又芬。書城妹。胡秩亭室。著有香祖草。

閒步
風捲湘簾日半斜。幾竿修竹影交加。雕欄倚徙渾無事。閒看雙鸞掃落花。

章有緇字玉筐。又字玉儀。號橋隱。江蘇華亭人。桐城進士孫振公中麟繼室。著有澄心堂集。望雲草再生集。

哭夫子
一自公車去不還。從今信有望夫山。赤繩虛繫三生約。紅淚惟餘兩袖斑。訣絕未親真恨事。夢魂時傍見情顏。也知修短原無定。豈料榮枯頃刻間。

千里良緣合。隨于歸。不滿十年期。最傷薄命分。鶯侶猶幸高名占。風池故國。

泥封聞信日。長安春色看花時。無端遠赴修文召。不管空閨怨別離。
父子夫妻總幻因。又疑羅西河之痛夜台相見可相親。無端生死偏攬我。不
定功名却誤人。遺得文章驚四海。寄來錦字恰三旬。三月得死金報待乘雙鳳
君先去。寂寞蘭閣未死身。

蜀魄啼鵑道路長。鶴鴒無復兩連牀。中郎事業書千卷。子敬人琴淚幾行。不死
丹心終化石。餘生青鬢總成霜。與君不共齊眉案。帶閣蘆簾瘴孟光。
聞人徵音浙江餘姚人

夢

夢中作夢日悠悠。究竟何嘗有斷頭。槐國既無分晝夜。漆園那復論春秋。牛臆
月吐三更影。一枕風含萬古愁。不識有誰成獨醒。揭開宇宙縱雙眸。

柳 是字如是號河東君初名隱字龍燕浙江嘉興人常熟錢牧齋繼室著
有戊寅草

次韻汎舟有贈之作

卷四 香咳集選存

二十七

香 詠 齋 集

誰家樂府唱無愁。望斷浮雲西北樓。漢珮敢同神女贈。越歌聊載鄂君舟。春前
柳欲窺青眼。雪裡山應想白頭。莫為盧家怨銀漢。年年河水向東流。

春日我聞室作呈夫子

裁紅葢碧淚漫漫。南國春來正薄寒。此處柳花如夢裡。向來煙月是愁端。畫堂
消息何人曉。翠帳容顏獨自看。珍重君家蘭桂室。東風取次一憑闌。

巢麟徵字淑只江蘇武進人巢震林女諸生黃初子室

歸舟即景

兩隄煙柳碧于紗。中夾茅扉三兩家。數點睡鳥飛不去。月明溪漲白蘆花。
李 氏山東長山人青浦令李瓊女同邑趙伯璘繼室著有梅月樓稿

春日病起酌碧桃花下

芳園又報小桃開。強進花前酒一杯。病裏不知春幾許。飛紅已落玉樽來。
王瑤卿字繡君號仙峯江蘇通州人孝廉馬振飛室著有錦香堂集

舟行

極目河頭花正妍。綠莎汀畔水連天。輕舟載得春多少。無數飛紅到紫邊。
左慕光安徽桐城人汶上令葉馥室僑寓濟寧著有青筠軒詩草

感懷

寄跡異鄉非本意。強支門戶萬分難。衣裳似筭層層剝。質券如書日日看。可奈
空箱無長物。更兼多病減朝餐。一腔魂魄誰堪訴。閑坐中亭悶倚闌。

卷四 香咳集選存

二十八

香 詠 齋 集

香咳集選存三

任城許養臣山隴集輯

張令儀字柔嘉安徽桐城人張文瑞公三女沈湘門室著有畫牋集

讀霍小玉傳

歌鐘館閣青苔院。豈惹稍頭春一線。柳煙籠日翠聲輕。花霧著人紅玉豔。芙蓉
綉帶寶奩開。風鼻銀梁雙玉燕。芍藥裁成絕妙詞。響花小試玻璃硯。侯門白壁
自無瑕。誰教青鳥偷嬌面。楊花飛入惹春愁。門外玉孫嘶紫驢。錯認牧之非薄
倖。同心縷帶霜風流。畫眉應下調螺子。翡翠蘭宮夙願酬。地老天荒情不變。烏
絲素盟足千秋。銀箏錦瑟歡初洽。別鶴離鴻溝水頭。密誓俄成烏鵲帶。新歡又
占鳳凰樓。蕭娘骨瘦心如鐵。宛轉纏綿難決絕。羸臥空園若箇憐。鸚鵡應前頻
歎息。訪求消耗擲金錢。寶釵零落無顏色。長安三月牡丹時。契友相邀數陳說。
毗裂鬢張忿不平。多情感動黃衫客。鞭馬着過勝業坊。胡離強控黃金勒。支離
病骨倩人扶。曉禽幽夢芳心接。含情凝睇薄情人。聲聲訴出啼鴉血。穉齒韶頭

香咳集選存

二十九 香 詠 卷 書

飲恨終。一痛重泉沉怨魄。精靈苦妬後來歡。數教所愛生離折。何不追取負心
耶。貞魂化作紫鴛鴦。紅珠露冷蓮房老。雙宿雙飛向野塘。

北郭尋秋

野洞風吹袖。茫茫平楚間。秋隨人意冷。雲共客心閒。鳥墜將殘夜。烟生欲暮山。
怪他烏柏樹。着意染衰顏。

周映清字浣渭浙江歸安人湖南布政使葉佩蓀室

古意

美玉出崑岡。千載埋幽壑。一朝出塵氣。光氣耀重薄。剖璞得良匠。拂拭事磨錯。
晶瑩無纖瑕。素質乘礪。急投非其意。韞匱甘淡泊。忽逢席上聘。觀者盡錯愕。
璠璣遇有時。珍重保堅確。

李含章字蘭貞雲南普寧人侍郎李因培女葉佩蓀室著有蕙香詩草

題李白詩後

千仞翔孤鳳。高歌一代中。在天猶被謫。入世豈能容。胆落高驕騎。恩深郭令公。

116 201

再回唐社稷。諸將莫言功。

陳長生字煒笙號秋毅浙江錢塘人太僕陳星齋兆嵩女孫李含章媳學使
葉紹極室著有繪聲閣稿

初夏

未必春殘勝事稀。綠隴人靜惜芳菲。雨餘瘦蝶伶俜舞。風軟閒花自在飛。偶課
金經頻檢字。爲調玉軫罷裁衣。屏紗欲捲還重啟。好待雕梁乳燕飛。
虛堂瑟瑟度南薰。炷盡沉烟散午芬。沸鼎茶聲疑作雨。隔簾花氣欲生雲。嘔心
句少吟逾苦。借手棋多敗亦欣。小倦不須尋素箏。碧闌干外坐斜曛。

周星薇 李含章次媳詩附見蕙香詩草

悼鸚鵡

曉日樓台寶鏡開。玉兒何處喚難回。洲邊芳草年年恨。渡口琵琶事事灰。定是
飯依憑有物。不須待嫁悔無媒。從前減口成癡鈍。莫倚聰明說再來。
額頰秋來已十分。相拋誰伴鬱金裙。梨花舊院留新月。稻粒餘香散冷雲。未必

香咳集選存

三十 香 詠 卷 書

驚鴻同人夢豈能。塵鶴竟無文。紅闌自此聞風雨。愁對花陰一撮墳。

葉令儀字淑君浙江歸安人葉佩蓀長女諸生錢慎室著有花南吟樹草

春陰

碧隴人起怯春寒。小立閒庭露未乾。牆外杏花階下草。引人長倚碧闌干。
葉令嘉字澹宜葉佩蓀次

寄淑君姊

鶴原分手各天涯。風雨聯牀願尚餘。兩地空煩詩代簡。三春祗有夢還家。病多
漸減。君臣藥。別久愁看姊妹花。他日相思勞遠望。五雲深處是京華。

葉令昭字蘋渚葉佩蓀三女

繡閣當年共理妝。傷心此日各分行。寄書已過櫻桃節。惜別休聞芍藥香。曉月
鳴雞驚昔夢。夕陽歸雁感殊方。平生舟楫偏無分。枉說江南是故鄉。

錢鳳輪字雲儀浙江錢塘人進士錢安侯女同邑黃式序室著有古香樓集

採蓮曲

芙蓉灼灼開紅妝。雙漿中流盪夕陽。頻囑小姑轉笑語。莫教驚起宿鷺鷥。
蠶日輕風縱畫船。波搖翠袖影翩翩。何緣花裡忘歸路。貪看湖心並蒂蓮。
周瓊宇羽步號飛。脚晚號性道人。江南吳江人。著有比玉新聲集。

贈范洛仙

踏淡銷魂獨倚樓。登山臨水又逢秋。簷前垂柳絲千尺。只繫愁腸不繫舟。
蕭瑟越客獨淹留。汗漫西風柳岸秋。安得東風解我意。好吹此恨到揚州。

姜 氏字淑齋號廣平。山東膠州人。方伯宋可發子。婦著有淑齋詩草。

中江縣驛館題壁

清泉石上溜松風。薄受霜華葉乍紅。曲路通村知遠近。一條竹杖萬山中。
梁 頤字秀中號袖石道人。山東安邱人。同里韓朋桓室。

答何徵室

晚羞明月曉羞花。弱質萍飄泛海涯。萬疊雲山千里樹。不知何處是吾家。
何徵室 時避兵 海上

卷四 香咳集選存

三十一 香師 嚴書 八 集

和皆令遊密園

朔氣晴開萬戶煙。寒林落日點紅泉。十年往事悲星散。千里交情喜月圓。松徑
猶能邀令客。桃源應信有羣仙。拳芳踏盡池塘路。泥印蓮花步步妍。

孫 潮字月波浙江嘉興人。同里吳桂室。著有印雪書屋詩集。

春杪偶成

曉粧新學學飛鴉。小立迎風瘦影斜。家在浣沙溪畔住。春來人面映桃花。
張 介字華芳江蘇婁縣人。太守張蒙泉女。上海沈璉室。著有萬花樓詩

草

諸葛菜一名蔓青

沿階多蔓青。一雨遂抽碧。紫花浮萍茸。綠葉蔓無際。云可佐菜羹。昔以薦嘉客。
思昔諸葛公。軍行乏禾麥。藉之為餼糧。飼馬計亦得。自古行大兵。軍儲貴籌畫。
苟無芻粟資。告急何能擇。微物頗易繁。所在供朝夕。今人少種蔬。嘉蔬未聞食。
流傳信有之。盤餐庶採摘。寄語肉食人。此味毋輕擲。

陳瓊菴字芳余浙江仁和人。陳半江女。

春暮感懷

一春春事夢中過。眼底韶光剩幾何。嫩綠上階屢印少。殘紅滿地鳥銜多。臨粧
舊恨兼新恨。對酒長歌續短歌。碧盡故園芳草色。遙情無處託微波。

范 姝字洛仙江南如皋人。諸生李延公室。

聞蟋蟀有感

秋聲聽不得。况爾發哀吟。遊子他鄉淚。深闌此夜心。已憐妝閣靜。還慮塞垣深。
蕭瑟西風緊。行看霜雪侵。

吳 氏安徽桐城人。

咏史

六貴同朝激虎彪。橫江勒馬下西州。銀鎗酒市春雙鬢。玉履蓮台葉半鈎。趙鬼
西京諳漢賦。阿兄東閣歷通侯。誰知講武旄頭入。芳樂笳聲碧嶽秋。右南齊
同泰一人歸佛地。壽陽千騎渡江波。盟成自取金甌缺。蔬絕空陳雞子多。五月

卷四 香咳集選存

三十二 香師 嚴書 八 集

誰勸君父難。七官先返弟兄戈。江淮廢後襄陽促。秋草台前放棹駝。右南梁
臨春閣上萬花妍。寶帳朱簾裊蕙煙。擊鼓飛衝朱雀路。軍書亂壓繡床邊。嫦娥
入月昏銀鏡。狎客還家碎錦箋。賸有景陽宮畔井。胭脂春水咽殘絃。右南陳
江南一劍捲秋霜。半壁山河入雒陽。百尺樓空蓮葉碎。翠微亭冷鳥聲荒。臨城
樓館填宮曲。辭廟倉黃入教場。日夕淚痕誰洗面。錦書封恨報紅妝。右南唐

葉鳳成字虞廷江蘇嘉定人。著有抱月吟。

觀美人撫劍

有美一人頰而長。春山積翠宛清揚。乍舉霜鋒腰嫋娜。轉舒雪腕態低昂。雲生
閃電真游戲。花飛風捲鷺鴻翔。芙蓉交映芙蓉飾。秋水並流秋水色。四方上下
快盤旋。周圍進退添羽翼。漫云鈞質藏雄心。詎識輕軀具勇力。丰姿磊落佩陸
離。須臾變幻超神奇。鏗重威嚴密嚴集。鏗寒皎透繁星披。舞者氣驕如迅疾。觀
者目眩惟嗟咨。臨陣不教武子怒。披堅破敵有神助。

願信芳字湘英江蘇吳縣人。庶常顧秉真女。諸生程鍾室。著有生香閣詩鈔。

春陰

料峭春陰透碧紗。輕寒不散樹頭鴉。曉雲閣住廉纖雨。半是催花半養花。

范貞儀字一柏江蘇如皋人貢生高樓室早寡著有愁叢集

春日經理綠雲山房

荒館經時未啟扉。眼前烟景與心違。頻逢風雨化應瘦。久廢刪鋤草漸肥。小閣香泥巢乳燕。短牆蛛網挂春暉。伯勞底事東飛去。春晝年年未見歸。

杜從字佩玉號流雲江蘇太倉州人福建永春刺史杜昌丁女吳縣國學范

志室著有竹雲樓草

雨夜懷三姊妹

短檠孤照數更籌。急雨和風暗入樓。遠道懷人空對影。十年多病不勝愁。涼生枕簟難成夢。聲到梧桐易感秋。起坐無聊眠未穩。沉沉一夜滴階頭。

王 範字幼嫻浙江海寧人王漸齋女桐鄉李隨臬室著有蕉雨樓吟

病起

卷四

香咳集選存

三十三

香 飽 齋 集

阿難咒龍淨軍持。病起春風倦不支。繡閣湘簾垂十二。落花如夢雨如絲。

熊 璉字淡仙江蘇如皋人著有淡仙詩抄

感舊

刺綉餘閒就塾時。也從花裏謁名師。貪看夜月憎眠早。倦挽春雲上學遲。琴案屢吟秋柳句。錦箋頻寫落花詩。而今回憶昔塵夢。悵望當年舊畫帷。

村女

柔桑枝上聽鳴鳩。曉起提筐上翠疍。借問誰家春夢好。半腮紅日未梳頭。周淑履山東萊陽人侍衛周世祐女膠州高蔭榘室早寡著有峽猿草綠臆

小詠

述懷

志士在首陽。飴甘薇與蕨。無勞天地寬。矢言江海竭。死生不以形。心血先銷滅。嗟嗟未亡人。朽骨對霜雪。軋軋機杼聲。漠漠空天雪。操作入中宵。十指皆皸裂。積絲匹難成。不忍中道絕。

著此稿素裳。怡然矢同穴。

孤兒鬢亂年。欲令就師傅。大者陶性情。次亦理章句。寧云致通顯。不敢隕故步。爾父有殘書。慰母在寒素。歎息未亡人。歸寧倍煩酷。無以慰母心。反亂母心曲。長跪聽母言。牽衣不敢哭。相將孤子行。未語氣先促。

秋懷

殘暑方銷歇。西風已漸涼。高柯憐墜葉。疎雨咽寒蟬。入夢新愁積。思家舊恨長。百年應幾許。端的為誰忙。

張汝傳江蘇華亭人徐宗瑣室著有懋餘草

鐵馬

珊珊應撥瓊環輕。清微如聞秦女箏。庭畔驚殘樓鳥夢。樓頭敲動玉關情。高垂劈劈花鈴響。驟響依稀鐵騎行。占得一年風力健。不知改作幾番聲。

陸谷西字初月浙江仁和人余淡心懷側室

陸谷西字初月浙江仁和人余淡心懷側室

卷四

香咳集選存

三十四

香 飽 齋 集

憶西湖

曾記西湖六月天。藕花如錦斷橋邊。至今夢裡猶來往。聽得錢塘喚渡船。

毛秀惠字山輝江南太倉人諸生王存素懷室著有女紅餘藝

厚水謠

綠楊深護塘水淺。輕輦車聲滿驛剛。倒挽河流上壠飛。渴鳥銜尾迴環轉。今夏旱久農心勞。西風刮地黃塵高。原田迸裂龜兆圻。引水灌之如沃焦。男婦足躡更流血。鞭牛日夜牛蹄脫。田中黃秧料難活。村村靈呼田已竭。

侯羨宜字儂南江蘇嘉定人侯文節岐曾女諸生龔元侃室著有宜春閣集

病中述懷

秋風策策雁來遲。病况纏綿強自支。有藥難醫貧到骨。無錢可買命如絲。燕台夢隔三千里。槐枕腸回十二時。兒女關情誰判道。聊憑一帛寄君知。

侯承恩字孝儀號思谷江蘇嘉定人侯旭女著有盆山詩松筠小草

遺懷

萬事于今付子虛。何時却把好懷舒。一年花信春將暮。半世光陰病未除。不愛繁華休入夢。但能清靜便攤書。青箱世業家風在。手澤猶存樂自餘。

馬福娥字蘭齋浙江秀水人沈宏略室著有斷釵集

人日臥病

晴光轉處盡知春。多病依然此一身。塵世久知家是客。年華猶見日為人。愁看袖曲梅花落。驚對庭前彩勝新。沉水香殘茶汁冷。薄寒無奈透重茵。

沈蘭字蘊貞浙江嘉興人著有綉餘遺筆

梅花

幻出羅浮月下春。離披瘦影獨傷神。芳魂應是誰知己。宜數樓頭作賦人。

顯可貞字含章江蘇長洲人胡抱一室著有凌雲閣詩抄

獨坐

入夜長吟罷。深閨獨坐時。餘香留一室。清況少人知。燈火寒侵瘦。簫聲風度遲。塵氛何處染。顧影輒神怡。

卷四 香咳集選存

三十五

香 鮑 靈 集

彭氏江蘇長洲人諸生王宗揚室早寡

老將

勳著麒麟閣。君王詔獨頒。月明橫劍影。風動動刀瘢。戰合揮千騎。軍行市萬山。髭鬚今白盡。未入玉門關。

曹炯字重光直隸天津人未嫁而卒著有非非集

遊仙詩

朝來洞口飯青精。晚侍金仙宴玉京。憶得昨宵松下坐。月明星朗聽吹笙。九天何事萬仙齊。玉旨傳來賜錦衣。憶得玄都朝謁散。雙鳧曾伴彩雲飛。

瑯琊長女小字仙御浙江桐鄉人

和汪鈍翁姑蘇楊柳枝詞

家住橫塘春復秋。門前楊柳數株柔。畫欄長是周遭護。不遣行人絮紫繡。柳條風靜雨初收。更罷羅衣嬾上樓。花下欲將新月拜。一鈎恰到綠梢頭。

瑯琊次女小字仙駕仙御妹

和汪鈍翁姑蘇楊柳枝詞

絲絲低冑石欄杆。擬向階前折取看。輕舉玉纖猶障袖。吹花風起覺添寒。交枝楊柳映重門。樹色濛濛帶雨痕。綉幕不開人欲倦。只疑深閣易黃昏。許飛雲字天衣江蘇吳縣人王又溟室著有浮家集

波曹娥江

臨池曾識孝娥名。豈意萍踪歷此程。姓氏已隨天不朽。貞魂直與地為英。蕭蕭枯竹思親淚。漠漠寒濤泣女情。我亦昔罹風木恨。至今汗漫愧閒行。

史筠娥字湘霞山東濟甯州人

惜梅

珊珊半骨倚欄杆。一點檀心畫亦難。紙帳不勝明月冷。夢魂猶怯曉風寒。小樓長笛和風度。別韻孤標帶病看。囑付芳華歸莫早。惜花無計怕花殘。

史麗君字倩仙筠娥妹

春日詠懷

卷四 香咳集選存

三十六

香 鮑 靈 集

雨後春寒一夢餘。芬芳花好閉門居。近來詩思滑于水。細讀南華悟道書。

金至元字載振號含英直隸河間人諸生金大中女宛平查心毅為仁室著有芸香閣勝稿

夜話和外韻

人生大抵遊仙枕。已出邯鄲君莫疑。世事浮雲無定着。流光劫火漫尋思。試香午院宜煎茗。闔墨晴牕好賦詩。終臥牛衣吾不悔。只憑清課愜心期。

蔣操字修端江蘇陽湖人著有秋雲草

寒雨

疎雨下黃昏。酒醒時浙灑。空林忽怒號。風雨聲相擊。高閣若無依。凜凜搖四壁。殘燈不復明。對此更慘感。愁人淚已盡。猶作空階滴。

龐晚字蕙娘號小晚江蘇吳江人龐承荃女吳聞璋鑄室著有吐香閣集

瑣態雜事

夫婿長貧老歲華。生憎名士滿天涯。席門却有問車馬。自拔金銀付酒家。

春雨春寒過落梅。連宵不禁曉風催。閒園收拾殘花片。供得兒童頑面來。
戴淑貞江蘇長洲人。諸生殷季修室。

咏菊

淡淡凝霜帶。疎疎帶露妍。種因高士貴。名借大夫傳。香豔嬌空谷。繁黃斷遠煙。
更將秋晚節。掩映謝庭前。

吳 黃字文裳。浙江嘉善人。吳蓮菴女。學廉錢。試室早寡。著有荻雪集。

山居

我愛山居好。山花足賞心。綠雲連野徑。紅雨點芳林。桂老巖堆粟。蘿疎菊浚金。
幽人淡無事。跌坐對瑤琴。

吳 琪字蕊仙。號佛眉。江南長洲人。管字嘉勳。室夫死。爲尼。名上鑿。著有香

谷焚餘草。佛眉新舊詩。

感懷

鶴黃琴焚事已除。不堪回首數年華。愁來有句留殘葉。夢去無人問落花。鳥惜

卷四 香咳集選存

三十七

香 龔 集 書

晚香冠檻鏡。婢婢新病鎖。柳枝剩有蘇台曲。未審東風憶若耶。

陳瓊圃字閔真。號鋤月。浙江仁和人。陳半江五女歸安。費錫田室。早寡。著有

鋤月小稿

仲秋同藍若姊。酣泉弟遊紫陽山

淡雲殘日嫩涼天。姊弟同遊興灑然。繞逕不辭苔藓滑。拖裙恐被薜蘿牽。錢江
潮湧千堆雪。鷺嶺松含萬壑烟。安得此間來結屋。徜徉泉石度餘年。

徐德音字淑則。浙江錢塘人

題即是庵

上界仙淪滴。人言孽綠華。十年貞不字。一室語無譁。遺興惟吟絮。逢春欲避花。
結菴殊可羨。葺草傍蘭芽。

盛 氏安徽桐城人。漂陽潘。鐵廬天成室

贈別并序

辛未之年。時維八月。江風清勁。鴻翔萬里之天。山月明登。桂吐三秋之景。

余夫子掃墓瀨。樹報親恩于罔極。論文吳。會案知已于名。流此真孝子之
深情。才人之壯志。特以胸羅萬卷。囊之一錢。氣欲凌雲。家徒立壁。既無以
生交遊之寵。又不能忘內顧之憂。故欲行且止。將往欲留。然而徒步擔簏。
纔是通儒之行。短衣提瓮。始成賢媛之名。君誠有鮑宣之高風。妾亦學少
君之清操。銷魂黯黯。豈敢爲兒女之悲。贈別諄諄。乃以助丈夫之氣。爰疏
短引。聊當驅歌。雖不必如寶滔妻織錦之辭。實欲效樂羊婦斷機之意云
爾

蘆帆江上雨初晴。帆帶朝霞一片明。含露柳枝從北折。凌風雁陣向南征。遠傳
故國書千帙。淨掃先營酒幾傾。何日扁舟隨瀨渚。蓼蘋采得潔梁盈。
君是江南一偉人。糟糠不棄得相親。志懷古道何妨傲。才過時流豈厭貧。補就
寒衣腸寸結。借來村酒飲三巡。莫愁帶閣秋風冷。灰劫男兒四海心。
吳 綉字素公。號冰仙。江南長洲人。通判吳水蒼女。常熟進士許瑤室。著有
嘯雪菴詩抄

卷四 香咳集選存

三十八

香 龔 集 書

楊柳枝詞

宮柳初開一抹眉。武昌城下乍逢時。春來樹樹煙條綠。欲認何枝是舊枝。
寒食東風已滿城。小枝纖弱拂啼鶯。東君不惜離人苦。又向前年折處生。

梁 瑛字梅君。號穀梁氏。浙江錢塘人。黃松石樹穀室。司馬黃小松易母。著
有字字香

玉照樓下早起集句

自掩屏風護晚寒。飢來忍把落英餐。門前流水清如鏡。花似垂楊照影看。
陸遊 元許有壬 王庭筠 元惟則 宋

陶 晉字慶餘。號月溪。江蘇長洲人。貢生陶寄軒女。主事彭希洛室。著有瑞
樓吟稿

鸚鵡

隴山逸格門新粧。誤入天涯小玉堂。一夢喚回唐社稷。千秋留得漢文章。斜樓
學語春風細。曲檻呼茶曉篆香。蕭瑟羈愁何處慰。鞦韆影裡落花旁。

薛娟字浣香江蘇荆溪人薛琳女諸生朱超室著有杏花樓唱和集得兄揚州手書却寄

韶光淡蕩上征驂。社後寒輕紫燕飛。十里珠簾隋苑路。杏花如雪滲春衣。

陸鳳池 字元宵號秀林山人江蘇上海人觀察陸振芬女太史曹諤庭一士室著有梯山閣餘課

閨吟

幽意閒情不自知。碧牕吟遍楚人詞。添香侍女聽來慣。笑說書聲似舊時。

曹錫珪字采繁江蘇上海人曹諤庭長女常山令葉承室著有拂珠樓偶抄咏愁

曲欄杆外小樓頭。芳草青青逝水流。明月黃昏人乍別。落花簾幕雨初收。張衡詩就金刀暗。潘岳吟成玉鏡秋。最是好風吹不到。五侯亭館野人舟。

曹錫淑字采符曹諤庭次女孝廉陸秉笏室著有晚晴樓詩稿

和李氏甥遊豫園原韵

卷四 香咳集選存

三十九

香艶 叢書

聞得西園樂事多。東風戀客興如何。花深竹徑春留夢。人度河橋影入波。暇日攜樽尋勝去。老年扶杖踏青過。一門仁孝天然福。坎止流行樂太和。

林瑛佩字懸黎福建莆田人林西仲女貢生鄭鄰室著有林大家詩抄寄夫子

自君判袂數歸期。寂寞年華望裏移。短枕淚隨流水遠。深閨夢入萬山遲。孤鴻飛斷雲千疊。杜宇啼殘月一枝。最是無情慙外柳。畫眉人去故絲絲。

陳潔字無垢號石香江蘇通州人著有茹蕙集

閨怨

青翠入簾櫳。永日駐幽關。愁繁芳草生。靜響桐花落。奩鏡網蟬。庭柯巢鳥。鵲夢去不關。愁嚙來心自惡。獨自只書空。微雨益蕭索。

顧英字若懸江南長洲人明府青浦張笠亭之碩室著有抱翠閣詩抄與兄話舊

千里迢遙客乍回。相逢歲盡笑眉開。廿年髮逐梅花白。一夜春隨爆竹來。誰料

異鄉逢雁序。細談舊事劃燈灰。殷勤傳話司更者。漏箭城頭莫浪催。

張藻字于湘江蘇青浦人張笠亭女學秋帆玩母著有培遠堂集

靈巖山館夜坐

圓景下絕壁。山館忽已暝。石磴靜張琴。雪泉清淪茗。不知夜已深。月上青松頂。曹鑑水字葦堅號月娥江蘇金山人婁縣張殷六室著有清園吟

秋日漫興

柳經秋老不藏鴉。景物因時莫浪差。一卷楚騷忘午倦。數聲齊女咽殘霞。榮華心已沾泥絮。冷淡情猶濕雨花。倚遍曲闌難自遣。瓦瓶汲水獨煎茶。

汪佛珍

鳥生八九子

鳥生八九子。乳哺多劬勞。朝飢互啣食。夜宿同守巢。一雛學飛過林鳥。老鳥兀立巡高梢。霜天月黑風震谷。倉皇覆翼悲聲交。八九子一彈指。養成羽毛連翻起。但得相依護舊巢。舊巢無恙老鳥喜。

卷四 香咳集選存

四十一

香艶 叢書

張玉珍字蘆生號清河江蘇華亭人張夢啗女太倉秀才金錫室早寡著有得樹樓稿

夜坐

清漏飄來遠。無聊掩碧紗。檢書頻剪燭。破倦且評茶。綠暗庭前樹。紅稀雨後花。不堪回首處。極浦暮雲遮。

香艶叢書八集卷四終

香艷叢書

九集卷四

香咳集選存四

任城許夔臣山陽集輯

方芳佩 字芷齋號懷夢浙江錢塘人方宜照女中丞汪芍坡新室著有在

環堂稿

憶西湖

清涼世界水精宮。亞字闌干面面風。今夜若教身作蝶。祇應飛入藕花中。

王德宜號雲芝江蘇華亭人王紹曾女錢塘汪農室方芳佩媳著有黔中吟

遊觀音閣

松柏青青倚湖隈。一峯影轉畫圖開。雙虹倒向天心出。亂瀑爭從木杪回。未免

溪山耽視聽。若無人我是如來。了然莫作非非想。翠竹黃花總誤猜。

何 采字若霞浙江山陰人著有繡佛閣集

卷四

香咳集選存

九 香 艷 叢 書

游仙詩

海外有飛仙。千載鍊形骨。記曾手七寶。修治古明月。無名羣真班。不住金銀闕。游戲乘綠雲。往來甚飄忽。昨夜東南風。吹我向西北。西北乃何處。彷彿衆香國。道旁盛大花。折之簪鬢。側相逢。鸞佩人一笑。不相識。

王瓊瑤江蘇常熟人僉憲王材任女孫徐某室著有維餘漫草

次韻早秋雜興

長堤楊柳葉初凋。空對秋風倦舞腰。小院露寒蟲咽砌。官河潮上水平橋。詩書儘可供吟咏。針線何妨遣暮朝。最喜嫩涼宵漸近。閒吟不嘆夜無聊。

陸青存字若筠浙江錢塘人吳孔皆繼室早寡著有森玉堂詩集

寄長女

西風吹灑灑。窈窕回首那。那。那。是家。縱使一身貧。微骨願留。清節對梅花。

吳雯華字母素江蘇吳縣人貢生葉舒璐景鴻室著有采秀閣吟草

歸舟

歸舟傍午泛。忽忽短棹輕帆。趁晚風。數點飛鴉。殘照外。一聲清磬。夕陽中山光

遠近和烟紫。漁火參差映水紅。閒倚篷窗遙望處。潯潯新月近垂虹。垂虹亭名

張 昂字玉霄浙江錢塘人李廉張步青女洪文蔚室著有承啓堂吟稿

冷泉亭

此地風光自古今。落花流水任登臨。泉聲清靜秋偏好。山勢崔嵬午亦陰。亭隔遙看千黛綠。松杉時拂亂雲侵。俗塵到此方消息。直欲相携上碧岑。

嚴蕊珠字綠華江南吳江人著有露香閣詩草

春日雜咏

簾鎖爐香盡日垂。曲闌低亞坐題詩。慈親指點桃花笑。憶否當年頰面時。粘天芳草翠平鋪。三月江南似畫圖。小立溪邊春袂褪。水中人影萬花扶。薄寒天氣掩窗紗。九十春光已半賒。戲剪彩幡庭畔立。教他常護未開花。如烟小雨沾苔衣。花塢風甜蝶飛楊柳。多情又多事。綰將春到放春歸。陳 素字雲有浙江海甯人查視北室著有花角樓吟抄

卷四

香咳集選存

九 香 艷 叢 書

春暮

恨望春歸促。凭闌百感生。亂紅鋪曲徑。小雨弄新晴。園笋多成竹。楊花盡作萍。韶華這一瞬。愁思倩誰平。

王玉如雲南昆明人廉使孫春巖側室

喜弟至

既見翻疑誤。凝眸各審詳。九年雲出岫。一夕雁成行。別後滄桑換。途中日月長。舊容驚半改。鄉語歎全忘。對月秋垂淚。聽猿夜斷腸。逢人間消息。覓便寄衣裳。剪燭心方慰。回頭意轉傷。自余離故土。賴爾奉高堂。感逝餐應減。思兒鬢恐霜。弟能支菽水。妹可護溫涼。聞已調琴瑟。曾無弄瓦璋。當年送我處。今日遇君場。彼此皆如夢。依依兩渺茫。

孫雲鳳字碧梧浙江錢塘人孫春巖長女程某室

媚香樓歌

媚香樓。明末秦淮妓李香君之妝樓也。香君初爲歸德侯生聘妾。被選

入宮媚香樓竟廢。秦。灑。烟。月。板。橋。春。宿。粉。殘。脂。膩。水。漲。翠。黛。紅。裙。競。妝。裏。垂。楊。勾。惹。看。花。人。香。君。生。小。貌。無。雙。新。築。紅。樓。喚。媚。香。春。影。亂。時。花。弄。月。風。簾。開。處。燕。歸。梁。盈。盈。十。五。春。無。主。阿。母。偏。憐。小。兒。女。弄。玉。雖。居。引。鳳。台。蕭。郎。未。遇。吹。簫。侶。公。子。侯。生。求。燕。好。輸。金。欲。買。紅。兒。笑。桃。花。春。水。引。漁。人。門。前。繫。住。游。仙。棹。奄。蕪。織。兒。想。納。交。纜。頭。故。遣。狡。童。招。那。知。西。子。含。顰。拒。更。比。東。林。結。社。高。樓。中。剛。耀。雙。星。色。無。奈。風。波。生。頃。刻。易。服。徒。悲。阿。軟。行。重。房。難。把。台。卿。匪。天。涯。從。此。別。情。濃。錦。字。書。憑。若。个。通。桐。樹。已。曾。樓。彩。鳳。繡。鞋。爭。肯。放。游。蜂。困。愁。久。已。拋。歌。扇。教。坊。忽。報。君。王。選。啼。眉。擁。鬢。下。粧。樓。從。今。風。月。憑。誰。管。柘。枝。舊。譜。唱。當。筵。部。曲。新。翻。燕。子。箋。總。爲。聖。情。憐。覲。桃。花。宮。扇。賜。簾。前。天。子。不。知。征。戰。苦。風。前。且。擊。催。花。鼓。阿。監。潛。傳。鐵。鎖。開。美。人。猶。在。瓊。台。舞。銀。箭。聲。殘。火。尙。溫。君。王。匹。馬。出。宮。門。西。陵。空。見。官。人。泣。南。內。誰。招。帝。子。魂。最。是。秦。淮。古。渡。頭。傷。心。無。復。媚。香。樓。可。憐。一。片。清。溪。水。猶。向。門。前。鳴。咽。流。

卷四 香咳集選存

三

九 香 施 集 卷 四

山行 客思西風裡。車塵暮鬪間。蟲聲黃葉路。人語夕陽山。鳥去一何速。我行猶未還。臨溪羨漁者。幽意獨閒閒。 孫雲鶴字蘭友孫春巖次女 寶劍篇 寶劍遺編在挑燈擊節吟。恩仇千古事。湖海一。生。心。氣。逼。秋。霜。冷。光。騰。夜。月。沉。從。軍。應。有。願。慷慨。答。知。音。 朱德容字趙璧浙江會稽人祁奕禮室 遊山 寂寞佳山水。樓台薛荔間。野橋分竹路。高樹繞溪灣。徑曲留琴語。杯寬破客顏。夕陽鐘磬外。猶有暮雲閒。 溫慕貞浙江烏程人朱時發室早寡著有隱硯樓詩 過宋氏園

殘花搖曳一簾風。點點落紅最愛。雙門圖畫好。平台棧道與山同。 溫廉貞慕貞妹長興王靜甫室早寡詩附隱硯樓詩後

小江道中

極目春田外。離離草正肥。新帘邀過客。嫩柳趁殘暉。遠寺鐘聲細。幽溪水浪微。推篷開望處。鷓鴣傍林飛。

翁珠樓字靜如江南吳縣人周五瑞室

初秋

暑收爽氣透簾櫳。翠竹青梧映碧空。鎮日樓頭看不厭。荷花香雜木樨風。 何蓮魚浙江錢塘人

悲秋四首次韻 選二

經霜秋葉半林黃。曉閣迎寒愛日光。刺繡不須思巧妙。凭闌只許見淒涼。雙飛新鳳有無事。十斛明珠會否量。每恨紅顏招俗累。至今貽笑荳蔻香。 夢真依稀到玉京。醒來倚枕結幽情。撥殘爐火甘無事。焚盡詩箋怕有名。籬菊

卷四 香咳集選存

四

九 香 施 集 卷 四

秋榮風色冷。非梧夜落月光晶。自憐寂寞添愁緒。敢怨鄰家砧杵聲。 趙 邠字周初號藕莊居士浙江仁和人汪上林室著有蘭閣遺詩 四時閑怨詞 春愁滿目踏花歸。倦倚闌干淚濕衣。安得將身比楊柳。漫天作絮逐雲飛。 斜日暉暉映綠楊。蟬聲聒耳引愁長。北窗徙倚空岑寂。孤負松風一枕涼。 落葉蕭蕭霜滿天。征衣裁就不成眠。秋懷別緒憑誰見。寒月窺人到枕前。 雲暗關河雪壓灘。行人此夕渡桑乾。憂煎似火難消却。鴨冷燈殘不覺寒。 吳靜字定生江蘇昭文人項璧基室早寡著有飲冰集 咏史 不學何須詆霍光。託孤奇命報先王。匡張孔馬多經術。青史于今若個芳。 更有名儒莽大夫。紫陽舊法勝南狐。當年奇字人爭問。曾識綱常二字無。 葛秀英字玉貞江蘇吳縣人無錫秦漢園側室著有淡香樓詩抄 立秋

久苦炎威逼。欣逢夏令終。秋來梧葉真。人醉藕花中。玉露清清曉。羅雲淡碧空。甘霖仰望切。坐待滿秋風。

張佩蘭字篋書江蘇江都人真州汪文錦室

課兒夜讀

紡績更深伴未眠。不辭辛苦對青氈。看他把卷能忘倦。未免私心半愛憐。

錢 蕙字凝湘江蘇吳縣人別駕錢珍南女徐熾室著有蘭餘小草

吳山別墅漫成

竹籬三逕遠塵氛。湖柳垂垂挂夕曛。詩思閒中多健句。蘭芽午後發清氣。意隨青嶂留寒月。路繞丹崖入亂雲。山野不知名利事。笑人車馬自紛紛。

歸 湘字溶溶江蘇常熟人

春日郊居

竹翠沙平迥絕塵。澄江荇暖鴨知春。門前車馬應嫌僻。鏡裡鶯花不笑貧。幾陣疎風飄柳絮。一番瘦雨淨苔茵。年來種得桃千樹。偷仿仙源學避秦。

碧紗搖落印芭蕉。花裡烹泉捲素簫。昨夜雨深催芍藥。連朝日麗熟櫻桃。柳絲拂路綠陰亂。麥隴翻雲翠浪高。一曲洞簫良夜靜。清風明月任翔翱。

卷四

香溪集選存

五

香齋集

吳柔之字小裴浙江錢塘人明府吳小谷玉婢女狄小同室

寄外

伊人踪跡又天涯。小別無端感歲華。千里迢遙此寒夜。一般清瘦共梅花。孤桐入爨聲難辨。美玉求沽願久除。不為封侯緣底事。紀遊詩卷向誰誇。

畢 慧字智珠江蘇鎮洋人畢秋帆女

遊龍吟山館作

龍山寒屋勢玲瓏。積翠紛紛落曉紅。小閣恰宜圍竹樹。好花無奈隔簾櫳。雨來雲漸牀頭起。徑仄門從水上通。還向凌霄台頂望。抱城遍插畫屏風。

王靜淑字玉隱號隱禪子浙江山陰人宗伯王季重長女陳樹勳室早寡著

有清涼集青藤書屋集

秋日菴居

空齋度永夜。高臥一牀秋。苔老潭無色。溪清不欲流。塵隨紅葉掃。心付懶雲收。蕭瑟同征雁。更深臥韻休。

王端淑字玉映王季重次女宛平諸生丁睿子聖肇室著有玉映堂集

代外贈別毛大可

西冷月落板橋霜。衰柳長堤只自傷。幾日窮愁兼別怨。一帆秋日帶斜陽。浮雲影逐離亭路。歸雁聲寒旅夜牀。學採芙蓉江上去。黯然回首恨茫茫。

張 靈字湘人江南吳縣人教諭沈春漁起鳳側室

胥江送別夫子

吹笛向江樓。春風起暮愁。何人折楊柳。江水自孤舟。薄俗無青眼。高堂有白頭。隨行重悵望。空作稻梁謀。

沈 繡字蕙孫號散花江蘇長洲人沈寶漁女著有繡餘集

阻風黃浦和孟韓韻

帆影落波光。迢迢水一方。潮聲飛雨白。風色挾沙黃。海日生蓬島。江籬裏楚襄。

卷四

香溪集選存

六

香齋集

騷人無限意。高詠獨蒼茫。

唐在東江西南昌人餘姚陳太守元側室

答夫子見寄

一曲驪歌未已征。夫雨雪。三千里。路未云。遙。妾夢同。鈞。西江水。

商 采字雲衣浙江會稽人諸生羅尊青室著有花間草綠窗集

落花

絕色由來薄命同。惜春情緒怨春風。誰憐歌舞當筵盛。不覺芳華入鏡空。海關天空愁去路。雨沉雲散泣深宮。人間慣聽聞鴉鴉。何處雕輪駐錦叢。

走馬迴塘細草齊。有情常自逐春啼。且教天上看成雪。敢恨人間踏作泥。紅板數條村徑杳。青烟一片酒旗低。紛紛蜂蝶還無數。翠閣朱樓路已迷。

共道韶華上已佳。一年生負踏青鞋。四垂忽見雲如幕。千尺何妨酒似淮。人號可憐偏日暮。月如無恨自天涯。流鶯百轉含情甚。不為春光傳遺排。

淡淡斜陽欲暮時。看花猶自惜歸遲。餘香不信全消日。瘦影重疑未放枝。草滿

長堤勞遠望山園故國剩相思。清尊短拍年年事。腸斷深閨尚未知。

胡雲英字小霞浙江會稽人趙連城室著有瓊梅小住遺草

秋夜坐雨答瓊梅主人

讌鼓髮溼漏暗傳。評詩讀畫不成眠。一燈聽雨愁如海。半榻分秋夜似年。此日尙埋和氏璧。幾時先著祖生鞭。梧桐窗外雞聲咽。滴破銀河倍惘然。

姚蘊生江蘇金山人觀察姚培和女崑山戴明府鳴球室著有秋琴閣詩鈔樓中即目次大姪女韻

斷虹收宿雨。野色捲簾浮。風起孤村暮。烟深遠樹秋。山光明日脚。帆影破潮頭。想得憑闌處。吟情一倍幽。

陳蘭徵江蘇上海人國學曹承烈室

咏雪

敲窗片片大于葉。朔風怒吼庭堆雪。天際濃雲凍不流。山頭飛鳥歸應絕。訪友溪邊棹自攬。衝寒驢背花親折。樓台金碧景全迷。惟有青松頂不滅。登高遠望

卷四 香咳集選存

七

九 香 鮑 叢 書

空茫然。四射寒光驚。電掣亂飄淺石沒泥塗。隱入窗紗簇花樹。孫光小令謝家詩。當日形摹總纖屑。此時相賞耐嚴寒。却恐流光去如瞥。眼前清景不可失。痛掃陳言非臆說。古人白戰號出奇。我亦何嘗持寸鐵。

許德馨字如蘭號仙霞江蘇江都人

湖上遇雨

霏霏細雨拂長堤。十里烟濃樹色迷。行盡竹西亭下路。杏花雲落亂鶯啼。

姚秀英字雲卿江南吳縣人太史謝蘊山散昆側室

遊百花洲

小院牆低弱柳長。綺羅香散綠池塘。花洲一曲吳江夢。彷彿風迴響屐廊。

劉淑字芳懷江蘇荊谿人東鄉吳蘭雪嵩梁室著有蕙風閣詩草

咏芍藥

殿春花好放偏遲。紅到庭西第幾枝。不肯移栽妝閣畔。嫌他名字是將離。沈淑英浙江烏程人詩附見蕙吟草

絕句

眉蹙經年不暫開。已將心事等寒灰。小鬟不解人衷曲。報道穿簾雙燕來。

沈淑英浙江烏程人淑英妹著有黛吟草

寫恨

愁雲怨雨快晨鐘。情短情長總屬空。此別料應難再見。他生可許更相逢。斷絃不問求凰調。破鏡誰憐別鶴驚。多少癡呆臨福地。驅覓貝葉勝青鋒。

李赤虹字玉文江南崑山人徐明府棋室著有夢蕉詩抄

采石磯亭和夫子韻

蛾眉亭畔大江流。極目風烟散不收。遊宦十年雙短鬢。還家千里一扁舟。微茫遠近天迴岸。出沒參差波泛鷗。惟有青山似螺黛。夕陽閒鎖古今愁。

邵氏山東商河人李某室

閏七夕

今夕復何夕。相逢分外歡。前言猶在耳。別淚未曾乾。天上填橋易。人間寄鏡難。

卷四 香咳集選存

八

九 香 鮑 叢 書

秋閨千里月。寂寞倚闌干。

周姑媛字室慎廣東海陽人

春水

碧波新漲大江頭。兩兩浮鷗傍客舟。妾意亦如江上水。紅塵不染自東流。

吳氏安徽無爲州人謝鶴樵室著有梅閣小草

歲暮

烏啼霜落不知寒。剪燭傳杯夜欲闌。冰魄光華鏡几席。水仙香味襲盤餐。村荒車馬經過少。歲迫親朋聚會難。笑向東牀覓佳句。良宵莫作等閒看。

胡慎儀字采齊號石蘭直隸大興人駱垣室著有石蘭詩抄

侍蔣太夫人滕王閣小謙

帝城何意遇仙儔。會向江樓紀勝遊。一片夕陽紅蓼岸。數聲漁笛白蘋洲。西山雨過嵐光碧。南浦風翻雪浪浮。自愧暫依香蔭下。敢同蘭桂占先籌。胡慎容字玉亭號臥雲采齊妹會稽鴻垣室著有紅鶴山莊詩

窺采齊姑曉妝

徘徊明鏡漫凝神。箇裏伊誰解效顰。一樹梨花。一溪月。隔窗防有斷魂人。

女郎詞

相呼同伴到簾帷。偷看新來客是誰。又恐被人先瞥見。却從秋扇隙中窺。

徐裕馨字蘭蘊浙江錢塘人相國文穆公女孫程堯文室著有蘊蘭詩草

畫眉

柳梢扶上曉風柔。夢醒離關語未休。莫向碧紗窗畔喚美人。猶是未梳頭。

汪元照江蘇丹徒人汪篠園女弟張某室

渡河

不盡蒼茫感。登艫破浪行。潮吞高岸失。山鎖晚雲輕。空闊魚龍氣。莽騰風雨聲。

自嗟無寸胆。虛遣夢魂驚。

王碧瑩山東長山人趙載庭室

寒食

谷四 香咳集選存

九

香 九 香 九 香 九

芳草青青柳放芽。東風搖曳幾枝花。宵燈不乞鄰家火。春月如波浸碧紗。

陳坤維浙江人見樊樹山房續集

忍釋因賦一律

丁巳又九月九日厨下乏米手檢元人百家詩付寶以供饘粥之費手不

典及琴書事可知。又從架上檢元詩。先人手澤飄零盡。世族生涯落魄悲。此去

雞林求易得。他年鄴架借應癡。亦知長別無由見。珍重還思伴我時。

王瑞貞江蘇嘉定人諸生王絳女

偶感

小窗無伴日悠悠。幾度拈針嬾復休。試問梅花何事瘦。臨風應帶去年愁。

吳鳳儀字淑英號香楮江蘇嘉定人諸生朱錦生室著有香楮小章

無婢

門巷凄清納俗譁。蠹魚窠裏寄生涯。不堪三運將蕪後。常自拋書掃落花。

舒映棠字靜娟浙江仁和人李英室

重過虎跑寺

為愛祇園勝。重尋舊逕遊。泉聲疑帶雨。樹色盡含秋。山鳥如相識。溪雲亦解留。

菩提心事在。長此樂林邱。

張繡佛字抱珠江蘇青浦人金山姚惟適室著有職思居詩草

遊橫雲山館

一徑穿林入。雙扉面水開。有山都抱屋。無砌不封苔。雲氣縈山袖。嵐光落酒杯。到來塵境隔。何必向蓬萊。

許燕珍字儂瓊號靜舍安徽合肥人明府許其卓三女無為州諸生汪人鎮室著有滄餘小草

春草

暖風如扇拂柴門。隨意迷離發故根。得句謝塘應有夢。多情白傅最銷魂。青蓮

山郭誰家樹。綠到江南何處村。一抹羊綿生氣滿。裙腰斜掩沒燒痕。

深院千層未忍刪。落花紅襯曉鷺還。萋萋入畫簾。攏掩。漠漠浮烟翡翠閒。被覆

谷四 香咳集選存

十

香 十 香 十 香 十

記曾行曲水。踏青準擬過春山。蒙茸却愛無人處。蝶粉蜂黃數點斑。

繞遍天涯寒食過。年來底事感蹉跎。門餘南陌春情懶。送去西陵別恨多。杜宇

啼殘常晝永。鷓鴣飛老奈愁何。油車試聽諸兒女。解唱韶光緩緩歌。

平舒袍袖迥連村。仲蔚荒園雨到門。風動遙堤波亂影。泥沾野徑燕留痕。斜遮

蘇小墳前路。遠伴明妃塞上魂。采采汀洲愁日暮。清芬盈把襲蘭蓀。

孫淡霞江蘇華亭人青浦曹策琴室早寡著有焚餘草

閒居

欲避羣塵此卜居。晝長添線樂何如。松窗日瘦閒隨寶。薤簾風清倦枕書。只為

課兒丸苦胆。每緣儲佛品佳蔬。撥簾偶向庭前望。一角晴山落草廬。

潘冷香浙江烏程人

柳絮

鸚鵡風起欲何之。水北花南弄影時。擬託微波驚蝶夢。半和江雨惹蛛絲。乍添

別思飛難定。旋引蹄心落故遲。癡絕嬉春小兒女。忽忽捉向手中吹。

陳廣遜字靜齋廣東順德人何文宰室著有靜齋小稿

卜居北郊

杜陵佳句耐冥搜。真覺江村事事幽。一沼綠波供漉視。半竿紅日照梳頭。已忘世態同蕉鹿。鹿少詩情對鷺鷥。習氣消除渾不盡。明燈點筆畫滄洲。

楊瓊華號長白女史漢軍鑲黃旗人楊重英女滿洲洲新室

戊申七月緬甸送家嚴還 朝恩旨垂獎有駕蘇武而上之論恭錄一首

甘載棧遲寄緬僧疊臣心跡玉壺冰 九重明詔稱蘇武。萬古訛言說李陵。地坼金沙雲盡瘴。天開銅壁鐵為繩。鐵繩橋名白頭辛苦蜻蜒驛。痛哭迎親恨未能。

董雪暉江蘇華亭人姚廷鑾室

戊辰春暮重過王園有感

舊跡重遊路未迷。寒烟漠漠草萋萋。一灣流水花初落。幾處垂楊鳥亂啼。訪竹每歸幽徑曲。看雲不厭晚山低。當年舊侶今何在。倚遍離欄日又西。

高幽貞字樸素浙江山陰人

卷四

香咳集選存

十一

九 香 飽 齋 集

嘲不識字

小小毛君重若山。兩頭倒執按中間。及觀識字人多累。不識字人反得閒。

應世婉字淑君號春江浙江仁和人明府吳玉堦室著有漱玉亭稿

暮春和韻

百花開過草如烟。月色窺簾分外妍。獨倚欄杆延佇久。不禁潯露濕華尖。

王素娟字冰蟾四川蒲江人著有鏡閣秋聲集

和雪君見示之作

香飛金粟一枝枝。正值剝桐借隱時。怪我病魔偏作敵。憐君書癖又成癡。松庭花影驚風片。竹檻茶烟亂雨絲。五字聯吟聊共賞。深閨誰道不相宜。

桂蘭玉字蘊輝江蘇南匯人諸生鮑彬室

立春日雪和園秀曹采若韻

青旛節屆頌年華。撲面寒光春欲除。不是藍田皆種玉。非關瓊樹盡開花。烹茶味美傳陶宅。詠絮才高憶謝家。鹽背垂鞭吟客少。隴梅早放一枝斜。

2568

2567

霍雙字貞秋直隸東光人

寒食

人倚雕闌竹倚衣。女桑遙聽子規啼。陌頭楊柳休攀折。擊住春光不許歸。顧寧字素光號青澗江蘇長洲人顧潛夫女無錫華惟蕃室著有青澗遺草

咏梅

瀟麗丰姿自出塵。天涯難寄一枝春。殷勤分付東風道。留取清香待主人。

杭澄字清之號筠圃浙江仁和人杭重浦世駿女弟趙萬嘖室早寡

春日寄懷湛堂

晴烟漠漠柳絲絲。腸斷春江是別時。千里相思兩行淚。三年光景幾篇詩。生涯似鬼初營窟。踪跡如蟬不定枝。却怪天涯久留滯。何年得遂鹿門期。

沈蕙玉字晚亭江蘇震澤人貢生倪弁江室著有聊一軒詩存

同聲歌

少小屬陶陶感君意纏綿。聘以明月珠。迎以黃金糴。結禱自今夕。誓好永百年。

卷四

香咳集選存

十一

九 香 飽 齋 集

采蘭涉秋水。蘆蕩奉華筵。合歡裁作被。朱絲操所絃。雖無蘭蕙姿。向日呈芳妍。一身皆君有。寸心私自憐。何用答嘉惠。持以充豆籩。在天莫爲雲。雨落難上天。

在地莫爲影。日暮愁棄捐。婉孌保素志。跣步稱比肩。

陳 珮字懷玉安徽天長人陳干豫女江都江賓客昱室著有閨房集

訊程夫人病

病覺淹忽到春深。閨閣相關意不禁。半榻茶烟人寂寂。一簾花影畫沉沉。難言憔悴非詩累。最感侵苴費藥金。綠綺塵生知久閉。拂絃聊與破煩襟。

鄭鏡蓉字玉台福建晉安人鄭荔卿方坤女閩縣陳道敦室

夏曉

綠樹環庭外。荷含曉露深。軒窗清若水。松竹密成陰。隙月窺殘夢。疎星動曉禽。碧樹風遠送涼氣。逼衣襟。

徐媛江南華亭人徐十峯女著有繡餘草

月下

仰視天無星。俯視月如霜。月正。人影短。月斜。人影長。

蘇棻

咏懷次初觀韻

逝水韶華又幾旬。倚窻贏得兩閒身。移花自是關心事。竟句生憎敗意人。春夢無憑成一笑。世情提啟即長聲。原缺

梁青笏字芳白江南無錫人著有紅雲樓集

舊縣渡河

暄色驅車疾。舉簾望眼空。河凝沙渚白。山入夕陽紅。野圃人嬉戲。荒原雁落風。不禁回首望。烟樹暮雲中。

許 櫛字宜煥江西江州人進士崔念陵謨室著有問花樓集

七夕

七月七之夕。家家望斗牛。神仙不可見。涼風何颼颼。我疑天孫之巧轉近拙。東西斷隔難飛越。一年一度一分離。千古銀河響幽咽。不須乞巧向天孫。若賜巧

卷四

香咳集選存

十二

九 香 集

多愁欲絕。君不見東家力田婦。耕鑿常相隨。且暮共苦樂。白首不分離。又不見西鄰有才女。夫婿上玉堂。終年不相見。悵望悲河梁。玉露無聲夜清悄。盤中盼斷蛛絲。不知巧思落誰家。只恐巧多人易老。寄語人間癡女兒。甯爲其拙毋爲巧。

玩月

一種月團圓。照愁復照歡。歡愁兩不着。清影上欄杆。

蔣 葵字冰心江蘇泰州人

月下梅影

輕籠淡月異濃粧。欲賦慙無白雪香。却到夜深人靜後。一枝移影入迴廊。

蔣 蕙字玉潔冰心妹

雨夜夢與冰心女兄話舊醒來拈韻

幽窗閒臥不勝愁。夢逐嬌癡舊地游。繡閣牽衣欣聚首。妝台倚膝倩梳頭。驚魂五夜蕭疎雨。分袂殘更寂寞樓。枕上傷心無數淚。曉來甯忍一舒眸。

鏡紉蕙字秋芳號清蔭居士江蘇吳縣人太史鏡中諧女元和許子遜廷錄室著有清蔭閣集

度梨關

迢遞踰梨嶺。肩輿勝兩驂。雄關限閩越。幽境極東南。地暖常多雨。雲開忽作嵐。那關望不極。聊復上巖龕。

卷四

香咳集選存

十四

九 香 集

香咳集選存五

任城許嬰臣山隴纂輯

許孟昭字景班江蘇元和人許子遜女明經沈之源室

秋夜曲

金剪生寒夜漏長。玉人纖手懶縫裳。素娥偏耐秋光冷。來照鴛鴦瓦上霜。

鍾令嘉字守箴江西餘干人蔣茗生士銓母著有柴車倦遊集

臘日寄銓兒

北地寒威重。憐伊客裡身。音書差慰我。貧賤莫驕人。失路皆由命。安時即報親。師言當服習。莫負誨諄諄。

汝妹依邱嫂。幽窗共食眠。穿針纔學繡。識字不成篇。閨誡粗知聽。童心未許蠲。歸期甯解卜。時刻擲金錢。

心緒憐下第。約畧似前番。官道應攀柳。家庭已樹萱。恃才防暗忌。交友戒多言。結習還當掃。新詩莫訴冤。

夢爾天涯路。肩輿往復頻。師方為講學。客豈是依人。司馬題橋志。雙親屬望身。爾翁墳上草。今已四回春。

香咳集選存 卷四 十五 九

香咳集選存 卷四 十五 九

季 綢字靜娥江蘇泰興人主事季寓庸女李長昂室著有雨泉齋集

得天中弟訊

憐爾隔山隔。書從塞北來。黃天瀾大野。白草遍荒台。風動豺狼嘯。天高鴻雁哀。登高應有賦。何日共銜杯。

蔣 氏江蘇吳縣人進士蔣元葵女

落花

春夢無憑冷夕陽。萬花飄落最堪傷。馬嵬坡遠空垂淚。金谷樓高枉斷腸。吹去未能忘故態。飛來猶自帶餘香。東皇早去銷華艷。蜂蝶徒勞過粉牆。

穀江蘇南匯人觀察程霽巖室著有寓書樓遺稿

潤州

落木風高氣欲秋。嗚嗚吹角古城頭。荒烟夜拂葦春塢。殘月虛涵望海樓。百戰

餘威存故壘。六朝遺恨咽寒流。當窗唯有三山色。吞吐雲霞萬古留。

姚益麟字竹筠號繡巖浙江烏程人嚴林溪兆孫室著有吟香樓草

閏七夕

微雲依約接銀河。一月佳期兩度過。偷把重逢歡較昔。翻教添得別愁多。

吳荔娘字絳卿福建莆田人青陽陳豹章側室著有蘭陂剩稿

題吳興女士嚴靜甫墨竹

繡閣遙鄰墨妙亭。閒簾煤爨動芳馨。晴窗書破洪兒帟。誰識金鑾未十齡。瓊珩娟娟影縱橫。千尺寒梢一筆成。我看丹青先比較。此君風韻却輸卿。

任 婉字靜宜江蘇江都人王子莊室

初春即事

篆霧湘簾潤。波光曲抱楹。山雲含雨氣。林鳥變春聲。茗熟琴心古。花香蝶夢清。半窻風動處。松子落棋枰。

錢敬淑字師令江蘇江甯人談允謙室

香咳集選存 卷四 十六 九

香咳集選存 卷四 十六 九

泊浦子口 殘年泊歸棹。閒郭西亭。雪圃芹芽白。江醪竹葉青。夕陽新別路。衰草古離情。隔岸寒山色。寒懷望舊京。

春曉

杜 若字耀眉號默溪江南金匱人諸生雷咸室著有牛衣倡和稿

春曉

一枕梅花曉夢清。晨光蒼莽逗前楹。却憐小婢貪春睡。自啟紗窗聽早鶯。

孫廷楨字繡墨浙江仁和人

寶石山莊送簡齋先生還山

才得謁高賢。慙逢餞別筵。山光環几翠。花影拂釵妍。絳帳明朝遠。驪歌此夕編。愧儂無彩筆。也共試吟箋。

陳麟瑞字若蘭浙江海鹽人著有綠窻閒咏閨詞百首

閨詞

垂柳依依綠影生。菱荷亭館設楸枰。局中彈出縱橫勢。笑問檀郎若個處。

春閨三月養吳蠶。南陌攀桑滿竹籃。爲避行人回步急。不知醫上墜牙簪。

陸誦芬字心香江南青浦人諸生蔣士銘室著有花韻閣詩稿

春日

春林日暖試鶯梭。杏子梢紅醜碧波。多少畫樓簾不捲。雨絲風片惱人多。

黃嘉字季雅江蘇上元人

小園

嫩日閒園爽。空階秀竹孫。亂籐穿石罅。老樹立雲根。水滌青浮榻。山涵翠到門。

耽吟憐幼女。待字未成婚。

趙蘭好字夢瑤浙江錢塘人

秋日思鄉

勝跡龍山已倦遊。傷心何日返歸舟。願隨潮水秋風力。飛過錢塘古渡頭。

戴韞玉字西齋浙江烏程人觀察戴卯君女陳半江濬室著有西齋遺稿

夜坐

卷四 香咳集選存

十七

香 曉 齋 稿

殘妝半卸怯輕寒。暮剔銀燈刺彩鸞。怪煞待兒都睡去。獨留明月照欄干。

袁機字素文浙江錢塘人袁簡齋三妹著有素文女子遺稿

秋夜

不見深秋月影寒。只聞風信響闌干。閒庭落葉知多少。記取朝來着意看。

袁杼字綺文浙江錢塘人袁簡齋四妹松江口思永室早寡著有樓居小草

遙寄簡齋兄

長路迢迢江水寒。蕭蕭梅雨客衣單。無言但勸歸期早。有淚多從別後彈。新暑

乍來應保重。高堂雖老幸平安。青山寂寞雲烟裏。偶倚欄杆忍獨看。

袁棠字雲扶浙江錢塘人袁香亭妹揚州汪楷亭室著有繡餘吟盈書閣遺稿

遺稿

寄二兄香亭

鵬程人與白雲齊。君獨年年借一枝。聞道故交多及第。更憐歸客尙無期。琴書

別後遙相憶。雪月窗前寄所思。常對芙蓉染衣鏡。堪嗟儂不似男兒。

左如芬字信芳安徽桐城人孝廉左鶴巖女進士姚非菴室著有續芷閣詩稿

稿

庚子七夕夫子應試江甯詩以贈別

清江風靜浪初平。身逐孤帆一片輕。天上恰當歡聚日。人間偏有別離情。蛩吟

幽砌閒心碎。月落寒汀旅夢驚。爲囑天門須射榜。桂花香處好逢迎。

陸素心字蘭垞浙江平湖人陸耕南女徐雪廬室著有碧雲軒詩抄

山居和外韻

林雨霽新綠。白雲飛滿庭。松風千樹寂。山色一樓青。風渚多畦菜。銅坑有茯苓。

相將對泉石。共讀羽人經。

冷玉娟字珊珊山東萊陽人吳川令膠州宋世遠側室著有珂月集硯爐閣集

集

短歌行

卷四 香咳集選存

十八

香 曉 齋 稿

姊氏將嫁。晨起俶裝。悵鸞影之分飛。歎鶯音之寡和。繡窗風過。誰同靜夜

添香。妝閣塵生。獨對濃春開鏡。閒關一去。渺渺雲山。迢遞相尋。悽悽雲夢

槍焉如割。寫以短歌。從來臨別神傷。况更同懷情切。不須折柳。便已沾襟。

勸姊酒。爲姊歌。姊心竟若何。關河遠迢遞。歲月易蹉跎。從今腸斷連理樹。清淚

如流下逝波。

攬羅衣。搵姊淚。凝呀空相視。骨肉有深情。情深翻覺累。此心轉恨不成灰。無憐

無愛無顧賴。

顧姊影。檢姊裝。無語自悲涼。解我雙鴛袖。覆爾薄羅裳。蕭蕭車馬三秋道。料峭

風寒不可當。

贈姊言。姊記取。世事姊知否。花露但崇朝。月華難耐久。好將花月付流年。一寸

冰心永不朽。

錢琳字疊如浙江錢塘人福建布政使錢瑛沙琦女同邑秀才汪海樹室

綠繡蝶和實庭兄韻

分明么鳳是前身。相賞宜開綠酒樽。飛近楊花春有影。倦棲芳草夢無痕。靈鷲眉黛疑輕黛。翠接羅浮欲斷魂。可是仙家裙一幅。幻形飛出碧雲根。

寄外

飄零兩載動相思。記得離筵共對時。含淚未曾傾別酒。背人先已問歸期。蘭閣有夢雲山阻。繡榻無心鍼線遲。奇語茂陵遊冶客。莫教重唱白頭詩。

黃 卷字册仙

七夕同袖池舟中作

七月七日小舟迎。一種離愁付綠醞。不信渡河今夜事。蓬窗携手看雙星。莊賁孫字宜三江蘇陽湖入宮詹莊澹菴女孫師儉室著有悟香閣集

園居秋興

背背臨流擣草堂。身閒長得看人忙。白蘋紅蓼依秋水。黃菊丹楓送夕陽。隨意烟霞供笑傲。忘機鷗鳥共徜徉。年來詩思渾消盡。試墨還抄肘後方。

卷四 香咳集選存

十九

九 香 齋 叢 書

曹我聞江南江陰人丹徒張譽晴室

雪霽

凍雀喧喧報曉晴。朝曦紅影上窗橫。深林風定梅花瘦。老屋寒添帶帳清。吟客未歸驢背遠。旅人初發馬蹄輕。却來小閣閒憑眺。依舊青山繞故城。

徐 瑤字佩玉江蘇常熟人周采山室著有佩玉詩鈔

芭蕉

芳心常捲月寒天。綠燭無烟火未燃。只恐夜深深彈細雨。莫教移植繡牀前。

碩塔哈滿洲人

和姊白曉月題壁韻

右怨別詩。姊白曉月氏作也。初姊距妾家本數武而近。以故得朝夕會。凡有感觸輒成詩。輒示妾。戊戌歲以中秋對月作見示。且索和。中有邊塞征人意。深閨思婦情。妾亦口號成律。有物隨秋漸老人。與月同孤句。越明年渠良人遠戍去。今年夏。妾夫子亦從軍徂閩。芝房寂寞。錦帳生寒。秋

月春花。徒伴一窗蕭瑟。曩者中秋對月。句斯其譏歎。嗟夫。通于才而窮于命。丰于貌而奮于時者。古今來指不勝屈。妾才若貌。固遠弗逮。姊氏萬一其時命不偶。未之稍稍上下。今讀渠壁間韻。不禁泣數行下。因嗚咽握管。

次原韻成三絕句。

帳冷衾寒怨阿誰。柳烟花雨總成悲。怕看春草當窗綠。別後珠簾盡日垂。塞外馬嘶青海夜。閨中人動白頭悲。可憐別後庭前柳。一樣黃昏帶月垂。領畧春光共誰。杜鵑聲裡最堪悲。香闌夢繞沙場月。曾見征人亦淚垂。

周仲姬字淑和號二如福建澄海人明經周彬女龍溪諸生李堯封室著有二如居詩集

山村

遠眺寒山麓。平雲接暮村。歸鴉迷落日。殘杵動黃昏。月迴依林樹。川迴繞石門。重看城郭外。亦自有乾坤。

沈 綺字素君江蘇常熟人諸生沈椿女股增室著有瓊碧軒詩

卷四 香咳集選存

二十

九 香 齋 叢 書

大風泊舟色山

石脚揮波心。東西水衝擊。我來風正號。浪花大如席。萬頃波騰來。觸此崖腹窄。拗怒不得聘。咆哮相鬥格。飛珠濺青林。迸雪洒丹壁。碎訇走雷聲。震蕩動心魄。少焉月上。風定湖亦碧。

和艾圃三兄秋日江村雜興

春水響潺潺。漁舟日往還。江空月出早。樹靜鳥歸閒。潮到將吞岸。雲飛欲動山。夜來風雨過。花落滿前灣。

鍾容姑字文貞安徽蕪湖人

同甯師遊冶父山

無梁殿冷石門秋。鑄劍池空水不流。苔蘚照人心自古。滿天晴雪落峯頭。樹裏湖光一鏡開。水晶宮外有樓臺。散花不到誰摩室。親捧雲珠供佛來。

廖淑孺字壽竹福建侯官人儀曹郎許雪村均室著有瓊珩集

秋日瓊珩書屋限韻

陳淑旂字繡莊浙江上虞人諸生陳志學女山陰戴某至早寡著有繡莊詩草

晚思

弱質怯春寒。名花帶月看。惜花兼惜影。不忍倚欄杆。

李 熾字婉兮江蘇吳縣人李漫翁其永女諸生陸昶室著有琴歸樓小製

送梅垞之白下

躊躇江畔別愁深。落月蒼蒼曙色侵。笑我祇堪謀斗酒。憐君惟有載囊琴。秋風
矮屋三條燭。夜雨寒窗十戰心。想到歸期真可負。桂枝香裏細聽吟。

湯 朝字蕉雲江蘇金壇人長興沈子慕室著有蕉雲詩集笙磬同音集

簷冰

寒鳥啼口北風烈。鴛鴦瓦上消殘雪。寸心凝結迴絕塵。敲作玉斂胎麗人。麗人
曉起妝臺倚。孤光照耀菱花裏。願誓雲鬢永承恩。誰知入手翻成水。

柯錦機浙江青田人

送外應試

卷四 香咳集選存

二十三 香 齋 齋 齋

九 集

劍匣書囊自檢詳。冬裘夏葛賦行裝。西風忽送來朝別。明月休沉此夜光。見說
詩文容易作。須知家感最難防。莫誇司馬題橋柱。富貴何如守故鄉。

王 姬字穉影號月函浙江仁和人

蠟貓

山齋空寂小狸奴。性懶應慚守敝廬。深夜持齋聲寂寂。寒天媚灶睡蘆蘆。花陰
滿地閒追蝶。溪水富門食有魚。賴是鼠嫌貧不至。不然誰護五車書。

黃淑婉字緝佩福建晉安人黃莘田女林春起室

題杏花雙燕圖

艷陽天氣試輕衫。媚紫嬌紅正門酣。記得春明池館靜。落花風裏話呢喃。
夕陽亭院曲池東。語燕時飛扇底風。不管春來與春去。雙雙長在杏花中。

梅 史字玉卿浙江海鹽人陳墨儂孝治室著有紅豆山房集

閒情吟寄夫子慎甫

眼前景物與心違。蝶遠芳叢戀晚暉。小胆虛疑常怯影。細腰纖弱不成圍。桃花

掩映人難好。蕉葉分明夢可依。又是一番疎雨過。落梅聲裏送春歸。

不耐凝粧下玉梯。春心久作沾絮泥。蝶緣善媚珍遺蠟。蜂爲生香悔噬臍。別院

燈殘喜漏轉。倚樓吟罷月輪低。劉郎莫恨蓬山遠。祇恐重來路欲迷。

雁寫新秋字滿天。錦書何日慰娟娟。尋知故劍終歸匣。多恐愁魂易花燵。聽雨

更裁千箇竹。選花常愛一枝蓮。問他繪素圖窈女。費盡奩中十萬錢。

宮中學士羨新銜。怨女吟成迥隔凡。趙氏至今完白璧。江湖應自濕青衫。花殘

瓊樹妖姬曲。香冷隋堤繡錦帆。慚愧月華詩思淺。聊憑雙鯉達瑤函。

江 洙字碧岑號小維摩江蘇甘泉人僑寓蘇州著有小維摩集

送半客之上江兼訂來春偕往之約

長江滾滾路漫漫。九月西風作意寒。骨相癡屯隨分好。性情簡樸入時難。仰人

乞舍知非計。箝膝求容亦易安。話到分携須命酒。一鉤殘月促筵歡。

青山列座酒盈觴。病待春風好去鄉。兩口累身殊不厭。一瓢行脚更無方。艱辛

沙水綠飢迫。慚愧勞生試藥忙。只要此心澄若水。人間何地不清涼。

卷四 香咳集選存

二十四 香 齋 齋 齋

九 集

張采茵江蘇丹徒人張譽星女進士儲兆豐室著有松陰閣吟稿

艾納亭古松歌

眼前突兀兀見髯。屹立庭隅獨叉手。又如大壑潛虬龍。之而爪鬣寒冰封。歲華
閱歷見根底。俯視羣材無與齒。長將一片碧空雲。化作清陰覆亭子。孤亭靜夜
如深山。寒濤飛瀨相潑潑。風聲雨聲聽不辨。時有老鶴盤空還。

汪續祖字嗣微浙江仁和人方伯汪芍坡新女同邑別駕湯燧室著有侍萱

吟

風雨過廣信和夫子韻

行盡家鄉路。西江第一程。酒旂風影亂。蘭漿雨絲輕。城郭寒煙遠。沙鷗掠水迎。
湘南何處是。旅夢喜還清。

盛麗珠字川媚江蘇長洲人新安鄭元荈側室

江月

冰輪湧出金波潔。照耀乾坤光不竭。笑指長江風浪平。姮娥倒現波心月。

徐蕙文字素存安徽桐城人同邑孫循徵室

棋山漫興

十畝陰藏一運斜。眠牛山下雨如麻。夕陽芳徑延孤座。斷甍寒雲卷幾家。儘有鳥啼將落月。杳無人問未開花。茶柯麥穗分叢綠。最愛芄芄帶曉霞。

陳氏

歸舟卽事

風靜歸帆穩。清光滿目前。一湖沉淡月。雙槳破輕烟。奮躍魚堪羨。飛鳴雁可憐。五峰名勝地。不得久留連。

趙淑字艷貞浙江錢塘人趙菊坡女弟

春日遣興

曉夢初回嫩日含。年來心性未除愁。愛書小字抽金管。爲按新歌斷玉簪。亂噪松枝占鵲喜。細馱花蕊笑蜂貪。空閨靜掩紫雲瘦。桑綠鄰家已育蠶。

劉氏湖南攸縣人

香咳集選存

二五五 香 九

寄外

殘風殘雨總關情。一曲平沙調不成。鏡有明心同色笑。雁無人字祇聞聲。良宵月仗清樽伴。瘦骨衣圖白粒輕。莫賦湘靈思太切。一泓烟水淚千泓。徒愛名花氣不羣。難將心事托行雲。魂當悲後銷何極。語次歡前俗亦文。薄命有誰知瘦影。黃昏無計挽斜暉。遙憐歲歲湖山畔。故寫湖山意問君。

孔蘭英浙江桐鄉人秀水汪鞠友聖清室著有愛日軒詩草

病後試筆

藥爐茶灶小樓東。一月清閒罷女紅。常爲貪眠憎百舌。每因多病怕春風。才非詠絮人終俗。詩不言愁句亦工。短什還教鄰女解。知音只在閨中。

曹貞秀字暹琴江蘇長洲人廣文王惕甫芭孫室

題葛玉貞澹香樓集

青元宮裡悟前因。六甲靈飛拜玉真。跨虎不來同寫韻。去隨南嶽衛夫人。曼殊小宛盛題詞。淮海新編又一時。何日九龍封慕版。我當書誌葬西施。

2596

2595

汪 瓠字晚殊號香隱浙江仁和人方伯汪芍坡次女金山王御室著有設

音集

春曉卽事

紙帳筠牀絕點埃。夢回初日上窗來。薰衣侍女頻催起。笑說園桃已盡開。于 潔漢軍鑲紅旗人觀察紫滄來闔女弟宗室魁明室早寡

寄兄滄來

織盡人間棄女絲。三更涕淚一燈知。近來焚却從前稿。不爲懷兄不作詩。吳師韞字慧葦江蘇如皋人吳方村女錢塘施禁室著有蕉雨軒集

芭蕉

天賜詩人綠玉簫。臨池清拂墨池煙。每于風雨瀟瀟夜。長送秋聲到枕邊。彭孫婧字變如浙江海鹽人彭駿孫女兄明府陳龍孫室著有盤城遊草

夜間絃索

寒缸挑盡已三更。何處歌聲惱客情。殘月帶窗眠不穩。照人離恨太分明。

香咳集選存

二五六 香 九

李學溫字蘭貞直隸任邱人太史李中簡女舒其絃室

落葉

西風力動葉黃時。寒影蕭蕭作意吹。曉月不遮砧響院。晚烟猶戀鵲巢枝。忽驚似雨敲窗急。惟愛如花掃徑遲。剩有幽窗小橫幅。春林無恙碧參差。

潘夫人福建進士潘仲徵室見香草齋詩話

寄夫

暮雨沉沉不肯休。知君今夜宿誰樓。遙知楚水吳山外。旅况閨情一樣愁。申元壽字清修江蘇上海人桂能室

楊花

似雪如花一色迷。隨風飄蕩各東西。只愁着地無歸處。陌上人來踏作泥。王 煒字辰若江南太倉人海鹽諸生陳光緯室著有燕譽樓稿

西冷閒詠

澄江迴抱古城斜。一片烟雲接永嘉。爲愛好山聊駐足。偶依高樹便成家。湖光

漱澗侵行笈。竹影參差帶落花。問道故人將卜隱。短衣雙挽鹿門車。

汪 是字貞菴安徽歙縣人廣文吳之縣側室著有餘香草

古體留別

結髮事夫子。日月如轉轂。婦職豈云供。中宵聊佐讀。但惜別離苦。倡和多悲曲。宦遊近故鄉。幸得侍盥沐。艱難歷三歲。有無共體勸。二豎久纏綿。餘生真桎梏。君貧妾復病。天意亦何酷。疲軀難自持。冉冉待空木。松柏誇歲寒。恩情乃愈篤。奉君不克終。冥報可能續。

卷四

香咳集選存

二十七

九 香 飽 叢 書

香咳集選存六

任城許夢臣山陽集輯

馮履端字正則江蘇南隴人丁帖瞻室

南湖別業呈夫子

小築幽深二水湄。青畦碧樹望參差。新豐雞犬頻來往。香茗文章舊倡隨。婦女摘花晨露濕。奚童驅犢夕陽遲。先生倘欲逃空谷。冀缺餘風尚可思。

顏 氏號恤緯老人山東世阜人考工顏修來光敏女孔興焯室早寡著有

晚香堂集

病中不寐

曙雁成行過。羣雞遠近鳴。一燈明復滅。雙杵斷還清。眼倦花初合。肌寒粟欲生。擁衾難假寐。殘漏咽荒城。

袁 倩字蝶仙江南長洲人顧益齋側室著有蝶仙遺草

曉起遺興

卷四

香咳集選存

二十八

九 香 飽 叢 書

半牀初睡足。抱日倚簾斜。鵲占巢爭樹。蜂賦蕊鬧衙。山光分野墅。春色到鄰家。心事憑誰語。銜杯細啜茶。

方筠儀安徽桐城人左文全室早寡著有含貞閣集

檢先夫遺草

鸚鵡才高屈數奇。未開篋箭淚先垂。平生映雪囊螢力。不見騰蛟起鳳時。獄底龍埋光詎掩。墓門鶴返事難期。九原應悔嘔心血。百卷文章待付誰。

張 靜字秋山江南華亭人奉賢莊與偕室著有清園集

春雨

春雲鴻似暹。移雨過園林。花逕紅初減。苔垣碧漸深。輕寒添翠幌。餘潤入瑤琴。不盡迎順感。應知寸草心。

陸易遷江蘇上元人指揮徐大年室著有綠窗偶吟

題漂母祠

古今多少明眸客。不及青山老婦心。一飯豈殊黃石腹。淮陰只解報千金。

王 瓊字碧雲號愛蘭江蘇丹徒人王柳村女弟著有愛蘭書屋初刻

贈比邱尼

仙子傳來古雪篇。步虛聲裏絳雲連。遙知靜對梅花月。鶴聽禪經立晚煙。

菊殘三徑嫩徘徊。楓葉飄丹積滿苔。正欲有心呼婢掃。那知風過管吹開。

蔣繡徵字蕙芳江蘇華亭人陸長庚室著有澣心處詩抄

送兄金蘭之廣西

鬢角聲殘酒半酣。張燈小市駕行驂。堂前菽水母多慮。客裏風霜苦未諳。路轉東吳勞遠夢。驛經西粵辨鄉談。清貧自信傳家慣。不待隨歧話再三。

毛 毅字仲瑛江蘇長洲人諸生金鳳翔室

新晴

雨歇千林後。晴開五月天。斷霞明極浦。新綠上平田。野水失溪岸。遠山橫暮烟。忽聞高閣外。幾樹已鳴蟬。

卷四 香咳集選存

二十九

九 香 飽 齋 書 集

金 兌字湘芷江蘇長洲人金鳳翔女

秋日雜興

無事柴門識靜機。初晴樹上挂霞衣。花間小燕隨風去。也向雲霄漸學飛。

張 祭字疎影江南甯人農部許承欽側室著有適燕吟

對鏡憶冰綃姊
昔年共繡對青江。倚檻迴看玉一雙。今日鏡中惟瘦影。含情不忍向寒窗。

孔繼英字瑤圃浙江桐鄉人沈廷先室觀察沈啓震母

梅花

雅淡偏宜雪。橫斜合有詩。月明清夢遠。風冷暗香遲。庾嶺春先占。秦樓笛漫吹。江南空有信。不解寄相思。

江峯清字半嵐號梅谷湖南衡陽人羅某室

紀夢

添香永賣小游仙。路入蓬壺別有天。洞口雲深無犬吠。山頭鶴懶伴松眠。棋閒

2604

2603

靜對餘花落。果熟新偷異味鮮。留得清音驚曉。在一回吟賞一過然。

汪 瑞字儂弟浙江烏程人德清徐以坤室著有修竹吾感詩草

嘲柳

却笑陶彭澤。空傳五柳名。看他風過處。腰折善逢迎。

張 氏湖北潛江人

絕句

病廢機梭老廢蠶。牙籤湘帙與鶯歌。唐詩漢賦全收捲。日向紗窗讀二南。

吳 氏江西南城人楊曰錕母著有悟雪草堂詩抄

寄懷文山弟
冷過黃梅節。庭花幾度凋。艱難思弟妹。迢遞望鄉關。別味濃于酒。歸心繞若環。麻姑山下路。夜夜夢中還。

董 白字小宛號青蓮江蘇如皋人冒辟疆側室

綠窗偶成

卷四 香咳集選存

三十

九 香 飽 齋 書 集

病眼看花愁思深。幽窗獨坐弄瑤琴。黃鸝亦似知人意。柳外時時送好音。

陳玉瑛號左芬侍史福建侯官人司馬郭復堂起元母著有蘭居詩草

送別

欲別難為別。吞聲古渡頭。妾心如此水。相送下渝州。

張皖江字蓮芳江南吳縣人秀才朱德垣室

送春

九十韶光燕地催。花飛一片點蒼苔。春風情似秋雲薄。百轉流鶯喚不回。牆外東風力已微。留春無計思依依。多情最是尋香蝶。戀著殘紅不忍飛。

孫鳳台字儀九江南崑山人孫壇桴大登女吳宗萬室著有水南蘭餘草

瓶梅

向暖初開第一枝。折來妝閣手中持。橫斜疎影紗窗上。畫出孤山處士詩。陳淑閣字蕙卿江南甯人諸生鄧宗洛室著有化鳳軒詩稿

病中作

風雨深閨伏枕時。萬重心緒惹愁思。自憐尺二腰圍減。尙是瞞郎不使知。

謝蘭園夫子詩序

果然含笑過新年。公來札云使蘭園合已得名傳太史篇。儂作門生真有幸。碧桃

花裏彩雲邊。

孔繼坤字芳洲浙江桐鄉人嘉興高明府士致室著有聽竹樓偶吟

病起

徙倚窗紗意惘然。芳春常伴藥爐邊。絕憐病臥經三月。孤負韶華又一年。蛺蝶

飛來渾似夢。柳花飄盡不成綿。風光滿眼增惆悵。賸有離情付小箋。

姚益敬字元吉浙江烏程人姚玉裁世姪女進士董豐垣室著有芬陀利居

小稿

力疾作書寄外因顯帚尾

尺書初題罷。輕羅淚未乾。離愁不堪寄。聊復報平安。

方可字青君居里未詳著有白沙翠竹集

卷四

香咳集選存

三十一

九香 詠 集 書

松徑

長松一逕交。幽陰互擊攔。靜聽松風吹。響疑松子落。人跡且不到。爽氣何處着。

錢孟錕字冠之號澆青江南武進人錢文敏公維城女山西觀察崔龍兒室

著有浣青詩草鳴秋合韻

青門柳枝詞

渭城風物又經春。嫩綠初齊客里新。記得大堤和雨折。泥他青眼盼行人。

花未飛綿葉剪藍。風吹無力起眠三。舊遊最有難忘處。一路依依近漢南。

折贈誰家恨別難。歲時節節絮初殘。何當繫艇揚州郭。一種青青雨後看。

花落江潭客未歸。輕陰漠漠拂簾衣。那堪烟雨催春去。深巷人家燕子飛。

莊素馨江蘇武進人濟南太守莊敦坡鈞女太史崔景儼室錢孟錕媳著有

蒙楚閣詩草

新月

簾捲西風小院門。玉階涼動近黃昏。蛾眉一曲橫天半。疑是嫦娥指爪痕。

2608

2607

杜芳英字菊隱江蘇新陽人常熟殷崑蘭室

寄梅溪兄

湖光山色碧于油。二月春風好放舟。不是詞人金粉筆。六朝烟景倩誰收。

王竹素字寄巖江蘇吳縣人按縣趙琳側室著有玉蘭軒藏稿

寄石寅夫子

佛龕香篆誓如初。茹素恒甘嫩甲蔬。烽火隔江魚雁少。淚痕瀉墨答君書。

孤燈低焰晚風輕。漸漸書窗雨二更。此際有心同葉碎。小芭蕉上一聲聲。

郭芳字芝田安徽全椒人孝廉汪存南履荃室著有望雲閣詩集

山居秋暝

空山微雨歇。秀色晚來昏。涼意泉中靜。秋聲竹外喧。漁歌歸遠浦。樵唱入孤村。

對此清幽趣。窮通休更言。

吳瑛字若華浙江平湖人少宰吳樹屏嗣爵女屈恬波室著有芳蓀書屋

存稿

卷四

香咳集選存

三十二

九香 詠 集 書

新磨鏡

寶鏡朦朧減舊清。一朝磨洗倍晶瑩。雲開夜月秋毫見。雨過菱花色相明。閱世

興亡疑有眼。辨人好醜總無聲。玉台粧罷時時拂。莫使浮塵又暗生。

陳素安字定林浙江仁和人觀察沈世藻室著有生秋閣吟稿

賣花

房櫳寂寂閉春愁。未放雕梁燕出樓。應怪賣花人太早。一聲聲似促梳頭。

劉運福安徽宣城人劉楷女諸生梅琢成室著有焚餘草

天逸閣望敬亭

名山鳳嶺巖。巒色正當樓。野樹逢天碧。孤雲遶塔浮。泉聲雙鏡落。風氣一窗收。

素抱丹邱志。無緣作勝遊。

顧蘊玉字絳霞江南崑山人顧芥亭女彭希涑室著有芸暉閣吟草

四時佳景詞

滿目江英似景。一溪弱柳如煙。香暖佳人羅袖。花陰深處秋千。

水閣晚涼初霽。荷香入座生風。雲外輕雷漸遠。一鈎新月朦朧。
翠袖烟含宿雨。露氣風遞幽香。滿地月明如水。半窻竹影搖涼。
嶺上寒催楓葉。庭前香送梅梢。昨夜香帟窗風緊。朝來雪滿晴郊。

徐七寶字雅聞安徽歙縣人諸生徐芳元女字曹榜迎娶前一日卒

傷心吟

挑盡寒燈暗復明。隔窗初斷遠村更。玉樓若使能憐我。金屋依然可喚卿。但祝
驚膠期再世。何須癩髓怨三生。吟箋檢點焚將盡。不向人間留姓名。

寂寥人醉未調琴。誰爲求凰卜好音。妝閣已拖青鏡影。夜台應抱白頭吟。薄緣
似月還同缺。舊夢如雲不可尋。迴望夕陽松裏屋。空留蒼翠萬峰陰。

榮源字瀚如浙江仁和人給事柴禹門女孫字奇室著有映雪堂集

同子婦自蜀之滇南

一官遠繫倚閭思。汝更情深舉案時。且整安車離劍棧。還攜古劍到昆池。山環
絕塞邊籌重。風刮飛塵驛望遲。計到滇南春色好。待看霞竹長孫枝。

卷四 香咳集選存

三十三 香 九 九

張秀字惠中湖廣人德州通政參議孫子未勳側室著有落霞堂存草

初秋村居漫成

昨夜峰頭雨。飛流壯怒濤。翠微傷遠月。秋色入平皋。蕭瑟隨澗水。悲涼論楚騷。
蘭台當日事。千古欲爲曹。

陳氏號爽軒江南江都人黃粵圃室著有和鳴集

採蘭

地僻少四鄰。鎮日柴門閉。薤草與栽花。生來性相契。獨有一株蘭。曉暮時相覓。
今朝開幾枝。芳氣襲我秋。眷戀不忍離。割愛冠花髻。

于素安字蘭窗江蘇金山人諸生于喧女婁縣王菱發室

秋燕

幽風七月火西流。底事空堂暑尚留。不是三更桐葉響。幾疑今夜未曾秋。

姚瑛玉安徽桐城人

泳園紀遊

村塢雲遮取徑斜。垂楊一帶暗窗紗。風迴樹杪驚棲鳥。水繞波紋聚落花。山色
全歸殘照裡。晚烟不罩野人家。閒心共話當年事。看汲流泉築建芽。

周禮蘭字素芳江蘇長洲人明府周兆熊女李大楨室著有浣雲樓詩草

病起

斗室垂簾日影遲。藥爐煙袅細如絲。病來妨却看花眼。開盡棠梨總不知。

秋思

嫩涼初透雨斑斑。一遞殘煙獨掩關。天府列星臨薄命。人寰無藥駐紅顏。填空
橫海千年恨。剩託鴉心午夢閒。半落半生成底事。又將平眼看秋山。

石學仙江南如皋人進士石爲崧女沙又文室著有水蓮繡閣詩抄

答吳門女子感懷

蘭思惹怨惺惺語。柳絮春風字字新。自古傷心同此病。深愁多付有才人。
汪福玉字蘭雪浙江歸安人金若川室著有蘭雪詩草

卷四 香咳集選存

三十四 香 九 九

采蓮曲

霞光欲飲湖光綠。紅藕風微散芳馥。木蘭舟裡石榴裙。擘歌聲出橫塘曲。就中
有女殊娟娟。陸離羽佩珍珠鈿。欲采不采嬌無力。停機暗羨鴛鴦比翼。
空凝佇。翠袖臨波淡容與。淚珠不共露珠晞。儂心較似蓮心苦。苦心脉脉有誰
知。滿湖涼月殢相思。彩雲天遠何由到。妾顏如花能幾時。

龍循字素文安徽望江人吳元安室著有雙清閣稿

春日散步

雨過苔痕滑。風清花欲燃。松高青蔽日。林遠綠依天。山鳥時來去。孤雲獨往還。
微茫堪味處。天外數峯懸。

石氏號慈石老人湖廣湘潭人明府張頤堂力行母

七十生辰作

余就養四兒力行官舍。四載于茲。今七十生朝。力行蒼萃所乞壽言。歌以
侑觴。老婦何幸得爲大人先生齒錄。願其詞類多侈頌。愧不敢當。根觸余

懷若有不能自己言者。因仿杜少陵寓同谷縣詩體作歌七首。第七句
卽用其語。少陵以飄流嗚感而余亦數十年來備嘗茶葉之境。詞不相
遇亦近之。吾子孫能喻此意。庶幾知所勉焉。

憶昔憶昔初作婦。髮髻白髮娛太母。勇扶鳩杖晨上堂。捧羹小步君姑後。秋風
獵獵動地來。萱凋椿瘁養何如。嗚呼一歌兮歌已哀。孝子有後蒼蒼培。婦人稱

夫子夫子天下才。學酣搖筆驅風雷。江東米價了不知。摩挲舞鼎願爲開。文章
獨惜杜甫命。生死惟託劉伶杯。嗚呼二歌兮歌始放。燕樓風月秋自爽。燕樓先

秋茶秋茶味孰知。晨餐夕啗甘如飴。黃泉碧落擬相逐。留煮哀此諸孤癡。良人
遺恨目未瞑。覆巢欲墮頂撐支。嗚呼三歌兮歌三發。容易成家力早竭。

吳天吳天生我劬。母氏教績父授書。女子有行安得養。樓頭凝淚瞻親廬。顯揚
恨非巾幗事。無暇誓守白璧軀。嗚呼四歌兮歌四奏。保身敢忝門楣舊。

卷四 香咳集選存

三十五

九 香 詠 集

有妹有妹矢從一女而不婦。老于室。青燈紅淚五十年。博得烏頭歌。日。螺。麻。
負子教誨勞。他年九地心堪質。嗚呼五歌兮歌正長。相思不見天茫茫。妹幼字

我來就養愁轉劇。鞭朴聲中簿書積。從容肆應良復難。聖主深仁在保赤。官名
父母須慈祥。家有子孫要蕃碩。嗚呼六歌兮歌思運。筵前看酒民膏脂。

予季軼掌閩海邊。諸孫文戰留湘川。人生何必樂鹿聚。所求無黍繩其先。我家
祖德方綿綿。我今老健天所憐。嗚呼七歌兮情終曲。蟾窟風香落金粟。

吳靈英字次成安徽全椒人
奉酬余夫人
四十年來擲水流。江山異地鎮相留。風帆消息牽新夢。雲樹紛紛披舊愁。月破
疎槎侵病髮。居潛僻巷少行驕。詩魂已逐家鄉外。短笛長吟盡欲勾。

席佩蘭字韻芬號澆雲江蘇昭文人孫子瀟室著有長真閣詩稿

夫子報罷詩以慰之

君不見杜陵野老詩中豪。謫仙才子聲價高。能爲騰壇千古推巨手。不待制科
一代名爲標。夫子學詩杜與李。不雄卽超無綺靡。高唱時時破碧雲。深情渺渺
如春水。有時放筆聲悲憤。腕下疑有工部鬼。或逞揮毫逸興飛。太白至今猶未
死。豐此齋彼理或然。不合天才有如此。今春東裝上長安。自言如芥拾青紫。飄
然幾陣鯉魚風。歸來依舊青山耳。囊中行卷錦繡堆。呼燈轉讀紗窗底。燕管山
河赴眼前。春秋風月藏詩裏。人間試官不敢收。讓與李杜爲弟子。有唐重詩遺
二公。况今不以詩取士。作君之師守君學。有才如此足傳矣。閨中雖無卓識存。
頗知乞憐爲可恥。功名最足累學業。當時則榮歿則已。君不見古來聖賢貧賤
起。

古鏡

一片秦時月。清光萬古新。對君原是我。知爾閱多人。難使年華駐。翻嫌面目真。

卷四 香咳集選存

三十六

九 香 詠 集

深藏如不露。何處着纖塵。

病懷

坐廢晨梳倦廢眠。病人心事困人天。桃花流水剛三月。柳絮因風又一年。偶檢
藥方翻繡譜。暫開簾押放爐烟。綠紗窗口屏山角。最愛清陰最憫蟬。

春遊

放槳如飛落日遲。並船相見好花枝。春遊學得新興髻。明日梳頭更人時。
萬單字文娥江南長洲人著有還讀齋稿

遣興

燕語鶯啼午夢驚。篆煙裊裊繞簾輕。病餘不耐吟芳草。却展紅箋記藥名。
吳 蘭字蘭儒江蘇荆溪人中書吳樹女薛瀚生室著有凝碧軒詩稿

萱草

欲到花前慰寂寥。春愁無那似春潮。階前種遍忘憂草。不信儂愁尚未消。
李 壇浙江平湖人觀察高衡室著有生香樂意齋稿

陸園

掃墓回舟晚。重經陸氏園。曲藤遮小院。密竹繞長垣。花落飛紅點。魚遊動碧痕。翠幽留半刻。過塔已扃門。

吳 湘字筠仙浙江石門人嘉定諸生許錫曾室著有貽清閣詩稿

探蓮曲

雨過銀塘夜色涼。搗來蓮子怕空房。幾回欲採還停手。為有鴛鴦葉底藏。

許德瑗字素心號竹軒福建晉江人許石泉女何某室早寡著有疎影樓稿

酬胡臥雲姊見贈元韻

年來無夢到靈氛。祇有情牽向臥雲。楊柳風微春試茗。梧桐月冷夜論文。莫言回首東西別。且喜聯牀上下分。擁卷每嗟知己少。半生深慰得逢君。

黃 瓊字石輝浙江錢塘人陸艾山維新室著有棣華詩草

呈夫子

桃李正纓華。喧風亦和暢。琴瑟靜且好。鐘鼓樂且壯。幸已見君子。將何以爲阮。

卷四 香咳集選存

二十七

九 香 咳 集 選 存

願持雙玉環。殷勤結指上。溫潤已如斯。舉止恒相傍。名兮人所貴。學兮名所仗。雲霄自有階。何必勞悵望。丈夫有大志。襟懷當個樣。

丁 瑜字靜嫻浙江長興人進士莊眉錫室著有皆綠軒詩集

西湖秋感

憶別西冷悵遠遊。疎烟淡月夢中留。一聲斷雁雲中落。數點輕鷗水上浮。撥草漫尋蘇小墓。挑燈重賦水明樓。東風轉眼年年恨。此日風光已破秋。

紀 瓊字藕玉湖北漢陽人陳鶴訂緝室著有繡餘草

重陽後一日作

節過重陽冷。情牽別緒長。愁來驚落葉。老去戀秋光。白蝶蕭蕭過。黃花淡淡香。倚闌還獨語。誰信九迴腸。

商 可字長白浙江會稽人太守商寶意盤女早卒著有曇花一現集

門蛛絲作

誰教漫雨爭雄。白帝餘威到草虫。可惜旌旗兼壁壘。指揮都是小兒童。

戴 俶字聯珍江蘇常熟人閩秀席蘭枝女

懷趙絮庭表姊

疎簾月影上遲遲。畫閣挑燈有所思。最是令人忘不得。相看欲別未行時。鮑之蘭字晚芳江蘇丹徒人鮑步江果長女何桂橋禮室

久不得都中書

簾帷風暖暮春初。與古相親與俗疎。幾卷殘編陳短榻。半峰晴翠落衡廬。愁同溪水流難定。心似蕉窗卷未舒。沙鳥羣飛空惹恨。何時釣得錦鱗魚。

鮑之蕙字仲姒號菴香鮑步江次女張舸齋鉉室著有清娛閣合稿

揚州湖上運月

試燈風細夜潮平。曲岸維舟待月生。垂柳和烟欹水影。亂鴉如雨入林聲。山橋客散車塵定。畫舫燈紅鼓吹清。却憶板輿花下過。湖光應識舊時情。

此臨經

鮑之芬字佩芳號浣雲鮑步江三女廣文徐秀亭彬室

卷四 香咳集選存

二十八

九 香 咳 集 選 存

秋日病中寄懷路佩香夫人

憶人何處賦登樓。風雨蕉窗黯客愁。世外容君輕似鶴。霜楓江上又吟秋。屈乘筠字婉仙江南常熟人趙子梁室著有蘊玉樓集

殘菊

忽忽重陽後。飄零又一年。獨留高士節。不受俗人憐。荒徑下斜日。破籬生野烟。自憐憔悴影。相對暮秋天。

覃光瑤字玉芳湖南武陵人覃咫宸女著有玉芳詩

幽居用賈島韻

滾滾紅塵外。閒閒綠樹村。月生花印榻。風動竹敲門。好鳥誇山色。寒泉訴石根。蕭然人境遠。相對欲忘言。

戴蘭英字瑞珍浙江嘉興汪某室早寡著有瑞珍吟草

春日雜興

苔痕一筆綠初交。新茁蘭芽課婢澆。得句怕忘隨手錄。消閒無計借書鈔。海棠

帶雨含紅淚。乳燕尋泥補舊巢。細響忽驚春夢醒。隔窗鐵馬聽輕敲。

盧元素字淨香江蘇江都人錢玉魚東側室

同仙霞女史虹橋春泛

隋堤柳色最堪憐。綠到揚州三月天。雙槳紅橋橋下路。數聲啼鳥一溪煙。

衛融香字紺雪江蘇長洲妓著有紺雪詩草

秋日懷韋生

江城秋氣入蕭森。碎盡相思兩地心。歲月無情催黑髮。關河有淚哭黃金。薛蘿爭亂芙蓉色。絡緯愁兼蟋蟀吟。寄語君平情未斷。章台楊柳尚陰陰。

范雲字雙玉江蘇甘泉妓

泛湖

輕棹沿碧渚。泛泛得幽尋。欸語微花笑。新涼蘆夕陰。歌從鄰舫至。酒向故人深。莫訝歸途晚。前溪月滿林。

尤璩字鍾玉江蘇上元妓

秋思

日昃牆陰粉蝶回。一雙新締海棠開。芊芊細草休重綠。秋遍天涯人未來。

鄭如英字無美小名安娘江蘇江甯妓

雨中送期蓮生

執手難分處。前期問板橋。愁從風裡長。魂向別時銷。客路雲兼樹。妝樓暮與朝。心旌誰復定。幽夢任搖搖。

番容字雲生江蘇江甯妓著有落霞詞

步韻答所贈詩

頓頓妝前夢未消。春風處處傍君輶。自憐弱質如花瘦。且喜同心向月圓。未許白頭吟司馬。豈堪紅袖舞雙喬。巫雲一片江干遠。留却愁眉不忍描。

趙彩姬字今燕江蘇江甯妓

燕來

獨坐掩羅幃。愁看雙燕飛。思君不如燕。一歲一來歸。

卷四 香咳集選存

二十九

香咳集選存

陳素素江蘇揚州妓著有二分明月集

和天水先生見贈韻

臨卽曾愛酒家圖。得見相如果甚都。豈惜琴心通一笑。不知曾聘茂陵無。

沈雅字倩扶江蘇華亭妓

題破水道人梅花書屋圖

閒憑烏几耽幽僻。想見高人靜坐情。窗外梅花窗內月。與君心事一般清。

沈稚字偏紅情扶妹

題破水道人梅花書屋圖

春天小閣梅開日。繡幙輕風月上時。想是滿身花月影。夜扶殘醉起題詩。

鍾清字素娘江蘇儀徵人

贈吳生鹿源

紅豆教歌似館娃。可憐今日在天涯。郎船若打真州過。八字橋邊妾有家。

傍着桐陰種綠蕉。望江樓下曲闌招。他時聞閣無人見。好譜新詞吹玉簫。

卷四 香咳集選存

四十

香咳集選存

林秋香小名奴兒江南人

題畫扇答訊

昔日章台舞細腰。任君攀折短長條。如今寫入丹青裏。未許東風再動搖。

馮香字靜容江南崑山妓

次韻答尤西堂大史

掃眉才子忽停車。鸚鵡傳言到妾家。三日名香留坐褥。五雲彩筆照窓紗。青山肯惜紅顏薄。翠袖容扶烏帽斜。珍重春風數相訪。小庭新樹枇杷花。

湘烟姓未詳江蘇上海妓詩見上海詩鈔

送別

丹鳳樓頭新月明。黃龍浦口暮潮生。贈君一掬無痕淚。常作紅粧枕上聲。

王麗娟小名金兒山東濟南妓著有香國小草

寄人

別後容光瘦似花。無聊獨自倚窗紗。蕭條門巷從君去。春色何嘗到妾家。

徐 謝字雪翻浙江嘉興妓

秋怨

獨處香懷。涼秋易怨。兼以病骨支離。而永好中絕。形管在御。聊代蘼蘇以
寫幽憂云爾。李政議中作也。

自許恩情百歲同。那堪棄置任秋風。開簾見月還羞月。似笑齊紈箚篋中。
露華點砌舞衣單。人在空房怯倚欄。記得與歡相傍處。夜來風雨不知寒。
枕接啼痕兩自知。空牀無語只疑癡。鴟哥不解伊人遠。只管窗前喚畫眉。
錦箴孤棧燈檠青。薰籠斜倚漏三更。西風欲破人愁寂。吹入芭蕉作雨聲。
蕭瑟還同落葉蟬。輪他吸露飽風烟。乍拚身試相思味。檢點腰肢足可憐。

送別

銀燈燄短金壘歇。欲語離情舌如結。今夜蕭蕭一陣霜。明朝馬上看黃葉。

許玉筠字晚珍號玉峰女史江蘇崑山人著有花晴閣吟草

卷四 香咳集選存

四十一

九 香 齋 叢 書

清明

掃盡梨花獨掩門。深沉院落自黃昏。小樓厭聽紛紛雨。不是行人也斷魂。
朝霞姓未詳江蘇上元妓後爲尼名曙光著有紅于詞

送人

秋風江上送君舟。落葉江楓總別愁。解纜不知人去遠。凭欄猶倚夕陽樓。

陳翠雲江南無錫妓

呈座客

小駐華軒日欲斜。論心且盡一杯茶。多君情似桃潭水。可肯殷勤戴落花。

文 娥江南華亭妓

賦答沈上舍南疑
幾縷爐烟蕩晚風。歛衣閒立小庭東。生憎蝴蝶偏多事。拂落山樓滿地紅。
綠窗無事懶搗藥。小捲蝦鬚又鴈鶩。客到不須鸚鵡報。隔溪吹送踏歌聲。
洪夢梁字蕊仙號白雲道人江南江陰妓著有白雲遺稿

我我齋賞梅

愁來萬事壓眉端。忽覩梅開意自閒。我欲問花花問我。相逢夜半不知寒。

陸瑤仙□□□□妓

寄所知

料峭春寒夜。相思寐不成。鳥聲如話舊。花影最關情。密意憑誰寄。閒愁逐草生。
願君早舞取。相與訂深盟。

卷四 香咳集選存

四十二

九 香 齋 叢 書

香齋叢書九集卷四終

Faint, illegible text, possibly bleed-through from the reverse side of the page.

Faint, illegible text, possibly bleed-through from the reverse side of the page.

Faint, illegible text, possibly bleed-through from the reverse side of the page.

繪門觀劇詩

附彙諸家題跋和作

光緒戊申夏五

葉氏觀古壺刊

言門觀劇絕句序

言門先生觀劇絕句舊為蝴蝶裝其裔孫開伯太守詩
藏之問出以徵題詠長沙王葵園祭酒善化皮鹿門
孝廉蓮花廳朱純卿觀察皆有題句又各依次和之徐久
廢律律見獵心喜和至三疊始以活字板印行最後得龍
陽易實甫觀察和作嬉笑諧謔藉以發適其抑鬱不平之
氣于時葵園久乞祠祿主持壇席逾二十年文譙從容所
謂絲竹陶情東山遺興已耳純卿門業鼎盛兄弟皆以文
學仕宦為海內所企慕又兼萊衣板輿家庭之至樂鹿門
方離憂患終日手一編談鄭學其于人世之榮辱若樂若
無所觸于心曰諸賢所值之境不同要其憂時感事以身

劇序

世無聊之語發于詩歌無不各肖其人之聲容笑貌以出
獨余以頑劣之質選無涯之生旗亭黃河井水柳詞終日
為逍搖遊與世相忘若無倚偶憂時則時已過故詩境略
有異于時賢今分三卷而以拙作殿後蓋亦曠曠之義耳
大抵歡樂之場性情各有所持止有以儉德為貴者孰無
知之優伶抑揚出之以愛憎幾于雲午再世櫻桃復生如
錢牧齋翼芝麓之于王紫稼袁隨園謝鄰泉之于計賦琴
是也極園亭聲伎之盛召客羈飲夜以繼日所謂樓臺春
早歌舞月遲如冒巢民之得全堂王駙馬之拙政園是也
若夫借他人之酒杯澆自己之塊壘則槍門先生樂從于
前葵園祭酒踵事于後然出之昔賢則謂為風雅詩以時

論乃詆為懶者故衣冠酒肉之林徵實聽曲為諸伶歛錢
頭之費余不為也以詩歌為媒介自謂一字之品題勝于
千金之投贈余亦不為也因思槍門先生當明聖之朝居
清華之望其時風俗純樸士大夫不以苛刻之見待人其
樂觀今世為何如也嗚呼世運之升降人心之厚薄觀于
一事之微而有變遷之慨故余有恆言劇無可觀劇以觀
哉而已後之讀此者亦猶今之手昔也夫光緒三十有四年
庚申歲夏五端陽葉德輝序

劇序

世無聊之語發于詩歌無不各肖其人之聲容笑貌以出
獨余以頑劣之質選無涯之生旗亭黃河井水柳詞終日
為逍搖遊與世相忘若無倚偶憂時則時已過故詩境略
有異于時賢今分三卷而以拙作殿後蓋亦曠曠之義耳
大抵歡樂之場性情各有所持止有以儉德為貴者孰無
知之優伶抑揚出之以愛憎幾于雲午再世櫻桃復生如
錢牧齋翼芝麓之于王紫稼袁隨園謝鄰泉之于計賦琴
是也極園亭聲伎之盛召客羈飲夜以繼日所謂樓臺春
早歌舞月遲如冒巢民之得全堂王駙馬之拙政園是也
若夫借他人之酒杯澆自己之塊壘則槍門先生樂從于
前葵園祭酒踵事于後然出之昔賢則謂為風雅詩以時

觀劇絕句上卷 明題跋

觀劇絕句三十首 有序

裨官院本虛實雜陳美惡觀感易於通俗君子猶有取焉其間褻昵荒唐所當刊落今每篇舉一人一事比興諷諭猶詠史之變體也借端節取實實虛虛期於言歸典据或曰諷諫之風或曰小說之流平心必察朋友勿以是棄余可矣當時際冬春公餘漏永地主假梨園以娛賓衰年賴絲竹為陶寫觸景生情波瀾點綴與二三知己為鴉旅消寒之一道耳

舉笏雍容喻不言吉祥善事是加官有生仕宦兼才命但

儘前途莫退看 加官

風隔蓬萊不露津蟠桃爭獻事疑真就中有杖扶持者意謂登天許蹇人 八仙

廿八騎殘尚幾時滔滔江水豈還期穀城他日游魂到不作蒼龍夢薄姬 虞姬

望鄉對友鬱忠情通國憐於雪寤生卻有終宵懷不亂黃

羅負託白虹晴 蘇子卿末用褚淵事

蛾眉一誤賜單于為妾伸威畫士誅賢傅含冤今報未琵琶還帶怨聲無 明妃

行樂清平草數章未將大雅壓齊梁後來百賦千篇手爭

慕青蓮入醉鄉 李太白

鬢髮移情牛女因芙蓉花作斷腸蠶將軍效帝安店策前日親誅韋庶人 馬嵬驛

從謹聽來言已晚龜年散後老何方杜鵑春去無人拜墜翼江頭細柳長 南內

七月生兒母話愁啟墳驗夢血絲投研空練樹人宵遁若問羅衫是竊鈎 白羅衫 川梁陳章王僚事

撫士恩偏史筆昭漳鄉從死一何寥周倉名在傳奇著居聖原鄰豫讓橋 周倉不見史册關順德府志云守麥城關難與參軍王甫俱死墓在霍莊東北有題

備陷多年父子違天教旅館夜相依傷心想到馮儀部踟躕芒芒黯目歸 尊親記馮名成修而海人幼時父他出子乾隆己未成進士後解官屢尋不獲

語兒谿水去來春風月扁舟遂保身蒙面太公情太忍大夫私自羨巫臣 范蠡

雲玻一曲鳳隨鴉失笑風懷屬黨家似詠玉龍鱗甲落汴宮人憶錦江花 黨太尉賞雪末用趙禮及花蕊夫人事

目成兒女競紛紛可信橫陳嚼蠟云一自琴心傳別調春風鬢影豔文君 聽琴

九子無夫問女歧摩登梵呪解何時花宮多少僊人子愛水萍浮不自持 玉簪記

十二金牌三字獄七陵弗恤況臣躬天護碑詞隨地割龍蛇生動滿江紅 岳忠武

麋鹿母驚馬鬣封可憐麥飯託鄰翁我亦成名親未覩故

邱松柏夢悲風 掃松

不容上殿比朱雲莫以先靈沮蔣欽肝膽燭前芒角出風

霜字裏夜更深 明本事本蕭欽劾劉瑾載於明史今鳴鳳記移之椒山

抖擻何緣卻後來鶴山何處默低徊花陰小犬無驚吠

寶天為孝子開 文華

假月堂好無子孽黔山國賊更親雉淋漓寫到卑田院快

過銅山露布不 嚴嵩 德輝按黔山疑黔山之誤原本瀾

獅吼爭憑謔語傳隔簾花霧霽婢娟祇因千劫生纏縛易

墮難陀額粉禪 獅吼記

桂枝消恨長墳前一語人天合孽憐真見曹松登第日杏

園騎馬老逾奸 別頭巾 德輝按奸疑奸之誤原本獅吼

叱咤南齊張護軍居然矜貴習儀艾阿誰注選方羞澀俯

仰空中一效君 演官

守關誰似周將軍萬丈光芒燼合門燭黯杯停人起立太

行山頂與招魂 周遇吉

宮婢偏將義烈開夜誅凶慙血濺裙樂遊雷報梁家宴主

是溧陽兒簡文 費宮人刺虎

且休笳吹夜開醺坐客搖脣卧帳聽班書石勸烏能解想

亦人如柳敬亭 柳敬亭

茹葷破戒入重科賴感慈悲孝行多殺業羯肌夷最大可

能行法問閻羅 蓮母

胸科象笏綠掀髯作使山妖擔幾奩舊事題名君記否翠

微深處逞威嚴 鍾離

都為飢驅就世羅仙人善度竟爾何到頭富貴勝貧賤枕

上甘心受賺多 那那步

一蓬飛渡一蓬回滿壁青雲長翠香刺下江心流若月擁

猴聯尾共探來 達摩

庚辰八月錄為

閩度足不 槍門老人金德瑛

右觀劇絕句三十首先大父總憲公之遺墨也此詩

公題書之先子所覽別是一冊因據以鏤板次敘微有

移易語句亦小有異相意謂登天許蹇人別本作不信登

突遜蹇人似所書在此冊之後公有所改定也此詩不

編入正集中初止二十四首大約戊寅己卯順天使署之

作後謝湘寧虞姬周倉趙文華鳴鳳記演官六首向以為

辛巳覆作今觀是冊則在庚辰前矣閩度揚州牧名潮觀

金樞人有吟風閣詩鈔乃公丙辰分校所得士也庚午

正用得此重加裝池孫男孝柏謹識

槍門先生與先太父同徵鴻博丙辰禮闈先得大魁故不

與試同入詞館相距僅數月潤潘楊之好至今如一日也

余甫冠時即與孫孫又辛癸鴻兩君訂兄弟交過省試之

年輒復敷衽寒裳過從甚樂今年樵雨十一弟訪余瀨上

聚首數月出此冊索題雖偶然適與之作蕭然如見先正

典型固知流澤孔長宜乎後賢蔚起相引於勿替也敬誦

之餘曷勝起舞嘉慶壬申嘉平望日錢塘年家孫陳鴻壽拜手謹跋

少時藏弄 先生書五十六字蟠瓊珠高句麗紙老蠶繭

河南筆妙包歐虞豈知翰墨有瓜葛門生門下稱生徒能

詩光祿守家法書畫不許寒具汗不設寒具急搜行篋出

真蹟珍比遺笏歸魏墓甌山不見錫山遠蘭亭真本人間

無搗來晉陵訪老守謂素中太守銜杯共補消寒圖酒闌鄭重

出詩冊冊紙雖破墨未枯當時觀劇卅絕句絲竹陶寫聊

自娛識是 先生暮年筆書成醉倩門生扶何期零落入

書肆肯令散亂拋中衢賢孫購得謹什襲趙璧價抵千瑤

瑜架筆安用青珊瑚薦地安用紅氍毹人生如戲戲易散

登場傀儡空喧呼若非老筆傳幻景焉得冷眼留眞吾如

今試問吟風閣更何人唱鷓鴣楊刺史有傳奇數種

蘇少時藏

檜門先生書元人七律一首筆法類褚河南後出 鄒錫

麓師門下於 先生爲小門生因以所藏歸 先生之孫

筠泉光祿嘉慶壬申筠泉從兄 素中太守出 先生手

書觀劇詩冊命綴數語其後蓋乾隆庚辰八月書與門生

楊閣度近爲書賈所得 先生第十二孫小山購歸者也

江陰小門生王蘇

劇本之作濫觴於樂府古人卽事興懷被之弦管魏晉而

下莫不皆然元明易爲詞曲所謂負鼓盲翁滿邨傳說老

姬孺子皆能道之極于淫哇下里士林視之蔑如矣

檜門先達德望過人胸羅全史挹風雅之全返與觀之正

并懷詠史知不塵以華屋神倦雲窗六扇擊節仙奴也小

山得之家寶奚疑趙魏拜識

我曾大父天人姿若論風雅亦吾師平生不肯輕落筆年

過四十纔吟詩忽然盤空吐硬語一字可卻千熊羆卽如

此稿偶作戲游戲亦復通神奇稗官院本古有取美惡觀

感於時宜況當中年賴陶寫東山絲竹情堪怡懣罷匝地

燭光爛主人起壽傾金卮登場傀儡雜悲喜筆歌墨舞酣

淋漓是時禱翁共退直文酒跌宕同襟期謂公此作雖等

關千古鬚眉眞見之家有禱石宗伯手評本杜陵老人號詩史看舞

劍器增奇思鐵雌西涯擅樂府別出一格驅雄詞乃知詩

貴出肺腑嬉笑怒罵兼涕洟不爾風骨日頽靡東家噴效

西家施有如梨園不解事塗抹脂粉神先離

此宗壬戌夏五讀 先曾大父觀劇絕句所作庚午春仲

十二叔父購得是冊重加裝演爰命錄於後辛未人日曾

孫男衍宗謹識

祭酉新正甌北八十七歲老人趙翼敬觀 圖記遺失

觀劇詩雖近閑情要有詠史遺風方推能事蓋詩通於史

爲其可以明乎得失之故也讀

總憲公諸首語長心重莊雅不佻庶幾擅西崑之清麗而

又遠東維之嫵嫵洵堪作藝林圭臬又豈獨文孫獲手澤

如獲重寶耶嘉慶庚午秋秀水後學朱休度拜題時年七十有九

憶重十七歲時從 姑夫硯雲先生許讀 總憲公觀劇

絕句原藻汪茂才大經書而刻之迄今四十餘年尙能背誦一二也十二外弟孝柏購得遺墨當與魏笏范硯同珍嘉慶庚午七月胡重謹識

檜門先生雍正時舉鴻博乾隆元年得大魁遂不預試官至總憲此冊書於庚辰以贈門生楊閣度刺史雖游戲之作書法莊嚴典型如在今及百年跋語無多如林文忠之爲名臣湯雨生之存大節趙雲崧陳曼生趙晉齋錢梅溪諸先生之著述書名前輩風流皆可寶也 蘭生直刺以

是冊索題手澤珍藏已及五世知勿飲人缸面酒也時在咸豐六年暮春既望後學白謙卿謹識於金華郡齋

冊中失錢梅溪之作

右觀劇詩三十首爲 檜門前輩遺翰道光癸巳春 昌 蘭

過姑孰使院晤小岱文孫出以見示卒誦數過覺偶爾遊觀語語有關風教雲祜世守知勿僅以東山絲竹視之也後學朱昌頤拜識

詠史之作義關勸懲非學有本原長于諷諭未易稱也今讀

總憲公觀劇詩三十首卽偶爾流連抒寫而令人論世之學溫柔敦厚之旨靡不自在流出此詠史之緒餘而風雅

之正軌也展誦數過敬題其後道光癸巳九月書于太平使院之內省堂後學沈維錫

補見劉文清公書觀劇詩冊詞翰皆致佳妙此冊在文清前而音節之抗墜豪蕩之飛轉並相彷彿先輩游戲之作皆可寶貴如是道光癸巳嘉平後學林則徐題

當場大率不平事瀟筆都成絕妙詞好與青藤參一解上場終有下場時 多少衰家舊舞場金樽檀板已淒涼新詩卑有句衣繡奕葉猶能守 練湘玉申長至後五日錢塘張迎煦敬題

撲朔迷離夢幻身輪伊彩筆替傳神尙嫌世態描難盡描到攝摹世態人本是鰲頭絕世才九霄唾落萬瓊瑰風流

漫認旗亭客曾聽霓裳天上來煙雲變幻太無窮願盡宮花願曲正有幾開元遺老在後堂曾醉管絃中無處尋舊錦堂白頭誰與話滄桑悲歡賸有青山證五十年前鬼

儒場 蘭生贊府先生見示

總憲公遺翰敬題貽汾

世間非幻亦非真說部傳奇卽此身照見深情千古月醒來好夢一場春心聲流露推前輩手澤珍藏藉後人自是箇中能領略願將後果悟前因甲子金陵試院 蘭生太守見示

檜門先生遺翰敬題七律以誌景仰後學河間龐際雲

昔柳誠懸論作字心正則筆正蓋以筆致諫古人立言豈有寓意焉茲捧讀

槍門先生觀劇詩三十首詞飛珠玉字挾風霜借傀儡之登場寓無窮之懲勸雖偶爾游戲而知人論世之識自流露於墨楮間則東山之閒情實南史之直筆也垂之千古洵足正人心而維風化謹識數言用深景仰已未陽月津

門後學孫葆元敬題於浙閣之鳳吟堂

史筆文章觀劇詩興衰事業固如斯註成鐵案千年後公論難將一字移辛亥仲秋長白麟桂題於閣中

東方譎諫原堪予莊叟寓言亦自佳況得風人三昧旨何妨游戲出詩家 間說術

命渡江日故里雷題好句多百十餘年佳話在未知此卷近如何先生辛酉年渡江與故 恭題

槍門先生觀劇詩後後學查文經

絲竹樽前興風霜筆底道崔鴻良史補蘇鶚雜編搜論世追千古游仙夢十洲寓言通諷諭褒貶例春秋族裔孫安瀾謹題

丙寅冬月金沙校士畢舟過丹陽晤 蘭生太守出示

槍門先生遺墨篷牕展讀一過 先輩典型宛然在目惜解維恩惠不獲審翫謹綴數字册尾以志景仰之私除夕

前三日和州後學鮑源深敬觀并識

乾隆為我 朝治運極盛之時亦文運極盛之時 槍

門先生以鴻博應運大魁於乾隆建元之初尤為當時文臣冠余入詞曹在 先生百餘年後同館諸君得 先生片紙隻字未嘗不拱璧視之而書肆居奇真贗難辨辛酉

春 論詩叱陵抵滬與 蘭生刺史同事權局見其供職忠勤不避嫌怨心竊佩之每公餘論文尤嗜藏古人圖書久之乃出是冊曰此先人手澤也願乞一言以垂永久受而讀之字則朴厚渾堅上追魏晉詩則比物賦事都歸勸懲乃知先輩立言期於不朽而 蘭生刺史之克勤職業其家學為有自矣因勉書數語以見三十年仰止之懷並以誌余與 蘭生遇合之緣有如此同治甲子六月 中州後學

薛書堂謹識

我鄉 總憲金槍門先生以乾隆初元大魁天下負藝林重望者數十年其翰墨所雷詞臣至今寶貴歲甲子金陵校士余以監試與 先生元孫 蘭生太守共事棘闈出是冊屬題余末學粗官何足以知 先生詩書之妙而獲瞻遺寶實為非常快事爰綴數語以志欣幸云同治三年

十二月後學王大經敬書

余於初就外傳時見家塾中懸 槍門先生一聯係 先

曾祖雙款紙色黝暗意是古人嗣於戊子領鄉薦後於都門書畫肆又見一聯六法在米董之間用十餘千購之并

未究 先生之里居官爵但愛其縱橫跌宕懸之自齋謂

與先生重相晤對如舊相契耳至今洞溯一四十餘年
事一三十年前事乃宦游來滬適與蘭生仁兄同舟一
見若生平歡因出觀劇冊子相示始知蘭兄即先生
曾孫為戊子同年小峯進士猶子淵源有自契合非常益
歎人生瞬息惟此筆墨事足以千古況先生經緯萬端
或在史冊書法足以傳著作足以傳動名更俾之傳感愧
之餘不覺欣慰之甚因謹誌數語蘭生仁兄或不以為
疥而割之則幸甚矣丁巳十月潞河李煥文謹跋
曾詠霓裳到廣寒九天珠玉動豪端寓言十九無人會語
作東山絲竹看貞元朝士風流遠寂寞鈞天九變音哀樂
亦隨人世異魚龍曼衍獨沈吟 敬題

槍門先生遺墨應

蘭伯仁兄命即正鈍齋吳郁生漫藁
光緒乙巳春正月長洲後學章鈺敬觀
光緒癸卯十一月江甯後學鄧邦述敬觀
與蘭伯兄定交幾二十年行誼問學之美久所欽挹康
子拳變蘭伯麻鞋詣行在遂相遇於西安逾年復來
就余武昌文酒之會無虛日近出其先德
槍門先生遺墨見示時則遠瀟多故世變方亟余與蘭伯
撫時感事掩卷流連不勝今昔之慨云端方敬題
甸丞吾已丑會房所得士也博學好雅世篤門業出其
先德槍門先生手蹟索題余因歎詩文字之品可規世

運先生詩字之佳不僅在此即此已為後人所弗逮彼
其時海內無事上下熙熙詞臣供奉賞花釣魚看展管絃
堯昶昇平一時所徵鴻博諸老又皆魁奇綽綽各翔藻雅
雍容揚揄故雖游戲之作亦覺體格寬厚無從數苟且之
態百餘年來茲風渺矣生今日者憂迫之不暇何有於燕
間余將之廣西奔走於饑饉師旅之間以視先生游釣
天時劬愉何如也 甸丞其謹藏之以當瑞世瓊瑤萬子
孫勿敢擊光緒癸卯八月二十二日嘉魚劉心源
滌泉我兄與弟同官兩淮垂二十年趨公之暇恆以所
藏古人書畫互相觀賞極洽古歡壬辰秋 滌兄自禾來
刊以 公行錄食時五觀冊持贈 拜登之下什襲珍

藏今夏復以

公書觀劇詩冊見示仰先澤之長兩感
胎珍之可寶謹綴數言以志欣慰光緒庚子荷月初十日
族裔孫兆槃
亡是憑虛各擅場寓言顛倒自蒙莊漫嫌傳唱無稽語周
漢文詞已濫觴
班史曾登小說流唐叢宋稗儘旁搜流言祇作丹青看舞
榭歌臺一例收
先河院本後傳奇次第優人作導師瘠句宋詞爭賭唱只
如新調付歌姬
世事甯論偽與真紛紛目論苦求伸梅經毛傳欺千古何
況歌場一闕塵

弦管撥人欲放顛蘭芳鮑臭任流傳不乖臣子興觀義只有精忠與目連

懷古元因一畫圖意將懷壁傲愚夫天臺何事誣光武知是明人刺歹朱

雍容樽俎說乾隆審律應知與政通夢想開元全盛日欲將法曲問伶工

先生退老儘開顏我亦心儀謝傅問憂國無心問絲竹不知底處是東山 光緒乙巳夏

閣伯仁兄太守見示 先德總憲公
檜門先生遺墨業敬和三十首復謹題八絕句即以爲跋
長沙王先謙

詠史分編自選樓衰譏妙筆仿春秋鐵崖懷麓揚鏢出又見新詩鬱古愁

陽明論樂古無儔樣子能傳虞與周證以儀徵說三頌方知四代有俳優

丁歌甲舞睡昆侖五萬春華入夢魂南曲今同廣陵散北音誰更問金元

曾游帝所聽鈞天同詠霓裳冠眾仙老眼看花憑作劇春風定子正當筵

中年絲竹謝東山將謂偷閒並未閒哀樂性情詩句發每逢佳處一開顏

百感茫茫寫出難欲澆塊壘藉毫端老坡嬉笑文章好莫

作尋常戲墨看

意難莊諧三十篇金樽檀板韻悠然開元法曲何人見夢想雍乾極盛年

萬古心胸試拓開英雄兒女盡堪哀安知傀儡登場後別有人間大舞臺

閣伯太守仁兄見示 先德
檜門先生遺墨觀劇詩前輩風流令人欽慕敬題小詩八首以當跋尾即希

方家正之後學善化皮錫瑞題

乾隆
天子世昇平侍從廣雅頌聲上界霓裳時入詠後堂絲

竹老怡情安排高第王沂國先生爲物斷紹述清芬陸士衡法曲而今廣陵散遺詩誦罷淚縱橫 余既和

先生絕句三十首撫今追昔不勝西方美人之感復賦七律一章以誌慨慕贊之

閣伯以爲何如乙巳之秋八月既望吉安朱益濟

富貴功名春夢婆匆匆十二萬年過乾坤撐拄憑忠孝替古擔憂淚較多

優孟衣冠傀儡身稗官傳衍假疑真百年前事憑誰記輸與當場說法人

妙絕元人北九宮魏梁一出變宗風崑山近又無人會那解尋源白石翁

關王北曲歷金元兒女聲情易斷魂惱恨南人初解語盛

名翻累紫桃軒改南西廂之李日華偶與李君實同名若

理官有上官向余索西廂記蓋以世行李日華西廂本也

草本草亦有日華子注也

藕料二次舉鴻詞先領宮花第一枝此是昇平歌舞世雍

乾詩似盛唐詩

書壁詩成護碧紗偶然游戲筆生花高文典冊今猶在祀

典煌煌正女媧宋方增從政觀法錄云乾隆十七年公上

御土人據為求嗣之神實為瀆

褻應毀舊像立木主下部議行

卅篇詞翰付青箱祖視相傳手澤香閱盡滄桑人事改戲

場今已換排場

我亦欽奇可笑人崑崙詠替傳神燕蘭譜與秦雲譜肯

讓江南二月春

右題金槍門先生觀劇絕句詩後即請

閻伯仁兄大公祖教之乙巳春三月葉德輝錄稿

觀劇絕句中卷 諸家和作

和 檜門先生觀劇絕句三十首 王先謙

祐陵畫意取加官更向班行臉上看牙笏 錦袍緣底事故
將吉語調衣冠 加官

徐張相聚豈相捐未信曹何盡少年問道神仙不可接
句卻從場上看堆仙 八仙

徐府芳祠定遠墩楚歌真斷美人魂只緣一曲千金記長
見倉皇拭淚痕 度娘

前有蘇卿後郝經至今精氣照丹青艱難國步嗟誰補
與皇華作典型 蘇子卿

掖庭一去總無言爭說琵琶戀漢恩疑是春風真面在都
從千載曲中論 明妃

市中高臥詔傳呼彩筆狂揮錦不如今日眼看人盡醉阿
誰解寫嚇蠻書 李太白

名花帶笑幾相歡羅襪成塵照眼寒月殿霓裳元是夢空
畱遺跡萬人看 馬嵬驛

蜀道郎當是雨聲淋鈴教曲淚縱橫可憐明聖天王業賸
與梨園作主盟 商內

樂昌合鏡痛生離三代羅衫取證奇赤子扶瞻年十八人
生難得是佳兒 白羅衫

高會單刀證史文賡言仗義有將軍元碑明救流傳遠都
把新名補舊聞 周倉

德宗皇帝空馳詔康叔郎中飽寫經難得相逢便相初三

更旅館一燈青 尋親記

越女微軀竟沼吳投江翻遣逐靈胥五湖高隱千何事錯
認鷓夷是大夫 范蠡

龐人那解雪烹茶學士由來勝黨家樸直未須多識字袖
中禪詔漫相誇 黨太尉賞雪

聽琴酌酒兩心同贏得分財作富翁吟到白頭成永好茂
陵臥病已秋風 琴心

紅頰長眉謝自然洞房清靜即神仙無端挂眼閒花草信
有人間色界天 王晉記

偏安君相密綢繆閩外將軍見贅疣撼岳長城真自壞掃
秦流恨幾時休 岳忠武

是非身後底相妨莫更琵琶幻四王古柳斜陽天水代滿
村早唱蔡中郎 掃松

一封奏草鬼神愁不為閨房得少畱還勝章妻知足誠代
夫一疏並千秋 寫本

深宮宛轉百花酒同黨招搖五綵輿正是羣陰煬蔽日不
堪慕寫壽嚴初 趙文華

默黠鍊柱禱無休嶽嶽冰山凍不流快絕鄒林雙御史解
從左側射東樓 嚴嵩

妻婢方山傳裏知烏雲釵畔戲題詩談禪未礙聞獅吼難
解涪翁簡帖詞 獅吼記

英雄千載田儒冠老着衣巾作別難博得頭銜羞吐氣生

前梁瀝死方干 別頭巾

漢京銅臭已薰天解習官儀亦自賈莫讓伯郎惟一斗且

從優孟學三年 前官

當關一將緊興亡雙劍雌雄並有芒排得頭顱紆國步痛

心降表出姜王 周遇吉

琴歌當哭女貞新為兩誅仇似有神王氏亦傳傳地首可

憐崇義號夫人 賈宮人刺虎

流落江湖奈老何桓溫一去樹婆娑桃花扇裏餘生氣類

有吳毛為作歌 柳敬亭

地獄名從佛國彰高僧救母孝思長黃泉碧落朝居易傳

唱還應潮李唐 目連母

問道青溪有小姑終南眷屬亦神夫藍衫蓬髮鍾山路一

幅春宵透漏陶 鍾旭

閱盡榮枯一枕中鄴侯著記有仙風開元故事分明在誰

把回仙替呂翁 邯鄲夢

不契梁皇竟北游嵩山面壁影長留底須折蘆誇神異若

個精誠入石頭 達摩

和 檜門先生觀劇絕句三十首 朱益濬

今朝良會競稱觴漫道官場如戲場就令天恩齊拜賜諸

公何以報君王 加官

洞賓每醉岳陽酒湘子曾驂秦嶺煙咫尺相逢不相識翻

從海上覓琴仙入

忽報韓彭壁壘新度分一嘆一傷神項王情是多情種不

念三軍念美人 虞姬

萬里冰天老此身夢魂時鏡上林春節掃落盡終歸漢衛

李何顏送故人 蘇子卿

如雲如雨空復多無人補得漢山河君王自選姿顏色莫

怪毛生畫筆鷓 明妃

有詔傳降李誦仙金海樓酒醒朝天宮嬪呵就生花筆一

掃南蠻萬里煙 李太白

仙山歸去亦君恩芳草至今餘淚痕若令上陽歌白髮後

人何處市香魂 馬見尋

宮花無復御池黃白髮尚書天寶妝楊柳不知春色莫風

前猶似舞霓裳 南內

快絕秦廷誅假父幸哉張祿認天親羅衫血淚都成錦始

信蒼蒼不負人 白羅衫

將軍名著魯貞碑當日陳書倚見遺鏢凜寶刀有生氣千

秋猶護故侯祠 周倉

壽身世幾艱難棄職尋親淚不乾天意一般憐孝子古

今明月照關團 尋親記

今日隨君返浙東昔年獻妾入吳宮吳山浙水自興廢少

伯西施相始終 范蠡

學上莫須笑黛娥紅裙白雪劇多姿郵亭唱到風光好何

異銷金帳裏時黨太尉賞雪

一曲求凰奏未終春風已自逗簾櫳七弦儻有同心結何
用殷勤侍者通聽琴

岳翁忠義滿乾坤千古豈惟三字冤今日誰籌和守戰莫
兩鐵象在祠門岳忠誠

雲屏霧帳影冥冥中有仙靈講道經何事潘郎獨憔悴芳
卿傳語太丁靈玉簪記

千尋連理孝通天白兔瑩瑩出墓前稗史緣何消黑白欲
教王四早歸田掃松

星斗昭彰河漢明皇天列祖鑒精誠五奸十惡數難盡留
待他年藍道行寫本

劇中

五

翩翩文采會逢時何苦權門乞視師不似仇鸞遭反噬慈
溪猶算是佳兒趙文華

平生寵倖仗青詞票擬無人漸不支惡絕東樓真莫測結
援海國欲何為嚴嵩

何不尋花返洛陽黃州乃為畫眉忙秋來赤壁同攜酒懸
料客中無季常獅吼記

少壯儒冠誤乃翁烏紗白髮笑春風龍頭從此簪花去何
患當年隆準公別頭巾

沐猴底事笑難禁畢竟冠冠世所欽倘見告身供一醉誰
甘虛牝擲黃金廣官

兩番殺賊勇如神萬箭攢胸不顧身宣府居庸盡豚犬頭

顯合祭劉夫人周遜吉

誰題三尺報君親嫖嫖青霞舊侍嬪安得景陽鐘歇後滿
朝化作女兒身刺虎

柳生故是滑稽流所惜胸中少壑邱話到天崇爭屬耳梅
村掩泣阮亭羞柳敬亭

四恩欲報待何年爭向孟蘭懺夙愆直到黃泉方見母何
如幾諫在生前日蓮母

終南何處得科名嫁娶居然眷屬情安得藍袍封鬼國委
蛇罔象一時平鍾馗

春夢一場不自知老僧無計療貪癡紛紛牛李相傾軋請
看邯鄲乍醒時邯鄲夢

劇中

六

九年面壁具神通一葦度人塵海中西法何嘗有文字紛
紛裨販總虛空達摩

和 檜門先生觀劇絕句三十首 皮錫瑞
無災無難到三公朱爵高遷頌禱工若問廬山真面目點
頭都在不言中加官

丹顏不老是真仙曹舅青巾亦少年王母皤然今白首瑤
池桃熟歲三千八仙

兒女情長霸氣摧芳魂定不渡江來祇今虞美人花發羞
向桃花廟裏開虞姬 桃花夫人即息姬

北海看羊歲月多上林射雁竟如何大名留殿麒麟閣猶
勝雲臺缺伏波蘇子卿

長門長信怨年年
團扇秋風歎棄捐
不向掖庭行自請
深宮老死有誰憐

沈香亭畔酒中仙
歌到東巡絕可憐
不是蒼生望安石
何因老請夜郎天

血汗游魂竟不歸
淒涼環上繫羅衣
宮中莫沮親征議
那怕將軍秉鉞威

滿階紅葉翠衾寒
垂淚淋鈴一曲彈
賸有隴頭鸚鵡鳥
感思猶問上皇安

難作冤親平等觀
事仇為父詎終瞞
暮屏崔尉夫妻合
只少佳兒作達官

麥城同殉古無聞
從會單刀合是君
土地何常歸有德
能言公理獨將軍

中途邂逅有神靈
未面安知阿爹形
不見東京戴文讓
空傳失父一零丁

一舸鴟夷事有無
成名三徙號陶朱
松江笠澤仍吳地
肯許扁舟泛五湖

綠酒盈樽素手擎
美人映雪倍光明
銷金帳裏金晴眼
醉後模糊看不清

司馬題橋駟馬回
凌雲賦筆壓鄒枚
如何自敘平生事
不諱求凰一曲來

元機難得有情郎
玉貌黃袍又妙常
好事于湖老詞客
投梭翻為執柯忙

班師三詔憾千秋
唾手燕雲志未酬
我讀公詞常自愧
等閒白了少年頭

廬墓中郎孝可嘉
何曾掃葉藉鄰家
是非身後原難定
千里青霄變不花

萬言那顧祖靈哀
一疏批鱗意不回
每笑章妻太怙怯
神號鬼哭更何來

甬江文集頗堪觀
少拒文君亦大難
由寶尚書墮晚節
忍將溲溺辱儒冠

漫將孔雀掩文章
錯認欽鴉是鳳凰
銅穴黃頭老寒餓
讀書何似在鈐岡

拜杖窺池說定誣
文人游戲過描摹
龍邱詩與方山傳
同異還須問大蘇

馬蹄得意走長安
老眼花從霧裏看
除卻儒巾謝頭賁
賸官猶勝死方干

西園諧價奉錢神
漢代威儀又改新
銅臭那知持手版
紛紛都現宰官身

睢陽死守竟延唐
萬里長城一旦亡
若使烈皇能將將
豈終披髮見高皇

帝女花殘敢冒名
私攜匕首效荆卿
柔荑未染豬龍血
隻虎何關世重輕

梅村詩句云亭曲
稱道東風柳色新
底事漁洋親試技
卻將市井薄斯人

出世何嘗棄六親酬恩報母孝通神中西一樣天倫重莫
聽臬聲誤眾人日連母

蔣家三妹事荒唐又道終南送嫁裝為報寫生吳道子旁
添豔質一新娘鍾旭

鄴侯談論好神仙將相功名一夢圓記出枕中親說法開
河未已又開邊戰夢 本鄴侯枕中記

律學將微禪學興十年面壁一番僧想應不解華文字故
使人傳暗室燈達摩

再和 檜門先生觀劇絕句三十首 皮錫瑞
官樣文章傀儡場鬚袍笏貌堂堂無端面具塗真相強
學蘭陵狄武襄加官

蟠桃獻壽太陳陳年世參差頗不倫唐代酒中仙有八何
如花樣一翻新八仙

生別蛾眉便斫頭遺骸猶爵五人侯楚歌楚舞同哀泣得
失何須辨項劉虞姬

奉使張蘇史並誇同持漢節聽胡笳於今但說移中監不
及當年博望槎蘇子卿

悲歌黃鶴憾天涯漂泊紅顏誤漢家何事王嬙一宮女獨
留青冢怨琵琶明妃

豈但清平撰調工文人巨眼識英雄蕭何國士推韓信合
數中興第一功李太白

三月長安渭水邊蛾眉淡掃憶爭妍平明騎馬人何在宛

轉非徒痛馬前馬見駟

阿瞞幾作兵死鬼何不同時死馬嵬龍化為魚君失柄虛
傳龍馭蜀中回南內

人情變幻勝黎邱報復何分恩與仇車裂秦廷稱假父惡
名猶恐動諸侯白羅衫

黃巾擇主附青雲姓字何嘗蜀史間作志每嫌承祚略蟻
磯懷石亦無文周倉

質孝愚誠上感天尋親萬里足重跡計東奇士尊庸行執
贊曾師黃向堅尋親記

吳宮花草豔千春響屨廊空散舞塵卻道夷光從少伯不
知鄭旦屬何人范蠡

驍勇威名動契丹將壇何必上詩壇美人羔酒英雄氣應
笑烹茶太瘦寒黨太尉賞雪

綠綺當筵引鳳儔青蛾貰酒典鸚裘如何解作長門賦卻
使同心怨白頭琴心

蓮性雖胎藕有絲青天碧海兩心知別時淚滴秋水水應
使江流故故遲玉簪記

沙場不死死風波奈彼小朝猜忌何試問曲端呼鐵象豈
殊忠骨掩青螺岳忠武

碑志中郎是正宗分書古勁屈虬龍祖攜留撰銘文在何
不親題父墓松掃松 中郎自為其祖攜碑見後漢書注

封事明朝奏玉墀鬼聲夜嘯出宗祠丹心浩氣光先祖豈

似侯岡制字時寫本

紅氍彩燭壽筵中丞相胡同獻媚工濫說朱明多氣節乾
兒義子有如蟲蓬文華

青詞宰相老歸休湖跡卑田劇可羞何似南唐有熙載歌

姬乞食最風流嚴嵩

尹邢相妒發嬌癡那有禪機啟悟思說法忽聞獅子吼依

稀天女散花時柳吼記

初抗塵容尙自疑書眉恐不合時宜叔孫綿葺千秋事且

學昭公亟習儀演官

稿項青燈未得官此身多誤儒冠白袍如鶴門前立幾

輩雲霄振羽翰別頭巾

劇中

十二

秦關一陷晉燕危盡若將軍尙可支宣府居庸重兵在紛

紛無那豎降旗周遇吉

洞房竟有女專諸可惜椎秦中副車更有瓊枝曼仙在欲

除黃虎未能除刺虎

好向江頭辦釣蓑南朝作者本無多拂衣早散懷寧幕老

去還依馬伏波柳敬亭

香花供佛解冤愆陰律雖嚴亦妙圖今日孟蘭盆盛會蓮

臺並供目健連目連母

五嶽名山游興長一家兒女債難償何知上界神仙府亦

有人間嫁娶忙鍾馗

富貴常悲春夢婆徒驕妻妾意云何柰當得志乘權日夢

醒人稀夢死多羅羅步

定中生慧見天倪宗旨來從雪嶺西自此禪分南北派傳

心一直到金谿達摩

三和 檜門先生觀劇絕句三十首 皮錫瑞

高遷鼎足極榮華緩步雲霄意可嘉不見古人行冠禮彌

尊已自慶三加加官 古冠禮三加彌尊即加官之意

漢家中壘列羣仙六代通明眞誥編八數斷從唐宋始後

生何不讓前賢八仙 劉向列仙傳最古次則陶宏景真

采和即陳陶亦唐人何仙姑或云唐或云

唐山安世頌昭清陸賈春秋載和聲一極莊嚴一哀激五

音先已有長城虞姬 漢兵已畧地四面楚歌聲大王意

劇中

十二

言詩之最古者在蘇李之前史記

豈眞雁帛解傳書異說知非瓠史疏公主授妻終不就何

來通國竟充閭蘇子卿 瓠玉集蘇武前漢人也爲將北

相以公主配之武終不氣乃爲何如所執何如重之用爲上

死願作忠臣使牧羊於北海有餘年武乃仰天歎曰北

石穴武作書繼鴈頭飛至長安漢帝殿庭帝讀其書始知

蘇武不死遣使甘人黃金贖之其使未達武已走還也出

前漢書案此不知出何書與漢書全不合子卿奉使被執

非爲將生伐亦無用上相配公主事且授妻不就又何得

娶胡婦生金注林鴈帛乃常惠告使者誰何奴語並非實

願武已走還也
忍使安危託婦人漢家青史誤和親畫工但殺毛延壽恨
不當年斬奉春明妃 戎昱詩云漢家青史上計拙是和

敬誤漢公主多矣黃鶴之歌千載悲
之延壽止誤明妃一人猶當未減

邱居士可憐生 獅吼記

青雲足下比登仙難得看花學少年任爾巾中饒白髮頭
顧如許雪盈顛 別頭巾 遞齊開覽梁瀛登第詩云 他白髮巾中滿且喜青雲足下生

勢途奔走幾人問官樣文章未可剛誰似司空擅高節失
儀陽墜放還山 演官 唐徵司空圖兒朱溫將 篡自陳老病陽墜失儀詔放還山

重文輕武功差四鎮誰憐與沙苦守當關嗟已晚惜
哉戰死一曹家 周遇吉 明重文輕武功不報國而大 勢已去所可惜者圖賊初起曹文詔殺賊盡開罪御史 劾之遣成曹去賊復繼曹再來遂戰死此重文輕武之辨 也尤侗明樂府曹

橋山痛哭鼎湖遙誰把仇讎首級梟刺永未汙楊后劍貞
魂一樣恨難銷 費宮人刺虎 十六國春秋前秦竊符不 后楊氏傳慕容永據長子即位將以楊氏

為上夫人楊氏不從引劍刺永為承所殺費宮人蓋
亦欲刺李自成而未得者劇中有可惜大才小用語
各負夷齊愛國心首陽薇蕨竟難尋柳生晚客雲間帥試
問入山深不深 柳敬亭 西山薇蕨喫精光一陣夷齊下 尤侗作西山移文議之祝柳敬亭輩 乎入山恐不深用桃花扇劇中語

阿劉殺業尙尋常長舌彌加罪惡彰事犯東窗刑必重那
來兒子救親娘 目連母

切韻終葵即是椎持椎擊鬼誤鍾馗神荼鬱壘富門立那
有秦瓊與尉遲 鍾馗 終葵為椎因畫大鬼持椎擊鬼而 鬱壘為秦瓊 尉遲為秦瓊

富貴神仙未可兼權高將相勢炎炎唐人夢醒黃梁後五
代還聞劉海蟾 即郭夢 劉元英號海蟾子廣陵人仕燕 王劉守光為相一日有道人來謁索鸚鵡卵

十枚金鏡十枚置川上累卵于錢若浮圖狀海蟾鸚鵡曰
危哉道人曰人居榮樂之場其危有甚于此者復盡以錢
擊為二擲之而去海蟾大
悟易服從道見湖廣總志
臺城餓死歎荷荷破賊終憑陸法和更有聞風達摩至栖
栖暗渡信多羅 達摩 梁武好佛致亂賴有奉佛人陸法 竺國香至王第三子也從波若多羅法明心要多羅曰吾 滅後汝當往震旦設大法藥直接上招胎倘有路行跨水 復逢羊獨有栖暗渡

和 金槍門先生觀劇絕句三十首 易順鼎

雅步無言出入頻烏紗袍笏宰官身纔知粉臉同官臉面
口廬山總不真 加官

花落天門掃鳳翎岳陽三醉幾曾醒蓬萊清淺蛟龍惡過
海何如渡洞庭 八仙

肯作楊枝駱馬無名姬駿馬殉窮途美人花卽湘妃竹夫
婿重瞳妾姓虞 虞姬

老母生妻不復憐甘心雪窖與冰天當時若使無胡婦正
恐難禁十九年 蘇子卿

賂毛贖蔡兩沈吟歸國文姬總疚心白髮生輸青冢死美
人原不仗黃金 明妃

嚇蠻書稿失流傳三調清平句欲仙太白太真同醉酒一
枝芍藥一青蓮 李太白

玉輦匆匆過馬嵬羅衣環繫亦堪哀梨花一樹何曾死又
向仙山帶雨開 馬嵬驛

南內無人看月明君王垂老尙貪生霓裳散序淋鈴曲聽

85

過風聲聽雨聲南內

元英傷心事一般西遊記裏舊曾看承平世界吞舟漏強盜公然屢做官白羅衫

人名雷似豹皮雷千古英雄貉一邱料得麥城遭難日也

同勒馬望荊州周倉

萬里尋親事不同淮南申喜寫來工檜門題句吾能和南

海居然有二馮尋親記 先生原作引南海馮若成修

沼吳霸越不須憐猿女西施兩劍仙早把吳宮當塵土風

流盡在五湖船范蠡

羊羹美酒任安排那及陶家水一杯黨普固應慙趙普君

王雪夜訪誰來黨太尉賞雪

賦筆徒聞冠兩京朱絃纔識倦遊情梁園雪與文園雨便

為相如了一生聽琴

一墮情天解脫難玉簪猶幸未盟寒銷魂二十年前事曾

聽秋江唱起潘玉簪記

金牌十二送南朝寡婦孤兒恨始消趙宋興亡雙重鎮朱

仙咫尺接陳橋岳忠武

是非真偽本難知只愛新詞比色絲強對南薰先不樂掃

松休憶賞荷時掃松

松筠庵裏橐猶留漳浦詩中證可搜豈但當時聞夜哭千

年還令鬼神愁寫本 黃忠端再賦示內詩有云 椒山鬼哭今知免則非蔣欽事也

富貴薰心別有因豈真嚙蠟視橫陳纔知少拒文君者即

是能鑽狗洞人趙文華

孔雀文章毒已深冰山一錄遂初心當時若向鈴山死原

是江西好翰林嚴嵩

吼獅似類變羊誣射鵲曾傳怒馬越更有女兒事無考河

東扶目去其夫獅吼記 後二句用杜詩

太史傷心利祿途馬蹄得意孟詩龐儒冠合受高皇溺能

抵銅盆帽子無別頭巾

發達居然學體操桔梟俯仰不辭勞中華四兆人羅列程

度如君已算高演官

時髦喜唱紅羊洞惹得人人熱淚彈更有一門忠義者如

何不演雁門關周遇吉

九葉唐家喚奈何船山一老感懷多女忠女孝原無二堪

配當年謝小娥費宮人刺虎 用王船山龍舟會詞意

左甯南客價非低三百篇中賦簡兮別有傷心人兩個李

龜年與賈島西柳敬亭

士林祭塔共沾巾一樣相逢母子親試檢湖南通志看目

蓮原是澧州人目蓮母

太宗長策賺英豪科舉終將社稷拋走馬遊街都有蜆鍾

馮而後又黃巢鍾馗

哀樂中年味飽經祇今雙鬢已星星那鄆枕與中山酒乞

取長眠不願醒那鄆夢

面壁嵩山近十年不將花雨散諸天禪真逸史何人作別

有高僧林澹然 達摩

劇中

十九

觀劇絕句下卷 諸家和作

和 槍門先生觀劇絕句三十首 葉德輝

出門一笑遇加官滿面春風坐客歡一步一回擡首望上
場容易下場難加官沈德符野獲編二十五雜劇三星
御前呼嵩獻壽但宜教坊司鐘鼓司肆習之並動成貴落
鑿賞云耳按冷戲場加官手中所持條幅有天官賜福字
樣則其由

高會蟠桃宴玉京男男女女半年輕仙家漫不分流品座
上昂然蝙蝠精八仙圖國朝周世綸撰今刊人
云曹國舅為詩巾少年與今世所傳五鬚鬚
像不合藍采和韓湘子何仙姑並少年也
楚軍垓下困重圍愁恨虞姬別淚揮劉項何須分勝負美
人花落雉高飛虞姬千金記明沈練川
撰今刊入毛晉六十種曲

雪窖冰天十九年河梁回首淚愴然于今使節通窮海辛
苦何人學嚙齏蘇子卿牧羊記明無撰
人今刊入葉堂納書楹譜
畫圖環佩已非真想見當時絕代人一曲琵琶千載恨聲
聲彈破漢宮春明妃昭君出塞明陳與郊撰又昭君夢
和北番者即綴白裘之小昭君曲也又有大和番者演夢
中雁足傳書事疑即薛本之昭君夢特其詞為俗伶點竄
不復入雅曲耳

宜春無復舊梨園興慶池頭有淚痕我亦生逢亂離日五
年前事似開元李太白彩毫記明屠赤
水撰今刊入六十種曲

驚鼓漁陽動地來六軍不發令相催玉顏已到中年後落
得香名葬馬嵬馬嵬驛長生殿國朝洪昇撰有刊本
宋樂史楊太真外傳云妃死時年三十八
琪樹飄零玉輦移紅桃猶在笛聲悲淒涼莫唱涼州曲不

是長生殿裏時 南內 長生殿

一家骨肉付鴟夷剩有懷中襖祿兒十八年間真父子白
羅衫上淚如絲白羅衫明無撰人
今刊入納書楹譜
單刀赴會有還期月下貂蟬事可疑不待裴松之補注英
雄兒女各傳奇周倉見元關漢卿撰關大王單刀會元
諸又貂蟬見元無名成錄鬼簿中已載之今刊入納書楹
撰連環計云在邱之女

孝子尋親不見親天涯長作未歸人傷心寫遍零丁帖血
淚難回寸草春尋親記元無撰人今刊入
六十種曲本原作意和之
載得西施入五湖姓名三變作陶朱千金散盡辭卿相仕
宦誰如范大夫范蠡浣紗記明梁伯
龍撰今刊入六十種曲

如此粗官那解詩看梅賞雪酒温時當場寫出張飛莽絕
倒姬人唱曲兒太尉賞雪無撰人名今刊入綴白雲
雜曲中黨太尉自云字普身為宋將官
居太尉蓋卽宋史列傳之黨進傳云進湖州馬邑人幼給
事魏帥杜重威愛其淳謹及壯猶令與姬妾雜侍劇曲疑
因此傳會按稽人稷堅瓠九集三云讀野史載陶穀有妾
白黨進家來者一日雪下穀命取雪水烹茶問曰黨家有
此景否曰彼粗人安識此景但能于銷金帳下淺斟低唱
飲羊羔美酒耳此事本載宋謝維新古今合璧事類外集
茶類注云出類苑又宋人錦繡萬花谷前集卷二載亦同
不知諸所見野史爲何書又本傳不云官太尉惟金史黨
懷英傳云太尉進十一代孫
是則劇曲稱太尉所本耳

臨印緜濁富家翁財物偵知嫁女豐未必文君真絕代琴
心都在不言中聽琴琴心記明無撰
人今刊入六十種曲

祝髮空門未是空絳河迢遞接琳宮秋江別後春闈捷桃
杏花開一色紅玉簪記明高濂撰
今刊入六十種曲

撼山誰撼岳家軍天被當朝宰相薰三字埋冤神鬼哭西

湖終古拜王墳岳忠武精忠記明神廟

風樹哀傷孝子情松枝橫路寬先塋傳聞歲歲清明節上

有慈烏繞樹鳴蘇松琵琶記元高則

瑾瑤權險力難勝寫本方成黨禍興莫怪傾心馮大伴江

陵心計似茶陵寫本鳴鳳記明王世貞撰今刊人

不能遺臭豈流芳天水冰山錄未詳試看東樓抄沒日籍

中那有趙刑郎鳴鳳記

祈鶴心情老更迷驕兒夜伴鳳皇棲銷金溺器何人獻失

笑當筵大小雞嚴嵩鳴鳳記 褚人穫堅瓠廣集三二云

既色食貨里居比東樓敗王鳳洲鳴鳳記行金復至檢

雲世蕃當籍有金絲帳業金為之輕細洞微有金溺器象

牙痛金溺器之類執政恐駭上聞令銷之以金數報而已

有大司命事董姓者以人雙陸饒世蕃節女童三十人分

紅白繡衫二色織紫絨扇局每對直當食子則應移女

子抱當食者出局沈德符野獲編二十六云分宜當國高

折鄭時為太史候于私第江西鄉衮來講者旅集分宜延

客入皆鞠躬屏氣高因大笑分宜問故高曰適德得昌黎

關雞行大雞昂然來小雞揀而待分宜亦為破顏蓋俗號

江西人為臘雞頭也錢謙益列朝詩集丁集十一載同惟

云江西士紳賀嵩生辰今鳴鳳記中嚴嵩慶壽一折大略

本此特皆屬之趙交華則所謂天下之惡皆歸焉耳

佛言獅吼有來因驚倒龜軒說法身紅頰能歌綠頭鴨枉

教冤殺柳夫人獅吼記明汪廷訥撰今刊人六十種曲

東坡詩云人言君畏事欲作龜頭龜非龜其體內也坡別

不買文官買武官當年門路得猶難于今始覺官容易別

徑爭彈貢禹冠演官人獸關 國朝吳縣

慷慨如聞絕命詞孤城扼守斷援師將軍馬上真英武恨

不相逢殺賊時周遇吉鐵冠圖 國朝無撰

學齡宮女憤填膺勸進諸臣盡犬鷹可惜賊頭分解後不

曾生祭烈皇陵費宮人刺虎 鐵冠圖按計六奇北略云

刺賊錢觀甲中傳信錄云李國攻西安得一隻虎李選

亦張門之兄弟今院本稱虎為二大正者實傳會也

李落江湖楚兩生國亡家破一身輕江南盡是傷春客腸

斷燈背拍板聲柳敬亭挑花扇明

生多業障死誰憐賴有賢兒孝感天慧倪鄭莊豈香引

教生母見黃泉目連母李斗揚州畫舫錄云目連救母

張岱陶庵夢憶六云余蘊叔演武場搭一臺選徽州旌陽

戲子朝姬精索舞能相撲跌打者三四大概演目連凡三

日三朝姬火窟劍之類大非情理凡天神地祇牛頭馬面夜

艾羅利鴛鴦船鏢刀山寒冰劍樹森羅鐵城血湖一似吳

道子應變相為之費紙札者萬錢人心端端燈下而皆

鬼色戲中套數如招五方惡鬼劉氏逃緝等劇萬餘人齊

聲吶喊熊太守謂是海寇卒至驚起差衙官憤問余叔自

作後之乃安然則目連為微班所獨擅長此云新安鄭氏

編者殆有據矣禮親王嘯亭雜錄錄一乾隆初海內昇

平命張文敏照製諸院本進呈以備樂部演目各節皆按

時泰演目連尊者救母事折為十卷謂之勸善金科於

歲暮演之以其鬼魅不知視新安本如何

吳生一畫姓名傳魃魅間風絕可憐卻恐終南雷捷徑有

人花費買山錢鍾進

不求富貴總心安世局爭如夢境寬畢竟夢中還擾攘幾

人甜睡草陳搏邵陽明易顯祖撰今

人甜睡草陳搏邵陽明易顯祖撰今

人甜睡草陳搏邵陽明易顯祖撰今

人甜睡草陳搏邵陽明易顯祖撰今

人甜睡草陳搏邵陽明易顯祖撰今

人甜睡草陳搏邵陽明易顯祖撰今

人甜睡草陳搏邵陽明易顯祖撰今

人甜睡草陳搏邵陽明易顯祖撰今

人甜睡草陳搏邵陽明易顯祖撰今

人甜睡草陳搏邵陽明易顯祖撰今

人甜睡草陳搏邵陽明易顯祖撰今

人甜睡草陳搏邵陽明易顯祖撰今

人甜睡草陳搏邵陽明易顯祖撰今

人甜睡草陳搏邵陽明易顯祖撰今

人甜睡草陳搏邵陽明易顯祖撰今

人甜睡草陳搏邵陽明易顯祖撰今

人甜睡草陳搏邵陽明易顯祖撰今

人甜睡草陳搏邵陽明易顯祖撰今

人甜睡草陳搏邵陽明易顯祖撰今

人甜睡草陳搏邵陽明易顯祖撰今

人甜睡草陳搏邵陽明易顯祖撰今

面壁功深萬念灰飄然一葦渡江來那知世上風波惡被岸登時又一回達摩 祝髮記明張鳳 翼撰今刊人綴白卷

再和 檜門先生觀劇詩三十首 葉德輝

加官喜見戲登場日日朱門何酒漿一笑真成長樂老李郎送過又張郎加官 戲登場先一人袍笏緩步而出 出一加官不知其緣始詢之老伶云是唐魏徵丞相又俗 傳爲五代馮道考張國賓合汗衫雜劇有官上加官之語 宋徽宗有官上加官畫軸則加官之語當起于南宋以前 至用之戲場此外李斗揚州畫舫錄所載戲班行頭有加 官臉名目則 其沿用久矣

張四郎君去不還徐翁遊戲在人間神仙豈亦傷陰雨一

向同班又出班入仙 元范子安陳季卿誤上竹葉舟雜 藍采和韓湘子何仙姑及本劇之呂洞賓而無曹國舅又 谷子敬呂洞賓三度柳樹精雜劇八仙爲漢鍾離鐵拐李

劇 五

張果老藍采和徐神翁韓湘子曹國舅及呂洞賓而無何洞賓張四郎曹國舅藍采和韓湘子張果老及本劇之鐵拐李而無何仙姑徐神翁今世所傳八仙與沈汾續仙傳及王世貞弇州集題八仙圖後八人相合至徐神翁張四郎則不知何時出局也

發家奇書手校過項王妾本異文多當時若解長生術

下胡因喚奈何虛姬 李日華紫桃軒雜綴謝守顯唐傳 五年彭城人開項羽妾家得之 按所謂妾者不知是虛姬否也

掖庭遺憾嫁昭君絕倒毛生自解文我讀漢宮秋一齣

肢山色奪青墳明妃 昭君事史書及樂府所載誣索讀 毛延壽事亦未及昭君嫁單于以後事惟元馬致遠破幽 毛孤雁漢宮秋雜劇略言毛延壽因元帝怒其索宮人貶 失昭君欲斬延壽延壽逃至單于圖昭君貌獻之單于遂 向漢家索和親昭君至胡投江而死單于恨執延壽還漢 元帝斬延壽祭昭君足爲昭君吐氣唐文粹有程曼啟毛 延壽自解語爲元帝陳古今色荒之誠去昭君以遷亂云

景語也

漢家交外等兒嬉使節紛紛動四夷張博望妻蘇武妾一傳宗種誤歸期蘇子卿

霓裳舞罷月黃昏一曲清平奉至尊我笑當場屠赤水膽粗弄斧向班門李太白

一杯香土恨長眠終古梨花似雪天要仿岳墳鎔鐵像陳元禮跪馬嵬前馬嵬驛 余嘗言劇中有三罪人一斬妲 妃之陳元禮子牙之法海以方外人與人家國陳元禮以臣 子通緝君后皆事之無禮者也馬嵬驛今在陝西西安府 與平縣西二十五里楊妃墓猶在 相傳墳土可以療婦女面班云

書院猶傳訓子圖那堪南內月明孤較量劉季差強意分我杯羹亦丈夫南內 唐宋畫史喜畫明皇故事如明皇 訓子圖則初年勤政時事御苑出游楊妃

對奕以及弄毬演樂調馬游月宮諸圖則末年致亂時事又有幸蜀圖則幸蜀時事又有擊楫捐圖則禪位居南內時事

劇 六

莫道人人盡緘舉頭三尺有神監冤親剗別恩仇了一案公孫合汗衫白羅衫 元張國賓有相國寺 公孫合汗衫雜劇與此事相類

何必人問識姓名單刀俱會敵軍驚臨沮亂後君何往望帝魂歸白帝城周倉 周倉不見于史志元人關大王單 帝魂歸白帝城刀會其姓名按吳志魯肅傳云肅遊羽相 見單刀俱會肅資羽未究竟坐有一人云云而無姓名今 年遺太監李思叔封關公爲三界伏魔大帝神威遠鎮天 尊關聖帝君封長子平爲錫忠王次子興爲顯忠王將軍 周倉爲忠勇公此周倉有封之始今祀典 亦有之則世俗相傳爲麥城殉難故也

瘴海蠻鄉浪打萍無端喜訊客途聽分明一帖臺卿集勝過千文血寫經尋親記

瘴海蠻鄉浪打萍無端喜訊客途聽分明一帖臺卿集勝過千文血寫經尋親記

當年遺像鑄金黃今日相逢傀儡場
雷越沼吳成底事春風閒話語兒鄉

聽說淮陰怒不平

一雙金眼愛卿卿烹茶詠雪家風遠成

就賢孫藝苑名

中軍校自都處侯已上悉書所掌兵數于楨以示日盡在是矣

太祖一日問進所掌進不識字但舉楨以示日盡在是矣

上以其樸直益厚之官終忠武軍節度副使紀文達姑妄

聽之宋黨進問平話說韓信即行斥逐或問其故曰對我

說韓信必對韓信亦說我韓信是烏可聽于古笑其憤憤不知

實絕大聰明彼但喜對我說韓信不想對韓信說我者乃

豈不消得一對金眼晴注云會類說蓋出曾越類說也宋

湖維新合璧事類五十六引作會類說蓋出曾越類說也宋

全史文藝傳黨懷英進十一代孫元好問續夷堅志云太

夫人夢道士吳筠來托宿生文似歐公詩似陶謝篆籀入

神中州集小傳同又明錢士升南宋書云初與辛幼安同

師蔡伯堅筮仕決以著辛得謝決計南歸臺得坎遂番仕

詞金按今中州集錄其詠雪詩數首徐軌詞苑叢談三錄其

詠茶青玉案一首朱彝尊詞綜錄其詞二首云著有竹翁

雙文小簡妙常詩怪底偷香有導師一曲求風偏不諱琴

心例作定情詩

仙家作合黃金脫佛國姻緣碧玉簪天下情人皆眷屬不

須紅線暗中尋

精忠報國泣萊魂天日照昭獄太冤今日箕山腸斷處秋

風猶自望中原

背示鑄有精忠報國四字深入膚理又岳忠武遺事云元

韓中村拜墓詩云我恐精忠理不得白日英雄土中泣又

宋留之異同話錄云忠武獄案今在青陽陳魯公家世本

無獄詞但大書天日照昭天日照昭八字是罪案乃是細

書與前輩不同不知後如何精成卷也又王兆雲屏

廬新譚云有請仙者其書一詩云百戰開關鐵馬雄尚餘

壯氣凜秋風有時醉倚箕山望腸斷中原

去時浪暖正桃香歸夢青山落葉黃王四負心誰覷破音

詞誤說蔡中郎

蔡伯喈不知其說偶聞說郭所載唐人小說牛僧孺之子

趙氏力辭不得後牛與蔡處卑順自將蔡仕至節已使其

事姓相同則誠何不直舉其人而稱之善者耶又出藝

衡諸書曰札云王四能詞曲高則誠與之友善勸之仕登

第後即棄其妻而娶于太師百王家則誠悔之因借此記

以諷名其妻而登極捕王四置之高則誠非誰管得滿村

以來有詞傳劉後村詩所云死後是非誰管得滿村

西事亦未可知然曲詞云趙五娘尋伯喈沿途彈琵琶王

食則琵琶又似非王四隱語不知雷青伯喈何據而云且

唐人詠牛僧孺書一為周秦行紀今有傳本一為牛羊

日愿離其書失傳宋人續談助中摘本乃紀牛僧孺與

馬處卿竊弄政權始末均未必及此說郭今已不全厄言

所稱唐人小說亦未知其何本總之伯喈因附董卓宜致

此誘耳又伯喈父名稜字伯直見後漢書注母袁氏為袁

曜卿姑見張華博物志曲詞云父字從漢書注母袁氏為袁

又藝苑卮言云偶見歌伯喈者淚暖桃香欲化魚期通春

開詔赴春關郡中空有辟賢書心戀親聞難捨規期通春

句意重又曰詔曰書都無輕重後得一善本其下句乃淚

暖桃香欲化魚期通春聞難捨親聞郡中空有辟賢書心

戀親聞難捨春關益見作者之工按今汲古閣所刻六十

種曲本仍從前說所據知非善本余謂琵琶記海曲中高

手即如掃松云青山古木何時了斷送人多少及只見黃

葉飄飄把酒頭覆履選的皆孤兔悽惋悲涼別有諷諭較

之西廂記頭風緊北雁南飛曉來誰染霜林醉總是離人

淚等句尤為

情景雙絕也

獄壁親題絕命詞幾番廷杖血如糜徐黃定讞祇好魄可

惜忠魂得見遲

驚承嵩意馬西劉楊極欲食忠懸以指血題壁曰教

我者嚴嵩絕我欲食者劉檣檣見書命削去之字浸入壁

磚不能沒公之精誠不可滅也後

登白晝見公入其庭梓其魄去

一刺流傳嵩拜名比方客氏尚權輕薰天勢欲終銷滅辜

負山堂十載情嚴嵩姚元之竹葉亭雜記七云金陵三

學顏魯公大可五寸四邊不割餘地乾隆四十五年曾親

見之舊閣嚴嵩當國時凡質庫得嚴府持帖往候者嚴程

儀三千金益得此帖可免外侮之患王士禛帖北偶錄二

十云順治己亥在京師慈仁寺中見舊故書者賣一敵刺

大書客氏拜三字寶應朱國順以三錢得之賦客

雨江文采似鈴岡父子青詞各擅場一體君臣同祝壽萬

花樓下百花香趙文華

罰跪池邊罰甚輕笑他伏地變羊鳴十年我作朝飛雉不

買人間療妒羹蘇詩龍邱居士亦可憐談空說

茫然施注引次公龍邱居士陳季常也季常妻柳氏最

悍妒每設客有聲伎柳氏則以杖擊照壁大呼客至為散

法又洪邁容齋三筆云魯直與季常清淨之樂柳夫人時

須醫藥今已平安否云暮年來想漸求清淨之樂柳夫人無

新御矣柳夫人比何所念而致疾耶又一帖云承諭老境

情味法當如是河東夫人亦能哀憐老大一任放不辭事

種曲中獅吼記有跪池變羊等折皆虛誕不經然變羊一

事則因有本特非季常以長繩繫夫脚喚便牽繩士密與

云京邑士人婦大妒常以長繩繫夫脚喚便牽繩士密與

巫姬計因婦眼以繩繫羊緣趨走避婦覺羊至大驚召

朝巾幘一鬚眉周邊吉

痛哭龍髯去鼎湖國仇未報已捐軀酒闌燭黯停杯看妙

絕丹青刺虎圖貴宮人刺虎宋蔡條鐵圍山叢談

老涕恩門鶴髮垂行情定價幾人知江南黑米餐辛苦畫

扇桃花破一時柳敬亭徐鉉詞苑叢談九云淮陽柳敬

寧南沒柳生東下客于長安龍松先生贈以賀新詞云

史難埋云云恩門一涕之語直是敬亭知已又明張岱陶

庵夢憶云南京柳麻子黎黑滿面龐癯慈忽忽土木

形骸善說書一日一回定價一兩十日前先進書帽下定

其說景陽岡武松打虎白文與木傳大異其描寫刻劃細

入空髮貌奇醜然其口角波俏眼目流利衣服估刻劃細

王月生同其醜變故其行情正等諸人樓堅瓠集五云

泰典柳敬亭以說平話擅名吳梅村先生為之作傳順治

初馬進寶鎮海上招致署中一日侍飯馬飯中有一鼠矢怒

甚取置案上俟飯畢欲窮治膳夫進寶殘忍酷虐殺人如

戲柳柳之乘間取鼠矢啖之曰是黑米也進寶遂

己其事柳之宅心仁厚為人排難解紛率皆類此

窮碧落下黃泉目連母唐王定保撰言十三云張處士

彩屬阿誰白樂天呼為問頭禿子梳之曰鄙薄問頭之謂

所不敢逃然明公亦有目連變長恨詞云上窮碧落下黃

泉兩處茫茫皆不見豈非目連訪母耶按宋李昉太平廣

怪痴人喚不醒 那朝夢 元馬致遠 鄧道省 悟黃 夢
記所載開元十九年 鄧道省 悟黃 夢
翁亦非洞賓 洞賓生貞元十四年 舉咸通進士 上距開元
甚遠 不合 想因此 附會 又顛倒 以為 鍾離 度洞 賓與 本
事 不 合 明 湯 若 士 所 著 四 夢 傳 奇 中 有 鄧 道 省 則 由 恍 中
記 托 出 也 亦 未 考 也

曾向金陵掛錫 還來從天竺 去嵩山 江南傳播 回文頌 誰
觀真形石壁間 後附 達摩 朱鳥 象重 刊宋 桑世昌 同文 頌聚
摩西來不立文字 直指人心 見性成佛 獨有張之象 識云 達
二十字 回環 讀之 成四 十字 計 八百 字 每 首 用 韻 四 至 俱
通 以 表 真 性 無 有 窮 盡 也
此 近 得 之 趙 希 觀 用 寶 云

三和 檜門先生觀劇絕句三十首 葉德輝
借面如何不弔喪 卻攜袍袖舞 郎當陞官也是尋常事 笑
爾當筵賀客忙 加官

八仙飄海鬧龍宮 判斷天曹頗不公 偏是玉皇多勢利 含
冤水族可憐蟲 八仙

英雄好色為多情 四面重圍變楚聲 僅有美人同一死 八
千子弟愧田橫 虞姬

十九年中歷苦辛 邊人知是漢家臣 李陵泣別河梁後 從
此無顏見故人 蘇子卿

和戎妙策是和親 安用張騫一輩人 可惜當時王長者 不
多生女作妃嬪 明妃

金殿傳宣寫表忙 聖明容得謫仙狂 今人略識橫行字 便
學康成牛觸牆 李太白
一樹梨花縵女輕 美人顏色果傾城 當時又說吞金屑 總

是君王太薄情 馬融 唐 人 錢 再 錫 馬 遊 驛 詩 貴 人 侯
非賜給也 傳聞異 辭 在 唐 世 已 然 矣

宋高不願二聖回南內 孤棲事可哀 燭影斧聲原不惡 終
留疑案後人猜 南內 唐 郭 從 高 力 士 外 傳 上 元 元 年 七

背輔國之計也 上皇謂高公曰 常用輔國之言 我兒不
終孝道 明早向北內及晚至北內 皇帝使人起拜云 兩日
來 疹 痢 不 復 起 拜 伏 伏 難 止 出 喉 破 喉 畢 又 曰 伏 願 且
歸 南 內 行 使 至 夾 城 怒 問 變 持 上 驚 避 願 見 輔 國 領 鐵
騎 數 百 人 使 進 近 御 馬 輔 國 便 持 御 馬 直 至 西 內 安 置
縱 有 他 變 須 存 禮 儀 何 得 驚 御 輔 國 此 日 老 翁 大 不 解 事
且 去 即 斬 高 公 從 者 一 人 高 公 即 擢 御 馬 直 至 西 內 安 置
自 辰 及 酉 然 後 老 宮 婢 十 數 人 將 隨 身 衣 物 至 一 時 號 泣
上 皇 止 之 皆 輔 國 婦 詔 之 所 為 也 聖 上 密 得 知 之 乎 宋 王
鍾 離 記 上 晏 元 獻 守 長 安 有 村 中 富 民 異 財 云 素 事 一 玉
額 骨 左 右 皆 玉 也 瑛 異 非 常 者 可 比 見 之 公 贈 然 數 日 此
豈 得 于 華 州 蒲 城 縣 唐 明 皇 泰 陵 乎 民 言 其 祖 實 于 彼 得
之 也 元 獻 因 為 餘 屬 言 唐 小 說 唐 元 宗 為 上 皇 遷 西 內 李

輔國令刺客夜携鐵槌擊其膺 元宗臥未起 中其膺 皆作
聲 上 皇 驚 謂 刺 者 曰 我 固 知 命 盡 於 汝 手 然 葉 金 善 曾
勸 我 服 玉 今 我 腦 骨 皆 成 玉 且 法 善 勸 我 服 金 丹 今 有 丹
在 首 固 自 難 死 汝 可 破 腦 取 丹 我 乃 可 死 矣 刺 者 如 其 言
取 丹 乃 死 孫 光 憲 續 通 錄 云 元 宗 將 死 云 上 帝 命 我 作 九
昇 真 人 塚 然 有 董 觀 之 別 矣 亦 微 意 也 然 則 此 乃 真 元 宗
之 禍 體 骨 也 因 潛 命 控 于 泰 陵 云 然 則 輔 國 之 罪 著 矣 或 云 肅 宗 如 武 乙 之 死 可 驗 其 非 虛 也

一家死別復團圓 天眼恢恢豈可瞞 祇是賊星該照命 不
經憂患不平安 白羅衫

前路黃巾梅失身 死從關聖便為神 試將武廟推支廟子
路雄冠可嚇人 周倉

一舉成名有老親 當年我是過來人 檜門永感潛齋泣 白
首終天恨不辰 詩 親 記 原 詩 馮 成 修 事 見 阮 文 達 廣 東

人學者稱潛齋先生 肅肖孟好施與多隱德 父進年 周 儻
抱遠志 廣西 資利州 牧 王 任 辟 為 從 事 去 久 之 不 歸 成 修

蓋遺腹產也七齡喪母哀毀如成人依世父以養事大父
厚惟誠每語及其父遠出事概涕泗交頤益奮學長而文
部主事選文選司員外郎充庚午成進士選庶常官禮部
祠祭郎中癸酉復典試四川已卯命督學貴州揭條約十
四則以訓士巡視所至請講學正風復陳奏學政
事宜並條其禁止命題割截免勘童生試卷上採川之
旋召兩京成修初舉于鄉計途次即備訪其父踪跡得
官後兩京成修初舉于鄉計途次即備訪其父踪跡得
年六十一假歸遂不復出掌教粵秀越華書院授經里中
粹然師範受業者率數百人年八十計其父已百有一齡
乃持服三年終身衣布性耿介不事干謁月吉外未嘗輕
生必讀書九有文基式養正乙卯重赴鹿鳴人
纂要諸書

伍胥伏劍鑿前車烏盡弓藏將士除一舸西施同載去干
金甯得計然書 范蠡

把節如何喜忽噴風流須讓玉堂春一雙鬼眼同金眼都

劇

三

三

十四

是登徒好色人 黨太尉賞雪 宋張知甫可書云歌著在
有功建節一日出謁問左右我死生受得來不見左右曰皆
在前各合從人乘之黨曰我死生受得來不見左右曰皆
着都收拾來待我一擔子擔着坐客莫不大笑宋釋文整
湘山野錄續錄云國初陶尚書以朝廷春待詞臣不厚乞
罷歸林太祖曰此官職甚難做依樣胡盧且作文章不許
罷後不進用因題玉堂壁云官職須胡盧且作文章不許
用時無堪笑翰林陶學士年年依樣胡盧且作文章不許
不悅卒不大用宋張舜民畫樓錄云太祖嘗謂陶穀一雙
鬼眼

感人深入白頭吟便使相如有悔心夫賣賦時妻賣酒富
人習氣重黃金 聽琴

佛言玉女是尸囊多事于湖壞道場錯認桑中作桑下去
來三宿野鴛鴦 王晉記

長城自壞古今同莫怨班師長脚翁二帝若歸應內禪奪

門流恨有南宮 岳少保

惡事皆歸莫洗污當時祇為哭尸愚琵琶記後荆釵記何

事梅谿也被誣 掃松 宋王十朋劫史浩八罪孫汝天權
奇諺其事以饒之 實德應之為史氏所切齒遂妄作荆釵傳
真厚誣昔賢矣

通天白簡挾風霜字字捫來劍有銘今日松筠庵下路寒

蟬無語送殘陽 寫本

弇州院本播三吳國賊親仇恨洩無舊事流傳一捧雪如

何影射上河圖 嚴嵩 明史列傳一百七十五王世貞傳
草既死復棺殮之嵩大恨父孖以灤河失事嵩構之論死
繫獄世貞與弟世懋藉伏嵩門涕泣求貸嵩陰持杆獄而
時為護語以寬之孖懋死西市按沈德符野獲編補遺二
云嚴分宜勢熾時孖懋卿趙西華各承意旨獲取古玩
清明上河圖手卷宋張擇端畫在故相王文恪公家蘇
湯臣以善裝潢客嚴門下亦與婁江王思質中丞往還乃

說王購之王時鎮薊門即命湯善價求市既不可得遂屬
蘇人黃彪摹真本應命有妙王中丞者知其事直發為贗
本嚴世蕃大怒恨中丞始末又按王世貞自州山人四部
續稿一百六十八云張擇端清明上河圖有真贗本余俱
獲寓目真本初落墨相家尋入天府贗本乃吳人黃彪造
然則清明上河圖本無與會州事續稿所言可證也即其
父孖之死為嵩構陷亦非因此圖致禍野獲編所云殊不
據足

萬里平南詔戰功誰知觸怒到奸嵩泰山已作冰山碎狗

寶朱門路不通 趙文華 明沈德符野獲編二十八云趙
拜三孤既而失歡奪職因以倭功晉少保改歲自書桃符
云仗鉞專征萬里平南之府鳴珂入相一心拱北之家分
宜問之大悲曰是見謀跟我位矣若有
仙酒進御一事怒不可解因決意逐去

談空說有一般同前山後牧翁都讓夫人稱脚色宋

明兩代兩河東 獅吼記

一榜龍頭屬老成少年科第莫相輕黃槐丹桂花開落天
意人間重晚晴別頭巾

場屋多年受折磨羨君演禮勝登科高頭講義房科卷一
樣寒窗費揣摩演官

一將當關賊膽寒一家殺敵妾身單丈夫報國妻殉烈九
死英雄繞將壇周遇吉

識應錢文馬入門紛紛降表盡狂奔帳中一劍賊頭落晉
井千年碧血痕費宮人 計六奇北略二十云費宮人投
袁懷利刃殺賊白刃頭死今云
刺問賊之弟李虎不知何本

本是魁官篋片流一朝抵掌動王侯傷心說到南都事鳴
咽秦淮水不流柳敬亭 余懷板橋雜記下曲中狎客有
張卯官箴張魁官箴柳敬亭說書或集于


劇下
二李家或集于眉樓每集必費百金又云後魁面生白點
風眉樓客戲榜于門曰革出花而篋片一名張魁不許復
入張慚恨遍求奇方酒
割得芙蓉露治之良已

地獄泥犁佛創問請公入甕口難分人言佛法無邊大何
不私將鬼國焚目連母

鬼混唐朝事有因夢中進士自稱臣盈庭魑魅驅除淨愧
死當朝執笏人鍾馗

起滅無端幻想生戲中景是夢中情世間熟客何曾悟苦
向邯鄲道上行邯鄲夢

不傳文字更無言一葦西來創法門應是怕人偷語錄便
從無佛處稱尊達摩



合 家

肥 詩

三 鈔

光緒丙戌
刻於安慶

合肥三家詩錄上

仁和譚獻仲儀選

徐子芥西叔敦良吉齋詩六十三首

獅子井尋閣隱居

茅蓋枕積土綠之黃泥牆荒城環其西孤驛臨其陽上有破礪木白雲橫青蒼下有幽人廬縹緲坐繩牀幽人長苦饑井水清琅琅斷肘石後貌卻據簪井旁周遑阻良覲迂回緬陰岡朦朧西墮日權籬斂殘光有馬帶官印悲吟飲寒塘駿足苦羈絆毛焦神自昂志士蟠泥塗身素名亦藏從來瓌逸姿多在冥冥鄉

篋中集名篇

哭阿健五首

三家詩錄上

我歸爾在牀面垢蠶滿頭勸爾進勺水舌橋雙淚流辛苦肄五卦荒唐陳秦箐巫咸不下招盧醫亦倦投驅車舍爾去去去懷百憂昨者復來歸問言爾已瘳漸漸扶牀起老米蒸浮浮咄咄巨夕間人鬼長悠悠啟行待明發瘞爾南山邱爾父病久廢腳攀髻反榮竭者聞爾死氣塞雙目眩孟夏苦淫潦檐溜無時停屋漏四壁穿一縷燈光青塊然窮獨叟白髮垂鬢聳口渴瓶無漿夜寒風有棱有氣僅絲絲憶爾猶啾啾啾啾亦何極眼枯血淚零魂兮爾有知涕泗應不勝爾有同懷姊榮榮隔遐方爾弟拙生計行役靡德康爾病果伊何習苦筋力傷風雪犯爾膚愁毒煎爾腸如樹根已撥斷榮必

速僵悠悠夜臺路行者不裹糧游戲隨青煙飄搖覽大荒亦無

冰雪寒那川衣與裳生兮悲無極死兮樂未央

高兮爾何仇蟻兮爾何親磊磊白石棺肌骨終灰塵編蘆薦爾

尸寫位安爾魂麥飯堆滿盂日宿垂闌干奠爾一觴酒為爾歌

路難死者長已矣生者將奚言

我生髮未燥爾長負戴之既長就傅學匪勉供瓜梨飄風蕩覆

巢孤雛無安棲徬徨走四野獨汝長追隨朝餐谷墜冰夕臥楨

破扉低頭執百役踉蹌無後時勸我早力學毋為悲流離流離

尚依然爾行永不歸投筆呼蒼蒼淚下如連絲與錢捧石侍郎沈鬱源於杜陵

三家詩錄二

煙鐙行

琉璃八角銀作臺隱囊臥褥相對開海外靈膏老鴉翅象牙小

合蘭麝味錦衣兒郎貴家子愛逐秦宮同臥起東輪西魄出復

藏短檠巧奪日月光擣搗絃索未遽央君不見街頭昨日折大

屋高棟長慶一齊鬻金釵賣盡奴婢去小妻怒傷人家哭草頭

富貴能幾何西原風疾青燐多冷水澆背今之變風

饑婦詞

藉鞠嬉春風雌雄相對飛啄蟲不自食哺子桑樹枝桑枝青姍

娜黃口日以肥同生堯舜世我獨非烝黎與夫夜在門月瘦鐙

光低嬌兒故慙跳索孔懷中嗚亦知就乖張且復相抱持抱持

聲暗吞去天一涯淫水屢降制誰道皇穹慈母在兒共死母
去邪不饑牀頭絮敗襦架有青背衣眼食順邪意冷暖毋嬌嬉
地下卽黃泉見汝當有期毋爲苦相憶掩泣從此辭同生十字
次山卻步

白鶴觀謁老子像

宇宙日多故達者珍其生遂使山澤間別有神仙名古觀薄層
霄鐘磬朝百靈雲荒鶴亦去曉日松杉青真人踞高座玉色方
矚晶犀簪縉素髮參牛橫天庭依然隱君子足見古性情由來
昏濁朝志士甘沈冥官繫周柱史旨約蒙莊經矯掌望螭駕獻
喻思飛騰婚嫁苦難畢衣食紛多營小蛾甘促景神龜綿修齡
行當謝塵事試鍊區中形目光心光
獨有千古

三家詩錄二

三

養魚

養魚勤注水水滿健魚神漫道盆盎小能藏天地春踏空迎月
上覓食暖花煩但得濠梁意何須下釣綸中有
元化

懷仰林

仗劍忽然去崢嶸歲載陰羸衣非避地殺馬竟何心金盡交都
歌雪多山更深高堂念游子老淚溼重衿跌宕

別鄧薌甫

清潁亭邊路桃花映酒壚東風吹柳絮一夜滿西湖暫繫青驄
馬同傾白玉壺歸與囊已罄袖底有陰符象氣
未除

渭河舟次

春夢無次第已斷復還續猶聲搖宿人推蓬豁遠目羣山放嫩
晴天與水俱綠趁虛帆影多近鄉人語熟篙師喜便風鄰榜歌
相逐暝色從西來新水月可掬高吟興未終青蘆鳥呼宿前無
蘇黃

漕川薛氏園夜坐二首

高齋徹夜色屋角星可數蟲聲排戶來淒清共誰語征鴻飛且
鳴似說雲路苦故園秋海棠別來纔幾許零落塵土中誰人憐
惜汝

及客脫風沙頗樂伊吾味河漢澹不收几案生秋氣大江鬱餘
怒虛濤落檐際春色無端來簞鐙一花賦俯仰惜徂年拂衣余
將逝撥皮
皆眞

三家詩錄上

四

蕭公自治父來旋去賦贈三首

故人山中來不知人間事江南疊歲水狼煙照海裔鬱鬱斗牛
問君應識奇氣

故人山中來盛言山中好山中有奇葩其名人不曉田家采作
薪奄忽隨百草

故人山中來又向山中去雞鳴向我別僕夫戒長路慙無裘褐
餽前途慎霜露忠厚
悱惻

濤雪軒聽雨示韓山人

篆影差池夜漏遲碧磁小椀試槍旗寂寥檐溜空庭落恰似秋
江轉枕時幽澹

西山行贈子原

昨登城東賣酒樓憑闌望見西山頭夕陽拖紅天盡處鳥飛不到浮雲收連日雨大行不得愁倚柴扉候山色王郎之游殊快絕陰崖千仞儼截鐵雷轉中峰晝昏黑綠雲寺旁珠洞側君輩屐齒誰先折京師地大臨海隅左龍右虎遙相趨茲山橫跨力殊偉獨伸一臂扶神都合吸風雲閱日月靈泉與宇天下無少室山人出山久龍門山人牛馬走五嶽盡落漁樵手為君高歌重搔首放翁名作

指月亭贈張曙東

我家小園竹裏月不及山僧亭上好龕香微紅萬籟息今夜與

三家詩錄上

五

君看全飽禪宮老樹多奇怪幻作兩龍立亭外誰言黃楊怕逢閭地僻根深氣彌勁山僧醉眠老耽酒征人愛月坐忘久月落星疏天似水一杵鐘高曙鴉起又似坡公賢者固不可測

碭縣渡河宿田舍

解裝平沙上進舟溼雲側夕陽抱殘雨中流一虹勒遙天樹相倚遠岸飄如織山川任馬首生涯等雞肋羨彼漁佃人力耕萬事畢沈痛

夜歸懷嘯長老

凍禽蹙蹙月初升展齒積唐折嫩冰間夜柯老隨客吠籠頭絮啼聲寒增風威漸瀝樓鼓雪影荒寒酒市鐙倚偏石關腸幾

斷十年前此遲南能雅令

姥山歌

姥山團結湖心鴛霞壁雲峰盪洶湧長杉翳雲澹不流驚濤搏石險將動仙宮道士夜禮星臥吹鐵笛學龍吟記曾風雪拏孤艇繫纜懸崖獨自聽

姥山風淨無纖纓大帆小帆相對開西光入水東光出驪珠飛向松頭來野僧看潮磯上坐老漁被酒艫頭臥勞勞似我竟何為阜帽蒙頭山下過

姥山二月桃樹花青苔白石曲澗斜美人三五戲花下玉腕搖宕溪中紗往年聽雨山中宿蒸梨餉黍漁樵孰準關茅庵縛小

三家詩錄上

六

亭壓倒輞川笑盤谷

姥山頂上羅網稀野雞粥鷓鴣飛姥山腳下風日煖水蛙各各魚蝦肥山中兒郎愛行賈東走句吳南到楚賸取天公借石尤四海八荒斷行旅

姥山宜雨兼宜風風雨雜沓開心胸老蛟跳波播大鼓斷虹倚天彎長弓少時心猛膽氣壯浩歌醉舞崩崖上舊日粗豪今漸知回首雲泉發惆悵

姥山幽阻中廟對孤塔高高立山臂湖前月出孤鷗語湖後雨疾抹蒲碎野火橫斜秋樹遠斷簷蕭疏晚潮淺篷窗徙倚悄吟詩塔頂星懸三兩點

姥山之陰破草屋中有隱者顏如玉朝掣采繩咒白雞暮刈青
芻飯黃犢呂安已死向秀悲中郎欠制郭泰碑奇文祕笈等糞
土山花野草欣葳蕤

姥山突兀夢中見帆底重看兩不厭窺人鷓鴣故相猜排空雲
石都能辨萬疊青屏天與連一道白蘋香可憐自從買糶辭瀟
口不到湖心又幾年

入章高瞻遠矚正爾含悽古淡骨韻雙絕
前無古人心目中不必無同谷七歌亦正
不必有也

屋漏行

天公與人信不惡一雨禁住箕伯虐豆畦尙嫌嫩晴斗竹梢細
覺禽聲樂山人疏慵睡恆早夜半老龍故相攪滂沱滿屋乾土

三家詩錄上

少婦歎兒嗝牆欲倒君不見春間大麥焦欲枯豆屑芋羹慘盡
無市頭老農賣黃犢地火燒秧秧又禿大澤當教四海滿快事
何嫌一家哭乾坤事重吾屋輕嚴牆有命死生平婦人之言何
足聽歌成一笑飛電明

岸異不難
難於溫厚

將出都簡潤臣蕙西兩中翰兼寄何太史子貞

野性拙趨走客居恆閉關卷書坐忘永幽意儼在山葉侯工古
風冰雪瑩肺肝藹然忠孝姿勁氣中紆蟠邵子老文律意苦顏
不歡讀史寓碩畫鏡欲謀治安朱明鬱陶陶春蕤浩已闌故園
草木陰好鳥思我還願瞻指斗柄竝立以長歎

西山夜鬱律眾星垂煌煌羈人易多感况乃辭帝鄉太史世清

德文采白鳳皇余本飯牛人扣角頻歌商美人工識曲感激烈
士腸肥津映湖流膏壤蕃稻梁行當返初服永作識字毗力田
兼服買亦足娛高堂緬古愧無成願言惠周行

陶杜同原
潔淨精放

良鄉塔上作

虛塔俯平郊跌坐西峰對禪龕炷晚香泥佛支斷僭殘陽光未
盡野廓數星大龍鳴深澗幽虹飲孤村暖火雲氣合沓龍虎變
荒怪繁青疊嶂趨浮白新水望望故山遙日斷飛鳥外

可入
唐賢
三昧

山店題壁

微祿豈無願老親髮已蒼今宵曙陽月正照讀書堂失學憐宗

三家詩錄上

武持家仗孟光夢歸渾不覺春水綠茫茫

百端
交集

灘水行寄韓山人

七月十八日夕檢閱山西張君十洲所撰其先大父泗州公
事輯竟適泗州韓山人使至公名佩芳字蓀圃殖學力古為
政舉體要由縣令再轉得泗州故令肥事佚失載詢之縣人
無能道者山人老而好事於賢刺史顧未當有所聞况公有
造於其州人者甚大便附一詩相質州故虹地其西南灘水
經流余數往來因名之曰灘水行

昔年送我灘水頭潼潼百里人煙愁篝燈斷葦同扁舟看君哦
詩老淚迥別來忽忽歲數周相思日逐灘水流君州昔有賢刺

更平定州人乾隆年間名進士初令歙再令肥轉刺壽春淮
水惜哉其人今已矣我讀其書中夜長歎頻坐起天地產九穀
甌窶汗邪別生熟州民皆庶不事事刺史上書申大吏四種五
穫均地利君亦至今食其賜嗣書請免稅催科政拙勤撫字不
賦賣兒鬻女錢太息湖鄉久彫瘵再論南門關繼論天然牖瘠
土惟祈征權寬濬川須通溝洫法舊坊不設水禍烈利網頗興
元氣茶公雖儒者不迂闊我欲徵文邑乘缺灘水長流相羊黃
河高濁流驕淮南木落水平湖北歸愁觸飛蝗麤君家卒歲可
有儲足知吟興老未減訪勝應復攜尊壺偶憑歸羽一相問謝
墩寇竹今有無噫嘻吁謝墩寇竹今有無遲君報我雙鯉魚

三家詩錄上

九

老

苦雨三首
雨脚何絲絲獨寤少歡趣側聞鄰牆崩千聲心魄怖攬衣愁漏
溼傾耳殷雷誤饑蚤故偈人跳梁藉殘絮雲重窗逾黑睡短天
難曙

隆陰寂眾喧篝火一庭綠客從湖上來就我竹間宿勉具簞
瓢苦語膝同促圩荒壩全塌河溢淮更濁山澤匪異民咫尺事
反覆餘生仍嘯歌所得亦云福負戴有成言前徽景祝牧
晚晴致足樂孤吟歡有餘晨興理殘卷溼徧西窗書短垣築復
崩拮据余亦瘡積水漫瓜疇窮巷可罾魚十室八九傾四望猶

吾慮因思神禹切邈與天地俱編直而韻逸同調其獨山莫子德乎
昔屋贈黃叟

壞茆淫陰雨橫塌轉多漏倅晴計殊愚竊柱顛莫救溼蟲聚族
生徒飽饑鳥味拙工巧相給雷同智仍舊因循茫蠹根緩急但
遷就黃翁老葺屋如醫洞鍼灸選材必精良刮腐免蒸瀝隆然
樹高棟脊聳無停溜從新反手易領要眾工奏油雲霧東峰白
點風力驟乾坤穩一椽歌吟甕中牖欲泛黃金葩勞翁少醉耐
至理
後苦雨五首

三家詩錄二

十

東城互長衢冠蓋鬱相望異事古老驚市口舟頻放居民學櫓
巢其外壘土障青龍據竈觚榻畔修鱗漾濛濛水雲中清興有
漁唱

東風雨不止北風雨不止信是南風惡將晴雨又駛嚮晨一婦
哭哀音答流水云有七歲兒願易數炊米于時有陳公貸錢歸
其子陳公者誰何屠酤細民耳陳名順匹夫偶慕義仁風動鄉里
我歌不忍長恐增士夫恥

朝出威武門戚戚念邱墓遙驚東岡濤已沒西隴樹卷蜺斷未
消疊雲溼猶絮孤邨動將沒舊阡望頻誤浮棺柳漸脫崩壙穴
全露遲迴認馬鬣攀枝喜仍故憑高一凝睇東南亂流驚
侵晨誰道我界空微溥溥我心儼稿木涕泗零無端元化一氣

淫赤子何由乾我屋亦已破我力亦已殫摩姑兩幼子病犬隨
蹣跚周顧一室中長謠摧肺肝

歲歎滋羣偷況我室無壁老奴貪睡早放歌柝頻擊吳生可憐
人煮酒候檐隙蒼黃風雨交聲援氣絡繹怯寒掩袂暝語立
苔石灌園慕嵇呂枕戈笑琨逖積潦愁足塗空林欣罷滴暖暖
遠雞鳴西峰霧猶積有古圖畫之景色有古謠諺之聲情
姚司馬行為石甫先生作

司馬博學有經世才異時備兵臺灣以功陷吏議左官蜀兩
使西藏忤長官歸今年春當事者交章薦淮南方更鹽法制
軍奏留遂滯江干冬間相見於九江將棄官與余約共爲賈

瀕行謹獻一詩

三家詩錄二

姚家司馬天下豪我來相訪江之皋長風噓空萬木落孤颿峭
拂雲中鶴司馬愛士無世情笑指匡廬款行客匡廬氣挾宮亭
壯淋漓老筆爭雄放長沙論策少陵詩旅夜愁看神益王賤子
兒童時仰睇大名久往年海上兵坐惜奇功橫遭肘鄒陽被繫
天隕霜曾參殺人慈母走金雞詔放天西頭劍門雲棧飛猿愁
呼圖克圖森戈矛男兒動足輒萬里張騫鄭吉皆封侯司馬勁
氣橫九州平生不爲妻孥謀長揖那知長官貴拂衣逕作龍眠
游羽書夜達甘泉仗吳門相公善論將郭開猶自怨廉頗漢主
終思庸魏尚江干風雨歲行暮簿領棲遲髮全素君不見綠林

烽壓梧州城贛州議撥南昌兵君不見司農經年用不足鹽綱
新變淮南局英雄末路願漁樵兵火遙天換陵谷婚男嫁女易
了事販脂賣漿末云辱故鄉迢遙霜鴈鳴司馬置酒臨江城一
舸便逐鷗夷行骨氣高尚奇情橫溢

自九江附船南下兼旬不得進中流得漁舟風行益駛薄暮抵
華陽鎮買魚置酒贈漁人王甲張乙

舉酒屬篙師皖公欣在擘足知用大拙共濟杖心膽槎頭魚最
鮮丹橘香可噉盡醉勿復辭休問疊與坎人稀雙鷺集日沒一
星閃遙挹天杜秀斗脫小孤險風信浩無端陰霾隔林間酒緊
早發鎮江

三家詩錄上

三

水宿無厚棉江聲寒到骨舟師夜中起解纜踏殘雪遠征歸興
翩孤吟酒思渴靜觀抱龍虎丹臺炯如月窮途事多梗勞生及
瑣屑未窮北固勝頻欠中冷啜寂歷沙鴈鳴寒鐘助淒咽參同

雪中坐閒開園時將赴湖上新居率題壁間 癸丑

滄海際橫流大劫復焉避新買湖上居耕釣平生志柴車指明
發殘雪路頻滯林光向夕佳萬象森初氣坐愛西軒清竹柏蘊
真契嘉賞付後來攬幽可誰繼

病心役塵羈坐久發深省西風連夜雪草堂一鎗迴凍禽怯危
巢酸嘶若相警東髮際平世雅志樂幽屏邱樊計未安兵戈事

多梗書壁記歲時人間夜方永精神發越

廬陽夜捷行贈江使君

使君為中丞介弟中丞死於廬州之難其戰守大略余別有
記茲者官軍收復郡城兩大帥加封晉爵於時使君固請去
余郡人嘗在圍中撫今追昔殊不能自已於言

廬陽夜捷烈炬紅露布連奏甘泉宮使君兵聲冠諸將輕裘緩
帶殊雍容記昔曾在圍城中挾策兩謁中丞公中丞英雄人中
龍使君肩宇春融融指麾綽有中丞風牙旗深處展高宴橙香
燈綠霜整健野人喜極悲倒來曉析杯深淚如霰君不見荒城
蕩蕩跡如掃縱橫瓦礫居民少觸體滿地生秋草君不見壺漿

三家詩錄上

三

士女泣垂面愛說中丞舊時戰張巡死去賀蘭生痛殺潛山廟
中巢郡城收復後六日郡人會祭中丞於潛山廟驃騎連宵拜新命漢廷不惜通侯
印使君愛逐赤松游脊令原畔牽歸輿為君高歌歌斷絕悲笳
吹落林間月警策

今夕何夕行為陳星台作

君揚州人為余道揚州被難情事其言覩縷而悲揚州之陷
以咸豐癸丑二月先是賊圍長沙朝議以兩江督臣陸建

瀛振九江賊窺武昌建瀛以梁山蕪湖防兵遁歸江甯是時
上命江蘇撫臣楊文定倉場督臣楊殿邦分守揚州既賊
陷江甯鋒益銳兩大吏以士人江壽民陰款賊揚州人亦以

款之足恃也賊至淫掠焚屠無一人脫者君久陷賊中今年
冬從廬州逸出與余相遇於三河而余往者販鹽江上尤樂
其土風因歌以道昔游且以慰君之思時乙卯除夜也

今夕何夕愁復愁擁被聽子談揚州揚州繁華甲海宇青樓縱
橫變焦土少年莫便歎飄搖猶勝全家食豺虎蟒欄罽玉本碌
碌社鼠城狐趨避熟開門揖盜計殊左坐使全城供魚肉憶昔
咸豐初洪鈞翰運和風翔金田妖狐走復僵兩階千羽尊垂裳
羣公簪筆同揄揚大府新籌變鹽法連雲萬艘橫江湘江湘蕩
颯秋興長我亦載酒之潯陽姚家司馬邀作買矢言江水同滄
浪琵琶亭邊半輪月夜深送我浮邗江邗江雪大夜中渡燈火

三家詩錄二

四

樓臺錦纏樹美人笑挹金叵羅簾我珠簾最深處陳書自嫌褐
衣賤鬻財徑被陶朱誤中途折閱拂衣歸醉枕漁榔過瓜步到
今遺恨付東流未陟金焦窮北固兵火恩恩閱人世往事模糊
總難記江頭戰色認微茫半是從前浪游地去年復揚州今年
復廬郡卻喜官軍屢報捷皇天厭賊劫將燼我與子同坐饑饉
皮骨徒三塵滿鬢山中峯巖嶸俱空隔河賊壘明青烽請君記
取此除夕明日馬蹶西復東似杜子真吳野人

夜飲大醉登元叔墓上作
只此一棺隔醉來呼不應悲風吹熱淚墮地盡成冰狐嘯月全
黑燐飛霜有稜酸吟叩枯塚泉下可曾聽血性人語

會城歎贈汪果君湖江嘉興人工書

昔者君來時會城時皖江今者君來時會城寄廬陽廬陽止空城黃蒿過人長皖江久化外棄擲豺與狼我生獲再受畢連山谷藏與君別廿年音書隔車航昨勞走伴問溝瀆銜未光相逢一驚喜仰視蒼天蒼憶昔全盛日軒車同頡頏維時值孟冬孤裘君馬黃置酒登江亭醉挹天柱光熙平富文物萬艘齊帆檣節樓列高戟曲巷羅仙倡南金營善州北珠充後房梁鴻方少年潛行歌慨慷繁華一朝盡鐵馬荆榛荒賊王與賊帥笑踞中丞堂沿門嗔耶蘇拘求到紅妝竊聞初陷時封人如豬羊所嗟衰宏血不到清水塘肥東穩行臺四閱冰與霜喪馬求林中殲

三家詩錄上

五

駱委道有驃騎素通貴僚吏工趨踰我冠嶽珊瑚侍燕惟金張逢掖一老儒袖短衣郎當長揖公卿間旁人笑疏狂蹶張諸健兒誰解師鍾王君家好山水白首胡栖皇彈劍對尊酒月落悲茫茫未及鬼妾鬼馬之奇創亦何謂硬語盤空矣

戴學博過宿山居惠示新詩因道孫太史勤西來守皖甯帶定遠數辱問勤西既假歸君避地山中即事書贈寄懷勤西

山荒木石多索處斷人語何風吹君來長夜劇鸛縷流離艱一官飄搖問環堵天地猶風塵吾衰事場圃遠慚嘉客來盤餐闕雞黍兒童解刈薪霜泉淨堪煮好詩愁眼花展卷訛帝虎憑君抗聲歌側坐識鉤矩勿謂知音稀知音心憂苦

昔我游京師交盡一世偉每懷車笠言升沈幾人鬼孫侯籍金閨六義見根柢蒼黎坐塗炭刀筆陋難洗從政得詩流藉以明治體尚祈經術彥略俾瘡痍起盤錯事正殷埋輪去殊駛誰貽輿戶痛未雪河橋恥時撫軍軍潰於定遠寂歷滄江雲無緣報雙鯉溪溪鬱鬱

舟中寄別鶴亭兼訊幼國

在竹願為笛伴君宛轉歌尊前一揮手相望渺煙波早斫銀絲

翰安排金巨羅歸帆指明月三五定如何名何千金

漢牘時廬州又陷總二年散展家祭屈指先孤邨夜兵戈尚渺綿命懸飛鳥外心碎莫烽前聖室猶吾

三家詩錄上

六

土黃巾自紀年酸辛一尊酒和淚薦重泉老筆

葛家嘴飲酒即事短述奉貽相公兼別山中舊游二首

葛家嘴為方山支麓咸豐四年余避兵家此八年秋廬州再陷山中迭苦賊去年冬今相公以兩江總督進復安慶余挈

家出游遂依焉今年余來山中瀕行鄰人置酒道別卹曲語

言猥雜無文要其述德戒行是可歌也時同治元年秋九月

廿二日夜

艸棚憑長溪靄靄西日光老農閱游子置酒瓜蔓旁鄰曲歡笑

言真氣溢壺漿老婦手漁羹老翁趣行觴酒闌說相公舉手屬

穹蒼自從相公來皇天屢降祥方春拔廬州既夏甘霖翔假豚

亦已肥鵝鴨皆成行信是相君力秋禾早登場君從皖江來相門長趨瞻相公本天人見說鬚髯長相公飯幾何頭髮應未蒼皇天憐我曹相公長壽康庶幾長子孫努力事耕桑

飲罷山月高犬吠喧溪流有客負薪來棗栗歡相投移尊坐苦磯咄嗟倒盆甌笑指溪上月今秋勝去秋去秋苦賊來吞聲共潛游今秋君好歸憶我采樵不富貴亦多谿時來使公侯君歸旋復行僕僕將焉求貞女懷閨冰老狐思舊邱吾衰心力短衣食殊拙謀相公禮數寬滄海容一鷗低迷竊廩祿內檢常自尤

中原莽豺虎孤兒泣松楸去去勿重陳歸夢東山頭平揖陳思把臂子美同見老坐月有懷龍泉故居

三家詩錄一

七

君家門外月清絕似龍泉相對意俱迴坐來光漸偏鳴蟲答幽怨羈鳥怯虛苙何事同流滯烽煙不計年淵遠

將赴皖守風湖千伯昭書來道其同新甯公有四川之行亟圖面遂舍舟而陸塗間寄懷伯昭兼陳新甯公時同治元年冬

十一月是夕宿集賢關五首 錄一

廬陽去皖江三百六十里皖江望成都千山復萬水我行日兼程相隔幸尺咫大龍橫遙空澄光互清紫登高睇長江英雄都已矣羊公儒將姿叔度天下士吾衰失兩賢悲歌向誰是低回宿殿關憂來不能已長吟輟粥餽短吟倒坐起長吟復短吟人生感知已飄飄後逸

戴家麟子瑞劫餘軒詩錄三十四首

禱詩

交游百年盡人事如轂轉新歡日以近舊歡日以遠管鮑死于戰同心誰相引泛覽絕交篇男兒當自勉

春鳩化為鷹淮橘變作枳氣運使之然變化無定理金玉有本性泥塗何足恥松柏秉貞姿青青色不死質良氣則那敢用告君子

朔風號萬木鴻鴈日夜飛自愛羽翼好翱翔不肯棲稻梁正盈野嗷嗷獨嗷嗷饑失羣自寥落物理恆如斯故鄉亦可處胡為歸遲遲

三家詩錄二

式

取獸山多獸灌湘山多禽秉性各有異此理難追尋雙翼亂天路四足走平林鬼車收人魂窮奇食人心同生天地間相害何獨深懷我痛歎有有心人語

檢篋中先君子手澤

吾人隔九原日月滔滔逝追憶吾父容檢點篋中字蠹魚滿卷游紙敗塵埃漬一覽氣如阻再覽心如碎行行先人書滴滴孤兒淚拂拭輶屢藏殷勤示弱弟惟冀子孫賢繼承無失墜少小忽父恩長大悔何及方寒念兒衣將食呼兒食晝夜課兒書期兒早成立兒稍能誦吟歡欣見顏色兒年尚未成父訓不可得我懷反哺禽莫報昊天德直白語有神采

曉起

雞聲曉初歇披衣臨風前河漢渺東西北斗當戶懸遠林墮殘
月隱隱生寒煙花露吐清光娟娟映池泉心脾挹爽氣如在神
山巔得失惟所遇俯仰彌自寬坐待東方白日出萬景鮮有與

過項王墓

平皋走馬畫將昏山色高寒鴉鵲翻萬樹枯風天欲雪短衣來
拜項王墳不著議
唐賢高格

月夜歸湖干山莊

野徑柴車自往還白雲常爲護松關棋枰對酒二三友茅屋臨

三家詩錄上

九

湖八九間難得人歸共明月不須錢買是青山藏書幾卷無征
稅暮夜追呼意自閒清而

中元對月

中元月明鏡懸光景依稀似去年去年中元兵火處十生九死
辭家去今年中元始得歸惟有秋月遠相隨月華歲歲看常在
人隔一年顏已改合將明月問前身明月有情應笑人湖光映
月白如雪水兮月兮都一色山風吹月空中行天涯照見殊分
明何地無好月何年無中元難得亂離後對月在家園家園景
物都非舊萬木凋零孤月瘦但聞幾家野哭聲使我仰天淚沾
袖今年中元在故鄉明年看月知何方世事茫茫且舉觴幸莫

辜負秋月光憔悴憂傷
不嫌語盡

北望

北望酸心雁到稀冷楓空見暮鴉飛王師南下無消息愁對殘
山淚滿衣真至

溪上醉酌

此生苦愁轍醉鄉樂可久我愛山溪幽明淨空諸有溪平天倒
開醉欲捫以手疏星濯春波風動星亂走水月近可呼入我杯
中酒飲之鑿我衷肺腸清可剖浮華何足論看取百年後成削
清奇

臨淮軍次對月

三家詩錄上

三

晚林生朔氣圓月耀寒光天地白於水關河嚴有霜鴉聲殘角
外人影大旗旁此夜旄頭落飛書走曲陽格老

寇至苦雨

遺黎盼蘇息天意竟如何狂寇披猖久吾廬風雨多遠山吞宿
霧驟水沒高禾淮右軍書急征夫尙枕戈章法

濠梁客舍感懷

荒庭地溼半莓苔日愛匡牀作睡媒竟損秋禾期月雨最驚客
夢五更雷 聖明羣小知難進陰翳層雲總不開寇盜西山漫
嶠負壯猷方叔出師來正喻側
發奇快

望鳳城

苜蓿催人老
濠梁幾別離
孤帆懸客夢
殘角動鄉思
水斷經行路
林撐刺眼花
雙城壓山碧
停盼夕陽遲

練格

舟過臨淮聞官軍殲賊

戰壘空餘蔓艸煙
淮西停櫂夕陽邊
河流恬靜無爭渡
舟小輕浮好任眠
十死重逢還定日
九州喜見中興年
沙蟲化盡茫劫回
回首滄桑倍惘然

正喻雙發

旅店

旅店寒燈叩宿遲
繩牀偃息動鄉思
雞聲漸倦蟲鳴緊
風激蘆

簾欲曉時

畫所不到

月夜過王謙齋

三家詩錄二

三

月色荒城靜
尋君獨款門
雲歸天外雁
水失舊時邨
鑄錯平生

幾論交爾我
存子山風味
別佐酒問東園

真氣生氣

客中述懷

自悔平生誤
急絃從容始得保
餘年為尋樂事還
微醉久輟長

吟只斷聯合
關小園棲庾信
儘堪破壁老焦先
清光莫問東流

水未肯回頭
泊故淵

奇氣宕逸不催一掃

九日

霜清風急雁來聲
異地心驚節候更
木葉亂飛無復起
菊花著色不須爭
老稀別好惟耽睡
貧薄多貴尚愛名
興阻登高拚獨酌
今宵有夢去愁城

雅令

重陽後奇文母兒書

寒燈獨臥藥爐煙
南憶鄉關月又圓
擁被夢驚楓葉落
銜杯興盡菊花前
愁心顛倒書難寫
瑣事猜詳語未全
門祚興衰惟爾任
青瑣且莫誤華年

溫然其辭

雁

羨爾成羣雁雙飛
意若何稻梁謀未穩
風雨疾頻過健翮摩霄

漢良材誤網羅
欲投何處宿滄海橫流多

自况

雀

天地同春色羣禽卵育時
物微俱有命氣化本無私
對語知人意分滄飼爾飢
機心吾久息屢住復奚疑

修絮

三家詩錄上

三

魚

羣生宜適用肯畏釜中游
鱗甲人休怪江湖老可羞
拏舟漁不禁入肆美堪收
物性誠能盡何須煦姬周

當有所風

蟬

慣愛高林託攀援
不畏譏掠雲雙鬢
俯飲露一身肥得意乘風

噪潛藏避日啼聲殘
棲未穩又向別枝依

說盡

蟋蟀

蟋蟀乘秋出孤鳴
在壁東誰知無敵將
卻是可憐蟲涓滴恩思

報蓬蒿氣自雄
羣蠅徒附熱階下嘖聲同

壯激

符離秋夜

眾鴉棲定夜無聲高枕匡牀夢未成卻恨窗前濃樹影月華隔
住不分明浮雲之概

蕭齋

蕭齋夢破亂鴉聲夜靜無人卻自鳴似識禍機相警覺也因憂
患啟聰明雖非正宗自是老筆

冬日紅心驛早行

霜濃驛館艸痕枯曉樹藏雲半有無鴉似客寒同瑟縮馬如人
倦厭馳驅地荒邨落稀連戶橋斷經行出別途欲賦游蹤卻停
望青山應笑白髭鬚真語自在流出
舟行將抵符離有歸志感賦

三家詩錄上



晚渡淮流倚棹清照人頭白荻花明帆斜轉幸饒風力路近猶
頻問水程經藝卻慚蘇教授靈光空負魯諸生欲圖歸計還惆
悵也似離鄉動別情拾到好處
將抵里門寄王謙齋

去日驚心百計疏里門漸抵歲時除行藏鬱鬱蓬鬢天地悠
悠一艸廬斫劍君非因酒病挂冠我豈為山居男兒合向青藤
老猶勝虛名穢史書想見李孝先王逢輩

三汊河晚宿

水漲河干稻正香居人挽宿解行裝雲邊雁叫湖光白邨外牛
歸樹色黃兀坐待看明月上欲眠還愛野風涼明朝又作營營

去且自今宵穩睡鄉古圖畫

彭城道中作

彭城秋色晚寂寂客途過天共寒山遠鴉隨落葉多割愁無粵
劍和曲厭巴歌欲挽江河下臨流奈爾何岸與

三家詩錄上



合肥三家詩錄上

合肥三家詩錄下

仁和譚獻仲儀選

王尙辰伯垣遺園詩百十四首

詠葵

秋風從西來百卉少顏色灼灼園中葵孤根勁且特氣色配中
央大雅去雕飾鑒此傾日心不減古忠直寫照傳神以當自敘

鍾離道中

迢迢大道馬蹏塵斷塹荒陵曉問津風色沍寒天欲雪清明如
夢不知春中唐

雨飲呈周制軍天爵

農忙正勞午不欲惱田家展席谿雲起穿林酒旆斜春愁連暮

三家詩錄

兩孤客伴殘華富貴浮漚耳閒居亦種瓜五六比興與結語如肉母串

送周星垣丈光斗還東阿

送君天際去雲樹隔煙巒濟北半春雪齊西二月寒濃花開野

館細雨溼征鞵且盡尊前樂清歌到夜闌高格

催租行

眼前麥熟休浪喜饔餼纔釋催科起晨負麥出夕負還家家不

乏誰下錢欲乞稍寬當速備一雞半豚先媚吏行當鬻婦頭上

簪累公受杖心自愧三日為期公莫恚若免鞭笞即公賜答言

官亦慕陽城今日安能行古治送吏出門興嘆嗟悔不當年求

捕蛇眼前語無人道過

周制軍座上呈湯海秋先生

年少羸能記典墳敢誇鼯鼠辨終軍湘江浪闊激孤月秦岱風

高仰片雲吏治漢廷尊汲黯文章唐室重劉蕡東山本繫蒼生

望雷雨經綸共策勳義山風格

大風

狂飈怒號天地動星河破碎鬼神闕大聲遠呼將倒山盛氣猛

舒如出巖千里旬哮拔樹輕一陣橫斜撲簾重荒祠牆畔瓦鴛

飛貧家屋上茅龍控老農無言扶杖立呼兒索絢忙繕葺噫吁

嘻傷屋尚可勿傷麥租稅今年催更迫字字有力

送宋雲屏錦之白下雲屏工畫時應湯雨生都督之招

三家詩錄

春程最有情艸靄馬蹏輕綠樹雲亭驛青山浦子城解鞶江月

上吹篷海潮生隔岸傷心處君應畫不成神韻

花下

記得尋芳二月時辛夷開盡柳如絲而今事事居人後華木逢

春也覺遲方子嚴曰得

開錢東平布衣談林公舊事

憤來倚劍唱烏烏伏櫪誰憐壯志孤天下河山歸指掌半生心

事負頭顱盈庭自把長城壞失著全教此局輸舊是衛公老賓

客醉談往事獨嗜吁暗略

上已偕六弟桂山七弟翰臣游逍遙津

柳色搖空水漫灘臨流小憩愛憑欄孤邨傍晚雲陰合久雨將晴華氣寒野酌漁樵爭泥飲閒營邱壑勝求官況逢勝日重修襖戴月歸來興未闌放翁勝處

相思曲 詠雅片也

炎荒瘴毒金蠶蠱阜雅噉人肌骨腐磨脂滴血擣春華搏就相思一塊土相思土碎飛青煙拚教內地輸金錢閭閻元氣日澆薄細緼化作相思天相思天相思朝莫無已時但願不識相思味待到相思悔已遲吁嗟乎世間多少奇男子一生甘為相思奴張王樂府有開世道

三家詩錄下

三

巷口荒祠落照明定山堂下少人行芳池久涸龍爭鬧枯樹無靈艸寄生一代詞章追孝穆千秋出處振元成風流不愧騷壇長江左於今尚有名何減查初白紅豆山莊之作

過李文定故第

聖祖龍飛三十載貞松遠資相公家偃兵四海欣無事守法羣工慎不諱孝行格天消早魃文章繼志擅春華百年喬木凋零盡惆悵荒園落野花起緒自為章法

月夜懷裘小華京師

明月不常得清光飛上天與君千里共遲我一宵眠顧影憐知己揮杯醉隔年人生有聚散莫怨別時圓清空一氣如話

雨後飲太白樓觀蕭尺木畫壁敬步家大人韵

神湫浩蕩下岷嶓風雨蒼茫醉放歌明月初更飛海嶠危樓一角拗江波橫空畫壁真無敵異代狂名共不磨咫尺青山思小謙笛聲吹起古愁多詩無古今以生氣真氣為貴異代句不取諸辛非文士語

城上烏

城上烏朝朝莫莫聲自呼三冬無雪土膏竭覓食空田無宿麥飛鳴欲傷富兒倉恐惡此聲為不祥乾鵲迎門爭報喜慈烏吞聲饑欲外誰憐反哺時啞啞情難已吁嗟乎高岡不聞鳳皇鳴平原不聞脊令聲且隨雞鷺母相爭一飲一啄安其生務觀學山行望二姑晚飲邨舍作二姑山在雲峰西邨舒接壤

三家詩錄下

四

挽葛拾磴道悄然窮險危青霞向空盡仰見雙蛾眉香澤蘭芷異仙跡猿鳥知午迷謙靈運晚絕韓退之欲投華陰宿竊恐永嘉疑下山訪荀媪明月生茅茨學太白骨甚堅

楊柳曲

桐城道中種楊柳往來攀折行人手長隄三月鞠塵香春老飛花滿店旁隨風飄蕩沾衣裳君不見陌上桑自亭亭澗中蒲何青青艸木生來有本性莫學楊花無定形隨風單句立一篇之骨音節入妙

歸家三日又有彭城之行

誰釀花過始歸家草草勞人誤歲華鄉夢未濃春已去又隨飛絮到天涯哀絲家竹

重至臨淮旅舍題壁

一曲驪歌踏輦塵故園小別已兼旬
肯來欲作還鄉夢淮水無情又送人

旗亭可唱

贈臧牧庵丈

投筆當年憤請纓誰知報國有書生
文章腹柱五千卷經濟句

藏十萬兵燕市驂驅悲沮喪楚天瓦礫任飛鳴
煙塵未靖英雄老獵獵風旂細柳營

如見其人

曉發池州

蘆中人語夢初醒一霎風帆過遠汀
柔櫓數聲殘月墮九華山色隔江青

畫所不到

三家詩錄

五

扶港用黃靖南

榜聲搖夢斷問境到縣昌江市人煙聚
山祠草木荒時危乘間

主事去殉殘疆咫尺巢湖水英魂識故鄉

癸丑八日卷石山房題壁十首

春酒頻斟獻歲厄草堂醉起日遲遲
且偕弟妹同歡笑怕說干戈易別離

大地雲山驚慘澹累朝民物託雍熙
書生愧少匡時略聊續元和諷諭辭

以此篇當小敘

登壇吉日賦車攻寵錫彤弓望愈隆
黃閣許謨多譏語黑衣祈禱冀神功

燧燧連江上市地蟲沙化粵中
三載智囊無一計斷藤戰績羨韓公

白晝陰霾戰氣昏荆湘亂後幾家存
凍蘇碧血埋僊崗雨泣青燐嘯餒魂

春燕巢林仍覓主老烏啄屋漫投郵
監門繪出流民狀卻恨無由叩帝闕

設險謀攻古法亾承平久自缺軍防
眾多烏合如兒戲陳失魚麗弔國殤

幾見同仇羅雀鼠翻虞借寇畜豺狼
紛紛惡少新招募大府兵符速啟行

皖公半壁倚長城號召新標保衛名
未按輿圖誰聚米坐揮麈尾浪談兵

上游已失藩籬固下策徒勞鐵鑲橫
整頓乾坤須巨手道有築室總無成

大農仰屋費持籌轉饒誰紓軍國憂
猶記先朝蠲賦稅其如諸道急徵求

臺端竟少鷹鷂逐窟宅尤深狐兔愁
載詠春陵書憤語幾回揜卷淚橫流

杜法杜神

萬姓魚頭涕泗多乖龍跋浪老渾河
齧桑莫禦桃花水噴竹空留瓠子歌

忍把金錢填壑谷誰沈三壁靖風波
斷鼉偉烈今難再敢道蒼天易荏瘥

吳魏雄爭古戰場巍巍重鎮首廬陽
星分牛斗光芒聚勢控江淮襟帶長疇

昔民風原質直於今鄰境更疆梁
救時自有新條教保甲焉能泥古方

哀矜無告痛呼天折獄難將片語宣
不幸一天行草竊可憐十室坐株連

甯浮滄水噴呼伴鼠據官倉鬧弄權
百里巢湖憑作

三家詩錄

六

猶渠伊又索將鬻錢風人之義不嫌切直

一局紛更等奕某河山舉目不勝悲浮生久已夢胡蝶世事何

如食蛤蜊十笏清閒摩詰地一編涕淚少陵詩愁中似厭春光

早新柳垂垂綠幾絲十笏一聯可憐齋莊此章結

小園桃樹作花

小桃有紅意欲試可憐春開徑初經眼無言閣愴神回思絃管

日長憶亂離人擬汎仙源權何從去問津無一別字

農夫嘆

一牛臥樹陰一蟬鳴樹顛柴門日傍午穉穉來中田農夫向我

語此邦幸有年江淮屢構兵家室無完全阡陌生荆棘墟里斷

人煙飢鳥號惡木潛鱗栢重淵老弱甘餓以造物豈有偏榮落

難自料滄桑易變遷今朝得醉飽聊以娛目前杲杲天中日仰

視增煩煎次山流派野人西林可以抗手

得周遠齋書

偏側對窮秋孤吟惡懷抱隱几據榻梧偃仰思顛倒紫鴿曬斜

陽黃蝶掠秋艸東南障煙霧私心怒如擣達士先見幾歸向山

林早昨日得茯苓緘書述幽討招隱有淡情一枝巢更好人世

半沈溺毋為名利老便跨秃尾驢同訪丹邱道不著圖點

過吳荷坡丈故居

羅雀山所久無主隔巷鄰雞猶報午輞川無復斐迪來斛斯不

訪城南杜昔年共取北窗涼簟踞胡牀話今古老翁化鶴竟不

歸至今蛛網縣門戶長蕉瘦柳尚依然莫蠅聲聲淚如雨高歌而來

醉歌行

昨日落花今日塵攜糧負薪徒苦辛黃河難清馬難角富貴不

來吾有身若待金盆始濯足垢污應同陰子春聽音飲酒須鉞

神寶禱不顧妻孥嗔夏侯簾底女奴出公孫門內糟封新溪杯

急蓋示真率傳播播何紛綸曼聲大徧涼州徹雄竹半夜蒼

三豕詩錄

歲月浮沈速滄桑感慨新壯懷銷涕淚往事襍酸辛患難仍餘

我流離更有親遙憐風雪夜應憶未歸人兵火艱辛布衣悅樂豈可云時非天寶位

遺邪

除夕至南村

豺狼窟裏生還日爆竹聲中夜到家繞室鄰鄰爭問訊未言涕

淚已交加老親握手神魂定稚女牽衣笑語譁五竈茅檐風雪

冷杯盤團聚剪燈花與羌村異心同

清明

麥飯家家已薦新荒丘咫尺隔煙塵梨花柳絮無顏色不信今

年尚有春凝碧池頭家國同悲

見燕

春來依舊草堂坳小語喃喃似解嘲笑我不如雙燕子偏天燧

火自營巢一笑甚於痛哭

人言吳蘭軒年丈聞辰陷賊垂涕連日夜聞已得出徒步見訪

道阻而歸賦此志感

憤世無權更斧柯誰憐失路易蹉跎存亡兩地傳聞異魂夢中

香涕泗多文字交情逾骨肉艱難足跡阻關河逃名遠遁荒山

裏搔首臨風弔女蘿沈痛

中秋

誰知今夜月猶得倚樓看慣照離情苦回思舊夢歡浮蹤甘落

三家詩錄

寬清影羨團纒鼓角悲秋急銜柘強自寬人意中語所謂睥而得之也

老院

谿坳徑紆曲粼粼泉湓碎石磴互濛洄潭清魚逐隊挂壁兩三

松冷光靜相對即境恣臥游藉草暫曝背俯仰得至適好景戀

難再樵風散夕陰飛影輕雲暖反照燕支紅明日愁陰晦幽秀

雪夜夢梅

寒衾瑟縮陰風鳴燈昏黠鼠跳梁行枯腸易飢醒偏早檐雪窗

明天幻曉依稀夢繞家園好翠羽嘈嘈月將落寥空唳影孤飛

鶴紙帳鏽溫香破萼卽今索笑更誰親我亦山中臥雪人神來之作

與孫笑谷飲菊山堂題小嶼谷圖

往歲來游小嶼谷千竿瘦玉搖寒綠今年識我菊山堂百花醞

穠春風香花枝依舊當筵好曲榭回廊半傾倒看花回憶種花

人一幅雲煙跡如掃鴈詠風流頓衰歇黃金散盡交游絕披圖

痛飲強高歌別來世事何堪說君不見碧波春艸輞川圖杜宇

嘯殘戰場月放翁勝境

舟中晚酌

遠岸低銜日虛舟怒觸波興隨飛鳥盡愁攤亂山多到處憂縫

鏞浮生羨釣蓑醉來篷底臥搔首望明河四十賢人

淮雨怨

夏來兩月早望歲無膏賁一雨隨秋至皇靈閔烝民大聲浩呼

三家詩錄下

洶淮水侵城閩流惡溝洫盡氣象時一新前年慘兵火邨落生

荆榛今年幸有秋禾黍徧郊畛問民胡不樂口噤蓋有因處人

股掌閒危苦難具陳將恐田中稻去為鼎下薪朝廷出章澳父

老思寇恂昔人一何幸涕泗沾衣巾直氣繁鬱直接浣花

濠上夜眺憶逍遙津

浮雲自舒卷使我寸心平何處竹林寺飛來鐘磬聲雁羣呼水

宿漁火襍星明彷彿逍遙境悠然別後情酒酒自運

夢血馬命之吳蘭軒二丈戴存莊趙雲持徐懿甫會飲

亦知死別無消息縱有生存久索離文字獨深知已感夢魂小

聚放極遲蒼范燧火千行淚潦倒風塵兩鬢絲不是荒雞忽驚

覺良宵也可慰相思飛動

武鏡汀招飲

晚向淮流放權行華筵泥客酒同傾劇憐嗚咽琵琶語撲入西

風畫角聲四絕

正陽行

淮河北望屯長燧正陽關上排鱗鱗驚濤拍岸人語闌燭龍夜
半噴天紅詰朝官吏忙趨集桓桓大將礪樓立伐鼓掄金聽指
揮新招隊伍倉皇入頃刻游民身帶刀街前結黨誇雄豪白日
旌旂自搖動分錢坐地沽香醪吁嗟乎司農財匱民膏竭羽檄
頻煩虛報捷淮北經年作戰場惜無猛士清妖孽安得猛士清

三家詩錄下

妖孽憂盼賢良佐君側輪囷離奇音節尤妙

中秋無月

不遣浮雲去翻疑月未生客中羞獨照天上有同情孤負長淮

軍中曲

野曠大旗懸積雲壓陳前一聲吹虜栗萬竈寂無煙

大澤走獵豨重圍戰未休提戈揮落日馬項繫人頭

卷地朔風號天低斗柄高帳中呼起起冷月夜磨刀遺音

諸帥錄一

石頭依舊峙崇墉柳霧橫江戰壘封棄甲自求林下馬銜刀爭

唱水中龍長干塔畔新增竈九洲洲邊數舉烽談蕩天門闕象
緯蒼雲凍月暈重軍

餘皇十丈撼驚濤都護防秋戰氣高雷雨中宵飛霹靂鏖歌一
曲醉蒲桃南樓月滿同揮塵北斗星寒自帶刀斛律生來嫻將

略紛紛謠詠笑徒勞筆力既雄音節亦亮

除夕軍中聞徐雲溪太守曉峰談近事

日下清嚴望五雲燕吳回首隔塵氛征南世薄張華議入洛人
愁賈誼文金馬未歸炎海貢明駝常護朔方軍側聞宵旰憂勤

甚肥瘠須知視相君義山家法

三月朔奉檄監淮北團練赴肥助勦塗中感賦

三家詩錄下

煙塵慘天地弭兵竟何時丈夫志四方心與忠義期安居誰非

願所恐終蒿藜豈云朝野殊兵農理亦齊江河日趨下叢脞民
風移姑息致悍戾迫脅成乖離此邦多健兒剽忽四境知操縱

權在手良足供驅馳攬轡望故鄉顛危用扶持孰無國士遇慷慨
為涕洟駿馬習危阪良禽恥惡枝幕府盛人材名以為基

此秦晉也孫豹人庶幾近之

元戎擊賊鳳陽歸次森泉寺看牡丹

飛到軍聲賊膽寒吹笳小隊駐征鞍名山他日留佳話驛騎春

風看牡丹方于顯曰二十八字嚴於鉄鉞

天長軍次注稚松刺史根蘭招飲

馬上相逢各黯然，征塵未撲喜開筵。皖公山色秦淮月，痛飲狂

歌憶昔年。與落花時節又逢君同一機杼

春杪餞待園歸樵鳴

烽煙阻十載消息，詢江樓春風又催去。霜雪飛盈頭，櫛皇席未

煖，濁跡難淹留。故鄉無田宅，囊筆何方游。詩書久廢棄，儒術慚

自謀。屠販雜，養談笑，羅珍羞。往時綠林輩，旌旄比王侯。放懷

闊世變，胡為旅食憂。卣堂醉尊酒，山鳥鳴鉤。轉風花散高，下落

日般離愁，貧交別更苦。雨淚揮不收，後會渺無期。遠送心悠悠，

君行自愛惜，富貴安可求。但得賣文資，娛老歸山丘。神味得之漢魏

過城中教宅

三家詩錄下

七

松偃巢焚鶴苦饑，鶴歸猶自戀松枝。愁看瘦日淒涼色，回憶清

尊笑語時。藹并炊煙埋朽骨，一卷怪石臥荒池。斧柯爛盡黃梁

熟，未了山中半著棋。勳與古會不類繩削

晚抵林柯

日落半天赤，風迴萬壑陰。石泉流凍月，竅火映疏林。徑僻初歸

鳥村喧未息，禽鄰家新釀熟。買醉滌塵襟。峭拔

晚歸有感。丙子歲已五月尚居村外

陰風斂日光，山迴天易夕。田家閉戶早，驅犢樹雞柵。匹馬踰層

岡，反照半邨赤。凍雪明樹杪，炊煙透籬壁。飢鳥解護巢，舊犬知

迎客去。歲入門時煖，湯熨顏色咫尺喚，不虞魂歸邨巷黑。得力杜陵

兼用吳已之長

贈馮魯川太守。志沂兼懷梅伯言先生時梅先生歿已十年矣

故交幕府傳詩句。汪芾庭會翁名姓俄驚得古人今日郡齋森

畫義瞻依何幸，隸州民訊來時事。愁無語老去文章妙，入神獨

向宣城溯衣盃。江關南望一沾巾。高清如古琴韻卓存日清言見骨邊

夏日飲田家有問新太守者代答

綠樹陰濃卓午筵，揮杯為述使君賢。居官無忝二千石，傳世還

期五百年。但使閭閻敦舊俗，不教囊篋有餘錢。紛紛說尹偏忘

倦邨外人歸，叫莫蟬。魯翁不愧詩氣格高渾

雨後再集包公祠

三家詩錄下

一四

西山新雨霽重訪，菱荷鄉野鷺閒秋。水澹夕陽篆碑多剝

落畫象，尙珍藏。明酒將吾敬，流風未敢忘。中含此典邊卓存日名句

魯川惠酒一鳴訊，菊花開未

重陽無雨菊開遲，手摘寒香三兩枝。宦況應同花事晚，秋懷聊

共酒人知。孤芳生性難諧俗，落葉閒庭愛賦詩。數畝山田荒種

秫翻勞瓢榼到東籬。君交魯翁詩格一變

桂山弟約沈石坪度地湖千宿，戴子瑞家用韵寄懷

空城羣動寂，夜氣散荒園。遙憶舟中侶，言尋湖上邨。雪光通月

色，風力坵冰痕。更放山陰權，攜尊徑造門。自然神到

中秋後一夕月食既方芷春。振沅歸自京師過飲談庚申事

天香深處問吳剛銀漢無聲夜未央
驚見蟾蜍相薄蝕恥教魑魅共爭光
霓裳易冷長生殿月戶難修七寶裝
醉倒荒園翻一哭瓊樓玉宇恨茫茫

沈著

晚過穎上

青黃楊柳葉初飛潑刺魚鮮出網肥
潮退人家棲敗葦城低樓堞隱斜暉
濛濛細雨連帆過杳杳長天獨鳥歸
淮甸於今燧燧息民風應悔昔年非

錢劉不遠

江行雜詠

初日破海雲殘月沈江霧舟子競解纜
人語喧瓜步金焦辨微茫欲別屢回顧
洪濤勢洶涌片帆疾飛渡纜指三茆峰
俄見樓

霞樹

狂飈挾山飛輕舟逆難上石瘦骨豈堅
潮落聲逾壯巉巖燕子磯浩浩黃天蕩
盧龍走蜿蜒掉尾爭相抗古今幾戰場
銅琶歌跌宕

愁踏青谿月醉黃白門酒園林淪廢墟
忠孝名不朽往時恣游燕話舊頻搔首
巍然翠微亭獨上馮闕久望古君莫哀
寄慨後人後

市湯貞感

木脫山容枯口澹江天小敗葦隱荒邨
孤雲送歸鳥濤春斷岸崩港絕緯路繞
近市聚人聲燈光山林表不見謝家山
長吟酌清醪

清醪清醪厚五言高選邊卓存日脫胎章柳取材鮑謙名家品味高不可躋矣

三家詩錄下

五

唐六如鍾道捕蟾劇

老蟾上天磔不死千年科斗鱗生子墨
水瀾翻巧化身引來種類托青紫努眼
睛腹作鼓吹終南山人間之喜已將蒲
劍斬公麼更借皮囊伸一指五月五日
桃花菴爛醉欄鴛呼不起戲塗金色鍊
汝形撒手妨鑽蟾窟裏

醫世之作並非馬坐

錢叔寶鍾道折棹圖

斗室光寒幻月魄鬼趣蕭然生素壁中
貌一人岸短幘戲咒花神驅鬼伯銅餅
汲水勤拂拭小語啾啾凍蛟脊朔風吹
衣花四市昂首掀髯笑頰索終南山下
萬木僵踏雪歸來尋舊宅霸橋經過莫
挪揄嚇倒苦吟驢背客

幽巽古澹

三家詩錄下

六

金冬心鍾道醉酒圖

華清宮中玉狸醉沈香亭醉豬龍媚
汝陽下殿左相辟賜舖五日三郎憤謫
仙市上眠飯類甘憔悴南山進士有心
人溷跡糟巨蒙面睡拚教一夢老金天
圖向人閒驅鬼魅

無字不道無語不鍊

奚鐵生鍾道擊磬圖

桃符換新鏡吹作萬戶千門競歡樂
移家小妹亦歸甯吉語喜隨清磬落
徒倚匡牀跳一腳自晒此身無住著
今年鬼國慶蕩平好為阿兄懸韋索
金鍾大鑄播韶護袍笏酬庸靡好爵
畫象終當媿慶閣

勁逸有味

燕子磯題壁

檣燕隨人認舊磯秋來楊柳尚依依孤亭倒影根疑動怪石臨
風勢欲飛十廟雞鳴埋蔓草六朝烏巷冷斜暉何時喚醒王孫
夢歸去營東守故扉不識字人亦知是天生好言語

大龍山下讀魯川光祥後集

洪濤黃塵撲面乾龍山日暮悲征鞍夢回草寺疏鐘殿門掩松
風半榻寒知已惟君偏地下挑燈展卷到夏蘭詞人廉吏終何
益身後妻孥一飯難徐諡甫日惟其意真故爾神境俱絕

喜毅甫晚至

荒園掃殘雪君忽叩柴關凍雀棲林晚涼蟻入戶閒年衰耽道
味語妙破愁顏塵世知音幾相期數往還莊惠之交忘言得契

三家詩錄下

七

雨中遣興

一丘一壑少經過同志何人共晤歌午倦拋書愁目竭晚飢強
飯倩脾磨嫩裘不煖寒猶厲老屋重新漏尚多底事小池難蓄
水綠楊未許醺輕波飯裘老屋所包者廣

小亭漫興

劫灰鍊就苦吟身喜怒焉能強徇人久已石頭防路滑西風起
處怕揚塵岸異

世事隨緣莫妄求小亭新構署三休東山晴翠西山雨醉把茅
柴日日游倚承

誰信吾生未有涯后闌種竹種栽花素交遠隔秋雲外閒眺荒

城數莫雅哀婉

已卯春日感事

縣魚解久廢鳴琴堂非古猶信瘦狗噬捷捷沐猴舞漁利競錐
刀跬步絆網罟雖云世議臨惟願國計補治道貴安穩表正誰
敢侮自來循良吏深念疲氓苦噫吁嘻荆榛刺眼手無斧說蹠
不行且諾虎拍肩裕之抗手伯溫

將出游題遺園壁

百年轉瞬一風鐙誓墓予生愧未能肝膽向誰彈短缺雲山有
約裏行騰檢來書卷愁無語捧到栢棧喚不鷹記否鮮民曾負
米江千重過淚沾膺顧脈清高氣淡穩

三家詩錄

文

臘酒香濃餞一后小園嬾別故遲遲隔谿凍菓含春意曬日霜

禽戀舊枝行李隨身無長物雜孫學語問歸期看子弄脚今還
健笑指門闌好護持洽洽七絃上

浦口敵臺送小軒北上

層巒倒影莫江開萬柳飛花卷雪來對此茫茫拚一醉問誰矯
矯出羣才道謀或有攻心法突曲潛消爛額災技劍狂歌仍故
我憂時惜別強登臺如奇鷹側翅厚空而下

轉餽三過竭誅求四海昏幸能寬履畝只合算牢盆會計元和
簿營田戊子屯司農天下本不致擾雞豚

薄營田戊子屯司農天下本不致擾雞豚

流涕金縢議朝廷詎乏人徒聞憂馬燧未敢信王倫獨斷歸明
聖中樞仗老臣上方能請劍正氣儼重伸

萬古腥羶俗何勞郡縣遷羈縻空有地混沌本無天漢網真疏
關周疆已渺緜但留飛將在牧馬敢窺邊

掌大西天土千年象教衰兵刑羅刹極劫運拂菻開吉貝當時
貢芙蓉偏地栽鐵門縱荒遠親見角端來詩奇句重是眞杜詩

四月四日劉省三周海輪招同薛慰農鴈於璞園

浪擲金錢買笑擗興酣肝膽鬱輪困老罷變色呼風漢雞燕伴

曠昵酒人小艸漫言無遠志名花聊伴不訾身更思馬上琵琶

語奪得燕支靖塞塵疏放景逸

王家詩錄下

五

哭董策三對廷主政

曾約春江汎短航別來消息兩茫茫秋風夢冷孟城路空灑貧

交淚幾行身琴欲碎風雨一時俱集

陰雨兼旬既晴復晦得俊侯江上書用少陵韻

寒氣侵簾襲睡味戀几席花朝春漸深泥痕凍未碧游雲尙棲

樹積雪猶被石初曦漏窗紅晚陰蔽天白野老抱杞憂發書手

欲斃地軸又翻新恐爲他人役在昔慎邊防何險以禦敵世路

日多岐艸莽敢自適鑄錯誤平生貢諛恥殘客吾願絕見聞聊

以永朝夕質厚似張燕公陳伯玉

獨酌

今時那有真好惡毀方涅白隨緣住酒食招邀浪結歡我獨逢

場甘卻步古懷抑塞徒自傷忽生芟角擗肝腸喙長三尺惟飲

酒眼前萬事母雌黃秋風卷地猛如虎落葉滿園人跡阻菊花

瘦放蟹螯肥踞石看雲醉起舞擊筑悲涼

寒夜

夜靜鐙光蓄窗虛冷氣侵雪明疏竹影月轉小亭陰宿火香罍

室鳴琴風過林陶然不成醉兀坐愛孤吟中有元化

秋夜三首用少陵韻

溼雲夜洗天宇高旨風撼樹聲翻濤衝霄赤萼生毛朝廷得

人庶事理占測底用憂吾曹

三家詩錄一

三

老屋敗牆蔕色古斷續寒蟲咽榛莽愁緒焚焚共誰數半規殘

月樹陰移露溼花枝墜疑雨

自笑吾廬別有天以篁爲壁菊爲田閒吟風月眞無邊怪哉此

物難世用著書擊壤歌堯年神骨俱古

除夕爲程尉題鍾馗燕蝠圖

努其目鞞其足頭飛蓬鬚插笏戟手提元鳥哆口呼紅蝠彼雖

貳寢羣魔伏邇來進士閑且都不能役鬼爲鬼奴或膺民社或

郎署十年坐致上大夫吁嗟乎鳳皇渴睡逢訓狐晨昏出入難

驅除老趙此日甘胡塗又出一奇唾盡盡飲

謁遠祖旺生公墓墓在巢湖南萬年埠公以宋室舊族元季變姓名耕釣調子明洪武初始入版籍

環翠嫩澹謂葛微君近結鄰萬年埠下艸如茵男耕女織都循分水
匡山盍好寄身椒酒迎神思漢臘桃源擇地辟秦人埋名甘作
魚鰕侶短碣誰題宋故民齊情骨幹冠絕時人

月夜登松風閣懷復堂

雪霽意適適園荒氣彌迴孤鴻喚長征羣雅栖未醒宿霧漲南
湖凍雲結西嶺月出萬緣宋閣小一燈炯幽篁自搖風殘菊猶
弄影閒中耽冷趣此境共誰領偶憶素心人冥坐虛堂靜寒疾
不可風未敢遽造請勢交多險熾勞生等贅癭繞徑行復卻據
石吟還嗷昨枉魯遽篇語妙味更永浩歌獨忘眠清光圓到頂
絕警

三家詩錄

三

送方子聽和仲修韻

柳條欲折轉難禁波漲肥津碧艸深垂老相逢逢又別春風省
識少年心唐賢三昧

積雨乍晴招陸蘭生吳華仙江潤生為餞春之會

圓禽破曉幽夢覺晴曦透窗兒上學曳履我亦強登山額面未
乾髮尚握筍香浥露錦脫綳花氣熏衣霧為幄入門碎語殊滑
稽食字誰信能充飢鹽醃屢斲貧乏米溼薪不耐炊屢屢離孫
挽鬢競號叫老奴俯首真蠶癡忽然仰天開笑口五銖仙童別
來久貂裘質金可貫酒拔劍割肉魚貫柳昨夜藏神已斗擲人
間萬事皆偶然路至窮時且倒走傳家舊物惟一瓊累世仕宦

囊無錢落落清名數百載結交宇內多英賢俯視董龍雞狗耳
渴羌詎肯嘗貪泉况復平生飽憂患不材之木矜天全君不見
蚌有珠兮象有齒至竟焚身甘啜外銀髓吸盡願難償滄海橫
流禍方始莊周妙喻悟養生李耳微言貴知止芳春行樂勿羞
貧儂指晨星今賸幾痛飲狂呼二三子翩然而來悠然而去奇氣噴薄得未曾有

重九仲修大令招集教弩臺

勝會頻年恨不多招提有約亟相過門迴落日雙峰影纓濯寒
泉一剎波荷鋪世難容我醉鳴琴誰解聽君歌浮生已醒春婆
夢願向蒲團面達摩


登臺四望鬱蒼蒼雉堞高籌雁陳翔佳日歡聯今舊雨清談定

三家詩錄

三

著晉唐裝龍蛇百戰銷塵劫師象千年選佛場手摘黃花歸去

晚仰天一笑月如霜文房眉山波瀾莫二



周

岑

龔

十

一

一

龔

嘉	吳
業	興
堂	劉
刊	氏

序

同岑集者鑄吾郡同人之詩舉景純贈太真異苔同岑之句以名其集者也憶余病且五年得景純故址小構一室顏曰是山晨花夕月撚鬚抱膝得句往往在有意無意之際而遠近以詩教者積帙充案因與同學偶語若羅吾苔雷開詩彙爲一集以寄臭味亦一快事夫詩自三百篇而下漢魏六朝三唐兩宋風調各殊體裁不一不暇遠引近如高揚張徐雄渾清越非雋永可味者歟一變而爲成弘臺閣之體懷麓首唱和者流易北地信陽洗發浣花之眉目非不居然卓絕也而正變雲擾譚者互有異同耶耶歷下好古力學起而乘之而希聲

李序

一嘉業堂校刊

掠影者亦復充滿天下竟陵矯以清深幽眇迨其末流不失之纖卽失之寂風騷之幟一子一奪如此總之靡縵相師性靈掩抑求其直舉胸懷獨妙間曠者幾人哉吾湖素稱清遠人皆瀟灑迂烈孤情絕炤與山水相暎發其所投詩或數日而得一什焉或一日而得數編焉大阮不器暨菊旃雲石輩不問寒暑爲之遴選詮次踰年而集成清音亮節洵可歌而可咏也江雲隴樹不隔相思對宇望衡猶存雅詠其間縱出處雲泥而臭味自同水乳寧無人焉各出性靈希景純之超逸追太真之裁鑒者乎當世子雲必有知予言之不妄者是山石嬾李令哲撰

輯同岑六則

及爾臭味異苔同岑出世用世兩不相謀亦何郭生之傾倒於温公也洵所謂交以淡成者歟此方哉影於菰蘆彼則蜚聲於霄漢爰奪異藻獨羨鴻冥載攬奇葩咸矜鳳翥但使韻諧金石何嫌跡判雲泥卷分十二擬先老成人目典型一郡乃瑤榭絡繹寓目紛紜或韶英之篇什先投或者碩之詠歌晚擲況復未邀警咳莫覲容儀縱欲約略歲年亦甚參錯難稽矣隨到隨梓何軒何輕孰後孰先未聞桓酌駟那遂遜邸廊齊魏

自乙未秋仲剛剛伊始兩更裘葛幸告成勞詎意甫

同例

錫琳耶玉樓趨召者若而人旋披珠玉板屋羈栖者又若而人痛人琴之永別悵形影之長離並載初編忍忘夙雅

一郡已分七邑一邑之中環聚城市者十之一散處村落山澤者十之九作者如林豈盡宿名之士不獨丰神莫接抑且姓字未諳或珠盈萬斛錦錯千端原不覺其有餘或光珍片羽味惜寸鱗未始見其不足至於屢托郵筒轉加什襲我懷子情願安得攜手一豁也母金玉爾音以寵刷刻跋子望之

景行方來作賓斯邑棲山枕谷郡史誌之若乃陂門餘不蚤招萬公於元始之年青笠綠簑筆牀茶竈往

來若雷問自此不絕於今賢豪輻輳唱和聯翩誰煮
 藜羹誰餐白石若非煙霞釣叟便是江湖散人敢借
 寓賢以垂斯集
 教外別傳不貴語言文字偶來茲土豈是買山到處
 不卽不離知他是凡是聖雲間自然散彩漫逐青黃
 月迴曾不矜秋肯隨音響請看半滿總是全提偶爾
 成文並無一字卽使去住莫定原自賓主歷然爰輯
 斯編不遺方外

同例

同岑集姓氏

一卷

嚴錫 歸安

嚴佳明 烏程

張鶴 烏程

張世美 烏程

張廷賓 烏程

韓昌箕 歸安

沈泓 德清

方大猷 烏程

孫爾玄 歸安

同姓氏

沈盾培 歸安

潘振 烏程

臧熹如 長興

沈謏 德清

潘嘉祉 安吉

二卷

陳謙 烏程

胡麒生 德清

唐達 德清

沈陶 德清

韋全祉 烏程

吳世濟 歸安

胡寧濂 歸安

唐一庚 歸安

邵龍 歸安

邵律 歸安

張廷憲 烏程

陳肇英 烏程

沈應旦 德清

沈鎔純 德清

沈象純 烏程

閔聲 烏程

閔及申 烏程

錢元覺 歸安

吳景凱 歸安

陳元堡 德清

陳延厚 烏程

吳景旭 歸安

陶鐸 烏程

趙胥灝 安吉

姚軒之 長興

嚴有毅 烏程

蔣麟徵 長興

周鳳儀 烏程

錢元龍 歸安

張夢鼎 長興

姚延著 烏程

潘中臨 安吉

張嘉 歸安

鍾人鏡 歸安

俞潢 烏程

沈宋圻 歸安

三卷

徐陵 長興

嚴榮 歸安

茅元銘 歸安

姚延啟 烏程

吳法 孝豐

陳泓 烏程

同姓氏

周斌 長興

閔浩 烏程

陳萃 烏程

稽旋 烏程

茅固 歸安

陳忱 烏程

閔畢成 烏程

董錫 烏程

唐鏞 德清

吳景先 歸安

董漢策 烏程

吳景雯 歸安

施之圻 烏程

李夏器 長興

四卷

徐行 歸安

沈彥章 烏程

金鏡 長興

吳允平 孝豐

孫伯炎 歸安

丁傳元 烏程

馮美玉 歸安

董說 烏程

凌宏禧 烏程

戴珩 烏程

韓玄起 歸安

錢价人 歸安

盧肇培 烏程

潘古琳 歸安

茅激 歸安

茅士龍 歸安

費煥 歸安

錢咳 歸安

唐靖 武康

李世賓 長興

費范 歸安

茅磨 歸安

高捷 烏程

姚景益 長興

李令哲 歸安

五卷

朱繼升 長興

張應纘 烏程

姚延服 烏程

嚴爾琮 歸安

唐元迪 烏程

張隴 歸安

沈祖孝 烏程

齊治 烏程

韋人龍 武康

章金牧 德清

吳楚 烏程

臧律 長興

溫春生 長興

凌義康 烏程

溫能夫 烏程

嚴願陵 歸安

嚴我斯 歸安

董靈預 烏程

施玉階 歸安

閔南仲 烏程

董衡 烏程

姚淳熙 歸安

同姓氏

丁 璵 長興

店貞 安吉

六卷

徐 倬 德清

錢元勳 歸安

沈隆卿 歸安

許 琪 烏程

張 漢 烏程

唐彥暉 烏程

王 召 烏程

凌森發 烏程

張 邁 烏程

戴 玫 烏程

沈懷心 武康

蔡詒來 德清

唐元樓 烏程

潘徵謙 烏程

姚清敏 歸安

錢續曾 歸安

茅 熙 歸安

臧 珏 長興

同姓氏

凌景熙 烏程

潘佳鼎 烏程

韓師德 烏程

周 原 烏程

茅必俊 歸安

臧 辰 長興

唐 深 歸安

吳 筠 歸安

潘時升 安吉

七卷

韋人鳳 武康

吳 閑 歸安

吳啟思 歸安

王端宗 烏程

嚴先珪 歸安

吳 銜 烏程

李祜熙 歸安

韋 甄 武康

金行遠 德清

李 嫻 歸安

費爾莊 烏程

李初燾 歸安

閔亥生 烏程

潘士弘 烏程

張鴻生 烏程

凌思勳 烏程

丁 珪 長興

姚清燾 烏程

臧基崧 長興

陸 澂 烏程

凌秉均 烏程

沈爾燦 烏程

董聞京 烏程

張 迥 烏程

吳 鷺 烏程

韓純玉 歸安

八卷

翁 燧 烏程

吳金昂 歸安

吳景鄴 歸安

胡啟佺 德清

同姓氏

臧正轡 長興

孫育堂 德清

周 知 德清

姚清焯 歸安

吳 光 歸安

唐 鴻 烏程

嚴啟隆 烏程

張 陟 歸安

唐彥敷 烏程

凌巖樞 烏程

胡 景 長興

張夢明 長興

董渠城 烏程

閔旦綱 烏程

顧潛初 歸安

沈允阜 烏程

吳啟佑 歸安

吳 洪 孝豐

姚延芳 歸安

孫逢時 歸安

費 挺 烏程

李樹森 長興

五

鄭康采	烏程	費均	歸安
吳映奎	歸安	凌容默	烏程
臧廷鑑	長興	陳豫	烏程
潘駿觀	安吉	周道仁	烏程
沈苕祥	德清	陳廷藻	烏程
張穎	歸安	李天策	長興
九卷			
沈峙	烏程	費景焯	烏程
施清	歸安	沈爾煥	烏程
吳磐	歸安	唐大為	歸安
閔祖開	烏程	姚激	烏程
同姓氏			
許瑛	烏程	張瞻	德清
陳驥	烏程	潘汝慧	歸安
楊宏	烏程	費圻廣	烏程
王儼思	孝豐	凌宗詰	烏程
姚琴	長興	王錫申	烏程
凌以逸	歸安	沈鍾堯	歸安
韓祗德	烏程	鮑耿	烏程
沈頰	烏程	邱衡	德清
吳繡	烏程	朱心	歸安
嚴有德	歸安	許延邵	武康
馮遵祖	歸安	陳瑗	歸安

潘文輔	歸安	王祚升	長興
王祚振	長興	温信	烏程
宋存	烏程	蔡四輔	烏程
胡公允	歸安	陳奕傳	烏程
沈鑿	歸安	陳之彪	歸安
董樵	烏程	陳後方	德清
陳奕表	烏程	楊度	歸安
李體錚	長興		
十卷			
張道岸	烏程	汪霖	歸安
吳國章	歸安	嚴整	烏程
同姓氏			
施星房	歸安	李元炅	歸安
施模	烏程	陳子英	烏程
楊啟明	歸安	吳景亶	歸安
潘廣福	歸安	顧元鎧	烏程
沈光胤	烏程	袁雲上	烏程
凌文然	烏程	陸象言	歸安
蔣英	長興	沈唐晉	武康
金漸皋	德清	姚涪起	歸安
錢志熙	歸安	董末	烏程
臧封	長興	沈曦卿	歸安
蔣苑	烏程	張安紘	烏程

丁 珩 <small>長興</small>	韓麟德 <small>烏程</small>
沈 迺 <small>德清</small>	吳肩燠 <small>歸安</small>
沈 熨 <small>烏程</small>	李 焜 <small>歸安</small>
郁公啟 <small>歸安</small>	尹 任 <small>歸安</small>
陳奕馨 <small>烏程</small>	溫重華 <small>烏程</small>
戴 猷 <small>烏程</small>	嚴肩肇 <small>烏程</small>
尹四維 <small>歸安</small>	王 棟 <small>孝豐</small>
俞 雋 <small>烏程</small>	凌一飛 <small>歸安</small>
潘開第 <small>歸安</small>	茅 栻 <small>歸安</small>
蔣明鳳 <small>長興</small>	朱 佐 <small>烏程</small>
李祜燕 <small>歸安</small>	

同姓氏

八

同岑集姓氏

寓公	郭奎先 <small>四川</small>
呂 潛 <small>四川</small>	潘立勳 <small>真定</small>
顏俊彥 <small>桐鄉</small>	魏 畊 <small>慈谿</small>
徐實挾 <small>華亭</small>	呂 泌 <small>四川</small>
欽 亶 <small>長洲</small>	程 尙 <small>休寧</small>
魏景禎 <small>慈谿</small>	李世俊 <small>錢唐</small>
張 肩 <small>吳江</small>	沈 虬 <small>吳江</small>
沈 捷 <small>錢唐</small>	錢本寧 <small>桐鄉</small>
錢 燦 <small>紹興</small>	陳 量 <small>桐鄉</small>
沈嘉詒 <small>錢唐</small>	
皇甫欽 <small>吳江</small>	劉 璽 <small>西安</small>
于 鑾 <small>金壇</small>	潘葉蘅 <small>慈谿</small>
陳世禎 <small>仁和</small>	繆徵尹 <small>仁和</small>
馮翼被 <small>慈谿</small>	胡鵬圖 <small>江西</small>
潘爾夔 <small>吳江</small>	于世準 <small>秀水</small>
卓天寅 <small>仁和</small>	沈肩呂 <small>慈谿</small>

同姓氏

九

同岑集姓氏

方外

道志 道峰

弘璐 雙髻峰

行岳 報恩

海源 道峰

本行 道峰

本儂 道峰

寂仁

普潤 蘇山

行泐 演教

同姓氏

寂桂 蘇山

淨慧 龍華

濟圓

行廣 資福

行學 正覺

行鑒 飛英

行雪 道峰

僧慕 道峰

成學

智瑛

德心

通秀 報恩

通隱

正晝 桃塢

路嶺 道峰

覺印

淨鑑 能仁

海行

通蔭

智源

淨斯 龍華

淨周 龍華

淨侶 資福

本堅 鴻禧

淨體 龍華

性月 道峰

海蓮

宗組

達乘

智水

德輿

十

超坤

眞常

等觀

海濟

顯慧

德器

明起 資福

智教

同姓氏

十一

同岑初集卷一

吳興叢書

雒城李夏器不器輯

茗東沈 頌輝嵌參

嚴錫充涵

擬古

人命若朝露難抵旭日光涼風悴林木秋氣凋蘭芳宿
莽在中洲獨能歷嚴霜天道苟與善禍福何茫茫

孫子長學憲輯天目兩山誌成有贈

不為尋幽賞懸知重討論西湖何派衍南渡幾山新弔
古興亡劇公餘翰墨親只將琴鶴意玄對水雲津

吳世濟 輯侯

同一

一嘉樂堂校刊

題費仲開松林圖

萬樹蒼松小結椽拋書屈脚日中眠黑甜穩處華胥夢
淒水風聲那許傳

帶溼枝枝滿笑煙濁醪不少杖頭錢茯苓斗大蒸成餅

猶有松梢露可研

嚴佳明 感遇

感懷

秋風振鷗鷺日與我同游薇蕨香且潔聊以薦晨羞昔
聞鸞與鶴自貴不妄投高翔寥廓外與道相周流神仙
不可遇天路空悠悠何如收玉羽且同凡鳥儔佳山千
萬歲白雲無時休

戲持一竿竹驅石為羣羊散走草樹內離離不成行揮
肱乃畢至多歧無所亡欲臥還為石青莎被嚴霜物偶
自變化吾懷聊與忘一笑子卿節徒零遼海旁

故鄉有殘月卻到客中明曉風吹不轉無以寄歸情春
水江湖闊客夢愁難越記得別家時花落悲嗚鳩客老
花又開還作幾年別

山居

嵐氣疊成屏落日當西壁江邊沙漱紅雲裏人家白
每飯斷枯桐以供竈下熟夜半北風生柴門擁殘葉
夜寒窗紙白魂搖如泛梗開窗月便來窗牀臥松影
丹霞生峰頂明月出澗底倒浸芙蓉花從天落秋水

同一

二

胡寧濂 君寧

雁字

雄飛壯志幾時休此日遨翔第一流宛在中央天若繪
依然雲表弋何收然犀貝錯潭心現瘞鶴貞珉水面浮
肯似鳧鷖無氣骨風波出沒任潮頭

張鶴冠日

和孫孟樸別兒詩

驚看石理迸紅絲繡黻文章在盛時玉筍成班推國表
蘭芽初茁稱家兒我歌我笑前朝史君作君刪本事詩
斷教生男拌學嫁懊儂也自被人嗤

唐一庚 日三

郡盟耆英九十者一人八十七者各數人思欲

附之慨然成詠

人世同逝波百感生遲暮維昔少壯時愧悔類紈袴不
甚惜居諸無計緩朝露肝腸化為茶頭顱皓如鷺搜集
諸耆英篤老期良晤耄耄止一人耆耄尙棋布又不任
龍鍾相過俱捷步念之為欣然遂欲綴其數小齒廁大
年若得松喬附因思前亂離辭世如脫兔途絕雞皮翁
室鮮僂背姬諸叟從何來飄飄矜杖屨雖為碩果存而
豈盡天賦能辭苦濁侵乃深靜者趣流離性自恬兵凶
體猶素忍辱受俗滓延生俟世寤鶴髮一羣游或作神
仙遇

同

家畜伏雌得六雛一夜理啗俱盡

國仁獸不噬維家則亦然主人無祥風字畜失其天昨
夜夜分節忽然雞遭孽奮翼若格鬪漸聽聲細竭促婢
起燭之大者項已折諸雛絕音塵氣哽面通熱惋鬱未
能散便欲張機振捕之以為羹庶使雞仇雪豺狼肆縱
橫狐狸竊吞齧天道何茫茫雷霆亦泯滅又思漏吞舟
鼠輩何屑屑飢兵方雲來弱肉憂更切低頭付長歎未
補殘籠缺

張世美 滌凡

碧湖晚酌 俱迴文

愁題舊葉紅浮水醉暈新楓晚帶霞游客幾回驚鶴唳

秋雲片影落帆斜

春日

花含宿露迷狂蝶柳拂輕煙凝靜風霞落映桃千嶂錦
月明空谷滿林風

涼生

涼生簟枕敲眠晝暑逼冰壺玉沁寒香送藕花風細細
白搖扇影月團團

邵 龍 滌岑

諾和尙過訪

山高木葉響天風門掩荒寒松菊中不是遠公誰剝啄
衲衣攜手看霜紅

同

門庭蕭瑟學安禪石火鐺中煮野泉問我孤懷何所似

一池寒月浸枯蓮

張廷賓 季賓

贈包涵虛

惟君高世意不厭客來煩坐我新花下時傾舊酒樽山
寒雲護寺水放月明村自識春風面無勞呼應門

宿淮遇下第諸公

故國層山遠淮河一水深風吹長捷足月照未歸心野
店楊花落斜橋燕子音同舟三十六都半洛陽吟

浙米逢春夕簷鐙響夜船夢魂皆望曉出處不同年人
挾餘香色箚藏褪表箋故人不可問小雨半垂簾

歸若

回橋支港叩噴門還許湖州有弟昆十里碧苔天在岸
一溪明月水依村比鄰問訊新行履老僕相扶舊酒樽
尙得居山無恙在素琴聊復破黃昏

六句寄二兄

作起新歡解舊愁夢回六十笑餘生既貧不復愁離亂
未死猶能見太平已識山花開滿路漸聞嘯鳥報殘更
明朝把酒放船去自誦春詩訪阿兄

留壻沈揆升家旬日出詩告別

中郎何事女爲郎況有方干詩句長季荀繞塋藁可點
薇花飄雨荳生香事從閒話增切怛人到衰年益感傷

同一

五

留我非無十日好老夫終是念家鄉

北兵駐牧維揚號王子者供帳甚盛作懷古詩

帝子秦宮接楚丘後庭花唱古揚州關門日鎖隋堤柳
汴水東行不肯流

邵 律 攝山

過皎然遺址

拄杖拖雲點燈斑寄游聊亦上禪關到來野鳥愁空雨
無數松風弔昔顏故事只今惟有枕感時終古一瑤山
西林夜月寧無恙猶憶寒花笑未還

美人展畫

閒攜玉軸引雙鬟遮莫煙雲萬里閒昨夜三更巫峽夢

依稀一座米家山

韓昌箕 仲弓

曹仍麓惠余酒米米匱以酒易米感歎久之

賢愚雖異等飢飽應無二所以晉淵明乞食無嫌避嗟
彼雖拙詞主人能解意豈惟多贈遺傾觴還極醉子匪
陶公才乃有陶公累何期老友曹斗粟見雙饋佐之以
樽酒命飲使熟寐陶也矢冥報予能無慚愧攜粟與樽
歸欣得非所冀兩日粟已空八口攢相企念惟樽尙存
沽之易糗糲自歎不及陶卽此相懸跋翹葉既無緣何
如戒杯解

虛白道人爲余寫老梅瘦石圖失之二十年忽於

同一

六

駭度姪齋頭見之率成短歌

高士山中冒雪來支離斜倚石崔嵬韻冷心貞骨且傲
予挹其香肅其貌乃求妙手託素毫虛白道人來相遭
搖筆運腕精神出高士儼然入我室相對無言鄙吝消
道義之交期久要何意兵戈中閒隔有如流落他鄉客
一朝重遇笑顏開展玩咨嗟更可哀人生聚散亦如此
達者視之良已矣

送李小有

堪嗟道喪莫彈冠交籍凋零閣已殘屈指年華驚老少
撫心家國強悲歡爲期後日逢非易愈惜今朝別更難
此去一江秋水隔停雲落月思漫漫

喜于御君至

時危無復問平安滿眼風波去住難江上青山聊自隱
鬢邊白雪兩相看百年空抱王孫餓一見誰憐范叔寒
今日逢君如隔世樽前細語盡悲歡

張廷憲 四心

一子

一子不多戀亦非竟弗願安保盡素心餘年隨人度記
得龍溪語目前止一步

遲諸廣文苦雨長短句

廣文先生寒徹骨寒食相邀桃李窟三日禁煙寒氣鬱
勃南山有雷殷殷不肯歇詰朝約取在虞淵爲我語風

同

七

伯掣去陰雲晴光發越一傾三百杯醉後大言伊輩雄
杰無端相困蕭蕭髮挹兒觥酬老蒼老蒼悶然領首曰
余該從罰補汝老壽不爲屈

思季賓弟時季方注李長者華嚴論

尺五山前地于今月再初朝昏思一見爾我正相如不
策支離步安窺長者書恨茲疑道力日落竟躊躕

沈 泓 弘源

贈清水庵明公

禪寂問何處多應住澗西是經皆廢紙無壁可留泥賣
藥還尋草爲農復抱犁衲衣嘗自補愛爾樂雲棲

捲簾

湘竹作朱簾煙光時若結白雲自在還去天不容髮

送遠上人之徑山

一著僧衣百慮忘閉門深坐掩胡牀春寒二月花爲雨
消受溪山舊草堂

陳肇英 止宜

窮途失路之人五十九而生子命之曰來遲

嗟汝來何遲累深已難支行年陸屈者往事概如斯田
園墜二伯僮僕愁三四黃馘老澗滌青氈離榻次一寒
已沁骨殃厄且逆至少年日怡牀老夫盡瘁茲竊歎靡
草秋雕萎應若榴豈期枯楊枝欲孽不擇時更嗟失路
人骨肉多離斃種瓜子半摘插秧禾未穡前汝七舉雄

同

八

三殤一殪折存者歲參差方愁釜不熟汝來豈無因何
不先一匝鐙銷人散後主倦應懟客客至不可期樽空
難再設若云責逋來汝看井中滌

爾揚姪初度以酒命子憶坡公贈友之句

嗟我與君同甲子五十九年窮不死君休文戰我在田
兩人心事同一止回頭憶得十年前一止再止今如此
揚不在先止不後宣尼應許爲知恥謝豹化蟲足覆面
吾今齒馬手掩背布衾未穩五更眠褐衣猶慮三加襦
惟茲片晷幸陶然杯酒澆胸口一哂

上路山齋答臧敷青贈韻

寥落秋風幸地偏寤言猶捧頤人篇餌貪幸未師魚鳥

歲詠將將被管絃壇石無堅硬者是叢花有韻統爲先
送君歸去歌南浦蒨業墳頭鹿尙眠

方大猷 磨升

祝征西將士

生來射獵慣乘馭吹徧春原夜月笳燕趙少年甘許國
嫖姚老將肯成家旗懸太白雲端掣鼓倩豐隆天半搗
七載楊公三十萬會教八日化蟲沙

登泰山

勿驚匹練見姑蘇帶華連衡未足迂俯去直將埋地盡
敲時端欲倩雲扶小煩瘞玉來天子遠薄封松列大夫
從此登臨空宇內十年塵胃一朝驅

同

九

抹畫人閒小洞天峰峰色鬪蒼妍不緣呼吸能通帝
何自雪封欲望仙水絡珠簾春雨後馬迴丹嶺曉雲邊
臥游試問藏圖者得似扶筇好日

歸興

丁家寨下大河流十四年前登此樓人面桃花芳訊杳
宦情蕉葉夢魂收聽殘賊浪羣峰夕閱盡浮雲萬籟秋
回首更無榮念處江南游子望揚州

沈應旦 方平

九日眺乾元山

老山若高士羣從當鬚眉娟秀在神理區區臺榭爲杪
秋百無事人與山更宜歡然兩弟姪不期相肩隨理策

僅咫尺蜿蜒山之隈木葉下種種女貞子纍纍靜質耐
紅紫安容俗手施林觀氣微溼振衣千仞危溪腰折如
字城甕手可規遙青數重出百里猶透遲家人昇籃至
斗酒搖濁泥野火炊菰米白日冷蹲鴟聊以竟游力豈
爲飲食卑長弔織簾士捫齋讀荒碑呼之不可出高意
良在茲

題扇頭美人照水

碧落吹異香芬華何藥藥玲瓏金步搖翠袖如雲靡豈
能籍人閒綽約溯流水抱琴不可彈恐泣鮫人起須臾
清風至漣漪出仙姊妙質竟比偷衣裳渾欲爾美人發
微妒巧笑伴作喜步窄勢已前相去尺有咫展然神影

同

十

合一照無彼此白雲彌蒼波旋障彼妹子獨立何停停
絕代方足恃此意合無窮矯癡不容擬誰能發秘心寫
入懷袖裏

古金蓮庵品泉

好山何必深所深在林麓空桑鳴春蟲細草纖如穀興
狎展齒柔氣融游袂馥延表數武閒疏籬出茆屋此屋
無簷牙四圍但修竹亭亭午露尙冷膚寸雲爲族老僧八
旬逾視履猶粥粥瓶湯頰白香三嗽通旨蓄問水所從
來引我照泉谷泉根不知處泉罅不盈掬飲者恆於斯
挈挈如轉轆選名稱金蓮曾向梵書讀余笑謂老僧貴
豈名所錄眾敢我亦咀神理不相驚猶媿呼吸浮未能

樞幽獨還攜襪被來與子謀信宿龜對古先生團蕉雙
眼目夜半起經行煮泉或當熟更無多品題聽松風謾
謾

宿以日弟西齋

踞蹠愁無奇荒齋入暮探避人宜小飲憐我莫深談短
燭寒猶耐茆牀穩亦堪木樨花已落微有夜香含

放生庵

結室不盈咫全依竹色深宛然具丘壑忽自改晴陰石
有聽經耳魚無報德心玄真尚多事幸爾只躡泮

病中

藥可呼兒覓花仍隔檻開但留雙眼在復遣百愁灰便

同

作頑仙得誰貪老健來莫教扶杖出種種不堪裁

城居漫興

渾無怪事可書空公道春風委巷同欲自誇詩央老嫗
問誰貽酒諱鄰翁樓虛嫩月生眉處人淡清溪倒影中
應笑鑿坏猶未穩蓬蒿一徑女牆東

與仲永言懷

和樂宜兄老更憐憑陵只合在詩篇漫將高隱文吾賤
直到奇窮媿汝賢何似小山曾歷宦卻依輞水愛逃禪
而今把酒誰先醉仍向羲皇作比肩

讀峨翁先生初夏詩倚韻

春風昨夜已無多幽谷其如黃鳥何人自十年悲汗漫

天仍四月養清和重游不是桃花客已逝空傳麥秀歌
未許樵青誇賜典儘容官笠荷漁蓑

蔡吉人書屋

好山供奉讀書堂繞郭支簷面面當簾控坐移官閣影
牀虛眠帶女蘿香花無幾曲仍雞犬竹有千竿自鳳凰
何處炎歊何處雨綠天長浸翠微廊

社集詩步方虎韻

同人風采自妍和未許橫吹雜佩珂古字乍經蒼史勒
新篇應付雪兒歌當杯莫袖紅螯手把釣長寒白鷺蓑
石爛大荒猶可鍊牛衣數問夜如何

公業眉山別業

同

秋山解意抱門斜卻到門看一水涯老病入林窺棗栗
清饒倚檻問魚蝦田應滅穉留杭種書漸臨蘇入米家
欲叩平安惟有竹寧論他事復如麻

寇至弘源姪婦殉水詩以哀之

夫子長貧歲復荒嫁時裙布已凋傷甘泉烽火忽連夕
矮屋糟糠肯下堂願以素絲貞苦節誰爲黃絹寫幽芳
牆東野老吞聲處晚眺衡門一水香

學畫漫題

若雲溪邊灑畫船無多粉本百千錢怪來眼底真山出
抹卻王維舊輞川

孫珥玄 君斐

題金陵故宮舊香

金掌淒風泣銅壺曙色愁
淩煙輪往烈收燼失今謀
蕪芷歸湘客椒蘭覓故侯
三秋誰復采炙手誤薰猶

挽陸大行鯤庭

江上飛沙隕玉芝兩京連陷浙城危
驚聞兩泣降王壁
御誦霜淒斷岳碑三窟有人延石勒
一抔無樹接要離
更誰爲纂弘光錄淚拾行人絕命辭

沈鎔純

感悼

夜來鍼巧指纖纖仕女傳看意未厭
自入貧家病龜手
繡窗花譜未曾拈

沈角培

不器李郎納姬長安投贈索醉

燕市春深午夢驚何來玉女步盈盈
漢臯珠佩尋常事
悔卻從前賦定情

冥冥雨洗三春暮怯怯風搖四月天
不信芙蓉開此日
御溝柳下一枝鮮

李郎自納姬後無從半面同木叔嘲之

到得妝成日欲斜
鬢髮學堆鴉釵梁壓處多斟酌
不覺低飛鏡裏花
半是嬌癡半是醺
凭闌不解石榴裙
幾回夢嚙頻呼醒
只恐飛空散作雲

沈象純

春暮時猶撫牀而
賤降適及

一枕託煙雲音塵靜不聞
長貧無負郭多病怯談文學
與禽魚適思隨鹿豕羣
忽然驚歲月已及暮春分
我已耽牀久猶能問舊顏
疑玄疑白際一壑一丘閒
馬齒依然長鶯花對日閒
春風幸尙及雅志在高山
秋暮借弘載弟入山輿中作

潘振

硯田

步怯轉依肩殘曛照亦妍
禾黃屑潑浪松翠老摩天
磊石圯猶穩空山斷復連
隔溪尋古寺不覺晚峰前

同

長說貧儒仗研豐田堪作硯
筆耕工桔槔不復瞻雲北
杼軸寧憂賦大東地接太湖無瘠土
農連比屋盡堪封
新禾萬井秋來翠白黍黃雞處處同
競誇稅產費多金總是貪癡滅道心
但祝籌車能滿願
已登穀玉定開襟呼雞添得朝來粟
飽鶴新看子在陰
不似顏公曾乞米
菰田多熟釀堪斟
坐玉柱降下

羣仙鋸石削方屏留得瑤林一片青
豈屑玲瓏供几案
獨凌杳靄入蒼冥
點頭欲解生公法
望氣渾侵漢使星
峰頂吹笙元不少
松杉影裏並雲耕
賦得人日題詩寄草堂

春來人日最關情七種辛盤取次生入夜雨聲纔浙瀝
到窗曙色弄空明參星在戶占燈放街鼓猶聞達旦鳴
獨坐草堂吟未就梅花無賴太縱橫

登半郭樓得秋字

撥悶無如上小樓煙林一帶逗新秋才經七夕天河到
又見雙星白露流下榻蓬蒿開蔣徑結廬人境待羊求
據梧高咏銷長日誰破蒼苔伴我幽

祝閨樓成寄右安家仲

百年難遇兩端陽疊際龍分肇未央霜鬢如絲凡六六
蒲厄爲壽恰雙雙堂開祝閨南薰爽地接觀濠北郭涼
自是登樓饒作賦更因春草夢池塘

同

閨聲駁有

築室偶成

翦草搆數椽僅可蔽風雨苔色印空階柳陰覆蒼渚
彼高岡松拾此井上李綠疇好風來披襟聊容與蕭然
一枝棲優游甘沒齒好鳥能知音名花稱解語疇爲忘
形交大兒孔文學

初度偶作

青鏡羞眉宇黃金笑劍華心驚忙日月眼看舊煙霞
衣薄蘆爲絮霜清樹不花請攜元亮酒同種邵平瓜

只合居山好

只合居山好幽棲夢亦狂掬泉聊當酒煮石以爲糧
衣

薄朝曦暖寒深草簟香開扉無客到落葉在藤牀

幽憤

百城南面坐難安青眼休將世事看花鳥多情驚劍鏢
文章有命付毫端宮中原不崇高髻野外于今盡鷓冠
閒向山中翻味譜羞令薇蕨佐清餐

美人撫琴圖

蕉陰初度曲聲新爲愛清風不起塵莫笑相如絃上冷
聽琴今作撫琴人

臧熹如文蔚

猶子對四十臣虎先生錫之名篇因書簡末

同

去

祖德日以遠誰復秉禮義之子素心人不爲軒冕累執
雖善持下守默葆天倪四十希不惑反照同然犀吾聞
呂真人功在存神耳滴滴似珠貫縣縣若流水調息得
歸根潛飛豈易處倘能學向平放腳五嶽去

春霽

風止復生雨不知春日和況於滯疾人孳斂尤苦多朝
來聽鶯語琅琅向雨柯啟戶還四望輕雲歸山阿山
如刷黛百里若星羅天空日色正魚戲水微波新綠澹
眉宇筋骨良傴傴豈云已捐俗真氣豁沈疴

過法華寺贈廓游

策杖攜□侶重尋白雀期到門山似削入座徑偏夷客
舍峨眉子僧來雁宕師天台有真境還笑石公癡

送余君卜還江州

結交卑薄俗然諾輕黃金分手非無淚應懷壯士心

鄭超宗招麗人黎倩鐙集同賦卅江鐙詞

鐙火邗關帶夕陽女郎結伴鬪新妝數聲落雁留君住
莫使輕裘著曉霜

火樹銀花徹曉天家家歌舞度年年莫嫌久客囊如洗
尚有纏頭錦十千

苦雨

春雨絲絲春草滑回溪激石聲相薄山深竹密客到稀
巖畔梅花自開落

閔及申 生甫

同

七

淞子淵聲攜詩見示追念尊人茗柯感慰兼懷用

題簡末

弱齡從吾兄俯仰三十年音容儼可卽把袂永無緣夫
君鍾特秀澄思靜于淵惠馬肯顧我芳韻藹幽蘭標義
乃孤絕會心希淡先貽我一編詩泠泠深夜絃時風競
妖嬈何人儀古顏期君敦夙尚撫卷涕潸然

西湖泣柳

湖光咫尺堪愁絕望望煙波花似雪枝枝柳色想當年
有客孤懷獨泣然畫船蕭鼓彼一日塵飛沙冥茲安極
濯濯風姿自不禁銅駝紫陌應難識歲序崢嶸不可親
榛莽盈途秋復春青疇白石便今古好去蒼茫莫問津

只合山居好

只合山居好崔魏亦可耕雲根分乙乙風馴布庚庚譜
稽終年月觀時養性情濁醪聊共夕里曲和田更

醉芙蓉

古渡微波際遙原夕照時淺深霞共媚遠近露含姿瘦
綠如相倚酣紅不禁吹那堪回首望浦月寄涼思

冬青花

皚皚飛花照冰雪虬根屈曲棲孤魄碧魂夜半繞荒丘
蟄龍乍醒寒崖裂一片兩片寥天月點點滴滴貞士血
簞鐙訪玉砂磧中鬼火青熒伴行跡朔風慘淡霧蒼茫
冬青凋實無人識吁嗟乎秦淮之南趙之北觀闕崔嵬

同

六

時白日黃塵漠漠覆三山舉世誰能尋禹穴

竹枝詞

竹枝江湖之謳吟也楊鐵仙輩假以寫豔思余有深
悲蓄之數年而不忍涉筆偶拈此題用替泣血牢落
無次雜寓所懷他日畸士庶知余心

凌茗柯

浮玉遺蹤忍更尋西泠渡口古祠深秋風千騎胡笳鬧
寂歷斜陽罩柳陰

劉念臺

孤心獨往采薇歌尊茶雖甘奈若何鐵石平生終古勁
寒風烈烈嶺峩峩 北時渡西陵不食數日死

朱未孩張玉筇

一酌寒流慟古祠幽懷千載激貞期文山再世何人弔
黯淡蘭江寄暮思

李懋明萬吉人揭萬年

扁舟破浪溯桐陽突兀高標白鷺岡慚媿南州數君子
分持生死繫興亡白鷺岡吉州講學之所

黃石齋金正希温寶忠

桐君石壁倚天高鑿鑿危湍不受篙一棹新安五百里
忠魂浙瀝怒商飈三公死事新安

徐九一

涼波淼淼石湖湄短髮長纓媿此時天祿髯仙難再觀
同

一船明月侶冰夷乙酉秋自沈石湖

沈 謏著椒

乙未漫興

家世本農家東臯穡事加逢年屬天幸得歲不求奢
黑諸田叟殷闢聽狹邪空疏非自分吾志在雲霞
天問旨何如無才且校書病如天假我嬾或世忘余結
撰酬家學勤勞補逸居一人知不恨莫似仲翔歟

求友

人生有微尙况復在明夷吾自愛吾鼎人言守若雌短
長處士橫得失志林欺惟爾知予者空齋梅影敲

卽山草堂

入山恐不深深山閉門是版屋閒短垣古之石戶氏

林次厓

交南郡縣武功揚小吏欽舟組繫長國論懷安忘遠略
中原冠帶結椎鄉

朱秋厓

溟海揚波島寇來朱門囊橐暗胚胎禁嚴市舶鯨鯢靜
廷尉山頭絕命哀

曾石塘

朔方河外受降城牧馬長驅馬甸驚三駕埽除如帶奠
王師未出獄先成三公多有言其失策者然林止罷官一腔熱血灑向何地也

錢元覺悟卿

同

結客少年場

翩翩游冶子白馬出長楸寶雕金勒鞍雙帶佩兩鈎春
明桃李開香風滿道正朝登平原津暮宿南陌頭燕姬
爲我笑胡雛爲我愁挾彈彈黃雀黃雀聲啾啾微物尙
銜恩何況君子儔出門別妻子慷慨談封侯絲來七尺
輕杯酒仇庸流退讓吳季札敢往魯仲由要當拯斯民
何用身家謀盜跖居人閒恥爲朱郭羞

烏棲曲

瞳瞳光照紅綠絲是妾瀉水朝妝時玉鋪翠幌搖麝面
輕綃長袖從風便

宛轉橋通轆轤井銀瓶汲水愁素綆相思相寄數行書
江漢迢迢雙鯉魚

勵志詩

時不我與日月其馳攬衣晨興恫焉深思鴉鳥忽徂商
飄旋吹感物靡恆悲吳天不試如作之則月盈
而虧晷午必經緯成織匪可坐須胡不力
飭先民有言毋縱厥志嬉逸業荒怠忽行墜砂礫蒙金
稗蕪亂穗雖有良駒自失其轡義爲大路仁爲安宅竊
怯不前裹足自畫慎選爾術益弘爾責蒲柳春姿後凋
松柏梓慶鏤削視驚鬼神疴僕承掇楸株其身小道尙
爾矧伊經綸再磨再琢以陶以甄雷可穿石繩爲木鋸

同

三

範我馳驅鞭後善慮飽德醉酒嘉謨廣譽暮四朝二名
實虧徂行者常至爲者常成方剛之力實畏後生四十
五十不立修名籟兮籟兮頌此秋聲

擬古

巢鳥有還翼逝水靡停期踟躕萬里心杳杳車行時遵
彼道路歧緩帶縈雙垂馬嘶方悲愴蟬鳴更參差深閨
懷明瑄顧影知憐誰君行如飄風妾心如素絲飄風那
可極素絲終自持何以慰微末夢魂常旅羈

采松花叟

前山何委蛇冠山何軒翥兩山夾磴盤一徑入幽去千
株復萬株松花黃滿樹有叟杖蹒蹒攜籃掇花露曬粉

□爲精蒸糕勝節餽朝暮任樞茹山靈不徵賦春綻紅
桃繁秋霜飽寒蕘口腹得充怡官府無深懼嘉哉老叟
言令我生欣慕了古賢達觀引養在恬素山叟行去人
松風動迴處

寄盧止椒松滋

豎儒喪垂翻誰復憐奧博艱澀短胸氣妻奴舉稱惡有
僕力驅馳有媛殫紡絡日稽月核程作苦彌淒約華澤
一朝承感往今生作景意亮非誣高明洞籌度故劔不
深求愁眉慘空閣翼翼舊伺愚聞瘡抱怒索疇昔厚風
俗咤悼吳趨薄親暱竟濡遲朋好將遼廓君情允肫肫
余言倘諤諤內食恆鄙人取裁在藜藿

同

三

春游古意

野色春游好天桃亂水西光風吹去緩暖草坐來低寶
奩并州客高樓蕩子妻柳條頻繫馬塵起半香泥

草閣爲冠日主人賦

荒畔一弓地寥蕭空爾思雨多春草亂晴發柳絲垂北
郭沈煙杵南山足羽儀風波時可過漂泊夜深疑

桑苧園

苧翁遁跡少城阿鈴鐸聲寒愴遠多老鶴圯巢深寺鎖
荒臺秋草夕陽過閒棲不自嫌趨走負褐眞能動浩歌
苦憶昔人傷感處浪傳南國有嘉禾

下菰城

黃歇當年身易主至今封邑有餘榮繡圍寒谷嘯空鳥
樹繞濃煙溼古城雲物依然似楚國江山何處著朱英
可憐珠履紛紜者誰爲春申一劍橫

寄沈天股

子房狀貌空好女泗水悠悠誰復情時對西風悲尺鐵
每爲衰寢泣長庚黯然吾道寒無色卓爾雲山臘放晴
心事未酬愴悅去橋鄉留局待昇平

登城東大悲閣

作客都無與世情入雲高閣迴爲盟萬家浮甕暮煙合
一目到荒衰草平素練裊風開別墅藻川橫日漾孤城
攬衣淅瀝峭寒迫四顧塊然勞我生

同

送韋劍威開游

別路知何許秋風思鬱然離歌聲正發黃葉墮樽前
落日盛寒色空山號夜除猶堪納圯履不上說秦書

潘嘉祉 右安

冬日課蒔菜

孟冬寒氣至草木歸其壤墮穽成閉塞露霖亦云養種
蔬時非後及此土膏泱帶雨欣荷鋤濁醪我童獎蕃息
雖自天糞治人工仰東坡固瘠地東臯乃隔港況此十
年荒地力尤自養晚看菜根疏曉看菜甲長鄰翁向我
笑場圃豈易做吾自解吾意葵藿無難享

秋懷擬古

淒雁橫水天萬里作冥秋愁人迷相思直視孤煙浮忽
逢同心友豁以清白眸識曲聽其真回嘯風颼颼長桑
曉洞視五臟無全牛肝膽不楚越締綈亦衾裯霜淨天
地古氣肅山河遒方朔稱歲星無乃適來投談笑倏然
散黃濤禾黍稠

若輩何喧喧我懷何漫漫信陵空涵飲武侯詎能飯學
堂日無事翻書聊肆歎茫茫強出門草滿不能剗還歸
闕文史文史愈漫漶陳跡渺自靈耕莘聊共勸秋菰莽
若牽秋芹竟誰獻丈夫意何在乃在秋風怨

看鍊鋤鈔歌

城南勸耕無魯公火獵只向山頭紅虹蛻落空燎原野
若雲非雲排西東村邊老翁爲余說中男從軍五年別
脫鋤買刀出外郊割盡穗芒水草絕余歎謂翁此不然
輿人每每誦原田五兵害重五穀死土物能令生氣全
黃中通理自合漠土德金功有閒作黑氣清風蕩漸消
一易再易無穢惡由來鼎氣莫虛歆范金厝火會堅牢
丁丁嗑嗑鋤野蒿擊壤未教土著逃輟耕歎息亦奇豪
勿信秦人阮翁仲鑄金纔得鎮臨洮

讀庾開府千年水未清一代人先改有述

征馬噪金珂嫖姚帶隔河文章南渡少書奏北歸多煙
霧客如寄風塵主在羅與君如昨日海燕叫嘗過
何事怨清樽驅車望國門機忘千日泮情至一時煩白

同

西

日行天速黃河徹地渾昔年掩袂處原不俟多言

和雪帷師來韻并申短願

及爾娛遲暮棲棲亦可栖楓丹雲未暗月小岸能低摩
詰遺前宅香山紀舊題從來會解脫此度敢重迷

古意

憶昔雙鬢日初窺百尺樓嘗嗤張博望還倚富平侯地
沃魚爲菜山芳桂作標告身總乘傳腐子盡衣緞椰葉
四荒護梅花五嶺留明珠尉佗國翠羽夜郎洲君父恩
勝海年華美若榴豈知盛易歇偏覺樂增憂莫趁劉琨
笛難修傳說舟文章寧取副京國竟如郵孤客今長夜
黑衣新白頭屢空疑地肺殘帙碎天球茆屋牽蘿補銀

同

五

鉅借月浮清羸本多疾遲暮況逢秋畏壘行猶苦風波
靜可休請量東溟水較比淺深愁

秋夜不寐念嗣宗

數畝方塘凭碧綾湖洄宛在欲憑陵芙蓉葉上應聽露
蟋蟀聲中忍對燈百歲希逢傾蓋客廿年仍隔白頭僧
那知秋氣偏能早得見新來雁字曾

摘文山句得咄咄雁書空

也道如虹氣未除南音仍候北天餘豈知禿節旄頭老
此後無從看帛書

同岑初集卷二

菰城李令哲端木輯

餘不沈應且方平參

陳謙位存

張僧持見訪答贈

栖山近十載野性成丘壑但見山中人太古心未琢經
濟在農圃名根久脫落君來款柴門驚喜到猿鶴花陰
入座閒橫襟各有託不媿夙昔聞吟餘抱真樂風雅性
情事于茲可商度徵及我同岑屈指標大略惟伊二三
子晨夕許共索亡友曰丁韓指生白素心照冥漠所幸
詩尙存猶堪剖其璞相期寄知音芳蘭共斟酌知音冰
雪懷冷冷吐淵嶽出雲千里餘去天仍一握因知吾道
寬玄黃靡所著云何瑣瑣輩漫自布謠詠展卷挾清風
濫竽都掃卻

譚服膺使君以半月泉詩見示隨答兼寄令兄友

夏

胸不具丘壑難以入山水往往當境失縱逝若雲駛是
惟見道人心清得孤特舍輿穿筠檜探泉悟泉始光開
納羣象疏濬寫形似物理恆忌全居半良有以疇其領
斯要曰君與伯子君來令餘不探勝猶閱士伯仍在瀟
湘寄尋應及此耳目所履歷寧復分遐邇忽思二漾聞
吾湖夾山草宿二蒼茫混起止肆泛情乃移譜情非藉
漾友夏曾賞之

指馳語問寒河夢落河聲裏

寄潘天行

殘凍結春寒東風豁新霽良友揖河涓鷺顧疑隔世一
笑拂蒼髯高譚入真契我鏡閱人煙動靜有分際守拙
匪學夷求工匪學惠養氣十餘年內視忘根蒂桃花發
空山相期事修禊

友人見訪同過袁莊喜遇孫鍊師

初隱必依山住久忘山好荒徑絕逢迎客到驚啼鳥柴
門仍自扁散步池上草相攜度西岡塢影來松表密竹
覆幽居石壁雲根窅溝澗路迴轉漸入思蓬島況有長
髯翁云向此投老淵心藏樸訥內景殊浩浩笑余聰慧

浮菟玄何不蚤務春鬪菁華豈若秋畦稻瞿然悔昨非
鐘聲動縹緲

方屏山懷古

山爲蘇學士舊游地一名學士山余別業在其

下

枕湖列層岑蔥鬱聚雲族出郭纔三里方舟漸通麓曾
邀昔賢賞名勝皆可錄雙峰夾亭榭崇阜富杉竹日月
邊其旁歲久空殘築我家世結鄰數椽依古木懷欽索
遺址半與松根伏碑缺篆無存揣文須穆卜坡仙豈遂
往或寓幽人屋據梧緬高風秋陰吹蕭蕭

月下聽友人彈梅花操

月中萬象涵空深月下忽作淒清音首隨飄引交寒卉
吹入羅浮何處尋一片孤雲覆茆屋忽墮聲邊陰肅肅
山高溪邃響不歸遙隨月影留虛谷春園三月梅無花
聊借絲桐發素葩開落疑在須臾閒絃上指下如紛拏
有時松濤竹浪互相起與我徘徊暗香疏影裏

曉聞鄰翁撲稻

薄收無可補老力用辛勤穀散防鼯鼠場寬護野雲稻
牀聲斷續茆屋語紛紜嬾客猶高臥呼兒問酒勛

同施玄曠翁西帆集雨花禪室兼晨賦得貧中會
聚難

飄零隨所歷良友各天涯晨夕偶然共溪山到處佳看

同

三

雲浮素氣得月澹名花雅集應珍重歸心聊自賒

邀僧持過集話別

春歸萬樹綠雅集愛幽清山水相關處登臨不負名驪
歌當夜月客思滿江城此際應難別因知別後情

寄懷唐于野讀書棲霞寺

自君舟發後無夢不棲霞山遠青何極江空白一涯著
書閒入道得句靜看花此樂堪持贈隨雲寄到家

雁歸聲

秋空盪雲海肅羽掠孤村庭際一聲落天涯何處存淺
風頻繼響穿月不留痕曾念長征戍歸途隔雁門

過南郭舊址追感

今古忽殊局滄桑純用天草垂蛛網厚石覆鹿場偏青
火頽垣下黃雲荒渚邊偶來一放步行邁共誰憐

下菰城懷古

春申舊壘下菰城霸業煙銷感慨生木落無邊迷古道
笳吹何處動秋聲傷心戰伐三吳地浪語英雄六國兵
踞石傾樽忘歲晚醉看月色滿柴荆

懷淨土詩

大漠荒荒畏蚤寒沙塵易上黑貂冠行隨鞠草尋周道
倦倚淒風訊楚蘭潔淨江山愁裏憶蕭閒天地夢中看
西方彼美今何在幾度焚香入夜殘

古藤橋

同

四

石橋隱蒼藤倒影搖江澗問藤何年生白雲曾記取

別友

月出潮生江倒流別離無奈又逢秋吳江楓葉紅千樹
一夜隨風滿客舟

南湖口號

烏衣公子效時粧躍馬爭驅十錦塘錯認健兒傳出獵
道途驚詫避倉皇

城裏牛羊蚤出郊桑麻不幸近蓬萊牧人也仗將軍勢
那許吳儂土語嘲

吳景凱舜俞

子夜歌

念子情的的視歡轉落落積雪語融冰我厚汝何薄

懊儂歌

願作烏白鳥視郎他宿時噫令夜頓曉

黃葉染三葛慊慊顏色苦只為汝疏闊

荳架

種荳臨窗北青青日已滋折蘆平作格引蔓曲成絲寂

寞親農圃艱難感歲時盤飧終賴是蟲雀莫栖遲

胡麟生 雪田

踏青鞵

館娃響屨雙凌波蟬鬢雲髻青我長楊春堤垂野竹

行行湘江拖六幅綵鷁大酬恩百斛樓高花萼香浮綠

同二

五

水調歌翻西幸曲雀頭夢斷楊家玉

海上黃

海上黃勝河魴鱗甲耀日生精光珠文玉版人呼王南

風吹潮開牙檣榜人擊汰網罟張三月龍門道路長跳

波歎雪不可當江關各一方海道絕梯航掀髻燒尾圖

飛揚武昌建業悲滄桑昆明釣已去北溟遙相望淵中

多不祥江湖日以忘

垂釣翁

把舟垂釣者已是白頭時釣竿執著不停手手未得魚

何栖遲溪山漠漠蘆花白酒在前村天欲雪何如擲卻

釣竿歸一卷一舒自消息

郊外

穀雨春前後郊墟物候晴多年聞度馬此日向懸旌太

古還桑梓中原淨甲兵但尋陶令宅同住亦同行

戊寅冬盡

輪臺詔下賜生還築得茆堂不幾閒萬卷攤來愁雪鬢

三杯落後忽朱顏春晴只覺溪山好喜事頻催歲月閒

老我白頭都不恨梅花日日放西灣

閨情

整罷小雙鬟搗水懶無力念言生不辰焚香禮摩勒

感舊

故宮煙雨亂雲流柳色青青紫陌頭鴉鴉不知人恨事

同二

六

夜深喊出望江樓

乙丑八月廿八日決熊督師廷弼為敘始末

詔獄

雁門旗擁漢驃姚出塞三年更入朝臉上胡沙猶未淨

西風吹作怨雲飄

獄

都門回首憶東遊數載籌邊恨未消博得清風刀下冷

至今頭上鬢蕭蕭

臨刑

秋風閃爍雁翎刀斬字囚旗領上搖假若英雄都畏死

雲陽空設落魂橋

傳首九邊

麟麟鐵騎響鳴鑣挂印長征一勦遼死後偏能蒙上賞
嚴關處處有名標

回京仍發山海號令

飲馬亭前嘶更驕轅門誰挂舊時刀但留八面威常在
不用征人夜擊鑣

浴虎泉

何年浴虎向山蹊影落寒潭去路迷可識中堂古佛在
長松高出寺門西

陳元堡 玉仍

讀曲歌

儂有情歡無術日已成口不答
抱膝臥帳內人言不見儂思不見汝

同

七

聞歡三喚儂力怯不能應秋蛩聒耳鳴儂羞與儂爭

唐 筵 灑儒

沈山漁祖母潘孺人九十

縣縣世變中執德難其恆三年一小降百歲如梯層每
疑社事譁兵甲固有徵母生隆萬前此風當未與細推
士行壞多本女教淩母潔以躬率母修與齒升天道雖
莫測碩果留堅冰追惟半九十前後分淄澠家辛國亦
苦老眼經天崩微聞八股手裂國如裂緒末競乃彌熾
虛車將誰懲有孫慕皇古抱質殊淵澄非敢怒曹好齊

驕力不能倚母為君父愛日歡繩繩儉德服以世其猶
見高曾

晚眺

落日望孤峰僧歸數里松村煙喧鳥雀潭影凍魚龍太
古人聲澹終南逸思濃逢迎謝城市行臥每從容

村齋受劫二子久歸以詩召之

山河同寄旅侘僚獨奚為盜後居無友童歸爨有兒秋
冬文氣暮南北戰聲遲所望多迂闊悠悠性自持

曹子願寄感舊索和次韻奉復

羔雉登壇已蠹殘狂流日激不知闌慚從刻棘多時刺
悔學鏤冰得命寒喪亂百愁疑隔世文章獨喜脫迷欄

同

八

丹書綠字無人禁藜燼高檠乙夜彈

次韻答語水吳二公

名流多愧北山文南郭先生獨邁羣愛菊胸懷如有悟
負苓姓氏欲無聞奇才不偶今時福澹友相須別後殷

花約茗期聊未諾停橈興至或尋君

雜感

朝野情面窟少弔而多賀寧令載胥亡套例不可破
貧味狎乃辨為之立短長菽亦飽于水糟亦美于糠

陳延厚 大惟

乙未元旦

愁心還傍曉雲生十載栖遲負此情自取椒花酬令節

不將梅蕊鬪春鶯，杜門已覺無常事。撫劍應知有歎聲，
言念孝陵弓鼎地，令人空復憶收京。

沈陶 繩開

雨望

山川終古色，納略眾容吐。午雨花上過，出沒漲煙莽。雞
聲落空沙，谿靜鳴寒鶻。隔岸幾人家，垂楊妒眉嫵。

遣興

細觀物理靜，逖稽時變荒。飢寒起糞土，垂老慕耕桑。歲
單繭事登，午中仍插秧。生成柄一氣，勤動職所當。粗知
辨麥菽，稍能候雨陽。乃於耨鋤暇，驅奴除鹿場。瓜豈蔓
牆屋，百菜紛籬旁。薤白大如拇，剪韭三寸強。遲我故人

同二

九

來雞黍，分得將簷樹。澹晨煙，庭花媚。夕陽青，青決明草
亦使列眾芳，忝予檇散質。戎馬久披猖，幸免荷戈苦。寧
辭把耒忙，事業農兼圃。勞生暫徜徉，奈何衰疾纏。無錢
料藥方，羈栖重回首。天人兩茫茫。

秋分日於溪西穫早稻因看晚山

平明奴子腰鎌走，秋半秔翻刈。東畝美利流，觀造化。心
天人相與成功有，老夫卽事啟柴門。曳腳長吟百慨存，
兒女哺含嬉一飽。此身後死念君恩，人風物序懷陳跡。
大鸞羣鳥飛向夕，哀樂紛然掩此山。簷楹月出爭農隙。

贈允執

屋上山迴合雲迷，仄徑穿無人。花自雨有客，竹方煙梵

響朝龕動禪鐘，夜壑懸檜籬。開曲折帶月，漱紅泉。

憶臯亭

臥病逢寒食，春衣似欲輕。草扶雙屐滑，花覆一鷗清。仄
徑迴風細，空潭受月明。野桃無數發，溪女倚新聲。

寄懷子禧姪

三家村裏五家鄰，公子遲歸不當春。芳草依依通馬語，
落花忽忽悟蛩身。何人也索長安米，有客如遺千里尊。
收拾相思報同學，一庭幽默坐庚申。

雪窗

家住谿西雪滿灣，脣枯舌敝蠹魚慳。微飄萬瓦參差外，
小壓孤舟出沒閒。不分浮雲遮漢闕，似憐明月照秦關。
極知李愬功名薄，好奪焉支一片山。

同二

十

蠶箔飢

暖風拂拂弄柔桑，柔溪上晴鳩接雨鳩。忙喚小姑分箔飼，
欠伸猶自倚牀頭。

秋千仕女圖

綠楊影動繡旗懸，響篋金鈴綵索牽。記得去年寒食晚，
軟風吹落一花鈿。

吳景旭 且生

客雒州除夕作

客心壯難任，日月忽向除。嚴霜漫浩浩，層冰結路隅。超
遙一失所，萬感盈步趨。經年作詞賦，何用擬相如。眷懷

哀所積筐篋有尺書雖無金石聲聊用託賤軀

五都游俠場三島仙靈宅伊余鬱無已興言在分索豫
往絕歡端悲來入窮節賤子秉微尚寂滅慰營魄躑躅履
遠囂塵炯介義唐跡寒郊時一望荒樹如薺列云何晦
明閒轉盼成歲隔通晨猶未央難以終遙夕

韋全社 眞長

山岑讀杜詩有感遂至湖濱臨風悲歌曰異哉爲
今日詠也同賦十章

福佑去帝側卒與禍會亂離未云劇旣衰倏尊大豈
不眾人歷吾汝獨長慨賢聖亦何爲凌兢區內外

人心載天澤謨訓爰始生奚必表正烈顧慕乃至情劉

同

三

觀前代末長者庶善成嗟哉不古處余懷靡所嬰被服
與飲食漫汗驚波萍得車惟恐後申以百歲盟回頭語
鴻鶴汝曹終眼明

貧窮不易遵儒者敢言勞所貴識命分安可辭名高戶
隔對妻子頃復微雉膏驟逢故交游無面以自韜矢志
有如此得亦同蟻螻聞諸負薪人道理析秋毫鄒先欺
我哉惟士爲特操

裹足去城闈蒼涼畏瘦日苗穗易耳目大夫閔如一客
從西南來近事不勝述祠宇題識新宮牆風雨疾蹉跌
路上兒前騶氣驕溢仰問驢馬鳴俯聽將軍叱將軍尙
免此金錢入其室歡若弟與昆誼等膠投漆茲者歲甫

登名田差甲乙遁逃眞流備宦學餐元吉匪敢必有功
竊此擇勞佚亦復何須食無多客送詰

有德寶金城禦偷尙猶越矧擁亂世財坐汝保生卒翻
翻買豎心覆以鹵爲窟買豎何足喟大雅洎黃髮南村
言利徒食人盡皮骨義旅剽無餘交關未嘗歇豈悟負
而趨陽文重唐突智力竟如何江鳴空朗月

孤桐摧細薪濁河飛巨浪水竄鳳鳥栖分與蛟龍葬奇
懷最難持潔貞已可諒世事嘗徑庭丘山積臯狀抱節
謂之愚或語動成謗大辱貽高曾側身眾流上悲歎援
在茲斯人何得喪爲虐而助天亦未具昭曠

應審九州心誰則甘在野塊土障奔瀾一木扶傾廈約

同

三

救待漢官東南不汝假世詎無之人願學材三雅年少
希見聞徒死風塵下

語君君不了灑涕霑霜毛命戔二三侶深耕去東臯聊
耕無厚稷賦分安所逃歲晏仍天寒短褐聲颺颺誰能
爲風欺中夜起長號

夢短不忘曙愁長匪自今上下餘千祀昭昭有此心追
亡旣靡樂與汨難久任依約申徒子魂魄爲盜簪嬾復
人間世婉婉伴行吟

杜陵老布衣飢寒訊誰救容瘁小兒前心悲戎馬後胡
爲須溪生寒衣願思就其遇又可知將非隘宇宙哀矣
迄吾儔運命相奔走三累溯謳吟蔚若文史圖欲擬賦

一篇弱羽格猛獸展卷出胸臆鎗金石奏所以古韻
人神靈比爻繇微名亦不免束脩尚用懋

陶鑄子周

喜穉田初熟

歲易緣南畝時艱賀醉人力耕誠有益抱糞亦全真
粳稻東吳盛葡萄北苑新三升戀待詔五斗負頭巾何似
西疇好與然我黍陳方苞迎湛露菡萏足精神坼甲欣
脂膩低頭類飲醇椒馨壽胡考鮮腆續先民百禮從茲
洽千春慶此辰歸與借所願愛醒不憂貧

趙胥顥古心

出都感懷

同二

三

由來野性戀煙蘿彈鋏無庸作嘯歌秋老彤雲橫古塞
天空清露滴寒波夢迴南國沈魚杳怨入西風落雁多
顥頰自堪評醉醒宵征今去果如何

姚軒之霞舉

詠懷

不亂童穉心不療煙霞癖影借水為家身依石作壁武
陵漁可尋襄陽拜可屈散魄高深閒相呼出天域

秋思

風來何意擾池塘翻亂輕荷葉葉狂偏是隔林閒步客
頻吹襟袖遠聞香
遠水蒼茫岸柳枯寥寥阡陌有人呼雲低幾處炊煙接

古寺荒涼茆舍孤

歸鳥孤雲一曠觀晴空輕越萬重山獨憐天末夕陰處
幾箇峰頭冷對看

同人夕泛抵含清閣而返

昔時離別在溪頭別後溪山日帶秋回首樓臺隱深樹
煙波漠漠對君愁

嚴有穀既方

憶昨

憶昨垂衣霄漢閒青絲白馬未窺關黃門晝漏稀封事
侍女仙桃醉聖顏遲日暖開春殿麗絳雲低繞玉繩殷
鼎湖腸斷龍髯遠方丈員丘去不還

同二

西

蔣麟徵西宿

春霽

華院闌清晝閒庭裊孤香翻經味玄偈嗒然情已忘疏
林帶餘靄輕露浥花光孤抱一以抒況復朋會良琴樽
自幽適談詠得微茫何以續前游一詠復一觴前溪漾
深碧紅雨撲人裳遙睇村雲卷晴波曳綠楊

張夢鼎馬金

子山雜咏

女牆高插映浮圖隔岸煙蘿疊翠鋪夜半月橫花影亂
柝聲停處叫提壺

周鳳儀子部

行路難

余自乙未秋出紫塞登恆山復從雁門游平陽
涉太行過伊洛經維揚俱徒步而歸所知問何
為作阮途之窮歌以答之

行路難出長安秋筍吹月關山寒兩袖霜華頻拂面孤
身倚杖穿雲端萬峰嵯峨凌碧漢遙望層嶺如波瀾百
折千盤不得上車摧馬逸空弮鞍顛崖斷壁股戰慄征
夫那許回頭看行路難足盤跚風搖木落葉聲乾凍雨
飛來暗絕壑陰晴忽變失重巒厲衣涉水踏激石眼前
耳畔驚鳴滿百里從行半九十煙迷茆屋何時餐行路
難其悲歎崎嶇越歷辭岡坂河流莽蕩沙漫漫草根兔

同二

五

起狼追犬城郭塵埋沒社壇荒碑臥道斜陽澹問古傍
程心獨酸車輪錯繡塗泥野星照離離人影單行路難
強為歡長城已墮紫塞關滹沱無波碣石殘再疏秦築
一時爾天豈私我作高山萬里周流入駿弱人生倏如
遠行客但得人心匪狙僇為君翻歌行路樂
行路樂心寂寞乘空御氣騰草屨晨光浴日吐朝霞五
色燦爛山頭萼松風蕭瑟神靈語石上奇花紛綽約陰
洞龍吟咽瀑泉白雲靄靄生虛閣鐘鳴夜半誦琅函黃
碗珠斗中天落行路樂任止作野田有烏林有鵲鳥噉
鵲喜趁行旌當爐少女晚酌旅朋乍遇釀金錢太息
異鄉風景薄彈箏擊筑暫為客山閒月白催行爵行路

樂資考索山川崎麗列篆書古教森嚴如典冊蕤蕤之
稷垂甫田冰雪神人藐姑射欽哉有響出唐祠蠡斯振
振宜周宅猗蘭不及和卿雲趙民盼絕迴車驛行路樂
堪寄託前人遺事今人思今人尋攬前人跡長途且謠
知何求江水猶疑易水流吳謳一夕征帆返塞北風霜
載滿舟朱梅著樹仍綺顏又見弱柳可依攀如何對此
情不寬長安羽檄速星宿明發誰歌行路難

歲暮行

我生逢太和三母共提將自都桃李春寧經松柏霜蚩
蚩迷故訓大陸變滄桑哲人既已謝保誨失嚴方孤征
飄塞外渺末陟遐荒朝看明月落暮追飛鳥翔煙霞滿

同二

六

襟帶冰霰雜餓餒奇險厭躋攀莽曠轉淒涼所感異地
苦跟踰趨家鄉登堂病妻在伯姊早淪亡問言及妯娌
靈衣散陰房癸女并哀兒慘惻聞我旁征夫心作惡屏
跡臥東牆勤恭憐幼姪置酒為我嘗歲晏速諸父雞犬
行數觴酣言歎先德後穉近披猖賤子驚喪七請道古
行藏放勳有舊都其民樸而良后稷遺嘉種椒餅垂餘
香東魯孔聖宅禮法冠百王燕城易水上義士聲煌煌
武湯儼祇敬姜源流且長我昔讀書詩夢寐親文光今
獲拜芳躅肅然增型坊諸兄逮叔季鑿我言匪狂跋涉
九千里所見惟大綱今夕歡宴會數載不能常夜寤競
夙興百忍生禎祥高山來鳴鳥世嗣其爾昌

錢元龍 雲卿

長歌行

仙人何焜焜碧眼雙方瞳
五花雲滿身矯駕飛龍遺
我千年苓服食精神充
遨翔上京國長揖洪崖公
歸來得不死散髮游無窮

落落窮巷士

亂竹叢無路號鴉棲
有林野昏村火隔
晨炊曉雲深經歲斷車馬
寒宵怯枕衾閉門草長尺
松子落庭陰

明妃

妃子從戎赴朔方
六宮眉黛失妍妝
可憐千古無窮恨
傳得琵琶三兩行

同二

姚延著 榕似

同謝路然陳公朗兩方伯
胡德暉臬憲畢四世少

參戴帖陟文宗陸石齋
愈憲登華不注山

獨立孤峰秀登臨
接落暉喬松參黛出
怪石突煙圍潔受風霜
力高收山海威昔賢
矜報復戰蹟尙依稀

菊月壽蕭都閣

幕府開東海鄰光
得其依壯猷傳馬
檄舊學擅烏衣白羽
秋增肅黃星夜有
輝介眉欣此日籬
菊正芳菲

登岱

此游奇絕此生無
阜項高居萬壑趨
徑絕接天濛海氣
煙橫點黛小與圖
漢書誰繼雙司馬
秦樹猶看五大夫

遙望吳閭垂練處
道心堪拓未全疏

潘中暉 子咸

涉園課茗

及此三春日言癩
瘦若芽終朝不盈
把摩挲香有加晨
起汲仙泉幽韻生
齒牙茶水相與承
實理靜無涯深淺
隨所會茫茫空自
嗟

喜栖公淮北還報恩

想見經行處嚴霜
透履痕風高搖柳
岸月靜湧雲門密
行人誰識卑棲道
自尊胡然懷舊侶
飛錫過巨樊

懷水平禪師

是凡是聖大家猜
時喜時嗔率意來
一等勤人繩墨外

同二

柴扉草掩不輕開

張嘉 雪對

京口漫興

春水媚行楫遠分
山與回迤迤檣際
雲鬱鬱城端開日
麗芳草茂鳥雀喧
社臺東南吳楚雄
感慨何悠哉豈曰
邁方舟俯仰如何
懷

信州

振衣靈山陽羣動
悉凝睇屐虛萬壑
流峰迴七十二人
煙浮薜蘿鬚眉挹
空翠俯矚睨城戢
形類槐蟻感慨何
能忘鬱思託遐寄

廬陵

章貢合灘流朝霞爛晴閣孤鷺不成行冉冉沈荒落
翩緩帶人方舟曠游泊展轉不自持胸中印丘壑

筠州

亂山環若孟清流細如帶坐嘯碧落峰神情頗疏快
幽禽索和歌野花簇飛蓋霽雪融燒痕茶叢雜春菜
雖懷鬱望中詩情落雲外

長干曲

長干橋下長千里游冶紛紛羅綺桃葉渡頭歌吹飛
秦淮樓閣縱橫起江總門前花正開謝安宅裏燕飛來
曾邀桓笛歌三弄漫蹴金蓮舞幾迴孫楚樓頭誰中酒
只今惟有垂楊柳六朝風雨大江連繁華又屬無何有

同

九

羅綺蛾眉故復新玉樓金瓦已成塵含章不見梅花額
芳樂安歸買販人我翻一閱長干曲吹出當年舊風俗
江水東流不復西芳草年年滿階綠

山家

窮陰千嶂暮積素滿招提戶外雲深合窗前竹漸低
野橋虛客渡古木亂鴉棲何處舒長嘯柴門獨杖藜

送南紀弟南還

日落燕山起夕煙離懷惆悵各潸然青楓白鷺依秋岸
遠水孤帆入暮天夢到鄉關情獨苦望窮江漢淚雙懸
若溪花月應如舊恨不相依共放船

落花

獨上層樓一望際蕭蕭故壘日初斜空梁泥落歸新燕
古堞雲深噪晚鴉鄴下風流非舊主西園名勝屬誰家
擎杯忽憶天南北幾度歡娛幾度嗟

謝朓登臨且漫論年年別緒繫王孫銅臺誰解生前恨
望帝難招去後魂小苑繁紅飛白晝孤村涼雨泣黃昏
無端索醉壚頭酒閒拾游絲拭淚痕

三生贏得兩眉攢樂府歌傳來日難枉殺流螢依腐草
生憎蛺蝶傍雕欄樓頭少婦銀箏咽塞外將軍玉笛寒
滿目興衰今古事不堪重過武陵灘

柳鞦韆嬌恣意招只今空負好良宵煙生暗閣鸞沈鏡
香燼寒爐鳳罷簫潘岳情深頭似雪馬卿病起夢全銷

同

三

獨憐年少垂鞭裏踏盡西湖第六橋

送潘子見南歸

征鴻蕭蕭北風吹鍛羽飄零獨去遲霜夜曉鐘千里夢
夕陽衰草四愁詩那堪阮籍窮途日又值潘郎顛頓時
棋局酒杯收拾盡從今何事不相思

無題 八音

金谷佳人欲墮樓石城女子正多愁絲蘿未託春先去
竹淚成斑怨不休拋葉摘詞申妾苦土花濺碧爲誰秋
革囊收取閒鞦韆木筆終難結並頭

子夜歌

歡從月下來抱妾花閒飲兩意正綢繆回頭驚妾影

鍾人鏡 止若

引見諸臣同宿銓部待漏不寐

銓衡署裏集羣僚咫尺天門禁禦遙雨後鼓鐘猶隱隱
院深松柏轉蕭蕭吹燻競有同人和聯佩殊慚知己招
獨喜螭頭雲日近並看明月傍青霄

俞 潢 天來

鄉土謠

棟花飄野繭白吳綾他日盈刀尺

南林初集

宿雨侵晨後寒深野寺中近郊雲氣密隔水磬音通放
浪歸吾黨哀瀉任世風縱橫施劍技刻畫訴文窮蘊負

同一

主

將無異幽尋聊與同情隨黃菊遠語到碧天空蔬荀填
飢眼清醕汰憤衷夜催庭向暝林老葉辭楓堤畔蕭蕭
色遙看月正東

沈宗圻 雲石

寒食同李惟肖游大小石灣

江湖懷古岸奇石當空浮雙峰峻且曠登茲寧復憂千
帆恃風力瞬息莫可求下望東郭門纍纍多荒丘松聲
接千里盤徑憑遐搜振衣獨長嘯白雲飛正悠

季春惠泉獨坐

靈根天外接松頂聲長流微風動幽香花氣明高樓坐
久不知倦月白山欲浮

有感而作

世事非曩時慮禍應緘口何以得保持息機如木偶禮
義聽敵危東家任妍醜悲憤慎弗吟相識慎弗友晤對
莫深心不平能不剖一言隙可乘機發已在肘僵臥袁
安慮委身且藏垢落落散疏襟天地自無咎

飲酒

終歲困窮乏朝來飢復寒寂麥非異味稼穡何其艱傾
身營飽暖欲告苦無端故老留余飲持觴追舊歡迂談
驚四座痛哭惜春殘人情殊叵測反覆似波瀾躬耕當
努力感觸增淒酸何如卽所欣且以致自安高懷與之
俱逸然天地寬

同一

主

古人戒近暴近暴禍相侵今人戒游嬉游嬉招驕淫託
身貴獨立閉門恐不深好風吹我廬蘭芬沁我心引領
望東郊寥廓寄高吟但願長如此聊以豁煩襟

田蠶歌

神來降祥不降殃貪墨者黜陞循良春風影裏桑麻長
男兒腰鎌割秋黃池中白魚二尺強持魚換酒各盡觴
老幼雜坐仍無妨長歌短吹樂未央

村居

此地堪深隱而無禮法煩鵲爭松子墮魚躍荇花翻書
靜天難老庭空雲自鴛可能看不厭待月到前軒
貧來能幾醉閉戶讀農書親戚誰為問友朋幸不疏感

時空浩歎懷古獨躊躇
葑草還驚蕙眷言莫亂鉏

葉聖野夜坐

十年高興盡此夕
擁輕寒互答惟秦曲
相看但鵝冠暮
雲歸正遠落月照將殘
寂寞山城裏
淒淒畫角難

幽興

小築堪容膝
清風長薜蘿
池平曙色滿
石亂野雲多
新綠圍虛館
殘花逐逝波
歸鴉相向立
冷落自山阿

晨鐘

枕上愁多夢依稀
記未分孤星光欲落
清響意何殷
寺寄千山外
聲傳幾處聞
遙知天際半
應有不歸雲

早起

同二

三

悠哉人事遠
睡足立中庭
曉色天邊月
晨光屋角星
養生通蝶夢
失意悟鴻冥
只此多閒趣
荃蘭雜佩馨

修葺數椽顏曰通隱

幽人昔所慕
于此絕逢迎
選地偏卑狹
移家半市城
巷深難結駟
林靜媿簪纓
漫自稱通隱
猶懷風浪驚

九日登峴山

秋山木未脫
疏樹見人家
日落浮空際
煙開望有涯
孤村流水外
荒寺夕陽斜
感慨臨風處
幽懷起暮笳

草堂夜坐

風塵何日靜
避世更誰羣
樹影懸秋月
庭臯宿暮雲
情深知已在
夢斷故園分
一曲鄰歌罷
疏鐘到處聞

和陳皇士懷友原韻

開樽重憶盪湖游
此際懷人已暮秋
誰謂報投仍故事
獨將篇什付離愁
千灣碧水遲來雁
幾度微風帶遠舟
西塞且垂今日釣
權謳漁笛自相酬

已知無地足歡娛
忍使音徽處處孤
問世幾人終草莽
悲時吾黨半菰蘆
生憎滅刺稱高士
枉殺狂歌號酒徒
他日班荆論往事
唾壺缺盡老雄圖

漫興

巨壑多情到眼青
閒來偶學注茶經
一竿釣破煙溪雨
半局敲殘野鶴汀
身似冥鴻防被弋
事同逆浪歎浮萍
不妨善病隨時老
枕簟悠然戶半扃

同二

三

和李霜回同費晴庵李不器李惟肖夏日泊舟峴
首納涼逸老堂原韻

石友相遲泛小舸
一帆風正爲山停
登臨且喜人皆健
禊飲能禁我獨醒
樹杪坐看征騎沒
夕陽遙望遠峰青
巖城薄暮猶寬禁
尙許閒憑水上亭

賦得滿城風雨近重陽

滿城風雨近重陽
籬畔黃花次第芳
海內弟兄非一姓
天涯賓客幾同鄉
題詩不減登臺興
問世誰傳落帽狂
今日草堂相對處
孤懷愁絕更淒涼

鬪草

郎與相思子
時時佩帶閒
相持無可勝
含笑傲叢菅

石橋尋已徧覓得有情花姊妹不相識爭看髻影斜

客中買侍兒相依匝月攜歸似拂其意賦此解嘲

背飛還向宿雙燕豈無情看即辭秋社殷勤話五更

梳頭曲 有序

綳直空憶彼都曲局徒愁采綠夢迴綃帳青絲

一編冷透玉釵巫雲三尺不覺沈檀香送何當

髮髻光生欲梳未梳今日雖強昨日將鏡照鏡

後身穩稱前身隨他千古妖妍未許一朝霧亂

花磚日午夢初醒握未成盤忽復停拋鏡幾番還語鏡

問他曾否影隨形

日日臨妝不計功毵梳得影玲瓏雖然昨日青螺好

同二

五

未許今朝昨日同

寶鏡斜飛背影翻同心同影幾珊珊莫言影似心難似

不起波瀾鏡裏看

晴郊

閒情曳杖出柴門為問春光幾處繁浦口偶逢雲欲斷

看他飛去在何村

江行絕句

浪細風輕水織紋小舟橫渡日方昕雲封不見山高處

未識高山曾有雲

小窗數帖每為燕泥點汗因垂簾謝燕賦此

怪爾銜泥汗卻書茆齋未許卜巢居垂簾任自論交去

始信濃情不若疏

寒食作

春深是處綠成茵此際堪悲老病身極目荒郊新墓裏

去年多少拜墳人

同二

五

同岑初集卷二

同岑初集卷三

桃城潘居貞天行輯

晟溪閔亥生未孩參

徐陵 弱陵

春日移家別諸鄰

東風吹草徧天涯樹裏嘯鴛送曉槎烏相葉紅方作客
櫻桃花發又移家罷傳雙履同尋藥獨荷春鉏去種瓜
回首月明村舍路一溪流水板橋斜

喜諸子看菊齋中

庭隔葦牆一丈深寒叢花發病還侵窗櫺寂若牽雲臥
展齒蹙然冒雨尋交淡如秋唯薦水人閒于菊共依林

同三

一嘉業堂校刊

語言正是堪終日顛顛無煩作楚吟

初冬

借得西清一丈寬簷穿風急葉聲乾但敦氣誼腸俱古
不覺飄零序又寒幽興無妨聽蟹眼矯情終笑買豬肝
時客趨木城頭況有南山色容我支頤盡日看

夜坐

山城月暗動初更細理愁絲縱復橫萬里弟兄風雨夢
千年骨肉死生情髮同腐草春還長名比金丹老未成
淒絕不堪重對影小窗自起滅寒檠

嚴榮 無念

擬古

長江萬里流中有故鄉路寒風響百草夜夜零白露還
顧洞庭波木葉已非故何況有盡年歲暉迫遲暮茫茫
野煙飛盡是北邙墓誰為不死人請君垂竹素

人壽能幾何迢迢侯河清今我不為樂日月逝其征錦
衾抱獨旦夢想遺所親古來涕淚地春草不復青天寒
瓶水凍誰別淄與澠

迢迢別時路攬取城南秋沽酒贈行役買鞭絡馬頭灑
涕墮為水一別寒衾凋十年無消息雨散不復收永夜

凋朱顏鉛華不可求當年娉媵歌舞侯家樓去時金
雀釵慙慙結綢繆今朝隴頭水各自東西流何當見君
子明月彈箜篌

同三

同三

二

問客何方來云白瀟湘北歸程歷三月始得及門里蕭
蕭戎馬鳴日夕悲緒起豈不顧錢刀時時念妻子聞君
行路難淚落從此始

早秋

一雨生秋色晴雲立遠峰天高稀度鳥地僻愛鳴蛩薄
暮漁樵入清晨未粘從硃聞有幽事香氣送芙蓉

庭草

芳草春堪愛貧家亦滿庭自因生氣得不改舊時馨燕
翦難分翠花飛轉覺青燒痕何處甚雨露總教醒

柳塘春水漫

一望綠煙盈遙憐夕照明倒涵千縷動低蘸一枝輕月

到影全碧春流天欲平迴風如落絮添作半溪萍

小雨

微雨蒼江暮催花溼不妨乍添三徑潤并作一林香把
釣歸來蚤征帆去路長絕憐蘭蕙好更與媚斜陽

庚午下第

共道隋珠價易酬誰知明月竟難投悲歌不覺飛鴻恨
烽火遙看牧馬秋雲外孤城橫海郡風前哀笛古梁州
無端吹動霜華曉一夜征人盡白頭
近塞征鴻九月飛斷腸秋色向南歸有時花酒沾羅袂
無歲天涯不布衣雲斂夕陽橫渡口夢隨明月到漁磯
不知燕市千金駿誰報西風首蓓肥

同三

秋柳

青葉蕭條黃葉枯西風颯殺白門烏鶯花已去成離恨
雨雪難教入畫圖路傍章臺霜氣老笛飛湘水月明孤
莫言攀折愁中盡曾向勞勞一望無

甲孫太白墓因題歸雲庵

百世猶聞蛻骨香阿誰重葺挂瓢堂何須死傍要離墓
自信生同太白狂耆舊有情悲鐵笛荆綦無路薦椒漿
臨風長嘯還三歎古木千山盡日蒼

九日舟中作

十載干戈日夜摧戰場離菊幾回開茱萸不到柴門靜
木葉交飛霜氣回別浦移舟逢雁度秋砧何處擣衣哀

江天寂寞空搔首誰為淵明酌酒來

止齋菊集

萬壑風悲木葉涼獨留籬菊殿秋光百年豈必重陽醉
二徑方知九月香湘楚騷傳餐落蕊義熙人老對寒妝
若非天醒繁華夢安得林閒破曉霜

秋盡

遠水斜陽一釣舟蕭蕭落木隱殘秋天邊獨鳥衝煙去
雲外孤峰入暝收晚對黃花甘共老寒無綠酒向誰謀
來朝正朔初冬候百歲難寬霜露愁

書夢

三月已暮吹野香百花亂落春茫茫鶯聲曉老綠陰靜
燕飛不來清晝長人間無意問甲子枕上但覺成義皇
太鵬斥鴳各有適逍遙一笑師蒙莊

同三

四

郊西曉行追感亡友茂貽人穀

推篷剛起日初生宿鷺翻飛迴自明煙際漁舟蒼靄破
人行鳥道亂山輕吹殘落葉空林影過盡高天只雁聲
無限故交塵土夢匣琴孤劔幾時鳴

有感

角弓珠勒紫騮驕夾道旌旗飲餞遙舞出天魔嬌隊隊
兵連蕃漢馬蕭蕭已誇節制兼南紀況復中書統百僚
借問元戎誰得似姓名原是舊征遼

殘雪

漠漠同雲去不回遠山微露數峰開晴簾弄影時飄絮
玉樹花飛似落梅滌岸欲攜孤騎往江天偶見一漁來
最憐皎月虛相映還待陽和拂曙催

訪費曉庵道峰山居

竹徑蘭坡小石梁半簾松影畫偏長魯連何必居滄海
杜老聊存舊草堂山勢入空成兀傲池光無雨亦蒼茫
悠然日暮方歸去猶憶閒庭接妙香

雨後月

皎皎雲生歇雨殘娟娟孤影月華寒天開桂闕搖晴佩
地湧金波濯露盤蕃馬夜嘶秋苜蓿石鯨風動滌長安
霓裳一曲人間隔望切冰輪萬國看

暮春酬天行

家貧無策買深山小隱惟參向上關欲采紫芝天地老
已看青鬢雪霜還春正獨抱遺經恨人日相思得句閒
爲問舊游鸞鶴侶夢回瓊樹幾同攀

出塞

黃塵黯黯覆臨洮壯士臨關拭寶刀一騎獨乘邊月出
左賢生縛陣雲高

大將朱旗映海霞親提萬騎列平沙朝來款塞輸名馬

盡遣龍媒入漢家

唐祈遠見示秋園雜咏以秋野報之

夕陽流水過溪橋白客長鏡戀藥苗野老相逢不相識
何須蹤跡混漁樵

茅元銘鼎叔

詠竹夫人

不分承君體終慚說抱衾蒼涼君子質遲暮美人心班
扇捐同昔湘雲疑到今歲寒曾昔誓敢怨白頭吟

姚延啟敬輿

過祁大夫祠僅存一碣

歷選晉羣辟中葉啟令君六官盡民譽三軍簡哲人策

同三

詢黃髮舊勳爛絳圖新老成乞骸骨內舉罔避親先公
後私怨殉主庸願身列卿有樂范專閫推智荀眾賢和
于朝濟濟古臣鄰如以水濟火寧畏楚與秦祁侯心秉
直爲國廣樵薪推轂皆緇好藉手答光宸左氏紀賢達
千載懷貞珉空留一片石古道委黃塵

聞中分韻得秋字呈同事諸君子

星分參野一輪秋太史占雲五色浮十二連城光照乘
三千多士氣搏牛碧桐肅肅懷金井玉露瀼瀼映綺樓
四座枚鄒能作賦品題蚤已動宸旒

靈石郭外觀葉元孺較射

晴原水落草芊芊命騎鸞瓠指拂弦得意射穿楊柳葉

翻身一躍紫驅煙健兒踟足呼猿臂巷陌傾城看錦鷲
歸去鏡歌添勝槩青州從事湧如泉

趙省分較偶題

猶恨當時被別還青衫點點淚痕斑而今幸得窺全豹
管領春風次第開

過韓侯嶺

淮陰城下一漁竿手把絲綸上漢壇寥寥楚國無知己
誰與王孫進一餐

靈石西行

渺渺煙村曲曲川層山層水幾層田吳儂錯認江南景
只少漁翁一箇船

同三

吳法匡度

秋夜王大野過話

秋雨不覺苦秋風嘗自閒秋來舊時月黃昏忽叩關乘
風又乘雨幸不改襟顏

晚歸

江天渺何際無聊一雁飛雲山雨不礙夜夜似僧歸

平山堂話別

倦鳥栖栖眷故林那能去便忘花陰平山堂上清歌徹
我亦臨江酒共斟

陳·泚奇生

登羅搖

日高嵐氣歸停雲如征蓋拄杖陟崇岡更覺天地大眾
山互百里奇峭此焉最恍疑靈賦通不愧風雨會石壁
苔蘚剝清芬來松檜澗喧林愈寂蕭蕭發天籟有芳誰
采掇芝蘭雜蕭艾猿嘯翠微中鳥落孤煙外長嘯立峰
巔蒼然生暮靄

東巔獨坐

日午游氛寂孤蟬在高樹飛泉灑林薄竹木涵秋露山
鳥聲千百羣鳴若有訴巖花各負奇設色不可數仙果
時自隕紅紫紛當路天空萬類靜幽響自相赴獨坐長
松下翻然增永嘉北望渺茫茫中原在煙霧

山中長夏雜詩

同三

八

欲噴山氣佳輕風蕩林薄飛鳥望故枝夕嵐還夜壑幽
人時杖筇煙深獨采藥

坐久煙靄息夜色足幽賞竹露滴新涼皓月漸東上河
漢聲西流羣星益昭朗如向冰壺行陡覺樓臺做古殿
閉殘燈白雲自來往

夜雨

寂寂禪燈淡孤眠夢亦幽空山一夜雨頓使萬聲秋白
石歌難且朱顏歎易流寒蛩如有恨達曙未能休

春城

四海干戈白日徂樵漁何處穩菰蘆停杯欲話當年事
細雨微風聽鷓鴣

周 斌武伊

秋思

昨夜初聞雁飛影必雙卻從西北度悔殺倚南窗
閱 涓 培風

懷友白下

白月樓高梧流陰及階屣拂石復聽花無事來坐此忽
憶昨歲時落花河之汜細語到花暝高談問天咫今君
京華游煙月秦淮水

畦菜欲花

沃野竊厚倖繼花桃李時桃李游冶花不豔田間兒閭
左富車馬但飾黃金馳不知事耕插布地且不賞

同三

九

倪雲林六君子圖

天地已閉山海枯明堂已圯梁棟無蘭摧玉折供樵蘇
崩川倒壑佳氣徂雲林先生迂不迂道無人物堪畫圖
忽然圖作六君子以木代人美稱呼試問君子何人乎
松柏樟枏及槐榆六樹行列在平地幹枝修挺兼扶疏
生有萬石磊落軀仆為萬世柱石需挂向堂中竟山谷
蔥蔥鬱鬱天子都匠石見之空挪掄斧刀焉敢加鴻儒
君不見鄭家蘭趙家竹筆墨因之分寵辱元季更有荆
蠻民不屑畫人專畫木嗚呼人不如木木勝人從今著
眼看山林

采桑曲

東風吹綠到煙蘿桑柘黏陰晚較多布穀聲中行欲住
蠶飢日暮奈愁何縱車軋度煙霧縑作千絲成匹素
千絲萬絲霞練光會見織作雲錦裳千鍼萬鍼成繡黻
會見佩服朝明堂里胥到門催逋急機杼一空雙淚泣

桃花雨

芳堤綠色綠不已灼灼枝枝然欲起輕雲彌漫帶微霧
十里紅香濛煙雨游絲冉冉不絕吹山蜂海燕相追隨
深紅近裏淺紅遠春花瘦處春風肥憶昔溪樹流紅萼
漁人一去同飄泊兩岸桃花對寂寥一溪煙霧鎖巖壑
於今會許重尋謁醉臥春風與秋月

松林讀書圖

同三

十

誰許青山怡我情翠微深處一經橫千尋虬影循階綠
萬斛濤聲到枕清葉裏靜陰除邃古枝留明月伴殘更
輸君歲值嚴寒日蒼叟還來訂久盟

陳 萃 聚正

山晚

薄暮長煙發橫空度翠微嘯從巖際落樵自水邊歸谷
靜泉聲曲月高花影肥香生蓮渚外次第入羅幃

山行

山光晚更好策杖過山家徑曲通游屐禽喧墮野花卷
簾松影入啟戶竹風斜農事方勤作桔槔沿水涯
贈孫又邠南還見訪

蘇門作客久秋盡始還家踏葉重尋我扶藜共看花山
煙隨徑折雁影逐風斜一榻懸相待長期過水涯

秋夜夢過翁西帆山齋

相期幾大過君廬此夕追尋入夢初錯認桃源迷道路
卻隨楓岸問樵漁窺園鬢髩題新句開篋參差出異書
忽聽疏鐘來枕畔起看殘月照窗虛

早秋

一望香浮滄軒窗傍水開暑隨青嶂遠涼自白雲來泉
響心逾靜蟬鳴晚更哀扁舟已返懼知爾采蓴回

婕妤怨

寂寂宮門掩時聞疏雨過遙思別院草何處得春多

宮怨

十一

晚妝掠亂欲重勻夢裏迎車不厭頻猶勝明妃未出塞
此身還是漢宮人

嵇旋順先

晚涼

閨林送日晚餘涼意到黃庭一兩行編竹手黏青蔓色
捕魚頰贖白糜香階頭淨掃鴉千點牆角情修水半塘
風起女貞花似雪簪冠藤杖聽滄浪

施元禮索觀近詩許搗霜回先生東柯樵唱見贈
荒園竟日此柴局借竹留風作澗聽繪出素心黃葉落
幻成玄想白雲停無山買屋埋生骨有客尋詩破草亭

細檢東柯三十韻為余一一著前汀

茅固古心

九日社集

同人契遙集獨夜栖開房翻扇振六翮搗藻競迴翔清
商奏音徵琢磨磨篇章亦復澹秋容芙蓉葉曳成行匪不
憶登覽悲風搖寒芳飛觥促無算絳蠟輝沈廂疏雨遲
深更天未思寒裳

柳色

廣陵空憶舊離宮搖漾春光今昔同落絮未飛寒院雪
宮門款坐隔溪風鵝黃終染深秋黯螺黛初添向曉濃
一騎忽回紅叱撥鞭梢遙挂翠微中

同三

十一

搖蕩千行豔大堤錦帆飄泊任東西舞翻翠袖花間落
學畫蛾眉鏡裏低芳草陌頭添黯淡黃鸝枝底助淒迷
年年風雨辜寒食幾見游絲醉似泥

占斷韶華只九旬故將婀娜昵行人空條弄色江天曉
短笛迎風眼睨春葉暗棲鴉藏影慣花街乳燕帶泥新
悲涼南國千秋恨不獨隋家淚染巾

梅花

玉鱗浮動縮朝暉小徑氤氳點客衣低亞女牆偏倚角
微蒙村墅未開扉波澗迢遞傾湘浪風急飄搖度隴飛
一自花奴催羯鼓不堪深院鎖江妃

陳忱選心

春日田居

石田不力耕蒲稗供鳧雁陌上不植桑荆榛任延蔓豈不念飢寒所得在閒散租吏急追呼我獨忘憂患悠悠北窗眠山光變昏且晴暉滿戶庭春風勸餐飯名業炳身後千秋亦云暫殊覺天地寬復何發深歎仰彼百尺松蒼然履清澗

妾薄命

陽春豔豔東風急楊花燕子都無力賤妾門前橫大溪湯湯日夜波聲立空閨日暮何所思君忘妾忘情兩知蘭摧蕙泣山鳥悲機中錦字盤中詩玳瑁釵頭么鳳死游絲猶繞煙花紫山上薜蘿空自長敢問新人顏色似

同三

三

羅敷漫誇夫婿殊夫婿幾人能如初千回角枕代鳴怨谷風習習行遲遲

秋冬之際感賦

偶然一事古人同兀兀經年廡下窮今世斷難容季布當時原不重揚雄故宮禾黍嗟秋潦積晦山川想朔風海內知交淪落盡蕭蕭此際與誰通

湖海元龍氣已陳猶餘擾擾歲寒身天陰屢日不成雪世亂十年還有人古樹積風仍作雨寒山凍日竟如塵窮冬何事差堪慰聞說周師會孟津

邊城曲

八月關河雨雪飄平沙一箭貫雙鵬閣中莫寄寒衣至

斬卻樓蘭賜錦貂

閔畢成玄暉

雜曲

太守專城南邊廣澗無波十年垂纓結綬稱賢五馬車服翩翩鳴鐘伐鼓曲筵秦箏趙舞暮天織羅霧縠娟娟文帷瑤席翠細寶從雜杏郵傳珠華耀履三千樂往哀來數年烽火甘泉歲纏屋宅毀敗陌阡時事已去可憐老年獨聽春鶯

董錫來仙

憶友

說劍鳴琴憶昔年東風吹斷暮春天朱家郭解渾閒事

同三

西

冷澹還思蘿月綠

唐鏞九成

曉發湖趺漾

半月沈浩波輕風送弱浪清氣橫四出參差羣影放雲色朗欲平餘星尚西向秋思落蒹葭帆帆爭先上

暮過前山漾

日暮輕帆急蒹城望杳然源分兩岸火雁破半山煙凍勁開舟曲更深誤徑偏卻憂川晶晶無計可投鞭

初冬

紅葉清流納稼時鳥嘯煙處更移枝東山霽色方亭午不減春風滿地吹

吳景先 來許

投謁不器社伯

仰止高山久青蓮一後身雲霄誠再造月旦握人倫吟

嘯垂初典冠裳振大紳十年懷刺在相對別生春昔年

荷翁一言
得破塵網

書帙閒乾蝴蝶

春去猶翻舞翼雙何年隻影墮縹緗秦臺粉態空遺恨

漢殿金容可再揚開卷漫教隨蠹走映書能亦伴螢光

青陵未解傷心曲不向莊生夢裏忙

董漢策 帷孺

出塞曲

同三

五

招搖建朱幢王命董六師號令出意表九天焉可知一

鼓萬幕合吹鏡八門移鱗列車與徒開合祕權奇斬刈

彼爪牙制虎如嬰兒神威據長算擒王欲奚為

必勝非營壘高勳豈多獲英雄覽山川五嶽如咫尺秦

隴天下首楚豫當肩脊勢比常山蛇神機轉圓石六合

以為陣指揮破臬逆咳唾帷幄閒狐羣已落魄

凱歌息餘怒班聲若股雷白骨何纍纍彼驕亦堪哀捷

書報聖主獻俘丹殿開戰克荷皇靈任臣畢微才功成

樂高隱何事登雲臺

早發丹陽道中

志在誰能住馳車逐輕羽侵晨悅征驂曉色布清素蕭

蕭殘月中人影淡霜樹青山慰所求旭日照煙聚行役
廢迂闊童僕親我怨峻阪嘗先登馬勞且徐步雲氣散
朝霏平林衍修渡流矚已忘疲春花滿前路

秋日山行

不絕數百里秋氣連高峰四望天欲盡下見龍蛇宮野
橋宿若合長堤新蓼紅前途杳無岸回屐時復通杖策
幽人宅迢遙迎清風來往忘日月空山常自冬

夜讀

託跡秋山內寒雲貯空堂幽人抱柔瑟玉樹垂星光良
夜一何美千花含清霜半卷足歎息興衰互滄桑短歌
復長嘯激烈繞層梁眾顛歸寂默嗚鴉自迴翔照我閱

同三

去

勞意皓月懸匡牀

春日過相溪訪潘天翁喜天翁病痊語次有感漫

賦

鑑湖受春風亂雲安足數泛影入空濛溪山互吞吐碧
水夫光沈鸞花澹無主惟彼蘆中人抱道棲桃鴨一琴
留千春松聲意為譜心兵既已除病機脫如弩情真兩
不厭世味皆塵土堪歎市道交聚蠅飛肉羽初歡難具
陳調如燕方孔曾杼未三投晉讒復二五疑陣幻奔瀟
含怒傾河鼓爭似道人閒鶴夢恰當午雨重萬山深相
與話清古

四香閣

碧虛無限意小閣貯清暉雨過溪山合雲流松竹肥飛
香投靜觀息鳥獨知幾慰我登臨興高深有翠微

送劉彥培北上

欲語黯忘言離情好夢存臨風怨帆影奇想聽江猿未
解琴書恨猶憐花鳥溫遙知憶君處蘿月正當軒

蒼弁清秋

蕭瑟山光澹不流碧巖深處亂雲秋澄湖落照遙天接
遠寺疏鐘虛谷留別有飛泉投客夢自無明月挂人愁
烏巾攜杖尋山去好共清風渡石樓

秋夜聽徐宿南鼓琴

萬籟已息明月還流泉壓亂五指間曲裏光飛澗邊樹

同三

七

調高響落湖中山主人得意但孤坐白雲無心方滿關
瑟瑟秋聲戰天地誰知此際絲桐閒

甲午遣歲

欲去不去歲云暮欲來未來春較遲長吟小宋南亭雪
快讀老杜夔州詩全身不匿青山影養晦但遣蒼松知
年華沈醉君休笑莘耕渭釣真吾師

癸未孟夏同畢單厚游崑山甚樂得詩

野客狎幽性山禽常在門坐看雲物墜日影欲浮村

蒼弁吟

花雨雲涼小洞天萬竿修竹泛寒煙石橋明月楓林下
坐臥其中可十年

金陵寄家

梅花爲紙錦爲縷寄報平安碧玉堂猶恐山川誤聞夢
爲言儂已到柴桑

吳景雯 雲文

子見以廷對借南紀入都詩以送之

驅馬聯鑣出雙龍躍遠天壯游知泱歲良會計何年攜
手語難竟臨歧情重牽最憐今夜月偏傍別離船

施之圻 贊皇

草堂

結廬爲看山羣山當屏豁矢此勿諛心匿影去城郭荒
村八九家澆澆均可樂鉏庭護蔭任棘成籬落草蟲

同三

六

惠好音溫風靜簾幕玄鳥各生翎待秋歸丘壑吾笑戀
吾廬一朝失寥廓

所寄本無所杯瓢古人癡落落大地邊題此云我私我
私不足恤我心有餘悲出門倚高睇白雲相見怡白雲
何翹翹態與貧土宜南山飽肥蕨佐以北牖葵自然足
冬春息交而誦詩

歸德府

飢鳥呼噉噉羣下市里啄商墟久無煙行旅粟自握官
府寄野寺里長徒敲扑長蒿長丈五其子不可剝兼程
望投止風雪如刀稍枵腹負凍縈吹火拾腐桷同行百
餘輩相對各犂犂古來河濟間誰致是天斲

感遇

吾本率真人眾驅亦曲折確錯傷天然人巧喜凹凸骨
肉憐吾愚朋友不授訣春風吹樽前予子不須鐵吾見
搖尾者山鬼失其拙近作無懷吟冷嚼巖頭雪朝暹荒
柴門杯影夕陽別濯足嘉臨流游目與高絕眾棄吾獨
收教誨領不屑

梳頭香草歌

草是河邊草即為船上郎河邊船上偶相值何事聞香
即斷腸黃頭把箭筒滑淡青苔藉香香已土飛香不到
金閨中翠冷紅銷香淚雨茫茫湖海少丈夫丈夫都向
香邊取

同三

九

野草花

託質本微賤道旁分定之歲輪桃李實日見牛羊欺天
不吝春雨地能出陰滋人生私歎息榮落固其時

菊放

報我辛勤渥前除已夜霜多神豈貌態即色不偷香落
日臺邊淚西風馬背妝古來隱逸者半為盛年傷

渡江

三折渡揚子江干不自禁乘風時事淚擊楫古騷心無
恙布帆在多慚傲帶侵十年如一日幾誦亂流吟

入山

花時輕著屐眾壑已鳴雷未綠半林草餘寒數里梅林

忘晴鳥立衣溼野雲墮滿目尋常事故山今日來

移家趙灣相傳以文敬名

南溪清遠王孫草北郭丹青學士山鷓角不堪遺世上
風田想尙在民間鳥噉十里蒼林幻人負浮生白日頑
屈指往因今復再休心何處聽潺湲

寒食避兵村中

孤村三兩不謀鄰日餉春風慰苦辛疏竹接籬深野望
小桃當渡獨撩人頻聞逐婦漂搖語數盡榆錢旅泊貧
聽得江頭酒債處相思猶欲渡綸巾

題畫

卒歲泉石間去唐喜見骨歷歷與空空如得四更月

同三

三

李夏器不器

巫山高

巫山高髣髴太行嶮巖蒼梧岩巖巖巫山高高入煙霄翠
葉驚飄玄猿挂條翔騰鵠爭游邀雙為侶兩為曹天
空日落思怱怱有美一人度影浮沈出巫岫攬巫雲湘
水深不深洪濤迅洑峭壁聳林夢想音微相疑至今欲
往從之在田在淵在天西粵西楚西秦山胡高水胡深
日出月入開重陰萬里倏忽若比鄰可思未可見秋露
傷髮春風感心遠道之子屑淚悲吟

金山慨然

此山出江腹孤危絕聲援彌粥如不守其氣靜自存造

物好用奇安頓乃根源不然茲卷石能免魚蛟吞千僧
特佛力兀坐無一言客到憑遐搜誰能飲寒溫禪房結
幽榮廟貌龍王尊金人昔匪茹五騎窺韓屯雖僅獲其
二而江南勿喧明時非乏才斂影以抱村使陛下赤子
交紛盜中原野燐接青光餘民慟朝昏大帥氣先盡土
卒奚足論矧茲貪酷吏殫力樹眾冤半餐苦未飽迫索
驅之奔舉頭語飛鳥如爾毋憂煩

觀元所造渾天儀

學失在四夷迨元尤信然用理確有見勿爲古所牽觀
彼渾天儀結構于象先出幽與物會寒精吐層煙日星
不敢越碧虛仍勾聯冥心索太極太極當我前表裏俱

同三

三

非形至道此獨全凡民空歎妙目光眩四邊何不入其
無乃煩量測焉

重築朱家壩

壩自嘉靖閒唐一庵先生所築屏絕盜蹊扶立民志
數村煙火相賴殷盈壩圯之後千家不能存百知賢
者用心良得也余避亂此中數聞盜警同若孫勃樹
酌流泉挽回土脈二三遺老勦厥成功因作詩紀之
盜散復爲盜夙曾稱義師焚掠勿暫已酷烈仍當時蒙
影竄荒落猶懼或見知規度舊泉源曲雷而比之造夷
使其深數畝遂逶迤人家星向晨况又乏生資以茲希
鑿原倘能赦窮黎野荻蔽簷端亂篠成疏籬雲來覺我

高鳥飛覺我遲悲憤外削省性情中節遺惟彼父老言
憶昔爲羣兒雞犬無斷聲沿流好門楣天氣發所權收
穫各不疑信哉壩之力圯後村漸衰到晚年憂虞將夢
腹苦飢鄰里日他徙寥寥乃如斯豈其忘親戚戀安恐
禍隨故道既云修終老當無危桃源是何物此地少別
離

力田作

日炙水入土亭午寸有餘良苗集于枯微情頗難舒恃
天匪勤農用地爲何如腳下走雲雷頭上明羲車功奮
鬼神出氣併元化攄新流鳴殷殷涼影生徐徐沈吟古
人後久若歸吾廬

同三

三

題半月泉

山不必嵩岱水不必江湖幽異之所會真宰□□拘吾
嘗登惠山形勢與此俱靜涵給羣動構象人工巖仰分
太陰精凝以爲肌膚白雲一片下秋氣四野孤蒼蒼雲
爲根寂寂天無徒緬焉動深衷欲往尋寒樞

高原晚眺

雲霞如更曉羣岫無隱跡始知登歷妙未若此明畫檐
然協精想豈必眾所適宿鳥忽驚飛溪邊露危石石下
細泉鳴石上初月白氣象屢回惑憂心日相積千秋不
可招達人貴今夕杳杳難具論行行冀良覲

雜詩

我聞丁令威成仙復來歸故里松柏長故廬孤兔肥親戚隨物化感念增嘯歎回瞻島嶼閒方壺隔層暉雲華曳八極靈維徑三圍日月無晦明天海青微微胡爲句今昨逐逐榮與衰機生世網密理用神明虧悲風起暮哀木葉吹裳衣慷慨將何行淚下不可揮

灼灼芙蓉花生君綠池上依倚終九秋感君意所向霰雪日夜零寒聲動帷帳妾聞中愁良人隴頭望隴頭有流水嗚咽如妾音鸚鵡號能言不能言妾心歲月歛已馳朱顏寧逮今攜手百年好一別憂相尋人生貴適志聲利烏足淫彈等酌芳醕毋爲坐沈吟

病瘧

同三

瘧來寓我魂從湧泉涉崑崙寒潮捲江天氣渾剛風颯颯飄情根風中劫火隨摧燔精出神入同一門亦極靈動主宰奔談空說實徒煩冤理解中人不能靜夜半夢歸月華醒

盜警

花開滿林誰能惜晨往城東夜還北餘生擾擾安所之
一夜春風不相識不相識花欲飛飛花繞枝日三市盡
日花飛歸不歸

鑑堂禪師再來若上

不知何所事坐便長莓苔草蓬偏穩泥塗竈獨煨嘗
隨雲共寄忽與月同來免得如鴉聚鐘催板又催

新詠寒山句雷惠石壁間五年纔一晤半晌又千山始信在非佳果然閒更閒可能重此別不改舊襟顏

喜子見北歸

誰復杜門深權衡古及今三年從輦轂一往轉蕭森石有中堅性雲無空際心胡然吐光氣鬱鬱出疏林

子蓮抱疴詩以發之

尚不悔書備翻鈔到夕春怪君旬日病類我一生慵枕
賀酬秋水茗香接曉鐘宵將新詠寄絕勝幾過從

考叔出臥龍編見示有贈

無計毗溪壑市廛聊寄身豈其師往哲猶復慕時倫漢
室將移祚隆中尚有人應憐此堅臥夢不到風塵

西

公挹新遷書屋

結屋先位置徑開仍敞閒尊公書有敞閒堂無如此看月誰謂
非空山玉樹參差列瓊樓杳靄閒相期探祕笈朝往暮
能還

城隅多古樹今盡入華林燕梅營他壘鶯疑過別岑旣

疏泉結韻復選石呈陰久矣甘淪落何當遇賞音

送姚格似分憲嶺南

屢試艱危地何嘗見錯盤孫謀詒蔽帝格似王父舊爲粵令天祐
受屏翰所慮今非昔無勞猛勝寬固窮期永矢莫更念
衣單

奔赴行在呈于越凡徐伯遠兩先生

五月江天濁浪衝，淒風急雨亂雲重。魂驚宮闕虛雙鳳，目斷烽煙遠六龍。多少大臣曾定鼎，有無宛馬竟乘墉。流離未忍言中露，祇向新亭一撫胸。

西湖數峰閣拜兩朝忠烈祠

天教草莽獨趨陪，祀典何勞紀太常。勉爾忠魂依俎豆，好畱遺像閱滄桑。湖山不改猶明聖，南北無歸此首陽。颯颯白楊風過處，于公墳畔共悲涼。

于野發權白門同天行位存西帆分韻送之

送君那得有繁言，珍重陳詩一代存。但使寸心能許可，不妨千古絕攀援。衝帆海燕知風正，狎浪江豚觸暑渾。疏雨斜陽桃葉渡，何如吟好舊柴門。

同三

奉酬陳子皇士見懷之作

趙曲齊謳次第侵，誰從正始重追尋。權衡不入時人手，刪定猶存作者心。白首長歌空擊劍，朱絃未絕尚橫琴。只今何事相關切，到處嚶嚶聽鳥音。

霜回發婺州之權，因念昔游幾經秋。暮江光歷歷，在眼願于登覽之餘。采風命詩以當信史。

舉目河山去住難，行吟多半趁秋殘。黃蘆岸斷翻銀浪，烏柏霜初濯錦湍。漫擬登臺臺唐慟，臯拜諱宋而曰故好瞻垂釣漢衣冠。經過幾許堪憑弔，八詠樓中補裨官。

過西帆讀書處

尋君三月落花初，正值溪頭看打魚。半榻低徊其奈雨，

小舸沿泛未通渠，直云汎愛非求友。豈有違心是著書，肯向世人輕許可。只今誰似馬相如。

送表甥唐鴻之白門兼寄澹心余子

漫將往事付離樽，六代誰支半壁存。未必山靈依草木，猶然光氣變朝昏。風騷舉世無他業，月旦斯人有定論。但使質春依廡下，絕勝兀兀老丘園。

和陳皇士四十自述

一枕羲皇似小年，息來六月日悠然。得肥絕好先

同三

秀

同岑初集卷三

同岑初集卷四

君上沈宗圻圻生輯

語溪陳 量仲孖參

徐 行 周道

善哉行

飢虎在山藏怒不吼五采斑然望之如繡解如迎斯步
如拜斯伏視為騶虞引躬暱就^二歡笑幾何搜肩及脰
居不擇交莫不顛覆^三藹藹麟趾實惟德鄰道遠莫致
涕泗悲辛^四雞鷲在野甘與為倫雌伏雖卑不與禍親
五日入崦嵫詰朝東出闔門夜寢嚮晨起櫛^六

碣石篇

同四

風雪浹句讀巖三求泰山觀日記慨然有作

夜登泰岱觀日將起海嶼光華或朱或紫波濤照耀振
蕩不已日出反晦斂光若止久而明發丹霞如綺哀彼
下民未覩朝晷幸甚至哉歌以詠志^一浹旬雨雪扶桑
匿暉召我婦子相與闔扉猛獸深藏伏鳥相依肅肅鴻
雁觸寒南飛夙夜振翅無巢可棲幸甚至哉歌以詠志
^二方舟濟河風發行難洪濤雖險不沒釣竿竿垂于淵
魚游于澳雖未得魚誓不他蹈鵬搏蒼蒼道遠食稀六
月之久飛不知飢幸甚至哉歌以詠志^三張罟曠野期
在得虞士不求道徒隱何為大禹之聖尙惜寸晷天無
停日河無停水跛不輟步久登于巔愚不輟志久稱聖

賢幸甚至哉歌以詠志^四

燕歌行

邯鄲美人擁素箏斷續嗚咽不成聲海雲飛盡秋月生
西風振葉烏鵲驚停箏累欲憶南征沐雨櫛風功未成
返駕無期依危旌僕夫相親如弟兄南國有女色傾城
喜共族人相逢迎夫婿秉心樸且貞諒不邂逅移中情
越鳥寄書入趙城但言吉康慰榮榮懼妾憂思損華榮
大牆上蒿行

偶讀魏文牆蒿行聞子蓮殿中生千里駒遂以

命篇牆蒿道操凌植樂中真堪壓卷自魏迄今

各操選政未嘗有歎賞之者出此一示子蓮誰

同四

為伯樂太息久之

男兒志在四方踴躍欲何為駕馬馬力與人差池日
行百里中道疲雖有長鞭策之難與騏驎共驅馳世人
覺迫苟安惟茲君子憂以思思得騏驎任驅馳東將凌
越海岱西超巴蜀而輓氏羌南歷桂林象郡北當經趙
魏朔方追風躡景如鶩發龍驤去歲殿人獻紫驄號權
奇君不謂良畫思渥注之產陳八益不知其旨夕思大
宛之駿搖搖載殿載起天亦鑿爾精思篤生駉駉初生
之辰羣馬已不敢頡頏光儀照爛沫頰而汗赤雙目煌
煌歷有雞距圖經載詳燕昭所致購自遐方豈及爾龍
友出東廂我悲叢棘塞彼周行騁轡無途四顧惶惶羊

賜之版鹽車低昂古謂因阨尙有隘路可往今途窮難
服箱宜善藏安得王路坦坦無跛無傾四隅同軌征徒
不驚命王良縱送安且輕千里之道須臾解鞍塵不及
起人不及觀小醜發旌旆揚駕我元戎修我封疆千戈
定朝明堂和鸞齊鳴音中宮商爰議封禪以遵舊章率
萬騎扈辟王雨停風弭馳康莊追隨八駿上蒼穹蒼息
駕停雲列侯行舫若若臣相樂康樂洋洋爲樂自有期
驥伏櫪終逢時天老其材待時而施

霜回先生是山園雜詠有引

東柯石樵避寇入郡城于第北闢一園圍爲葛
洪燒丹遺趾嘗鎮蛟于此留小池以通屨氣芳

向四

有郭璞井園東數武卽景純故宅也顏曰是山
俾入其中者忘其非東柯云爾

蓬萊一水碧煙籠洞壑天開曲徑通畫靜鄰家歸鶴馭
寒生井幕塵蛟宮新篔簹出間雲上芳草潛生細雨中
肯負東柯崖谷好石樵還是老漁翁

瓦礫荒園漫卜居春深煙雨荷鋤初伴人寒歲移鄰竹
老我天年傍野榜寄託一身離亂後播遷萬卷散亡餘
但教北海烽煙靖閉戶閒吟日晏如

春深小苑獨扶筇花外鶯低見遠峰晉代亭臺原有待
故鄉山水似重逢避人不覺庭生草多病猶能手植松
閒隔風塵惟咫尺柴門時遣白雲封

香殘燈暗鳴雁哀雲壓雪飛朔風迴夷歌動地振林木
漁火徹曉照石苔池冰初合波不起梅蕊尙含香自來
誰家少年無箇事五夜急管催金疊

落梅

冰骨羞同萬卉榮南枝落落別離輕臨風未散疑霜曉
滿地相思伴月明飛去好隨高士臥折來難見故人情
從今再晤知何日還向江城聽笛聲

過惟肖野霞村舍

市隱慚君林壑高朝川村舍向東臯年來漁菊人如昨
客到烹尊主不勞燈照漁歸同野燒田空鷺落亂風濤
流離此會稱難得未許樽前歎二毛

向四

和陳皇士懷友詩

彭澤招尋菊徑游淮南悲賦桂枝秋老成人散懷三益
踟躕時危擬四愁病骨半蘇枚乘筆夢魂欲上李膺舟
眼前無奈江濤隔惟有臨風一唱酬

白社飛觴致足娛青門荷耒興偏孤已悲歲暮長蓬蘽
況復秋聲起荻蘆四海幸存歌鳳客十年同作釣魚徒
酒酣唱和驚風雨誰道林泉失壯圖

沈彥章考叔

題像

鳳德而衰麟歌誰藉哀彼民斯我之多暇日送流雲修
悠代謝空此琴樽黃農虞夏

其釣維何東海之濱其室維何西山之岑何其獨處豈
無素心美人往矣邈彼苓榛
維彼流泉日遠于源維今之俗不可以還吾有遐心彼
蒼者天塊焉停雲曷其慨然
日月之行寒暑之成霜雪之凝松柏之貞四序環流
虧其盈絃歌匡坐敬俟河清

和陶飲酒

我愛菊旃子一靜息眾喧冲虛受繁雜兀傲非頽偏湘
溪有斯人澄波漾秋山城郭亦何世坐使淳風還此真
足共飲穆穆琴言

同四

漏下自知牆危高易傾仰視增歎息蟋蟀牀頭鳴一飽
正不易哀哉我民生

同公挹子蓮訪天行四兄

爲訪幽棲士緣谿得路長亂山浮遠翠一水泛新香古
樹低漁網輕煙籠藥房白雲常似此回首但蒼茫

郡歸懷鳳晨諸子

負郭泛清浚春風返故園小橋依柳岸曲水繞柴門鳥
宿花千樹人歸月一村如聞漁唱遠樽酒共誰論

不器社長投贈新什奉酬志感

舉國尊先達千秋寄一身牆東依隱處天際想真人投
分亦何晚受知如有神市廛燈火近莫惜唱酬頻

秋感

吳宮花草晉衣冠蕭瑟驚心欲話難萬里雲山空極目
一天風雨獨憑欄蘆汀雁落溪光合松徑人歸樹影寒
莫恨生涯成底事功名何似酒杯寬

哭徐勿齋先生

獵獵西風萬騎來長江鐵鎖一時開孤臣自爲天王死
遺事誰憑野史裁春水白隄人載酒秋原玄墓曉鴉來
可憐絃管傷心地常向青山起暮哀

止齋菊集

九月十月晨風涼千朵萬朵弄晴光瀟瀟灑灑自眞色
磊磊落落含幽香芬芳已見蕙蘭歇爛漫更少芙蓉妝

同四

問天厚薄在遲暮使我感激懷嚴霜

和贈帷孺董子

煙雨追隨一水濱陰淪蹤跡似潛鱗無端往事成飄梗
肯待秋風始憶尋萬里傲裘難作客十千沽酒莫留春
故園何處能容我櫻符西山正可人

志感

霸越西施力亡吳范蠡功一時有句踐兒女盡英雄

讀孔融傳

不少孟嘗客時傾北海樽從來負心事多出受恩人

釣隱

五柳門前一釣磯好風良月莫相違如今白首誰堪語

舉世人情厭布衣

金鏡 金心

詠懷

農圃未礙學孔胡謝不如先生歸五柳荷鋤還讀書榮
落晤冥理獨笑忘飢劬孤景足自勸素心與之俱安得
桃花泉緬想在黃虞五男雖不才梨栗聊且娛古今多
出處焉能一步趨

古法華寺次蘇長公韻同李惟肖賦

玉嵐宵窳珍龕界醜翠鬢深剔清派松粒參差翻古芬
晴雲洗空昶心快閱厂梯枝稱上方頻聽寒濤沸澎湃
礫原客突去荒荒棠實紅侵樹路隘青蓮喻法時散香

同四

七

白雀開經影不壞攜詩窮嶮贏取嘲遮莫高山鳥驚怪
躡磴朝闕圓燈東西嶺昭嶠遲紫曬坡公來請維摩憑
游戲半滿垂金薤青鞵布鞞爾何人吾則何為囚世械
懺懺野馬逐飛光愜興徒勞劇爬疥奄忽白晷化老翁
龍性不馴鸞翎鍛根機未了三前因捧手寶王聽稱債
遙聽楊太常彈琴詩

新聲方滿地安有太常琴二操何人聽三鳴祇自欽蒼
茫故壘跡慘淡老僧心淮水湯湯去時來空外音賦後

鳴琴自

咫尺重華賜樓船負荷深南薰曾解愠北望益傷心儼
見頽然立猶疑便殿臨黔雷起白日風雨古城陰

一代焦勞在咨夔正五音宮聲遂不反角調獨傳心入
海裏何忍為僧臣未瘖柱摧桐欲折其敢續他琴正音

講角調失傳
特為增補

猶是廣陵散欣聞猶至今人閒徒傾耳天下果何心
靈關隆替哀傷自淺深無絃真有意操縱豈知音

聞董若雨祝髮于靈巖感賦

五車猶未足方外問三車西國添高第南天失巨儒乍
聞悲喜集轉念信疑俱自顧頭顱直何為遂不如
故是再來者因緣亦會時若非天反覆未免世推移念
本由忠激身隨以奮飛曾聞無數佛血性一男兒

山夜雁

同四

八

宵寒月黑往何方之子于征履肅霜北地到來音自短
南天祇去夢誰長山深水遠愁難度秋老途荒夜未央
六翮漸高聲漸杳奇雲絕頂起彷徨
海天蹤跡總蒼茫憶爾啓啓必斷腸何處飄零書信脫
誰家擬議弋羅將初聞隻叫疑奇影靜聽多聲想幾行
莫向溪頭飛肅肅有人小膽怯空房

菊名二喬者聞蔣芳斐有之以詩乞種

滿城難覓國香裁誰鎖嬋娟銅雀臺三徑可容排闥入
今年破賊為奴來

吳尹平 孟權

雁字

陣迴陽鳥會凌空界破長天趁朔風忽訝羽書傳塞外
還驚露布出雲中平沙晚集鋒痕亂薄霧晨飛結構同
點畫不從摹仿得須知顛素未爲工

八月銜蘆塞草斑龍蛇競渡玉門關憑教霜重成行易
不爲風多結體艱濡墨應常從翰海留題當始在天山
祇緣獨抱隨陽意流布同文萬里閒

孫伯炎 君羽

步月

永夜苦無寐起步中庭月樹靜無風柯悄然離言說暗
蛩秋逼響螢光忽泯滅振衣失領袖知復誰提挈吾行
欲問天杳冥固難抉岸谷爲高深人事日以蹶安能與

同四

九

羣賢周道傷車偈閒雲自去來苻藻影可悅披帷擁百
城今古亦不闕優游玄亭上寧知子雲拙

和東柯樵唱

杜鵑啼盡不如歸況復煙蘿綴客衣泉石昔時成性癖
市朝今日畏人譏春風有約來書幌秋月無心上釣磯
空翠滿山渾欲滴佇看西日挂餘暉

丁傳元 次星

蒼弁清秋

弁首雲舒卷秋來萬象清晴開震澤水月皎下菰城木
葉旋空翠泉聲送落英洞庭遙在望臨眺獨關情

馮美玉 玉裝

自歎

縱令長爲尺積寸亦可尋堅者畏金石尙爾有銷沈六
月暫息足應辱于眾禽吹氣鞭野馬拂衣上雲岑豈無
骨肉親相避如辰參失時守初服聊以埃知音

宮詞

春色三分去君恩何處留鳥嗁皆是恨非獨落花愁
草色年年綠宮中寸寸悲有心抽欲寄春信報君知

董說 若雨

悲落葉

老根爲石高枝碧拂滄浪天風霜無親俾我決絕曠別
萬年當復奈何首夏扶疏未綠如帷繁華不自惜往不

同四

十

可追根株日已遠時命悽已晚秋風問落葉子去何時

返

估客樂

烏颺江月落遙村隔煙嶼天寒津鼓罷行人霧中語
送歡楊柳灣帆轉不知處不及嶺頭雲隨歡千里去

門有車馬客

門有車馬客踰濁青松邊賣劍搖秋水高冠切雲煙夾
轂雙童子被髮光輝娟耿介發英論汎濫桃花泉呼兒
前致辭主人非盛年庭中有枯樹相對日卷然壁上何
所有銅鉢封苔錢牀頭何所有綠字仙人篇何以滌煩
紆太古琴無絃何以託靈韻夢寐通幽玄復有高僧影

鶴骨霜華顛焚香夜稽首結志芙蓉天肚圖長已矣上
客空留連

敬夫宿水北庵聞竹聲不及入林而返歸途紀事

余用其韻

昔我在鹿山長鏡掘黃獨草堂渡頭西遮門一叢竹虎
跡探平沙松根挂危谷樵夫話晚涼空山語無俗隔竹
寒泉飛窗中數峰綠度嶺清秋天日落歸與促丹青結
夢游問樵圖一幅長吟聞竹詠重剪西堂燭

采杉曲

芒衣夜換靈巖史館娃翠落蘋花水楠廊屨響梧桐秋
采香溼射香山趾千年唱徹吳宮謠刺杉不賣吹簫五

同四

十一

我家山童徐氏子春風曾禱桃花紙錦囊背冷樵船飛
慟哭空山古香死一瓣拈來豐草庵洞庭落日玻璃紫

放游

胸中那可著南北千古游人失游法臥游道人自開關
船頭鎮日帆竿插雲脚東斜風勢高吹落靈巖花岸狹
山花滿種黃磁斗歸路江濤賴渠壓

詠美人禮佛

環佩鳴清夜心空翡翠樓手垂分舞意聲緩落歌愁碧
斷風吹帶香殘雁報秋沈紗人悟妄豔色若為留

喜持訥至

索索枯荷響草堂鑪燒新製翠寒香余製翠寒香高
人脣殊有遠韻

坐久添詩話病客秋深覓睡方書向種瓜村裏借余從
園客
先生借書持誦葉當賣藥艇前黃世閒幾箇清如許白
髮飄蕭意正長

山行

落日射背木葉滑橫挑拄杖懸詩囊海天二月發秋翠
野廟斷煙生古香洞口楓樹根可坐山腰亭子名難忘
垂藤松鼠貳孤僻纔遇游人竄道傍

答金孝章

歷落長歌費草庵十年疏野話堪慙畫廚六月抽松雪
樹影三更踏石楠短髮免吹黃葉帽文犀未賣辟邪簪
他時雨笠尋君去浪跡吳閭書自擔

同四

三

雪彌勒

布袋無錢袖手閒天衣一色絕斑斕乍疑慧可安心日
莫認瞿曇苦行山橋刻琉璃拈舊夢松撐樓閣護慈顏
若為歲暮風霜後除得癡骸冷放頑

落葉

愁聽哀蟬曲調翻洞庭波冷暮雲繁數聲長笛橫霜雁
一樹寒藤挂老猿寂寂松窗聽雨容蕭蕭秋草讀書園
溪南古寺無人問隔岸疏林動遠櫛
百市行吟秋樹根烏棲一曲暮愁繁山塘客去初聞雨
破寺僧稀只閉門霜落漁歌楓外艇煙消人影雁邊村
錦囊盛取飄零葉青李來禽總莫論

秋日將至靈巖

芒屨踏葉寺重投去看晴雲繞塔流響屣仍飛吳苑月
洞庭先結夢鄉秋有童負笈未孤客無事出門纔壯游
只唱漁詞記歸日楓林細雨轉船頭

首夏田園雜興

透盡蘆芽與筍梢麻查小滿卻新交蠶忙水店評桑價
兩讖田家指鵲巢載竹船開壇預築煮茶煙斷石還敲
陸機草木誰添注認取園中苦葉匏

蠟梅

東籬寂寞斷幽香格外寒梅傲短牆小院晚風殘歲盡
半庭淡影夕陽黃山家摘藥添銅鼎野老穿花稱道裝

同四

三

不是氤氳聞別調卻疑秋葉滿林霜

讀西臺慟哭記和張非仲

荒祠門破雜編荆一片殘碑綠蘚生哭盡兩臺天欲雪

孤舟人影大江橫

凌宏禧 吉修

壬辰人日約諸同人讀書西余

歲月復開始運序如登臨前修邈已逸後起誰為今賢
哉三三子慨然集同岑拜交皆宿昔肅昭若初任收攝
形氣浮更識神明深進退肄先儀聊復存冠簪言念千
載士感激曳中心荆蔓雖孔滋遺編未霾沈投身入青
吳萬嶺自崎嶇執柯消淫俚中堅皆好音振飭其離落

寂寞其豔散柔氣而貞力微言可孤尋在始知敬終助
矣于諸衿

戴 璉 再玉

山齋

山居幽似古好鳥落聲頻樹色風邊老花痕雨後新疏
交因避俗耽靜敢辭貧坐看雲生處漁歌出水濱

步

斗室無長途日步數十里隨影話相思依然隔山水

韓玄起 甫眾

擬古

南山鬱崔嵬林壑競深杳中夜獨徘徊仰視眾星小素

同四

十四

月上遙岑幽光何了了風生瑤席波安瀾見小沼百慮
一以屏獨立聲悄悄竹浪生靜籟雲歸何縹緲東方之
既白孤鶴唳天表

休夏雜詩

苗色受新雨佇立幽香發一一歸鳥遲溶溶煙水沒隱
約采蓮歌歌聲何清越扁舟蕩空濛恣意任飄突丹嶂
與清流沿迥幾超忽何為斗室中書空徒咄咄

偶閱屈陶合刻漫題

亂離難問百年身獨坐魂交千載人對酒不忘書甲子
懷沙空自歎庚寅東籬采菊心偏遠當戶鋤蘭怨未申
五柳三閭如合傳卻教醒醉盡傷神

秋閨怨

瑟瑟秋風對短檠新涼夜半到桃笙梧桐一葉一聲雨
滴到芭蕉又換聲
陰雨連朝苦未休阻郎來信隔三秋怪他荷葉偏同恨
一樣如珠淚不收

錢价人 贈百

秋懷

夜迴不能寐微吟清歷歷夢想馳遙天聲華動虛壁愁
盤轉車輪風雨如符檄俄然墜魂驚萬象森已寂有情
悲旱壤無用類社樑世眼貴戚施幽人誤白哲靡草與
舜榮秋來任蹂躪

同四

五

竹風戰層空廉利如刀戟冷魂坐亦颺鬼神夏空宅身
為逆旅舍心似遠行客精雖狎柔條涼颺掩長陌行行
重安之滄波有遺跡咄嗟笑世人愛腹不愛脊腹熱如
鎔鏗脊卷如草席失意豪貴門偃仰自雕畫弄姿分笑
顰竊影為光赫水稽不覆山火蔓不熱澤老志自孤蹇
誰能使相易
秋氣響天末飛颿馳平蕪落月一僧定分煙萬壑孤搔
首懷諸子鳴律傾倚梧大樽無所容舉世嗤堅瓠泛廣
亦有浹驟驥亦有途時來尚為適何用笑搶榆

燕邸雜詩

拂衣起徂征攬轡舊京游戎馬夾路衢雁鳴風颺颺陵

桐拾紫萸衝波挹清流禾黍鬱纍纍云是北邙丘西晉
昔傾圮伊川味遠憂青蓋出洛陽祈祈公與侯晨雞旅
店鳴慨慷劉并州

棲晨朱戶開連樓夾廣陌昔日城南隅今為朝貴宅馬
塵交路衢往來紛紛絡繹車從夾道呼行人時辟易騎卒
從南來面薰如枯革直前衝卿相隱忍不敢斥日盱人
事周華軒上綺席脫頂縱歡宴三爵更他適盛年美容
華三五撰良夕觀者羨登仙得喪管戚迫躑躅萬里途
倉皇逆旅客高槐浸以疏日月去如擲長嘯揖當途短
橋歸山澤

同四

六

青青陵墓樹嫋嫋長衢柳得意貴當時榮名亦何有時
未噬甘勝運往傷苦瓠驅車洛陽陌走馬章臺路下土
并三接朝賢重一顧高門張修幕臬盧盛眾客長袖侍
清歌蛾眉影廣額咳唾自天來誰不甘驅策

諸將

天險蠶叢路風搖魚復波馬蹏秋草短戍鼓夜涼多
祭哀林莽行宮帶薜蘿軍中日高會諸將意如何

北征雜詩

高旆當潮卷防秋擁護深□□□□巴子泣天心木
落陪京見江寒北固陰觀濤無限思梁父起哀吟
積岸雷霆激奔濤欲怒時大河歸冀域平野散流漸少
婦當窗浣童兒習水嬉南徐陵寢重地脈久瘡痍

嚴警齊吳榜鳴金喧眾胎露歸淺渚野燕宿長亭
起荆門紫天空鄂嶧青流人緣道下小市日西扇
冥冥葡萄熟青青棗實齊危檣艱放溜灌水易平隄古
廟長征馬荒原陳寶雞飽經愁絕地繁僮欲鳥棲
華夷山易合燕趙客難歸故關瞻何地高秋心自違無
貂搜做篋有酒質寒衣坐對郊壇暮西山正落輝

歸舟

霄溪西望太湖通小艇帆開闔風霜落稻畦千頃白
日斜楓頂百城紅東南斥堠愁江介官閣逢迎憶謝公
水落天空萬餘里羈心終歲怨飛蓬

東園

同四

徐陵北渡思歸日潘岳西征感賦時梁苑賓朋誰復在
關門烽火欲何之風翻碧沼芙蓉亂秋冷銀塘旅雁遲
滿把茱萸愁爛漫接羅倒著髮如絲

讀王導傳

牛首鍾山壓帝圻石頭城闕望逶迤千年鏤鐵輸東冶
九野星辰鎮北陲供奉祠宮虛俎豆春陵司隸想威儀
秋風滾滾秦淮月誰憶西臺勸哭時

韓聖秋中翰集同人報國寺松下限韻

客到京華餘古寺僧聞車騎起鳴鐘黃塵暮合千重景
紫氣高衝萬里峰老樹深枝巢鶴鶴遙天勝事集夔龍
中郎詩賦東都貴四海詞人次第逢

惆悵詞

遠條館靜冷煙霞五夜秋風屬帝家沈水帳前燒豈
留仙裙裏種菱花

盧肇台雲柯

留別田孫若及力之限鴨字

亂雪灑江空客舟不蔽髮吾友敦成寒離樽情爾相
邀入野寺然薪圍寶鴨永夜接高譚幾忘身做拾厲志
賤時尙衝騰繩古法撼慨激風騷寧爲時代壓君才浩
如江我歸不愧書寸心矢不違出處如端策舊業傍南
山吾將操畚鍤

八月十六夜劉旭采招同田孫若翫月

同四

水藻夜生寒虛堂受月窻中秋色自正蟾兔不輕殘樓
鳥驚霜白階蛩泣露繁興歌肴核亂無復歎時難

過魯學博石霞新齋

嫌君薄宦滯荒廬刈竹編茆護此居謝去生徒聊送酒
隨時種植懶披書遠雲遮岫當窗見清露殘紅繞砌疏
放浪生涯隨地得北風何必賦同車

潘古琳子雅

秋興

我家塵市裏時懼小舟還煙水芙蓉冷江花鷓鴣閒白
雲低遠樹黃葉落秋山新月來東嶠清暉近可攀

遲月

桂馥中流轉江清水獨幽天高千嶂小風急萬家秋菰
米原田足荷菱夕浦收遠村遲月色漁火照溪流

秋日寓竹溪南樓漫興

麗譙憑檻怡新晴綠樹橫窗遠勝情幾曲漁歌秋色起
數行高雁野雲平暮嵐西嶺千重出淡月東流一帶明
欄悵烽煙歸未得蒹葭隄上草蟲鳴

茅漱侶樵

梅花

潦倒疏離鬢欲斑浮生長託水雲閒偶隨春色來人境
自信孤蹤老此山巖際忽驚僧獨坐天邊遙見鶴飛還
相看落落誰爲侶望斷長安未可攀

同四

九

已拚憔悴隱西陵怪石枯藤伴杳冥寒欲欲舒人自遠
微風初透夢難醒十年幽思閒空谷一衲浮雲舊草亭
莫羨武陵溪似錦春深誰不歎飄零

茅士籬 武侯

梅花

孤冷何心壓眾芳輸君常帶九秋霜幅巾野屐巡春瀨
阜益風流記草堂姓氏待聯煙月乘聲聞應別蕙蘭香
羅山自昔稱靈窟可有雲英守藥牀

過釣臺

禁中抵足意何如不道中宵一夢醒解釋睡眠無箇事
先生已上治安書

一車惹苒謗書盈雙鑠空煩萬里行早是故山歸計決
易交原是故人情

和天然老人咏梅

蕭蕭蓑笠傍漁磯雪裏船頭歷亂飛幾度樵青催返櫂
冰壺濯魄竟忘歸

幅羅浮水墨塗寒雲凍雪兩模糊丹青似解花情性
不入春明仕女圖

費煥公采

隴頭吟

隴頭之水東西流隴頭之人日夜愁少年結髮從軍戍
白首鼓鼙尚未休敲冰作糜陰山下援袍候敵燕山頭

同四

十

將軍部伍肅秋霜刁斗寒更擊月光久披金甲生蟣蝨
橫衝白刃徧痍瘡百戰邊疆身未死萬里無書問妻子
丹詔九重未放回玉筋深閨淚不止白楊原野雁蕭蕭
黃昏燐火北風遙古來征戰沙場客封侯幾箇漢驃姚

五松亭

游子風塵道路難清泉白石獨相看東風吹徧垂□□
□□□□二月寒

錢陔 逸甫

山莊雜詠

莽處經年歲充庭徧薜蘿山城邀月近小築遊人多有
約皆歸燕無方可換鵝不知春水溢花雨漲前坡

築園

減去田租半粗成處士家短牆仍覆草曲徑擬栽花綠
疑寒泉酒青分穀雨茶鳴雞殊解事曾未惱窗紗

道懷

朝來驗栖埒雞豕盡凋稀殘粒供黃鳥餘錢買翠薇
裳刪柳幾避暑折荷衣偶爾經城市人煙半是非

息陰

擁帚階除學辟塵居然落拓古遺民江山半面皆知已
書卷聯牀總異人憤世情深真類癖持家計拙竟如貧
招魂宋玉恆多事夜壑清淒入暮蟬

感懷

夙負迂情每自嘲浮名今已十年消肯延俗駕同高隱
祇信窮鄉是樂郊隴上禾分祈雨粟廚頭薪盡落風巢
投竿何日長安道醉倚春風起蝥蛟

秋況

蕪城新月似山村寂寞平康舊酒樽絃管調從笳裏奏
悲歌情在曲中論試師此後應無罪妃子由今續斷魂
故國園陵都莫據祇留衰草壯衡門

唐 靖 開 宣

防風廟

自昔防風氏山川亦禹敷春秋絕長狄吳越始神巫
雲暗東西嶺花深上下湖有司仍俎豆不改舊封禺

風浩閣

此章子過余以詩見示為賦
高閣倚斜曛山山惟白雲遠帆邀樹色小艇入鷗羣不
負煙霞志相攜冰雪文莫嫌鄉土瘠猶是共耕耘

李世寶

有嘉

道是繁華地飄零到處同誰曾留盤質其敢負春風昨
日鶯啼在今朝曉繞空何勞多愧惜從此任西東

同邱亮臣川口看梅

一春春半雨雪中何期曉望開晴空共攜短筇踏古路
但見凍樹生微風遠梅近梅爭放白三花兩花相間紅
鸚鵡之裘紫驢馬阿誰涼倒東山東

曹 茵 湘 人

淳中曉發

幽居恆自適適遠亦何心地僻雲知懶濤酣天欲沈豈
嫌多野泛偶或一高吟偏是漁家火飛來蘆荻深

泊舟震澤古柏下

沙禽欲墮煙空翠落溪船偃臥胎龍種支離請鶴年冷
香偏自逸青豔不知妍何事猶西指令人一恍然

伴我師飛錫攝庵及余過別已解維矣悵然久之
多恐難為別征帆遲我聞過溪仍踏月到寺只留雲片

石誰堪擬孤蹤白不羣雁鴻斜度處一半荻花分

初夏漫興

青林小雨纔一過池水新漲高新荷殘萼成子復自嗟
乳鳥已哺猶亂呼拋書有感出門去看竹何人拄杖孤
余亦岸幘不作禮夕陽回首然晴湖

茅 磨 天石

九日同人登東山分得葉字

夕陽明秋山山立寒骨攜杖探幽奇偶與歸樵值
然飄風來芒屨觸紅葉古人邈何許黃花迷道側長嘯
驚山靈雲起接落日

施贊皇畫山水歌

山水靈奇倏萬變下筆茫然一無見此時作者將何心
欲續不續斷不斷一樹一石了無奇媿骨妍皮眾所羨

同四

三

贊皇落筆貌古人組織精華成一片爲予寫作南村圖
墨汁淋漓五色現覽圖未竟驚欲絕遠山欲雨如殘墨
耽心學古何足云脫不學古終無術待予再讀十年書
一寫空靈天地活

遷居

前溪如帶抱孤村野色開林盡到門種竹結鄰藏破屋
借山作主補頽垣雲橫天地勞杯酒月動關河起夢魂
回首南窗意無限幾人依舊病文園

吳虛白寓樓

勉強登樓散病懷家家機杼曉聲開幾村紅樹新霜到
萬里秋雲一雁來嫩蕊商量渾未放舊醅斟酌漫相催

角巾投老知何日楮墨無言莫浪猜

西溪醉里

山人家住青山外只許青山入醉鄉紅葉覆窗幽夢穩
白雲滿地酒杯涼到來遙指三花樹別後重思五柳莊
笑問山人住何處桃花源裏更茫茫

題畫寄湘人

雲雨相網縲青山淡無主遙憶此孤村其人如秋水

高 捷 承思

寓言

世道日云薄游子何所歸不知旅居樂那堪風物非一
衣以御寒一衣以御暑吾衣且代序寒暑正未已日暮

同四

五

聊嘯歌炎涼其奈何

姚景益 公僕

盆中小石歌

萬物有形必有託殊質豈能歸冥漠只茲山骨矜一卷
豈其甘心委溝壑擊來几案色蒼然神工寧假人雕琢
一泓清水浸幽姿嶙峋員側生峰嶸兀坐對君有餘思
長笑元章拜僕僕

李令哲 霜回

峴山秋禊同天行子遠諸社兄

陟彼崇丘振衣西望回睇城闔勢若與抗輒飄忽來禾
疇轟浪或暈其夷我樂其曠

燈雲蔓引來月久孤晝游如蹈白晨及晡垂影歷漲涼

露半湖蒲帆幅幅疑載秋徂

題陳宗來罷釣圖宗來閩人近寓石城時亦容發工詩畫

滄溟可游舟裝五瀉雪臥浩歌人呼子野唐時侯官黃子野披蓑釣于陽岐江王佐物色之棄家游去

世無一可乃寄之綸垂竿去餌夫豈懶人浮家蒼雪我

憶玄真張志和號玄真子婺州人時往來苕霅間

釣亦不得得即換酒蘆中有人呼之為友汝醉我眠明

月在手

歸雲庵懷孫太初

一徑喧寂分人趨我卻步幽尋指層松僻仄光可翹碧

同四

薛盤龜跌中有高士墓其室巋然存其人亦豈故玄蘊

窮天人躡攀識時務十年走名山一笑蒼雲暮瓢挂志

離羣停峙如鶴鷺于世一無好何必斷婚娶隱逸詠三

君襟情于焉露風雅肅相推掉頭寧一顧山閒綠蘿月

夙所同寐寤泉扉隔滄桑聞必裂趾怒憶昔與老連三

爭孤山樹今料荒亭上梅根洩渤溲遙念此三阿泉石

無驚愕致詞乞平分一半也須付吳山借秦人居者能

無妒搔首遠凝睇鶴夢楓香度朗吟魂或聞葉滿風稀

句歸雲雲不歸芳草王孫路太初有問林語詩爭孤山

山一半題太初宿歸雲庵詩六首末有和語詩分孤

葉滿山風乍稀或云太初係秦藩支裔故隱其姓于孫

婺州游雙龍洞

長山截雲眺天目呼喻帝靈羣怪服有洞遜居三十六

神關峻拒路疑伏短槎臥牽肩背跼列炬破冥殊灼煜

八挺之衰藏一腹町畦莫鉏具四隩樵陞層層遂且覆

石乳倒垂光碌碌後頭蛇腹形千族蹲如巨象臥如積

乖龍天矯角鬣蹙蛟涎吐沫旋成瀑暗井窺天天一翕

巍然窈然排夏屋和氣襲人冬乃煥磨崖之字鬼欲哭

仙人驅使翹白蝠那知洞外變陵谷上延霄客窮水陸

應有丹經及寶籙形神對此雙肅穆歸詫搜奇我也獨

秋夕再宿白香庵懷君涵

秋草迷來路雲深與杖齊重尋昔夜夢懶和壁閒題納

同四

霧千峰月冰寒一筇齋倚欄呼舊侶應在竹枝西

第五子生

餘生方自厭到膝又增男稗恐難成穀青應或勝藍汝

名誇第五我賦媿朝三起視茅簷日温温影漸南

賣衣

憐伊塵敝箚類我滯荒林聞可供豪具寧教戀舊礎囉

仍懸犢鼻寒且結鴉衿銖較非關荷故人珍重心

是物遞歸市茲應到鷓鴣笠蓑難伴影傀儡藉登場幾

典當墟女曾留禪榻傍棄捐如予咎辭曰懼王章

落花

餞影夕陽西殘脂半墜泥弄晴雙燕蹴恨別一鵲嚙蜂

過還相逐萍浮擬暫棲料誰重見惜流夢到深聞

四月十六夜東柯雨宿

山樓如旅舍私覬月猶盈花落夜初短霉來雨又生官私蛙兩部唱和鳥三更搢腕方尋夢窺檠鼠自驚

登數峰閣閣爲俎豆兩浙忠節諸先賢處

仰止前徽心幾勞俯躬虔擬薦溪毛爲留正氣甘龍比若展訂謨卽禹臯巨解幸生諸老砥兩峰爭讓此樓高頻將如意憑欄擊笑我狂疑類謝翱

婺城志感

山城斜照暮菲菲冷翠吹來染客衣我望蔓煙今兔伏人言輪奐昔輩飛十年歌舞專鈴閣一路衣冠半釣磯

同四

毛

往事漫從遺老問耕犁何瘠馬何肥

論事寧因敗與成繇來誤在穴中爭孤軍自是稱孤注一室何堪殉一城驛外羽書躡影疾夜深燐火莽根明漸看生聚盈墟井吏有循良民不驚

邗關夜泊

岸谷輕移不記秋驚心此路是西州身如旅燕隨浮翼話入迷樓拭蒯緞斜壘綠苔封戰骨當壚紅板裊歌喉夜來客夢傷歧路不賦蕪城只賦愁

道林史師殉節維揚○浮翼古舟名

過下竺重尋三生石同沈雨公朱君爽

葛翁井畔是吟程廿載重來洵有情好景無過秋九月前身猶記石三生不繇我事惟行止可與人言卽弟兄

無恙欲將信借問忽聞牧笛出柴荆

秋日無題

賸有襟情草木知沈寥秋氣入須眉鄰精婢句支朝餼募冊僧催付好辭人過中年偏惜別事當痛定不堪思小山可是藏名地握粟掀簾問所宜

哭徽州司李温寶忠

轟傳壯氣凜如生匣絕猶能兩眼瞠妻女死方成眷屬男兒到此是功名篋中三尺淬何銳膝下雙珠匿自營幾箇士師能抗節頓教青史重烏程

棲賢看梅

翠竹寒流是舊盟相看無語似含情懷人夜雪孤舟冷

同四

天

招隱湖亭雙鶴橫古榦遠浮青嶂老空林畫鎖白雲晴只愁羌笛隨風起譜出江城五月聲

初夏山居

一枕蘧蘧晝起遲喚人詩思樹頭鷓石荒短阜僅鋤蠶苔滑閒庭客展知買鶴計糧添半口畫山停筆誤成眉茶分僧餉烹初熟吸向階前雙桂枝

鄭三山過訪山中聞門人劉公旦被繫

羨汝藏名狎五湖練巾竹杖目瞿瞿漫期藥石能生我欲擬髡鉗作寄奴吾道規隨後勁一身俯仰怨中孤奇言慷慨成初志臣罪當誅詎及孥

詠雪

木落寒臯客叩門胡然林鳥寂無言曾侵夜幌平分曙
不向飢煙一借溫戶外立時深幾尺樹頭封處失前村
冰姿欲傍傾城笑開到梅花始返魂

攢雲頓接暮煙生遠岫橫拖正練明半拂漁罾隨逝水
暫依衰草戀荒城三更月落何曾夜四野雲垂翻似晴
我夙有亭名白醉任君先到與梅爭

朔雲疑向此中移卷入悲笳帶絮吹風怒舞依新曲徑
巢鼓響出最高枝
歐烹紫筍添佳事琴奏幽蘭儷好辭
為愛潔輝樓獨倚輕颺任雜鬢邊絲
陳思王有吹雲簫言雲如吹綸絮也
非謝女因風柳絮

霜銷幕幕罩層霄庭竹無端競折腰
簾撲春蟲聲簌簌

溜懸冰筍影條條南州寒語一雙鶴
孟尉孤尋第幾橋
世事喧淒君莫問展圖惟愛石丞蕉

登天香閣

危欄睨羣動午夢慵如醉
颯矣涼飈生山山落空翠

江行偶紀

屹屹富陽城居高而臨下
城中人夜驚月明浪來打
物色於斯賈我嗤文叔頑
誰將麟閣影換此一山灣
怒濤如瀑聲十里石塘路
笑我勇退人應此急流溯
千山黛色來倒影溪中積
不敢澣衣塵恐其或化碧

登釣臺

咄咄一狂奴理亂不關意
我嗟啼髮翁慟哭失其處

披裘而負竿纁帛字他致光武亦沽名放馬曰成志

題畫

望裏孤亭遠接天漲痕春暖碧于煙
洲邊帆影雲邊樹
我在澄江看五年

月湖對月

岸谷驚移月幾盈柳隄人斷暮煙平
馮夷曾占姮娥譜
一勺留來姓未更

自智者寺度嶺至三洞途次得絕句

俯瞰羣峰螺黛橫谿邊水碓慢流聲
回頭忽聽兒童語
笑我松杉頂上行

慨從隔歲積寒漸好憶春深
蔽蔽滋知是年來官稅急

山腰畚角有耕犁

同岑初集卷四

同岑初集卷五

雒城李夏器不器輯

思水錢价人瞻百參

朱繼升 日如

偶成

向平未聞道晚與名山嘔當如我已死何待嫁娶畢嗟
成家累多男女紛繞膝小者纔兩齡四十已踰一俟其
成立時存活未可必幸不奄厭世龍鍾轉衰疾開門即
有山峰巒羅在室閉門即有酒薄田盡種秫閒暇輒高
吟無心苦著述書法雜鍾王亂塗不擇筆舉世如濁泥
隨波與共汨終始理自然三良空憫慄

同五

一嘉業堂校刊

三桐

荒莊森眾木誤落匠石手三桐謂不才棄擲煙霜後豈
知廿載餘天傾大廈朽匿影到丘園恍目無一有惟爾
猶能在蒼蒼為余守蟬鳥因之集高唱侑我酒少陵昔
避賊三年億奔走歸來見四松劇于逢故友吁今禍未
身人木誰當久

金心修邑乘感賦

奴隸乃鼎烹陶公至乞食雖曰天運然烏能已瀟愴欲
洗日月光文章竟無力螻蟻時一怒往往遭誅扶憤來
毛為豎懼至股為栗何期當此時倉卒志邦國筆札非
上方杯酒借顏色美之固不可劇之亦非得徒自懷腹

悲更復畏口實例變辭亦微義見書在直典刑懸萬古
忌諱避頃刻伸屈詎能定語默安可律惜哉遷固手白
髮星星出觸境多無聊立言仍有則

虞美人草

風吹楚歌颯入耳推枕神愴夜半起數行泣下忼慨多
帳前宛轉美人死死為舞草草有情情深繚繞繞曲聲
曲聲不誤應拍舞至今草帶美人名美人未死離如電
八千健兒七十戰鴻門寶玦光陸離龍蛇勢逼須臾變
英雄成敗不堪論楚漢未爭本是秦若使虞兮不化草
漢宮那有戚夫人

換早秬穀種

同五

一斗米換二斗穀來歲好收米甘斛明知秋入不如秬
取接青黃求早熟因嫌城市事西疇未便躬耕真可惡
句人備作仰其勤悅以勞之在黍肉一年三十六旬中
艱苦餐餐細難錄莫嘆家眾不傾心緩取多方誠未淑
負未肆力貴身先盡酒孟蔬必在目撥亂詎不繇用人
左右羣賢使其睦丈夫經濟不周身徒抱文章何處哭

擬游釣臺

無地揮雙淚呼天憑兩臺荒祠依草立急雨打人來極
目江山在驚心墟墓哀春陵何處所感喟共徘徊

擬西臺哭所思

踰黠荒臺石商歌一擊之魂游歸未得哀至哭無時漳

水臨歧語睢陽弔古詩南雲氣浮鬱忽若助余悲

穫早稻

輕霜肅眾物木葉未全黃隔隴參差熟登場次第忙陰晴占暮色遲速趁秋光慙慰飢兒腹無心問蓋藏

九日

雨打東籬暮未休白衣不至憶江州牛山有淚悽高望馬政何人運遠籌非為崇災頻把蓋那堪避難獨登樓栗黃養白成佳節枉過花開無奈愁

寒食感懷

荆棘銅駝事等夷陵園誰為逐狐狸禮儀猶說開元敕榮典空傳光武時輦下海棠何日見長安芳草不堪思

同五

天涯多少無家客夢斷南雲永夜悲

張應纘 賦

陌上采桑行

江南四月采桑女陌上逢人羞自語提籠猶記出門時回頭幾度掠青絲閨中阿女催蠶食飄泊郎君那得知

姚延服 賦

友人招飲碧湖雨中卽事限韻

碧湖風送客衣涼雨後春山淺淡妝漲滿桃花千樹綠吹殘柳絮一隄黃開樽漫學鯨魚飲試舞爭看覓作裳爾我休言輕一別相思贏得幾迴腸

嚴爾琮 叔玉

讀吳忠節公老師遺集恭題數言卷末以當大招

渺渺此靈光蒼樹白雲結重死乃天懷輕生何明哲繇來驚世事學問徵素節數卷留後人佩以韋弦切生平軌古道清修勵冰雪振笏立朝時論事如電徹庭訓恆諄諄大義益昭揭慷慨激一朝日月爭光擊志豈在成名從容就所悅嗚呼引決時鞠躬猶盡竭高風冠華夷俎豆其不絕公之烈萬年公之書一轍傷懷無吐愁讀一字一血

尋秋

滄江蕭颯正相宜點染西風景物差雁過有聲驚葉落漁歌無意籠煙移我看山色嘗如照客老秋光不自知

同五

世事盡隨衰草去幽人惟有一囊詩

呈破閣和尚

曹洞門前古月圓碧湖如鏡淨無煙心花燦爛三千界道果團圓五百傳少壯老無巴鼻處去來今在杖頭邊空王甲子何須問劫外風光任倒顛

唐元迪 校吉

平原道中同大千准一賦

蕭瑟平原道帆迴隔岸洲青樽聊泛酒白日可消愁古寺橫新月寒林帶暮秋行歌何處好候雁已江頭

葡萄

葡萄邊地好餽客值深秋嗟此離間物曾移博望侯清

瑩逾翠玉繁實似紅榴何待成佳釀春風入畫樓

過嶧山河

嶧山河水渺無涯水面輕鳧漸近艇客裏蛟龍常作侶
天邊蓬島欲爲家中流積翠樓沈彩夾岸飛檣接暮霞
矯首靈光何處是白雲荒草隱悲筇

魏家灣

驚帆飛渡魏家灣回首瑤京已萬山幾處麗譙斜日裏
偶來淺渚野田閒白雲在望人偏遠黃菊方殘客未還
何事此鄉常問渡東瞻梁父路多艱

七夕感懷

仙槎零階桐樹空秋蛩欲斷淚征鴻素冠自媿當銀漢

同五

五

綺節還疑吐玉虹安得機絲牽絕裾那堪烏鵲類飄蓬
十年珍重穿鍼會又向鍼樓怨晚風

中秋

素鞞揮戈日影流半年蕭寺又中秋雍門未鼓先垂泣
柳市何人說報讐仙梵豈隨妖夢斷白虹寧傍錦雯浮
大招不爲靈均賦木落湘江迥異愁

陳春旃約中秋邀月賦答時春旃由東粵將備兵

關西

翠霞爲裾玉爲顏鴻寶書成大小山鸚鵡賦才推漢關
芙蓉獵騎出秦關五原自昔輕烽火三輔于今孰往還
獨使張衡西嚮望愁心遙寄太華閒

郡城感賦

經年頓領客蒞城秋葉春花幾度更豈謂報韓惟一擊
最憐覆楚媿三生悠悠軹里刀錢富擾擾潢池枹鼓鳴
若欲上書閭闔遠不堪幕燕比長鯨

西湖雨景

錦鱗游漾暖平沙蓮葉田田未吐華何事小樓偏曳雨
淡煙私入莫愁家
芙蓉獵騎近如何聞說燕軍江上多新柳不知風景異
依依淺黛拭青螺

張隴右京

始見梅花

同五

六

半春長聽雨終日欲看梅偶爾寒香近悠然野客來一
枝逢雪入二月見花開去去山園路明朝幾樹栽

耳熱

獨坐還無睡挑燈百感來耳何三夜熱心已七年灰得
失慙誰論炎涼與世猜客衣單且薄誤認小春迴

宋菱曲

歌斷木蘭舟生涯秋水上摘得幾回來儂心無他向

西湖泣柳

戲馬長楊草色迷春風絃管酒樓西忽聞羌笛吹成曲
那得烏棲入夜啼

沈祖孝雪樵

感述

三國未定鼎割據何縱橫壯士不苟沒亦自成其名曹
公本愛才羅列多殊英應劉與王阮樽酒同生平丈夫
各負氣知遇良不輕懷刺字欲滅吾悲禰先生
有苗不可滅中國互雄長有道使其臣不在多殺傷天
風吹枯聲驚塵暗邊壤衛霍多功名宗岳竟羅網同具
英雄姿遭遇良難強俯仰古今情哀哀叩莽蒼

閨愁

彼狡東南下中原鼙鼓深征夫萬行淚賤妾一生心制
禦無長策驍騰不可禁誰能在離亂辛苦憶哀吟

贈友

歎息傷無賴憂來日漸多北方堪涕淚南國又干戈聖
主勤推轂邊臣媿凱歌治安猶未卜草莽哭如何

柬親知

少年不得意三十漸蹉跎風雨吟秋盡親朋隔地多以
貧成我嬾安賤少人過每日隨兒穉滄浪一放歌

憶人叔忽簡手書即用書字

海內推賢達吾兄最豁如曾將一杯酒謂我萬愁除今
各蓬蒿臥定誰懷抱舒相思不可致尋把匣中書

薄暮

薄暮柴門過客稀夕陽一片下雙扉沙明水落魚鉤見
風定煙寒樹影稀野菊自憐遲眾發孤鴻何意向羣飛

京華冠蓋狂生少湖海將無老布衣

人叔性愛逃禪寄此諷之

獨立柴門雨雪深相看寒色暮難禁自傷縱酒猶年少
莫惜狂歌但苦心涕淚未乾悲鵬鳥風塵滿眼釣淮陰
縱能身寄高僧傳那便悲涼夢不侵

早春遣興

一望春風自可憐含雲映日帶輕煙看花隔歲惟梅在
覓樹成巢見鳥還掃地閉門稀客屐賣魚沽酒羨漁船
不知何事吾衰甚三十斑頭會惘然

感覽人事悵然有懷作

草履黃冠已夙心窮愁何事獨相侵中原縱騎無虛下
塞上單于有賜金每向東南長歎息因思慶厓一哀吟
豈知立俗傷流議白首支離涕不禁

偶見

少年漫說酒家胡我已含情淚欲枯不信紅顏真薄命
百年脂粉付當壚

塞上曲

碧馬連錢驟紫韁千羣獨擁左賢王自從嫁與明妃後
都半妖姬學漢妝
邊地寒深夜雪高羣兒搆火酌葡萄君王一體無番漢
歲與重繇錦繡袍

齊治康成

擬古

煙蘿一佳人瀟灑比涼月拂我蘭蕙香渺渺哀彈發竹
風爲徘徊浮雲冥以忽因之散情志憂來轉難歇三歎
歌白頭對鏡理玄髮

春思

白花覆溪村路幽摘桑嬌婦眼如秋隔水籠籠晝煙舉
芳蘭香去小姑語相攜素手鬪妍暉雙掠風胡燕歸
粉牆花開向芳草原上蕭蕭白雲老

章人龍 劍威

遣興

四十無長策飄搖任所遭乾坤橫盜賊骨肉抵蓬蒿河

同五

九

北山花暖江南乳燕高願隨征戰末帶礪比蕭曹

子規

子規城北叫傳是蜀王魂變化微形惡蒼茫遺恨繁巴
江流不轉梓嶺險難援瑟瑟瀟湘竹戎戎點淚痕

懷錢開少

孤篷天際望南招渺渺長空歸雁遙轉憶神州尋禹跡
獨悲故里識夷標江流萬里徐淮樹恨積三年閩海潮
每欲乘風凌碧漢員丘方丈問行朝

章金牧 雲李

上曹秋岳憲長

鐵冠白筆動麒麟皇甫威名徹紫宸十部諸侯齊上計

一時驄馬效理輪阜鵬秋迅宮雲聳玉殿霜凝大壑春
盡道兒寬延攬切梁園賓客滿京塵

燕臺雅集余時以病不赴

千秋良訊比兼金斗酒相逢莫住斟雙眼喜隨燕市俠
纏時長抱故園心千山挂雨兼天溼萬壑迴風起暮陰
躍馬衝泥情自快鳳城鐘鼓獨行吟

上陳去炫學士

會稽舊屬先臣郡學士乘輅今復過少室神仙通越嶠
海門龍雨帶黃河人依玉殿星輝迴院接天宮鶯語多
不盡薰風吹麗日西清著述近如何

清遠堂社集卽席分賦

同五

十

中郎風致照煙霞遺恨紛紛雜暮笳秋草已侵袁粲宅
青雲忽下信陵車列侯劍佩通雙掖漢室生徒擁百家
垂死得逢懷抱好不知江雨怨長沙

長溪溟溟落湖濱老樹生煙散夕暉海鶴天風當檻下
梧桐細雨夜深聞烽塵苦憶投金瀨身世全悲誓墓文
可怪衝泥忘懼怯座中詞賦有參軍

塞北霜高鴻雁迴懷人千里共登臺諸家綵筆傾高座
滿地黃花落酒杯村破郊行多畏虎時危冬夜忽奔雷
縱橫風景新亭會俯仰經綸臥草萊

吳 楚 敬夫

晤沈人叔

坐臥一布袍寬深恆袒襦蓬蓬鬢髮垂僧帽傲復側久
參寥拘態談宗時捫蝨開筍出新詩爲我朗吟畢嗟茲
末流入愛憎移頃刻朝聞慷慨詞暮接囁嚅色別子逾
三載形神欽猶昔請誦鳩篇美子以儀一

將達玄墓

虎丘橋畔石嶙峋明月寒梅入夢頻五十餘年纔識面
青山應笑白頭人

泛畫溪

亭館傾危無路躋斜陽芳草恨離離黃鸝也自關情甚
飛向綠陰深處嘯

賦律雲際

峴山感懷

重過峴首淚盈把恨入春雲難獨寫漁燈人散小舸橫
碧浪無聲忽東下青青薺麥望猶深古道衰楊惟繫馬
亂鴉送日草合煙十里黃沙捲平野清角吹寒暮色凝
廢池喬木悲游冶碧油明滅懸露光飄風夜泣琉璃瓦
温春生蒼來

窺園

尋南有君子高素如空秋經綸冥極外靜與丘壑謀結
廬非桃源乃窮泉石幽崑崙出戶牖雲霞飛牀頭撫琴
作龍吟惆悵蟪蛄愁有時發浩歌空中驚濤流天地尙
兵甲吾道將安休所貴蒙叟情偃仰爲沈浮晨夕論今

古曠然耳目周斯世未可忘暫爾寄悠悠

奉答董子見懷步韻

暫息十畝間日夕空庭華深巷靜雞犬繞野暗桑麻出
門未有和稠悵嘗還家

懷義康長康

田家辭

牛瓶其犢我抱其子子弗我抱犢齒長矣牛犢分畦父
子一犁

女紅克家麥黃成國遠古無官以農爲職季代無民以
官爲食

蓬頭自雅稚髻以娛不衫不履人物黃虞大禮在斯絲

葛何爲

銅雀臺瓦

飄香覆綠凝煙色翠滑古光淨如拭薄質冷泠蒸溼雲
世遠愁濃嗚不得春風走馬鄴城下不見亭臺見飄瓦
久歷悲涼棧暗塵落盡繁華自瀟灑班剝稀微苔蘚紋
猶是佳人碧唾痕長抱芳懷懷未已淚花零亂和鉛水
娟影迷離豔無主鄴陵依舊風吹雨

賈衣

奇服素所好捐余袂獨傳曾經慈母綫半是細君絳萬
里碓聲在一園香寂然好將芟荷葺無褐莫相憐
温能夫弗已

秋日訪鏡園賦贈

乘秋泛湖下清波明朝陽林壑發逸興思君一登堂幽
徑翻石穴松溪託瀟湘頃雲留野鶴小泉寒鳴壑山川
斂空室星月披襟裳伊人懷琴操一詠一飛騰高風
笠澤賦心輕洛陽抱膝何所思成都八百桑

戊子元日書懷

均之一歲朔龍潛雲蒼涼蕭蕭北風厲塵沙染衣裳前
者流離子幾家已還鄉鄰童雖逐鼓古老慘飲漿千里
靡寧處舊恩深未忘人窮且返本天意厭機槍行見劍
戟賣買積力耕桑

嚴願陵 又逸

同五

吉

客夜

莫憶滄江北還游碧水東孤村聞落葉野館度飛鴻旅
夢寒雲外鄰春夜火中自憐多難後不敢哭途窮

枉萬將軍贈詩次韻呈答

未識荊州面相思風雨多誰憐擊楫意還付采芝歌其
是悲秋者其如良夜何莫辭蘿徑遠一為訪巖阿

游法華望湖亭

東風畫舫紫游韁共道春深載酒忙五里松聲寒繡帶
一峰雲氣溼羅裳杯中遠落湖光白亭上高飛弁玉簪
長嘯東南戎馬日幾回猶得醉斜陽

哀江南

欲窮洲島奮神威戰艦雲檣數十圍舜母廟前龍影散
禹王陵上鶴巢稀

嚴我斯 就思

秋懷

蕭瑟天風來歷歷振疏木鷓鴣號四野明星耀東壁秋
馬車輪轉幾幾靡所適徘徊虛堂上蕭條如遠客有情
悲舉壤無用憐社稷材與不材間躊躇無與析靈蚶
汚泥騰蛇游大澤舉世貴戚施末俗惡白哲誰能循俯
仰靡趨求安宅

董璽預 港思

詠史

同五

吉

嚴桂發素馨悠然吐清意拂衣振高岡竹林懷曠致寶
此放達資冥游安足異仰天肆浩歌才華應善試豈不
寶物情何為傷顛顛

擬陶飲酒詩

古今猶朝露盛衰各異境幾忘昨日醉焉知今日醒
讓松下風清吹復能領功成豔綺黃沈晦甘箕穎不如
謝濁醪坐視東方炳

詠懷

峨峨庭下桐清露墜寒影明月吐虛楹靜言萬慮屏千
秋期所思盤盂作各傲恭默保令微昔人恆耿耿天地
惜我躬藏器非所聘

天馬行

君不見天馬行空畫不得掣電奔雷勢矯抑五花連錢
生紅雲九霄特立難控勒弄影山河如有神左馳右驟
偏英特天下凡馬遜不如旋風罕地渾一色見者驚怖
真飛龍振鬣長鳴千里息

獨坐

蕭蕭秋意遠況復倚桐間愁向清琴寫心隨疏磬遠溪
聲瀉宿雨竹影灑空山淡蕩多餘嬾呼兒且掩關

夜坐懷陸雯若

林靜夜光流蕭蕭湖上洲兼秋吹木葉帶雨動江鷗
鷗風逾壯池塘氣欲收含情開遠思疑共虎溪游

同五

五

積雨有感示肥拙家仲并呈培風先生

積雨透階楹涼陰秋思生野人時獨念農事最關情盜
賊干戈裏乾坤草木聲寒風颯雨夜萬慮不能平

賦酬錢子瞻百

百鍊奇光鬱紫繆松醪賦可破煙樓高懷飛瀉傾三峽
老氣橫空薄九秋罨畫暫留今士臥菰蘆能似昔人道
知君獨攬南山爽奮袂于茲喜共游

夜飲東臯

春水汨汨流舍田春月高林忽已穿谿壑無窮常不厭
借我幽情時往還

春日野眺

東園垂柳拂煙生西谿花落水欲平鳥飛杳杳不知息
山人醉酒眼復明

施玉階吉升

同柳宮閩訪嚴開之呂長在于維揚柳鳳簷先生

幕府

老客邗江日尊開幕府時月臨瓊樹曉歌度竹西遲行
踏存知己天涯未別離莫言杯酒會起舞夜何其

考城曉發

曉日長楊覆大隄紫雲翠幕望中迷野花泥露迎愁鬢
芳草含情戀馬蹏吳國征衫鄉淚盡洛京春信故人攜
朝來驛路吟成處空向郵亭載筆題

同五

六

觀兵

百粵樓船動三邊羽騎馳日纏金鎖甲霜落玉珮旗欲
楚周宣頌能忘吉甫詩廟謨方耀武鼓角起清悲

閔南仲湘人

讀鄭所南天下皆秋雨山中自夕陽

沿溪不十里山影翳我魂晨夕何昭昭雞犬亦村村回
巖山下路鬼雨青無痕既足養身世亦可長兒孫祇有
一寸心三春不能溫

高山無事棲衰目多短明了了深窈際夢寐非其情流
水自恬淡幽緒亦復生吾不出山中焉知秋雨聲微聞
桑柘外隱隱晨雞鳴

雜詩

美人薜蘿衣顏色非姬姜
小雨侵梨花輕寒起空房
情貌略相似歲序多徬徨
立言懷夢寐疑義析耕桑
炎暑六月中彷彿生煙霜
自是故心人難為時世妝
遠別示舊音新歡如補亡
此夜一以會殘月吹羅裳

萬里

美人天西拂青羽芭蕉葉
葉嘯深露羅帳燈昏寄一
幽窗冷夜聽疏雨細香輕
夢泊天涯天涯即在燈昏處
小屏半倚深復深
曉衣幾縷風吹去

鶴骨笛

丁種玉滿空戀人間三月多
春寒煙霧月佩霜雪頭

同五

七

坐看野日低青山仙人惠我
鶴骨笛欲吹未吹聲半出
媿無長句與招魂祇有哀音
滿虛碧修眉老父雙鬢星
高山大水時一經獨據孤松
劃長嘯苔青石瘦風冷冷
苔上遲社中諸季

獨尋空外響流水淡無言暮
雨催行跡殘春暗故園
踟躕芳草路矜慎落花魂野
老能相識居然友道存

春日懷西徵疾余以塵事出
郡不得盤桓因述數

言致恨并悉道中所見而成詩

胡緣輕一別塵土夢侵尋
小艇忽然遠青山如此深
鳥嘯初柳外人在碧溪潯
熠熠蠶蟲墮燈闌獨夜心

所見

彷彿故人意參差夕黛間
香遺風雪夜寒帶別離顏小
語初聞句纖雲欲覆鬢
隔簾剛半面誰道夢相關
微波似相送寒綠乍濺濺
澹雨羅衣跡殘絲野店煙花
飛柔艸外人倚短窗
前歸路寂無語深燈記一年

雒城李天根登詩歌往還者二年已丑棄諸生祝

哭之

不愧江南士春風二十年
自吟秋葉裏誰共雪山前
白日一傷別荒城幾暮煙
空餘寒食祭塔影向人圓

淵聲浮上久不歸

晴絲瘦日滿空齋子影蕭
寒感舊懷衰葉三更如夜雨

同五

六

離居五日即天涯
饒燈燄冷依緇帙么鳳衣香睡玉釵
相望秋溪溪一綫何時布
議與青鞵

田園雜興

渚曲汀長畫掩門是中雞
犬亦村村舊餘秋鮓殘雲白
新壓槽牀凍雨渾怨鳥更
誰憐昨夢孤花空自抱香魂
身將歲序同遲暮不與暄
蕪一例温

董衡楚望

歲暮北征諸昆弟相送言別

風寒薄征衫曉舟已過發
何為事遠游獨行履霜雪
長途日易晚夜煙緲相接
清樽話離思斷續不可歇
臨歧兩依依雲山悵已別

宿德州

孤帆凌霜風萬里渺無際近遠隨飛翼轉作翱翔勢片
雲逞斜暉穿林分夕麗城烏曉晚寒日沒月以繼古渡
水光闌波平舟自濟野岸移遠銜柴扉聊自閉蕭蕭雲
暮連夜寒風愈厲木落地天曠雲翳不能蔽酒旆望處
斜依人故搖曳兩兩唯歸舟歸舟總不繫

來青軒

躡足躋幽磴徑曲多疏篁不同高岡梧朝陽棲鳳凰當
年駐蹕巡游地聖祖憑軒稱獨翠嗣復臨幸寫來青至
今猶識神宗字潑墨如新向日開百年風雨護高臺長
天白雲流不盡還與山曲相徘徊我亦俯仰延佇久夕

同五

九

陽一片空歸來

宿崔鎮與采九澹餘兩年兄不期而遇

出門事鞭鐙晨夕煩經營耳目與塵習佳興苦不生落
拓投異鄉進退疑俗嗔有友自南來夙昔交所深昏曉
愜情愜合廬偕寢興聯鑣攬奇勝呼酒忘身名因以競
譚笑向者非其倫

泛舟于夾山草蕩閒次菊庵先生秋禊詩韻

爽氣來西郊晴光歷城郭扁舟隨所之波恬淨如削新
綠徧川原水田春漠漠山靜境愈幽蒼崖凝斷壑帆影
不可極孤雲自落落身在萬山中閒心無所託于斯得
真趣俯仰良不忤

靜夜思

驅車出門來日夕煩經營忘身歷春夏不知秋風生蟬
姑晚晚涼寒蛩泣露鳴山中得暫息略見幽居情穩臥
不覺曉夢回聞鐘聲感會靜際愜憂懷心曲生願言深
思之何為在帝京

渡河

何光欲沈勢欲峙萬里鞭沙驚渡駛一葉輕舸破雪濤
乘槎擬向天邊指獨往河湄拜古祠此君意氣能不死
濟寧舟次喜晤姜長卿門兄

雲歸夜壑冰為魄往來雨汝紛皆客夕陽古道解照人
相逢肝膈皆純白風連野水一葉輕三年前已識君名

同五

十

燭花逢迎留短檠蕭蕭暮汀夜氣清亦如飛雁各南北
隔年相隔聽春聲

蘆溝橋

虹橋互雲宇彩氣徹丹山鳥渡遙知倦濤奔勢亦闌玉
欄千曲轉碧砌一週看歷覽燕臺勝斜陽天際寬

晚眺落霞

一春註誤短長亭賸有孤吟天外聽小艇落花驚倦眼
夕陽垂柳繁疏星暮山不斷長風引遠水遙看夜影零
此去扁舟明月滿夢闌無賴酒微醒

游涉園次菴來秋禊詩韻

池上松風石上苔隱君三徑得重開亭臺布置山為主

正壑經綸天賦才閉戶不嫌人影寂聽泉未許鳥聲來
玄關深扇難相叩只此登臨亦快哉

登四香閣

古路蒼茫點碧苔試憑虛閣萬峰開行看結構成高隱
敢許登臨作賦才春暮已知梅徑冷香殘空有樹光來
小山寂寞嗟今古叢桂新篇安在哉

風阻

暮雲一片隔燕臺野岸蕭蕭草色灰半渡霜風隨水遠
滿山寒葉帶潮來江聲入夢驚塵榻夜影歸舟落酒杯
寂寞殘汀林樹冷雁行飛度去重迴

山房書事

同五

薜荔繁短牆歲久剝新粉翠影凝素簾山低日色隱
石底種雲根雲深若無種乘風散高空令我觀聽竦

和沈元馭惆悵詞

隊裏雕鞍百寶攢碧絲金絡翠幡幡悲笳一曲愁千里
誰識文姬馬上看

春餘寂寞曉流煙花淚闌干薄露濺落盡臙脂風欲老
昭陽宮裏自年年

姚淳熙 子邕

宿日觀峰以陰霾不得見日

入漢不乘槎舉手天堪搗玉嶂拔陰風蒼然吹古綠海
色盪胸來飛鯢織影伏在昔欽初日熊能金火煜百寶

是中生晴何司泄蓄杳茲紫黑光詢籥而捫燭踵趾踏
寥寥青屨一日福結廬倘有緣無復論寵辱

寓回雁峰百日不上衡嶽歌以志媿

背負名山未了緣洞壑冥搜但悄然見說生孫絡樹顛
山魃古木幾千年霜陰吹火火無煙中有蚋蝓蟠秋淵
驚濤盡立雷雨懸臥游髮豎履峻峻七十二峰中斷連
驚杖穿空未敢前日月雙飛易朔弦膠膠側側影西遷
嶺壑折入累磴嶺言採石隨學飛仙他日重尋勦冥天

登岱頂

羣巖高拱玉皇峰九點齊州青漸重光接眉邊過日月
寒生鉢土走蚋龍瀑流嶺散千年雪屬底風傳萬壑鐘

同五

滿地鈺鍊應不到敢隨高鳥謝塵蹤

嘲蕙芬

一鳩競罷忽生涼面面煙嵐雨後妝豈蔻合時疑蝶粉
菱花敗處見蜂黃終朝蹙黛憑誰畫永夜挑燈作嫁裳
沉是酒闌歸院寂巫峰十二繞迴腸

賦得岸夾桃花錦浪生

暖煙曾不到寒蘿無奈春情入浩歌酷似美人臨曉鏡
兩腮紅暈漾秋波

丁 與 廷玉

眉鬢

機上撐幅者曰幅鬢余眉間不盈尺而終日皺

感或戲云亦須用鬯遂賦之

吾生三十載濩落遭數奇日夕靡好懷眉宇如縐絺願
言作眉鬯電勉以自支奈何虺虺者如山不可推山則
猶可推虺虺不可揮雖有夸父策撐之亦透窟雖有曉
磁竹排之猶檣櫓已矣復何言惚惚情若癡

過淡圃與湘友雲際夜話

居然鄭谷隱不減杜陵情白眼窺人傲黃花眇世輕不
無羣鹿至端有一飛鳴試飲山中水因君臥益清

秋日野望

出戶路迴斜天空縱目賒高霞寒映水秋穀晚垂花樹
裏將軍墓雲邊帝子家感時因覽古凝望倍咨嗟

同五

春日田園雜興

春稗宜種樹春老宜布穀布穀欲布種種樹欲種竹
身亦秋蓬耳樹何計十年君看數叢竹布影已森然
田閒走春溜麥浪亦有聲自饒山水趣不藉山水名
結薇作短籬兒童跪呈把莫笑庾老迂禮樂今在野

山居

山冷天寒早閉門然鐙讀易過黃昏一聲鶴唳窗前白
澹澹梅花月半痕

潘居貞 天行

止奕詩

嗟予苦蚤衰力謝諸繁縟好友不我遇澄懷越寒玉情

殷爾簡率杯罍不秉燭偶焉誦新詩長日歡未足外此
看青山蕭疏無他欲未嘗深枯禪落寡煩俗近以世
憂虞夢寐恆局促風葉夙難寧惟心別有屬阮公善用
醉子素絕醜醜有云弈理徵征誅似此局凝神一思之
橫縱互抵觸初頗寄憂思終疲神與目不得閒暇心徒
然演殺戮究竟一局終功績誰得錄棄置恐復用沈之
南山綠未能反崆峒慎勿紛所學高獨不受攀庶得絕
齷齪

田家

往年頗不達憂來問蒼蒼蒼蒼去我遠徒染髻鬢霜豈
如東田翁負杖坐南岡涼煖不過問濁醪自徜徉偶然

同五

西

相遇之並步話河梁疏樸無機事率情怕我腸悔不盛
年交擾擾時輩期乃知沮溺者高識藐虞唐

前溪新蒔屋云是田叟家田叟善位置野樸不求耆開
圃樹蔬果繞場植桑麻活筍縛短籬繚絡發黃華采華
因觀黍乘興逐日斜對月飲醇酒醉吟鶯宿鴉鴉曉村
犬吠鄰叟獨咨嗟呼叟且滿酌幸勿悲鳴笳陶陶樂我
性矯情何足誇

放生詩

我悲野田雀舉集何其驚惜非公治子未解啣啾鳴飛
飛數回顧一若弟呼兄分離且不忍況就鼎鑊烹虞人
遲薄技饒夫習和羹定中試徐思造化良甚平蠕動總

一氣無多促我生

夏畦人所病負犁鳴獨哀媿予非葛盧茫茫所自來影
鞭知疾走顧憤還徘徊猶然悲喜情歷劫應不灰由此
測羣動一一具根荇人羊雖迴分須臾互為胎莫以靈
蠢異驅駕以為才

清清溪上水中有介與鱗游泳自上下各若隨所親網
罟一以設動息遭險迤少長各驚散就釜尤悲呻尺腹
聊欲飽園蔬等八珍何乃腥刀俎熒然繞青燐鬼趣爾
胸臆昏昏矜絕塵

古莫買妾行

單溜自穿石兩心不斷金蔗生偏首尾不如孤桐森所

同五

五

以古高士隻影避青岑奈何田舍翁斗粟思瑟瑟和鳴
未滿室鼻聲越前林吾讀綠珠篇不覺泣沾襟

周道徐子舉澹成社招赴峴首逸老堂微雪改集

尹聖之桐軒即席得往體十韻

青山已有約飛雪何無情阻吾登臨興蕭條圍一城城
中尙汲汲眉宇亂縱橫束身謝聞見春至鶯無聲幸有
素心者語默天機生觴茗隨我適顧盼息屏營蒺藜已
滿世真氣失逢迎今夕稱良會坦懷筋骨輕平生不知
酒薄醉忘弟兄醉起撫桐樹鳳凰何時鳴

張公洞

張道陵修煉處在宜興玉女潭之北

絳氣結神鼎白雲擁丹經翩翩集鸞鶴杳杳聞玉鈴
銜不容緩豁達見天星養氣不計歲呼吸走雷電魘魅
效駿奔河岳見真形出世仍入世真訣傳過庭

林屋洞

闔閭使靈威丈人入洞十七日因得禹書

古樹發幽姿小山偏迴絕尋幽敢云疲餐勝若換節
頂鶻聲聞洞底光明滅禹書藏千年靈威何自竊情隨
洪濤移蒼茫一片雪

酬唐子野白下寄懷

愚生菰蘆中屈曲無見聞慨然思大江邈若蓬山雲何
期唐仲子翩翩擲高文關河雖難踰精爽差氤氳富貴

同五

五

多軒輕貧賤尙殷勤憶別河湄時握手不能分况君嗜
舊好何以慰離羣霜落荒雞鳴悄然望朝昕臨風渡桃
葉願盼惜餘芬

峴山秋禊詩

新爽出高天扁舟泛南郭攜手登前岡山骨巉如削
躡遠躡躡村荒煙漠漠榆柳紛參差碑碣臥斷壑悲笳
雜繁音竹肉自落落寒蟲鳴樹根歸鳥思有託古歡誠
獨難茲游幸不作

木落天宇出孤鴻翔遠空空明極長望寒巖隱丹楓哀
響動微抱徘徊尋舊蹤一歌雖復續悲歡良難同瞻彼
雲川水流波盡向東去者不重迴來者亦何窮來去成

今古滔滔安所終

悲歌行

雖抱耿介志手柔刃不雪窮年兀兀顧影雖風雲白
在恥與憑虛桃爛李代眾所怡皆醉獨醒世所遺君不
見長安道上豪貴客殺人滿路衣無血

反結交少年行

勸君緩急莫開口羈苦憂愁只自守悠悠道路何足論
堪惜俊髦難握手豈無意氣可傾人驕矜嶮嶮非昔有
清醴未終白刃前覆雨翻雲詎能久

閉關詩

牆外連深竹疏籬出晚霞捲簾望萬戶高枕憶天涯

同五

毛

筆情何激采山興未賒難思是往事幾處又吹笳
靜極嗟遲暮悲深獨嘯歌風雲天外少霜雪席邊多說
劍思牛斗耽詩憶薜蘿平生事浩蕩不畏海生波

秋夜雜感

鴻鳴芳草歇大火已西流雲氣三河重霜威四塞收魚
龍臥海底星斗挂樓頭歎息金門客時危始獻籌
陰山古戰場旄落慘無光高塚千年在平沙萬里長煙
荒榆樹直風勁馬蹏忙俯仰觀麟閣淒淒憶草堂
舉目皆如此笑嘖難自由梧宮一滴淚漢苑百年秋玉
女臨嵬泣班姬永夜愁何人常步輦鸞鳳未央游
不辨桑麻地安知農用天平疇先棄草夜雨獨聞泉餘

寇埋深谷飢鳥噪晚田茫無卒歲樂難稅縣官錢

一枕黃粱熟扶桑指日閒每思薤上露不見鶴飛還芝
草荒三徑芳蘭冷一山悠悠難問渡抱月老松關

翩翩挾彈客馳馬快秋風納履逢黃石披圖貫白虹燕
姬狎舊好魯酒醉新豐慷慨平生志氛塵一旦空

題嵩陽圖為吳子念庵賦

此圖不共飛仙去豈作尋常洲島看二室遙連秦樹色
孤松直接晉雲端千年紫氣關中王夜半緹笙嶺上寒
流覽未終起欲舞滿天沈滄待君餐

風雨寒食次陳定齋集虎丘山樓原韻

黃雲白霧鎖層臺北望河山鬱未開荒徑草生春已去

同五

毛

茅簷人靜燕猶來幾枝柳綫搖車蓋一片桃花覆酒杯
日暮忽聞催畫角舊曾行處倍增哀

遙和陳皇士七夕立秋原韻

鵲橋欲渡報新秋銀漢初沈暑漸收高館滅停聲寂寂
舞筵星動影浮空傳酒侶曾留佩遙憶詩成獨倚樓
百里關山勞遠夢一槎何日泛南洲

仲春望日訪其旋夜話巢雲館

小艇迎波數問風到門恰好月朦朧松高無恙重增綠
梅老何心更放紅握手頓忘今日苦挑燈還憶十年窮
德公德操慚相傍秋水澄懷此意同

是山雜詠

霜回家貽安山近以葎苻結廬紅蓼灘頭相傳

景純故址穉川燒丹處種松栽竹儼然山中贖

曰是山其在城市也猶其在貽安也云爾予常

坐臥喜而漫詠

回首東柯在舊阿平橋仄徑過危坡桃花雲重虛窗度

竹葉杯傾入夢多誰羨天邊遺鼎竈漫誇地上湧金波

萍蹤浪跡渾無定白首相逢且笑歌

游絲不動暖風輕老眼荒荒坐石枰何處浮雲連宿霧

一天爽氣報新晴紅橋岸隔仙人路白玉河通帝子城

敢道聲華歸闕寂燕山越水總傷情

殷殷竹石自相仍萬井蕭條思不勝茗水勢高嗟下邑

同五

元

鍾山路遠望諸陵鄰謳半雜華夷曲野火時明遠近曾

疏鑿誰能違禹力漫將瓠子佐中興

先生危坐白雲岳知己追隨捧劍函三徑半荒欣有菊

硯田罕種畏多讒高枝向日花先放小草當門秀亦芟

阮籍途窮且莫哭大江計日好揚帆

陣幄圖

虎旅三千出孟津龍旂閃閃夜驚神諸侯八百來朝日

尙父勳高第一人

泛舟圖

流水高山小有天輕蓑短櫂赴前川長歌欲泣無人會

獨立篷窗又一年

聞笛

夜深無語聽更籌短笛遙吹溪上樓寫到君山纔一曲

滿天風雨繞芳洲

春日泛野霞不及登不器之堂補贈一絕

天空雲澹水悠悠一曲新詞古渡頭柳色青青花似錦

片帆殘照獨回舟

蘇臺晚眺

蘇公臺上野煙迷桐樹梢頭烏雀棲獨立城陴頰北望

夕陽猶照故宮西

同五

三

同岑初集卷五

同岑初集卷六

菰城李令哲端木輯

西塞姚淳熹峨月參

徐倬方虎

善哉行

騰蛇游霧飛螭乘雲哀彼鳴雁孤棲失羣一解齊亦不甘

茶亦不苦大難未平泣涕如雨二解湯湯川流載沈載浮

興言國恥誰與同仇三解葛蘿附松爰歷冬夏飛蓬無根

飄零中野四解日月昭回浮雲蔽之義和頓轡六龍安施

五解維禮有蘭維江有菰蒙恥偷生畏義不敢五解

臨溪清遠堂社集即席賦懷呈方平雪田兩給諫

同六

一嘉業堂校刊

潔湘聲始兩昆仲及茗南解公諸子

武源溪上聚仙槎汝穎風流歎未遐何地還懸徐穉榻

他年蚤傍李膺車天低雁過千峰雨野曠雲垂十月花

不用星文干象緯久將名字寄煙霞

少長風流繼永和一時賓客傲鳴珂莫言黃鳥專求侶

且藉青樽學放歌大陸煙雲驅綵筆高秋湖海老漁蓑

沅湘夕秀人爭羨欲傍蒹葭奈晚何

輓章子芝黃

黃蒿白草夜蕭蕭北望燕雲擬大招傷逝潘生驚鬢改

別離江令總魂銷風殘帝闕金莖折笛冷山陽玉樹凋

回首故交零落盡鹿門賸有舊漁樵

周道過訪出新詠見示率爾奉贈

朝門伏枕愁何劇搔首看雲積思勞我正有懷叢桂樹

君來忽見廣陵濤荒城鼓角溪聲合客舍琴樽月影高

只恐過逢還易別坐憐白雪有誰操

錢元勳季超

送人入洛訪友

芙蓉刺眼紅送客出江東許下多豪俊交衢識魏公濟

河包少室穀洛關王宮對酒繁臺上蕭蕭起大風

石鏡

殉妃埋石鏡鑿土下燒泉玄髮仍虛鑑朱顏不照天洞

房橫錦瑟別殿墜金鈿紛黛三千裏無勞拂管絃

同六

二

沈隆卿公把

南樓蚤春

草閣當池上春來漸覺宜看山雲暗處坐水月明時深

樹鳥聲雜寒林花發遲平生愛樓適適意在茆茨

漱石小池頭孤亭當遠游已編籬作舍安得芥為舟鶴

夢聽松老魚情眷水柔萋萋芳草徧無伴獨相求

餘寒初雨過極目見芳菲落葉侵苔色涼風添客衣鐘

聲離寺遠人語隔牆稀偶讀前朝史盈盈對夕暉

子見潘子人都貽詩誌別依韻奉酬

柳岸蕭疏動曉煙客窗心許共年年驚殘海外三山川

望斷雲中半壁天坐到忘機如對影吟成無語只鳴泉

懸知去住分南北不覺盈盈過野田

夜雨寒燈夢未侵秋聲蕭瑟渡前林無邊古道村村路

不盡殘編字字箴細草斜陽今日淚好風涼月去年心

送君藜杖歸來後寂寞誰同梁甫吟

許 琪 蓋 昭

田園雜興

良馬不如犢名花不如稻有犢可為耕花熟豈能飽

昔謂農宜勤今反不如惰養犢不得耕束草不得火

題潘菊旃先生涉園

秋蘭芳遠谷寒玉輝高原君欲尋根蒂南山溝涉園敗

牖抗疏峰關徑引水源花藥繞坂隰泉飛竹氣溫瓊洲

同六

植芙蓉別開譽樹軒曠然天地靜海鳥來我前餐霞戴

明月努力事玉田玉田不可蕪蕪田不可佃忽而雲路

隔擁嘿閱人煙世有尋雲者因稱隱士廬

秋風

重林舒爽氣颯颯到雙扉已見井梧改能令絨扇非

清野火蕭漸瀝暮嵐微入夜聲逾冷時疑帶雨飛

少年

翩翩游俠客結束自名邦過趙黃金百游秦白璧雙鳴

鞭中貴遊插羽右賢降日暮胡姬肆飛花撲玉缸

送潘嵩來北上

江行三月鵲鵲嘯祖爾河橋手共攜擊筑酒星燕市客

耕春雨鹿門妻嵐光入眼冥鴻度草色關情瘦馬嘶
棄筆已舍飛動意名山到處好留題

恭題嵩陽圖東吳念庵

披圖一識為嵩嶽便覺空濛眼底生射壑虹泉真爛漫

千尋古樹獨嵒嶽兩宮環佩如相對五部鞭箠若有聲

幸侍至尊天語近琅然夜雨悟玄英

平盤萬覆古丹丘峭石驚河風景幽塵語定從天外得

瑛瀾應屬望中收青山莫負煙霞興白眼誰為海岳游

他日謝遺塵世事與君抱默泛虛舟

張 漢 南 紀

秋旅

同六

疏林發輻輳落葉如驟雨中宵擁襪坐羣類失其伍冷

牖疑晨光明河星踴踴

游白雀寺 次坡公韻

天人風月三千界物外塵中迴殊派扁舟出郭眼暫明

小雨凝寒意尤快石磴輦路直如矢風掠松梢響疑泮

平湖萬頃動澄光曲澗千盤束清監塔龕朽蛻慨同盡

雨淋畫壁傷微壞縑流白足倚紅袖作戲逢場君莫怪

海棠溼重雙屣明秋葉瓣落輕陰颺直須持酒勸長星

莫問朝陽晞露薤平生竊比抱喪叟不分機心作機械

年光去我等逝波富貴熏人劇忍疥馳驅塵土足猶研

游戲虛空翻未鍛摩挲記取道邊石一聲牧唱三生債

苦雨

春少清和氣東臯失野暄陰晴自寒暑風雨更朝昏百鳥尊鳩婦驚雷起竹孫老農長太息溪水照癡痕

弓山春尋

倚杖蘭皋饒落暉卻憑日色御寒威平蕪芳草將春去一樹梨花喚夢歸問訊漁樵成古道論交農圃漸忘機東阡南陌田田水畫就高僧百衲衣

唐彥暉 明史

過霜回先生東柯草堂出樵唱三十章見示率爾

和贈

好音空谷罕曾聞翹首中天問白雲蛩語紙窗知寂寞

同六

五

秋聲疏影解紛紜孤峰突兀渾殊俗寒溜澄泓恰似君欲破此時千種恨不如載酒借成勳

選得名園自結廬林丘不復接高車行吟屈子元非僻去國虞卿但著書澗繞修篁妨客屐牆留蔓草待躬鋤此中雖小堪遺世何必西山始索居

窗前森立幾青峰樵唱遙賡遠寺鐘絕蕭蕭千挺竹寒濤曼曼萬枝松晴巒四野丹青合曲澗周遭紫翠封望望鬢雲高百尺陰霾今日始呈容

凌森發 子將

贈友納寵

春雲半翳貯游絲簾捲晴光花夢遲屏裏翹風剛小立

閒看燕舞乍迴時

男兒豈肯帶溫柔偶寄清諧菡萏洲匣有龍文佩星月醉呼女伴看吳鉤

玉 召 徵宣

高郵晚泊

莽莽波無極孤城落照前帆輕隨去鳥水遠接平天飄泊慙予輩升沈憶昔年嘯歌明月下誰是謝公船

朱實公亦是園看梅

花下將迎少微風襟正開地偏來好友坐久落庭梅移席杯無算牽裾履屢催會須香畔宿棲鳥莫疑猜

遣僕

同六

六

彼亦人之子鬚長未裹巾僕中惟爾躉世上獨吾貧釜淨蟻猶戀籠開鳥自親臨行莫惆悵明日即陽春

臥病燕邸謝孫古喈見過

同是天涯客無勞慰朔風王生窮鄴下孫子秀江東病向樽前減詩從別後工不愁裘敝盡旅舍有郭筒

燕中送李旣于先歸

被放君無異先歸我不如蕭條三月柳憔悴八行書醉裏思長路風前曳短裾高堂懸望久臨別莫躊躇

七夕渡黃河逢立秋

一葉隨潮渡河梁有鵲無自慚非漢使猶得拜黃姑涼意通疏簾秋風到葦蒲巧炊從此乞不患乏雕胡

臨清聞謳

傷心畏問京華事
午夜俄聞水上謳
一曲驪珠齊下淚
兩堤春樹竟如秋
潯江商婦曾遮面
鄂渚樊姬尙隔舟
更憶調終人寂寂
月明波靜浪花浮

淮上感春詩

堤橋蕭索水無聲
萬柳參差鳥亂鳴
黃石依然爲老叟
赤松今已謝儒生
三韓國破讐先雪
一劍光寒日欲橫
弔古更深此日恨
漫漫長夜爲誰明

射陽湖外水茫茫
賈客停舟盡異鄉
半夜魚龍翻巨浪
中宵烏鳥泣枯楊
一春風雨懷人切
三疊離歌別思荒
何若閉門甘寂寞
柴桑濁酒日徜徉

同六

七

礎占送秋色數種

著屐扶筇路偶然
尋僧雲阻小谿邊
山中何物臨行贈
秋草秋花載滿船

張邁 美中

旅館

旅館蕭條掩山中
成古今疏鏡悲病客
殘雨抱冬心鳥語
天涯遠猿嘯峽路
深村寒多短夢微
月到松林

秋岸

水落漁歌遠
溪風吹渡頭
荒池留鳥跡
疏雨溼田疇
野外多紅樹
蘆中起白鷗
微茫煙縷縷
墟里正矜秋

梅花

去年零落人誰問
荒園無人自一家
行盡江南山水碧
板橋村店數枝斜

山行

一路蒼蒼古木平
繞籬煙火透柴荆
幾家廢屋無人住
斜抱松枝看晚晴

戴玫 宋芬

陳子山居

亂山深有徑廬結
依林莽託處既閒
窈然成孤賞
溪光清到門沙鷗
自來往羣峰立
蒼翠使人心目爽
萬卷放胸懷
高風生俯仰
隔雲鐘磬聲
時時入書幌

旅況

同六

八

西風吹林皋
寒氣入几席
默默感騎人情
孤鮮悅懽強
起事詩書疑
義未能釋
枯坐如老僧
亦復如木石
門外放山光
青黃媚晨夕
慷慨發嘯歌
與山作主客

看竹

西鄰多修竹
一徑常陰森
上有閒雲過
下臨溪水深
水流雲卷舒
幽絕清人心
主人習黍稷
不識琅玕音
此君亦自好
風前發高吟

村莊

數里村莊路
楓林吹暮秋
雞聲遙隔岸
人影澹臨流
亭息登山屐
橋通入市舟
寂寥縱款步
吟好竟誰酬

小築

殊覺吾廬好村深風物醇推窗嵐氣人拂渚水花親薄
產前遺澤居人舊結鄰不須憐草野猶是太平民

田家

十畝閒身亦自娛謀生何必厭泥塗略除細草存行徑
還插疏籬隔世途歲稔依然能食力時艱敢復望蠲租
兒孫吹火妻煨芋村酒陶陶醉日晡

南中春詞

春城景物向人嬉弱質嬌癡百不為閒說吳中新髻樣
背人不語理青絲

沈榛春 宋公

早春

同六

荒館無人細雨收曲廊小坐水沈幽梅花曉綻香仍淺
翠幕參差月上鉤

詩到

密雲封徑啟關遲山鳥銜來隱士詩見說今朝過雨冰

夾堤楊柳對垂絲

蔡詒來 友蘇

臨溪社集卽席賦呈方平雪田兩給諫及若南諸

子

檻外遙岑極望收蒹葭霜白下羣鷗懸車盡載江淹筆
麗句全驚宋玉秋豈是東南誇竹箭只因湖海聚風流
由來高會稱難得未許河梁蚤放舟

青山叢桂鳥差池白石蒼苔天氣悲吾道淹留空歲月
生涯回首重悽其東山拾翠今焉是南浦聞簫亦夢思
好把琴樽邀靖節霜花還勝上林枝

蒼雪溪邊採杜蘅綠蓑寒帶五湖情菰蘆野岸鬪孤艇
木落粵原起雁聲大地風煙憂草徑同人詞賦老蓬櫓
傳杯莫是高陽侶燒盡殘松酒倍清

輓章子芝黃時余亦有季弟之變

郭外陰雲覆北山那堪游子斷刀環文章牢落歸星漢
意氣蒼涼撼帝關千里書來齊下淚一時賓坐盡愁顏
獨憐伯氏登高日共我茱萸不忍攀

唐元樓 旗六

同六

晚雪渡村口

積雪千林迴彩舟出輞川有人尋酒舍無路入荒煙風
定寒猶在雲平水欲連不愁前去遠明月滿空船

游康莊園亭

我夢梅花好到來梅已稀山隨人意曲風逐柳絲微古
道存碑篆高情見釣磯坐餘渾未倦落日照柴扉

登吳山遇雨示城居親故

攜屐重來倦未還登臨爲訪舊吳山雲中越嶺隨濤湧
樹裏明湖帶雨閒極目荒煙皆故國傷心牧馬半人間
偶當作客悲如此避地何因向九關

夜雨武林客舍

風雨孤城急戍樓中宵鼓角動邊愁大江濤湧千山瀑
古木寒生萬戶秋宋玉有情悲寂寞向平無事浪遊
懸知此夜關河遠幾處征人歎嫩裘

湖堤曲

層峰影入碧湖澄風景依然怨不勝莫向堤邊憶楊柳
近時芳草滿西陵

潘徵謙 受公

舊燕初來

南去只半歲西來巢已傾徘徊認伴侶宛轉呼弟兄願
子乃舊識鳴飛不復驚暫息枋簾下還棲樓畫楹好覓
柔桑土辛苦是生成

同六

涉園訪友

小艇同移櫂風微水亦波看雲封谷口聽葉響山阿怪
石當三徑幽花傍女蘿入門忘主客得句且高歌

寒梅

西溪如棲賢桃李媚晴景惟此屋角梅傲然喜冰冷

姚淳敏 子明

送潘嵩來北上

半窗藜火甑生塵送別天涯共苦辛我但有方能療俗
君真無術可醫貧離亭詩酒耽斜日故國鶯花盼旅人
行矣不須誇九折杏園應發上林春

錢纘曾 允武

西州歌

阪上風高雁北飛湟中霜落綻秋衣山頭夜火明如晝
都護臨羌按部歸

沈河九月雪初生風折旌竿戰馬鳴一隊紅旗山上出
傳言拜罕薄營城

關山月

誰道將軍不解愁當關決策取封侯邊頭夜色飛胡月
思婦闌中自上樓

關山風候異他鄉夜起乘城思渺茫四月江南花盡落
月明沙磧尚如霜

贈黃鶴庵節尼沈道成

同六

涼飈起中夕肅肅吹清霜黃鶴號外野聲急達南鄉徘徊
想故雄影絕青天長昔翔天漠北今宿蒹葭傍蒹葭
聲秋月流水聲湯湯

送徐崧之嘉善

送子此行役高原落日昏嚴烽三楚暗飲馬大江渾古
道無安步長征多苦言相看變華髮誰解重王孫

贈潛庵龍公公為吳東湖門人與吳共事

相逢湖海元龍氣逸興與倚然思不羣肝膽向人同沃雪
袈裟依日卷春雲可憐華髮淪衰草空有雄心託汝墳
亂水千山歸隱去青苔石上轉斜曛

秋登吳山絕頂

吳山高峙控南州江水如虹畫地流到澗三山開玉鏡
冲霄一鶚下平疇煙籠井市喧車騎晴散汀沙放馬牛
孤客振衣還獨嘯清秋寥廓迥生愁

茅熙于純

孤山竹閣社集

長歌何所憶古道欲凌霄雲破千山雨江鳴一夜潮平
原春事近芳草故人遙樽酒情奚似音書慰寂寥

西湖雪霽同閔中介舅不繫園舟次得樓字

酒暖花香百斛愁何人爲憶舊時游雲開曙色山如畫
雪滿殘枝月在樓盤舞幾回桃葉渡笙歌一曲木蘭舟
行吟自媿驚人少猶喜追隨最上流

同六

臧珏比玉

新柳

河梁樹色暗平津驛騎江帆滿客塵暮雨遙憐胡塞影
曉風潛露漢宮春山樓密葉方藏鳥野店清陰欲庇人
豈獨桃花堪避世北窗高臥伴頑民

凌景熙懷西

野望

寒影青山下荒園落照中叢筠侵舊碧野柚挂秋紅雲
徑初生月江船半卸篷柴門無客到世亂認相逢

村居

向夕涼風起牆陰挂綠蘿雨深行跡少夢淺落花多村

蒼依荒竹溪橋聞敗荷水亭閒坐久山鳥晚來過

山行

松陰斜曲徑遠樹出雲根驟雨失前路涼風起故園精
精同有夢別思獨無言偶爾來相訪山僧古遺存

所見

水邊楊柳色蕭冷異新年鳥跡枯枝上雞聲至夢前青
帘山店雨村徑野橋煙薄暮疏鐘寂笙歌亦惘然

無題

紗窗日落帶餘曛新浴蘭湯小玉温憔悴牀中聽夜雨
徘徊簷下試秋裙寄生著意添紅豆共命無心老碧雲
一翦檀痕初拂袂可知妾念舊殷殷

同六

田園雜興

林深霧起迷三徑花落風疏香一圓鏡裏自知霜氣厚
田閒猶荷晚晴暄枯藤卻繞荒郊夢山客難招羣雁魂
久雨不知天地色開門彷彿有人言

九日

疏花寒雨淡流連此日誰同話昔年天地共傷孤客夢
江湖難認故鄉船隔鄰少婦攀紅豆荒塚秋禽叫綠煙
賸有前朝蒲柳在春來依舊向人妍

江樓燕

朝煙漠漠月難留楊柳無風繫客舟昨夜窗前初到燕
春來隨例倚江樓

潘佳鼎 夏文

竹林

小岑橫瘦石石上青成林
敲篠偃流水風起勢千尋
興來獨深坐趁茲鬱森森
疏枝閒密葉新綠見筠心
飛霜不到地墜露時沾襟
俯仰自旦暮悠然嘑水禽

冬夜讌韓仲弓張武先諸子候韓人毅尺龍不至

寒風吹瑟瑟雨氣已全收
一水隔如帶兩山相對樓
遙聞漁子櫂猶擬故人舟
良友停杯候清言且互酬

感懷

新愁那得入秋湛獵子離
弓健馬酣狼火朔風清塞北
笳聲明月動江南應憐雲
鳳傳宵五可歎霜鴉弔樹三

同六

蕭瑟汀城錦帶水吞吳祚
宋影潭潭

春閨

一架茶縈隔院香無風
猶自透東牆牆頭燕子雙
雙立欲下珠簾已斷腸

韓師德 駿度

非餅

園中盈嘉蔬所蒔乏春韭
非無牆間地可煩灌園叟
鄰童任取攜剪又恐傷手
主者詞或怪益以致不厚
寧走日中市粟易道可久
青菜切如泥白根用重澆
佐以罌輕勻新筍復自剖
中饋事相仍為物多且有
憶我先人言此物甚宜酒
他年見汝心可以代脂滌
庶士雖無田

春薦是必首今恨既終天是物徒盈缶手澤多無存何
忍竟適口對之涕淚零飲血過三斗

古意

天寒空所思白雲徒爾為東日已西落北風向南吹落
葉繫蛛網欲下還在枝萌芽逐秋盡根枯復何時感懷
不得意畏讀李陵詩

飲馬長城窟行

長城盤繞燕山脚塞河九月冰始薄挂弓騎馬出長城
敲冰飲馬霜華落翻身南望家山杳獨上城頭愁渺渺
天寒暮色與雲齊夜深月到天中小刺血成書不敢泣
雁過秦關飛更急少婦閨中初寄衣左手執書右手淫

同六

微妾無言達行伍願得軍中力如虎不見邊城日色黃
但看庭下松花雨

同章菊有尋春

帝力調晴雨春光勝昨年岸高懸臥柳水盡接長天落
日孤帆外行雲山寺邊芳洲餘杜若攜手共朝暉

秋興

極目山光盡寂寥荒雲落木共蕭蕭戰爭世運歸三國
文物秋風靜六朝在眼旌旗空鳥道側身天地似危橋
欲書還已傷時賦自起寒池洗墨燕
起讀荆卿易水歌壯心其奈不還何選兵應募中男盡
送別登樓少婦多風引蛩聲棲暮草雲搖星影動天河

夜寒幾樹凋零早唯有松筠未改柯

峴山秋禊

赤壁蘭亭興偶同登堂遙邈古遺蹤四郊烽火寒城外
一代衣冠野寺中曉日層翻雲近水清秋鷺浴影盤空
風流太守今何似獨向荒祠弔魯公

歷歷晴沙帶碧川夕陽芳草路依然碑留歲月迷前代
樹老春秋紀大年遠水帆遲新雨後微風露下早涼天
蒼藤斷石長如舊欲掃盤陀一醉眠

休夏雜詩

夏木陰濃掃石眠亂蟬鳴噪夕陽邊縣官早舉停蠶政
野老多閒種秫田溪水漸消春後雨夜風不起月中天

同六

酒杯倒臥南山綠醉坐牀頭自捲簾

獨步

秋雪成林秋水消虛堂不啟結蟪蛄出門五柳夾三徑
隔岸兩村通一橋雞犬未曾聞晉魏衣冠何忍付漁樵
晚來空見碧霞色枯樹誰人尚挂瓢

周原 文伯

戲東弘源

滿天涼雨夜如何溼徧枯藤立野鳧秋水半篙溪口滑
青漪不到小舒荷
鄰東溝水入鄰西路熟車輕亦受泥依舊晴明如昨日
鳩飛逐婦兩三蹏

茅必俊 季琬

亂後

辭梁新燕掠敵斜王謝風流付歎嗟離綻漫編陶令菊
園荒先種故侯瓜長緝貝葉過禪院誰送緝錢到酒家
亂後五湖煙泊散澄潭曬網盡漁叉

乙未冬況

伏臘蚩蚩一老民不因今昔變頑淳丁分一子成雙戶
村指三家作四鄰憎字蠹魚偏善蝕懸衣鷄羽底能勻
藤冠二寸行終老不做當年墊角巾

風雨有懷諸兄弟

花信依微困小園嚴寒三月凍江村風欺醉頰全消赭

同六

火籠熏裘半未温多病無資求藥裹長閒有卷遺朝昏
衰年子處傷乖隔幾上鴿原憶弟昆

懷含章金華道中

兩檝煙帆獨往還拜祠應上富春山山前風景何如昔
可有羊裘坐釣彎

臧辰 敷青

西湖泣柳

何處吹笳薄暮天芳姿雖盡恨猶牽漫言鶯燕渾無主
獨夜棲烏倍黯然
淡妝濃抹事全非只賸荒苔照落暉翻恨不如胡地草
青青嘗自伴明妃

無復春風萬縷煙傾城猶憶舊時妍已拚斤斧酬恩去
肯畫蛾眉更乞憐
幾度經過廿四橋隋家遺跡盡煙消後人何事多栽柳
每話興亡賦大招

唐 深且斯

隴頭歌

渡川不用船登高乘病馬遠望故鄉雲近在邊城下

擬盧郎中謔感交

世亂見英俊昔人感心知身也匪木石孰無懷與思媿
非大廈材林翮集近枝北風起沙磧黃雲滿邊陲慷慨
念昔賢成功在危疑徘徊戀舊鄉何時立功基

同六

九

擬郭弘農璞游仙

缺下

送朱子成還山陰

悲風何處起蕭瑟井梧寒歧路行歌去長河離別難秋
高遲倦羽日落慘征鞍應念前期在時從雲外看

同六

三

秋懷

平原秋色動寒空相接荆吳水暗通未到清霜留白草
卻來明月照孤鴻故人竹葉樽前對客路梅花笛裏逢
腸斷關河非昔日生涯無計答漁翁

吳 筠 在茲

觀瀑

蒼茫逼雲峰界破晴天色中飛白練來噴作千尋雪絕
壁參差間落照漸明滅空林獨往還凜凜寒肌骨

題畫

澗落驚幽石秋花拂岸低何人能領略無數晚鴉棲
雨後山無主溼雲披遠岫短檝破煙來空籟更翻奏

潘時升子見

詠懷

濯濯河隄柳垂垂發新枝盈盈年十五
覆覆冰雪姿若節諸高志簡出見深幾
中道多棄捐游子感別離掩袂暗相向
終夜獨踟躕銀蟾照清暉圓缺應有時
鸞鳳鳴高樹願子無相違寧為游俠客
不作輕薄兒

健鶴離空山咫尺受束縛神龍遠滄江
威靈亦蕭索窮達固有時高竒全磊落
伸首獨長吟夜臥無所怍胡為不遑安
反側多所惡吾悲狂瀾中行止難自若

人生貴適意百年一浮漚嗟彼巖巖者
徒為達士羞竹柏無枉影鸞鳳不妄投
藜藿可自充貧賤何足尤知幾

同六

三

君子識榮落自春秋夷齊一餓夫千載仰山丘

海外有瓊樓去天僅咫尺上有倚樓人念我遠行客昔為同征鴻今為檻中鶴牢落苦自持悲鳴不敢作星霜經幾度柯葉先秋落中夜奏清商撫景宛如昨茶蓼多苦辛蔗漿將安覓

神駒雖伏櫪俯仰出其羣壯士雖窮居卓犖未肯馴茂陵還壁立蘇子嘗說秦霜柯有精意貂敝豈足貧所志在寥廓高盼邁等倫何為當塗子耳視昧其真貴者日以驕賤者日以輕

出門悲寒風游子歎路歧飲水獨知源燕棲無定枝夢中入故園高堂髮如絲徘徊雙膝下牽裳話別離思深

望倍切憂苦不自辭人生有至性萬夫莫能移非復兒女情芳草託幽思倦鳥無勁翮中道故遲遲歎息阻且長飛飛將安依

漢水長湯湯人生多別離臨歧頻執手去去將何之風凰鳴高岡鶴鶴棲一枝對面隔九疑何況千里思幽士悲寒爐美人託江蘿俯仰生慨傷涕零難自持流景不可駐嘉會當有時知君精感深夢中慰心期

人生大塊閒舉足踏深谷達人喜恢奇下士愛齷齪貌粹而神傷撫景多感蹙嵇公不偶世呂子豈諧俗立身苦太高盛名召恥辱性命苟弗殊升降

同六

三

色含晴樹松風起石房芭袍殘照裏雲物共蒼茫

香水

賦得秋天不肖明次李小有先生

寒月城頭迴川原起夕煙正愁窺玉帳不復聽鴟絃世
亂才名淺途窮戰伐偏漫漫無可問杲杲是何年
孤館無人跡蕪城墮渺茫千山連紫塞終古一黃梁刻
燭傳長樂鳴鐘憶建章聞雞寒欲舞流恨在滄桑

同六

寄沈子元馭次原韻

迢遞長征客天涯感別離聽風愁入夢刻燭夜吟詩每
到看山處還憐坐月時玉京風味好何日話相思
愛爾才名遠能忘旅思清千林同野色孤雁獨長鳴北
望棠花老西歸蕙草榮好風憶天末惆悵露華明

鉅鹿雜感

異地逢春日風光劇可憐那看今夜月不似舊時年骨
肉飄零苦烽煙轉戰偏三槐遺跡在懷古獨愴然
慷慨從王子弓刀夾道看親朋頻勸慰部曲半摧殘
鞠嚴城靜冰霜野戍寒何時栖息好羈旅報平安

感懷詩同念庵賦

歲癸巳同吳子念庵客京師乙未春盡始放舟
南下山水酬唱之樂殆無虛日抵茗人事倥傯
耳目所接忽忽非昨追念昔游時在心眼魂夢
閒憂思從中來猛斷不可得竹窗坐雨漫成近
體數章枯腸搯筆殊慚下里聲響也

年年草色逐征鞍寥落于今興未闌五月重陰朝霧溼
千山細雨楚江寒賈生獻策憂時淚叔夜多才末路難
覽鏡自傷頭漸白生涯何處覓輕安

十二層樓俯碧流鳳凰亭畔是瀛洲金蓮燭散神仙會
銅雀詩成歌舞稠此日涼風吹宿雨當時落葉賦驚秋
堪嗟夜月空蕭瑟惆悵無人話舊游

同六

長河如帶雪如花孤客登臨老歲華翠羽明璫連綺陌
紗籠蠟炬照晴沙淮南木落悲寒雁濟北風高噪晚鴉
屈指風光愁駐馬不堪回首斷雲遮

舞榭歌臺半野蒿馬卿有賦曲誰挑三年荏苒鄉心遠
萬里飄流客夢勞偶醉名花成夜飲幾登疏閣聽江濤
可憐子晉吹笙處空向門前問碧桃

偶感

西風落日正堪傷潦倒登樓獨慨慷一飯王孫憐匹駿
千金俠客泣干將滄江水闊風煙遠畫角秋深別恨長
此日空堂增悵望海門已見雁南翔

重陽後一日同諸子游玄墓宿萬峰禪院

萬峰深處好林丘結伴登臨此壯游地近龍山餘勝事
天連虎岫入高樓茫茫寒月疏鐘曉渺渺洪濤大壑秋
宗炳自憐愁汗漫琳宮風景未全收

上方登高同子向子遽叔參有融

高秋□□老巖阿況遇賓朋客裏過蓮炬燒殘紅袖遠
洞簫響徹畫船多山川無恙頻來往風景依然獨嘯歌
徧插茱萸須盡醉天涯良會未蹉跎

謁鄧司徒廟

同六

五

同岑初集卷七

桃城潘居貞天行輯

澗水張道岸懸渡參

韋人鳳 六象

雜詩

二月城東路桃李並芳菲風雨一朝至飄落委中遠陽
春不久榮況當清秋時白露凝為霜百草淹離披蕭蕭
楓樹林木葉亦以摧我我西山上矯然松柏姿獨立干
載閒高風迴自持

南陔有嘉樹朱實何離離陰雲蔽白日驚颯折其枝盤
根一以萎木葉紛以披虛堂生哀響孤燕自翻飛茫茫

同二

一轉

失所恃悲鳴將時依俯仰天地閒涕下如綆糜願同庶
物化冥漠無所知

離離海月上嗚嗚塞淮還長風吹萬里哀聲入雲端沈
憂結心曲感物思所歡嘉會不我值山川阻且艱期我
以春陽芳草今已殘含情欲告誰俯仰起長歎

山居雜詠

高秋澄曠野白露塗遙岑木落層峰出山高羣壑陰初
陽方垂曜夕照忽已沈叢桂逗清馥寒蛩發哀音冽冽
朔風至皎皎夜月臨草際流泉動樹杪孤猿吟壯懷更
靡薄憂思不可任坎坎漸離筑惻惻雍門琴遇物增遙
歎俯仰傷我心

集字尹同人於清遠堂卽席賦懷

清遠堂開西郭偏攜樽共醉菊花前飄零空抱依劉計
貧病猶存御李緣寒雨梧桐三徑夜秋風鴻雁五湖天
山川滿目情何限回首新亭倍黯然

長溪落木自蕭蕭天外帆檣度石橋白首何年重把袂
青雲今日得聯鑣秋聲散入千峰雨朔氣寒蒸半夜潮
誰識酒闌人去後江城有客尙吹簫

荊廬草徑傍巖阿上客論交列騎過漢殿雲霄雙玉珮
吳江風雨半漁蓑愁深永夜烏嘯急醉入荒城虎嘯多
欲說舊游還寂寞不堪短鬢自蹉跎

短髮長歌醉濁醪相逢意氣為誰豪風迴古戍銅鑼斷

同七

二

月暗空庭玉樹高末座偏成鸚鵡賦名家自有鳳凰毛
欲呼小友真難侶慚愧梁園舊綵毫

輓章子芝黃

秋高玉笛起江亭併入山陽曲裏聽不信芝蘭沈白草
空留泉石護玄經天南孤雁含愁度薊北千峰繞夢青
欲賦招魂何處是空教風雨問湘靈

吳 閑 尚 之

田居

種瓜瓜欲繁藝禾禾欲秀灌溉不及時功候豈能驟潛
魚翻小渚好鳥喚清晝曳杖來老翁言言敦故舊
修修庭中竹垂垂河畔柳箕踞坐涼颯披襟不蔽肘婦

言耕作勞爲我沽村酒酒酣歌鳥鳥三星已在欄

斷橋

晴光搖蕩舊山河挈伴還來坐綠莎忽憶當年歌舞處
數聲哀雁下前坡

晚香菴卽事

僻居久與世相違坐看漁舟弄晚暉花覆階除羣鳥亂
月明煙水一僧歸

吳啟思 睿公

感遇

翼翼西飛鴻矯矯鳴佳晨飛鳴將何求願言求其羣
月淨芳甸清霜肅長林所虞增繳傷賴此羽毛新孤鶯

同七

表貞特頌頌感交親如何籬下樓將無雞鶩鄰相思幸
相勗君子愛千金

詠懷

層冰塞長川曠野多悲風遊子離故鄉哀哀歧路中故
鄉不可卽道里幾千億欲去雲無航回首淚沾臆沾臆
誰與言虎豹橫九關飛鳥求其曹啞啞枯樹顛援琴多
商聲酌酒飲不歡白雲何沈冥四顧愁容顏

驅車歷平陸頓轡循陸坻棗實旣纂纂黍苗亦離離征
徒指煙火倦馬鳴青圻升堂拜主人魯酒羅中閨顧茲
居者歡翻念游者悲瞬息爲樂康眷眷有餘悽吳穹布
愷澤萬彙仰恩輝誰謂一物枯有隘皇天慈宮中貴蛾

眉季女長渴飢

涼秋九月中素魄皓以盈狂飈吹沙積千里無人行白
露何皚皚續續紛下寒汀旅燕辭故巢幽燭不能鳴如何
金闥彥而作飛蓬征雄劍倚天外陸離豈華纓長揖謝
富途激昂忘世情玉笋薦黃流悲歌振商聲豈不惜搖
落意氣秋山橫去去何所道琴堂清復清

海水蕩日月海風天外來吹我素羅襟奄忽凌崔巍
魏多瓊樓皎潔似蓬萊山人瑯明璫鸞笙而霞杯云是
仙子家顧非玉京才遲回念前身恂恍有餘哀世故尙
紛糾交甫懼無媒

菊旃先生選吳興詩率爾東賦

同七

騷雅久放廢何李激頽波茂苑與瑯琊格調多規摹大
音何琅琅肆好在閩疏公安得袁生個儻學東坡譬之
江瑤柱俊味疇能沾晚節競繁鷺鍾譚振典謨憂憂去
陳言肺腑流清腴唐皇三百秋豈謂唐風徂斯道旣天
喪簧鼓在小儒專家互排擊炫亂增煩紆寧知飛燕美
不與玉環殊刻棘爲沐猴觀者傷錙銖夫子實天縱正
聲繼李蘇膝上有文度風采更麗都願言決秋涓寶珠
出菰蒲

長千行

長千橋下長千里曉日溶溶照羅綺紫陌流鶯百徧呼
長千美人嬌不起橋邊江水鴨頭綠盡日東風皺寒玉

畫梁蘭棹兩兩開錦鴛白鷺雙雙宿柳花如毯滿店香
青帘倒影琥珀缸幾行朱鬣新調馬幾度銀鞍七寶裝
裝成騎入落花去花氣迷離接江霧低頭一聽竹西歌
回看已沒東山樹東山自古擅繁華蠟屐雲鬢太傅家
高情不與河山老至今玉樹臨風斜儂在江南多恨骨
一朝對此增愁絕明月寒塘春復春梨花小燕誰家客
聞道芳湖字莫愁金樽檀板且淹留烏衣巷裏烏嘯急
何處重尋孫楚樓

射陽湖

洪河去不息鄉思與悠悠地坼東南壯天將日月流魚
龍悲靜夜貔虎護高秋極目輕鷗外微茫何處舟

同七

五

清源

齊驅無復覩魯酒尙能紅棗栗平沙路魚鹽大國風人
煙寒蔓草暮色起孤篷地闊容車馬河濱有禹公
凍雲終脉脉落日故遲遲草淺飢鷹樂冰堅渴馬悲斷
垣曾出火臥棟復生枝亂後生涯少居人只釣絲
再過射陽湖

風意憑流怒雲歸不敢停接天千里白浮樹一痕青漁
父垂綸小閒鷗入霧冥醉吟須藉落簾外有湘靈

臥病柬嵩來兼憶湘溪舊游

萬頃葡萄綠泊泊草堂不眠山色好遠俗酒杯香短
權來吳市長吟舊楚狂行藏知有定吾意在滄浪

丙申正月游白門經松陵冰堅不得渡風氣蕭瑟
一似曩歲阻冰濟北因憶此時呵凍狂吟尙有嵩
來其人者悵然久之賦詩卻寄

村犬聲如豹江豚浪似舟君歸華子宿余暮長卿游各
賦池生草相逢夢報秋東臯有佳興頗憶秣陵不

廣陵懷古

天子工詞賦風流自一時馬蹏清夜疾雀尾翠華遲君
夢江都好人歌楊叛兒河山與文藻搖落兩堪悲

金陵雜感

金粉六朝春車書萬國賓先皇遺劍烏古色照荆榛宮
闕聲名壯閭閻士女新由來形勝地感動旅游人

同七

六

春色動簾鉤飛花入鏡流烏衣芳草合桃葉暮煙愁石
去珠沈井人空燕入樓尙餘風月在少婦響篁篔

長安秋興

百年壯麗未央宮蕭相雄圖想像中虎踞燕山星拱北
龍翔漢闕日仍東飛花畫繞翠恩靜落月宵看複道空
五柞近聞方有賦禁林還益幾新豐

社集慈仁寺松下偕同人拈韻得松字

岩巖寶閣俯羣峰極目蒼蒼盡漢封四塞山川惟鼓角
九霄臺館自歌鐘上林樹老聞棲鳳大澤秋深有臥龍
日暮諸天環珮冷幾疑疑風雨在秦松

歸舟感懷同嵩來賦

半生日日似飄萍，卻憶蘭臺聽雨情。
紅藥香來春婉變，錦纏曲罷酒崢嶸。
道人不作金華夢，勝事偏留玉冊名。
翻惜鳳凰城下路，瑤池人去月空明。

西湖雜詠

斷篷柔艣不禁風，愁殺翠舟蓑笠翁。
好向湖橋一回住，明朝併入畫圖中。

寄家緘繫之以詩

碧梧霜老鳳凰城，擣練淒淒暮色清。
此夜辟纒應有恨，艱難還憶棄繯生。

代姬人懷友

八月壽生月滿川，思君淚壓廣陵船。
雁飛正出交河北，那得明珠到妾前。

同下

菊朝偶成

桂花銷歇菊花黃，西塞山邊萬樹霜。
醉臥石橋呼不起，有人來自采芝鄉。

王端宗

岱松

贈邵淡人

荆溪何悠悠，銅峰何鑿鑿。
宛在水中央，伊人芳杜若。
蕙帶薜蘿衣，典型恍如昨。
叔度千頃波，澄渚總難度。
吹氣幽似蘭，靜致閒於鶴。
昔重畫中詩，詩中畫隱躍。
曲折構思奇，驚人筆始落。
我生四十年，知交殊寂寞。
兀對兩無言，往來神所託。
明月滿牀頭，古道照珠箔。

採桑行

桑柘枝頭嘯看火，誰家小婦眉雙鎖。
攜筐不耐五更寒，雨鬢風鬟立道左。
幾番餽罷始三眠，明珠纍纍追靈泉。
組織未成練未絕，催科剝啄在門前。
長安游冶豪奢甚，就綺翩翩河上飲。
相思淚滿鮫綃紅，尙想天孫裁雲錦。
却知東南籽軸空，蘿薜爲衣芟爲綱。
自守當時合上意，可憐咽月號寒蟲。
憶昔情牽太液柳，劈綉爲褰今在否。
絳仙徒賜石帆綾，裂綉戲覓繞殿走君不見，幽風一幅圖畫閒。
櫛沐春暉未得閒，但願經緯能如此，大庇天下俱權顏。

晚權

同七

淡暮陰平微醺，一葉輕霞明山帶。
纖風細水鱗生永，好歌投李憂懷賦。
采蘅不禁殘照裏，擊楫誓河清。

觀馬

首蓓春高薇草鮮，房星今已在吳躔。
雲橫柳葉嘶風鏡，錦爛桃花滿月韉。
伏櫪向懷千里志，空羣幸遇九方歎。
獨憐冀北多良駿，尙服鹽車歎暮年。

嚴先珪

興公

出塞

嘯入無風塞旋橫，蘆子關邊人報烽火。
使者叩銅銀白，澤調京衛烏號發。
朵顏相迎三百戰，不放隻輪還。

吳錡

匡東

菰城野眺

不窮山帶郭村靜野田幽路轉帆星遠煙高樹色浮鐘
傳動千影雲澹憶三秋薄暮兼新霽寒光天際流

李昶熙 邕士

子夜歌

久將身委歡畏人故相訾新妝理做柳非我愛梳子
火滅復修容儂慣暗口好低語問宵行誰倩汝來照

秋夕宿四香閣聽澗

與僧分半榻新漲響空山敲枕臨簷聽中宵客夢閒松
潮來獨樹布瀑落千澗莫憎形多穢塵心此夕刪

品石樓聞鄰院桐花香

同七

九

澄嵐千笏狎朝颺鷲有幽芬入幔闌搖曳綠光晴冉冉
斷連芳影晝遲遲空山茗竈初烘後午夜羅襦半褪時
急起巡簷捫不住隔鄰桐蓋自垂垂

西湖雨泛

幾家窗戶不曾關半抹湖光半掩山漁艇衝煙青笠重
錦堤泣柳白鷗閒鱗鱗波澱催詩細漠漠峰容似醉顏
拄頰遠看簾自捲欲呼雙螭作雙鬟

韋 甄 青巖

感遇

青松不為悴朱草不為妍玄霜挺孤幹矯矯不受憐吾
慕范亞父操識誠卓然豎子不足計拂衣歸田閒長信

終見戮曷若彭城還耿介自有託肯隨時運遷高風邈
千載我願為執鞭

憶昔

千官避地駐錢塘共戴王孫立建章碧落銀河開漢日
金風鐵騎繞邊霜龍飛城闕濤聲急鳳舞樓臺海氣涼
翻羨當年南渡者偏安猶有六陵長

旗鼓峰高佳氣森昌符遙繫野人心誰憐玉帳貔貅散
轉恨金門日月沈鷺鷥秋橫山吹急神龍宵去海潮深
尚方有劍憑誰借回首中原淚滿襟

金行遠 道庶

夜泊

同七

十

晴颿曉日過南鄉江水瀾天江路長東去波濤時滾滾
北來雲霧自茫茫卻愁兵甲擾山右終苦炎蒸度太行
猶有老生譚往事昔年京尹在丹陽

李 燏 叔參

聞雁

秋聲發靜嘯入暮倍堪憐響落千山月風回萬里天傳
書還禁苑抱膝正籌邊香情何極南來好記年

秋日登峴首

木葉西風下溪山此望中放懷真汗漫舉目孰英雄白
社琴樽過黃花節序同登臨多古意秋色在晴空

送友人還松陵

西風落木正紛紛此日窮愁又送君北海酒樽驚子夜
東山棋局散斜暉不因白眼成催別剩有青衫且論文
珍重故園秋色好兼葭一望雁離羣

秋夜同塵外高來諸子坐桐山館用陸放翁韻

窈窕空庭靜可依樽前起舞莫言歸半生客夢蕉還在
一夜清風鱸正肥燭影未殘催短髮礎聲遙動憶征衣
悲秋自古多惆悵相對何堪雨色霏

費爾莊 夔一

春日懷山居時方有西河之痛

何必尋春到遠林詩中有色畫中音拌他三徑閒鶯蝶
任爾連朝作雨陰殘卷偶開硃印褪新衫初試淚痕深

同二

十一

幾能搗盞花前醉偏折宜男帶酒斟

省咎

讀易今朝到括囊始知人世慎行藏渾身排謗嫌三寸
信口低昂畏四方未免俗緣留做屐不堪時事買雙瑤
相容惟有深秋月照出胸中無別腸

李昶巖 丹稜

植蘭詞

鬱金雕染盧家屋繞穩纏蕙總殊複美人購得都梁種
素手移枝勞滲漉旁栽顛芾小雲根施設幽妍畫一幅
燕子捎捎搖翠尾秦皇卷衣遺帶綠臙脂塗頰祗羞顏
宮娃爭買搔頭玉玉搔頭上簪玲瓏守宮點臂斑斑紅

麝熏煙雜成百和隨風輕度繡芙蓉蜜房偷採人不見
獨攜秋扇撲游蜂室西縱有繁英蕙無心替誓任蒙茸

田園雜詩

惻惻還故里依依守中園稚子候顏色家人具盤飧所
願離塵雜且得望平原悠然對樽酒展席俯前軒春風
左右至柔桑條已繁江南苦戎旅此地仍高鶯行矣慎
自愛養拙毋多言

晨雞正啣喔忽聞叩扉廬開門西北望乃是故人車相

看成一笑慰我久離居牀頭出斗酒攜榼臨前除粉然
羅罌粟況有盤中魚古人重仁里行止每徐徐但得常

同二

十三

過從談笑隨所如

空林落葉

一徑入清幽空山古木稠半林飄若雨眾籟寂于秋以
此延高夢還應上野樓青臯頻悵望搖落幾人愁

醉芙蓉

散髮辭人境西原獨杖藜錦城秋日麗野館碧煙淒嫩
蕊舒新粉殘花落醉泥凝妝邀小玉灑淚別虞兮倦倚
沈香北嬌舍別苑西晚芳尋菊徑蚤豔失桃蹊不藉春
風力還隨故國萋微霜中夜溼落日幾枝低選勝香猶
在悲秋酒白攜亭亭何所寄一望楚天迷

古豔詞

丁丁漏水三更鼓華堂寂寞空歌舞一曲青陽唱未終
美人已作巫山雨

東臯雜詩

遙林一帶遠微微抱膝高吟送落暉好夢不曾離石畔
殘生祇合傍漁磯花開磯底呼猿下客到山中放鶴飛
攜手樽前成一醉肯教辜負薜蘿衣

關山月

一騎風塵鼓壯游宵分寒露滿吳鉤書生綠鬢隨霜店
劍客黃金問酒樓雁字寄將千里月笛聲吹罷一磁秋
天涯此夜知何處贏得深閨夢裏愁

狂生

同七

十三

天涯流落一狂生抱篋攜琴萬里行馬上布衣時說劍
樽前公子偶彈箏風花獨醉春三月絃索多愁夢五更
最是壯懷消不盡自將雞黍哭田橫

贈朱研如

人生百年內動如辰與參願得一樽酒抗言澄古今夫
子青雲客嘉義照芳襟卓犖奮詞翰四座揚瑯琳今夕
良宴會流觴對高岑華筵逾北海雅論邁南金明月條
以沒夜漏空沈沈主人前致辭瑤階橫素琴朱絃動高
唱皓腕振華音一彈再三鼓慷慨一何深游魚潛宿沼
鷺鳥飛暮林寄情不在廣幽意良所欽

花溪行

去年遭兵烽東走歷艱難倉皇呼賊至遺我頭上冠盡
苦徒步路遠空蹒跚行行懼伏莽未敢過前灘竄身
在草野寧知飢與寒勺水未入口淚血亦以乾弱弟不
解事號呼索朝餐掩禁未可得愁絕摧心肝日暮逢花
溪客顏慘不歡主人聞我至倉卒羅杯盤但云已飢渴
且得稍盤桓逡巡出妻子相對同悲酸已覺烽火遠漸
昏魂夢寬從此適君所即次聊苟安場來隔寒暑道路
仍漫漫涉川苦舟楫奮飛愁羽翰念茲煎百慮中夜以
長歎

秋興

灑灑零露下庭梧一葉西風候雁呼秦地山川聞鼓角

同七

十四

漢朝陵寢半樵蘇功名誰復收三郡勛業還堪託五湖
獨有江潭顛顛客頻年蹤跡混屠沽
天涯流落幾人同回首燕山旅夢中石磴疏花紫夜雨
翦鮑蔓草弔秋風登樓此日同王粲好客何人似孔融
衰柳寒鴉千古恨不勝惆悵憶途窮

贈嚴三求登岱

遙岑獨眺氣雄哉齊魯風煙一望該日色曠曠雲外吐
河流滾滾樹梢來金泥玉簡千年合碧巘丹崖萬仞開
漢爾東游能攬勝登高懸識大夫才
千峰秀色俯平夷撒手臨崖興不疲雷自山腰聲遠近
日從夜半影參差孤松尙帶秦時雨片石長懸漢代碑

愧我臥游情不減無琴已覺眾山隨

病中雜感

十年三徙宅飄泊竟何如客去長懸榻秋來懶校書
肺病容高枕浮生判濁醪幾人憐范叔千古一綈袍
斗酒堪同醉河魚不論錢故人相問訊攜手入林泉

偶書

冉冉流光逼歲除衡門高座意何如為憐世路無知己
典卻青衫自買書

潘士弘 君亮

招隱

世宙百不夷吾衰罔有屬誅茆小結廬心遠傲黃鶴塵

同七

五

喧隔南山道遙漉醴醪輕煙籠嫩曉明霞照幽幅結契
藉芳蘭忘情憩散木泉落礪流琴風高松謾謾誰來共
嘯歌落落保吾樸莫羨朱門子悲哉危厥族

張鴻生 巨子

秋露

候雁鳴秋肅葦花似雪霏素輝應映戶空翠欲沾衣雲
淨金莖滴風高木葉飛玉關莫遠望塞馬已先肥

凌思黝 玄儀

獨釣

一夜發溪聲水源在吳越垂竿往前村鐘暮青山沒落
日削殘楊風霜剝枯骨草木皆淒然何人問明月

路傍

深林野火煙縹緲流螢飛入斜陽道幽閨月落怨黃昏
孤影蕭蕭立秋草盈盈溪水柳絲長寂寂江城眾峰老
初秋訪夾山僧

蕭寺疏鐘後餘音落晚霞風來起墮葉鳥去拾殘花小
圃通幽徑高齋近水涯垂綸問野客深樹有人家

過碧浪湖有懷潘聲子故居

滄桑舊野道牢落故人居煙靜青山老風輕白晝餘荒
田立野鷺新水躍春魚為憶同心客蕭然一敝廬

姑蘇懷古

黃昏靜倚泊孤舟翦燭相看憶舊游客夢他鄉容易老
夢魂何處最難投文章終古猶含淚事業千年誰解愁
惟念故宮芳草恨楊花飛盡滿長洲

同七

五

春雲欲暮發滄浪共泛溪山越帽涼遠客初歸情覺短
故人新別夢為長窗前寂寞閒芳草城外蕭條冷夕陽
風味豈堪愁裏見鐘聲遙憶舊村莊

兩夜懷松陵吳苾茹

風景蒼茫夢不安窮途莫去問波瀾楚江未渡英雄在
吳笛相吹壯士寒國破何時收戰伐家貧無處整衣冠
傷心怕望南歸雁午夜回看斗氣殘

夜泊虎丘聞笛

山中

幽鳥林中出苔深淵水寒何時遇隱者指道折漁竿

川上女

野岸平波溪水清孤帆倒影遠山明幾回煙鎖湘陵樹
留取長江落雁聲

旅歎

水邊楊柳色蕭條孤館無人意寂寥羈旅不知愁客夢
夜來秋雨溼楓橋

丁珪生玉

秋夜懷菊旃道人

桐葉聲如雨懷君此夜情松風泉共語鹿影鶴分行
到湘川白思來弁嶺明小樓人獨倚目斷暮雲橫

同二

梅溪道中

離亂新經後蕭條三兩家摘葵雜野菜浙米入谿沙
去國風煙重離鄉客夢加村醪雖淡薄夜到喜能賒

遠舟晚歸

飄爾西歸客孤帆風自生雲深花滿路水闊月臨城
宿沙前石魚吹浪裏萍寒衣侵野色雨後亂山青

自歎

風雨淒淒柳拂煙桃花彷彿似前年不知何事青山別
空上漁郎洞口船

姚澹燾 賦月

梁燕

何事簷前語飛飛訪故巢穿簾爭畫閣選勝逐春郊不
避雍州竹惟懷幕上交最宜妝鏡畔翦翠美人髻

遣懷

欲梳雲影訪名花怪殺當年繪錦奢小院忽聞梁燕語
妝樓又見織杼紗不歌太白邯鄲詠且泛眉山漢廣槎
彈罷琵琶誰卻手由來醉處便為家

聞鄭子玉杓善丹青索之不應以詩見答因次原

韻

欲載鴟夷慰問奇前身摩詰畫中詩恣搜上壑歸琴理
未放煙雲出墨池縱卻褊材猶悵在贏收奚錦亦豪爲
還遲幽賞尋秋約茗雪蘋風入夢思

同二

長安憶蕭寺舊游

梁園風景近如何彈指春陰兩載過對榻竹梧懷似昨
連宵雨雪夢還孤難忘紅友同澆憤最憶青鐙共簡摩
北客窮冬愁不淺那堪再讀隴頭歌

春日送友南還

蕭蕭風雨去河梁執手淒其話未央遠道餘寒珍杖履
故園新柳引壺觴同游燕北君先別再唱陽關我倍傷
漫說韶春應共惜無如春恨日偏長

友人招飲碧湖雨中拈韻起唱

愁思看春春斷腸無言芳草惜新妝屠龍誰許攜金椀
翦燕還宜著翠裳錦纜移來風送暖玉簫徹後雨生涼

幾回漫把簾高捲又見花前蜂蝶黃

贈蕙芬

斜倚闌干望夕陽仙姿天遣帶餘香鶯聲冉冉嘯深院
柳色陰陰暗畫牆墨袖淚枯楊太史錦箋腸斷薛家娘
最憐一篆煙銷後細雨梨花冷半牀

軒中觀瀑布

峰頭瀑布宛廬山洞口飛流松石閒五老不知何處去
倚闌但聽水潺潺

賦得風定池蓮自在香

日暖香生水竹居美人溪畔曳輕裾今朝不見封姨舞
閒展牀頭揚子書

同二

九

臧基崧

孟齡

漫興

主人種松更種竹隙地栽蔬又栽菊蔬葉萎枯菊濃馥
青松翠竹能覆屋荒田欲耕須買債租與前村輸數斛
數斛秫成酒釀熟自斟自飲花閒宿病妻老妾常虛腹
兒孫不解思魚肉鄰翁笑我空僕僕相勸後山種黃獨

陸澂

子清

寶劍篇

生龍是神物不能為君拔一城如何世間士漫以寶劍
為龍精拂拂青霜照日濃擘擘霹靂當天轟芙蓉隱見
不可采嘯風吟雨壯新聲聲起沈沈入蒼杳寒光飛渡

斗牛曉揮晉指鄭猶粗豪斬蛟剝犀事固小劍客三千
競相倚誰能匣裏稱知已鷓鴣淬後好光芒至今精采
隱隱起豪曹雖擅場巨闕難比擬爛如星光如水稱湛
虛方出土時聞壁間吼且鳴忽然變化飛入楚吾聞寶
劍故靈異神物護之公莫舞

凌秉均

子揆

雨中春樹萬人家

拂拂輕寒燕羽天空濛倚閣望中妍香沈繡幙飄紅溼
鳥起橫塘破綠煙釀飲惜花偷罷未浩歌敲竹欲收絃
天涯昔日繁華地多少新條滴散椽

續潘邠老滿城風雨近重陽

同二

三

滿城風雨近重陽荷葉聲殘蓼帶長高臥未聞縱酒客
惟傳收賣到山莊

晚步西冷

昔年湖上訪尊羹蓮底笙歌柳外鶯今日西冷橋畔坐
攤荒草慰離情

沈爾燦

翼昭

初夏雜興

緩權相將去春風入夢溫土膏鋤影亂草淺屐痕存遠
樹含煙黛溪流過雨渾柳絲飛不盡雞犬又前村
憑眺意何極野芳送夕曛炊煙四面合歸鷺一羣分樹
暝時含雨山昏欲出雲故人知念我開械自慙慙

同吳子友黃晚步

野水將平岸春風已夕陽小橋盤薛荔古道下牛羊
月今宵滿開樽舊恨長羨魚誰氏者坐久若爲忘

春晚

天際遙青入望幽野田細細合村流行人日晚兼程去
塞雁春深一半留吹散柳條風力軟暗驚蕉葉雨聲愁
溪山莫負當時約載酒明朝汗漫游

吳宮詞

湖山高處幔城開西子當筵舞袖催歸騎不須籠翠燭
夜來烽火照蘇臺

魏宮詞

照臺燈火夜煌煌新苑芳林負土忙自是滿朝皆版築
誰將霖雨答君王

齊宮詞

新宮芳樂比西京昔昔鈴傳九子聲貼地蓮花人不見
秋風秋草建康城

春夜有懷賦擬古會真詩三十韻次元微之原韻

曙燭隱房櫳簾疏逗遠空薄寒仍料峭殘月尚腫臃涼
簾開湘竹閒窗寫繡桐暫邀解佩侶爲引步虛風一翦
移香屨雙纖摘宛童紅蘇花解語黛斂雨其濛金縷吳
綾襖文禽蜀綺襦繡袞垂薄霧紫殼亂紛虹約素疑巫
峽傭來做漢宮舞迴香狎獵步促玉丁東眉語三秋憶

膏酥一點通歡隨蓮帶緩羞倩杏衫蒙無緒敲珊枕推

寒食繡叢綺幃藏翡翠綉錦藉燈籠乍見情猶惻相親

態轉融微詞窺齒粲假玉覺肌豐旋旖旎交頸惜騰白

飲躬襟開胸袂冷善墮鬢雲鬆崔護誠何幸藍橋取次

窮求風情倍好調鳳曲將終珍重時回顧嬌癡更啟衷

良辰千載遇信誓兩心同珮遠芬殘麝苔侵動草蟲柳

陰春漠漠竹外日曛曛花落初迷洞煙青卻辨嵩衾前

缺楚粉枝上海棠紅相對渾如夢相思更轉蓬一回攜

斷袖幾度送飛鴻彩鳳棲梧穩青冥許鶴沖所期花月

夜長照小樓中

董閩京丹鳴

同七

出塞曲

五

洗刀秋水中波平雲霧迷空懸蛟龍氣風雷能先知俯
身備戰陣走馬臨西陲橫門百里外拳旗何其遲

下馬度西嶺風雨懸刀鏃人影冰城上日瘦落高山蓬

庭氣悽慘馬鳴雲夜還出沒見險阻幾時平秦關

獻計觀帝京請纓屯細柳開國先開邊當戰不當守星

馳千壘分八部張罝采成功談笑閒雲臺馬足取我豈

貪功勤勤王志已久

春霽

萬壑閒雲裏空天野水明鷺隨風氣散竹帶日光輕始
辨千山影遙通眾鳥情江村風力暖帆外度春聲

雨訪相溪客

山水是何處春深雲路繁
高人情愈淡長者語方溫
細雨浮千樹和風盡一軒
回舟如有失疑誤入桃源

夜讀虬髯傳漫賦

蕭蕭雪屋動高歌泛覽遺編歎逝波
百戰風霜何處老十年兵甲向誰過
遙憐海嶠扁舟遠極望關山夜月多
此日知幾高隱去太原王氣更如何

張遇梅舟

采桑詞

出門西風來殘紅隔煙霧
不采恐蠶飢欲采愁日暮
願影獨躊躇野香初過雨

刺繡

春風一夜梨花冷寒食閉門心耿耿
蕭郎去後未更衣况復殘陽照空影
一痕哀玉春眠重紅雨當窗惜幽夢
停鍼無語暗相思蝴蝶尋香到釵鳳
尋香如妬晚來妝拾得飛花一縷長
倦捲湘簾芳草綠王孫何日過橫塘

新蟬

高柳陰陰酒半醒板橋斜立雨初晴
無端聽得分明處野渡殘陽第一聲

吳鶯雲青

子夜聞鐘

魂夢皆塵俗猶聞世外音
將雲停別浦與月下遙岑寂

歷幽人思蒼涼古佛心閒愁差得遣相贈亦何深

留宿吳山月下之作

新月故山逢相看莫問蹤
窺簾籬畔竹敲枕澗邊松雲
破光無礙峰迴影自重
上方消息盡何處一聲鐘

秋日登西湖數峰閣拜兩朝忠烈諸賢次壁間韻

大地全枯天欲秋孤忠黯黯浙潮流
好憑姓氏酬青史不愧文章賦玉樓
報國有心懸北闕思君無路哭西州
蕭條滿目湖山恨千古風高祀一丘

積雪

凍合長空難集霞柳枯何地可藏鴉
人間浪說鏤冰技天上遙分翦綵花
滿徑白雲全失路半江明月共浮家

蕭蕭窗外無煩掃畱取清暉徹絳紗

韓純玉子蘧

秋懷詩追和劉伯溫先生

秋氣可悲秋色可喜寂寂衡門依依墟里
蛩吟露白雁來葉紅綠酒一器黃花數叢
自念茲生得閒最蚤晷此良辰忽焉忘老

月落參橫荒雞既鳴起舞露下秋心夜驚
劒一人敵書記姓名學之十年將何所成
臨流自照白髮漸生蒼黎

在念人孰無情

心靜易殫身靜易寒浩歌無時不知其端
資猶載道視為芳蘭梁黍勿御鮑魚是餐
隨時汶汶中不自安黃農

已遜喟然長歎

悠悠九州萬類同游人各有侶物各有儔鳳凰無食不問蒙鳩蛟龍失水不資涸鮒貴非所念富安可求雲揚風起肅焉者秋

山中寄友人

結盡山中茆垂堂不可居采盡山中薇野葛不可茹神州方陸沈智士亦淪胥愚夫有微尚夫豈欲釣譽青山愜我懷白日暖我軀端坐無一事俯仰千載餘掩卷出門去緩步可當車登山亦有道所貴在徐徐

過湘溪訪天翁子見

淵光渟渟夜不昏水田漠漠蛙聲喧晚山相帶見前村

同七

五

有客飄然入谿門十年一歎庭中樹恍惚當初下幃處
籌鏡置酒靜莫言明日乘舟不能去

雙龍引

有序

予有支公王濟之癖然意所未當驪黃滿野勿顧也
乙未秋刺史張公贈大宛棗驪又從王將軍所購得
小驪駒皆絕羣者同人作詩歌之予亦賦此

大宛飛來紅叱撥相傳產自燕支窟龍顧突目廣腹毗毛如熾炭蹄踏鐵會入吳興郡殿中君都說作千里經同槽眾馬多辟易昂藏獨立如癡龍幾回鞞出真無匹雙鳧碾碾排胸臆逸態雄姿勢欲騰遼東健兒騎不得聲價矚然起雪城元戎購之雙玉璜張公知余有馬癖

一朝相贈千金輕自離郡殿依樵牧性情漸與人相熟
伏虎巖前臥白雲蟠龍湖底歎寒主春來騎上浪景堤
颯旋電閃入四蹏玉鞭輕拂桃花綻雕鞍欲跨丹霞飛
吾觀張公相馬不相肉坐閱羣驥眼如燭天閑雲錦徒
紛紛終日低頭飽芻粟驂駟矯矯殊豪英道傍見者誰
不驚狂生得此意已足環視八極精神生我將乘之踰
崑崙履碣石朝刷幽并暮還越踏破陰山古時雪欲行
未行且暫停茫茫禹甸多風塵風塵湏洞何當掃只恐
驂駟易衰老

房星夜照雪水黑飲馬池邊飛霹靂龍鬃化作小驪駒
墨移一團雲氣溼生來神駿迴尋常耳如麋鹿頭如麋

同七

五

蘭筋束骨皮肉急雙瞳夾鏡精神藏就中奇相尤堪異
羊髭有爪懸雞距儀氏韉中謝氏鬃竟與圖經合符契
漁陽宿將老廉頗相馬追師馬伏波自矜此駒世無敵
他年舉足凌山河去歲移營屯海甸獨憐駒小難征戰
慷慨相貽誼甚高低徊換卻心猶戀更經長養帶絡頭
材成驥曩性轉柔聞聲辨色自踴躍呼來不用青絲收
試向郊原小蹏躩碧玉蹏翻如按拍崎嶇高下總如夷
行止疾徐俱中節杏花叢裏柳陰中瞥然一去如追風
路傍碧草連天起海外蒼鷹翅從從張公棗駟擅名久
誰知此駒迺其友紫燕青虬世所珍珠纓玉勒吾何有
平生好馬兼好遊時人錯比馬少游長驅不效東野子

短衣獨往南山頭與來並轡盤雙驥彼此爭先無次第
合縱齊蜚日月輪交馳競吐風雲氣風雲之氣何飛揚
龍驤豹變不可方嗚呼那得江都王筆端寫出雙乘黃
病餘雜感

焚香蘇病骨返照入空林靜憶童年事閒銷壯歲心家
貧青史在樹老綠陰深過去無多境悠然成古今

朋舊時相過塞帷祇自眠禮非因我設貧恐受人憐
得忘形趣還參不語禪此心如見許幽意爲君傳

今日始櫛沐扶筇到小齋鳴禽依茂樹游蟻下空階
物理應無異吾生自有涯忘年成獨契莊叟意相諧

虛堂看畫承形影自相親一世無知已雙丸不待人
書忘感慨攬鏡忽傷神不是悲生事倏然淚滿巾

峴山秋禊詩

天高氣始清登眺及新晴碧浪浮沙渚青山繞郡城
乘今日與猶識古人情不盡觀河感悠悠白髮生

郭外好林丘蕭條異昔游顏蘇祠尚在蒼霄水空流
老誰人墓帆歸何處舟蒼茫今古意無語對閒鷗

偕陳定齋潘嵩來登七十二峰閣

壯懷寂歷不勝秋同上湖濱百尺樓天與雲濤相近遠
山隨魚鳥半沈浮扁舟何處英雄老巨浸無端日夜流
悵望神州空極目煙波浩浩使人愁

玄墓山遇徐昭法孝廉卽別愴然有懷

吳趨間隔三百里離亂相兼十二年此日弟兄仍一面
曩時師友半重泉同依慧日爲禪侶忽遣樵風送客還
無限斷魂收不盡長松習習寺門前

謁邵司徒廟

帝展輿圖每共看將軍二十蚤登壇赤眉青犢皆俘虜
白髮黃童擁漢官封與蕭公同鄴國交如嚴子在長安
時人寂寂君休笑祠對新豐日影寒

靈巖雙桂堂同繼起禪師張靜涵熊燦菴諸公夜
話熊公舊爲吳江令張公前大司農

碧漢沈沈永不移流雲駛月兩堪疑巖扉夜迥入長靜
石路盤空客到遲久識姓名開士喜不緣文字導師知

虛堂寂寂齋鐘晚正是靈山未散時
李源圓澤此相逢鐘雪功名一點紅當日使君新上座
如今長者舊司農諸方徧灑三花雨兩序初分二桂風
無隱不須重問答天香吹落暮雲中

落木菴訪徐元歎不遇元歎向會僑寓吳興
幾處尋幽入翠微溪雲谷鳥盡依依茶聲出戶客自語
山色滿簾人未歸浦外征帆隨日去庵前木葉向秋飛
浮家茗雪當年事可憶玄真舊釣磯

吳門舟次陳太僕示孝陵圖恭題
玉樹聲殘氣未消悲歌處處起漁樵征誅豈屑同三代
感慨何須話六朝絲筆有情猶繪日寶城無主自千霄

莫愁隧道如長夜一點魚燈照沈寥

月下登虎丘

秋夜僧家蚤閉關游人散盡獨登山孤光自出煙雲外
積氣如行天水閒石爲無心能聽法劍因藏鏘竟投閒
生公一去笙歌沸好向聲前覓大還

秋夜讀史

柴桑歸去意如何五柳門前野趣多高臥北窗無底事
醉來猶自詠荆軻

送客

片帆隨伴向天涯明日元宵可到家更去膠城三百里
好憑春信寄梅花

同二

无

入棲賢過元馭舊居

一別煙霞已四春強將譚笑對風塵如今海內誰知已
重向山中哭故人

同岑初集卷八

茗上沈宋圻圻生輯

雪水孫逢時貞明參

翁 燧 西帆

擬古

結髮遠從軍慨與親故別絕塞無春風季冬更窮節平沙數千里霜威與之白飛將老不封奇功竟何益

錄別詩

嚴冬盛寒陰霜颯結穹廬胡馬懷其羣嘶聲悲有餘嗟我同袍友還歸涉長途男兒別知己四海身轉孤相去天一方向得不踟躕浮雲日南征淒風生廢墟逝欲從

同八

子行我馬不可驅

良會在今日置酒登高樓悲歌閒妙舞趙女彈箜篌中曲變清商庭樹蕭條秋征人當蚤行視夜悵悠悠星河皆已沒棲鳥亦啁啾瀉水廣庭中東西各自流我髮日以素何能坐懷愁

閒居

夙昔未聞道蚤歲嬰世苦偶然胸懷清值此山窗雨鄰翁喜我閒淹留說農圃塵事隔花林桃源即茲土相攜度平原扁舟次南浦溪山不改色了了成今古春風發天和榮暢紛可數我心正寂寞詎復有所取

舟子怨

江頭日轉戰軍中傳聚舟大舟利衝突小舟葉其浮賤子本貧懦垂釣清溪流府帖籍我行嚴令不敢留青笠綠蓑衣何以膺戈矛進退等一死欲淚雙痕收殺氣動溟渤洪波無白鷗悲笳吹數聲日色如窮秋連宵合圍急飛鷁風颺颺舟中指可掬血湧寒沙浮將軍志麟閣漁翁何所求

村夕同懸渡懷位存

自卜南村鄰息心依農圃謀食雖未優力耕亦所取閒暇相過從一二素心侶坐卽論詩書行來看禾黍交情到率真不問誰為主攜手越前除晴月光微吐雨氣寒未收歸禽靜天宇卻望蘇山雲蒼蒼自今古

同八

江雨行送于野至白下

長江之水天際流江干木葉飛高秋風蕭颯夜雨客子自然生旅愁涼秋八月滄江渡寒潮湧無晨暮金焦山昏雨勢來凌風挂兩征帆開漠漠帆開此送君雁聲嘹唳入江雲由來離別人堪老風雨孤舟那可聞

築城行

君不見錢塘江湖如白練平沙十里吞江面奔騰晝夜薄高城城頭健兒吹角聲角聲半入潮聲去役夫夢斷悲相語虎林城堅鐵不如於中別築屯軍處六月挑發五郡民天炎令急無晨暮拮据豈關筋力強休息每遭官長怒一時城一尺一日城一尋朱輪不動后土蒸涼

風蕭蕭生遠林只吹竹樹作清響不吹城南行役人梨
園年少譜新譜葛衣搖扇將軍府

春夜溪上聞笛

夜靜青山吐明月春花澹澹溪水白月明花澹煙滿溪
向月誰人更吹笛輕吹低調最有情溪花萬樹皆無聲
微風捲入碧樓裏錦衾夢斷鴛鴦驚抑揚一轉聲淒怨
波濤杳渺龍飛去更聞嘹唳空中回行人淚落猿嗥哀
閒愁獨夜驚聽此溪上徘徊不能已聲消花落山自青
明月無言照溪水

招張僧持話別同張陳諸子

攜樽坐桐影且得暫追隨相見復何日孤帆開此時人

同八

三

煙沙際動江月夜深垂應有離羣夢蒼茫寄所知

同棲雲禪師入鹿山

空林長日寂來隱向蒼煙樵路雲峰上人家春水邊幽
禽先客起寒磬隔花傳幸得支公在何須別問禪

惟肖卜築野霞賦寄

何處褰裳好幽棲此地偏鶯花私漢日耕鑿問堯年水
抱孤村樹山橫十里煙仙源如不隔或可進漁船

歲暮寫懷寄于野

相思能不極雨雪歲將闌若作還鄉夢應歌行路難北
風江水闊白日孝陵寒寂寞千山氣憐君獨自看

武林懷古

虎林山郭自朝昏王氣凋傷不復論亂世偏安真屈膝
他年憑弔足銷魂東南積翠浮天柱今古雄潮入海門
楚樹豈堪重繫馬悲風羌笛滿江村

春感

千官鳴佩憶朝天漢主垂裳御極年一自金人辭舊闕
空遺石馬臥荒煙黃雲盡鎖彈琴峽碧草春深種玉田
爲問燕山游宦侶揮毫誰賦帝京篇

贈不器先生

西風池館響松筠寂寞先朝侍衛臣花擁玉階回舊夢
歌翻瑤瑟寄閒身山光對酒杯初健詩律迎秋晚更新
聞道龍門登未易自慚長得奉車塵

同八

四

與雲棲師作十年別春初來自天台造對永日率

成志喜

長日過從感慨深偶分閒福共春禽千峰何處尋高跡
十載重論只故心頗怪行藏同草木更無興廢到山林
蒼苔蹋徧忘歸去不覺簾鉤生夕陰

汀蘆

天末涼風生秋聲動空水白花時一搖孤鴻此飛起

雪霽

寒色明曉山空簷噪飢雀林表積殘花微風數吹落

從軍行

角聲一片動城頭三月郊原霜未收壯士但驚春色晚

那知身已在幽州

鐵甲雖戈冷不禁天山有月夜常陰邊城老將頭如雪
獨坐秋風聽暮砧

寄于野於金陵

龍潭春水浸長天芳草萋萋且醉眠休問漢家全盛事
孝陵松柏起寒煙

友人客白門未歸寄之

江水蒼蒼月影孤江干風冷夜唳烏臺城十里煙中柳
繫得愁人鄉夢無

吳金昂司明

菁山道上水石閒小憩

同八

抗手蓬知好春風屐齒輕荒煙寒日色疏竹亂溪聲坐
久語方淡山空花自生寥寥青嶂裏獨得古人情

友人移居南村留飲

格鬪連雲烽火燃今朝相見倍相憐離家飄蕩八千里
借屋遲回六七年薛荔風來村舍雨盤餐人在稻杭天
那堪一夜關河色醒到蕭蕭蹋壁眠

歸雲庵懷孫太初

山人草堂鎖白日客子尋幽一扣關野水依然流屋下
孤雲原不到人閒荒庭鶴去長林月秋老詩開寒夜山
搔首呼君青葛莽碧雲空載芷香還

吳景鄴亦一

聞鐘

羣動俱荒寂不知何寺鐘響殘沈覺地聽徹上盧峰萬
想從茲滅千山不可封世情渾欲淡恰與梵音逢

胡啟任任侯

上己虎丘讌集奉和梅村先生原韻

春歸若不為人謀彈欵誰堪作壯游蘭葉有情遲客坐
清溪無緒送觴流每從細柳疑青眼莫使飛花怨白頭
寂寞吳江何處是錦帆謝去一荒丘

季春橋李大會

桃李花開淡處尋相逢何必賦烹鸞片帆齊渡東南美
短瑟猶存今古心不盡鳥聲求友急無多蘭氣入庭深

同八

依依湖畔初生月是處高臺慶盍簪

臧轡駿公

菰城西園集

三春幾過半勝地且徘徊有句憑蜂使多情寄蝶媒摘
桃紅入袖倚竹綠浮杯莫漫尋歸路波光上碧苔

孫育堂繼武

登龍山

聞說龍山勝相看不厭頻小橋通曲澗遠岫接叢筠夜
靜鳥啼樹入孤月作鄰黃塵方四起何地貯遺民

周知曉傳

離思曲

流水何湯湯勞勞送別長雙燕玳梁棲樓上空斷屬簫
聲宛轉悲鳳凰微風入幕動衣裳阿鬢寶髻搖明璫膏
蘭翠霧滿洞房銀漏沈沈燈燭光侍女頻催不上牀團
扇餘愁三兩行遙憐游子心傍徨愁深月落天難曉
捲陌頭楊柳黃

姚酒沼子厚

南湖卽事

當筵一嘯按魚腸驚轉吳姬半面妝楊柳風微春試馬
梨花月上夜添裳千鍾雲液金樽暖十里漁燈水殿涼
卻笑小鬟渾解事更窺菱鏡畫宮黃

吳光長庚

同八

孤城西園集

暫作園亭主都無車馬塵垣衣芳苑晝岸幘醉鄉春斷
續歌黃鳥流連采白蘋入林小阮在長嘯適天真

唐鴻子野

夜坐芙蓉花下

鐙青夜氣微野客畏零露庭花冷豔生紅出芙蓉樹牽
條坐空階殘月忽飛度輝輝弄微明不受雲衣護桐老
落孤音苔荒綠無數草木悲盛衰人物易新故旁皇起
中宵顧影成獨寤欲折遺所歡潮生失江路

送春次馮訥生

柳花吹徧斜陽道天涯一望王孫草揚州夢斷玉簫寒

莫愁歌歌金釵老蕩子江頭十日住爲聽嗚鵲聲滿樹
曉來尙好踟躕殘春一天又到無情雨

訪丁齒生潭上

潭水迎門闕高眠人可思掃花風落後呼酒鶴歸時竹
冷半庭日蘋香三畝池野僧常有約共賦白雲詩

寄懷潘菊旆

如此滯桑日君偏住好山鳥銜紅果醉人對白鷗閒煮
藥椀花酒尋仙薛荔關晴窗簾不捲掃榻待雲還

爲閩再彭題卷西草堂

蕭東猶避世况復草堂深是徑多栽竹無絃只抱琴筆
牀千古事松月五更心不棄遊東帽晨昏髮未簪

同八

寄西帆

懷君三畝宅如坐萬山中田父酒香近野僧花路通開
扉迎夜月聽竹待秋風未必虞卿老殘書可著窮

孫海門使君招同祝長康余澹心集丁齒生湄園

限韻

看竹過鄰舍山光若與期籃輿秋路穩茶竈午煙遲魚
戲牽荷葉禽聞夢柳枝登臨無限好客有杜陵飢

蚤春同何德坤羅瑕公喬梓宿幽棲寺得春字

萬壑此深夜冷鐘傳響新繩牀花底夢竹杖嶺頭春風
定不知樹月來初照人山僧偏喜客翦燭話松筠

潭上移居

黃葉漫天野色迷巢林無計擇枝棲雙扉蔽雨三年華
一寶通明半握圭寤寐潭光鄰古衲落成茶竈賀新泥
白頭人正挑燈話偏有兒童雜笑噉

一瓢隨地是衡門客去蒼苔斷履痕路僻雞聲遙隔水
天寒犬吠不離村片雲落夢黎牀靜殘雪搖鈴草闌昏
數卷芸書吾舊物笑如秋栗守山猿

贈不器母舅

長安往事憶揮毫孤興頻年守桔槔山寺老添新酒債
花棚晴曬舊宮袍鶴隨看竹迴溪路僧共烹葵上野茹
帶影迎門青欲滴滿牀寒夢落松濤

仲夏招同張大玉丁齒生坐雨

同八

虛堂寂歷阻高吟招得巢由話古今野菜只宜貧士席
濁醪不醉道人心風欺破衲雙肩瘦雨打空潭五月深
欲試芒屨芳草地望中愁見萬峰沈

春草

胡笳聲裏斷腸詩南浦青青客鬢絲五夜杜鵑偏寂寞
滿天蝴蝶正相思不辭絕塞添新意欲報春暉恐後時
處處高原堪極目清霜無信不須悲

白門歸苕旬日即行畱別惟肖西帆諸子

歸舟纔繫藕花村又理征帆別故園容易孤鴻橫碧落
不勞明月送黃昏千峰客路呼樽酒一雨殘燈夢弟昆
非是王孫愛游遠前身行腳老桑門

金陵懷古

清溪十里畫橋煙斷角聲中雜管絃破屋誰栽彭澤柳
村童只認永嘉錢六朝僧夢長眠雨一枕江湖不去天
橋有多情桃葉渡春風秋月木蘭船

旅秋

勞勞車跡恨閒關行李頻年積淚斑鷗鷺無家天地闊
吳山有夢水雲間一行馬首風吹帽十里雞聲雨過山
夢少玉門橫劍客銜花小婦卜刀環

梅花

一畝雖荒任卷舒敢云貧賤棄吾廬正從香路攜新酒
忽向名山得異書野鶴入春忘飲啄高人無歲不蕭疏

同八

天涯何處逢青眼慚愧孤寒我漸如

只有三杯石凍春可同君笑野泉新賞宜煙火不餐客
夢許羲皇以上人大庾嶺頭尋舊夢藐藐姑峰外憶前身
花開夜夜明如畫紫壑青泥肯拜秦

江干曲

春入江花紅日落江草綠何處盪舟人猶唱采菱曲

聞詞

人傳夫婿歸已在維揚路欲覓渡頭船日落江天暮

杜湘草招游潭上

十里潭光兩岸煙小舟閒伴落花眠日斜人倦未歸去
坐待月明扶杖還

和余澹心尋花詩

放眼看花滿溪溪上暘花花路低孤山墓冷鶴飛去
明月一湖烏夜啼

旋情

吹變梧桐葉幾層暗風斜雨翦秋燈他鄉為覓無愁地
十里青山一個僧

嚴啟隆 爾素

往昔

往昔昭陽歲孤蓬實南征代來東向讓大橫誠庚庚
哭見肇造法宮開舊京鍾山三百禩宗子始一行畫江
暫休憩天塹為足憑豈圖人事錯上下同一醒

同八

十一

異物從東來駢駢驅駁馬虎豹居上頭烈士走中野已
知城郭喧顏色不忍假粉冢如白羊雜立遠山下一木
撐危橋憂來及足蹀獨行胡煢煢我勞未能捨

哭溫寶忠先生

子當膠序時與子亦落落獨以聲氣求後先非寂寞
再三十載俗學鶩糟粕子氣轉驍騰子文豈落魄逮平
丙子秋遭遇見作略執手語河梁告我前夢惡前夢乃
云何萬事都飲啄慰我羈暮魂飲子清涼藥癸未南宮
開子名訊豁達受命司理還願我念藜藿相勗有芻言
相願故不薄子知我意深拊胸訂一諾豈意天地傾窟
闕成耐涸新安萬壑中鐵騎踐城郭抽劍抉妻孥半世

酬一鏘鼎鼎共百年斯人乃震焯

書所見

委肉啖公中殺身不旋踵始知壯士骸行人未可動
魯得之左腕畫竹歌

史公作史何多遺狗屠擊筑徒紛披當時尚有魯句踐
失手中中秦王肌侍醫無且藥囊動右肩忽墮遺秦堦
質簪谷口生蒼玉露滴寒梢月中哭魯公寫入畫圖中
萬丈凌煙勢尤足怪哉魯公何所求以左代右風颺
五官互用寧足異願書雅向頭為謀

張 陟 選自

和費叔賢詠芍藥

同八

十一

沈香亭畔費尋思芍藥欄邊漫詠詩自是風流堪別譜
鴛鴦錯繡一新枝
看盡當年富貴春黃衣襯就白衣人盈盈士女會相譁
約略風詩記未真

唐彥敏 晚農

丁酉元日

入春未久氣猶含斜曳藜牀試暫採茶號寶珠光的的
柏垂纓絡舞穆穆詩情投老仍如一酒律新頒不待三
偶閱殘編嗟嗟典午陸沈豈獨在清談

自和元日詩

手栽小樹已扶蘇暇豫何能計苑枯綰綬佩魚終是夢

負蕤驅憤或非迂桃思度索三千實桑有成都八百株
羞澀杜陵今更甚空囊并此一錢無

花朝

黃磁斗盜苗蘭荳細吐幽香忽滿齋貧裏對妻誇有舌
虛中閱世慕無懷浮名畫虎知難類小技屠龍俗未諧
閒靜性生非偶愛一丘一壑久安排

落紅撲面趁風驕松塵閒揮亦自超扶杖有情憐草色
遠條無意歎椒聊品題死鼠周訛璞標榜空門寺姓蕭
詩債未完妨午睡策勳幸藉酪奴澆

和雪癯先生集滋蕙樓詩

倚石揮杯藉草荻如泥又破太常齋好風入座時侵袂
詞八

小月窺簾漸滿懷馳鶩豈能箋樂志逍遙迺可誌齊諧
山家忽覺奢華甚似綺繁花次第排

凌巖榭雲劍

題蔣寄凡扇頭山水

幽嵐古澗薛蘿生石徑深深任意行曳杖忽然忙一事
午陰深處聽松聲

虞山訪汪仲廉路迷不可認

從來不識路崎嶇一涉途程路轉迷記得去年三月裏
桃花開處野人居

夕照

三五炊煙敲岫低竹搖薄翠下花溪漁翁款乃歸何處

斷岸平橋野店西

胡景大星

環翠樓曉望

乍暖還寒二月天梅花零落杏花妍曉來獨向欄杆倚
幾處人家未起煙

嫩涼微雨似新秋霽色初開翠欲流落落眾山皆玉立
白雲滿地倩誰收

張夢明仲昭

雨後村口

柳花初吹宿雨歇山寒滴翠厨煙碧羣鳩綠暗但聞聲
少婦攜筐越桑陌陌上凌波襯落紅斷腸深處淺痕中

詞八

嬌羞樹裏玲瓏見猶得殷勤半面通

董渠城綺莊

斷橋偶坐

天半暮霞流長堤一釣舟西風今日恨明月去年游酒
薄霜林色詩成石澗秋偶來橋畔坐得意境偏幽

閔巨綱鴻符

憶園

小艇纔從龍港來又扶竹杖到平臺他鄉亦有林逋僻
十月梅花處處開

傍晚庭陰茉莉香醉來忘卻摘花房推窗忽見枝頭白
錯認吳天一夜霜

錦筵開處酒如灑金縷
纔歌賜碧綾只有夜深人去後
半牀明月一孤燈

顧潛初 伏波

白龍庵夜坐

牢落秋風夜淒涼
古殿陰微霜催木下斜
月照潭深挂
劍古人意焚空當日
心空庭飛雁影鄉夢墮哀音

春闈

不禁天涯色今朝到曉
權薄寒身似怯芳訊病餘
逢暮
鎖輕塵裏書裁細雨中
離愁正無限耐可寄春風

沈允煒 小白

高秋

同八

五

高秋憐客路獨往不成歸
湖上芙蓉落山前柿葉稀
清霜今夜白明月故鄉微
砧杵年年急淒其淚滿衣

湖上殊勝寺

何年殊勝寺今日一登臨
月墮圓沙白門迎大澤深
水流清客思木落識禪心
薄暮松風起冷然鐘磬音

吳啟佑 右公

同叔赤一月夜溪上作

月寒冬夜長深林風浙浙
今人非古人無目思指摘
何者是美材何者是樗櫟
舉頭問月明不應滋心惕
與子素心人桐枯聞露滴
遠來聲激昂漁歌出蘆荻
須臾見布帆蘭槳水中擊
令我兩人心此去少所覓

訪沈子威談及西戍閒往事

時艱方總角攜手避江河
孤月懸愁思微風折浩歌
春遊茲未遠逸興近如何
若水思君子高齋昨偶過

西冷晚眺

山月仍旂食人代一漁翁
是日登臨處晴光朝暮同
江明舍遠樹湖淨滿秋風
坐久青楓外煙花落酒中

贖胡一

翰墨勞人處山川蘆荻秋
煙霞君獨領萬里一輕舟

吳 洪 聲 來

東臯

長嘯臨東臯澄潭激清影
白雲當牖垂微風生畫水
綠

同八

六

陰淨如洗菊苗長荒徑幽
居圖史香心爽納光景回
盼夕照明飛暉射孤嶺

帆

片影來江上斜陽一照明
離家思夜月為客動鄉情
雁羽先秋引蛩聲入夢驚
不愁風浪險滄海寄平生

九日

九日無花樽不開歲華木
葉轉相催風霜亂後悲孤
劍天地中原半草萊雁落
寒沙衰柳外雲飛晴色隔
溪迴茱萸獨傍登高處何
必籬邊餉酒來

姚廷芳 爾猷

訪嵩來于桃塢

話到羲皇日已西北窗一縷白雲低漁歌樵唱此村落
月皎風清無鼓鼙淵側藤陰猶暮靄山高松色與天齊
爲君且記桃源路莫遣林深鳥自囀

孫逢時 貞明

秋夕

亦欲高眠去其如明月何相思應爲滿別緒轉添多亂
草蟲聲出遙天雁影過露寒衣暗溼拍手起長歌

落葉

漫將衰晚怨飄零向日春光幾許情歧路似余生計拙
天涯如爾一身輕白雲明月空相憶碧草荒苔重自驚
最是夢回殘角後不禁愁思滿孤城

詞八

過禪智寺

亂離何處識江村蘭若依然此地存半偈遙遙清磬外
諸天隱隱一鐙痕客思佞佛勤隨喜鳥欲窺人故不喧
豈謂勝游難可再布衣澹寂自爲尊

費 埏 叔威

山莊牡丹開適臥病不能往

昨日花有信今朝月可期遙憐主人意不道入山遲夜
冷樓香怯杯空吸露滋應知孤客夢襲襲野風吹

李樹森 蕭史

西郭野望

浩氣憑高發極目不勝收陰雲同一色薄暮輕浮浮煙

歸遠樹宿溪平古岸流羣蛙爲私鳴亂吾清言幽山村
失桃源城市亦蟬弊所以古達人死生度外謀悠然見
吾真一笑輕王侯

春燕

簾鉤身竟入慣識主人情久傍怡堂穩重來肯構成坐
梁偷待鳥射鳥兒事集杏喜迎鸞王謝辭前日差池下

上聲

未必奇籬下朱門蓬戶游雕甍卑斥鴳深院呢鳴鳩抱
影棲遲穩銜泥辛苦周不能忘舊主春至思悠悠

沈雨

野水村村岸平麥秋無望賦縱橫陸沈未足填谿壑
天漏何曾洗甲兵花信番番風換雨春光日日晦欺晴

詞八

雙柑斗酒無端置辜負前林有曉鶯

無題

幾帙緗編半砌幽妝成臨鏡尙夷猶一生最好焚香坐
會爲春風兩上樓

蓮花莊感懷

依依野蝶繞歸魂一片傷心帶雨痕惟有妝臺舊楊柳
猶垂青眼向黃昏

鄭康采 右莊

遙和碧湖載酒

畫舫妖嬈淺淡妝不爭粉白與鴉黃魚隨細浪聽歌扇

燕掠輕花戀舞裳吹面暖風消酒渴催詩小雨浣愁腸
陽春滿座應難和自愛平湖對晚涼

寄友

一病應憐未臘回藥爐淹滯又春來畫簾青映虛芳草
水檻香生負落梅臥聽行人林外度誰知唳鳥雨中催
九天鵬翼須無礙指顧秋風作賦才

閨怨

明河皓月獨徘徊砧杵聲寒悶不開爲憶沙場人更苦
吳鉤不卸臥龍堆

費均左兼

落花

同人

五

悲吟何事類羊何香骨垂埋恨未磨一謝青春鄰宿草
重添紅淚濺流波也知蝶夢齊生死空倩鶯簧作挽歌
老木槎枒莫相笑梳風掠雨閱人多

江雨飄殘紫陌塵那堪鴟鴞弔餘春芳心欲碎憐孤影
弱質無依恥媚人意失乍驚青鬢改心知終讓白頭新
休因顛顛傷懷抱容冶難經妬婦津

野鳥鈎助越吟離愁遙逐楚雲深馬蹏香染塵千里
鶴夢驚迴月一林飄泊料應成獨往道旁何處覓知音
故園風物雖非舊欲倩歸鴻寄遠心

吳映奎 漢星

和陳人中先生秋懷

禾黍離離極望哀故園蕭索剩徘徊丹楓落葉天邊下
霜雁賓南塞上來孤穴久居甘露殿鹿場新據柏梁臺
遙思天壽諸陵寢憑弔秋風酒一杯
橫天星斗露華清臺砌荒涼百草生旅客聞猿三峽路
征夫吹角受降城鉅橋明月猶堪畫朔水煙帆尚未平
故國不勝回首處秋風蕭瑟暗傷情

凌谷賦 淵聲

雨

幽光覆茆屋來往燕蕭然書寄故人夢鳥鳴新雨天遠
山明水色荒徑起松煙賴有溪邊柳黃昏繫客船

懷二兄

同人

五

此時天地冷默默倚高樓嫩蕊留春雨深溪浮白鷗
香理花氣煮茗藥春愁小影悲幽獨輕寒燕子柔

悲憤

濁酒成幽夢證寒枕不溫荒墳鬼有跡古碣字無痕野
香吹麥飯殘雨弔鴟魂溪水年年綠桃花徧幾村

初晴見新蝶

積雨難相見今朝檻外逢溫溫飛燕上楚楚睡煙中荒
冢石痕碧清溪桃葉紅春魂如有失日暖不知風

六忠祠

一派湖光照夜深數聲柔勝入空林忠魂寂寞江山杳
明月蒼涼殿宇沈何處鐙前聞鶴唳誰家樓上聽蛩音

杏花零落荒城白千里燕雲不可尋

江南曲

儂家住城西來往多商賈為訪隱居人桃花落柔艣

閨怨

一竿風雨剝殘陽階下棠梨照冷香縷縷藕絲吹不斷

依然空抱舊蓮房

臧廷鑑 受澄

郊步

極目荒郊裏來游正落霞漁樵迷舊徑桑柘有人家蟲

響依孤墅鷗眠印淺沙寒深驚候變秋色夕陽斜

感懷

同八

落落窮途士為驚秋易殘聲名憐敗羽志氣薄彈冠桐

影經窗冷蕉音雜雨寒莫愁零落似大翮養非難

陳豫 介貞

塞下曲

邊風四面合黃塵捲飛鳥莽草生夜寒抱弓宿宵宵白

骨委沙煙青閨夢猶繞

雨後夕照

蕭齋新雨後石氣自生涼高樹迎空籟千山送夕陽流

霞已駐景餘溼尚雷芳寓目情無際徘徊思故鄉

閩南春半楊花

乳燕試風飛春山正翠微垂青拂碧澗分綠映蒼磯娘

嬾花牽幕霏霏絮入幃天南未寒食恰似促春歸

仙霞嶺

重巖不守失山河自歎南朝巾幗多若使兩吳吳璘今

日在開關息鼓亦如何

潘駿觀 雷雀

匡山大忠祠

萬水奔騰怨夕陽孤星慘慘射寒芒何人不祭文丞相

是處重逢李侍郎巖畔杜鵑悲血路海邊精衛痛淪亡

祠前已種錢塘樹不遣南風吹北鄉

舊梅

一樹梅花壓曉霜空庭猶見舊時妝飄零地角無消息

同八

獨對寒香情倍傷

續邠老滿城風雨近重陽

滿城風雨近重陽蘆荻聲殘橘柚香縱飲惟知高閣臥

任他催賣叩倉琅

周道仁 長公

園居

蘿薜蕭蕭引蔓長清陰不改舊西堂風生禾黍新如穎

精釀梅花早更香地近蒹葭人在水庭高秋草月投荒

天空鶴去歸何晚迷卻煙嵐第幾岡

沈茗祥 秋澗

夔一訂仲夏過訪臥病中阻作詩見懷賦答

蘿衣五月照榴枝病裏思君俯碧池異地風煙情自合
故人夢寐夏初期高齋落日知懸榻曲檻荷香憶坐時
回首菰城徒悵望竹深應自賦新詩

陳廷藻 公遠

舟中雜詠

畫鷁乘春各御風連翩北向見寶鴻元規塵幸離江上
少伯舟還出越中夢落十洲仙引路吟同七澤客凌空
寒鴉點點斜陽裏添得飛光到短篷

贈曹秋岳司農遷粵東左轄

薊北荒城埋虎豹嶺南大澤伏龍蛇天高覆樹寒無雪
海闊乘槎暮有霞萬里浮梁吹玉笛一鐙古驛對梅花

同八

趙王臺上飛鴻少雍坐樓船聽鼓笳

辭燕

都門頃刻唱驪歌感慨填膺碎唾壺三殿夕陽迷玉斧
九陵寒食冷金鋪紇干山雀飛何處寶坻河魚獻有無
今日五噫歌亦得梁鴻廡下漸東吳

張 穎 青雷

卽席賦贈仲清

暄景照深春持杯勸故人好花看幾日苦雨坐連旬亂
定傳來異交憑老友真寒溫須自慰無悶答清貧

李天策 惟肖

君子有所思

鷓鴣中夜鳴久客中夜情雞鳴時復旦離思獨縱橫當
秋肅楚駕寒盡度平城春風無處所青草日日生城城
長風發溲溲沙刺骨他鄉身命輕飢渴任倉猝江南苦
未晝漠北畏明月榮名易謬誤孤幃負雲髮征途渺前
期唇刻有超越邊霜鬢馬足閨夢猶帝闕菰米不可春
藕絲不可縫關山隔千里賤妾誰爲容坐憐芳華歇援
琴倚暮鐘

代東武吟

金勒玉花驄蹀躞誰家郎挽彊射燕雲白鶴不敢翔北
風九月中急羽飛長楊徵書下三輔奔命無前行舉國
皆婦人巾幗良可傷仰天獨悲歌君仇亮難忘捐軀度

同八

河隴一戰收舊疆

折楊柳行

邊秋八月吹蘆比檀槽驚烽初徹古北口榆林換聲
鳴鐵鞞將軍點兵備古北突厥潛驅犯甘肅男兒馮城
日不足闔中紅粉城頭宿明月何皎皎流光入我帷空
牀不見人但見牀頭機別君蹊路側期當便來歸寒燠
屢更代漸覺音書稀翻訝從軍樂不道從軍悲十年淚
恨併一夕如連珠

監歌何嘗行

吳蠶蜀繭光離離大者爲絲細者絲織成織羅輕莫施
冬匪其宜春所思西家小婦學弄杼十日一匹猶自熅

今君新衣百和香是妾昨向機上治君身長短妾難忘
妾心委曲君易量盛年恩愛豈足言華落從風復誰望
華落當更開君情諒如故願爲同功雙纏絲不吐單絲
作執素

雜詩

崖上女蘿草崖下孤松枝結根各不同纏絲將奚施意
氣一朝合承願無乖離如何平生親捷捷還相背君子
慎厥初小人惑來茲事勢異涼温惻惻令心悲

歲時忽云邁開樽理初筵同好三五人爲樂華鐙前多
方角祕戲變體呈妙妍歡極思彌盈情傾語無端著述
老吾徒慘淡窮殘編奇功誘猛士萬里悲胡天庸流冀

同八

五

微名竭蹶趨豪賢頓首乞末光顧影徒自憐退哉榮啟
期帶索方鳴絃毀譽兩不攪往往心悠然黃鶴凌天池
沈冥安可攀孤蹤滿寥廓千載猶相關

登山望城郭車騎何軒軒鳴鏡振廣衢旌麾麗以繁頡
頰要路津偃蹇羅諸昆揖客小垂手命席無裏言出飲
不盡歡取適沾盤飧失足須臾閒憂懷難具論朱顏日
凋瘁太息終晨昏倚闌期所知誰能重相存鬱鬱浮雲
陰何絲任飛翻

美人擅南國冶容妙無比手攜綠綺琴徘徊江之汜瀟
湘散微白蒼梧帶餘紫夕露淒以清皓月出復倚冷冷
調朱絃盈盈弄纖指零葉鳴商飆哀鴻終夜起識曲非

所望心賞難自己願言契幽尋佳期渺千里

灼灼芙蓉花臨風自卷舒十五入君門情好結相於妾
意亦既足君心恆有餘合樽忘寒煥促坐惜諸居晏笑
笑小閒爲權誰復疏一朝異新故凡百隨趨起玉顏未
及衰申道已非初疑生惠乃跖毀集玉爲珠憂來若迴
轉轉終不逾

悲哉行路難煙霜薄精氣有懷誰與論所至如有畏身
心本無尤胡爲發長懷望望京華塵行行越涇渭涇渭
千里餘清濁自經緯濁水不足賤清水不足貴名跡誤
眞人寒林予深慰

野霞村舍

同八

五

沿溪理輕橈春風楊柳煙石橋飛暗香花落石橋邊故
人居南村流水當門前門前有楊柳可以繫我船相看
俱一笑此意誰能傳

吳越詩選改本 沿溪理輕橈春風楊柳煙石橋當
大路飛花落橋邊故人南村流水當門前輕風靡
素波蕩漾生朝鮮相看
但一笑此意誰能傳

長安有狹斜行

少年不歌行路難手掉吳鉤輕羽翰遠望故鄉草漫漫
春風千里道誰爲心所歡荒雞一聲夜未半自起披衣

喚炊飯

吳越詩選改本 少年不信行路難手提吳鉤去鄉
土輕將肝膽贈他人眼前索寞隨屠沽荒雞一聲夜
未半自起披衣喚炊飯
余未嘗欲以聲律名選吳越詩者蓋及姓氏過矣復

蒙精思改竄知石倚常大路眼前索窳隨屠沽等語
王李遺風於此見其一斑竊恐忘其醜而沒人之善
敢並存於右以待天下
之操月旦者准肖自記

春日行

桑芽白春鳥嘯葉青嘯向西采葉女豔路蹊髮漸長
眉益低弄春陽惜春泥見使君色萋迷待相避而復
映柔條倚層梯嬌盈盈香滿袿如可拾良難攜使君去
馬猶嘶馬欲行那更稽兩無言意並齋遺玉鞭墜金鏡
奈君何蠶飢兮重自憐返空閨

采菱曲

江南八月霜未度水面涼雲碧千樹菱花隨意爲君清
菱葉多方迷向路菱花菱葉兩相依何處新聲日將暮

同八

毛

秦家阿弄年十六獨往采菱屢回顧玉顏寂寂生朝霞
指爪冷冷約秋素岸旁誤殺冶游兒似怨如忘失其故
因風整翠鈿袖疑飛鷺欲往從之妙雙羽菱葉兮翻
翻菱花兮無言贈芙蓉兮明月寄離愁兮潺湲

慈感寺送黃心甫

急雨鳴荒蘆征帆此益孤值余不得意相訂遊鷺湖鷺
湖歲暮花未發正月寒香徧客途

田家美人雜詠

妝罷持聯架成風迴不羣似前頻引卻非舞屢紛紜力
怯招相換聲嬌喚莫聞汗珠彈未盡散作楚山雲右打
不分刀環夜催將玉粒春淚痕浮粉黛春影溼芙蓉草

際寒蛩靜霜邊候雁重雲和空有恨無復憶吳儂右晚
鞦韆久罷戲簪穀頗依稀素手一相傍輕軀宛若飛右
家苦力作于此未全非髻鈿欲墮帶笑轉羅幃右
君情同糝糠輕薄隨風颺妾獨任精白吐心向君旁搖
搖慨靡定寂寂悲摧藏輪轉腸內苦何時得暫忘右

題牀頭廢琴

嵇子久淪放離離千古心松風楚聲靜映月江春深妙
實了可觀空精孰能任踟躕對終夕時聽清猿吟

乾坤方百戰棄置良所求寸心不自適四海將焉投瑤
草怨歸夢哀鴻感窮秋奇節與時忤辭名當有謀

奉和表弟唐鴻復往白門見別之作

同八

毛

幾年作客老江村兵火頻仍忘故園帆趁夜潮橫渡急
槓飛寒月古苔昏會看握手成修阻轉使離懷重弟昆
異日天涯生羽翰萬花深處有柴門

再和唐鴻亦用唐句作起以當渭城云

采菱歌斷木蘭舟野水連江不可留紫陌露條千樹冷
白門煙草萬山秋亂離往往往無知己書信殷殷動遠愁
猶憶舊廬風日好鳳凰臺畔莫登樓

荒圃寄徐子周道

荒圃幽寒雨浹旬青鞵泥厚往來頻細茸淺草風前長
萼綠天桃日下新欣慨屢更生素髮文章千古屬遺民
莫愁魑魅揶揄甚且醉牀頭翹米春

寄和陳子皇士四十初度自述兼答百齡合壽暨
同庚諸子之作

潦倒餘生不記年因君初度始遽然春陽六月流玄圃
子夜崇朝徧野田誰謂孝廉猶就舉山壽四十始舉孝廉其知司
馬諱為賢謝安伏處衡門年四十乃出為大將軍桓溫司馬未幾復辭歸合毫兀兀無
新句練影遙遙低自憐

避世難於併避名無虧安貴有其成非關精思從周子
王安石年四十見周茂叔與豈藉更操事白生朱雲少
諸移時退而精思至忘寢食四十變節從同郡任情通異郡後庚隨意合先庚他時
巨壑俱強健千里春風此玉京

同八

无

班超年四十使西域七十一年據梧還著井中書時陳子
乃懇還朝居西域三十一年有歲寒
詩之未乘秋水過溟渤猶幸天涯有雁魚自笑十年看
劍氣短衫蓬鬢送居諸

壯心元不任蹉跎百戰中原伊那何伊那何三字丹詔
夢回金闕暗乙酉陳子清商腸斷玉關多場來重憶同
門友遮莫頻催相和歌江舸芙蓉高興在倘能攜手小
盤陀吳興峴山古

野霞曲

嫁妾野霞灣君家稍親近經過妾門前低頭莫借問
浣紗傍石磯卻起兩邊望挂鏡塵埃中人前不見亮
昔為道旁李來往苦相索今為園內桃情熟面愈赤

對鏡髮不梳端坐頗猶豫夢中間腸聲恐君入城去

古意

曉起拂紈素偷將錦字裁裁成緘更密定寄阿誰來
遠成罷交河江城歸雁多倚妝愁轉劇顏色近如何

約叟

坐臥灘頭不上灘扁舟短髮老漁竿年年芳草多春思
碧綠青黃著眼看

練絲曲

練絲何用理銀箏水調如斯最有情暫聽也教雙淚落
阿誰禁取百千聲

同八

无

同岑初集卷八

同岑初集卷九

孤城李令暫端木輯

雉城金鏡金心參

沈時天股

洗心詩

逝者皆如是江漢難為功半顛迷繡虎一睡豢癡龍絳
上聞機促杯中識影空閉門頻礪齒未敢與天通

咄咄作何事夢夢卻了然古人誰似我羣小各為天劫

火豈焚玉汗泥欲種蓮鷓鴣噉徹處又見草芊芊

出處或偶爾日月良不違疑胎因鶴破知樂得魚幾日

視天無夢更聞雪亦非移情向宵冥不逐懶雲歸

同九

廣洗心詩

層層剝落復何存一杖輕風遂隱膺誰悟空青沈夜色

猶憐化碧墮秋痕萬峰落木雷歸壑六月聞濤水在門

隱几醉醒觀自得一泓倒瀉上崑崙

嗟爾奔車獨自勞孤山空嘯為聲高不妨穢炭傳薪火

且把銀河對濁醪亟引清涼歸毒國徐呼颺颺出安瀾

朝來抱甕看苔氣仁聽滂沱謝桔槔

忽來我與周旋不涉滄絲不斷煙幾見青蓮生火日

滿斟浩露配狂泉耻將奇字驚蠻貊愧以浮名溷簡編

只記古潮曾到此不知甲子是何年

費景煊 韞生

夢游桃源

一似著芒屨行行路轉古依然夾岸紅桑麻映漁火非
漢亦非秦栩栩長此土

贈歸雲葆光老人 次先曾祖何山翁韻

方外論交稱最賢不妨隨俗不妨禪種來桃熟三千樹

招得雲歸六十年榻為留賓惟爾有鑑分繼讀更誰然

蘇髯半落腰圍削解帶何人續後緣

樓居遠眺道峰次天行韻

試問故園安在哉捲簾一望送青來寒塘衰柳經風墮

小院繁花帶雨開亦欲凭高歌且嘯誰教幽恨去還迴

山靈未是無情物為長蘼蕪辟草萊

同九

施清仲清

山中蚤起

晨光動羣影宿籥籠虛壁哀禽赴驚颿念往心彌惻潛
行散幽姿莽莽知何極

寫竹似潘古臣乞竹

去年君家分數竹寒壓秋雲畫成幅晨夕刪修聲謾謾

翻嫌蕭疏未遮屋忽復覩此黃金枝碧玉離離光照池

池上池下影參差竹香深處畱人思人言種竹不擇朝

爾後分移是所遭念之中夜起揮毫卻值空庭白月高

揮毫豈足酬君意聊將筆墨為君試有時雲起作風勢

竹色墨色原無二

同曾波臣施叔發需郊衡山集飲

會須今日醉莫便醉如泥巒折行隨杖雲間不出溪坐
來芳草歇行處晚煙低自笑疏狂甚歸途信馬蹏

硯齋

閒窗橫淨几尺幅寫層巒雲氣從簷繞松風入硯寒天
高湖影闊冬老樹聲乾簡點林光好行行到處看

芥行

相呼乘竹筏穩坐勝肩輿危石看疑樹迴流歷數魚鱗
麻睛自好風俗樸猶初野老爭迎揖年來盡識余

潘梅臣招集古香岑

泊然松竹下欲去且遲歸粉壁延溪色天香咽石磯仍

同九

三

臨方檻坐相對夕陽微起杖循蘿徑山禽背嶺飛

答友

幾閒茆屋臨溪住無數青山夾岸開衰柳半遮漁子艇
片雲長傍酒人杯放歌林下沿新月吹笛風前奏落梅
清興有時還不減夜深頻夢到天台

沈爾煥 思綱

新霽

積雨經旬日朝來秋氣清雲開千里翠木落萬山平草
賦思王粲呼觴憶步兵漸看松徑裏攜手好閒行

吳 磐大雍

古詩

龍吼萬雨集冰雪竄古瓦躑躅忽傾盆溝澮長河瀉飛
沫多驚魚跳波不盈把滌漸炎歎塵如坐青巖下
長風號怒木驚林徙飛鳥海水為波瀾暑氣消昏曉藻
荇縱橫浮萬象自相擾網罟收亂潭漁艇尺鬼小我敬
問漁翁煙波何日了

徙倚

徙倚園林勝支牀夢亦幽亂香河清出空翠雨衣收晚
芷三湘草安榻五月舟鷗鳧同泛泛且與說忘憂

和陳臥子秋懷

吳歛楚舞轉餘哀萬里荒郊首重回新閣石欄螢獨趁
故園朱榭月飛來黃雲野霧迷秋嶺白骨愁煙鎖夜臺

同九

四

惟有上池常不改登臨無賴日銜杯

千家礎杵露華清故國銅駝百感生落日陵塋連茂苑
夕陽臺館接荒城胡姬浴試溫泉罷越女梳聞石鬢平
夜夜葡萄咽羌笛鬪雞追兔若為情

唐大為 漢翁

同張大上長超山頂憩僧舍

歲新綏諸責因之見閒身相坐無可歡來彼東山林此
時開霽初天宇遙遙青松積餘雪晶晶映高岑石路
凍不溼竹庵遙開門到門何寂寥倚簷坐朝曦老僧為
煮泉棗蔬相閒陳指畫山前後盜賊無虛晨更與成悵
惋我生當何辰

盲馬

荒城吼律堵湖清浪逐西風來且去有汎如石草不生
老馬巖巖立其處欲行欲食心惘然一身一半塗泥淤
時昂首向西風嘶昭昭白日無從曙憶爾鏡夾雙瞳時
煙沙漠漠雪纏纏縱橫箭戟若飛霞目光豈止爲身馳
并爲將軍照生死且及百千諸徒師那知此日枯厓身
人見如馬不見人即前如雲眾牝牡聲嘶叫絕相陳詢
不羈不韉憑齒長鹿豕羣邊分草莽聞道錦鞵金勒環
膏零毛落戰城南

閔祖開 念修

和凌長康採雨詩

同九

五

淹仰遂靡旬愁思含晚綠輕霏欲淋露歷亂奔晨旭
茫具眾容溼雲非一族余懷本放曠嬾棄媚孤獨啟窗
稅崩陂許與寒光觸採之以空潭琮琤碎鳴玉引我蒼
涼思迴環成窈曲窅然閉青濛神魂永棲束

夜坐聽雨

窗前風雨聲妍華一夕老惟予懷冬心隕擇溼未掃急
雨森寒流微風動春草幽幔暖空閨孤鏡夢遠道客心
正淒斷緼彼苦難曉

姚 徵 立升

秋林聽雨

落木帶蒼煙秋聲斷復續山鳴夢中雨簾搖夜深燭敲

枕向空階商風墮寒玉

許 瑛 逸

秋夜旅吟

何處新愁動客鄉烏噉枝上五更霜蓮房露冷煙初散
竹戶香疏影較涼月色倦移清夢杳燈花閒落漏聲長
峰頭半鎖寒雲白一夜秋風木葉黃

張 瞻 青威

清溪道中阻雪

寂寂愁無賴同雲又蔽天草衰還作色野曠已無煙敗
絮何妨擁新詩苦未妍舟人呼凍急促迫不成眠

陳 驥 山屏

同九

六

秋郊野望

南郊出杖藜滿眼平疇綠禾黍動秋風婦子春餘粟田
家酒半酣歌斷聲還續一醉太平鄉莫愁庭吏酷
弗棟傍清流重陰綠覆屋漁磯投釣竿陌笛驅黃犢日
暮沽村醪風清供野蔌老農苦重征共指前朝哭

潘汝慧 孔遂

入山

入山山松陰陰濤千里寒遠之見湖波湖波天上看九
月猶未霜黃葉猶未殘今朝寒始甚墮我澣布冠嚶嚶
悲候雁盤旋樂野鵲吹萬滿天地去住將何端兩山本
一山秦皇鑿其間水底脈橫巨水面流潺潺潺潺石爲

梁雙童相與還荷擔偶相觸爭響入空山

寄贈

正人禦魘魅鳴高枝嘉種遭簸揚稗稗長孫支所
遇各有命安用彼蒼思元祐之文章到今多其詞蚩蚩
皇宋間何為乃禁之食齊腸亦苦食牛形亦羸莊生據
槁木孔父悲吾衰不問賢聖力顯晦得自持九江驛中
碣乃故祖亭碑顏公跡何在神物徒爾為

風雪北村圖

空陰側塞天雞死嗷嗷野哭洪波怒人世忙忙知向前
野燄炊冰半夜哺提鞭四向整囊韃風射驢蹏宿瘡路
造化生人生恨多掉幘掩面喟復歌遠行平地本太行

同九

七

沉復苦滑升嵯峨故知僧巨然不到三禪天假合黟川
一點煙奔走黑蹏辛苦邊到來五百有餘年憑誰說與
僧巨然巨然有此墨巨然看不得林深杳靄迷南北何
處幽人縱閉息路惡行危心憫憫是驢是我誰能識

楊宏羣考

賦得浮雲游子意

馳驅出西郊白雲依蒼昊深林落木悲平原蚤禾槁躑
躑歎路歧霜風拂顏老顏老不再柔明月恒悠悠光懸
兩地照思結一心愁愁心何所寄紅葉在波流波流常
不斷可到畫樓頭

費圻廣浩思

登峴首

別有煙霞興登高趁此時看山宜雅俗坐石自參差懷
古多成夢悲今祇是癡酣歌斜照裏歸去欲遲遲

王儼思子若

賀緒叔別業

不事桑麻不事家杏花村傍作生涯與來傾倒三杯酒
翹首西山看日斜

凌宗詰受茲

溪上

偶曳南谿杖煙浮識野屢寒礎鳴別墅紅葉遡流泉牧
過月橫笛樵歸雲倚肩回看山欲暮千里碧相連

同九

八

晚霽偶成

雨歇山莊境是非輕煙彷彿欲侵幃樵還野徑雲猶溼
鳥語空林葉乍飛白煮一鑪山月吐綠依半畝藥苗肥
當軒倚盡長空醉何處磻聲動客衣

姚琴雲心

閉戶吟

不合時宜與世遺寒廬抱影共棲遲臥游無復登山屐
茗醉還疏問字危孤憤偶從清瀨發幽懷曾許古人知
半生蹇落秋如我閉戶吟成鬢欲絲

臥碧漪軒

蕭蕭徑路華為門小築方塘一尺渾竟日鳥能分寂寞

經秋花與共寒温何堪薄俗生猶寄不廢狂歌舌尙存
心似澗槩隨地足幽居閉戶自清樽

玉錫申 靜師

中秋夜泊南湖示同舟諸子

月霽今宵散旅愁高人豪興復同舟迴看四野綠煙盡
涼照一懷銀露流夜靜船移楊柳浦水明花發鷺鷥洲
當年此地分吳越一片清暉萬里秋

題虛白道人畫梅

自是江南第一枝百千紅紫總無如情兼冰雪清堪傲
氣挾風霜香有餘靜夜月明孤影瘦上林春曉萬花初
從來自有清高性先與東風透碧虛

同九

凌以翼 友逸

秋來

荒村木落洞庭波行邁空餘離黍歌夜色似于池館闌
秋聲爭向客亭多雁奴書帛遲關塞漁父生涯寄釣蓑
回首雲山增愴怳荆榛誰問舊銅駝

和胡左兼舅氏落花

幽芳采采不堪持何處繁華無盡時未免有情如中酒
那能贈別勿題詩章臺人去鶯聲澀梓澤春歸蝶影遲
惆悵輪蹄今寂寞斷雲零雨豈禁吹

沈鍾堯 百庚

我有一言

我有一言啟蒼蒼何爲貧賤士之常萬物吐氣齊春茂
乃有離披之孤芳彼蒼又不分明說徒然委罪于雨暘
栽者培之傾者覆萬物何嘗能並育幾處王孫曾見憐
幾人窮途能不哭祇見齷齪者自矜安得道德人相聳
生我父母知我誰我欲黃金鑄鮑叔

留惟肖看芍藥賦得小女妝成坐

薰來蘭麝溼臙脂到得瓜期意向誰何事妝成無賴坐
多緣醉後有心癡低迷背日眉頻斂窈窕臨風體半支
明日未應愁別去漫同溱洧賦將離

湖上送春

却那禁客又分奈何留不到斜曛尋常折柳輕離別

同七

無數楊花獨送君

聞笛

高樓紫玉再三吹不落梅花落柳枝到得月明雲散後
向誰歷歷語相思

韓祇德 尺龍

送嵩來北上

握手臨歧路一言聊贈君吳山遙欲雨越水半興雲相
見知何日孤帆自此分好將松桂質珍重慰離羣

贈蔡幼躬

歲晚論交久更深異苔寧不賦同岑築臺自許千金骨
伏瀝猶懷萬里心半榻暫留寒夜火扁舟行入曉城陰

有情不灑臨歧淚望斷沿溪一樹林

鮑 耿 奔 功

幽居即事

青山微雨歇暮雀忽以喧偶此信閒步春草生前村農
舍雞已栖時聞子婦言野色還寂寥余亦歸柴門微鐘
杳然至幽意安可論

題潘天行草堂

物外投閒處山煙接水城到門芳草色入座古松聲薄
俗從吾懶清機向爾生沙邊鷗自在還與共忘情

沈 頰 朗 倩

栩栩齋之東除閒曠無雜植惟玉蘂古梅枝幹蒼

同九

十一

質因構樓三楹憑窗晤語花如在餅几閒復遠接
桐陰積翠空香無閒寒暑顏日選樹九日家仲木
叔思綱弟過集分賦

薄軀罕儔匹塊然慚耜耕詠歌依先王不敢求友生擘
畫多曠事結宇恢前楹選地襲其勝傑閣喬林平十笏
已軒豁戶外無他營羣木聿嘉秀因候為衰榮霜枝翳
柯古高花敷寒英亦有姑射姿深春披璉珩倚桐生遠
韻翠溼煩歎并合暉總不耀潔素期相明佳會綜暢適
侶酬雜杯觥丘樊敦夙志安巢謝逢迎藉曰德無亢前
修差景行共慎答陽九劉伶有酒名

過閔士行不遇賦此東贈時士行有布衣權之選

自顧如秋根局影寄行隰徐颿起輕條萬木與露吸曠
懷繁伊人遠邇思所給我昔讀其詩芳華宛如挹我今
友其人靜氣渺相入騷雅存一代孤權維藻笈耳目在
一心進退百靈泣小儒句字爭嶮怪支陋習惟子振其
衰願力護今昔結友亦有時素盟永無數兩人靜對衷
心想超于跡輕家各羈旅坎壈動深惜濁醪容怨氣心
血困迂魄踏歌擬招尋差池負雙屐幽居月在西深煙
養孤石相與期晨風高酌待星白

春愁曲

向曉攬珠簪含情花木深遙禽翻紫翠新蝶試輕陰輕
陰灑灑暮蘭芽鴛被寒生角枕斜繡戶重重互遮映柳

同九

十三

絲嬰嬰開煙鏡游子離家不惜春韶光轉換斂蛾頻年
年陌上驚秋別驗取羅衫半汚血領花扣扣簇栖鸞欲
捲蝦鬚不耐寒墮髻盤鴉穩雙鳳落英飄蕩因風送歌
管聲聲叫徹愁藤蕪葉爛雉求博山龍腦吹雲碎麝
煤香燼消螺黛拈將條脫猗芳華搖曳鞦韆樂事賒乳
燕巢空畫梁冷河流漸漸遲朝景柔肥小雨杏花繁紅
霞激灑草絲芊結伴無心情緒惱踏青歸去紅冰老連
枝低亞護瓊樓薄晚妝殘對景籌離腸宛轉不可道解
惜羅衣為君好

金陵早秋感懷無念

月色照流露花燈澀遠青浮生真野馬羈旅特原鶴江

勢宗千派皇輿鞏百靈輕風動高木吹葉點孤垆

白堤雨泛

陰霽分晨夕煙容山氣深鶯花風約束登眺雨淋侵
甲肥新隴麥孫青故岑諸峰遙歷徧空翠滴寒襟

離舟雜憶

輕吹銀蒜暖初融愛寫新詞學未工乳燕不來春事淺
畫眉人去曉樓空斜陽影約家鄉樹芳草青黏游子篷
再止再行情懣懣最憐分對落花風

大江候風孤坐書感

江山舉目十年殊浪跡羞言學棄編巴蜀杜鵑先帝淚
洛陽魏紫後宮圖青燈然雨三焦輒白哈臨流一劍孤

同九

遮莫老臣遺恨在石尤噴雪捲荒蘆

子夜歌

石尤振寒潮打郎船且疾東風自多情郎自行舟逆

醉後和馬曼生虞美人草詩

一劍餘魂繞夜樽江東春色至今存英雄自足傳兒女
芳草何心誌舊恩

無題

風動簾鉤月晦冥那禁舊恨更惺惺可憐折後章臺柳
總到春來也不青

七 衡 幼輿

夜步

晚風吹短袂徒倚出前溪隔渚螢相擲驚心鵲未棲朱
樓河漢繞金利月華低惆悵青楓外淒淒憶曙雞

吳 繡 獨園

隱居

兩合青山乍有無柴門畫出洗桐圖莫教短髮無拘束
自暖牀頭白玉壺

偶成

野老桃花舊草堂桃花潭水映微茫直教野老無私意
樹樹桃花出短牆

朱 心 念時

約諸同人讀書西余山

同九

古

天序啟羣倫方春如新沐流光惕深省飲食歎馳逐槁
滅又何為補瘡剗心肉宣尼誰後起紫陽繼正叔傳註
發微言維持炳綱目汲汲西山翁愛君存篇牘哀哉三
十年讀書慣麥菽疾痛豈無呼人窮理宜復謀于壬辰
始潛龍大其伏分經闕肌理攝儀通幽獨譬如成阜師
傾軛防脫輻我愛程將軍令嚴百萬肅嗟余固陋質謬
蒙君子錄少長以序升溫茶共握下撫身大厦思及晨
資薪木瞻彼西余山夕陽飄風速

吳 貞 女 篇

清溪孝廉沈上襄有妹十六稱雁行孟光未識梁鴻面
姜女馳聞共伯殤子規夜泣寒山曉一朝二月桃花霜

上堂辭父兄于歸稱未亡舉眼認銘蔡氏子哭聲直入
雲霄長杯酒通合恻慘黯雙燭光抱魂今夜宿綺素拜
姑嬈子死婦在子如在勿爲死者徒心傷旁觀爲痛亦
爲嗤於古未聞今未詳驟知此語遠絕粒誓爲塚上雙
鴛鴦阿兄往慰勉加餐自我作古禮何妨死節則易守
節難爲其所難勿自戕佩服兄言比金玉夜夜清鏡續
驛筐

風雨傾屋勉圖支葺嚴三求貽兩綺窗賦謝

四壁蕭蕭風雨敲年來拮据且塗茨蓬門自肩疏窗後
便有梅花月上枝

舟過長超山

同九

萬樹蘆花一岸山高雲未去暮鴉還不知何處添秋思
人在青林黃葉閒

北門

囊空何必掩重關橫木爲門聊自閑倚望辰星歸北極
愁看風雨過南山

嚴有德 咸一

途中雜興

幽燕歸馬口吳地放舟時寒動滄江晚晴開蓬島遲城
頭吹簫築田鷺起茅茨極目天涯郡蒼茫何所之

舟次野望

客子還家夢輕舸已載歸波光搖霽色遠樹帶秋暉隔

岸千檣動迴流一葉飛白鷗時欲下笑我未忘機

仲家開拜子路廟

我來喜近聖人居濟上先瞻仲氏廬正氣自留端笏後
英風猶在結纓初遙分闕里千林曉忽聳煙岑萬點疏
爲恨長年忙促去登舟望望更躊躇

無題

秋思不在人秋聲不在樹秋思與秋聲如何得其故

閨怨 通文

秋聲聽雨夜窗疏夢斷愁回幾度虛流淚枕痕深拭卻
襦單抱影獨唏噓

許延邵 神將

同九

登慈惠寺閣

近浦僧藍淨登樓客望驚悲風生大海野水嚙荒城萬
井無東作孤帆向北征茫茫一浩劫誰向贊公明

李江陰園亭

蚤歸臥林屋羨爾黑頭郎澤國猶亭沼關山正雪霜玉
鳧飛舊雨芳草戀寒塘可歎無家客平居一陸時

再登東昌光岳樓

高城日落氣淒淒朱栱凌煙憶舊題水闊戰場沈白羽
雲埋封岱冷金泥新亭涕淚懷俱盡故國河山首重低
空覓魯連書射處祇今祠廟一荒畦

別吳幼輿

江南塞北路冥冥短劍高歌眼共青上策欲摧新白案
還家且草太玄經身沾胡雪迴春雁影落吳川散曉星
別去懷人應有夢西風吹墮女陽亭

馬遵祖 青士

秋雨夜坐

入耳秋聲苦況當風雨時蟲音何斷續燈影自參差響
倦城頭鼓吟成夢裏詩無端聽蟋蟀欲與訪相思

陳 璣 文珂

除夕有懷

永夜漏沈沈千家爆竹音悲歡隨境改聚散入情深不
作來朝想偏留此夕心人傳又歲盡舊厓果如今

同九

落花

香色催殘景欲還夕陽煙送管絃閒鳥如嗁恨人如夢
花自傷心春自閒幾度風流空粉黛一番錦繡委紅顏
相看盡是浮雲客流水何須問碧山

潘文輔 友來

偶懷

往事不可鑿知來惟後庚浩浩春陽移稜稜壯志驚林
林天下士薨薨無虛盈陰山有大冶炎陽常不行頑查
不可變焉執之權衡尼父受命久子孫道不亨英豪竟
何歸四海將安營我棲春山青溶溶春波明孤峰數花
味眾鳥一庭聲東風散平野無動亦以生枯草蔓長道

翰却不昧形五帝幾孩稚卻顧疇識名辱者非我辱榮
者非我榮

王禎升 子允

危樓

危樓以眺寥落客心開今古浮雲變江山故國哀鳥
將墮影去人逐野香來清嘯淺空發蘇門安在哉

甌山偶興

郭北山村路轉斜何來聽馬逐香車翠屏聳立無名樹
玉面偷逢解語花杜宇曰歸春共去驢驢不典酒偏賒
登臨竟日渾忘返回首城南煙火遮

王禎振 子起

同九

茶肆題壁

狹巷滿甌香鳥聲喚客嘗心和無水火茗戰有旗槍漠
漠尋柯理深深入醉鄉扁舟甫里客臥就竹方牀

登飛英塢

空中寶相鬱岩峩得得梯霞上碧霄屢近星辰堪手摘
風生毛羽欲身飄春城萬戶蒼煙合落日千山紫氣邀
禮罷諸天無一語鈴音迴自奏鈞韶

温 估 公端

擬古

出門成千里笑歌多鬱憂況此夜蕭瑟木葉飄幃砌四
時屢更變一身獨淹留登高望故里山川阻以脩那如

無根萍隨風東西流

清秋坐月

遙山挂皓月把酒坐高樓雲淨天光遠庭空樹色幽
寒蛩啾啾草孤雁下蘆洲欲掩西窗臥漁歌到渡頭

湖堤有感

昔年湖上月三更紅袖連舫響鳳笙今日蘇公堤畔遊

一籬衰草聽螺鳴

宋 存 客周

臨清道中題扇

秋來曾幾日風雨似重九懸知到江南寒聲寄衰柳
拄杖探幽泉山空萬翠連一聲寒磬響驚起鹿雙眠

同九

蔡四輔 不孤

夜宿村居

仲冬日寒影居人畏瘳栗我為飢所驅謀生時一出暫
憩茆簷下煙靄遠天滅農人慶有秋飯飲雲子粒削平
瓜芋口露積猶嫌窄鐙火聚兒孫灌灌聞督責更長春
播勤飢鼠屢窺穴禾藁覆垣衣犬吠空阡陌林聲觸處
感月色終夜白

九日雨阻登高之約

偏是重陽雨令人遊事艱菊垂花似重梧冷葉爭凋落
落意中友深深靜裏山茶英須醉插藉爾駐朱顏

訪菊

尋芳耽僻境遙賞識嘉名兀傲神孤立淒疏韻別生雲
霞當戶映雪月繞籬清閒者自來往主人無送迎

胡公允 天篤

漁燈

小艇沿清瀨漁燈遠近繁風吹恆慮隱月出半羞昏影
射潛蚪動光移宿鷺翻臥游星宿海何必溯河源

徐民初為余弄琴數曲因贈短句

平原曠何極滿目生秋陰未識嵇中散先聞越峽吟

陳奕傳 經在

賦得廬雲聽玉

欲買青雲構小廬紫蛻為枕月為書香心好寄梅花賦

同九

秀采時蟠芝草居斗酒澆空寧有物囊琴笑冥亦無余

閒窗靜聽松如水素女磷磷碧玉車

湖泛

與君相訂泛輕舟一路清風到陌頭卓立千峰青不盡
環迴曲澗綠無休荷香陣陣歸堤岸鷺羽翩翩下急流
蟋蟀聲中空舊恨月明還上最高樓

秋雨同陸五晚眺即事

秋雨含煙秋草平空庭寂寞雁無聲回君話舊渾如昨
猶憶山門惜別情

陳之彪 露池

太湖

震澤由來久風波欲濟艱孤浮天半月雙出洞庭山于里環南土三吳落水關坐觀漁利者飄忽有餘閒

懷魏耕

桃花過綠水蕉雨出青山節物多遷改游人正未還星隨征旆轉月照草堂閒戰伐幾年事焉唐老鬢頽

同錢价人張膽錢陔族兄祖法峴山醉望分韻

東臯數子同清眺琥珀春濃流夜光海內干戈沈歲月天涯愁病老風霜何公山上雲千片蘇子灣頭雁幾行此地從來多逸興可憐今日醉瓊漿

送友人北上

同九

臘月公車入帝鄉新年佳氣接行裝黃河水動搖星斗青嶂山高封雪霜馬首梅花當歲暮鳳池楊柳繞春光曲江景物堪留戀跨馬東風白驪驕

董樵表夏

漁父

瀟湘何處不秋清欸乃曾隨落照行對客閒呈衰柳畫課兒祗有種魚經水村葉脫笛孤響雁渚人稀鏡在明醉臥窗中渾不覺夢圓叢葦雨飛聲

老將

飄零空歎少年行記取英雄未敢評秋雁急看還錯影寒山身歷半忘名鷓鴣膏冷劍新澀苜蓿霜□馬夜鳴

邊曲演成裝綠帙自吹新管試秋聲

齒痛

文展昌黎倦眼窺動搖懷古不勝悲未經周廟先緘口乍聽匡詩礙解頤漱石那堪垂老客談經欲述苦寒詞風流痛飲今須止冷落南窗細雨時

陳後方 辛生

雨燈

幾村忘近遠煙樹互為通晚岫雲滯處江程秋瑟中簷深空濺影夕氣幻隨風最喜聯牀聽平吟欲爨桐陳奕裘 豹威

戊冬多難侍菊旂先生于蕭寺愴然有述

同九

蕭條古寺俯城頭極目寒煙起暮愁再世知交踰骨肉一年憂患更綢繆欲憑北雁情難緘忽見南鴻淚迸流莫道春回均雨露不妨風雪過幽州

虎林懷古

趙家陵寢南山裏舞鳳飛龍勢自奇靈鷲霞分天地彩海門潮擁帝王基蘇公堤上遺衰柳武穆祠前翠旗回首故宮何處是笳聲羌笛不堪思

楊度 雯叔

重陽後一日登高望江樓憶友

蒼林秋氣入蘭苕眺望江樓慰寂寥雲暗千山懸晝雨風傾兩岸送寒潮烹臚忽起鄉關思把酒平臨驛路遙

明日重陽猶在客知君何處陟岩龔

秦淮道中

浪遊偏向帝城西草色金陵路不迷
山雨催人雙屐潤江風送客幾帆齊
王孫故宅何由問老衲空齋好自攜
欲識舊時沽酒市杏花零亂綠楊低

李體醇 掌和

擣衣曲

頻年戰朔方分成交河行交河九千里
一絕如有忘不見所寄書鳴鴻遠南翔
蕭蕭落木繁朗朗天漢光含漣拭香杵
開篋淚滿裳哀音乘風馳願言達君旁
君身定何許邊烽紛四揚

同九

五

喜雨

人苦不知足當懼憂益滋一朝失所據
低頭憶平□□婦相懊悔鄰里喜可知
此類意甚深上帝廉□□因而廢大道
任術加恩私未忍畀以安乃姑乘以危
今年夏五月晚涼夢遲遲雨師曠本事
土病車難醫廿一至初七米價驟如珠
遙聞孤雷起羣生皆驚疑側耳復尋聽
東風方差池不覺淚承睫怨天徒我欺
雨來眇無端劇急盈前墀其數僅□咫
遂若世所奇入心以為腹喜極翻矜持
仰面各讚歎恩德難具詞古之無厭人
實愆陰陽期貽累千載下高賢忍朝飢

淞溪晚泊

挂帆乘早秋遠逐淞陵渡百里界微陰
茆亭敞中路拄杖何鏗鏗老翁自閒步
山隴月魄大水靜煙體素亭內孤桐鳴
亭外客愁暮一曲猶未終淚落紛如雨

元旦庭前玉蝶初開

今蚤恰東風花開自不同枝閒迷玉蝶
霜際異春蟲癩逐遙嵐碧權依初日紅
貧居無可慰素託感相蒙

東溪桃花行

春滿水綠曾晴煙半然楊柳平鳥聲
嚶仄難分明三聲五聲聲聲異游絲一
片桃花膩萬樹歷落爭朝霞好風次第
山光備溪畔人家不負春但有濁醪則
對陳心胸莽莽無古今古人今人誰是
非桃花渡水思微微

同九

五

春游曲

東風乍暖春無多游蜂採花春奈何
阿嬌當樓簡春意莫被游蜂採將去
可憐階上相思草併入胡琴聲情小
停聲流盼如有忘寸心欲墜結垂楊
垂楊溪頭借顏色待與未與思無力
從教愁落遠山青吹向江南復江北
雨不止

何處春無恙凭樓四望勻野花疏蝶
久海燕選泥貧霧

慣欺津樹幽能做古人村村量晚色
看月反傷神

釀熟

報松醪熟簾外惟聞麴米香味薄
易醒終□□無恙任情狂歌翻山月
墮前浦夢入溪□□□□

草長花飛渾底事春風潦倒自年芳

陳子皇士傳示四十初度自述兼答百齡合壽及

同庚唱和之作索詠于家大父及家大人亦復倚

韻奉和

論交知爾肯忘年詎使音徽竟杳然白苧五湖懷渺渺

紅蕖六月影田田聊憑孔李稱通好幸際荷陳奏聚賢

多少故人身健在不教容鬢各相憐

堅臥長林偏盛名援琴莫訝調難成迂疏遺世非高士

感慨逢人問趨生到處藏書山是西昔年差馬日惟庚

陳子昔官太僕後來正有從容地著述孜孜孰與京

聞風一駕近何如豈有名流不造廬四坐共聞偕隱操

同九

五

千秋重見絕秦書驪黃垌野曾思馬筋鯉衡門豈必魚

何事酒闌猶說劍闔閭城巷舊專諸

盛年寧便感蹉跎合壽為歡意若何得半爭憐過去少

取盈咸喜未來多書空咄咄渾閒事長夜漫漫□□歌

他日生公頑石畔班荆隨意坐陂陀

題元缺

□□□夜悵然無限秋碧莎如夢裏歷亂聽篔簹

再四起還坐銀缸低幾回憐君憶垂淚不願曉風催

戲題

東邊阿大嬾線絲底事淹淹慘黛眉纔見小姑車畔立

石榴花下調鶯兒

向約同社探梅栖賢懼阻春泥為賦二絕奉寄
以下元缺

同九

美

同岑初集卷九

同岑初集卷十

桃城潘居貞天行輯

茗上徐 行周道參

張道岸 懸渡

蓮莊紀興

展幕依蓮渚几榻迎新風遠阜靜不喧月浸寒潭中長
嘯響四落深林肅秋容扇戶避霜色默坐澹無窮理舍
作臥游隔浦起晨鐘既旦不復寐憑視軒前峰

招沈器車唐灝儒阮伯崖沈上襄諸公與龍湖逸
社

同十

一嘉業堂校刊

湖鏡素心旬日與棲遲逸老堂仍在不登令人噴登後
復何為痛飲賦新詩山水羅我前魚鳥開我眉寄語仙
潭客此興須其之

田家雜詠

兩餘煙水闊野田鷺亦稀投市披雲出入里望煙歸草
長路漸夫宛轉溼裳衣及門接婦子相見情依依命酌
西窗下適意生光輝

雨阻西帆別業

風雷阻行役澹然生遠心西塞歸晚漁南山流空音去
住任所適無意成幽尋古來貞固士期許何高深天懷
草木知散髮詠蒼林用晦以待霽揮杯還自吟

雨窗夜話

竹聲自檻外雨氣疑深秋眾山看不見兩谿涓涓流吾
輩何世民澹然無股憂洗耳誠多事扣角飯齊牛相國
委榛墟高名徒爾留不如歸白社亦復懷丹丘靜觀池
上草閒居江上樓動息罔不佳日夕天與遊長策應同
鑿何勞持深謀

弁山漁樵

碧巖雲起風吹亂眾鳥爭棲至夜半漁者擊楫歌中流
收綸靜宿蒼葭畔牛衣覆首緩于春索居深阿不見人
樵者山立寄聲問何日迺流一訪桃源津

同十

二

肯向時人共今昔流盼郊原莫問家所思遙在天一涯
且與漁翁分山水飛觴醉月莫負園中花

夜訪徐元歎

殘夜西林白雲深放月遲榜歌將歇處客夢正迴時溪
折千檣隱星飛一雁追奚奴知訪戴數起問晨曦

同位存玄曠西山遇雨

雨勢殘陽裏陰晴一嶺分行疇逢牧唱入寺輟僧耘井
汲知山味舟迴發水紋清歌招爽氣虹貫起層雲

涼夏山宿

山夜不知暑未秋蚤已繁桐音生寂寞野火蕭心魂月
上千林曉煙橫半嶼昏好風時或至浙瀝滿芳園

過海印值可南師

夾道餘殘雪寒光散日華
磬從雲裏出簾倚竹邊斜
晴谷閒飛鳥深林靜落花
支公沿小澗洗鉢貯青霞

枕上寓言

丈人峰下卽瞿塘急浪千重
若望洋聲出劔門驚草木
光連楚岫失衡湘無家弟
妹東西隔去國琴書歲月長
何事曠懷愁未釋隴雲邊
樹正茫茫

病後同位存過夾山訪西帆阻雪

扁舟泊處一林喧稚子傳呼
客到門握手乍驚人老瘦
傾心漸覺語温存交于我
輩方稱淡情入時流遂易
翻中夜雪飛閒屐齒擁裘
徒倚望郊原

同十

古柏

根自何年植齊梁兵火餘
萊公會鑿此載入太平書

從軍行

秋高無夜不還家兵火年
年老積沙兩鬢漸將霜共
白聞人猶憶舊風華

登釣臺

一蓑煙雨富春隈時見孤
帆驚鷺來惜被世人知隱
處想他遺恨誤登臺

子陵光武本同心既有龍
飛卽鯉沈世上抑揚何日
了投竿從未得知音

同胡南溥總戎過奉口鎮
訪陳煉師卻憶去春借

呂半隱太常之昇玄觀初訪

秋帆南指詣仙壇風曳雙
旌欲住難回憶橫山曾泊
處一溪煙柳夕陽灘

汪霖扶風

有所思

我亦何所思乃在江之硯
金鍼起繡幃離關山月少
婦愁未經勞止分棲粹衰
柳嚙蟬吟寒蠶訴石翠蘭
紉不成馨黛縞影自冽游
子形苦孤驅車旣已裂披
錦滿天涯孰與比吾賴菱
歌隔水聞彷彿樓頭咽西
風一夜愁劍氣空嶮帆日
歸日歸兮中途載雨雪

夜坐

同十

旅色夢中輕齋鐘懶下聲
支閒能處過得謗可銷名
柳逐春姿嫋蘭垂雪架橫
霜飛途已慣半笠滿秋盈

過彭澤

淵明舊令彭澤中有小姑
峯山對蓮花洲

曉曠斧劈峙中流碣斷無
文笑水悠翠鬢鬢依鳳落
小廬紅襯隱霞浮蓮鈎半
卸風隨簇柳綫殘搖露飲
幽索莫東籬香在否何如
歸去撫松遊

渡洋子江

缺突沙澗綫羽浮溪橫木
落下三秋巒虹虎攫吞飛
瀑荻雪龍蟠盪古丘浪浴
天銜槎月嫋檣穿蝶戀舞
花柔遙窺鬼斧撐建立條
忽淵旻已暮收

吳國章麗東

冷月

銀浦流雲天似水玉宮溼浸千峰紫碎霜斜舞嬌石色
粼粼碧沙光重日照徹寒潭凝素錦飛入空閣泣蘭麝
長城子夜角啾啾吹落關山衣鐵冷

嚴 整 章甫

秋村

獨擅涼秋樂傾懷向爾言蕭森耽野樹澹蕩伴孤村慣
看塞鴻度寧知庭葉翻自從風景異終日禁柴門

施星房 玄廣

同閔襄岸遊棲賢山莊

攜侶穿幽壑登臨興不禁日斜山翠轉雨後樹青深
黎

同十

五

棗家熟竹梧處處陰嘯歌汀渚外歸權暮煙沈

有懷施子

帶水相依十里程秋風落葉故人情既言徐庶難投策
不道龐公亦入城出岫無心雲自去歸林有意鳥還鳴
僻居閉戶增愁思令我時時憶仲清

李元炴 衡之

送子見偕南紀入都廷對

綠柳長安三眠起五花團蹄踏春月榆莢連錢襪錦鞍
輕佩細細凝肥蕨吳中游子雙玉樹驚墮炬娥廣寒關
手拂松枝作談塵江上青峰資嗟咄承恩傳送金屈厄
年少風流跨澗渤駒汗血何子子豹隱霧飛翥翥寄君

語思陶結送君南郊腸莫絕仰捫秋蟾豈辭劣指破天

河渡織女辭客留髭呼耳熱

自西巖沿溪聽泉而返

有客有客來問泉蒼苔踏破緣溪邊開尋一山兩山畫
忘卻四十五十年濯足冷冷石上水振衣拂拂巖間煙
勝遊不讓謝康樂還詢丹書一史編

寓壁有積水沈香睡小鴛鴦之詩戲和

水沈香睡小鴛鴦月滿沙頭花滿旁怪煞遊人爭喚起
任教故故向方塘

施 模 人 贈

寄友

同十

六

堪嗟世事逐浮萍況復於今那獨醒難向人言空咄咄
忽思自問轉冥冥長途極目皆鴻雁故國同心祇鶴鴿
每有良朋惟永歎誰將餘淚灑新亭

陳子英 俊民

秋泛蘇灣

選勝前賢地青山負郭斜秋生雙槩外雨過片雲遮
翠澄湖鳥金鏡野岸花幾人能好事石畔泛流霞

楊啟明 曉人

贈潘菊旂先生陟園月室

閉戶窺千里天光次第生峰容誰放入林影自交橫
歷亂知羣動蕭疏見物情何須遊澗外一室隱蓬瀛

吳景直 嶧山

蘭陰詩

莫尋多寶塔且上望江樓林深香自細谷靜鳥相求雙
溪如繞帶三洞欲連鉤岸松几上立清雁鏡中遊山人
澹無語古樹涼風颭振衣登絕巘誰挽夕陽留

何處春深好和白香山韻

何處春深好春深漁父家網移池底月權入岸邊花一
片香投餌幾回浪轉車桃源應咫尺花落水流斜

初夏見梁閒燕拈据成室有感而作

綠樹垂陰瑣閣涼舊時燕子入空梁萬山初霽芳泥溼
一水新添藻影長卻繞畫屏清夢穩每依簾幕翠衣香

同

可憐王謝堂中物鎮日差池有底忙

潘廣福 受先

濟上謁報功祠因再游古南池卽事

新來載得滿船愁一見南池興自幽桃李依依疑上苑
亭臺曲曲仿南州百年先烈動難泐幾處殘碑墨尚留
咫尺祠陰靈爽在衣冠還向月中游祠為報先宮保河
功暨陳平江等五
而建

祝閭樓成紀事

漫說清涼架小樓南山煙景望中幽非因勝地開生面
祇爲高堂畧臥游風細靜翻千樹碧月明遙浸一池秋
閒居不乏清狂興白露蒹葭憶子由家大人壽辰在五
月閨者獨少惟丙

申運閨因嶧山
樓以志祝云

郊居秋興

澤霖初霽豁新愁野色山光晚更幽最是煙雲難寫處
小橋流水畫清秋

斜陽緩步小溪幽軋軋機聲織素秋欲寫郊居圖一幅

都忘身在畫中游

何人卜築枕溪流一闋菱歌兩岸秋不是閒人閒不得

好舒白眼醉青州

顧元鑑 閭村

喜友至

美人棄我去相思阻江浙離情若江水欲訴愁難竭忽

同

聞抱琴來翻笑不成別

秋林聽雨

瀟瀟聲不斷疏雨灑空林未見侵花溼翻疑入竹深飛
光動簷隙清籟響琴心幽意誰能領高枝棲暮禽

琴坡

幽意藏山徑清絃石上聞不煩調玉指彷彿奏南薰靜
對聲沈壑行遊響觸雲春風車馬客回首憶桐君

同胡天行夜話

老大還飄泊知交喜過從浪稱天下士深悔不爲農遠
夢依殘燭勞生愧曉鐘何年慙幽意攜手問青松

峴首秋期雅集

簾卷晴軒壓嶂開參差松影日徘徊溯洄往事孤帆遠
指點新秋一雁來碣石摧殘存姓氏林巒高擁失樓臺
閒行是處堪憑吊天末微鐘莫漫催

沈光肩嗣宗

潘天行贈曠言百字感而答之

昨歲訪君君入山瑞芽摘焙湘雲爛今歲訪君春未老
又值偷尋梅信好耐木成雙享自然避秦蚤辦識幾先
名心已似枝封臘書聲仍與溪聲杳掃茵只供儕輩眠
暫攜靜好媿君還飲真飲適杯酒便詩寄詩城手眼堅
窮交入夢夢云惡感君省後追維渥妻孥其貧不解憐
憐貧尤難在老年鬢殘命坎世又遷有鮑無管鮑失賢

嗟哉春風徒能長庭草蘭蓀既折寧辭稿

袁雲上龍威

山中答戒先上人

所嗜山水鄰樂飢終不飽禪火及晨烹挂瓢向幽島掩
卷對南山優游不知老鳥哢兩三聲人跡頗稀少春風
開吾心心慕非春草傲意託長吟兀坐膝自抱借問住
山人何如悲古道

次潘菊旃山園得句

迂疏成我拙門徑長苔痕廊迴因崖斷窗虛借蔭繁檻
前多木末壁上有泉源藥草爲生計荷鋤半畝園

桃源

山盡又逢溪桃源在何處遙聞雞犬聲且向此中去
凌文然葦燈

宿田家

場圃九月路炊煙煨芋天野香籬外引古色坐中全箸
笠當簷挂蘆牀借客眠臨杯無限意其話晚秋田

新月

積雨空堦冷春深總不知鳥嘯芳草暮人病夕陽時如
別三年遠乍逢一夜思舉頭追風恨半壁綠相宜

庚寅歲

不盡人間苦深局祇自憐興亡燕故在離亂月還圓嶺
海芭蕉雨吳宮薛荔煙蕭騷無限意誰譜斷腸篇

送淵聲弟之溇上

令弟悲分袂歸舟月尚留輕離成遠別微夢隔殘秋雨
岸霜枝短孤鐙雁語稠退尋籬竹下一卷在寒樓

過鴛湖

倒折垂楊古樹邊年年堆疊舊湖煙荒臺葉落全依址
野館碑傾半在田拾得荷珠猶寫淚拈來榆莢尙留錢
經過僻境無聊賴空自半騷載一船

秦園

古塚青苔隔岸明短牆白板故人情空簾夜夜經疏雨
寒樹時時宿曉鶯松石自堪黏翠袖琴書端共起秋聲
誰憐一帶梧桐下日影淒迷舊漢城

秋夜友人招飲

嚴霜初拂暮峰青又見黃花照野屏深淺溪聲留夜雨
有無山色落窗櫺秋鏡黯淡荒城閉茆店蕭寒歸馬驚
斟酌主人憐客意蛩螢嘯不近前亭

訪曹介皇

三年蹤跡半蕭疏石磴當溪問老漁知有箬冠逃世士
相逢芟服故人居枯桐雨後山中色尊酒窗前江上書
多少愴懷誰與道攜來此際怨難舒

寓西泠偶成

秋風蕭颯夜情難靜倚孤燈夢未殘天壤無端悲老大
人間何處說飢寒樓高嘗貯他鄉月地僻猶存故國冠

同

上

欲寫楓黃搖落意偶然乘興入山看

楚江

千古傷心屬汨羅孤臣遺恨託煙波兩都秋草何人賦
一帶青山獨雁過夢裏空名誰報國望中殘日失揮戈
相傳尚有堪憑弔百種艱危氣未磨
殘生何處投江漢雨雪紛從黑浪回賸有斜陽留感慨
更無明月照崔嵬秦庭漢闕三湘水白馬黃冠二月灰
不敢高聲遺一淚好將餘緒口鹽梅

病中雜感

風雨蕭騷春病宜啾啾乳燕出簾遲閒愁偶惹桃花妬
幽恨偏教翹築醫一枕温香將醒後半簷寒玉未銷時

詩書已盡皆非我脈脈空尋只自知

極外梨花次第開空濛春色雨初回幾家梁燕借愁至
故國斜陽入夢來一壑自憐情感慨三生堪笑事虛恢
何人更整關山舊湘水睢陽未許陪

自製荷衣戴葛巾偶吟病起好娛親詩歸平淡寧言拙
交重才名敢謂真誰使冬青埋白日獨留杜宇伴山民
可知天壤驅除盡淚滴銅駝不數人

哭姜如須

淮北相傳河徙異江南又哭舊孤臣素車白馬知何日
說夢言愁無此人地下師生心不昧中原存歿事難真
闕闕城外黃昏月憶得同君共采蓴

同十

上

哭楊季平岳

菊老萸荒酒半卮同君猶作別離詩生來最愛陶元亮
此後東籬更屬誰

陸象言 夢生

讀曲歌

夏月歡苦熱向儂索紈扇舉扇未與歡為歡先拭汗
問儂起何晏儂言爾勿來將衣有誰慣
儂知歡善誓汝今莫欺儂汝誓已再四

蔣 莫 天生

杪秋至苕溪

落霞遠映片帆紅遙指浮雲向碧空出沒蛩吟聲下上

參差雁陣影西東芙蓉獨照一溪水蘆荻深藏兩岸風
游子今朝秋入夢故園明月隕梧桐

沈晉仲升

苦雨

樓高憑遠眺水漲一天空山色全無影潮頭更帶風
鷗居身不定浪阻石相攻薄暮憐漁火星星蘆荻中

新柳

春來獨此條多葉葉茸細作花弱縷不禁風蕩
只今那便可藏鴉

夜泊吳江

畫角無端動戍城壯心獨聽短長更鳥歸亂樹全無影

同十

三

月落清江似有聲

金漸皋夢蜚

秋日寓涉園卽事

修竹長松繞徑栽不施簾幕自樓臺身隨暑影逡巡過
夢入槐根寂寞回岸柳望秋先自隕砌花經雨尚能開
閒中榮落塵中事併作寒爐一寸灰

分明證取小乘禪兀兀飢餐與困眠但有鄰僧分菜把
了無溪女乞魚錢偶然行飯樵枯葉獨自挑燈擁敗瓊
願得百年同此日身心塵刹禮諸天

運朝霧雨沒遙村木落千山萬壑奔愛酒陶潛初入社
傷秋宋玉未招魂故人漸遠虛三徑達士相期止一門

珍重生公能說法蒲團趺坐共黃昏

黯黯愁雲接大荒登樓騁望益神傷雨移巖岫憑空遠
風過溪橋特地香薜荔暗凝山鬼睇芙蓉巧袪美人妝
平生幾許悲秋意銷向空門半未亡

庚辰下第歸客白門六閱月距今十年已丑同視

祥下榻虞翁邸舍尋覽舊游觸目非故遂成長

句

青衫騎馬石頭城六兒閒堵萸莢生客子倦遊寧得已
江山無恙尙多情桃根去後三秋恨玉梳盛來百鎰輕
豈料十年成老醜恆河見性漫分明

飽飯閒坊蹀躞過坐來百感劇層波雀羅廷尉門長在

同十

四

絲繡平原貌若何傾國每輸長袖舞當筵誰憶短檠歌
揚雄寂寞侯芭賤空復玄亭問字多

鑄京壁水昔從游廢宅頽垣莽不收城郭豈知遼鶴怨
山林每抱楚猿愁雨中土偶猶龍準肘後金章半馬留

禾黍故宮同一慨逢人羞說舊皇州

虎踞龍蟠自上游烏衣塵尾亦風流五胡競擾中原地

六季猶工半壁謀燕自北來家再造馬當南渡歲方周

樓船未下降旂出寂寂將毋笑楚囚

春江如練萬峰青蠟屐拋殘畫掩扇引睡書分勦侯桀
澆愁酒湛子雲瓶鶯花上苑人蹤寂風雨空堂客夢醒
社燕欲來鴻未去雪痕泥爪愧沈冥

除夕懷李天根

一歲光陰疾跳丸輕飄翦翦入樓寒不堪暮色淒涼甚
始覺貧交聚會難永夜未銷孤客恨隔年應得好詩看
春愁急與催歸權雪滿空齋及未殘

姚淳起 子雲

同筑翁火傳家孟子盃遊釣突泉呂祖祠

塵煙乍蛻濯冰壺清響冷冷耳亦蘇幾派琳琅噴碎影
一匳空翠瀉明湖漫言跨鶴歸曾未不省炊梁熟也無
白雪樓頭頻悵望層嵐斷處海雲孤

雪獅

何緣巧作狡狴雄刻壁凝脂疊毳毳移向安西龍可避

同

五

裝成林邑鳥猶狎綵毬欲滾風初劇縞鬣潛低日乍紅
祕史他年紀服遠新詞應譜玉玲瓏

雪

寒聲浙瀝繞窗虛斗室清光玉不如讀罷好書無底事

一簞沈水伴幽居

雪鴻

蘇卿北海音書杳辭子江南道路艱極目空濛愁渺渺

不知何處是家山

題友人畫鵝

戢羽平蕪傍冶紅如雌墨守亦知雄入羣欲換山陰帖
呈幻疑從陽羨籠

錢志熙 度仲

少年行

相歌相泣燕市中醉挾胡姬馳青驄霍家奴子何足避
持鞭直過蒲萄宮

滴翠軒

廢殿丹青古荒祠俎豆空林陰叢鳥雀葉落老梧桐鐘
磬煙蘿外碑文苔蘚中露珠盈畫草六月有涼風

郊行

日落菰城晚天高雪水清深枝通小徑錦鯉亂浮萍野
角三秋怨寒砧萬里聲春申遺恨在苦憶不勝情

聞磬

同丁

六

木落淒風急磬聲入暮哀那堪秋月令況復夜蛩催快
骨依原草驚魂繞夢臺征衣何處寄腸斷雁西來

晚晴卽事

陰風乍卷浮雲動鳴雨初收霽色開閒院新晴欣鳥雀
空林返照入樓臺籬邊且種蘇翁藥客到還銜阮籍杯
極目添愁須盡醉年華莫惜暗相催

聞笛

誰將玉笛度寒宵歷歷江樓秋氣遙折柳霜清催鼓角
落梅風緊徹雲霄美人南浦傷明月鹵騎西城泣紫貂
腸斷多應聞此曲怪來白髮鏡中饒

清明

腸斷多應聞此曲怪來白髮鏡中饒

寒食清明景望悠千門柳暗白蘋洲輕煙晴散青山近
晚日光含翡翠流穠李初開臨水陌黃鸝故囀落花樓
江南是處饒春色極目依依惜勝遊

夜泛

遠水下長天千山皎如雪清風起白蘋吹落山頭月

過超山廢屋

翠壓層巒野殿低空塔圯壁草萋萋桃花落盡人何處
夜月山門杜宇啼

董 耒 江屏

燕巢

斜開竹戶照斜陽落盡庭花白晝長板屋數椽春寂寞

同十

七

莓苔滿地客淒涼銜泥水際愁誰見領子簷前黯自傷
祇爲江南離亂後年年春雨換空梁

秋齋試墨

染將吟筆研藤箋索莫空庭黃葉天兼炙非煙香一炷
洞庭雲掛草堂前

明妃詞

飛沙乍起恨無端雪後愁吟泣抱鞍未信漢工渾似妾
鏡中顏色自圖看

臧 澗 湘友

游仙詩

踟躕天地內掉臂揖名山稜稜瘦石立彷彿仙人顏洪

崖與浮丘疑在雲之間如何滯泥土道阻不得攀自愧
蟪蛄質莫叩天門關號風起嵐足搖日墜如環松柏摘
盈把浩歌恆自還

獨立

前水揮不斷後水去還續獨立思無窮抽簪擊寒竹

沈曦卿 元賦

樹蘭

寒風摧百草叢蘭已萌發凡卉不敢羣幽姿傲霜雪丹
葩豔春陽芳華易衰歇素馨來遠岫心魂靜相接山齋
戰初茗香味了無別

坐月

同一

六

薄暮浮雲盡清光肅旅魂邊笳寒白骨成鼓靜黃昏空
對南樓月誰開北海樽鴻飛留片影已過萬家村

感舊

百二河山天府雄行人猶識舊離宮荒堤煙柳連雲黑
古樹霜林帶雨紅霄漢金莖秋水外蓬萊玉殿夕陽中
可憐寂寞燕臺客獨對西風數塞鴻

惆悵詞

教坊十部選歌喉天子親登萬歲樓可惜花殘芳樂苑
卻移春色到涼州

妾家居住本淮河愛唱新詞桃葉歌昨日樓頭聞此曲

羅衣溼盡淚痕多

蔣 苑 仙 植

雜詩

多難當陸沈吾生，以迫誰云意氣歡。于中有矛戟誰
云信誓深其毒者，辛螫失意須臾間。指顧見陵藉智勇
貴乘時數奇無所獲，操刀不利割俯仰。朱曦匿躡躊躇
歧路皓首空歎息。

嵩來盟兄北歸喜賦

自爾昔游千里道，論文悵別事多違。可憐冀北三千客
猶是天涯一布衣。水歌殘風颯颯，燕臺客散草萋萋。
聞君馬上曾傳語，數問吳中舊釣磯。

挾策頻年去復來，臨河欲濟尚徘徊。中流擊節千層浪

同十

九

落日題詩萬里臺，前路公侯誰重客。往時燕趙總憐才
知君不為鄉心切，應念萊衣首重回。

張安絃 琴父

山中訪友入暮舟宿

寂寞春林晚，孤雲掠水飛。花閒初客到，竹外正禽歸。月
上山鐘動，煙高村火微。布帆何處泊，漁舫得相依。

丁 珩 羽玉

田園雜興

朝飢不思食，攜壺酌新醪。獨飲不成醉，持杯思所招。風
落酒杯中，倏忽起波濤。交情復不易，餘觴聊自操。

秋興

勞心忘歲月，落葉志殘年。塞雁隨風下，牽牛到日邊。
星近日，雲興知野寂。山響識禽還，蕭索東籬菊。何人戴
酒船。

秋懷

楚客悲何極，風來樹不平。歸鴻唳月影，寒犬吠鐘聲。未
識邊庭苦，常懷出塞情。征笳連夜發，疑是受降城。

寒塘獨宿

疏漏沈沈不耐秋，水天盪瀟蕩扁舟。螢飛隔岸漁燈亂，
雁落平沙樹影浮。孤櫂漫隨芳草歇，空潭惟見月光流。
驚回客夢歸何處，蘆荻風吹一帶愁。

秋宮怨

同十

三

十年猶憶奉君恩，歌舞平陽寵自尊。草色何須辭玉輦
秋光今已閉長門。

韓麟德 魯臧

贈張一第

猶憶松陵櫂孤舟，夜雨中那堪。今夕話再與故人同燭
短，更將盡情長水自東。欲攀楊柳別正好，藉春風。

宮怨

雙蛾蹙損不施妝，一朵芙蓉映野塘。獨坐薰香過夜半
羞教明月照鴛鴦。

沈 昶 霜茗

嬾臥

王擬同人踏晚霞貪于枕上聽流鶉青山原喜聞中客
綵筆虛傳夢裏花榻穩漸忘身是病窗移不覺日將斜
詩成祇自聊乘興敢附詞壇一作家

讀曲歌

滴滴梧桐雨搔首望天明朝來風太急安得久長晴

沈適 俗青

廬中雜詩

卽不因風雨能無憶舊廬客山無遠近鄉夢入樵漁五
柳斜陽外空庭芳草除不知茆屋下何處長芙蓉
可以君詩集會無我姓名字奇供載酒驢背許尋盟風
雅深酬對山川屬性情不辭飛玉屑夜讀作金聲

同十

三

胡馬動天地思君爲遠行烽煙雙倚劍身世一浮萍未
易馴龍性終難愛鶴翎年年初露白何日不

寄蛩

秋聲清越出煙蘿嗚咽從前事幾多四宇風塵俱慷慨
三年草野正蹉跎行歌有意聽無謂溥露關情冷奈何
樓斷客心曾不遠竹牀寒月訂相過

別梅

兩載相看勁骨奇賞心原不在花時山人自解修清課
花後花前好護持

笑肩壘 沈翁

玉趾再至酌突泉 卽山海經壘水

幽尋無定所信步復聯涯朔吹荒郊厲温流此地嘉參
差鮮若帶厥沸散瓊花檢點勝前處疏筠落照斜

尋五龍天鏡諸泉

乍識龍潭路倭遲取徑斜暗泉穿斷石老樹立寒鴉亭
落稀輪騎登臨傍酒家莫嫌游易盡極目有蒹葭

初伏日姚子子雍招同卓子火傳許子之果泛明

湖

綠楊堤畔簾蘭燒蕙酒旗亭暑漸消久向樊中忘飲啄
偶來物外得逍遙暗香積水浮玄闕疏雨斜曛出麗譙
底事馬蹏催去急一川涼夜付漁樵

歷下送友歸自稷西訪姚敬輿使君

同十

三

久同旅食住東齊訪舊君先返稷西客裏知予能幾輩
高情如子更難躋蕭蕭班馬衝風策蹇離鴻帶月樓
珍重巢修老益俠羊腸驛路慎扶攜

李焜 既于

秋感

露白迎秋至淒清懷舊吟黃花含野潤綺樹結平陰何
處鳴哀雁誰家擣暮砧春風應有待敢負歲寒心

秋雁

亦念江南好聯翩輕去鄉霜飛蘆岸白露滴橘田黃薄
海侵蜃蛤依山啄稻梁高鶩非避弋拂羽自成行

郁公啟 子木

宿金山

江水一何駛源頭可濫觴祖謙方作客元發乃乘航

歸德道中

一鸞曉月雞催起大地寒霜馬踏開此日不知行路苦
卻思身在洛陽來

懷姚十四爾猷

秋來到處皆秋色聞道瀟湘秋更多明月一天今夜永
知君今夜月如何

尹任聖之

送姚象懸使東海

于今東海晏無波表裏屯田竟若何萬井乍輸酬露冕

同

雙旌遙動擁鳴珂羊公德重棠陰滿蕭相籌深泊術多

莫詫交河桃辨好大官方貯水晶嵯

戴徽奕皇

芸齋吟囑

空山散微步綠氣滿高深曉冷雨吹閣春殘鸞在林隱
囊荒石畔茶具落梅陰率爾成酬答相期筆墨心

溫重華退昌

寒夜聞雁

兀坐蕭齋對短檠鸞鴈羽促寒更非悲寥落思求侶
應怯關山憶遠征子夜霜飛雲黯澹半天清
傷心欲訴無人會仰視星河問屈平

陳奕馨蘭頤

寒夜讀騷

伏枕寒難寐徘徊永夜清九歌當日血七發百年情
嗚呼人在鏡前我自驚悄然響籟絕隔塢送鐘聲

尹四維子張

送丁羽玉北上

擊節溯中流浩歌送遠遊山川還獨賞風雨應同愁
擊劍思青淬開樽向綠浮平生多慷慨金闕獻嘉猷

嚴眉肇修人

烏夜啼

妾家閨閣常城隅城上老烏嚮夜啼
妾夢未成忽驚斷

同

手撫簾櫳月華滿幾回對月擧青蛾歲久年深別恨多
思君不見奈愁何

秋日游法華寺

秋日游法華寺

金風瑟瑟動空林游跡還隨古寺深四海親朋誰主客
百年巨壑幾登臨莫湖煙雨迷秋望弁嶺雲霞結暮陰
攬勝翛然忘出處好攜樽酒助清吟

王懷素

從甘肅符師防寇孔關

十年說劍憶戎行此日從征初試銜會見軍容開細柳
育教羽獵近長楊地分牛野交吳楚躡歷鵠星隔女房
赤子潢池今偃甲飲人醇德自成漿

俞 雋 亦人

郊行

獨行隨意往極目草芊芊隔浦見漁火前村來爨煙驚
嘯疏雨外人踏夕陽前無數垂楊柳攀條憶去年

訪閒鶴

薄暮入荒野迢遙路轉微谿風當晚發山鳥傍人飛夜
雪留沽酒寒鐙坐掩扉閒情多唱和兀坐自忘歸

初夏

綠樹遶茆廬溪流滿石渠惜花因剔蠹洗硯卻驚魚暗
覺襟懷異幽尋知己疏新愁長晝夜一謝案頭書

雪後

為憐奇絕處著屐獨開關一水空鷗鳥荒村廢往還

新秋

荒齋明月宵相過愁看莓牆挂薜蘿無限秋聲長夜裏
深閨寒處淚應多

留別

一曲離歌一斷魂亂流孤艇去前村歸來頗有關心事
日日荒齋蚤閉門

題畫

茆屋蕭疏楓葉黃煙波浩渺楚天長漁舟結伴隨流下
穩坐滄江釣夕陽

凌一飛 子冲

鄭俠流民圖

指點飢寒色愴然淚欲彈數行衰柳暗幾處夕陽殘散
亂行無次蒼涼眼倦看民情今可見寄慨在毫端

中秋微事

萬里雲開下六龍橫經仙繭翠華封遙占天帝行游處
知在秋山第幾峰 右幔亭會

潘開第 天玉

懷子見弟
歌首桃塢閱歲年行吟常出古橋田閒齋猶記黃梅雨
共聽濤聲到枕邊

薊門木落雁飛翔江草江沙路渺茫一水盈盈腸欲斷

同

那堪更問月如霜

茅 柝 彦登

金山
大江淘不盡片石鎖中流富峽分煙樹臨濤結綺樓日
斜浮塔影風正送蘭舟噴薄魚龍嘯奇兵若可倚

登采石太白樓

憑高極目俯層樓吳楚平分隘九州醜酒莫言今古事
寒雲寂寂使人愁

蔣明鳳 羽靈

贈友

南國有彥蘭蕙其資絕世獨立清畏人知手栽桃李口

緘微詞不侶鸞鶴矧族蛟螭蹇修載道冰蘖堅持秋潭
映月俯仰興思

小春梅

玉府冰肌世外仙偶然含笑出林泉平生不逐繁華隊
敢負春風小雪天

朱 佐 翼宸

帶月荷鋤歸

雲高呈皓魄攜杖下南岡暮鳥隨歸影寒塘弄晚香殘
霞微照笠清露未沾裳種秫年年熟頽然醉幾觴

秋尋

曲徑迴流過小橋幾人乘興動蘭橈前村也解藏秋色

同

一樹楓香慰寂寥

李祜燕 及士

寄懷

江南蕭北眼迷離不向滄洲展釣絲薜葉紅酣礎杵急
女莖黃謝羽觴遲人閒寶鳳爭量粟山裏逢仙獨看棋
心識阮郎歸路好碧香煙闊雁行散

迴文

鵝鶉望阻怨歧分斷雪隨風送亂雲匳鏡點慵蛾黛遠
鎖香開佩鴨爐熏簾鉤下響移箏語戶網牽絲織錦文
添水海寬雙漏永霑痕淚與驗羅裙

題畫

脫盡枝頭濃淡色只餘寒素敵風濤柴門客至呼雞黍
雪壓空林酒價高

同十

天

同岑初集卷十

同岑初集卷十一 寓公

茗上沈宋圻圻生韞

西吳陳世禎旦升參

呂潛半隱

月湖對月

茗雪水之靈茲乃滙其二纖阿飛不極駐此飲驕駟湖
空受月多坐久發神智藻影雜鱗房蜃光辟蠹刺樓臺
閒遠山澹澹解秋意我欲樂清寒不辭永夜醉

懷古田舍

撫心鮮繁憂折腰有嬾性王程一以謝將母竭餘慶客
土亦可耕夏畦頗非病老農我不如苗疏草方盛一雨

同二 寓公

一嘉樂堂校刊

乍休息酒坐無觴政比鄰互相招濁賢愈清聖暫舒脍
胝勞浩歌發真興

不寐

豈關良夜永無奈雨聲稠有酒難成醉何書足破愁風
馳千樹語煙靜一鏡秋客夢如相避新寒薄臥游

道峰參木和尚用胡將軍韻

寺隱鐘先出林花照客顏師來新杖履人重舊溪山暝
壑神魚舞芳早野馬閒何當分半榻羅逕許重攀

初夏有懷

花聲初到館春盡若兼秋水闊長虹直天高太白流南
風臣北雁紫氣老青牛極日平原路何時續舊游

答胡彥遠

世外長歌知幾人流鶯只解送花春草尋天目山山葉
雪憶峨眉肩夜夜身龍劍何堪懸兩楊漁竿合共老湖濱
迷禪棲隱憐同調到處煙波莫問津

丁亥除夕

短髮頻搔折唾壺香消蘭夜冷青瑜梅花嬾度春前雁
蕪葉時驚蝶上烏遺世應難成獨往從人更畏失吾徒
枉然銀燭三千尺留得銅龍片刻無

和貞燕詩

此心難訴競飛羣苦節何勞世上聞舊墨兼秋甘寂寞
空梁獨夜枉恩勤離絃忍聽彈明月分鏡虛求合斷雲

同十一 寓公

二

恐露羽毛嘗自秘抱簷無語又斜曛

旅愁

一天風雨竹窗疏萬斛羈愁掃不除青瑣北瞻悲鳳闕
白雲西望斷魚書采山有約憐芝秀學圃無謀任蕨虛
八月江楓寒到枕太行于此定何如

吳門訪同里莊宜禪和南雲堂韻

雨風常解護花壇片石留雲閒自寬萬里餘身何處國
七年前夢早辭官迴欄影落秋山樹曲閣香浮子夜檀
同是五湖波上客相逢漫作錦江看

貞女詞

豈少芭羅情吳衾不可倚妾志難自明請君視秋水

次和金陵女子朱蕙湘題衛輝店壁四首

紅淚無端急雨催南雲時折晚鴻開道旁不解興亡恨
笑指輕盈逐隊來

野燒連天夜散鴉中原無主月空華吳娃願借宮前舞

漢士誰清塞上笳

夕吹高城起國煙離宮蔓草正辛眠縱令瀚海金為屋

不似江花夢裏天

文姬歸漢憶黃初豈道生還入故廬沙上倦看忘世鳥

閨中悔讀有情書

郭奎先 汾又

莊宜稱使過莒見訪集半隱寓聯榻分韻

同十一 寓公

萬里家何在故人此夕來觀生如過影回首盡殘灰倚

徒搖紅燭芊綿話綠醉青川與白水聯榻幾徘徊

吳門袁重其莒上徵詩賦此送之

野鶴如高士行藏天一涯探珠凌海市滴翠擷茗花竹

篋雲煙重菱舟景物奢梯航千古事獻詠盡名家

王擔四過莒中秋夕對酌始聞蜀變之慘

十載家音杳君從亂後來可憐城上錦盡付劫中灰萬

畝青蒿樹千山白骨堆低頭痛兒女月隱雁聲哀

陸文蔚 一柳堂

龍潭長夏綠為天一柳婆娑好奇眠老幹摩空猶落落

柔絲泊浪更僊僊坐深白袷生苔影聽入黃鸝弄午煙

靖節醉中如過此幾回錯認是門前

將之粵過松陵同詹確菴飲唐瞿瞿齋頭卽席紀

別

楓江十月冷霜花客子相逢共憶家話入巴雲香正細

歌翻吳歛月初斜奇書縱我填飢眼雄辯憑君鼓智牙

莫怪此行輕浪跡幾年湖海總天涯

李濛楚別墅同素心友鴻文饒聽蕙如絃索

長夏探幽別洞天樽開河朔盡名賢行廚玉鱸盈犀箸

上苑瓊蘇瀉瑁筵苔色任教侵綺簾薰風隨意送冰絃

爭妍況有雙成曲試看榴花笑欲然

僧寓苦雨

同二 寓公

春寒漠漠雨霏霏盡日長扁白板扉不是枯禪耽寂寞

貪看苔草漸新肥

南城眺鏡湖

坐憶芙蓉春色樓吾家亦在鏡中游十年空鎖蛾眉恨

獨照菱花萬頃愁

顏俊彥 雪癩

和晚農元日詩

飄零何處舊根荄且自隨緣學赴齋徑可探梅宜野興

門剛蔽竹愜幽懷迂疏未許安吾願美軟那堪與世諧

太息行蹤萍梗似年年歲歲強安排

再和

燒痕隱隱茁枯菱珍重春風到做齋可惜年華成過眼
每更歲序轉傷懷無家作客孤難偶失路依人百不諧
久矣窮通蕉鹿似不須星命再重排

和晚農花朝詩

幾番花信抑何驕此日清夷儘自超客裏乍逢渾不禁
陌頭纔見已無聊音因玉尺還推阮寺以書臺亦姓蕭
遙憶西泠蘇小墓踏青曾否一杯澆

集滋蕙樓再用前韻

欲決行藏語半含壺中有策可抽探雙眉簇聚誰教鎖
兩鬢髡除不更甃蓮漏風傳知夜午鵲枝月上識更三
殘燈如夢花猶落晏坐清宵看手談

同二 萬公

五

答贈晚農社長

爛然錦綺不須驕犢鼻竿頭洵自超澤畔行吟何太苦
隆中抱膝豈無聊嘗因度曲思桃葉偶以箋詩識蘋蘩
元白但須聲調合青衫何必淚痕澆

感懷

東風吹暖卻條蘇獨掩柴門對壁枯采蘇療饑猶是累
投湘流濁敢言迂曾經米拜留孤石不受秦封有幾株
半世浮名真誤我當年深恨識之無

潘立勳 成吾

西陵紅葉

入秋耽野色日日到西陵霞起羞顏重風來醉舞輕停

波承倒影流雁雜飛聲使寄深宮怨良媒滿鳳城

賦得愛妾換馬

五陵俠少自翩翩誓掃妖氛歷九邊為愛玉關思玉勒
忍將金屋貯金鈿長鳴龍種原堪惜薄命蛾眉祇自憐
安得功成身未老桃花桃葉兩流連

香山坐雨同諸友暨兩較書

坐到空濛望轉奇任教風雨自淒淒溪喧鼓吹心借寂
雲抹林巒興與飛側徑雨餘僧步穩背山風急鳥行低
秋來莫道無顏色晚送青霞上舞衣

塞上秋

風急林高落葉輕悲蛩哀雁各秋聲疏榜送下淒涼月

同十一 萬公

六

急鼓敲殘慘淡更闌夢想癡鴛鳳侶塞笳愁殺虎狼兵
沙場半老頭全白猶道今秋未遠征

春遊

乳燕雙雙貼水忙楊花輕薄舞風狂桃源洞裏多春事
閒殺劉郎與阮郎

徐寶挾 戲升

秋日登天風閣懷雲間諸子

秋氣淡容與白雲天際流淒風驚墜葉疏雨悅輕鷗人
地分吳越子懷總應求渺焉不可即相望獨登樓

感懷

洞庭南望水滔滔帝女湘君悵鬱陶彭蠡平分三楚闊

巫山橫斷九疑高何年鶴去空江月今日龍驤下海濤
君問巴陵東注否相思亭畔夢魂勞

魏 畊雪寶

渡江登固陵浩然樓

煙白富春樹潮青於越城揚舫真不易俯檻獨縱橫范
蠡舟還泛秦皇碑已平愁連關塞月悄悄接瑤京

贈馮鎬

驚看馮野王潦倒鬢毛蒼鮑謝人誰在曹劉今則亡蜃
樓魂影結海氣雪天涼浩蕩南還北他時恨總長

寄宋存標

當年躍馬黃龍浦不上三千珠履堂自擬揮戈開日月

同十一 寓公

七

何知橫海擅文章時危塌翼青雲裏老逐常人白髮長
苦著參同留未死好將懷抱託仙郎

落木菴訪徐波不遇卻寄

平林落木問山家綠篠潭西白日斜鳴鶴向人憐潔羽
徵君何事泛虛槎當時耆舊三湘盡晚節風塵吳苑賒

悵望玉峰頻勒馬陵苕娟娟尙垂花

題霜回先生東柯草堂

近郭樵蘇千徑盡尙留叢壑與君棲金桃結子低簷帽
白石行根長兔絲盡日投簪不下閣每容好客踏疏籬
晚來燒筍園中食定勝長安駟馬時

峴首登眺奉懷天行先生

秋濤滾滾城迴峴首亭高返照來斥埃遠山兵馬動
湖田近縣稻花開沾衣北闕關河阻流浪他鄉老病催
故舊殘年思會面每因風景重徘徊

初冬過定齋道長遠耀堂看菊卽席分韻

最愛吳城胥水邊陳生高臥草堂前繞籬紫菊兼黃菊
並馬金鞭復玉鞭花底傾樽香故惱宵深換燭語還願
他鄉酩酊同朋舊風物誰憂逼暮年

同朱大下金陵

千峰江上逼人青西岸芙蓉照水明婀娜布帆三十六
與君譚笑抵金陵

欽 直 務滋

同十一 寓公

八

同友人登峴山

登臨乍暖天列次坐流泉紅綠高低樹青黃遠近田顏
題新歲月碑記舊山川莫問興亡事狂歌且醉眠十六

哭舅父徐勿齋太史

烽煙慘淡覺秋殘淚共吳江楓葉丹未許數莖同草芥
聊憑一死報衣冠魂隨夜月濤聲壯愁託西風墓木寒
最是傷情飛旅雁時時嘹唳度前灘

魏景禎 友雲

舍弟畊客若久不得其消息寄懷一首

吾弟三年別人傳幾死生柳條愁外結春色淚邊明才
大時還詘天高鑑獨平壯懷休自棄秦晉尙縱橫

呂泌長在

夜集

設茗清軒裏薰風拂檻時話長鏡燄歛林密月光遲蒼石牽蘿帶荒池橫竹枝初逢如夙好還與赴秋期

月下懷友

坐月松窗思惘然別來幾日宛經年遙憐溪上秋花滿恨不同君一扣舷

程尚尙父

春日同了蘊訪清辯師

春來連日晴神思頗清豫聞有天眼師挂瓢水窮處邀我同心友握手問禪去入門惟荒苔青蔬滿隣布頭上

同十一萬公

九

一把茆屋後幾梅樹笑殺支道林猶然買山住

畫眉詞

晶晶紅日照雕梁女伴相扶促曉妝為問宮中誰第一

十眉圖上數鴛鴦

晚妝樓外雪風寒指點峰巒盡鬱盤只有小山橫黛色輕煙不改舊時觀

贈蓮姬

九華半臂製輕紈侍女傳來氣若蘭一片雲泉輕著體

猶嫌弱柳不勝寒

張肩爾就

秋興

面面溪山鎖落暉理琴獨自掩荆扉客來相約看楓葉拾得秋聲兩袖歸

同竟字石樹過玄墓繪小景似赤壁遊因賦

先生與世久忘機艇子遙遙入翠微雅稱雪堂蘇道者老僧相引看山歸

李世俊望之

過湖宿省南山房

湖晚落歸鴻輕舸入暮鐘樹盤幽澗古葉墜翠庭空看月燈花暗譚經竹影重曉來分別處回首隔西風

同諸社長遊夾山園亭

平湖千嶂澹晴暉一擢春風入翠微雨霽青巒孤寺出

同十一萬公

十

沙明白鷺斷雲飛山園花落鶯憐瘦水岸煙橫柳帶肥歌管寂寥遊客倦扁舟載得晚霞歸

送友人北上

一騎蕭蕭向朔風不知何事與人同梅花帶雪燕雲冷獨對西山千萬重

寓昭慶有感

四百八十南朝寺一寺一鐘雲外聲一一鐘聲一時寂滿山啼鴉吹螺鳴

沈捷大匡

子食畫扇有感

久絕西湖夢憑君畫段橋依然臨拂柳仍復聽吹簫堪

軟籠中鳥能如水，上鱗舊懷知不減。筆墨寄蕭蕭。

寓慈感寺

無端蹤跡寄霜涓，俗狀塵容自足移。訪古嬾參三品石，
好奇遠過錯龍池。事多刺眼惟緘口，書可論心且放眉。
咫尺歸雲生俯仰，清容軒近不留詩。

沈虬次雪

和許堯文使君煙雨樓

宦遊落魄漫經過，一望菰蘆漾黑波。白鳥占沙輕霧散，
昏鴉棲樹夕陽多。飄零畫角空臺柳，寂寞蘭舟隱岸莎。
太守風流饒勝事，前洲取次植風荷。

遣妻子歸里

同十一 寓公

作吏風塵滿眼新，笑看今日暫閒身。妻孥翻隕歸鄉淚，
童叟空憐去國人。補衲不愁遇八臘，種田猶記及三春。
好將活計留耕織，放卻狂夫逐隱淪。

錢燦雜銘

重弔陳寒山墓

荒草忠臣墓，雲峰野寺邊。高名千載重，孤節寸心傳。
意氣寒風烈，文章秋月懸。重來瞻拜下，猿鶴共泫然。

獨山湖看採蓮舟

漁郎十里嘯呼聲，泛泛輕舸款乃行。小隔荷叢看不見，
一天香送水雲平。

錢本寧雪鞦韆

送李眉臣之關東

風雨發征驪，驪歌祖帳前。翻飛鴻鵠志，惆悵鶉鷄筵。
鼓他鄉怨文章，異域傳翠樓。春夢杳，忍思待明年。

沈嘉詒次乘

西湖女兒歌

西湖三月春正奢，西湖女兒顏如花。曉寒無力理粉黛，
顰眉歛袖空咨嗟。清歌橋畔折楊柳，楊柳歌殘影獨守。
回看樓外數峰青，暮雨瀟瀟人俯首。

陳量仲舒

偶懷

秋來泉石任徜徉，取次評花到海棠。但有清風吹柱曲，

同十一 寓公

別無塵事溷柴桑。故人置酒招時赴，銀甲彈箏坐夜長。
不是疏頑忘世法，只嫌難卻鬢邊霜。

哀老婢

江外歸來不問家，留連風景愛荇華。豈知畫棟纏金鎖，
又見青衣葬淺沙。秋盡芙蓉悲故國，夜深鸚鵡泣琵琶。
最憐憔悴形容者，續罷何人喚潑茶。

皇甫欽堯臣

次陳皇士懷友原韻

潛確同人歲與娛，吟君懷遠意何孤。書來故友多探菊，
數盡昏鴉半度蘆。交厚且留經患難，遜肥并合謝生徒。
只餘吾輩真言笑，略仿香山九老圖。

同范挺嶽太史之益津呈別柳鳳簷中丞

萬里欣隨鳥脫樊畏途追憶尙驚魂身完毀譽原無損
道在恩讐可不言上谷且同商鼎臥富春時夢釣臺存
故人倘奇江南信張儉孤蹤未忍論

劉 璽 爾符

嗟我行

嗟我西北士沿流泛吳越不憚風波險虛船相搪揆
呼再三怒聲氣亦云猝不如舍此去忘情在倏忽朝游
霄霧間還願望京闕蒼蒼何所見眼中多倪惚華山有
問雲我欲從之歎

操柯篇

同十一 寓公

三

操柯何爲者言伐山中木借彼紛紜材整削爲君屋大
用絜百圍小亦需樸楸但願風雨除豈惜眾木副計畫
準于經結構森如竹雕采非不施文質亦彬郁棟宇連
雲口牖戶達川麓松柏茂高堂蘭桂榮傍塾內鍵而外
扇主人得所宿勿謂四壁潛幽隙窺光煜勿謂百年久
傾圮不淹速宴安不可懷福禍相倚伏鬼神將來舍虛
室生百穀維此遠慮人日常加修復維彼旦夕計偃仰
不知夙材木豈易求匠人多心戮慮此燕雀輩何如植
空谷

送友人之長安

朝發具區藪暮宿燕山都扁舟駕長風萬里屬須臾浩

氣排闥闥逍遙游天衢主人敬嘉客旨酒圖相娛當筵
理素瑟堂下列禮綸愛此平生親欲行尙踟躕錦囊出
寶璐蕙帶解明珠聊贈匪云報永結中心愉

桑婦歌

臨苕水兮行桑林聽桑婦兮陌上吟蠶不眠兮兒苦暗
採桑葉兮禳桑樵出而饁兮入而紆思公子兮懷鳥音
機聲札札兮勞我心

秋旅

清時難再得遠客不勝愁芳樹多零落湖山賴舊游採
蘭遵大道驅馬望高丘彼美今何在月明湘水流
極目秋塵外徘徊日暮林桂舟流別浦蘆雁歷危岑碧

同十一 寓公

古

草懷人地白雲游子心一聲風葉起爲我發悲吟

咏梅花

一年二十四番風第一香生仙界中此後紛紛開落處

杏紅狼藉又桃紅

卓天寅 火傳

同陸聖孚題張秋挂劍臺

意氣成吾黨滄桑一劍過微名非爾願古道照人多落
日懷芳草平臺瞰大河置身生死外千載尙嗟峨

舟過金山欲登不得

歸心憑急櫂咫尺辨鴻濛碧浸千江日煙留萬古風石
奇偏插水樹遠欲浮空枹鼓聲何在蕭條異代功

出海岱門同劍威子孟送友人南歸

同是天涯客憐余久未歸共誰煩說夢何處歎無衣塵
暗催征驛潮鳴濺落暉銅龍宮樹迴蕭瑟暮煙微

沈肩昌 穆生

客中送楊子還四明

羈旅君無異先歸吾不如蕭森兩岸草寂寞一封書後
會渾難定帆開且望余到門誰共語慈母正倚閭

于 鑾 御君

數夢過五弟莊居

隙影催年急孤雲隔雁行暮鴿依野隰寒草變池塘久
客徵吾賤貧居念爾康連宵相對語衾枕即家鄉

同十一 寓公

五

題潘菊梅涉園

翳日濃陰晝掩關書籤零亂藥爐閒臨窗密葉妨歸燕
夾徑疏篁漏遠山雨勢欲來聽澗落風聲未起看雲還
懸知清福天常吝卻為伊人一破慳

送黃帥文麓出鎮上江

半壁河山事已非虎臣江表獨懸師瓠晚觀崖雲裂
畫角寒吹嶽月低東海舊知標柱遠北門新恨築壇遲
捷書鏐吹還朝日宵許中原別建旗

江上別友兼得修微書有感

十年孤劍在心頭市上藏名臥酒樓今日一樽歧路處
清江紅葉寺門秋

亂離驚喜得輕郵往事迴看二十秋若問舊曾留屨處
一亭荒草數聲鳩

潘葉荷 鄰菴

約張右京遊戴山訊湛上人

素交山最好遊屨未能稀石夢經秋老松疑向日輝話
枯宜病衲性僻到禪扉幽探年年共應知願不違

葉 鏐 具美

賦得好鳥鳴高枝

停翮相依古木森笙傳天半訂知音憑霄未許鶴鷄共
附漢須教鷺鷥尋百嶠羲皇難穩夢數聲高士已成吟
豈容塵客聞頤解藜杖前村獨聽深

同十一 寓公

六

陳世禎 且升

東飛伯勞曲

綺窗繡戶開銅鋪池上鴛鴦相對呼誰家姝麗依檻立
申眉長顰如有憶菡萏花開荳蔻含不看躑躅看宜男
美人年可十八九輕下犀簾垂素手行人下擔目送之
美人已去尙躊躇

移寓

未卜庚申帝權居丁卯橋梅花分暖信柳色滯寒條酒
政徵三雅文章賤六朝違時應不遑蹤跡且漁樵
秋風吹不定容易旅人傷漸覺衣裳減還生枕簟涼樓
臺通野吹禾黍下殘陽處處砧春急黃昏到草堂

秋夜漫興

江草江花別有名湖山湖水舊西陵窮愁況我常為客
懶散于今頗類僧自刻桐魚思扣石竟如沙虎欲吹冰
年來多有鄉關夢知落高峰第幾層

春草

辛眠細草總無名雨過堦前歷亂生二月春回沙磧夢
一時望斷玉關情自憐酒醒旗亭遠何處風吹野燒明
瑟瑟空庭隨意綠莫教看向石頭城

解嘲

強欲留賓醉未能日隨隨去不張燈濁醪都向牆頭過
病葉懸知勢不應白小堆銀絲細細晶鹽散雪暈層層

同十一 寓公

七

閉門投轄吾家事貧薄慙無酒似瀆

懷繆伊人

時持貴人書出遊約子儲屋同居

散髮開襟坐樹根伊人一水我思存家貧世亂儒原賤
懷刺干時吏更尊蕭艾自榮誰薦斧芳蘭雖好莫當門
懸知都為飢驅出風雨寒蹤擬共論

見雁

蕭蕭夾岸荻蘆洲落日平沙下晚秋江北江南無限恨
來時將得幾多愁

繆徵尹

伊人

歎

獨有他鄉客傷心暗白頭水雲千里夢礎藁萬家秋老

亦非吾慮貧為眾所憂年來殊寂寂底事羨封侯

和旦升春草

即看白鳥背人飛正值山城百卉肥暖入玉除宮漏靜
香分香砌野煙微杜陵惜別迷人眼韋曲看花上客衣
苦憶六橋歌舞處接天芳草未能歸

古意

天波靜與玉繩流一夜笳聲入素秋北斗闌干渾未寐
清光應共古涼州

馮翼微

公輔

賦得秋天不肖明和季小有

暮色接橫堤天高入望迷煙浮一水白日落萬山低故

同十一 寓公

式

國軍塵滿他鄉戰馬嘶十年流浪客長共夜烏棲

斷續雙礎急東南萬里秋銀河當戶白大火向西流半

榻支圓石孤鐙冷傲裘陰霾迷遠岫不忍聽更籌

暝色杳無際悠悠已暮年黃沙飛漢壘黑水漲秦川露

葉鳴蟬靜風枝宿鳥遷陽鳥消息斷獨立問荒天

每到秋天近蒼茫白霧昏危城悲畫角斷峽嘯孤猿欲

下騷人淚難招楚客魂旄頭終夜見閃閃照荆門

潘嵩來游吳門賦寄

扁舟東去向金閭杳杳秋原客思長路轉吳淞空悵望
波迴碧鷺更蒼涼笳吹月夜孤城白馬踏霜堤野菊黃
鄰下名流多唱和揮毫應在劍池傍

早春送潘嵩來同吳睿公北上

渺渺孤帆入暮天
翩翩仙子向幽燕
黃河浪湧蛟龍起
薊北雲開日月懸
雪滿香山梅破臘
春回黍谷柳含煙
金門射策知前席
遙望層空雙鳳旋

秋懷

西風吹雨白蘋洲
買櫂探奇續舊游
衰草凝寒隨月冷
歸雲無路帶山浮
西陵柳岸星旗列
紫塞榆邊玉笛秋
回首當年歌舞地
夕陽空自照荒丘

星河點點照疏櫺
斷續雙槓急未停
滿地干戈多涕淚
廿年風雨幾飄零
中宵月色浮孤嶼
一樹秋聲下洞庭
傳道楚天鼙鼓振
彤弓何日錫明廷

同二 萬公

九

春晚

細雨連書屋
春歸可奈何
柳梢鶯語懶
風砌落花多

夢游

柳淡煙清出小舫
畫樓何處教吹簫
堪憐魂夢無拘束
已過西泠第二橋

胡鵬圖 南博

京口渡江望金陵

旭日射江紅帆吹四面
風金山空砥柱銀海向
倥傯雲水僧何逸
舟車客未窮
請看一建業
賸有六朝松

何處難忘酒

何處難忘酒
擁爐話草堂
高朋披雪至
寒鳥帶花翔
林

荷烹真味清樽瀉
異香醉鄉卽此是何必問津梁

寒夜

茅簷寒入夜
敲枕醉爐熏
引夢金陵月
增愁薊北雲
哀猿關我淚
山鬼任爲羣
寄語高眠者
雞聲可共聞

苦夜

久客孤齋夜
漏欺聲聲入
細淚交頤
鄉中書斷鴻
何忍別夢偏多
寔不隨窗月
有情來半榻
林花無語落深枝
黃昏消受誰
同此晨鏡驚看鬢漸絲

春行

柳眼窺春自覺明
暗從風裏託身輕
經年但送人離別
亦賸孤條到渭城

同十一 萬公

三

有所思

寒江夜雨細
飛時枕畔餘情賸
自知墜葉觸窗回
薄夢雲環聲忽遠
天涯

潘爾夔 友龍

春霽

怪得鶯聲巧
披雲靚豔陽
煙嵐開曙色
林墅發幽香
連袂誰家曲
飛花何處觴
玄亭寧寂寞
虛白亦生光

午日

幽棲久已等焦螟
遠慮何須倩赤靈
酒泥愁腸浮大斗
花迎佳節映疏櫺
聽誇續命教纏絲
看鬪宜男試踏青
艾虎蒲人成底事
狂歌應訝次公醒

自題療貧方

憑誇躍馬更持梁便臥牛衣未厭涼
卻老還應饒有術療貧豈得遂
無方白雲怡我初非贈青眼看人
總是狂泉石膏肅莫相笑欲將此
旨問岐黃

和灌園韻

宋

同
一
寓公

三

同岑初集卷十二方外

雒城李夏器不器輯

弁山釋淨體玄素參

道忤木陳

沙彌清旭為師聞機乞題行樂

石筍抽條後銜華鳥不前蒼松何濯濯柔草自芊芊

心蕉葉冷青蔭祛煩煙

春朝攀玉孫居士出登廬山歌見示別後復寄廬

陵殘雪圖次韻速之

恐妨春信到山家竹塹疏籬戶未遮何來天外雲中客

玉骨如梅雪綻華眉閒隱隱五嶽氣願之四壁流青霞

同十二方外

一嘉業堂藏

須臾忼慨出長言牽曳西峰寒影衰峰峻光寒君自回

魚箋明日復傳來木墨作雪祇淺深半覆江天未盡開

誰云紙上幻空碧自是君胸藏山澤山澤可藏亦可逐

心眼胡為冷復赤世路風波莫等閒絕險幾人去復還

君知來處坦且平千山況復破春顏人生急景如風度

待等回頭已遲暮為君一夜索枯吟岳前拈出截流句

不見瞿曇語殃痼我住久矣君不住

用前韻招攀玉孫居士

化鶴仙人歸故家華表空看草色遮千載何勞歎陳迹

過眼還同浪裏華君不見岳前一派煙嵐色散作風雲

散作霞閒情故為立斯須半蒼半黃夕陽衰丈夫作事

莫徘徊寬限避君燕子來桃花水蘸武林春古洞門將

半掩開君之眉澹千山碧君之懷深彭蠡澤問君山花

火欲然血點枝頭為誰赤孤蹤何似白雲閒日上月下

任往還有時卷歸滄海宿有時淺抹青山顏空生岳畔

危梁度猿鳥幾回怨春暮無限游人盡迷蹤況驚足底

險厓句待君來時通一綫別峰相見留君住

通 琇玉林

示退菴童子住敵山

澄江有山孰多僻敵山兩灣蒼翠積澄江有水孰多情

敵山前後敵水平當年一身澹如水夜隨明月過深林

化山擬作摧蓬室扁舟乘興堪深入汝今為我先去住

同十二方外

二

菴旁閒地多栽芋忘世情懷爾我同茅鏹鐵鏹振先風

得人不在門如市猶憶當年面壁翁

懷臺山

松徑三更月茅簷九夏霜萬年冰裏坐憶此立西岡

尋松

不憚怪風吹面裂芒屨三繫上危巒望中千卉凋零半

珍重高標耐歲寒

天目雙清莊

兩峰清拍肩雙谿寒共語中有一徑清昔人此遐舉

弘 璐山鳴

懷人

感子萬年心贈子徑寸璧子有高世懷鄰之同沙磧挽
子不肯住曰余有所適十載無信音一日飛雙鳥饋漿
不肯飲進餐不肯食十扣不一應怪我太迷塞長嘯拂
衣去悵矣絕消息

雜感

獨坐不得語乃行空林中載瞻復載仰冀與此心同芳
芷浴深澗白雲蕩清風髣髴素心人逍遙遂冥鴻顧盼
餘松竹蹤跡奇崆峒春秋莫能算世人何由通咄哉轍
已往此室竟空荷衣宿露草松粉落幽叢空留猿鶴
嘯誰覲山花紅負此泉石情使我心懣懣

贈致兄出山

同十二方外

洞庭匪方壺胡以駐玄旌湖水□□理令我雙眸清把
袂共來入相期謝閒名披握未云久棄捐胡爲生忍先
一雁別負此九秋盟泉石旣索莫溪月空盈盈松風初
以贈俾君衣裳輕

山居

亭亭茆屋裏兀兀萬山頭土竈燒空壁煙蘿挂石樓途
窮人跡杳葉冷鳥聲秋落日隨天盡雲霞起暮鷗

宿烏山

孤鶩飛無處人家棲暮煙風悲三徑草雲冷一湖天片
月乘遙岫寒汀歸夜船何堪羣物盡落落且荒眠

別朱子荅還山

黃葉下東溪秋風吹別離蘇門巖上嘯栗里酒中詩留
以足千古寧須賞一時臨行珍重意泉石永相思

棲賢山居

鷹鷂欲勁風木葉已衰老我來追昔人蒼涼見荒草
大林初託足乃見負樵人去住了不識此山無比隣

望禪人還山

月在嶺頭吾候汝犬鳴松下子歸山不知林外人何似
得似吾山盡日間

通隱石樹

漸江閣

杖錫歸何處江頭舟暫停樓吞千澗白窗逼萬山青巴
笛穿南楚蠻旗閃北庭秋風歲云暮誰復註金經

同十二方外

行岳樓雲

已丑夏子咸道兄見訪金車山中出五言長篇示
余諷咏慷慨不能己已經年未有以答庚寅冬
臥雪雄關寒雲百里一思故人飄然欲往步韻

寄語愧不成詩

攀雲入亂峰杳然故人別瑤辭惠遠谿綢繆念疏拙緒
交邁疇昔吾道凝霜冽盱衡懷古徽行藏謀大節蓮華
照中堂高樹鳴鸚鵡蕭颺開戶牖素書摩蒼碣誰謂皇
輿遷神鼎淪窟穴去去百水湄複嶂紅塵絕負戴會相
訂緇白從所決感君生死誼歲寒神愈潔遵渚詢孤鴻

踏嶠凌九折豁然十里心詎日形骸隔余亦夢故園繞
錫謁同列徘徊明月樓幽扉恆晝闔遐哉碩人臥桂林
多積雪蓄寶澄巨淵豐輝必映徹躬耕非不苦炯炯雙
眸瞥春萸零露早識時呼俊傑榮枯雖殊途研精自一
轍每恨盛年棄兼程媿曩哲知音苟不異事大然眉切
無以慰芳飈願寄竺皇說

休夏四香閣奉酬嵩來道兄見寄

華頂茆屋中天開三年不歸天風催連潮海門卷白雪
吾病不前使心哀遠錫三市問空谷故人結屋山之腹
吾愛松風六月寒不脫麻衣暫寄宿青崖赤壁自開張
髣髴鳴泉落石梁灑掃竹葉洗山骨夜夜飛雲空北堂

同二方外

五

故人扁舟來汗漫譚笑須臾渺河漢故人旋寄錦綺辭
光輝照耀星日爛君本蒼山神仙姿倚馬萬言動京師
樓鞵磨衲在石窟雙闕開雲不可知吾亦拂衣向秋征
剡谿水急浪花平此日相思會相見蒼然積雪對峰晴

華頂積雨作

茆堂空四壁百草正窮冬龍去知爲雨雲來滿屋風山
高凍不解晝短衲衣幪世有知音者曾留東海東

臥病涉園奉答菊旃居士

多病歸湖海名園借舊枝頻煩長者慮更獲道人詩竹
葉通幽徑桐花落上池鹿門今夜雨浙瀝憶前期
高人舊池館結構傍蕭篁紆澗潔頽岸來雲護草堂留

僧還共月好道靜聞香傳說桃源約扁舟與未央

夢遊天台

百尺巖房雨雪香道人閒臥轉蒼涼瀑花寒落歸時路
月上空山舊石梁
華頂松前明月還曾來誰識舊豐干無端寫出寒山路
千丈懸泉日夜看

正書天岳

瑞雲山歌

一峰雲起千峰寒一溪風動千溪瀾住山無厓紀草木
莖莖能換寒暑轂過水青松枝自長出林曉啓天初綠
我思曇公住石城凜然萬仞不可登只今壁立無一物

同二方外

六

鱗鱗石甲蒼螭鳴幾回倒挂青天月照盡瑞山轉突兀
剡竿依舊立當門指冷春疇水無骨

巨靈禪師歸廬山

匡廬之巔不可攀日月虧蔽非人間入谿入谷天色溼
喚雨喚晴鳩不閒中有伊人心志獨鄙水一杯冷霞腹
五月冰花香不開衣冠色色生寒綠愛君之氣摩蒼煙
春風雖老不肯眠蕭然草閣取客膝今古不知誰後先

山行

樹頭煙破僧行獨斧鑿在山鳥啄木曲徑參差天欲垂
芒屨踏冷春歸綠晴峰線線嵐初束過險難扶手先足
杖藜暮色扣重崖影墜寒香松子熟層層積水月上時

不見吾廬見空谷

天台道上

日色已在樹牛羊初度河藥香尋地暖山靜出雲多古
澗石枕水平田風養禾心將林徑遠鶴步踏松波

武林寄別

好風不厭眠雲石古木長留秋在山昨夜杖藜生遠興
村村黃葉寫離顏

野路風寒江樹空歸舟猶在市橋東出門著屐嫌山滑
何處人來細雨中

海源兀菴

留足林兄度夏湖上菴

同十二方外

萬綠合深影飛蓬且暫留火雲燒雨脚暴日煑溪流近
水宜休夏還山須待秋耐煩三兩月解我旅人愁

讀足林兄詩

旅泊丹陽道讀君篋內吟曲中流水遠指上白雲深黃
鶴下晴谷空山聞夜琴攜來何處月寂寂照高林

過茗溪舊隱

昔年舊遊處今日又重過秋水故人少青山兩岸多晚
風花自落新月澗微波還憶移居後誰來叩薜蘿

懷電拂兄

江城一別苦難逢知在煙霞第幾峰採藥每思雙徑月
挂瓢應向五雲松尋君踏亂桃花雨怪我吟殘山寺鐘

望斷春光何處是黃梅將盡又芙蓉

雨後對月寄南菴兄

村口誰家煙火清風微始覺雨初晴天空似水人千里
閑靜如秋月二更遠寺鐘聲雲外動卷簾花影石牀平
去年遙憶春風裏會寫青山寄百城

借椽

野老隨方借數椽結茆那用買山錢但存破笠遮風雨
半日看雲半日眠

路否大嶺

吳江夜泊

扁舟冷月傍蒹葭漁火青楓隔遠沙我已深秋驚木葉
同十二方外

同十二方外

八

誰將短笛怨梅花澄江如練人千里野水無邊天一涯
回首清歌聲漸杳北風高樹雁行斜

再過西湖

簫鼓樓船已寂寥西風楊柳日蕭蕭他鄉病骨渾如鶴
冷秋水深上六橋

本行足林

春日遊婁東王氏園林

幽意如有待茲游頗相宜出郭不百武紆回見藩籬入
門花氣繁墨香走蚪螭好鳥鳴脩條文鱗躍清池深徑
杳無人或為樵子知依水折而南平堤柳垂垂徘徊縱
遠眺叢薄山參差雙峰行雲墮石洞寒風吹我昔山陰

道狂叫山水奇胡乃百畝中儼爲神所移去去識溪口
問津良恐迷

登鹿城玉峰

小郭迴環起一峰松杉遠近鬱蔥蔥看來臺榭知時改
踏去苔莓有徑通村柳綠深春社雨品梅香落夕陽風
杳然石壁天如綫彷彿蒼山第幾重

本 體 遠 菴

秋日旅懷

風葉聯翩下蟬聲斷續鳴已多搖落感况復亂離行訪
舊悲雲散登臺嘯月明故山良久別風雨夢中生

過震澤草堂訪冰兄

同十二 方外

九

秋水蒼霞九月天芙蓉兩岸隱人煙過橋竹色先經眼
入徑黃花欲比肩晚樹寒鴉曉別浦青燈疏雨話窮年
不知何日分雲石長挹清風共數椽

覺 印 玄 章

晚步

寂寞雲山人煙一徑橫草蟲吟月澹谷鳥入林清露
冷梧桐樹風摧芍藥莖悠悠歸路晚何處墮秋聲

登萬仞岡

湖水晚波天蒼茫動欲連風翻黃葉岸泉落白沙邊漁
寂空潭影村殘野樹煙此懷何所似嶺上數聲蟬

望梅

日暖春初動山深臘欲藏幽禽嘯野蔓流水照疏篁雲
合千峰白風過一徑香嶺頭纔幾日漸覺遠冰霜

冬杪入棲賢山居

野水動幽寂村煙帶小橋青松棲欲近白日與偏遙鳥
去林光薄漁歸潭影消吾來依靜處人事若相招

秋深住洞庭作

雨後漫徘徊重雲鎖欲開波迴停岸柳煙動出林隈遠
水鳧還泛空天雁自來冥心忘坐久不覺暮鐘催

贈不器居士

東壁書同臥南窗月共論庭花香暖砌溪水綠盈門陶
令風猶在龐公跡尚存何妨同色界繞膝弄諸孫

同十二 方外

十

秋村

古木城陰接谿流小徑通竹纔經雨翠楓欲候霜紅促
織吟深夜寒蟬泣暮風獨臨清境外身世入秋空

淨 燈 破 閣

小姑山阻風

浪作船頭百尺峰分明水面起雙龍拋鉤欲釣江心月
泊岸猶擣樹裏風擬上姑山嫌險阻且吟石磴喜從容
歸來露滴三更後野店雞鳴古寺鐘

道峰訪山翁不值喜遇不器先生

吟高難得到窮顛危石枯松伴紫煙好鳥嘯雲晴作雪
疏鐘喚雨月當天乍逢詞客情偏逸久別山翁意自憐

洗鉢烹泉容我飽肯將蕭颯爲君傳

寂仁道先

何山廢寺

何山舊寺何年廢荒草離離沒斷碑鐘鼓四天虛下院
金銀雙刹憶曩時林花白日胭脂落木客深宵風雨悲
回首蒼茫車馬道長瞻虛翠倍躊躇

送遠菴之越州

鳥嘯深谷葛初覃風土吳興已罷蠶攜手問君何處去
明州天姥隔江南

海行月潮

擬古

同十二方外

十一

庭樹何森森雙鶴巢中林棲宿同一枝飛鳴同一心涼
颯日暮起驚翔失其羣悲號顧儔匹孤影逐浮雲與子
久別離中懷向誰論隴水東西流湯湯愁殺人思欲乘
高風羽翮不可任

賦得殘菊有餘香

攜杖東籬下霜清九月天數枝香未了昨日態依然摧
折寧從眾孤芳或自全西風漫相妒吹爾入寒煙

普潤礎占

梅花

徑曲梅成市花深不見天疏藤牽瘦影芳草襲寒煙野
鶴常依息高人共往還香風隨處是搖落晚風前

送王居士住竹林菴

獨羨王居士蕭然出俗塵友朋交已懶山水老相親白
日常無事閒雲共此身竹林我舊到路僻有松榛

題如禪師伏虎巖

晨游何所得景物自幽然岸隔坡邊路巖通山外天苔
深遺虎跡藤老似龍懸半壁留蹤在相看結數椽

通蔭雲將

登海天閣同臧錫九韓甫眾

傑閣湧山巔憑欄意悄然松濤奔絕壑雁字度長天落
照低原樹浮雲覆渚煙幾回同勝友長嘯欲忘年

行勅退巖

同十二方外

十三

早舟

乍見溪光白扁舟獨泛行波搖星斗散風送布帆輕曉
月沈千樹寒鴉噪五更有懷離別意多念故人情

題釣亭

一亭空立在江濱高結雲霞曙色新但見魚龍翻白浪
不知誰是把竿人

智源履謙

山居

草鞵筋耳斷嬾散看黃花泉咽溪聲細藤牽屋角斜大
江流日月古洞老煙霞長得無窮趣青山足自誇

一自住山菴孤峰萬慮捐形骸支古木語默任流泉畢

世無知已長年絕往還世途成底事抱膝自怡然

絕句

古德棲遲懶結茆香山居士禮空巢尋常活計鋤邊得
樹下從教學採樵

寂 桂 郁 林

送項幼登還新安

此地同為客歸途又獨征孤帆千里意片紙故鄉情水
關雲光遠天高樹色明還家思舊侶東海日華生

田家

桑田數畝閒池塘每向花開數舉觴菊草添蓑思雨溼
裁雲作笠趁風涼

同十二方外

淨 斯 百 愚

有懷穀山和尚

章江分權處十載愧離居春去難留夢雁回猶見書參
差煙樹杳迢遞水雲疏一榻高懸久何時過我廬

雨中偶成

犢角曉擎泥雨絲密織柳東風來問禪笑破桃花口

枕上吟

浙浙風聲作雨聲淒其枕上夢魂驚疏鐘抱嶺來何寺
老樹嘯鴉第幾更

淨 慧 銳 思

曉發

移舟趁曉月畫樓破浮萍水渺連天白峰高入漢青洗
鷗幾點雪漁火半江星淡抹煙橫處歌聲遠近聽

月梅

夜靜橫窗冷帶香春光漏洩在東牆與來策杖隨相訪
皓魄冰魂侵曉霜

淨 周 淑 安

咏菊

不與羣爭豔幽心自向秋一時生寡合三徑老甘休
骨誰能諒清霜獨與謀比來炎暖夢幾到冷枝頭

章江道中

風高百尺浪千層兩岸青山送一僧極目不知天際遠

同十二方外

盧花深處見漁燈

濟 圓 鑑 堂

臥雲殘榻

殘榻知何自端平見紀年但令存窳古不復滯言筌
矣同塵瘞終然抱石眠山翁重整拂佛火巨長懸

咏佛手柑

莫是西來直指禪兜羅綿示倒和顛殷勤于手隨人接
出相觀音在眼前

九日師子林坐雨

九月九日合登山多雨多風竟掩關不信年年秋色好
山閒猶復是人閒

淨 侶伴我

懷弁山蕃兄

危石當巖秀殘雲尙入溪寒流憑渚合煙鳥望中齊水

澹機尤寂風高路不迷因之愜清曠何日共閒題

弁岳凌雲秀清風出岫香野田閒徑小杏水引杯長玉

鷺隨原集冰魚帶日藏靜言虛白下不欲問玄黃

漁村

身世浮萍浸小天笑看風月落溪邊幾多清夢同明鏡

斷續蘆汀不繫船

行 廣 天水

山居

同二方外

圭

鋤五畝地種一筐粟秋收有成饘粥是足自食其勤不

辭磽确嗟彼世人惟腴與沃

咏史

英雄展大略曲士守近軌漢皇好慢罵所罵豎儒耳及

見商山翁目送心歡喜

古詩

落日下山去餘暉映我門園林有佳色山勢覺愈尊薰

風澹披拂芳馥聞溪菘披襟聊自適意得誰與言

幽蘭不著花略與眾草同眾草沾雨露榮華逐春風涼

颯然至零落難為容幽蘭獨無恙矯矯霜雪中

山居

晚節誰能守黃花獨宴然新芳各自媚寒蕊豈爭先不
受風霜逼常沾雨露偏不知天下士幾箇在籬邊

木 堅 體圓

和白玉蟾弁山道院

煙凝丹嶂鎖玲瓏谿谷幽深隱紫宮地別一天閒日月

轉驚千頃走松風數聲笛韻秋山晚半壁霞明返照中

策夜忽聞玄鶴唳空階清露滴梧桐

登道峰海天閣

浮圖三影礙青天欲到逡巡屐齒穿回首忽驚雲在下

憑欄時見鳥爭先海天幾處收殘照城郭千家起暮煙

極目風塵殊未已何人策杖問林泉

同二方外

圭

行 學 摺拾

奉和不器居士探梅詩

月是孤山月雲非庾嶺雲茫茫千古事脈脈一枝分今

日又明日開君恐落君何能香且已語默不相聞

無端開至落一一學晴雲夢破羅浮遠魂將姑射分何

會春作主未必我非君水部題詩後高吟聞不聞

淨 體 玄素

曹山次百愚兄韻

萬山蒼翠裏應不到塵氛樓閣常通月衣襟半染雲遙

峰疑近立客座喜平分且盡連牀話悠然對晚曛

和不器先生棲賢探梅

明明晴後雪落落水邊雲樹樹珍微向花靜野氛自
然邀獨往不覺坐斜暝望到山空處幽香能見分

雲泉

蘿壁煙霞古晴峰望裏遙竹深留夜月松密響秋濤

靈峰贈子菴法姪

萬峰頂上結茆菴自別龍岡便隱山今日水雲知住處

真移筇竹入深灣

行 鑿 水本

秋日問渡

病骨纔支暑芒屨又逐秋山川牽老興風景遂淹留莫
羨身爲葉須知家是舟前途煙浪軟一望白雲浮

同十二方外

七

春步

暖雪撲春堤繁花與草齊杖藜隨野興多半帶香泥

山居

閒行不覺過峰西倚樹無人聽鳥嘯記得去年藏藥種

春來還向舊花谿

性 月 旅菴

五蓮休夏

本欲歸山去其如道路難非因貪嶽麓不得到江干屋
微留雲憩泉深貯月寒何當此幽隱隨寓且相安

送雙白王居士

正是嚴霜際孤舟擢碧波豈知危難後無奈別離何驪

柳煙應少江梅雪漸多宵鐙寒欲盡清夢夜頻過

夏日村居

連朝驟雨漲溪橋隔岸漁鐙處處饒新月草堂剛夕露
百年能得幾清宵

行 雪 冰心

過證果菴訪雪公

尋師當歲晚殘雪點蒼苔一逕逶迤入千峰次第開鐘
聲黃葉寺泉落白雲堆信宿茆裏情深孤嶼梅

坐雨

入山應有意獨坐若爲情雲臥一峰白溪傳眾壑清難
看今日雨焉得舊時晴野鳥如相得穿煙猶亂鳴

同十二方外

六

懷遠菴入山

春入千峰色赤城理舊游何繇君得去翻使我淹留細
雨青鐙夜微風古渡頭不堪回首處幾度獨登樓

海 蓮 古斤

海天閣

高閣沈空翠平欄小遠山湖光天一色茗水月千灣寺
古蒼煙台崖深落日閒孤城吹夜角宿鳥自知還

僧 慕 瞿菴

山中訪友

肥綠暗長林清泉瘦白石注眼奇峰前廓然不可極山
靈擁異人白雲封其壁曲徑遙相望而見故人室竹裏

叩柴荆藤下逢棋客主人知我飢松火炊青麥新筍帶
煙鋤早茗乘露摘言笑清風生泊然願同適

孤雲

隱崖情未僻合世性偏孤有影儔黃鶴無心趁白鳧因
風出廬嶽隨意泛蓬壺一片秋空裏清陰落五湖

宗維汝水

種豆

卜築清谿涓生計將何爲白豆葉云綠聊以經營之風
微夏氣涼日暮鳥聲遲荷鋤擇佳土分植宜其時雨露
未成恩据拮復何辭昔人采薇蕨我懷良在茲

賦得清夜道心真

陶一二方外

兀坐山窗下寒蛩靜處吟明河橫碧漢涼月照青林不
識無生理安知此夜心微風吹木末萬籟吐清音

成學呈希

田家

春聲驚午睡鳥語不停聞翠笠堆飛絮青鎌割細芹水
清吞淺岸天碧縱浮雲一嘯還家後波光月色分

達乘浪符

懷茆塢禪師

青山埋倦足白業課晨鐘補衲裁煙碧移花避燒紅雲
歸庭鶴重泉落石苔空短杖松陰裏何時下別峰

律珙石眼

過梅菴訪鐵吼兄

風暖長溪浪飛蓬訪野梅千山排遠近一水自潌洄隱
隱村前火蒼蒼磯上苔殘陽挂煙柳欲挽客舟回

天目雪霽

扶藤極目萬山巔雪滿松杉初霽天日上懸崖添瀑布
風生高樹散孤煙樵開舊徑沿溪入鹿出深阿傍竹眠
清磬不知何處發白雲一片別峰前

送閒鶴先生

門外雨初歇春風送客行最憐枝上鳥求友試新聲
智水尋源

同友入徑山

陶一二方外

相期遊石瀨花柳入芳春雨歇泉聲急煙橫山色新深
松巢鶴穩遠寺聽鐘沈有徑通天日扶藜欲問津

同懸渡先生登吳山看潮

楓落江南望山鳴潮信生驚濤移海岸雪浪動江城風
卷黃花戍軍回細柳營不知胥子意怒氣幾時平

苔山晚歸

輕舟沿泛渡苔山岸柳煙迷第幾灣漫道歸來敲月下
夢魂猶在五松間

德心令昭

訪閒鶴先生遇雨

薄暮欲何往橋東處士家煙深溪柳合雨歇岸蘆斜斗

酒應不惜寸心寧有涯今宵天上月不照白蘋花

早發

村籬夜光收微風送遠舟月隨橋影去星逐浪花浮

金溪雜咏

輕舟已過寺東橋疏竹森森影自遙簾外一鳩清午夢

梁閒雙燕話春巢

登橋有懷

林閒負手歷雙虹極目郊原桑柘空海上成連應返櫂

吹愁不去怨東風

德輿令名

賦得月下五湖人

同十二方外

江上孤舟夜月明蘋蓼風迴塘尋野店遠寺發疏鐘漁

火寒潭裏鄉關客夢中天涯搖落處况復聽霜鴻

客夜

旅舍霜威逼淒聲認曉臺聽風過樹去放月入簾來野

思家山隔殘更遠夢回林深雜唱杳鐘鼓上方催

掃金墩

煙柳堤邊四水迴里人猶說掃金堆到今市上空如洗

卻為曾經一掃來

超坤野谷

度生菴坐雨

積雨晝氳氣空庭漾水紋人閒懷夕照城上進溪雲枝

載鳥難起林留煙不分誰能春夢裏點點不相聞

顯慧杯渡

漁舟

渺渺水雲際煙波無定蹤放歌溪色裏酣睡鳥聲中早

晚寒江月往來秋寺鐘所經無別計一醉綠楊風

真常雪柯

晚興

出門遇故友攜手坐苔磯閒看松花落夕陽隱翠微

德器慎先

晚渡苕溪

初月橫江上乘風出暮城尋幽沿水入攬勝傍雲行眾

同十二方外

高投林急孤猿隔隴鳴到家誰共語坐對夜窗明

等觀子淳

金溪雜咏

山山惟一色黃葉滿秋原薄暮孤舟客憑虛共鳥言

明起默庵

無寐

夜闌靜無寐寢坐成微吟曠然思遠跡開卷資追尋虛

往秉幽素因見古人心孤燈發榮華窈窕光重襟情至

易為感池塘春水深老人羨年少行游惜屢陰所願淺

綿逸攜手上高岑

吳山歌一名鳳皇山

登吳山吳山高且長，獨挺奇秀臨錢塘。海門鬱沸何蒼茫，不知千里萬里外。天池浸瀉日月光，潮氣欲壓恣奔薄。得此山勢當其陽，近山居民立城市。東南都會包羣荒，參差宮殿百靈集。碎屺盤嶮還平口，左江右湖擅奇勝。美人欲下紛飄颺，盈盈芳澤竟何似。咫尺分明碧玉璫，羣峰婉孌列屏障。三茆廢館委銀牀，景純葛翁先後至。藻景丹華次第償，文牆忽界蒼巒出。煙火時雜雲霞裝，其中石室孕奇玉。作鎮滄海開明堂，鳳凰飛來山勢翔。我欲跨此凌扶桑。

送倪鴻寶先生入都詔進少司馬學士

聖朝方側席，兵事重兼文。司馬平邦國，非熊獵渭汾。韜

同二方外

三

鈴今用老朋，黨夙離羣。閭闔尊嚴地，毋忘宵旰勤。

海濟幻楫

夏日酬友人見寄

林下數椽屋，前溪生晚煙。亂山青入目，修竹綠齊肩。風午雲梳樹，夜深月照泉。閒心聊自適，誰與話斯年。

智教一句

古桂巖

根盤石窟臥雲深，巖下扶疏出眾林。風宕秋容香不已，阿誰遙見晦堂心。

跋

同岑集十二卷為潘天行李不器諸人所輯而李霜回序其首霜回厄於史案此書亦在禁例我家舊有其書藏之百餘年後亦遺佚洪楊劫後子於無意中得之什襲珍藏五十餘載異代之後禁網漸紓粟舟侄因得借觀其友朱君毅生見而好之適南林劉氏有叢書之刻介紹顏君冠三願借原書校對俊以原刻為人閒孤本未敢輕許而劉君翰怡表章鄉先哲遺著不遺餘力許允影抄一部以應所求寒暑未輟半載而成間有缺字可補者補之借劉君之力是書重行於世誠快事也因記其緣起如此我家宏遠堂基為是山園舊址旁有郭

同岑集跋

璞井園即景純故宅也有稗川燒丹處嘗鎮蛟於此留小池以通蜃氣時人呼之為烏盆潭其故址猶存後之留心掌故者因其跡溯其源未始非此書之一助云爾戊午歲窳舍老人姚賢俊跋於臨茗小築時年七十有六

同岑集十二卷歸安李令哲與同郡長興李夏器諸人所編輯令哲旋以莊廷鑑史禍染連得是書亦在禁網中原版無存姚氏宏遠堂有藏本中更咸豐庚申之亂失而復得又秘藏五十餘年不輕示人余從顏君冠三輒轉借鈔得之蓋三百年來僅存之幸草也當日懼禍自不敢傳布今覆核之並無違礙字樣自應不在禁例中卷中錄吾郡詩人益以寓賢方外自明季及國初凡三百數十人多勝國遺老而興朝賢傑亦並甄採如歸安嚴我斯德清徐倬皆由翰林歷階卿貳敘例所謂但使韻諧金石何嫌跡判雲泥可見當時風雅氣誼雖集苑集格所遇不同然隨感而發各寫所欲言此異若

跋

同岑集跋

同岑書名所由昉乎惟銓次不依先後由其時徵訪所得隨到隨刊未及排比重以卷中諸人有罹禍者僅存初編遂無續刻耳 國家右文康乾兩朝連舉大科浙人預選者吾郡稱盛要由前輩流風所漸觀此藉可考見文字師授淵源然時經兵燹又值史禍多有寓詞隱約不敢顯言者第三卷陳忱感賦有句云今世斷難容季布當時原不重揚雄驚弓之鳥可知其懷抱矣今是書久晦復顯不可謂非前哲之靈所呵護假手後來者以存之也壬戌閏五月朔吳興劉承幹跋

角上高

僧詩

四明張氏釣園開雕

序

余集甬上耆舊詩成復錄古今高僧詩二卷凡二十一人列其後客有問余曰先生所錄耆舊詩上下二千年賢士大夫及布衣隱者人風可師若彼釋門諸公彼既游于方以外矣乃亦臚于先賢奉為模楷不已過乎余曰不然彼諸公雖方以外人也然余嘗考其風格溯其學術彼諸公固非方以外人也請以余所錄言之其風格若育王大慧禪師為人好善疾邪之志與生俱生敢抗言賊檜之非毀衣焚牒身竄天南彼心固與張魏國

甬上高僧詩序

一四明叢書
約園刊本

張橫浦諸公若一也海會中峯和尚自至元以後志存避世水居屢居一舟一笠彼心固與謝晞髮鄭思肖諸先生遙相合也延慶南洲法師為建文皇帝設藥師鐙詛北師及金川兵入公夜為上薙髮得遜國彼心固與方正學王潤伯諸公不異也其學術若延慶夢堂尊者詞家推為宿老傳其文法並稱名士蓋少學文于胡長孺先生者也湖南夢觀法師少通春秋諸史命世之才其後乃隱于釋氏蓋嘗從楊鐵崖先生于山中也延慶蒲菴禪師早擅文名人目為春雲起空秋月映水蓋嘗

親炙于虞文靖歐陽文公之門也是以大慧禪師有曰

余雖學佛者然愛君憂國之心與忠義士大夫等斯其風格何如耶鐵崖先生敘夢觀法師有曰能以宗乘與吾聖典合為一載諸行事以俟昭代太平斯其學術何如耶正使諸公猶在余方將灑掃相迎蒲蘭作供與之通彼此之懷盡獻酬之妙解帶披襟不煩騎驛康樂所云愾恨不早謝傳以當千載一日應亦同之今雖淵匠既傾緒言未墜若竟置諸品外任其別傳徒企支公之虛懷不見東林之栖影將使交讓之瀆割若鴻溝同岑之苔別為異草其可乎其可乎然則如集中諸公余雖臚諸先賢奉為模楷固未過也答曰善請次其語于卷首甬上森森亭居士李鄴嗣題

甬上高僧詩序

一四明叢書
約園刊本

序

吾鄉方外詩凡數盛自大梅法常祖師移茅入山口吟
絕句亮闕黎咏宅山堰稱四明一絕至中峯老人屢居
舟居並傳高唱此吾鄉方外詩之始盛也其後南湖夢
堂尊者舟中蕉韻名重一時南州夢觀蒲菴諸公俱辭
家宿老望傾朝野因有甬上十高僧之目此方外詩之
極盛也及湖南朗初上人從楊伯翼先生受詩遂於門
中轉授一朗三支俱經品目此方外詩之次盛也以至
里中雪嶠老人天才橫逸高步諸方密老祖構天童海

詩志僧詩序

一四明叢書
約園刊本

內麟鳳盡集其門此方外詩之季盛也余幸從臬堂先
生得追溯人風見其本末因其相詮次錄存其詩以見
大略使諸公領袖釋門誠不媿矣至于今日嘯堂老人
主席天童寒泉子自若耶數往來甬上遠菴和尚退居
十二峯悟留法師小築秋水歡老諸大弟子慰弘于石
輩盡後來絕秀俱得從臬堂先生游共相酬唱先生方
錄諸公詩合爲一集使後人有續是編者當復以今日
高僧詩爲一盛矣康熙戊午中秋日鹿亭居士胡德邁

題

序

昔李杲堂選甬上耆舊詩有其人而後有其詩詩固以人重矣其選高僧詩何莫不然甬上高僧古今可錄者豈僅二十一人哉詩以言志惟此二十一人之志與杲堂合梁公狄所謂逢其知音千載其一者蓋雖方外吾不能外之否則非方外吾亦將外之矣吾何以知之吾於杲堂引大慧禪師之言而知之大慧曰予雖學佛者然愛君憂國之心與忠義士大夫等杲堂生際鼎革目斷蒼旻聲沈碧蘚傷心於冥感之無路者久矣彼釋門

甬上高僧詩序

一四明叢書
約園刊本

諸公有與張魏公張橫浦謝晦髮鄭思肖方正學王潤伯輩遙相合者固宜尊之敬之而詞家推為宿老文法並稱名士春雲起空秋月映水其亦足多也矣昔姚石甫序黃香石詩曰人之一身有天地民物之事至沒世而獨稱其文章末矣乃又徒稱其詩抑又末然李杜白陸竟以詩人震耀今古吾謂此二十一人者方外之李杜白陸也余喜吟中峯詩有句云香巖不作靈雲死徒有是非喧兩耳又云掃除自己閒枝葉不打諸方爛葛藤帆飽固知風有力柁寬方覺水無情皆見道之作雖

然靈雲不死是非必辨葛藤不打枝葉猶存欲收吾帆而風愈緊雖寬吾柁水終無情質諸中峯其將百不知耶其何以就手揭開耶老宿清無侶紅葉滿霜天搔首躊躇豈所謂寒月明如此浮雲掩不妨耶重刻甬上高僧詩二卷既竣因書所懷如此民國二十六年十月張壽鏞序

甬上高僧詩序

二四明叢書
約園刊本

甬上高僧詩目錄

卷上

唐二人

法常一首

元亮一首

宋二人

宗杲一首

正覺一首

元一人

明本二十二首

明初一高僧詩

甬上高僧詩目錄

曇噩三首

守仁四十首

來復二十九首

溥洽八首

子榘一首

清濬一首

無愠三首

大回五首

正宗一首

大振一首

共一百十八首

卷下

一期三支詩

傳慧十首

弘灝七首

佛引七首

圓復十首

宗門二老詩

圓悟三首

圓信七十六首

共一百十二首

甬上高僧詩目錄

四明叢書
約園刊本

甬上高僧詩卷上

李鄴嗣臬堂選評
鄞縣
胡德邁卓人較訂

大梅祖師常公 一首

亮闍黎 一首

大慧臬禪師 一首

宏智老人覺公 一首

中峰和尚本公 二十二首

余錄高僧詩二十一人凡俗家于此及曾倡教此

甬上高僧詩 卷上 一四明叢書 約園刊本

方俱得列焉于唐得二人宋二人元一人

大梅祖師

法常襄陽人姓鄭氏貞元中于大梅山深處結茅

為菴居其中有僧自鹽官來入山采拄杖迷失道

至菴問曰和上在此山多少時公曰惟見四山青

復黃又問出山路何處曰隨流去僧歸告鹽官復

使招之公答以偈曰摧殘古木倚寒林幾度逢春

不變心樵客遇之猶不顧鄞人那得苦追尋初公

常參馬祖問如何是佛祖云卽心是佛公遂豁然

後馬祖聞公道風使一僧往言馬祖近日佛法又

別道非心非佛公曰此老惑亂人不了任渠非心

非佛我但卽心卽佛僧歸白祖笑曰梅子熟也其

後從者日眾至千人遂名為護聖寺公常云一日

不作一日不食日中惟兩啖白塏餅子不同眾餐

山間苦無水已有一虎跑泉涌出及公涅槃後全

身葬于寺左虎復銜石卵砌之塔成虎卽伏死于

前寺僧葬虎塔側曰虎侍者

山居

甬上高僧詩 卷上 一四明叢書 約園刊本

一池荷葉衣無盡幾樹松花食有餘剛被世人知住處

又移茅屋入深居

亮闍黎

元亮太和中人時鄞為鄞縣令王元暉起宅山堰

主水啟閉民德之亮公為題一詩宋志載吾郡四

景四絕句以公題宅山堰為第一所云景絕而詩

亦絕者也公又作長歌一首以記其事附錄于此

歌曰宅山堰堰在四明之鄞縣一條水出四明山

晝夜長流如白練連接大江通海水鹹潮直到深

潭裏淡水雖多無計停半邑人民田種費太和年
中有王令清儉爲官立民政昨因祈禱入山行識
得水源知利病植舟直到溪巖畔極目江山波瀾
漫略呼父老問來由便設機謀造其堰壘石橫鋪
兩山蒼截斷寒流積溪水灌漑民田萬頃餘此謂
齊天功不毀民間日用自不知年年豐稔因阿誰
山邊卻立它山廟不爲長官興一祠本是長官治
此水卻將飲食祭聞鬼時人若解感此恩年年祭
拜王元暉

甯上高僧詩 卷上

三四明叢書
約園刊本

它山堰

截斷寒流壘石磯海潮從此作回期行人自老青山路
濶急水聲無絕時

大慧杲禪師

宗杲別號妙喜年十三就鄉校不旬而棄之遂出
家徧參一時耆宿俱雅相推重然公所至復棄之
後見湛堂準公機辯從衡準漠然不諾公始伏膺
未幾準疾革公惶啟曰某向後當見何人準曰有
一勤巴子當了汝事準沒適蜀人勤禪師來主天

寧席公喜曰此天賜我也其禪若不異諸方漫相

許可我則造無禪論去也已而入勤公之室踰暮

年甫得契宗旨隨聲酬答勢如涌泉勤舉以首眾

無不嗟服一時名薦紳爭相從游及勤還蜀公始

居雲門數遷主徑山公向與魏國張公德遠橫浦

張公子韶交甚驩時賊槍方力持和議公與一二

忠義士大夫共憤激時事持論忼慨賊黨詹大方

論之曰鼓唱浮言謗訕朝政張九成爲之首徑山

僧宗杲和之公遂坐毀衣焚牒竄于衡陽十五年

甯上高僧詩 卷上

四四明叢書
約園刊本

始得還來主育王築塗田數百頃以繼眾食賜其

莊名般若晚年還居徑山孝宗賜號大慧禪師一

夕忽大星貫地光四散鳥獸俱驚遂告寂于明月

堂侍僧請留偈公厲聲曰無偈便死不得也卽大

書四句擲筆而往魏公爲銘其塔

寄無垢居士

上苑玉池方解凍人間楊柳又垂春山堂盡日焚香坐

長憶毗邪多口人

宏智老人

正覺隰州李氏子少警悟絕人七歲日誦數千言
十一出家十八游方三十四出世徧參諸方得法
于鄧州丹霞山德淳禪師初師常用宴坐入道至
是淳公示以空劫前事已遂廓然大悟自後誨人
惟明空劫前事常晝夜不眠與眾危坐三輪俱寂
六用不痕宗通說通故其持身也嚴其倡道也文
首住泗州普照歷遷舒州太平江州圓通能仁眞
州長蘆其後始來住天童師嘗過舒斬徧禮祖塔
夢至一山寺長松夾道有句記之曰松徑深深窈

南二高僧詩 卷上

五十四明叢書

約園刊本

窈門到時微月正黃昏及至天童宛如昔夢故有
終焉之志因經營祖構卽三門爲大閣廣十三楹
安奉千佛又建廬舍那閣旁設五十三善知識鏡
鑒相耀他殿宇塔廊並極金碧亭臺樓榭丹青炳
鬱及僧堂眾寮臥具飲食器亦皆精緻華好闢田
一萬三千跨州越邑山澤不計梵苑豐衍甲于東
南使學者無一不滿得志辨道至師所自奉一
瓶一盞丈室蕭然前後住天童凡三十年紹興丁
丑末秋師扁舟由四明至越徧造所交諸公若與

敘別初冬還山司客飯笑語如平時次日作遺書
與大慧杲公復作四句示眾曰夢幻空花六十七
年白鳥煙沒秋水連天卽捉筆而逝初杲公來住
育王與天童峰嵐相接二老各傳一宗而相得歡
甚公嘗戲言脫先去當主我後事及遺書有曰鈍
鳥先飛易靈龜脫殼難杲公發書卽來或議茶毗
使眾瞻舍利侍者言師每雜髮有墮火中者輒成
舍利人皆爭取之豈須今日始見耶因奉全身葬
山之東谷

南二高僧詩 卷上

六十四明叢書

約園刊本

余嘗愛南朝方外所作幽削奇窅不文不句非一
時文士所能及自唐以後其響不傳近讀天童宏
智老人所撰僧堂記其思途筆陌宛然東晉人爲
循覽不輟手至記後磨淬學問數語及極言劣學
之弊最爲擊厲足以發人因特節錄于此
僧堂記略曰建炎之末尊宿叢林沒蕪八九毳衣
迸益投栖于東南四明禪席素號小廬山郡東六
十里天童道場山紆盤而氣幽松偃蹇而皮皺蒼
壁附蘿煙晞而翠膩孤虹枕礪埃濁而清揚余住

山之四年十方來學雲趨水赴屋不能容已而匠
投于林斧鳴于谷一年餘礎布楹列梁橫桷攢琴
撩翼張葦瓦鱗覆肉牖牀榻深明嚴潔萬指食息
超遙容與開盜而食洗足而坐耕牧其間秋涵古
井春入化機水盈科而流石隨呼而響理契平等
智應自然動靜威儀針砭相益檢責滲漏磨瑩癢
痕淬礪光芒錯礪圭角高標遠到追武古人劣學
以機械爲溪放蕩爲徑耕于空言餒無所獲戰于
強辯勝無所歸見聞流習莫解汨心其疵瘡萌孽

甯上高僧詩卷上

七四明叢書

約園刊本

殆不可縱也登崑崙之巨決江河之水濯肝膽之
汗盪心目之翳生滅跡亡而妙存有無轍泯而過
量大夜之夢破禾刼之疑拔相從儔侶殆庶幾焉
治塗田詩

碁局未散芭蕉仙樵夫柯爛海成田長隄抗潮人得路
澹水沒脛牛加鞭天雲晚晴深似綺禾稻日茂濃如煙
白米輒吹供眾飽心空佛選石頭禪

中峰和上

明本錢唐人俗姓朱生有至性十五學佛經因則

以首觸柱自警時高峰禪師道行卓絕心天目之
師子巖書石作次關凡十七年不出關一步參學
之士率望崖而返惟公往參一見輒驩然爲雜髮
公日作夜坐脅膚不沾席逾十年遂契妙旨時高
峰座下二人一斷崖義公一卽公或問二弟子優
劣高峰曰義首座固是根老竹其如七曲八曲惟
本維那卻是竿上林新篁他日未易量也竟手書
眞讚得承記前海內翕然宗之公爲人風儀魁岸
然其操行清苦喜退藏逃名風格高邁過絕人高

甯上高僧詩卷上

八四明叢書

約園刊本

峰將遷化以大覺叢林屬公公讓第一座祖雍居
之已而名日盛道俗瞻禮宰相大臣以五山主席
交聘公俱力辭因日避走南北間朝廷聞其名深
相延慕特賜金紋伽梨衣進號國師欲一召見闕
庭公終不至惟再封香下詔卽所居修敬而已高
麗藩王以天屬懿親萬里函香面求咨訣南詔素
開教觀有僧玄鑑特從其國中東來問法言下旣
悟遂畫公像以歸奉爲南詔禪宗第一祖諸四方
學者發自龍漠樽桑以外無不裹糧遠從所至填

盜公各爲悲願誘掖聞其開示輒涕淚感發公既
屢辭名山屏跡自放時住一船或僦居城隅土屋
若入山脫笠卽結束茅而栖俱名曰幻住嘗行腳
見井汲道遠遂斷類浴人見其當暑豐肌腠腐爲
製一細葛內衣公受之終不服聞說人過失每不
答凡傳記語涉攻訐卽掩卷不觀僧有臥疾者爲
調五藥且策其因病進道告省親者與治裝勉以
孝養凡公道行俱足模楷宗門及年逾六十有辭
世意每見禪者作務輒曰汝種蔬欲爲誰作齋耶

南上高僧詩 卷上

九四明叢書
約園刊本

負春欲爲誰作炊耶一日偶感微疾因笑言幻住
菴上漏旁穿籬圯壁倒不可久住也後數日手書
遺別諸故舊安坐而逝是春山中涸凍大木俱摧
折逝之日白虹貫于山顛所著書行世

中峰住吾鄉海會寺甚久當在其避地南北時今
寺中猶藏趙文敏畫公像一幅又嘗題一絕句留
天童寺余入山讀之驚喜因選錄其詩一卷與夢
觀蒲菴雪嶠爲甬上名僧四大家先輩萬鹿園先
生亦選寒山拾得中峰石屋四家詩爲山中集

田歌 留天童寺作

邨南邨北春水鳴邨邨布穀催春耕手捧飯盂向天祝
明日插秧還我晴

扣皖山隱者

野人原上十五里寒崖白日啼山鬼萬峰重疊路回旋
半開箬屋青松底老僧荷鍤入煙霞滿林搖落朱藤花
燒田種寒粟斲地栽胡麻雲根撥筍澗底尋茶糞火深
埋芋魁種砂餅爛煮黃菁芽人謂隱者閑不足何故山
翁事驅逐山翁笑指溪上桃庭前竹春風幾度更新綠
香巖不作靈雲灰徒有是非喧兩耳爭似儂家百不知
從教少室分皮髓

南上高僧詩 卷上

十四明叢書
約園刊本

閱林間錄有感

林間編此錄深夜剔殘燈慧命微如縷人心冷似冰祖
庭空積雪古路不逢僧追跋前賢轍思歸一念增

雁宕除夜

茅屋三間冷似冰灰頭土面十餘僧掃除自己閒枝葉
不打諸方爛葛藤就手揭開新曆日和光吹滅舊年鐙
頂門別具摩醯眼越灰超生似不曾

贈警壽藏

斷斷雲根闢古基粉牆低護石樓危既知身後有終日
肯信目前無了時夜雨一窗蠶課繭春風千里燕銜泥
到頭共熟黃粱夢哭送斜陽欲恨誰

船居

世情何事日羈縻做个船居任所之非是畸孤人共棄
都緣踈拙分相宜漏蓬不礙當空挂短棹何妨近岸移
佛法也知無用處任教日炙與風吹

水光沈碧駕船時疑是登天不用梯魚影暗隨蓬影動

南上高僧詩卷上

十二四明叢書
約園刊本

雁聲遙與櫓聲齊幾回待月停梅下或只和煙繫柳西
萬里任教湖海闊放行收住不曾迷

人在船中船在水水無不在放船行藕塘狹處拋篙直

荻岸深時打棹橫千里溪山隨指顧一川風月任蓬迎

普通年外乘蘆者未必曾知有此情

一餅一盞萬輕舟溪北溪南自去留幾逐斷雲藏野壑

且因明月過滄洲世波汨汨難同轍人海滔滔孰共流

日莫水天真一色任教移泊古灘頭

散宅淨家絕所營閒將秋色感論評煙篴帶雨和船重

雲衲衝寒似紙輕帆飽固知風有力柁寬方覺水無情
頭陀不慣操舟術幾失生來兩眼睛

山居

胷中何愛復何憎自愧人前百不能旋拾斷雲脩破衲
高扳危磴閣枯藤千峰常繞半間屋萬境空閒一个僧
除此現成公案外且無佛法繼傳鐙

三尺茅檐聳翠岑去城七十里嶽嶽誰同趣入忘賓主
我自住來空古今雪澗有聲泉眼活雨厓無路蘚痕深
爲言海上參尋者菴主癡頑莫訪尋

南上高僧詩卷上

十二四明叢書
約園刊本

數朵奇峰列畫屏參差泉石暢幽情青茅旋豎尖頭屋
黃葉頻煨折腳鐺雲合暮山千種態鳥啼春樹百番聲
世間世出閒消息不用安排總現成

一住空山便廝當兩忘喧寂與閒忙但聞白日銷金骨

不見青苔爛石牀印破虛空千嶺月洗清天地一林霜

客來不用頻饒舌此事明明絕覆藏

水居

道人孤寂任栖遲跡寄湖邨白水西四壁煙昏茅屋窄
一天霜重板橋低驚濤泊岸明生滅止水涵空示悟迷

萬象平沈心自照波光常與月痕齊

水邊活計最天然物外相忘事便門柳每招黃蝶舞

岸莎常襯白鷗眠雨傾荷葉香浮屋風捲蘆花雪滿船

不動舌根談實相客來何必豎空拳

年晚那能與世期水雲深處分相宜菱蒲繞屋供晨爨

菱藕堆盤代午炊老岸欲頽添野葑廢塘將種補新泥

無心道者何多事也要閒消十二時

水國菴居最寂寥世途何事苦相招去邨十里無行路

隔岸三家有斷橋數點鴉聲迎暮雨一行魚影漲春潮

雨二高僧詩卷上

十三四明叢書
約園刊本

陳年佛法從教爛豈是頭陀懶折腰

塵居

足跡無端徧海涯現成山水不堪誇市廛既可藏茲錫

城郭何須著我家四壁虛明連棟月數株紅白過牆花

見聞不假存方便只此隨緣遣歲華

次韻潘王題真際亭

高亭結構標真際亭共雲林一樣閒山勢倚天忘突兀

水聲投澗自潺湲伽陀迴出言詞外海印高懸宇宙間

佇看凭欄人獨醒又添公案入禪關

客中聞訃

訃音遺我客牀頭話到輪回鬼亦愁肉眼未空今古夢

滿天霜月曬枯骸

偶成

檐頭密布蜘蛛網砌下高堆曲蟻泥達磨眼睛渾不顧

尋常讀作一聯詩

中峰四居詩俱其避地時作余錄之殊未盡如水

居曰野塘水合魚叢密遠浦風高雁陣斜曰儘有

池塘堪著月且無田地可輸官船居曰隨情繫纜

雨二高僧詩卷上

十四四明叢書
約園刊本

招明月取性推篷看遠山曰主張風月蓬三葉彈

厭江湖櫓一尋山居詩偷果黃猿搖綠樹銜花白

鹿臥青莎曰白髮不因栽後出青山何用買方歸

並是妙句今人但見其梅花百咏遂使老學究不

識文義沙門亦爭和之可發一笑然其中亦有佳

句如曰古岸堆香多是雪寒巖欺影四無人曰數

枝冲澹晚唐句一種孤高東晉人曰竹影杯浮苔

砌月豆荳灰煖紙函塵曰荒溪獨炤山初靜寒影

相持雪亦塵又非人所易和也

夢堂尊者靈公 三首

夢觀法師仁公 四十首

蒲菴禪師復公 三十六首

南洲法師洽公 八首

用堂禪師棟公 一首

天淵禪師濬公 一首

空堂禪師慍公 三首

竺菴法師罔公 五首

育王宗公 一首

南上高僧詩 卷上

延慶振公 一首

五 四明叢書 約園刊本

自夢堂尊者以下十人發自吾鄉後膺內召其道風文藝並重一時稱為甬上十高僧余謂行如南洲文如夢觀蒲菴誠卓絕古今矣

夢堂尊者

曇噩字無夢亦字夢堂吾鄉之慈溪人族姓王出家于鄞之寶慶寺初事雪庭祥公通教相復篤志禪觀參元叟端公于靈隱問答元叟欣然頷之命掌書記既出世常主浙東三名山洪武初年召至

京奏對上憫其年耄放還踰四年而終世壽八十有九公少學文于胡長孺為袁桷張翥輩所推服久稱詞家夙老同縣烏斯道少從公授文法遂以名家宋文憲公敘斯道文為曾經噩公指授其淵源若此洪武初越中詩人劉孟熙唐處教數輩泛舟游集曹娥祠一老僧敝衣坐舟尾諸人方分韻賦詩殊不之問此僧忽作禮云有利韻乞施一字諸人相顧以蕉字與之即應聲作七言律詩諸人大驚曰公得非夢老耶遂延入社人至今頌之

南上高僧詩 卷上

山陰舟中

六 四明叢書 約園刊本

平湖飯罷促高梢撐出五雲門外橋離越王城一百里到曹娥渡十分潮白翻晴雪浪花舞綠弄晚風蒲葉搖西北陰沈天欲雨臥聽蓬韻學芭蕉

金山寺

崢嶸兩岸市廛開愛靜人尋此處來水底有天行日月山中無地著塵埃塔擎鐙影明雲杪船載鐘聲出浪堆自信平生有仙骨好風吹上妙高臺

華頂

華頂高哉不易登溪流曲曲樹層層嵯峨陡起地如縮
廓落難扳天欲崩山翠溼衣晴亦雨井花寒齒夏猶冰
老僧住久生涯在一个蒲團七尺藤

夢觀法師

守仁亦名大圭字一初富陽人出家于鄞延慶寺
後住持靈隱洪武中徵授右講經甚見尊禮三考
遷右善世母歿奉旨奔喪賜錫殮歿洪武末年主
天禧示寂于寺公少負才氣逸宕未出家時與里
人古春蘭公居山中同游于楊鐵厓先生之門其

南上高僧詩卷上

十七四明叢書
約園刊本

後俱爲沙門鐵厓有送蘭仁二上人序曰余在富
陽時得山中二生曰蘭曰仁皆用世之才授以春
秋經史學兵興隱于釋氏又曰二子齒甚稚志甚
宿學甚武能以宗乘與吾聖典合爲一載諸行事
以俟昭代之太平南洲洽公有贊夢觀法師遺像
曰右街三世左街陸跨朗籠基只一僧徧界光明
藏不得又分京浙百千鏡其推重若此夢觀集六
卷卽古春所編定
待月軒爲式藏主作

月出青松林炤我松下戶牀前光未滿裴回更延佇蓮
葉下初更綠煙散前浦浩歌步中庭衣露溼如雨

秋夕

夕雲斂中天月出萬象正九堊聲景消平湖湛寒鏡驚
風著露草栖螢光不定嘗新感時物金氣颯已應扶羸
捲前幔銷肌怯虛靜憂來復就枕蕭條發孤咏

題風雪歸莊圖

北風號枯林寒雲沒西嶺歸翁雪滿笠欲渡愁日暝孤
舟斷磯下驚浪無時靜遂令世人感此畫中景

南上高僧詩卷上

十七四明叢書
約園刊本

怪鶴

怪鶴何翩翩頗與鶴同類秦人羅致之憐愛無不至固
無警露姿實有乘軒貴羽毛已鮮潔習性亦驕恣秦人
既鶴呼鶴亦鶴自謂適逢浮丘伯借之乘謁帝長鳴玉
陛前帝怪鶴音異勅令擊殺之下充膳夫饋浮丘報秦
人秦人方自愧爲戒畜禽家豁目辨真僞

送祿天然往東山

白門柳色青垂煙春風曉送龍江船四明南望二千里
十日卸帆鄞水邊丞相祠堂在何處花發東山今幾度

謝傳高風尙可攀振錫玲玲入山去金峩峰前啟禪室
巨鼇夜戴三山出晨鐘吼徹寶溪霜粥魚催上滄溟日
此行何以報君恩天花吹雨來繽紛登臨稽首望金闕
晴空藹藹江東雲

題任少監百馬圖

敦煌水涸龍駒伏未央殿前秋草綠驢馳負石玉門關
舊苑空餘三十六憶昔高皇馬百匹駒駝府前無監牧
只留太僕掌天閑不許田鴛食民穀古來貴良不貴多
須信儉餘奢不足任監手畫百驢驪五色如雲散平陸

雨上南僧詩卷上

十九四明叢書
約園刊本

八月風高水草甘飲齧舒閒肆馳逐雖駑驘黃莫復辨
水葉風花亂人目任公生遭太平世結思驅毫逞神速
四海無虞百將閒無乃圖形華山麓吾聞善相東門京
坐閱羣龍眼如燭帛家口齒謝家鬢皎皎那容在空谷
爭如下乘得休安骨相雖凡好毛肉杏花煙外柳陰中
幹絡無加飽芻粟烏乎此物世已稀徒有千金未輕鬻
老矣支郎俊氣銷撫卷空歌天馬曲

題溫日觀葡萄次韻

龍局失鑰十二重驪珠迸落鮫人宮鎖刀剪斷紫瓔珞

粵馬乳垂金風樹根吹火照殘墨冷雨松棚秋鬼哭
蔗九嚼碎流沙冰鴨酒呼來漢江綠鐵削虬藤劍三尺
雷棧怒穴陶家壁曇胡醉起面秋巖一案摩尼挂空碧

題張一邨畫山陰巖壑圖

張侯寫山工寫奇筆力可追王大癡鱸魚江頭一斗酒
墨花散作秋淋漓前峰峯率如東筍後峰盤擎來不盡
突馬方驚灑瀕高啼緩忽覺蓬萊近水風離離開錦屏
峽泉歷歷鳴瑤箏幽葩自炫晨露潔小草不耐繁霜零
兵餘僧舍總搖落何意空林見樓閣十年碌碌走湖城

雨上南僧詩卷上

二十四明叢書
約園刊本

重憶山陰巖巖壑秋來日日愁炎蒸解衣思濯松風清
輕包錫杖從此去何處水邊無月明

送明焰菴往江西北禪寺

大江西來山水雄臨川古郡多靈踪青蓮梵宇柘岡下
五峰削出金芙蓉石門老人著書處溪外茅堂依綠樹
僧史流傳三百年猶有山靈爲呵護君今領薦向此行
飄然去住浮雲輕獨攜金錫度前嶺野花啼鳥爭相迎
涼風蕭蕭吹客袂黃葉紛紛下庭際烹取當年露地牛
好與諸郎同守歲

賦得講經臺送石田禪師之虎丘

講經臺臺何高關中聖者說法處琪園白日天花飄
年化跡精靈聚碧草不侵臺下土聽法遊仙去復回詩
魂夜夜啼秋雨青山削壁勢欲墮劍花照水芙蓉開霸
業如煙去無迹象龍還繞香雲堆君登講經臺我折白
門柳吳歌江上來不必陽關酒月明鐘鼓響空山白石
纍纍齊點首

弘上人蓄秋山圖

萬峰霜晴翠如洗峰底行雲度流水西北高樓爽氣邊

南上高僧詩卷上

三十四明叢書
約園刊本

江南落木秋聲裏蒹葭潮長魚在梁白鷗飛盡天茫茫
松根文人讀書處時有疎鐘來上方僂槎影沒銀漢遠
木末芙蓉為誰翦何處涼風送客船歸來似是東曹掾
東曹頗笑未識機挂帆直待鱸魚肥山川搖落已如此
不信草露沾人衣平生畫手不可遇坐閱新圖得佳趣
題詩寄與沃州僧吾亦買山從此去

題趙希遠蟠松玉兔圖

子昂趙公鑑記

天水王孫重毫素愛寫蟠根萬年樹上有徂徠五色雲
下有中山雙白兔清陰散作秋滿林咫尺高堂起煙霧

丹桂吹香野菊黃玉葉金枝亂無數迢迢錦水泛蒼鳧
漠漠青天飛雪鷺人間畫手非不多自是王孫得真趣
浮玉山人列仙侶雅與王孫同出處妙畫題來字字真
兵後收藏乃奇遇宣和遺譜世莫傳良嶽荒涼風景暮
眼中人事已非前畫裏山川尚如故老我披圖一悵然
落日長歌弔南渡

金山寺

神禹開天塹中流碣石存蓬萊分左股灑灑失孤根驛
騎催官渡風帆拂寺門甕城燈火近鐘鼓報黃昏

南上高僧詩卷上

三十四明叢書
約園刊本

文上人西麓圖

西崦幽居好新圖見巨然庭花妍露夕山果熟霜天路
隔王官谷人疑阿對泉何因管此地一榻寄安禪

十七日謝恩奉天門

金殿重重護彩霞天門賜坐擁袈裟尙方晨鉢分雲子
中使春杯獻乳花雉尾風清天咫尺螭頭香噴霧橫斜
聖恩特使還山早官柳黃時許到家

寄鐵厓先生二首

時留京總裁禮樂

蓬萊宮闕五雲東龍虎山川錦障中盡說黃金延郭隗

誰知白壁起申公春秋衮鉞諸侯懼南九車書萬國同
卻望鈞天纔咫尺一琴良月寫松風

先生謝客居東里使者傳宣拜下牀樂府謾推梁子範
禮經須問魯高堂酒傾銅馬來光祿賦到龍旗說太常
賜老鑑湖猶有待山陰茅屋未淒涼

送嶽肇中住山東華嚴寺

恭承王命出巖阿歲晏江亭奈別何天下好山齊魯勝
濟南名士古今多帆將落日寒收港馬蹴層冰曉渡河
好播玄風參國化春城鐘鼓答弦訶

南唐書卷上

三四四明叢書
約園刊本

吳山觀潮次劉本中韻

誰支砥柱障奔瀾護向江亭驪酒看風力拔山鼉鼓振
雨聲搖海屋樓寒尋常鷗鷺知何在多少魚龍不自安
獨愛東平詞賦好伍王祠下更凭欄

三月廿八日早渡浙江

塵事縈心不暫安天涯憂抱若爲寬人因病久交遊絕
土到名成出處難水國雞鳴催客渡山城花落送春殘
會當一壑忘情去得共雲松老歲寒

寄伯貞戴公

東望湘雲客思多故人歸計近如何江都夜月瓊花夢
海國蠻煙荔子歌落日麒麟猶草野滄江鷗鳥亦風波
碧桃窗下聽春雨誰肯金貂換綠蓑

寄山陰湖上諸友

蘭亭燕罷送羣賢獨客歸來閉戶眠夜壑有聲都是雨
春山何處不啼鴉放歌強把浮丘袂乘興難迴剡曲船
因念少游平昔語孤鐙相對益淒然

題雲門翠微深處

溪閣重重翠崦遮無時雲氣溼袈裟千峰樹色藏朝雨
六寺鐘聲送晚鴉筆冢天寒收柿葉香壇風落掃松花
倦遊每憶消閒地早晚扁舟向若耶

南唐書卷上

三四四明叢書
約園刊本

寄樸隱南洲

泖上歸來百事慵一春愁病似衰翁臥聽溪閣三更雨
數到江花幾信風舊日親朋多楚越孤雲踪跡尙西東
舵樓晚飯人如玉清夢無時落鏡中

過張侯舊宅

畫戟門開夙草新一過此地一沾巾歸來燕子多新主
開到梨花又暮春雨榻無因連海曲星河何處泊天津

夢中相見猶平昔翻訝傳來信未真

題耕隱爲王子安作

讀殘書卷雨聲稀耕破春雲曉色微瓦缶自傾蒼朮酒
金貂不換綠蓑衣江花未落秧鉞短隴草初深蘭菜肥
翻笑義熙陶縣令田園荒後始知歸

次龍門韻并柬宋靈章鍾仲淵

雪後龍門步早春老禪風骨淨無塵鷗絃白雪吟山鬼
繭楮烏絲寫洛神天近可招牛渚客月明長送虎溪人
鍾繇宋玉工詞翰來往風流莫厭頻

甬上高僧詩卷上

三五四明叢書
約園刊本

題紹禪師清碧山房

近峯如黛接平沙葦屋翛然道者家萬頃雪波魚散子
半簾山雨鳥銜花金鐙夜照胡僧錫銀漢初回漢使槎
自古清江幽勝地會分禪室課楞伽

遊廬嶽

帆挂東風十幅蒲西行五日指匡廬柳垂湖口知彭澤
山落船頭見小姑白雨亂峰皆瀑布紫煙高處是香爐
茲行安得王摩詰爲掃蓮花社客圖

湖湘漫興寄獵微生

蘭堂客散酒船空湖上清游孰與同五月秋聲梅子雨
一天涼思藕花風煙將白鳥沈沙際雲帶青山落鏡中
自是僊翁阻抗越誰教天塹隔西東

答倪元鎮

禪榻清涼屢有期茶煙想見鬢絲垂春風水榭停蘭漿
夜雨何山寫竹枝煎甲沈香都入夢新蒲細柳總堪悲
鷓鴣飛處重相憶擬和樊川五字詩

過何氏山林

十年海國厭風波地僻天荒此處過白髮幾人江左老

甬上高僧詩卷上

三六四明叢書
約園刊本

青山無恙越中多社尋廬阜沙門遠詩愛揚州水部何
要看仙家碁局散不妨松下爛樵柯

送源無竭赴開化

鳴榔秋浦發長謔子去南鄉幾日過眼底雲山吾老矣
夢中風雨夜如何斗城兵後居民少石鏡僧歸古剎多
重覓新題何處是功臣堂在碧山阿

陳檜

吳楓楚柳逐煙空陳檜依然護梵宮可惜頑明歌舞地
後庭無樹著秋風

題墨菊

陶家舊本徧林丘野草無端亦姓劉典午山河無寸土
籬邊分得一枝秋

題日觀畫葡萄

短衣狂走至元僧醉吐驪珠十斛冰定起山樓寒月上
一窗秋影寫秋藤

題畫

積雨平原煙樹重翠厓千尺削芙蓉招提更在秋雲外
只許行人聽曉鐘

雨上高僧詩 卷上

三五四明叢書
約園刊本

遊白塔寺次伯溫先生韻

春草禪局路欲迷白頭遺慨故宮西鐘聲送盡寒湖水
月落冬青杜宇啼

懷友

湖草青青上客舟辛夷花發麥初秋一春多少懷人夢
半在鄉山雨外樓

咏南粵所進翡翠

見說炎州進翠衣網羅一日遍東西羽毛亦足爲身累
那得秋林靜處飛

蒲菴禪師

來復字見心豐城人族姓黃世卽有詩名游燕
中親炙虞文靖歐陽文公之門與張潞公安尤厚
元末航海至鄞居延慶寺復居雙林之定水寺洪
武初興泐季潭同以高僧召至京上詔侍臣取其
詩覽之褒美勿置賜錦爛袈裟蜀王椿最賢上所
鍾愛命侍臣李叔荆蘇伯衡及公與之論道蜀王
最重公命撰正心觀道崇本敬賢四箴榜于宮授
左覺義詔住鳳陽槎芽山圓通院其後太原獲胡

雨上高僧詩 卷上

三五四明叢書
約園刊本

黨僧智聰稱隨季潭見心往來胡府通謀遂被極
刑得年七十三惟季潭獨免釋氏之盛自宋大覺
璉公明教嵩公覺範洪公並以宏詞妙論爲世所
宗及元天隱至公晦機猷公更倡斯文于東南晦
機之徒唯笑隱訢公尤爲雄傑公與季潭並出訢
公之門時稱公文抑揚頓挫開闔變化若春雲起
空秋月映水足與從上諸老並驅公被召時訢公
以詩止之曰上苑亦無頻婆果且留殘命喫酸梨
公不能從竟被法禪林惜之所著蒲菴集十卷宋

文憲爲之序

壽鏞案見心又輯澹遊集吾邑文獻可徵者十之

四五見鄞藝文志

夜坐雜言

孤榻坐清夜端居屢事屏微風動林杪皓月出松頂觀
妙澹忘言超然心自領寥寥六窗虛鐘鐙落寒影

石龕倚虛岑冉冉暝色集僧定微鐘沈谷響清籟急七
星欲墮地影插白河溼散花四天來可玩不可拾

步虛詞贈上清方壺子

甯上高僧詩卷上

三九四明叢書
約園刊本

竊竊玄北門上通蔚藍天虛寥邈無垠一氣同周旋至
人煉精魄浩劫窮化源朝餐北海霞夕飲瑤池泉高視
混茫間聚散如浮煙自非蛻骨毛安得諧飛仙

弱水不可涉闔風何崔嵬煌煌五芝谷爛爛三花臺中
有紫霞仙紅頰凝春醅手握天地戶麾斥陵九垓青霄

跨箕尾白日鞭風雷期將從之游長嘯歸蓬萊
玄樞不停運萬化紛變滅丹砂豈無靈綠函祕真訣長

揖安期生掃花弄明月粲粲兩玉童金盤進紅雪吐景
凌滄洲霏香藹瓊闕服之生羽翰高翔振寥泬

蜀王命題所藏宣和瑞鶴圖

宣和道君天帝子降靈下作長生主風流不受世間塵
清出冰壺湛秋宇前身雅是太霄君金編玉策多奇勳

感此仙禽四十翼朝真東渡三山雲低回不肯去舞雪
依端門長鳴若有訴飛聲徹崑崙是時道君振衣起遙

聽鶴語通仙意滯毫爲寫青田真龍香更灑親題字朱
頂凝丹砂白羽吹霜袂內府珍藏誰敢沽大貝南金爛

無比想當政和年善治談老莊遂令霞上仙控鶴森翺
翔一朝中原成永訣五國城高臥風雪此時老鶴如可

甯上高僧詩卷上

三九四明叢書
約園刊本

呼便欲騎之上天關

方壺子天風海濤圖歌題贈空同外史

我昔錢塘看秋色海門八月潮頭白長鯨噴雪天上來
聲裂三山簸鼇極太陰晝慘號天風冰夷騰蹠隨靈窿

萬艘如雲不敢渡赤電射波魚眼紅江左別來頻見畫
遙聽九河坐中瀉恍然眾樂諧宮商並奏鈞天洞庭野

重憶鼓山閩海頭飛流倒捲千丈湫龍公震怒蛟母愁
折花不得凌滄洲我愛方壺老仙聰明到意匠經營幹

天造翦來冬緝雪色光筆挾雷車縱揮掃絨題遠寄空

同人挂向山堂豁襟抱初疑渤海翻忽訝昆侖倒淋漓
影落空青寒直欲尋津遡牛斗只今四海同一家盡驅
封豕誅長蛇安流隨地無願覆水有行舟陸有車

送吳知府之官雷州

雷州太守東吳客儒術傳家尙清白金花東帶紅錦袍
玉骨嶸嶸眼雙碧讀書昔在蒼溪陽十年不出芙蓉莊
娛親堂上讌春色銀絲作膾冰雪香丈夫干時須食祿
有志匡君貧亦足誰能碌碌困一鄉冷炙殘杯媚豪族
剖符今作炎海遊江風吹上沙棠舟好山南去六千里

南上高僧詩卷上

三十四明藏書
約圖刊本

豈無斗酒消離憂牽牛花開暗南浦雨後怒龍如瀑布
生黎皆口瘡茅青百尺黃蛇畫當路此邦稍覺風俗殊
地無異產民凋疎况復兵餘少耕鑿撫字欲待重昭蘇
我歌折楊柳送君莫踟躕直度桄榔林落日吟鷓鴣他
年考績應重到林下相期話幽討紫藤無惜贈兩枝我
欲看雲藉扶老

題廬陵王子嘉古城讀書處

古城陰處饒古木古城城下煙水綠江上茅堂畫掩扉
知是先生讀書屋先生山澤列仙癯篋無黃金家有書

燈火辛勤三十載添得秋霜生鬢須清晨起待檐光白
暮讀陳編眼如月堅心自下董生誰兀坐忘穿管寧榻
平生學邁師古人不負堂堂八尺身多病豈堪束帶苦
歸來獨釣碧溪春富貴浮雲我何有不如相過一杯酒
古城山色年年青春風多種門前柳

題米南宮雲山圖

南宮米黻生殊方馳名畫史妙莫當墨雲翻空太陰黑
功奪造化開微茫酒酣放筆情爛熳愛寫長林帶溪岸
崑崙移得毫芒間數點浮雲落天半鴨嘴灘頭沙浦通

南上高僧詩卷上

三十四明藏書
約圖刊本

鯉魚浪颭苔花風山腰路險不可屐飛瀑倒挂青天虹
我憶南遊遡湘沔七十二峰長對面赤壁山高看洞庭
一道澄波瀉秋練人生誰無三壑懷可奈塵土羈長才
子陵不遇劉文叔釣臺未必高雲臺展圖頗識舊行處
彷彿微鐘隔煙樹荒盡菱租老未歸寄書欲問沙頭鷺
雨後虛堂夜坐次方東軒參政韻

紫芝巖下寺淡泊偶同居身老計從拙心親迹任疎掃
花風定後題竹雨涼餘時得論清賞籌鐙夜榻虛

山謳

閒占雲霞作近鄰
芋田雖薄不嫌貧
五風十雨清平世
萬壑千巖澹泊身
南嶽馬駒應有識
西河獅子久無人
金襴謾笑藏雞足
傳到龍華是幾塵

潦倒山林久任真
荷衣不染六街塵
身當亂世惟貧好
心到閒時與道親
猿挂松枝寒嘯月
鳥含花瓣暖啼春
雲泉自昔多清賞
消得浮生有幾人

題鍾山新寺後
二日欽蒙聖製和章感遇之餘謹
再用韻賦

蓮花塔戶鏡容開
設利流光月滿臺
江吼鼉聲東海去

甬上高僧詩卷上

三四明藏書
約園刊本

地蟠龍勢北山來
雲中梵唄和仙樂
天上香盂送佛齋
盛世只今隆外護
匡時須藉仲靈才

送日本希白上人禮祖塔之金華

天香吹滿屈胸衣
幾度承宣到鳳池
梵語傳來西竺戒
華音吟得大唐詩
樹間繞佛長鳴錫
洞裏逢仙不看棋
無縫塔開瞻舍利
干江月映碧琉璃

題趙彥徵溪山小景圖

曾汎茗溪看晚霞
紅簾小艇穩于車
水通孤岸橋依竹
路入畫林屋傍花
風外眠鷗驚客笛
雲中吠犬隔仙家

秋波千頃芙蓉老
誰覓王孫舊釣槎

寄洞庭葉隱君

一舸南歸髮欲華
買山湖上臥煙霞
尊知北海應多酒
園擬東陵亦種瓜
月壑泉舂雲碓藥
橘林風掃石牀花
傳家自與陵翁異
只說藏書有五車

次韻答繆架閣兼柬陳元善都事

書劍東遊客四明
風流從事最多情
酒香邀共山公醉
詩好吟如水部清
洗馬柳陰潮欲白
呼鷹原上雨初晴
龍門定有重來約
掃月青松聽瀑聲

甬上高僧詩卷上

三四明藏書
約園刊本

送戶部徐主事謝官歸豐城

孺子湖頭水漲沙
兵餘南望阻歸槎
豪華自昔應多士
文獻于今尙幾家
鐵井蛟涎腥夜雨
劍池龍氣潤朝霞
煩君爲問樟陰寺
誰布黃金掃土花

送胡文善之官海南文昌縣

九域于今總一家
文昌誰道隔天涯
石榴紅釀蠻江酒
海漆香收瘴洞花
塞上人耕春作市
棠陰吏散晚休衙
蘇公應共題詩好
簷耳泉頭駐小車

游石湖蘭若

工龍之峰雲作屏雙厓削出芙蓉青何人澗裏拾瑤草
有客松間尋茯苓林風不驚虎臥石山雨忽來龍聽經
吳王臺榭今寂寞秋香薜荔花冥冥

耕隱為南昌萬用中賦

山莊別築楚城西百畝乘陰水一溪莎草雨晴黃犢臥
稻花風暖白鳩唳沽來官酒春祈社讀罷農書曉灌畦
孝弟力田新有語姓名還向御前題

次衛府危朝獻紀善見寄

君談東魯我談禪淮海相逢歎暮年劉向才名遺說苑

南上高僧詩卷上

三五四明叢書
約園刊本

揚雄詞賦重甘泉收來柿葉朝頻寫吟到梅花夜不眠
早晚定逢濠上寺三生舊約待重圓

寄龍門琦元璞兼柬白雲士瞻方丈

我昔巢松茂苑東白雲清賞此心同芭蕉綠遍題春雨
蒼蘆香傳弄晚風亂後溪山誰作主愁來江海總成翁
相思欲借峰頭鶴騎向龍門問遠公

送西域丁鶴年兵後還武昌省親墓

燕雲何處是并州赤壁磯頭問去舟海闊山長羈旅夢
天荒地老死生愁他鄉寒食身千里故隴斜陽土一抔

為語東歸華表鶴英雄餘骨幾人收

過越王臺

人道耶溪好青山罨畫開荷花三十里無數白鷗來

燕京雜咏 在至正時所作

暖風吹雨灑香埃丹鳳樓高錦幄開膜拜兩階花簇騎
金幢爭看刺麻來

曉宴皇姑拜上家金錢滿賜橐駝車黃門前導飛鞚過

豕帽斜簪利市花

錦貂公子躍龍媒不怕金吾夜漏催阿刺聲高檀板急

南上高僧詩卷上

三五四明叢書
約園刊本

棕毛別殿宴春回

秋滿龍沙草已霜射鵬風急朔雲長內官連日無宣喚

獵取黃羊進尙方

契丹髯將老無依力倦弓刀請受微薄暮雪寒燒土坑

瓊裘拾得馬通歸

題宋徽宗棠梨凍鵲圖

五國城頭落日低故宮南望恩淺迷秋風愁殺棠梨樹
不及雙禽自在棲

好溪漁歌

少微山下萬松青鐵笛攜將過水亭吟得竹枝新有譜
秋風吹與老龍聽

題黃荃蘆雁圖

稻滿秋田水滿汀黃蘆風急度寒聲太平江海無繒繳
不用呼奴夜打更

西湖

芙蓉灣口綠陰斜吹笛何人隔彩霞驚起沙頭雙翠羽
銜魚飛上刺桐花

荷鉏耕叟餉蒸梨家在官塘九曲西白髮強談兵後事

百一高僧詩 卷上

三七四明叢書 約園刊本

眼枯無泪向人嗟

題夏圭風雨行舟圖

君遊南越我西秦盡日江頭採白蘋無限波濤起平陸
順風休笑逆帆人

南洲法師

溥洽山陰人陸放翁之後也出家于郡之普濟寺

禮雪庭祥公為師從具菴玘公于普福後居鄞之

延慶寺公博串經典旁通儒家言禪定之暇肆力

文章洪武末年召為右講經代其觀主天禧遷左

善世建文時更承上眷成祖起兵公為上設藥師

燈懺詛北師及金川門開公夜入宮為上薙髮被

僧服得逸去成祖聞其事囚之十餘年後姚榮靖

疾革車駕臨視問所欲言榮靖于榻上叩首曰溥

洽繫獄久矣上即日釋之出獄走大興隆寺拜榮

靖牀下白髮長數寸覆額矣仁宗初數被召問乞

居南京報恩寺養老宣德改元七月示寂留偈而

化年八十有二初公繫獄時門徒星散獨心田霍

公不肖一日去左右公化後為塔于長干西南之

百一高僧詩 卷上

三七四明叢書 約園刊本

鳳嶺建寺其上刻遺詩為雨軒集霍亦官右覺義

次韻香爐峰為思上人賦

昨夜夢還鄉青山苔磴曲綠雲陟香爐蘿衣濺寒瀑落

日叫狻猊遙天飛屬玉前峰半臨湖老驥渴犇谷後崦

互懸聯羣龍爭拱伏敷敷風外花疑疑礪中木墜險覺

傷神矚遐況情目咫尺接三山溟波纔一掬仙人隔微

茫下土空踟躕石洞闕陰厓琳宮巨革屋禹穴不可探

金書藏贖馥流傳失其真遺書竟誰續巖阿得禪栖見

客喜能肅名緇嗜煙霞肺腑在林麓雨臥杖生鱗煙吹

錦折足情鐘咽朝霜忽覺恨鳴速驚起函欲明磨言黍
方熟偶披羣公詩如叶大人卜咏之書忘疲字字恆三
復搜括和斯章祇攬十年讀

山澤居為徐端蒙賦

達士不徇俗儻然列仙塵樂天得其趣且作山澤居牽
蘿北幹下石田繞吾廬渠流引溪淥既耕亦可漁芳辰
視庭戶嘉木春已敷兒童識所務爭把種樹書新醅發
奪盃鄰叟時一呼酣歌擊瓦缶夕陽在桑榆

遊南翔寺追和葛天民韻

南上高僧詩卷上

三四四明叢書
約圖刊本

白鶴南翔何日返香雲不斷春風轉屋為鱗次枕江安
江作蛇行到門遠灼灼明鑑金殿寒沈沈複道長廊晚
老翁鬢鑠皓鬚眉愛客將迎笑盈面自言天監拓基來
食指數千猶共飯斷碑壁下試摩挲龜趺剝落埋荒蘚
茫茫往事比寒潮蒼煙落日愁難遣就中何處愜深遊
玉甃清池開別院二齋已去老堪徂故壘空來舊栖燕
吾宗有弟知此懷炊黍功名豈榮願便呼阿買寫新詩
硯池擁澗清冰片

送高儼首還越

昔我來吳今五年青山目斷東南天越音未改吳音熟
每見山僧一惘然上人何來亦瀟灑纔打鄉談便能解
觀光上國及期還聽講長干前月罷梵公此地迹猶存
為我重開懺悔門石橋花飛香杳藹蓮池蛙靜雨黃昏
夢中金鼓聲初歇卻欲歸扁舟欲歸越碧草遙憐茂苑春
蒼苔不掃峨眉雪竹間舊房蘿薜侵僂書芸消生白蟬
人情懷土無古今悵悵終為莊舄吟我亦因之思禹穴
負擔未息愁難任陸沈鄉井亦何事白鷗有盟宜重尋
清鏡閣前湖水深曾為先人照苦心丈夫出處自努力

南上高僧詩卷上

四十四明叢書
約圖刊本

贈言愧比雙南金

雷峰一初送竹嶼春谷和尚詩有莫念平生下澤
車之句就為起句以寄之

莫念平生下澤車新詩傳得自西湖飛搶不羨培風翼
秣師徒憐病類駒野殿劫灰前古寺離宮春草舊行都
相望惟有南峰月照見黃妃塔影孤

遊吉祥寺

伏龍岡下舊招提猶記兒時到竹西白日幾何人易老
青山咫尺路都迷高林霜木雲邊見小閣冰花雪後題

最愛多才賢父子薜蘿深處與扶藜

金園草堂

草堂檐拂水雲低花木叢叢繞碧溪捲幔躍魚搖倒影
攤書巢燕落晴泥藥苗教子春前種蕉葉逢僧雨後題
幾度畫船移晚棹旁人錯比讓東西

次韻王起東夜宿琵琶洲

倚棹寒江炤白頭看山不盡且遲留無人為寫琵琶恨
自撈馬絃過小洲

用堂禪師

南二高僧詩 卷上

四明叢書 約園刊本

子榎吾郡之奉化人陳古靈先生諸孫也學禪徧
參東南宿老若古鼎銘公笑隱訢公斷江恩公諸
人後嗣法于元叟端禪師掌內記出世居鄞之大
梅護聖寺還居奉化之清泰與夢堂噩公倡和吳
中時以唐皎宋潛為比洪武中內召至金陵與宋
文憲公遇于護龍河上宋敘其水雲小稿為其寄
情翰墨獨露本真近世明教寶覺之流也

金陵行

從來佳麗金陵州至今城郭枕江流埋金往日墮茫昧

含風老樹長蕭颯寒潮喧聲響西浦碧海茫茫天東頭
二水三山函遠景龍蟠虎踞橫高秋六帝浮雲幾蒼狗
三分角鬪真蝸牛青山似洛祇復歎神氣歸隋良可羞
鳳凰何來栖李樹鷗鷺戲浴彌滄洲君不見昔人望黍
憶宗周彷徨不去寫心憂天荒地老無時休霜飛臺高
柏脩脩人謂我歌更何求

天淵禪師

清澹黃巖人事古鼎銘公為其入室弟子掌內記

說法鄞之萬壽寺歸隱于二靈山洪武中召為左

南二高僧詩 卷上

四明叢書 約園刊本

覺義命任持靈谷寺御製詩十三首賜之公和答
甚稱上旨年六十五示疾留偈而化公初游金陵
宋文憲公嘗有詩送還四明稱其才不下祕演浩
初其隱伏東海之濱者以世無柳儀曹與歐陽少
師也

上命欽和山居詩

老來一盃住巖幽塵境無心得自由空裏每看花滿眼
鏡中漸覺雪盈頭吟餘月炤千峰夜定起雲生萬壑秋
身世已知渾似夢百年風景水東流

空堂禪師

無愠字恕中臨海人族姓陳氏嗣法于竺元道公以虎丘八世孫坐大道場說法度人其二會語宋文憲公為序之公初居徑山兩坐浙東名刹投閒居太白山中日本國王慕名以玳山研為贊請化其國上召赴京師時公年幾七十私謂縱不往日本豈得生還及庭見特寢其奏留住天界寺再以病請上憐之賜歸天童故山復住縣西翠山示寂後其大弟子立極項公韞中瑄公刻所著山菴雜

雨上高僧詩卷上

四明叢書 約圖刊本

錄蘇伯衡為作序夢觀云可與林間草菴並垂也

謝靜中過訪

掃跡千巖裏柴門久不開正逢新雨足忽見故人來燒
筍供茶碗烹薇薦粥盃欲留君共住分石坐堆堆

題珪上人山舍

紅葉填松徑清溪繞竹林西風雙鬢老落日半窗陰壤
衲偏宜厚幽居不厭深竺仙遺偈在展卷且高吟

次韻題高齋

高齋寂寂俯清池瓦鼎香浮十二時天曉定回松下石

蘇痕青上布伽黎

竺菴法師

大同字妙止會稽人姓張氏禮顯宗彌講主為師
住鄞之延慶寺永樂中于南北都門兩膺帝命纂

脩藏典

懷友

谷風淒以薄習習吹我襟微煙襲芳樹細雨鳴高林雖
有一尊酒對此誰共斟迢遞故人遠矧隔瑤華音安得
駕黃鶴往論古與今緬懷思方續白日苦西沈

雨上高僧詩卷上

四明叢書 約圖刊本

送恆懺首還越

相見一歡笑相別一何悲落日炤行色秋風踈柳枝湖
山路靡靡煙草情離離贈爾鄞江潮往來仍有期

雲山圖

我昔看山湖上遊山中白雲如水流巖花稠草醉春色
夕陽滿樹鶯聲幽何處雲山有如此今之畫圖無乃是
仙家雞犬不聞鳴但見樓臺翠微裏巨然墨妙師南宮
須臾寫出千萬峰欲馭罡風凌絕頂浩歌折取青芙蓉

江邨夕炤圖

江邨水國幽雲樹半含秋落日曬漁網涼風送客丹香
稭黃早刈碩果熟先收官稅供輸外民歌樂未休

寄演福和上

雨紅煙綠暮春時獨客終朝有所思白水漾沙金錯落
青山浮几玉參差一簾花妥鶯啼緩千里書成鶴去遲
後夜更看湖上月滿懷愁緒散如絲

育王宗公

正宗住鄞之阿育王寺永樂中召脩大典書成賜

紫還山

甬上高僧詩卷上

四四明叢書
約園刊本

游玉几上塔

危巔一塔與天齊乘霽偕遊不倦躋凍合石林三徑小
雪堆松壑萬山低斂衣暫坐看雲起曳杖徐行聽鳥啼
白髮頭陀忘世久茅龕破衲事幽栖

延慶振公

大振字妙宗住鄞之延慶寺與育王宗公同修永

樂大典後俱賜紫南還

送妙心新命東歸

削下春官買去航拂雲西向渡錢塘江蓮已墜含秋色

籬菊初舒帶夕香猊座飛花沾梵筴鳳城初日映琳瑯
萍居亦在晴湖曲短策還期叩上方

甬上高僧詩卷上

四四明叢書
約園刊本

甬上高僧詩卷上

甬上高僧詩卷下

李鄴嗣臬堂選評

鄞縣

胡德邁卓人較訂

湖南朗初上人傳慧 十首

空波上人引灝 七首

西來上人佛引 七首

休遠上人圓復 十首

自夢觀蒲菴南洲諸公俱發跡延慶時遂以湖南

為詩僧窟後百餘年朗初上人在楊伯翼先生之

甬上高僧詩卷下

二四明叢書
約園刊本

門得傳詩法轉授其徒空波西來休遠遂有一朗

三支之目湖南詩派號曰季興今復一百餘年而

未有言詩者

朗初上人

傳慧鄞人初住延慶後住五井山楊伯翼先生常

讀書寺中朗初因從受業伯翼每候雞鳴起讀輒

呼與俱因得授詩法通內外書與沈嘉則王百穀

諸先生倡酬徐興公稱其著作甚富談詞如雲可

不媿開士也伯翼歿後朗初收其遺草使盡傳于

世人以此益稱之

夜渡金山

空江信淼茫月出水生光入浦潮如雨沾衣露欲霜天

清沙氣白夜靜海雲黃漸覺鐘聲動應知到上方

九月望夜

節去愁衣薄蟲聲漸近牀偶然林下坐早見草頭霜寒

月明如此浮雲掩不妨通宵炤蘿薜忘卻夜初長

歸碧谿田舍

絕壑流殘水高林剩落暉鳥聲春去少人蹟坐來稀采

甬上高僧詩卷下

二四明叢書
約園刊本

澗芹羹美翻匙麥飯肥南山懸塔影不斷海雲飛

答休遠

住處君休笑懸厓草半苔燈呼山鬼續潭引毒龍潛秋

斲青蘋嫩晨炊紫豈甜城頭倘相望谷口數峰尖

宿四明山心

寂歷游仙處塵寰隔斷霞九溪流雪水八月綻桃花茅

栗圓于彈霜梨大似瓜雲南與雲北依舊作鄰家

汪長文別業

別業西山下名園九曲中凍雲垂地黑霜葉映溪紅刈

稻防天晚嘗新飽歲豐悠哉棲隱處似與鹿門通

同靜泉仲齡二公過南莊偶與鄰翁談時事有感
郭外行應好香清荷芰風到來茆屋下談笑竹林中徑
草先秋綠江雲過日紅眼前不平論難禁白頭翁

卜居

峭壁高無極深林每帶煙巉巖斜鑿路絕壑亂飛泉澤
雉行山麓霜猿挂樹顛卜居空谷裏世事少人傳

湖上

河水無風似鏡清湖船日日送人行垂楊浪許關離別

雨上高僧詩卷下

三四明叢書
約園刊本

有限長條無限情

寄王百穀

惠山泉石虎丘茶相去柴門路不賒經歲故人書斷絕
夕陽林外即天涯

空波上人

弘灝鄞人與西來休遠俱名家子幼祝髮湖南時
朗初上人盛有名遂以其詩法轉授後輩時方諸
魏三支因合其詩曰三支詩集屠田叔先生謂空
波安雅其詩爾雅而調適西來清修其詩溫夷而

開暢休遠俊爽其詩俊逸而標舉時以為知言

山南

山南寒氣少灌木藹崇岡蕉挺未沾雪梅標薄帶霜
飄收靄翠草屨印沙黃不藉樵風送平溪任小航

送休明入太白山

杖策將何往翻經太白山高依巖作座遙劃嶺為關林
草承芳躅溪流炤妙顏幽栖吾亦卜休笑溷人間

北山

幽寂北山下依巖結構偏短牆溪石壘破戶野蓬編開

雨上高僧詩卷下

三四明叢書
約園刊本

檻呼猿入穿林警鶴眠高峰遮日景滿谷澹秋煙

夏日山居

嵐輕朝盡散林密夏常涼緩步忘屐轉微吟逐水長
經千草色杖撥一花香日永無餘事閉門待夕陽

玉几山堂與無漏師夜坐

心同流水日閒閒無復游行到世間一入定中忘白日
不知門外有青山帔留竹桁雲千片杖倚藜牀月半環
最是禪機寂絕處夜闌無語對高顏

雨中懷永持

茫茫雨氣漫層霄憶得山中倍寂寥擁袖與誰窺雪竇
杖藜應自渡溪橋湖波風激聽逾響磴道雲生望益遙
聚散早知無足歎不禁梧葉滿衣飄

秋江晚歸

流覽山川幽意多竟忘落日挂藤蘿潮催客子還家權
風送漁舟入浦歌深樹煙披連翠幕遠峯雲在失青螺
羣童笑指芙蓉發明日還期鼓柁過

西來上人

佛引鄞人

南唐僧詩卷下

五

四明叢書
約園刊本

晚晴寄空波休明休遠

前邨收薄靄舍外雨新晴竹鼠爭枝墜檐烏攫食鳴峰
開餘日氣水咽過灘聲芋熟沙田早連朝憶友生

贈雪泉師

避俗西廊久煙霞覆檻平杜門雙樹老人夜一鏡清律
苦形俱似年深衲不輕總知無過客苔蘚滿階生

綠村松舍汪伯錫見過

茅屋臨溪僻踈籬隱薄花輕煙凝宿雨新水漲晴沙留
客聽啼鳥呼童掃落霞前邨農事畢秋色老蒹葭

同空波休遠休明從朗初師過楊伯翼先生殯所
孤殯非蒿里茅堂仍舊園小松全過闌亂竹半敲門名
與身爭忌詩將道共尊無從見顏色典則就誰論

夏五同竟玄師東曙妙如諸道侶東湖泛舟

扁舟五月下陂塘掩映湖光入望長梅雨不收三伏暑
蘋風忽送一天涼雲中茅屋開清磬竹裏漁家帶夕陽
開徧芙蓉香滿路宛如身在九蓮鄉

答隱鱗居士

來往扁舟在剡中半間雲屋倚晴空經聲下逐松濤遠

南唐僧詩卷下

六

四明叢書
約園刊本

佛火時兼海日紅紫閣霧迷仙嶠北翠蘿門掩鹿亭東
棠溪故與鄞江合莫道煙霞路不通

舟次碧溪

碧溪溪畔繫蘭橈栗冽風聲渡海遙數陣幽香聞橘柚
一枝疏影寄鷓鴣山要雲白初含雪浦口冰堅不受潮
送想正成縣鼓觀滿船霜月忽蕭蕭

休遠上人

圓復鄞人三支中以休遠為第一層長卿先生曰
三支並名族令姿法門上足近慨末法風頽力行

教觀休遠謂余曰廬山師有言桑榆之光理無返
照復等少壯不力老至奈何圓頂方袍失人身袈
裝下良可痛心今且一意薰脩期于了手而向來
失足藝苑染指雕蟲不欲土苴棄之因而灾木請
卽以爲懺悔文蓋休遠之言若此

贈別華頂老僧

老宿清無侶名山住有年鬚留三寸雪衲挂半窗煙破
屋眠秋雨孤鐺煮夜泉相逢笑相別紅葉滿霜天

贈無生祝髮

南上高僧詩卷下

七四明叢書
約園刊本

薤菜酬初願皈依向大乘夙傳人似玉新納戒如冰香
鉢分甘露田衣挂紫藤今從翠微裏添箇白雲僧

宿汪伯錫山樓

路入千峰月門開一徑煙正逢收穫日喜共抱雲眠葉
響初疑雨風鳴半是泉還思看錦樹清曉坐溪邊

雲門獨眺寄李公起

爲問雲峰寺排雲入亂峰蟬鳴千澗竹僧老一林松清
梵通秋籟寒泉咽暮鐘十年丘壑想先喜暢幽踪

震中吟

槲葉爲衣翠松花作飯香全生無長物卒歲有餘糧觀
瀑縣知本看雲益驗常偶然逢怪石跌坐一林霜

孟冬同社小集片石齋喜晉安王玉生至

客至自初冬薊蘭集偶逢蹋殘黃葉路聽入白雲鐘細
雨濛脩竹寒煙薄古松齋前一片石留賞作奇峰

陪余太常入四明山

亂厓絕壑路層層霜磴雲梯險莫馮勝地遠尋多在寺
高情相引獨攜僧都忘瀑布依前落卻愛山光雨後登
指點白雲期送老一瓢香粒一龍銜

南上高僧詩卷下

八四明叢書
約園刊本

姚江

平生不慣涉風波也放孤舟江上過極浦潮聲兼岸動
近人山色帶煙多空瓢豈藉青精飯破衲無煩綠雨蓑
明日雲門尋古寺相將片影卜松蘿

留別念空

問水尋山各自忙草鞵無底踏秋霜江南遊徧將江北
何日還來共竹房

東山紀別

谷口風斜斗笠狂米囊夾路白于霜山童不揜溪頭寺

一任閒雲滿竹廊

延慶僧又如萬詵字希聲贈客曰空有潮聲驚客
夢絕無海錯累行囊福諒字覺真遲張隱君曰山
勢青餘太古色江光白徧晚來潮道東字起白訪
友五井曰芒屨漸上雲生足箸笠翻藏雪滿頭宏
寅字敬中登候濤山曰新月已從烽堠上寒潮只
到海門還俱一時之秀也

密雲和尚悟公 三首

雪嶠老人信公 七十六首

雨二高僧詩 卷下

九四明叢書 約園刊本

禪宗一燈自宋元以後若隱若見僅而得傳至天
童密祖始復大暢其義所謂伐鼓吹螺震動天下
者矣雪嶠老人與密老同門瀟灑獨行自立一幟
要諸二老真禪門之宗匠也

密雲和尚

圓悟字覺初宜興蔣氏子依樵爲業嘗負擔渡山
曲路觸積薪忽有省年三十安置妻孥依龍池山
禹門傳公執爨負米百里外時以己事叩傳
輒遭訶罵慚悶成疾至大汗乃蘇因復掩關千日

然終不能自肯一日偶過桐棺山頂豁然大悟從

前礙膺渙然冰釋自後與傳公往復縱辯鋒鋒交

射旁人視之方心魂欲死而兩公心契已離然情

謂之外矣于是泛落伽上天台徧歷吳越四年復

歸龍池遂受衣拂及傳公示寂三年卽繼其席旋

登天台之通玄峰縛茅以栖衲子又遷住金粟六

年遂成叢林汲故千人井水以飲眾赴八閩請說

法于黃巖歸客吳門再渡江來住阿育王寺三月

移太白名山時和尚年六十六矣天童前宏智祖

雨二高僧詩 卷下

十四明叢書 約園刊本

庭遺規極大和尚從灰場草地中重爲祖構未幾
飛樓湧殿萬礎千楹崇麗不讓宋時由是海內雷
轟雲赴番舶羶車無不畢集崇禎十四年上遣國
戚田弘遇賁紫衣來賜命住南京大報恩寺以老
病固辭任天童凡十有一年息機投老仍入天台
示寂于通玄方丈和尚說法凡二十六年六坐道
場挂壁一瓢隨身兩鄰有不合曳杖卽行獨其全
提正命以一杖接人如大火聚有觸輒燒如持太
阿血不濡縷無不結舌消鋌一時辟易有敢來相

輒者率負大力深智人鳴鐘鼓撼山嶽以相加造
和尚晏然踞坐張空拳而八面應之務使其霜降
水涸智訖情枯而後已始則攝折多門終乃鎔融
大冶至乃策勵學者一經爐鞴卽負重二十里曳
薪聿旗頭鄉損碎辛苦都忘海內麟鳳俱笈湊其
門號曰僧海所嗣法大弟子十二人枝葉布天下
奉爲臨濟中興之祖其所繫禪宗絕續可謂重矣
方和尚初至天童寺址做衲曳一杖行灰礫中四
顧訖卽以杖畫地曰某處起殿堂某處起樓閣廊

育二高僧詩卷下

十二四明叢書
約園刊本

舍當得白金四十萬山中人竊聽俱目笑之已而
寺成約直五十萬

過戒珠菴

策杖出幽行興來身也輕虎嶺山欲動鳥起樹猶驚菊
晚新霜豔秋深古木清殿勤未後句衲破戒珠呈

偶成

青山疊疊萬重雲無事幽人不解文自拭一雙清白眼
笑看明月破黃昏

金山

波心突出始昂頭劈破長江兩道流隔岸紅塵飛不到
三三兩兩渡人舟

雪嶠老人

圓信鄞朱氏子家在天封塔下九歲聞人誦佛經
水鳥樹林俱成梵語後出家惘惘行路久無所得
復還俗一日臨臥忽空中垂金色大臂抽其喉筋
數寸痛極因復出家至雲栖還渡江登秦望山宿
普濟寺中嘗與諸禪人茗集有舉一案僧問汝來
自三天竺從何一竺來速下一語老人時不能答

育二高僧詩卷下

十二四明叢書
約園刊本

慙汗交下自誓今晚定須明此案不然不得爲人
展轉苦索至達旦剝心徹髓疑情如昨次早挈杖
倚一大石高提前語自石間騎而上復下口口相
接惟一微細念不斷已復跨上大石高聲一喚忽
前後際斷如空天迸出日輪又若山崩海裂內中
所有物一一洞見無身相可得明日將返天台求
尊宿印證舉頭見古雲門三字更大悟復自雲栖
渡江因念武康有雙髻峰可誅茅遂獨往入山訪
高峰和尚舊住處卽登嶺仰望雙髻壁立可干仞

在萬山中危然孤峙自思何福堪此今夜當獨立
草中試之山空天靜唯見蝠一雙繞身上下及曉
有僧指示高峰住處猶在上上有石壁壁間如眼
注清水一涯香爐盞孟諸峰在下臯亭遠朝獅山
作几遂尋至其處以漸構三小楹山中苦無草止
蓋一披編竹爲供佛几堆石作牀鋪以蘆柴時下
山乞米輒分飼鼠喂黃雀山中獐兔多適種菜三
隣囑曰一隣供十方僧一隣自啖一隣供汝輩食
後獐兔果食一隣又種芋百箇苗甚長山豬食旁
茅草不損芋一箇管殘雪中見一虎高眠石上久
而起因作偈有曰日午枝頭雪半消熟眠老虎未
伸腰時時作山居詩偈甚多其二曰簾捲春風啼
曉鴉閒情無過是吾家青山箇箇伸頭看看我菴
中喫苦茶古人樹下居無屋我有山居勝得多雷
雨盡時苦亦盡奇雲影裏笑呵呵後復至雲栖見
蓮池和尚呈偈一首和尚每句下解屬以頭陀行
住雙髻峰續祖慧命更數年遷徑山誅茅住干指
道風益盛從學者雲集老人據曲篔簹座呵罵諸方

南唐僧詩卷下

十三四明叢書
約園刊本

無一當其意者諸方亦俱畏服之性瀟灑不喜具
威儀一日侍者手奉杯茗老人笑曰今日可用盤
子盛來既飲茗畢手書偈數言微笑而逝老人與
天童密祖同受法龍池天童法嗣十二人枝葉彌
布徧于海內老人身後惟海岸居士黃端伯爲上
瓣香餘不囑一人其道風高卓若此

吾鄉雪嶠老人高風絕塵离离在雲氣之表人與
詩俱極似中峰時稱其山居題畫諸詩空青遙碧
淡不可收如氣之秋如月之曙即在詩人口中亦

南唐僧詩卷下

十四四明叢書
約園刊本

是王維常建極佳處宋人論詩謂能從妙悟入乃
爲上乘然余讀一時宗門諸公詩翻多黏滯近小
乘人語意余未嘗一滿至讀老人詩始可謂妙悟
始可謂得第一義者也詩家每言方外詩不宜逗
出本色若老人全以清淨妙心轉作文句正其天
然本色獨妙古今矣

喜秋曲

秋雲疎可蒟蘆田中無雨聲猶恐多荒蕪

雜咏

我有衣帶灣灣水長若耶可東溪風可囊

山與人靜雲共物游無事草堂芳菲掩秋

五言古

日長何所為愛我林下人縱步芳草地根閒心自真有
時白雲來拄杖生精神倏然不相見此情對誰陳不如
且歸去物物皆我賓

水蓮居

築菴何所依池上多蓮子葉葉爛袞袞翩翩墮秋水莖
搖六月霜香落半窗紙有問此中人當年只如此

雨上高僧詩 卷下

十五 四明叢書
約園刊本

松下晚步

蹋歌入樵徑送目驅夕陽籬落紫煙合路傍蒼松長石
頭書蘚篆池面吹萍香殘塔上夜影歸鴉鳴新篁

天目山居

千樹萬樹楓葉乾七灣八灣秋水老山猿播石下危崖
野虎銜柴入荒草三尺茅蓬插半天一堆土竈燒空島
所需俱是道人風笑指松雲自傾倒

贈禪人住山

解得安身法深雲傍竹枝泉香峰頂落秋色甌邊炊蓋

屋採新筍補窗檢舊詩蒲團初有意燈火照青眉

不媿篇

知君卜勝地深壑亂峰顛彈竹空聲遠問花得句聯山
參黃葉路煙掃白雲天鐙火豈無媿細窮秋水篇

寄懷秋潭禪師

西風過籬落黃葉正蕭蕭竹徑無人問柴門有鹿朝瓶
花侵佛面香氣淡詩瓢兩度空林下移舟出小橋

題郭子式梅園

草屋半披霞人煙子式家土牆梅未葉籬雪竹如花眼

雨上高僧詩 卷下

十六 四明叢書
約園刊本

底千峰白階前一水避小橋非約略雲到漫呼茶

望江亭晚步

薄莫萬山紫行行踏草芒邨煙翻樹色寒翠滴衣裳孤
月未成炤長天若可翔雲中寶叔塔影影在錢塘

寄玄津法師

經臺留虎跡清冷樹頭斑風細鐘生韻霞燒塔自聞客
多尋竹閣我獨掩松關朝夕皆相似何須問徑山

小有山房與三江王墨池夜話

小有重巖下緇衣聊可通水間雲氣白牀底日輪紅茶

熟沸松露飯香吹海風長林多差異角虎每相逢

侵曉乞食

乞食向餘英逍遙布衲輕板橋人未渡古樹鳥先鳴鉢
響流殘月環飛計遠程隔江煙起處茅屋兩三楹

次韻

杜門身世靜鳥語上檐楹三壑我何有寒暄物外生寫
煙山入碧間雨竹來清此事元非得眉痕不自輕

藍園

九日秋光紫堊班葉漸疎樹眠亭子賦苔上板橋書魚

南上高僧詩卷下

十七四明叢書
約園刊本

舞爭殘草蟲鳴識舊居人情半相似老至不如初

山居

香雨落庭際寒煙襲草青澗流枝上月風動樹頭星黃
獨深山塢紫禾秋水亭不同支遁隱一鉢自惺惺

新秋雨後

籬根雲塞路泥水漲池塘毛竹新秋色喬松舊草堂捲
簾山作供待客月為觴竟日開門坐木鑪黃熟香

田家

問農何所樂無字亦無篇竹葉煨香粥松枝炊老泉春

耕黃笠雨夏插綠苗田更有忘情事柳陰赤膊眠

憶雙髻舊居

雙髻築菴日黃茅掩半邊壘牆無白石補屋有青天煮
粥兜崖水澆蔬來野泉藤花香竹枕高臥月窗前

語風居

不把精神逐塊忙深居巖畔好商量垂垂穿屋青藤細
忽忽倦思綠樹涼雨氣闐消蒼朮火人情漸覺葛衣香
案山儘興談風月使得成羣羣鹿狂

小雪後一日同白僧遊沈家莊

南上高僧詩卷下

十六四明叢書
約園刊本

板田邨上午煙斜犬吠籬根野菊花細竹綠撐深澗水
短松青蓋小人家烏鴉冷噪緇衣綻黃雀空嘯白衲嘉
剛得低徊天又晚嶺頭楓樹宿殘霞

天衣寺訪友

赤腳擔囊到十峰倦人無力話從容石橋未斷荆扉月
雲徑將寒山寺鐘鐙色漸分青入夢香光擬動火初紅
游心正與君相約破曉秋聲一樹風

雙髻秋日山居

石邊覓水到廚房涓滴聲中歲月長鋪簷竹牀伸腳穩

刈新茅草枕頭香
桐葉落日初短
白荳花開天又涼
收拾綻籬風不向
任馮屋上砌寒霜

題畫

短長山下短長春
亂樹扶煙葉自新
邨屋經時看閉戶
溪橋每日聽行人
松杉翠落深雲面
泉石斯文杳谷神
誰會提壺到亭榭
千花含笑有餘賓
樹色蒼蒼草色淺
石頭冷載短亭亂
山影卓青天外
一澗春流白晝西
僧倦欲眠雲响錫
花寒不放鳥忘啼
料伊總得能枯筆
輸與袈裟有自題

南上高僧詩 卷下

十九 四明叢書
約園刊本

赴齋歸

青箋招我話寒暄
衣損無聊暫出門
草拂竹雞栖薄莫
鴉啼山屐入黃昏
疎梅點樹和雲白
野火沿山炤客尊
鐘動夜深初避席
一池春水紫煙屯

山居

睡起臨窗晚色曛
蠅行集集上階痕
倦花欲落成多事
疎竹新添得幾根
廬靜有香雪入榻
山空無物月爲門
石邊細冷長流水
只借清談不借軒

訪石壁

雪淨空山餘瓦礫
相傳此地有名僧
兩池日月分今昔
萬竹風霜絕愛憎
聊築草堂憑古寺
留題石壁洗新僧
秋花沒膝香衣帶
爲覓殘碑第幾層

孟夏

我愛山頭草屋香
就將茅竹構爲梁
幾分月色通幽壑
一片花陰蓋短牆
林靜遙聞天帝語
夜深熟睡道心忘
非嫌暑氣燒蒼朮
日日飛來雲滿牀

呈雲栖蓮大師

四十年來海內師
闍然林下欲何之
草青一地舊春色
雲白半聯昨日詩
乳虎有鄰藏骨穴
後人無語杖藜時
石牀曠却閒心語
說與諸君那得知

春日雨霽武康令周季侯過訪

茅茨久不掃蒼苔
天影春浮蔭石臺
雲過樹頭拖綠去
客尋虎跡踏青來
香流花草煙中潤
韻襲芝蘭雨後開
剩有一身閒若此
遠山作供幾千堆

沈園別李不器

衰柳無煙鳥不驚
橫擔竹杖問歸程
雲開嶂色鞵根潤
葉落空庭山骨青
別子河橋秋色暮
尋詩花徑雨初晴

南上高僧詩 卷下

二十 四明叢書
約園刊本

他年忽憶鏡前句拂塵重論去住情

山居

薜蘿青挽襲衣香草屋無風月自涼石竇筠支千篆水
秋花月訪萬枝霜一窗燈火誰同語半榻雲山我獨量
細看古人潑墨處研池煙冷浸瀟湘

傲骨生如鐵更豎行行竹杖撥秋煙草萊自謂根無力
花木原知香在先山豎半空霜著頂水寒千頃月來天
沈沈五夜鄰家火活煮桑麻汲野泉

茗溪曉發

甯上高僧詩卷下

三三四明叢書
約園刊本

曉行溪上別空候遙見晨星挂茂樸葉響青桑臨野渡
浪翻白荻送孤舟邨橋水漲千門火驛路雞鳴萬戶秋
垂世衣冠多寵辱爭如林下一清脩

卽事兼示弘暉

無鬼川流欲問家不知何處可通槎竹風斜接山頭月
雲影虛銜水面花白屋誰能施禮樂石屏我慣寫丹霞
坐觀伎倆能多少煙冷程途噪乳鴉

題智承禪師筆冢

智翁頂上問何由曾笑先生葬筆頭黃土碎爲文字穴

白雲蘸盡研池秋翰香墨跡餘田野花冷煙殘許獨愁
晉代遺痕今日冢青山幾度上魚鉤

十四夜臺上看月

月薄半邊望露圓秋葉光坐人生寒影側雁空南翔星
落磬聲咽霧埋山夢長女蘿翻鬼袖忍草孕嵐香彈指
虎銜石翦鐙雞在柔篆煙浮鼻觀香茗簇眉梁踈竹夜
深斷幽花吟外蒼支牀疑夢對拍枕惜詩狂驚絕畫風
手快哉鐫雪腸雙輪烏兔老天地一浮觴

新構侍者山寮

甯上高僧詩卷下

三三四明叢書
約園刊本

山居日自新踈冷不落塵松老緇爲伍蕺香素可鄰翻
書思妙喜評古見洪湮五斗炊將熟三生話未伸田禾
青到眼池月白來賓畫石苔侵管構亭煙落津竹鑪初
有篆木葉暫支茵清晝影沈壁黃昏鐙弄巾鐘鳴何處
寺雀語舊時身鼓角聞天遠禪扉避客塵如何一丈屋
矮矮會留人

題畫

樹合煙色重青山勢何懶亭中問雲者去而不復返

雙髻山居

茅舍無燈炤開門放月來翠藤初月上孤影不成堆

五言絕

冷日照林壑我來擊松扉西風在衣帶落葉如鳥飛

登聶山

我愛栖霞山可登復可望煙中江水流流不到山上

五言絕

老樹渾無葉危峰勢若飛水流聲去遠空竇候雲歸

樹老風無力亭空境自閒不須霜葉落然後見青山

孤亭不帶雲惟有秋煙色秋煙輕若風粧點茅亭石

南上高僧詩卷下

三四明藏書
約園刊本

林間一小邨到此已黃昏不識人家姓逢逢只打門

題畫

浮來何處石塞斷亂山猴獨許孤亭下溪聲得自由

春風洗幽徑古樹生微香虎蹟帶雲動亂峰迎夕陽

山居

夜深人去眠月上孤峰靜寒色侵野花溪雲淡無病

贈李長蘅上新安

樹頭紅葉冷衣斜徧地秋風野菊花一箇道人山影外

翛然到處是歸家

冬夜向火

地爐撥盡煙頭火烘到天明無一星山上一林霜打竹

朔風吹起歲寒聲

偶成

雪花爛盡竹枝長春到山頭草屋香攜杖出門還不是

停看流水下池塘

曉發

葛卷衣邊秋卷蕉曉行寒露草頭飄邨中尙未炊煙出

且逐雞聲過板橋

南上高僧詩卷下

三四明藏書
約園刊本

看山

參差樹色雲林畫高下峰頭遠近看溪上人家炊夜火

澹澹煙雨過前灘

雙髻山居

青山木葉落秋風檢點東籬菊未豐竹戶夜來雲共榻

想渠也愛草菴中

昨夜夢回茅屋冷石牀生筍鼈生苔糧空正欲尋知己

一片白雲溪上來

同安頂坐石

披雲坐石偶成題秋水相通黃葉栖邨屋晚煙搏不住
隨風亂亂下西溪

長輿方丈菴訪友

芒屨竹杖爲尋君山曲重重煙火郁及至相看無可語
梅花十里一溪雲

題畫

水邊亂石獨惺惺插出奇峰三五層自是白雲相別後
只逢樹色不逢僧

山色秋雲澹澹加或高或下點苔花此中著箇空亭子

雨上高僧詩卷下

三五 四明叢書
約園刊本

野鹿歸來便有家

允肇山房春日卽事

歌聲忽忽起蘿扉煙染春枝蕨正肥何事遣情消白日
竹雞唬雨隔林飛

梅影

煙和輕影過窗紗臘盡枝頭初見花林下有聲冰折竹
臨厓白屋幾人家

寒夜同來髯王子安聽月西冷

西冷橋上坐禪人夜色連衣月未真冷浸錢塘一湖水

不知換卻幾君臣

除夕對雪

千峰頂上隱絲綸長夜忘眠却外人天子不朝佛不禮
一肩亂髮且精神

余山舟次

萬樹秋風初有音住山何用選雲深推窗縱目香千里
處處田花眼曉陰

山居

林泉託出古煙霞插徧春風四壁花雨後提籃過嶺去

雨上高僧詩卷下

三五 四明叢書
約園刊本

杜鵑聲裏采新茶

雲門

記得青山松接門短茅披月動黃昏隨風獨步石橋外
細聽鐘聲過遠邨

題李長蘅扇圖

半骨逍遙絕翦裁任君風雨潑將來小橋斜接空亭子
山水無人花亂開

題畫

漫疑此地隱神仙剛得層巒幾樹煙非是蕭蕭亭樹冷

久無人跡到林泉

雲邊別有行人路不打米家山下來橋斷至今無石補
湍湍流水聚還開

遠峰一點綠如苔幾欲藏之喚不來茅店人家過嶺夫
樹邊豁豁竹門開

長山一帶數千峰著箇茅菴綠樹中想是行人歸未得
愛題黃葉在秋風

甬上高僧詩卷下

三毛四明叢書
荆園刊本

甬上高僧詩卷下

Faint, illegible text, possibly bleed-through from the reverse side of the page. The text is arranged in several columns and appears to be a list or a series of entries.

四明宋元

僧詩

四明張氏釣園開雕

序

士之負瓌奇夔絕之材而無所用其能往往伏於山野
淪在塵市其或有託而逃激焉遊世則又多懸迹浮屠
故其雖為佛子於儒術多通曉而工詩歌者尤眾翹翹
怪古之儒學如韓歐蘇氏者每喜與方外之士游且時
時稱述其詩文然其詩文傳者亦罕豈其本無足傳歟
抑搜輯之人少哉乃者余既獲董氏震軒所輯四明宋
元僧詩二卷讀之作而歎曰是豈非負瓌奇夔絕之材
而無所用其能者邪嗚呼亦可謂善隱者矣願若大觀

四明宋元僧詩序

四明叢書

師之遇宋仁宗大慧師之遇孝宗亦何至無所用其能
而必出於逃禪則又何也余聞客談有楚人贛念劬者
始從張廉亭王益吾兩先生游既值清室不綱謀傾覆
為人長記室事敗泛海至普陀遂為僧會者顯者來故
人也寺僧強使募化因又棄僧不為竟窮老死其詩則
益工而在普陀所為詩尤奇絕儼所謂激焉遊世者非
與余疑方外詩人行迹率如此若覺慧諸公其罕焉者
耳至於雅耽山居游心禪悅斯則慧心獨具與彼高人
雅致同一懷抱也劉氏仁本題弘覺師書樓詩云青山

湖上老僧居百尺危樓萬卷書架插牙籤朝旭上香消

古鼎夜窗虛榻干竹色浮蝌蚪枕簟芸香落蠹魚近憶

校讎人未遠雨花零亂獨躊躇此蓋不僅為詩僧矣今

此書所錄宋詩僧二十八人比丘尼啞女與焉元詩僧

十九人道士鄭守仁與焉錢氏鳳翰又為附道士呂希

夷一人於元詩僧後尚不足五十人即以宋元僧之在

四明論其闕焉不見姓氏者猶多何況伏山野淪塵市

而弗隱夫禪者則益不可勝道也嗚呼天之生材有限

而令託焉而逃之其逃之者止水涵空孤雲自在塵甑

四明宋元僧詩序

四明叢書

萬事枯木不花計則得矣然人間垂楊誰與拂拭官街
鐵火輝點脂膏世味艱難一念萬劫尚餘窮相一雙手
要向諸方痒處搔誦道冲僧詩益不盡感慨係之矣是
為序時民國二十一年四月張壽鏞

序

四明宋僧詩一卷元僧詩一卷亡友董君震軒所輯也君喜茹素口不識酒味舒晷舒雁之類未登於庖有僧性焉設帳授徒恆在名山谷剎中遇方外友談論娓娓不倦與余同癖余家距阿育王不四五里君訪余輒拉之偕遊迤入天童山繙閱藏經累日而返每謂余曰某堂選甬上高僧詩寥寥十餘家意在以詩存僧而非以僧存詩不足稱美備也蓋廣之乎余諾君遂自任宋元而以明代歸余其兄覺軒先生素不喜禪君嚴憚之未

四明宋僧詩序

四明叢書
約園刊本

敢告也壬申秋君臥疾於家余買扁舟訊君病榻君出所輯詩示余曰吾稿已成將俟君成書後可併刊之不一三月而君歸道山矣始余與君約明代詩僧海外為盛擬將東遊普陀一訪著述而飢驅奔走卒未有暇所選之詩迄不能脫稿今覺軒先生成進士行赴西江尚不知介弟之書存留余手余冉冉老矣恐成帙無期致負亡友之託爰述緣起序而歸諸先生其以此二卷先付手民亦足慰介弟纂錄之意而吾書之成不成姑無庸計也天假歲月或能踐息壤之約猶當浼先生刻

之矣光緒戊寅年二月同縣吳德機蘅塘序

四明宋僧詩序

四明叢書
約園刊本

四明宋僧詩目

修己

懷璉

重顯

本如

善暹

知和

普交

行持

正覺

崇果

智圓

妙雲

僧印

元昉

希顏

本正

四明宋僧詩目錄

四明叢書

法平

僧衍

妙堪

德光

可觀

善珍

道沖

僧鑒

師範

智朋

炳同

啞友

附友僧

四明宋僧詩

鄞縣董 瀛震軒編輯

修己

廬山僧後至天童嗣法谷隱聰天聖五年入四

明山心獨居十餘年道俗聞風而至遂成叢林

即仗錫也

句

羊腸鳥道無人到寂寞雲中一箇僧五燈會元

懷璉

四明叢書

四明叢書

漳州陳氏子字器之皇祐中賜號大覺禪師後

住育王山廣利寺

林間錄仁宗皇帝與大覺禪師為法喜游相宸

翰詞句甚多然皆蹤跡上語初不敢出新奇宏

妙之善至觀平日所作則驚絕之句甚夥

上仁宗皇帝乞還山

千族雲山萬壑流聞身歸老此舉頭殷勤願祝如天壽

一炷清香滿石樓

冷齋夜話大覺禪師正詩舒王少與游嘗以詩

示歐公公曰此道人作肝臟饅頭也舒王不惜其戲問其意歐公曰是中無一點茶氣師蒙仁廟賞識留住東京淨因禪院甚久常作偈呈乞還山云云又曰堯仁況是如天闊乞與孤雲自在飛

進呈詩

六載皇都唱祖機兩呈金殿奉天威青山穩去欣何待滿篋惟將御送歸二老堂雜志

重顯

四明宋僧詩

一四明叢書
約圖刊本

遂州李氏子字隱之居雪竇寺皇祐中賜號明覺大師有瀑泉集

廬山獅子峯

踞地盤空勢未休爪牙安肯混常流天教生在千峯上不得雲攀也出頭

僧寶傳重顯工翰墨常游廬山棲賢時謁禪師

居焉簡嚴少接納顯作獅子峯詩以譏之

暮冬感懷寄瑞嚴禪師

雲水繞松檻遲遲結清淺病眼時嬾開幽情況難遣故

人久相別飛文屢慚颯仰謝十二峯分明月如翦

天竺送僧

雪竇蓮峯頂孤禪起石牀向時機自絕異域路空長啼狖衝寒影歸鴻見斷行後期無定跡煙水共茫茫

千里不來

不見古君子因循又隔秋浮生多自擲好事更誰留碧嶼高沈月寒雲靜鎖樓宗雷何處是白馬下汀洲以上溧泉集

送俞居士歸蜀

四明宋僧詩

一四明叢書
約圖刊本

何處深棲役夢頻青城拋卻數溪雲如今老大歸難得祇寫情懷遠送君宋高僧詩選

本如

明州林氏子慶曆二年賜號神照住白蓮寺著有仁王懺儀十三科

呈法智大師

處處逢頭路頭頭是故鄉本來成現事何必更思量延祐四明志

善暹

臨江軍人重顯弟子初任雪竇後任開先寺

辭顯禪師題壁

不是無心幾祖燈道慚未廟嶺南能三更月下離巖竇

眷眷無言戀碧層補續高僧傳

知和

崑山張氏子號衣和菴主即海尊者也歷住天

童仗錫二靈

移住二靈

自從南岳來雪竇二十餘年不下山兩處住山身已老

四明宋僧詩

更尋幽谷養衰殘

十方世界眼前寬拋卻雲菴過別山三事衲衣穿處補

一條藜杖伴清閒

黃皮裹骨一常僧壞衲蒙頭百慮澄年老懶能頻對客

攀蘿又上小峻嶒天童寺志

案曰羅湖野錄以此第三首為徒居仗錫寺題

壁詩未知孰是水東日記載此詩少有不同且

以為元人詩又謗其名曰衣和云出奉化志則

非也

題壁

竹簾兩三升野水窗前五七片閒雲老僧活計只如此
留與人間作曉聞

羅湖野錄明州和菴主居雪竇之樓雪菴有志
於道者多往見之主者嫉其勝已因郡守周舍
人問其名而問之對曰一常僧耳和題偈於壁
徒居仗錫山

普交

俗姓畢鄞人天童寺僧

四明宋僧詩

辭世偈

寶杖敲空觸處春光陰掣電舊曾問昨宵風動寒巖冷
驚起泥牛耕白雲乾道四明圖經

行持

俗姓盧明州人嘗住雪竇

頌

大樹大皮裹小樹小皮纏庭前紫薇樹無皮也過年老菴筆記

正覺

隰州李氏子號弘智禪師主天童著有語錄

治塗田詩

基局未散芭蕉仙樵夫柯爛海成田長隄抗潮人得路
淡水沒脛牛加鞭天雲晚晴深似綺禾稻日茂濃如煙
白米軟炊供眾飽心空選佛石頭禪兩上高僧傳

題奉化西峯圓覺禪院

水流百折山蒼蒼古寺秋容橫野航明月初濡寒露白
籬花似趁重陽黃道人心已老松石學子膽須磨雪霜
默默澄源坐兀兀游魚沙鳥靜相忘延祐四明志

四明宋僧詩

六四明續書約圖刊本

中峯夜坐

哀猿叫落中巖月野客吟殘夜半燈此景此時誰會得
白雲深處坐禪僧

冷齋夜話智覺禪師住雪竇之中巖嘗作詩云

云詩語未工而其氣韻無一點塵埃予嘗客新

吳車輪峯之下曉起臨高閣窺殘月聞猿聲前

此句大笑棲鳥驚飛

宗泉

寧國奚氏子別號妙喜主育王孝宗賜號大慧

禪師諡普覺著有指源集

寄無垢居士

上苑玉池方解凍人間楊柳又垂春山堂盡日焚香坐
長憶毘那多口人普燈錄

智證菴

柏子拈來香滿廬蒲團靜裏結跏趺三年過眼千千卷
此際分明一字無嘉善縣志

智圓

天童交禪師弟子住慶元蓬萊三十年

四明宋僧詩

七四明續書約圖刊本

偈

新縫布被烘來煖一覺安眠到五更聞得上方鐘鼓動
又添一日在浮生兩浙名賢錄

妙雲

字慈室主延慶寺

東湖

山環湖水水環山短艇白鷗窗幾間野外更將供給至
飽參著得十僧閒延慶寺志

僧印

慈溪劉氏三子月江爾虎巖伏公主育王

周侯祠

將軍手持三尺劍奮身直入蛟龍穴至今魚鼈不敢游
溪流上下皆腥血千年廟食未足酬問之父老何其真
害人白額猶未盡紛紛不獨南山頭宋龔

元昉

號雪汀主壽國寺

曹孝女廟

祠古孝誠遙悲風想暮號月魂迷草色旌旗灑出遊

四明朱僧詩

碣惟黃絹孤墳掩綠篙千年暗潮水亦以姓為曹題

晞顏

字聖徒號雪溪奉化僧

補續高僧傳晞顏文藻高妙後進愛慕嘗步藥

畦見聖相殺傷之多遂不復茹蔬惟賣海苔三

百六十斤日取一斤供粥晚住桃源厲氏巷專

志念佛

普和寺

朱樓紺殿牛江村石壁深藏佛影昏最好夜深湖水滿

艤齋月到柴門宋高僧詩

憶佛軒并序

自古對青人生百歲七十者稀予年十六祝髮
初預僧列今幸七十忠世非久朝夕人耳平居
非不誦經稱佛恨未精專遂取首楞嚴勢至章
若入憶佛念佛見前當來必定見佛之語命小
軒曰憶佛庶幾以為臨終見佛先容耳且作偈
以繫於左

二椽老屋許安貧佳處無如憶佛真萬事了知猶墮甌

四明朱僧詩

百年惟此可書紳歲閒靜寄蒲團夜松下聊供茗盃春

閉戶不忘常憶佛願帶終似影隨身

平日叢林見祖師還如憶佛在今時但安谷底三椽地

不挂胸中一縷絲幽徑落花浮澗水小窗斜日下松枝

寂然真境知誰見惟有金容入夢思樂邦文類

本正

號月湖半鎮四明人住虎邱寺

吳門上元

村翁看了上元歸正是西樓月落時誇道官街好燈火

不知潭爾點膏脂山房隨筆

法平

字元衡號怡雲野人嘉禾人主仗錫廬山諸寺

著有語錄集稿

寶慶四明志法平工文能詩孫觀宋希真陸游

皆重之史忠定法嘗酬其傷云團團碧月印寒

潭時有清風掃碧嵐照見山人方隱几灑然無

物自沈酣

北固山

四明宋僧詩

十一四明續書

不負南徐約來看北固雲金焦兩山小吳楚一江分雨

意生苔壁潮聲起夕曛半生流落恨此日重殷勤

曉上人還浙東

鳥宿柴門靜更深別意傾孤燈寒有暈細雨夜無聲渡

曉人爭立潮平鵝亂鳴君今成獨在老罷苦為情以上高僧

選詩

僧衍

號石帆嗣法道場岳住天童

玉殿苔生

金鳴香消更漏深沈沈玉殿紫苔生高空有月千門照

大道無人猶自行天童寺志

妙堪

慈溪毛氏子號笑翁嗣法用全歷住天童翠巖

育王著有語錄一編

頌古

一人客路如天遠一箇歸心似箭輕彼此征途雖有異

須知同日到天廷續傳燈錄

德光

四明宋僧詩

十二四明續書

臨安彭氏子自號拙菴淳熙三年賜號佛照禪

師寧宗賜諡普慧宗覺禪師住育王

題鄭峯接待菴

玉几峯高難措足行人多向半途休無棲泊處開門戶

箇箇教伊到地頭阿育王山志

可觀

華亭戚氏子字宜翁號竹亭淳熙間主延慶寺

著有楞嚴經補註

重九

胸中一寸灰已冷頭上千莖雪未消老步只宜平地去
不知何事又登高

松江府志乾道七年丞相魏杞鎮姑蘇請可觀

主北禪入院之辰適值重九詣座說偈云云杞

擊節不已

善珍

泉州呂氏子字藏叟住育王

山行晚歸

一徑入雲林晚晴扶杖吟照泥星復雨經朔月猶陰樹

四明朱僧詩

十二四明朱僧詩

折憐巢覆泉清見葉沈愛閒自如此不是學灰心

春寒

林間燈夕過顧影在天涯雪暝迷歸鶴春寒誤早花艱

難知世味貧病厭年華故國風塵外無人可問家以上

律

送客宿九日山

石甃斷苔紋摩挲弔隱君風吹遊子袂月照古人墳舊

事殘碑在荒祠流水分承懷山忽暝黃葉墜秋雲南安

道沖

武信荀氏子自號癡絕歷主太白育王寺

淳祐辛酉立秋後一日遊鼓山

野徑斜連石澗傍草根呢語寒蟄郊原經雨多秋意

庭院無人自夕陽風捲暮雲歸碧嶂葉隨野水入寒塘

數家籬落楓林外枳殼垂青菊綻黃鼓山

句

尚餘窮相一雙手要向諸方痒處搔

兩浙名賢錄道沖學釋氏梓州妙音以偈游

浙其言云云

四明朱僧詩

十三四明朱僧詩

僧鑿

淳祐中住雪竇普有雪竇雜詠

錦鏡池

一鑑涵虛碧萬象悉其中重綠浮輕綠深紅閒淺紅

入山亭

荒蕪行盡處幽亭聊暫止帶雨策孤筇登高從此始以上

四明

師範

梓潼雍氏子號無準賜號佛鑑禪師住育王寺

大芙蓉

水雲何處覓行蹤踏徧天台雁宕峯脚力盡時消息盡

小芙蓉接大芙蓉雁山志

智朋

四明黃氏子住瑞巖

宋使者詩

相煩專使入煙霞灰冷無湯不點茶寄語甬東賢太守

難教枯木再生花

五燈會元建康清涼寺請朋住持郡守亦勉其

四明宋僧詩

行朋不從送使者云云

炳同

新昌張氏子字野翁住仗錫寺

送僧之華頂見溪西詩

高高峯頂屹雲中八十溪翁也眼空相見莫言行脚事

累他雙耳又添聾

句

老來非厭客靜裏欲書經以上四明山志

啞女附

明州戒香寺女僧

錢唐所書句

須彌山上擺鐸大洋海底搖鈴若問啞女姓字卽此便是眞名

鄞縣志鄉士衛開邂逅一道人於洛陽謂開曰

公鄉啞女維衛佛也若歸可往禮拜比歸訪之

戒香已化矣明年過錢唐見小兒數十擁一尼

童入門譁笑曰啞啞聞驚顧女索紙筆書云

云出門徑去開追小兒忽俱不見

四明宋僧詩

案曰中大夫周公鏐方應舉啞女作長短句贈

行云風波未息虛名淨利終無益不如早去陪

蓑笠高臥煙霞千古企難及君今既已裝行色

定應雁塔題名籍他年若到南雄驛玉石休分

徒累卞和泣鏐後知南雄以言邊事忤時相入

黨人籍悉如其言附存之

十五四明叢書

約園刊本

四明宋僧詩

四明元僧詩目

如琪

僧益

祖瑛

祖柏

惠恕

覺恩

淨日

僧照

四明元僧詩目

僧欲

鄭守仁

附道士

明本

如皎

祖銘

荆石

弘濟

希顏

僧訥

僧卓

曇暉

四明叢書
約圖刊本

四明元僧詩

鄞縣董 濂震軒編輯

如琪

號橫川永嘉林氏子至元間住育王

寄龍石老翁

龍山閣上望江水蘆葦叢邊白鳥飛一個間人天地外

夕陽遠近釣船歸

四十餘年交舊少惟師遠近寄新茶瓦瓶未汲寒泉水

無限清風滿我家

柳貫上福龍山古蹟記

四明元僧詩

四明叢書
約圖刊本

明本

錢唐朱一作孫氏子號中峯賜號廣慧禪師諡智

覺歷任天童海會諸寺著有中峯廣錄梅花百

詠一花五葉集

叩皖山隱者

野人原上十五春寒崖白石啼山鬼萬峯重疊路回旋

半間箬屋青松底老僧荷鋤入煙霞滿林搖落朱藤花

燒田種寒栗刷地栽胡麻雲根撥筍澗底尋茶糞火深

埋芋魁種砂瓶爛煮黃菁芽人謂隱者閒不足何故山

翁事驅逐山翁笑指溪上桃庭前竹春風幾度更新綠
香巖不作靈雲死徒有是非喧兩耳爭似儂家百不知
從教少室分皮髓

閨林閒錄有感

林閒編此錄深夜剔殘燈慧命微如縷人心冷似冰祖
庭空積雪古路不逢僧追想前賢轍思歸一念增

船居

水光沈碧駕船時疑是登天不用梯魚影暗隨篷影動
雁聲遙與勝聲齊幾回待月停梅下或只和煙紫柳西

四明元僧詩

四明叢書
約園刊本

萬里任教湖海闊放行收住不會迷

人在船中船在水水無不在放船行藕塘狹處拋篙直

荻岸深時打櫂橫千里溪山隨指顧一川風月任逢迎

普通年外乘蘆者未必曾知有此情

散宅浮家絕所營閒將秋色戲評論煙蓑帶雨和船重

雲衲衝寒似紙輕帆飽固知風有力舵寬方覺水無情

頭陀不慣操舟術幾失生來兩眼睛

山居

三尺茅檐聳翠岑去城七十里詩欵誰同趨入忘賓主

我自往來空古今雪澗有聲泉眼活雨厓無路藓痕深
爲言海上參尋者菴主癡頑莫訪尋

數朵奇峯列畫屏參差泉石暢幽情青茅旋置尖頭屋
黃葉頻煨折脚鎗雲合暮山千種態鳥啼春樹百番聲
世間世出閒消息不用安排總現成

水居

道人孤寂任棲遲跡寄湖村白水西四壁煙昏茅屋窄
一天霜重板橋低鶯鶯拍岸明生滅止水涵空示悟迷
萬象平沈心自照波光常與月痕齊

四明元僧詩

四明叢書
約園刊本

水邊活計最天然物外相忘事事便門柳每招黃蝶舞

岸莎常襯白鷗眠雨傾荷葉香浮屋風捲蘆花雪滿船

不動舌根談實相客來何必豎空拳

水國菴居最寂寥世途何事苦相招去村十里無行路

隔岸三家有斷橋數點鴉聲迎暮雨一行魚影漲春潮

陳年佛法從教爛豈是頭陀懶折腰

廬居

足跡無端徧海涯現成山水不堪誇市廛既可藏茲錫
城郭何須著我家四壁虛明連棟月數株紅白過牆花

見聞不暇存方便只此隨緣遣歲華

次韻高麗藩王題真際亭

高亭結構標真際體其雲林一樣閒山勢倚天忘突兀
水聲投澗自潺湲伽陀迴出言詞外海印高懸宇宙間
佇看憑欄人獨醒又添公案入禪關

田歌

村南村北春水鳴村村布穀催春耕手捧飯盃向天祝
明日插秧還我晴以上甬上高僧詩

九字梅花詠

四明元僧詩

四明叢書
約園刊本

昨夜西風吹折千林梢渡口小艇滾入沙灘幼野橋古
梅獨臥寒屋角疏影橫斜暗上書窗敲半枯半活幾個
壓齋蓄欲開未開數點含香苞縱使畫工奇妙也縮手
我愛清香故把新詩嘲

題金山寺

半江湧出金山寺一簇樓臺兩岸船月到中宵成白晝
浪翻平地作青天塔鈴白簇微風語灘石長磨細浪圓
龍化楚人來聽法手擎珠獻不諭錢

憶梅

夜分明月是揚州尚有春風在樹頭莫怪當年何水部
歲寒心事與誰愁

惜梅

香消泥汗意徘徊掠地迴風玉作堆愁絕黃昏無一語
怕看孤月上窗來以上歷代詠物詩選

三柳甬上高僧詩作水居

年晚那能與世期水雲深處分相宜菱蒲繞屋供晨爨
菱藕堆盤代午炊老岸欲隳添野葑廢塘將種補新泥
無心道者何多事也要閒消十二時松江府志

四明元僧詩

五
四明叢書
約園刊本

林塘最樂堂

學得閒來便是閒好山好水任盤桓林塘菴外湖山景
當作杭州一樣看桃源志

雁蕩幻住菴除夜偈

茅屋之間冷似冰灰頭上面十餘僧掃除自己閒枝葉
不打諸方爛葛藤就手揭開新歲曆和光吹滅舊年燈
頂門別具摩醯眼越死超生似不曾虎阜志

僧益

字楠堂永嘉人宗杲四世法嗣歷住太平彰聖

終於奉化岳林著有山居詩

山居四十首錄

亂流盡處下幽棲獨樹為橋過小溪
春雨桃開憶劉阮
晚山薇長夢夷齊尋僧因到石梁北
待月忽思天柱西
借問昔賢成底事十年騎馬聽朝雞

入間紅日易西斜萬巧施為總莫誇
剖出無瑕方是玉
畫成有足即非蛇拳伸夜雨青林
蕨心吐春風碧樹花
世念一毫融不盡功名捷徑在煙霞

自是不閒閒便得矜功負氣總徒勞
乾坤不換蜩雙翼

四明元僧詩

六四明叢書
約園刊本

泰華何殊牛一毛揭石出潭秋水怒捲
茅落地晚風號

滿頭白髮于時政漫說商山四皓高

異草靈苗世莫栽羅龕禪起獨徘徊
獄曾近寫茶經去

海客遙尋藥鴨來曉洞雲腥龍孕于
夜天月冷兔懷胎

事殊世異真風遠漢武開池見劫灰

千年明鏡忽生塵逐妄迷真豈有
因海上刻舟求劍客

市中當畫攫金人萬牛難挽清風
轉兩曜偏催白髮新

此事知音古來少碧天無際地無垠

竹屋數聲清磬斷隔溪疏雨遺斜暉
一機忘去是非盡

萬法空來體用歸黃狝林中偷果去
翠禽林下領雛飛
有官有佛從人選獨坐秋階納翠衣

即今休去便休去何事卻累身後
名世亂孫吳謀略展
方高屈馬是非生溝中斷木千年恨
海上浮槎萬里情
誰識昔禪涼夜月松根一片石牀平

秀野草堂元詩選世傳山居詩一編
葉菴黃僧
游廣陵得於東隱精舍為元時韻刻
如春煖鹿
眠三徑草夜寒雁叫一天霜
棧鞋踏冰石溪滑

松帚掃霜山徑陰相韓卿趙禪中
融鬪楚王吳

四明元僧詩

七四明叢書
約園刊本

檻內猿聽蔬月下擔寒痕移石雲邊
接斷橋一

火燒畚春采厥半莖披雨晚鉏
圍格律在皎然

無本之間當不徒賞其山居高致也

題徑山餘杭縣志
作祖銘詩

攀蘿捫石上崔嵬為訪名師
特到來碧眼望穿紅日際

青鞵踏破白雲堆松濤振壑鳴
天籟瀑布春巖動地雷

好境自然塵世別何須海上
覓蓬萊徑山志

如皎

鄧周氏子字性天

臨終偈

文章佛法空中色名相心身柳上煙惟有死生真大事
殷勤了辦莫遷延

鄞縣志如皎從正菴往謁古拙一夕推簾見月
有省後臨終示偈云云眾問如何了辦曰吾今
無暇為君說聽取松風澗水聲

祖瑛

號石室吳江陳氏子嘗住隆教雪竇育王各寺
寄贈華陽洞隱者次虞伯生韻

四明元僧詩

八四明叢書
約圖刊本

我居東海君句曲道遠那知消息真仙家自有縮地術
夫子無意橫目民想應洞草充餐慣不記蟠桃著子頻
誰與寄書白土埭好在伴狂史道人

恩恩一別隔幾塵眼見蓬萊淺復深釣鼈每憶任公子
放鶴誰同支道林丹就只應長不老詩成多自獨狂吟
明年就子假架海先遣飛車候遠岑

題良上人所藏亡友天錫先生青山白雲圖

今人作事每師古摹擬太甚復可嗤要於法外出新意
變化腐臭為神奇襄陽畫法妙前代千金一紙爭購之

郭公丹青有能名亦復愛之如渴飢今觀此幅殆逼真
氣骨老蒼無俗姿青峯碧澗在煙霧令人益重幽人期
沃洲天姥見髣髴支公寺前秋鶴飛橋危霜滑筇輿小
憶得前度曾攀躋郭公久矣閩泉壤此幼不減留齋咨
前身太白毋乃是句法酷似金山詩

次荆山游虎邱韻

獲在雲巖作清風欲萬尋了無蔬筍味真得古人心玉
几逢荆石龍門獲嘯林吟成四美具愧我未精深
以上元詩選癸集

四明元僧詩

九四明叢書
約圖刊本

祖銘

字古鼎號樸翁奉化應氏子歷住青山二靈諸
寺至正中賜號弘覺普濟禪師著有四會語錄
古鼎外集

鄞縣志祖銘居東湖之濱劉仁本題其書樓云

青山湖上老僧居百尺危樓萬卷書架插牙籤

朝旭上香消古鼎夜窗虛欄干竹色浮蚪蚪枕

簾芸香落蠹魚近憶校讎人未遠雨花零亂獨

躊躇

二靈山

爲愛山靈與水靈一椀高占白雲層
風光只在闌干外半屬漁樵半屬僧
鄞縣志

南屏雨中

五月雨聲連六月南屏雲氣擁
柴扉林巒有穴山精出巖谷無人石燕飛
詩句偶從行處得家鄉多在夢中歸
曉來杖策湖頭去春水溶溶沒釣磯

題巖磁圖

練光帖帖雪光開倩得鄰姑
爨未裁耶在征途兒在眼

四明完僧詩

十四明巖書

十分寒向境中來
以上古鼎外集

徑山五峯

有序
山中五峯傳之久矣然指者不一今各賦一首

庶來者不待問而知矣至正庚寅七月

天勢下凌霄坐使萬壑趨元氣結巒岫獻此大寶珠
翊

殿護釋梵鐘鼓殷人區
堆珠峯

五髻生雲雨鎮踞何春容具此大人相題爲大人峯偉

哉天地間萬象同擴充
大人峯

峯勢來大鵬鼓此垂天翼培風本無待適茲造化力何

須問天池在在六月息
鵬搏峯

杉松太古色不別春與冬道人此晏坐一念萬劫融不

特座燈王等了諸法空
晏坐峯

二儀開幽漠日月臨下土萬物麗高明此峯正當午堂

堂大聖人兩眼空寰宇
朝陽峯

宿徑山婆羅林

高齋宿層巒無眠振衣起歷歷夜方悄惋惋情自美濃

露滋桂華清香襲庭几林曠鳴籟隱空淨停雲徒萬事

坐若遺靜極到天理舉目注秋江涼月薄如水

四明完僧詩

十四明巖書

次韻免原懷徑山

蒼蒼喬木五峯齊十載江湖憶舊棲邱壑芝蘭香霧上

金銀樓閣綵雲低秋風悵望遼天鶴夜雨悲涼冢上雞

但得閒身各安健會尋石壁灑新題
以上餘杭縣志

祖柏

字子庭四明人宋史魏王之後以畫蘭與普明

齊名著有不繫舟集

嘲游虎邱

家家怨齋字戶戶雪窗蘭春來行樂處只說虎邱山

詠蓋

百骨攢來一綫收
葫蘆金頂蓋諸侯
一朝撐出馬前去
真箇有天無日頭

丁丑夏民間訛言朝廷采取童女一時嫁娶殆盡

一封丹詔未為真
三杯淡酒便成親
夜來明月樓頭望
惟有嫦娥不嫁人
以上秀野草堂元詩選

草堂詩選子庭能口辨有詩名浪迹雲游乞食

村落對人作長語
閒雜諧調其嘲游虎邱云

云蓋謂吳下游賞動輒必登千人石一時爭尚

四明元僧詩

十三四明叢書
約園刊本

班恕齋所作字及雪窗僧所寫蘭也一日偶觸

某官囑從縛至知為子庭也命賦所張蓋應聲

云云因笑而釋之後至元丙子松江昇官府遣

吏齋香帛迎請嘉興方士沈應元雷伯結壇仙

鶴觀行月字法口取蛇燕焚之了無應驗姦報

宵遁子庭有詩其中聯云誰呼蓬島青頭鴨來

殺松江赤練蛇問者絕倒了丑夏民間訛言朝

廷采取童女一時嫁娶殆盡子庭作詩云云其

滑稽類此

暮春雍熙寺訪沈自誠不遇

暇日遠相問古寺幽
且深青苔餘華落
雙樹一鷲吟鐘
存散微篆茗熟獨成
樹明當持山酒慰子
客居心

題趙仲穆看雲圖

舊游清茗上愛看
弁峯雲稍將春雨
度始見遠林分起
滅悟眞理逍遙遺
世紛於焉自怡悅
永懷陶隱君

虎溪三笑圖

境緣心妄起心悟
境自忘三老同一
笑物我兩茫茫月
照青溪水風散白
蓮香無端一笑已
千古笑何長

四明元僧詩

十三四明叢書
約園刊本

題倪雲林為韓復陽寫空山芝秀圖

每憶雲林子隱居
清且閒囊袋采芝
秀倚杖自秋山微

雪松陰暝青苔石
上斑韓原偏有意
時復到柴關

戲題陰涼室階前芭蕉

新種芭蕉繞石房
清陰早見落書牀
根霑露露北山闌

葉帶溼雲南湖涼
得地初依蒼石瘦
抽心欲並綠筠長

雨聲夜響懸崖瀑
晴碧朝浮海日光
樗櫟自慚全壽命

梗楠合愧託巖廊
觀身正憶維摩語
草字寧追懷素狂

白晝棲遲吾計拙
青霄偃仰汝身強
歲寒要使交期在

莫畏空王有雪霜

題玉山主人壁

杖錫穿雲雨溼衣我來君出兩相違
茶邊聽得仙童語
學士朝朝向晚歸

朝命移栽枯子松於內苑

大夫去作棟梁材無復青陰覆
綠苔今夜月明風露冷
誤他千里鶴歸來以上不繫舟集

荆石

玉几僧

四明元僧詩

十四四明叢書

約園刊本

次荆山游虎邱寺

故人湖上至虎邱共幽尋
池葬前王骨臺荒古佛心汲
泉修斲纒供爨掃空林對景情
尤慘青燈話夜深元詩選癸集

惠恕

字守拙四明人

甲余廷心

南北音書杳莫通先生猶自理
春農四方羣起兵無援
七載孤操力已窮江上洪濤張
怒氣城頭古木動悲風

不因廟食旌忠節誰勒功名上景鐘元詩選癸集

弘濟

字同舟一字天岸餘姚姚氏子
住鄞依半山全
公泰定間開法於萬壽圓覺寺

懶貓

老子家無甌石儲多君分惠
小狸奴職慚捕鼠飢無憾
食不求魚飽有餘燭影鑪熏
聽佛謀蒲團竹几伴跏趺
山童莫訝長尸素也護牀頭
貝葉書元詩選癸集

覺恩

四明元僧詩

十五四明叢書

約園刊本

字以仁號斷江四明人

甘菊歎

手栽甘菊巖之阿一十一莖為一窠
當暑不灌亦不摘
自然生意成婆娑頗怪秋來風雨
橫枝條滿地根鬚迸
青蟲食葉還食心小草問花出頭
頂林閒一夜清霜飛
蟲死草枯惟菊枝黃金錯落愈好
看三畝清香徒自悲

虎邱寺

東西兩寺今為一有客登臨見斷
碑賸水殘山王勣業
苦風酸雨鬼仙詩樓臺半落長洲
苑簫鼓時來短簿祠

盤卸魚腸不知處
轆轤千尺響空池

留題慧山

方沼不生千葉蓮
石房高下煮茶煙
春申遺廟客時過

李衛絕郵僧
晝眠塵世豈知無
錫義殿廬猶記大同年

九江一櫂乖風使
吏試廬山瀑布泉

寄梁中砥三首

白雲明月本無期
君子長吟有所思
雁向石頭城畔過

寄書安用牧鷄兒

憶昔吳門商子家
小樓吹雪賦蘭花
人間百番金波滿

四明完僧詩

十六四明叢書
約園刊本

一番清愁百落叉

抹電浮漣豈足憑
餘生只合付騰騰
華陽畫出金籠首

好是瀉山某甲僧
以上元詩
選癸集

希顏

字悅堂四明人

題界溪顧處士竹逸亭

界溪分得涓川種
直節虛心耐歲寒
月落林風吹酒醒

詩成吟對翠琅玕

題界溪顧處士梅隱齋

竹外橫斜一兩枝花
數不與眾芳齊
孤山月下無多樹
分得仙枝在界溪
以上元詩
選癸集

淨日

南康廖氏子號東巖主天童育王

示寂詩

天為蓋兮地為函
吾奚為兮塔與龕
灰吾骨兮山阿言

已矢矜勿鑿
情容居士集

僧訢

號笑隱天童寺僧

四明完僧詩

十七四明叢書
約園刊本

和弘智禪師

東谷神光照大千
蜿蜒九隴似龍眠
雲中仙樂青衣下

風外芙蓉玉漏傳
天童寺志

僧照

字元覺甬東人

西湖竹枝詞

阿儂家住第三橋
白粉牆低翠竹高
春光一日老一日

怕見花開飛伯勞

日日采蓮湖水濱
湖中白日照青春
東風吹雨過湖去

江花愁煞未歸人

四明近
體樂府

寄玉山主人

草堂東望白雲深
主人愛書如愛金
下榻每因楊執戟
得句長懷支道林
松花滿樹可為酒
竹筍隔簾成綠陰
我欲乘閒遠相過
坐對石牀彈玉琴

寄楊廉夫

絕愛才多楊執戟
家住東吳錦繡場
姓字已知傳宇宙
玉堂新誦好文章
畫船百丈牽春雨
鐵笛一聲鳴鳳凰
海上相望千里隔
尺書無便為吾將

四明元僧詩

十六

四明叢書
約圖刊本

題玉山佳處

玉山青青若蓮山
中樓閣日雲連
采藥相從赤松子
吹簫時約紫雲仙
斂人獻寶珠盈斗
石壁題詩筆似椽
相去地無三十里
會須騎馬草堂前

以上元詩
選癸集

僧卓

四明僧不詳何寺

續蘭亭會補任城令呂本詩

遲遲春陽藹藹蘭
茗藥爾嘉寶以宴
以遊靜觀物化散
懷逍遙一觴一詠
庶永今朝

襟飲祕園湖天氣
淑且柔傳觴際曲
渚濯纓臨芳洲織
條亂風樹幽葩落
晴溝眾賓亦以樂
正忘塵世憂

淡江
逸詩

僧欲

號了菴天童寺僧

癡絕翁所廢白雲端
主山居偈忠藏主求和

閒居無事自評論
一炷清香自得聞
睡起有茶飢有飯
行看流水坐看雲

夢回樓上曉鐘鳴
落月穿窗夜氣清
正喜世間緣業盡

靜聽童子課經聲

四明元僧詩

十九

四明叢書
約圖刊本

清智如如本妙圓
不分凡聖體皆然
即今六用成休復
卻是威音大劫前

一性虛閒百念停
臍將雙眼挂空青
深村院落無塵土

萬本長松繞石屏

天童
寺志

曇聖

字無夢號夢堂
慈溪王氏子至正
閒賜號佛懿

大師住延慶寺
著有唐宋高僧傳

山陰舟中

平明飯罷促高梢
撐出五雲門外橋
離越王城一百里

到曹娥渡十分潮白翻晴雪浪花舞綠弄晚風蒲葉搖
西北陰沈天欲雨臥聽篷韻學芭蕉

金山寺

崢嶸兩岸市塵開愛靜人尋此處來水底有天行日月
山中無地著塵埃塔擎燈影明雲杪船載鐘聲出浪堆
自信平生有仙骨好風吹上妙高臺

華頂

華頂高哉不易登溪流曲曲樹層層嵯峨陡起地如縮
廓落難扳天欲崩山翠溼衣晴亦雨井花寒齒夏猶冰

四明元僧詩

老僧住久生涯在一個蒲團七尺藤以上高僧詩

詠廣月菴鶴鳴軒

誰家玄鶴馭風行縹渺還吹白玉笙華表秋高天四際
闌干夜靜月三更曾驚蕙帳幽棲夢似訴芝田久別情
會說人間是非事一來聽徹九皋聲敬止錄

鄭守仁附

號蒙泉黃巖道士寓京師崇真宮一夕大雪填
門守仁讀書偃臥自若京師號獨冷先生奉化
劉子葵於四明東湖築天壇道院招守仁居之

登桑乾嶺迎蓬禮部

曉發桑乾嶺行行路入雲眠山皆在下惟我獨超羣驛
騎天邊出楊花樹杪分老僧邀茗供坐石共論文

和句曲外史韻寄上清薛外史

明月照寒水清霜積厚冰知君多念我為客獨依僧湖
海千年夢詩書半夜鐘忽聞江國雁寫寄剡溪藤

危太樸應奉詩

華蓋山前爽氣淨瑞鍾人品最清修汗青筆力齊班馬
太宙神光煥斗牛絳闕早朝香滿袖玉堂夜直月如鉤

四明元僧詩

春風道上看紅藥正是斯文獨步秋

鳳凰臺和李御史韻

夜深烽火東城鼓步絕金蓮春箭泥千載王風天轉北
去朝文物日沈西江浮漢地雉山小鳥沒吳雲宮樹低
獨足不回鴉鵲去雲臺今此讓烏棲

送任生之松江從學

爾翁與我同兄弟迺父論交亦友生愧我江湖空老大
喜君頭角又崢嶸蚤看器識如劉晏還擬文章似禰衡
春雪一篷波萬頃柳條青眼總離情

三十四明叢書

上京懷張外史

兩冬為客任龍沙長憶西湖處士家昨夜不知身萬里
短窗明月夢梅花

和沈自誠孤雁詩

海國風高失薊雲聲聲哀怨不堪聞自憐片影荒城月
肯為飢寒向別羣

雨中海棠分韻得肉字

花神泣向胭脂國淚挹紫綿紅沁肉沈香亭北錦屏寒

太真正在華清浴以上玉山雅集

四明元僧詩

三

四明叢書
約圖刊本

四明元僧詩

袁翰林士元書林外集為其孫尚寶卿忠徹所編中有

和呂喬齋見寄七古一篇喬孫鈞辨之曰翰林公蓋以

喬齋來詩附存集中而公詩脫落尚寶公誤收呂詩為

公詩耳詩中袁樞兄弟六句是寄公語若公和呂詩何

盛述家世自張也我向山中六句是呂自述以之屬公

義亦無取揭來六句言公設教東湖時事首尾皆稱公

中投自道文義顯然故知此詩是呂原作非公和章也

五百年後余始考而出之鳳翰案呂喬齋名希夷一字

與之靈海道士生宋季卒明初年蓋百有餘歲其詩云

四明元僧詩

一四明叢書
約圖刊本

袁樞兄弟世絕奇文章一脈如懸絲朗兒解賦蓮與芝

陳隋唐代遺音徽君今接武文場歸掀笑光輝萬丈飛

我向山中飽腹薇獨憐甘味逾蜂脾致虛守靜分自持

長謝城郭手一麾犖犖不受塵俗羈曠望海關天無涯

鳩來東湖之岸限行人傳誦宣口碑謂君所學詣所之

行將有用需明時九重端拱坐無為願言際會風雲隨

參合詞義自是寄袁之作震軒文於元方外詩僅附鄭

守仁未附希夷此詩蓋不知陶軒先生曾有攷證也光

緒甲申鳳翰客上饒吾師適刊哲弟書命之校字因附

識之十二月同縣錢鳳翰跋

四明僧詩跋

一四明叢書
約圖刊本

of the

of the

of the

of the

of the

of the

of the

of the

of the

of the

of the

of the

of the

of the

of the

of the

of the

of the

of the

of the

of the

of the

of the

of the

of the

of the

四明詩集

四明張氏約園開雕

序

宋孔司封延之嘗以會稽山水人物著美前世自漢迄宋得銘志歌詩八百五篇凡二十卷曰會稽掇英集此固會稽之文幹詩幹也四明詩派其發源甚古越之大夫種漢大里黃公實濫觴焉其後齊梁隋諸虞繼之唐則虞賀而外若邢若范若吳若胡若孫若林或全篇甄錄於簡冊或單詞隻句流落於人間下至女子方外神仙鬼怪可泣可歌皆足有裨勸戒董竹史先生輯之爲三卷曰四明詩幹其意與孔司封豈異也顧孔詳而董

四明詩幹 序

一四明叢書
約圖刊本

略耳董惟取詩而其人則以唐終取材較難孔下逮於宋益之以文會稽文物衣冠於昔爲盛取材較易且宦轍所至清思堂中朋僚畢集則所謂搜巖剔藪者蒐訪固勤矣而得之難易蓋有迥然不侔者也矧董先生以諸生終更悲年事之不永乎嗚呼四明之詩至李杲堂而集其大成全謝山繼之而先生猶子覺軒年丈更輯甬上宋元詩略十六卷吾友忻紹如復有四明清詩略之輯加以縣各有選如谿上詩輯彭姥詩蒐剡川詩鈔蛟川耆舊詩及詩繫洋洋乎越風之亞也然數典不忘

其祖舍詩幹誰歸歟抑攷先生別字可南善爲詩有板橋詩草一卷凡古今體詩一百二十四首藏六一山房今未知尙在天壤間否顧先生勤於蒐輯既他人之詩不落於債家以致泯滅其自爲詩知必有收藏而寶之者天理或然也雖然天豈真可恃耶因重刻詩幹並誌感焉民國二十七年十月後學張壽鏞序

四明詩幹 序

二四明叢書
約圖刊本

題辭

族叔竹史君從先贈公讀書與余最契成郡諸生未強
仕遽卒生平好為詩而不自愛惜遺集一卷藏余家僅
百餘篇耳是書為咸豐戊午所輯雖已採錄尙未整比
君既沒諸子幼冲書籍付債家稿亦隨去余屢索之不
應也越二十年債家中落盡售其書契家子蔡宸卿舊
游君門購得是稿稍次之為三卷以寄江右嗚呼四明
固詩窟也於鄞則有甬上耆舊詩於慈則有谿上詩輯
於象則有彭姥詩蒐於奉化則有剡川詩鈔於鎮海則
有蛟川耆舊詩而合一郡之作以探二百八十峰之祖
幹固未有成書也君所輯雖無甚祕册而吾郡唐以前
之篇什略具焉矣流落他氏若存若亡卒能傳播於世
是亦鄉先生之靈爽所默為呵護者也光緒九年冬十
一月同學姪沛識於建昌縣署晦闇齋

四明詩幹 題辭

四明叢書 約園刊本

四明詩幹目錄

卷上

周

文種

漢

黃公

齊

虞炎

虞通之

梁

四明詩幹 目

四明叢書 約園刊本

隋

虞羲

虞騫

虞綽

虞茂

虞世基

卷中

唐

虞世南

賀知章

邢充中

范的

吳商浩

胡幽貞

孫郃

林無隱

卷下

女子

武后宮人

釋子

法常

元亮

修己

無作

仙

劉綱

許碯

神

鮑蓋

四明詩幹

四明叢書
約圖刊本

鬼

陳阿登

桐樹鬼

四明詩幹卷上

清鄞縣董慶西竹史編

周

文種

鄞人仕越王句踐為大夫佐越平吳范蠡要與俱去種不從句踐忌之賜之死

慶西按王厚齋先生云范蠡去越文種不去以其為父母之邦也錢曉徵修鄞志引太平寰宇記以為荆州人物首列文種知種為鄞人並非鄞人今

考寰宇記明州人物亦首列文種鄞人鄞人樂史本無定見曉徵見其一遺其一而遽以是駁王說可乎然則以種為吾鄉人由來已久故從臬堂耆舊集之例仍首列之

四明詩幹 卷上

四明叢書
約圖刊本

祝越王詞

皇天佑助我王受福良臣集謀我王之德宗廟輔政鬼神承翼君不忘臣盡其力上天蒼蒼不可掩塞觴酒二升萬福無極

其二

其二

我王仁賢懷道抱德滅讎破吳不忘返國賞無所忝羣
邪杜塞君臣同和禍祐千億觴酒二升萬歲難極

吳越春秋越王與大夫種范蠡入臣於吳羣臣送
之浙江之上臨水祖道軍陳固陵大夫前爲祝曰
皇天祐助前沈後揚禍爲德根憂爲福堂威人者
滅服從者昌王離牽致其後無殃君臣生離感動
上皇眾夫悲哀莫不感傷臣請薄脯酒行二觴其
二曰大王德壽無疆無極乾坤受靈神祇輔翼我
王厚之社祐在側德銷百殃利受其福去彼吳庭
來歸越國後越王既滅吳置酒又臺羣臣爲樂大
夫種前進祝酒詞云云

四明詩餘 卷上

二四明叢書 約園刊本

漢

黃公

鄞人秦博士避秦難與東園公綺里季夏用里先
生隱居商山稱四皓漢高帝遣人聘之不至高帝
欲廢太子張良爲禮請四皓共輔太子入見太子
卒得不廢黃公後歸老於鄞卒葬大隱山今稱黃

墓

延祐四明志虞翻云鄞大里黃公絜已暴秦之世

漢高帝卽祚不能一致惠帝恭讓出則濟難晉夏

統言會稽土地風俗其人循循猶有黃公之高節

王黃州元之在汝州有詩未必頭如栲里子也應

頭似夏黃公畢文簡譏之以謂不當云夏黃公杜

子美詩云黃綺終辭漢逸少有尙想黃綺帖陶詩

云黃綺之商山南史阮孝緒云漢道方盛黃綺無

閻山林是黃爲姓明矣王貢傳序四皓名字當讀

爲綺里季夏而後人誤讀爲夏黃公者亦猶樂正

四明詩餘 卷上

二四明叢書 約園刊本

裘牧仲之誤耳顏師古言後代皇甫謐園稱之徒

及諸地理書說競爲四人安施姓字自相錯互語

又不經班氏不載於書諸家皆臆說是則當以右

軍陶杜爲證黃長睿言近歲得園公神坐綺里季

夏角里先生神坐謂爲漢刻前史所不載獨不言

夏黃公則師古之言無疑袁正獻之父作襄牖開

評言黃墓舊傳爲漢世黃公又曰黃姑林卽黃公

林虞翻之言當取以爲據

采芝歌

莫莫高山深谷逶迤畢畢紫芝可以療飢唐虞世遠一作

皇農 遺遠一作 將安歸駟馬高蓋其憂甚大富貴之畏人

今不若貧賤之肆志一作富貴而畏人 不如貧賤而輕世

復齋漫錄晉皇甫謐高士傳載四皓見秦政虐退

入藍田山而作歌云云乃共入商洛山故杜子美

詩云吾慕漢初老時清猶茹芝然富貴之畏人不

如貧賤而肆志本層仲連語耳

甬上耆舊詩樂府載琴集曰采芝操四皓所作也

其詞曰皓天嗟嗟深谷逶迤樹木莫莫高山崔嵬

四明詩幹 卷上

四四明叢書 約園刊本

巖居穴處以為幄茵畢畢紫芝可以療飢唐虞往

矣吾當安歸與崔鴻所載不同

齊

虞炎

句章人齊永明中以文學與沈約俱為文惠太子

所遇官至驃騎將軍

慶西案自三國志至唐書傳稱諸虞里貫皆云會

稽餘姚然考寶慶四明志云虞氏所居乃句章之

南山見夏侯曾先地志今屬慈谿諸虞墓亦多在

慈谿即句章縣亦隸會稽郡而與餘姚接境故史

概曰會稽餘姚人蓋地壤分割代各不同於時句

章縣境闌入今鄞縣地或慈谿之鳴鶴諸鄉猶在

餘姚境內耳吾鄉圖經自宋以來悉以虞氏為慈

谿人物今並收之

玉階怨

紫藤拂花樹黃鳥度青枝思君一歎息苦淚應言垂

饒謝文學

差池燕始飛羃靡草初輝離人悵東顧遊子去西歸清

四明詩幹 卷上

五四明叢書 約園刊本

潮已駕浩潏露復濡衣一乖當春聚方掩故園扉

詠簾

青軒明月時紫殿秋風日瞳曨引光輝曖曖映容質清

露依檐垂蛸絲當戶密舉開誰共臨掩晦獨如失

采菽堂詩話詠物詠虛曾不凝滯於物而神意所

注屬感在茲最為能手

奉和隨郡王經劉嶽墓下

下帷聞昔儒窺園信且逸聚學叢煙郊棲遁事環華戢

景謝歸年稅駕空悠日庭露已濡衣松門向蕭瑟悵悵

神念周依依惠言密以上附見謝宣城集

虞通之

句章人善易官至步兵校尉

贈傅昭

英妙擅山東才子傾洛陽清塵誰能嗣及爾邁遺芳

梁書傅昭少有神情廷尉虞愿聞之遣車迎昭時

愿宗人通之在坐並當世名流作詩贈昭

梁

虞義

四明詩幹卷上

六四明叢書約園刊本

字子陽句章人七歲能屬文盛有才藻竟陵王子

良開西邸招文學之士義與王僧孺並遊焉後始

安王引為侍郎尋兼建安府主簿功曹又兼記室

參軍事梁天監中卒

鍾嶸詩品子陽詩奇句清拔謝朓常嗟誦之

巫山高

南國多奇山荆巫獨靈異雲雨麗以佳陽臺重怨思勿

言再可得特美君王意高唐一斷絕光陰不可遲又苑英華

自君之出矣

自君之出矣楊柳正依依君去無消息惟見黃鶴飛關

山多險阻士馬少光輝流年無止極君去何時歸姚江逸詩

詠霍將軍北伐詩

擁旄為漢將汗馬出長城長城地勢險萬里與雲平涼

秋八九月虜騎入幽并飛狐白日晚瀚海愁陰生羽書

時斷絕刁斗晝夜驚乘墉揮寶劍破日引高旂雲屯七

萃士魚麗六郡兵胡笳關下思羌笛隴頭鳴骨都先自

驚日逐次亡精玉門罷斥埃甲第始修營位登萬庾積

功立百行成天長地自久人道有虧盈未窮激楚樂已

四明詩幹卷上

七四明叢書約園刊本

見高臺傾當合麟閣上千載有雄名

略明文選

送友人上湘

瀟足送征人褰裳臨水路共盈一尊酒對之愁日暮漢

廣雖容舸風悲未可渡佳期難再得但得論心故沅水

日生波芳洲行陸路共知邱壑改同無金石固

數名詩

一去濠水陽連翩遠為客二毛颯已垂家貧無所擇三

徑日荒疏遙人心不憚四豪不降意何事黃金百五日

來歸者朱輪竟長陌六郡輕薄兒追隨窮日夕七發動

音容賓從紛奕奕八表服英嚴光彩滿墳籍九流意何
以守玄遂成白十載職不移來歸落松柏

見江邊竹

挺此貞堅性來樹朝夕池秋波漱下泚冬雪封上枝歲
蕤防曉露蕙集羈雌含風自颯颯負雪亦猗猗金明
無異狀玉洞良在斯但恨非嶰谷伶倫未見知

春郊

光風轉蕙晦香霧鬱蘭津暄遲蝶弄蕊景麗鳥和春樵
歌喧壘暮漁柁亂江晨山中芳杜若依依獨思人

四明詩幹 卷上

八四明叢書 約園刊本

詠秋月

影麗高臺端光入長明殿初生似玉鉤裁滿如團扇泛
濫浮陰來金波時不見儻遇賞心者照之西園宴

橘詩

衝廳發隴首朔雪渡炎洲摧折江南桂離披漢北楸獨
有凌霜橘榮麗在中州從來自有節歲暮將何憂

望雪

歲杪雲書昏玄池冰夜結遠風金河起吹我玉山雪上

藝文類聚

虞鸞

句章人工屬文官王國侍郎有集

尋沈刺史至曠亭

命楫尋嘉會信次歷山原捫天上雲紮襄石下雷奔澄
潭寫度鳥空嶺應鳴猿榜歌唱將夕商子處方昏

視月

清夜未云疲珠簾聊可發泠泠玉潭水映見蛾眉月靡
靡露方垂暉暉光稍沒佳人復千里餘影徒揮忽

登鍾山下峰望

冠者五六人攜手巖之際散意百仞端極目千里睇疊
岫乍昏明浮雲時卷閉遙看野樹短遠望樵人細

四明詩幹 卷上

九四明叢書 約園刊本

以上藝文類聚

遊朝山悲古冢

長林帶朝夕孤嶺枕江村疏松含白水密篠滿平原荒
墳改凍葉低隴變年根西光長檟落促爾膝前樽

雨詩

清風送涼氣薄暮蕩炎氛虹照漣漪水電出嵯峨雲落

暉散長足細雨織斜文 英華

采菽堂詩話虞侍郎詠雨詩寫雨景甚活畫亦不能到六朝詩寫景每有佳者以古質故活唐人句鍊反不能也電出嵯峨雲尤奇

隋

虞綽

字士裕句章人博學有俊才尤工草隸仕陳為太學博士隋大業初由祕書學士遷著作郎以文翰待詔恩賜隆洽授建節尉坐交楊玄感獲罪

於婺州被囚作

西明詩幹 卷上

十四明被書 荆園刊本

窮達雖有命逋逃誠負累背恩已偷生臨危未能死待罪既不測中心悵無已厚顏羞朋友囚心愧妻子聖日始東扶徂年迫西汜方違盛明代永向幽泉裏況當此春節物候驚田里桃蹊日影亂柳徑和風起勤植皆順性嗟余獨淪恥我筆不重陳此情寄知己

采菽堂古詩選

虞茂

句章人

賦得石

蜀門鬱遐阻燕碣遠參差獨標千丈峻共起百重危峰

鏡含月魄蓋領一作嶺逼雲枝徒然抱貞介填海竟誰知

奉和望海

清蹕臨溟漲巨海望滔滔十洲雲霧遠三山波浪高長欄凝浴日連楊類奔濤神遊藐姑一作汾射睿藻魁風騷

賦昆明池一物得織女石

隔河圖列宿清漢象昭回支機就鯨石拂鏡取池灰船疑海槎渡珠似客星來所恨雙蛾斂蓬秋遂不闕

衡陽王齋閣奏妓

西明詩幹 卷上

十四明被書 荆園刊本

金溝低御道玉管正吟風拾翠天津上迴鸞鳥路一作道中鏡前看月近歌處覺塵空今宵織女見言是望仙宮

奉和幸太原障上作應詔

唐巡光帝則夏豫穆宸儀珠旗揚翼鳳玉獸儼丹螭流吹和春鳥交弄拂花枝以上初學記

和幸江都

巡遊光帝典征吉乃文先澤國翔宸駕水府泛樓船七萃縈長薄三翼互通川夙興大昕始求衣昧旦前澄瀾淨曉色遙林卷宿煙晨霞稍含景落日漸虧弦迴塘響

021 11 911

歌吹極浦望旌旂方陪觀東后登封禪肅然紀詩

江都夏

長洲茂苑朝夕池映日含風結細漪坐堂伏檻紅蓮披
雕軒洞戶青蘋吹輕幌芳煙鬱金覆綺簷花簾桃李枝
蘭茗翡翠但相逐桂樹鴛鴦恆並棲

長安秋

露寒臺前曉露晴昆明池水秋色明瑤環動佩出層城
鳴絃鳳管奏新聲上林蒲桃合縹沙甘泉奇樹上蒼青
玉人當歌理清曲婕妤恩情斷復續以上郭茂倩樂府

四明詩幹 卷上

十一 四明叢書

約園刊本

虞世基

字茂世句章人博學高才善草隸仕陳歷尚書左
丞入隋官通直郎直內史省參掌朝政為宇文化
及所害

出塞

窮秋塞草腓塞外驚塵飛徵兵廣武至候騎陰山歸
堂千里策將軍百戰威轅門臨玉帳大旆指金微摧朽
無勅敵應變有先機街枚壓曉陣卷甲解朝圍瀚海波
瀾靜王庭氛霧晞鼓鼙嚴朔氣原野曠寒暉勳庸震邊

塞歌吹入京畿待拜長安坂鳴騶入禮園

其二 案此首一作 虞世南詩

上將三略遠元戎九命尊緬懷古人節思酬明主恩山
西多虜氣塞北有遊魂揚桴度隴坂勒騎上平原誓將
絕沙漠悠然去玉門輕齎不違舍驚策驚戎軒懔懔邊
風急蕭蕭征馬煩雪暗天山道冰塞交河源霧烽黯無
色霜旗凍不翻耿介倚長劍日落風塵昏

秋日贈王中舍

四明詩幹 卷上

十三 四明叢書

約園刊本

秦關望吳苑渭浹去江濱天漢星躔絕山川地角分百
年變朝市千里異風雲雙鷺難可贈別鶴不相聞忽值
從游士玳簪光素履歡言悅鄭郊雪泣悲燕市契闊論
談笑殷勤訪生死思君在一方無由同四美尺素乃云
披投瓊慰久離雲開綺錦散霞照綠楊披相思歎河廣
相望阻天垂贈言芳杜若握手代萱枝伊昔風期早金
蘭信為寶去來金馬門留連鬪雞道鶯嶺訪三禪商山
追四皓勝地俱遊息披文遞論討虛薄忝官聯喬木遂
同遷濯纓升博望闕步入崇賢高軒照流水長劍聳秋
蓮南風忽不競東海遂成田喧喧狹斜路隱隱平陵樹

鳳闕暖西臨星橋耿南注五方多異俗四海皆行路士
衡嗟苦辛德璉傷流寓望洛重行行萬目盡傷情太行
臨北絳函谷拒西京雀書圖久滅龍文鼎遂輕凌雲餘
精盡濼汜曲池傾徘徊殊未極惆悵空雲纓伊川忽會
面留連展言宴東西一背飛翻然成異縣哀哉人道促
痛矣嗟埋玉嵇生顧影琴裴子飄風燭摧茲激水意頓
此浮雲足棄置勿重陳難終惟此曲漢陽趙元淑薛縣
雍門周清文寧解病妙曲反增愁翳翳神逾伏慄慄歲
方邁雙嶠飛暗雨八水凍寒流蘭枯芳草歇槐古憶前

四明詩幹卷上

十四四明叢書

約園刊本

秋江干不可望徒此嗟離憂

初渡江

斂策暫回首掩涕望江濱無復東南氣空隨西北雲

零落桐

零落三秋幹摧殘百尺柯空餘半心在生意漸無多

沐水早發應令

夏山朝萬國軒庭會百神成功疇與讓盛德今為鄰區
宇屬平一庶類仰陶鈞鑿蹕臨河濟表冕蕭柴禮啟行
分七萃備物象三辰祈祈互原隰濟濟咸搢紳賜谷升

朝景青邱發早春裘衣敷帝則分器敘彝倫臨淄成誦
美河閒雅樂陳薰風穆已被茂實久逾新以上文苑英華

晚飛鳥

向日晚飛低飛飛未得棲當為歸林遠恆聽侵夜啼初學記

接北使

會玉二嶠至瑞節三秦歸林蠟疏欲盡江雁斷還飛牆
垣崇客館旌蓋入王畿先敢論封植方欣薦紵衣

入關

四明詩幹卷上

十五四明叢書

約園刊本

隴雲低不散黃河咽復流關山多道里相接幾重愁

賦得戲燕俱宿

大廈初構與雲齊歸燕雙入正銜泥欲繞歌梁自舞閭
偶為仙履往蘭闈千里爭飛會難並聊向吳宮比翼棲

以上藝文類聚

四明詩幹卷上

四明詩幹卷中

清鄞縣董慶酉竹史編

唐

虞世南

字伯施句章人仕陳為西陽王友入隋遷祕書郎
唐太宗為秦王引為記室參軍累遷祕書監封永
興縣子致仕卒年八十一贈禮部尚書諡文懿有
集

延祐四明志慈溪縣定水寺虞世南故宅去寺里

四明詩幹 卷中

一四明叢書
約園刊本

許有虞侍中大墓寺舊有世南遺像虞氏子孫多
居鳴鶴鳴鶴與餘姚接壤而九域志亦言虞喜墓
在鳴鶴今鳴鶴去定水止十里則定水山總連鳴
鶴山也世南出為叔陳中書侍郎寄之後陪葬昭
陵子孫皆居長安遂以故宅為寺舊志謂世南墓
在定海非

奉和御製月夜觀星示百僚

早秋炎景暮初弦月彩新清風滌暑氣零露淨
露薄霧銷輕縠鮮雲卷夕鱗休光灼前耀瑞彩接
重輪綠情

攜聖藻並作命徐陳宿草誠渝濫吹噓偶摺紳天文豈
易述徒知仰北辰

奉和至壽春應令

瑤山盛風樂南巡務逸遊何事如巡撫民瘼諒斯求文
鶴揚輕蓋蒼龍飾桂舟泛沫縈沙嶼寒澌擁急流路指
八仙館途經百尺樓眷言昔遊踐迴駕且淹留後車喧
鳳吹前旌映綵旂龍驂駐六馬飛閣上三休調諧金石
奏歡洽羽觴浮天文徒可仰何以廁琳球

奉和幸江都應詔

四明詩幹 卷中

一四明叢書
約園刊本

南國行周化稽山祕夏圖百王豈殊軌千載協前謀肆
觀邈時豫順動悅來蘇安流進畫舫戒道翼金吾龍旂
煥辰象鳳吹溢川塗封唐昔敷錫分陝被荆吳沐道咸
知讓慕義久成都冬律初飛管陽鳥正銜蘆嚴殿肅林
薄暖景潛江湖鴻私浹遠厚澤潤凋枯虞琴起歌詠
漢筑動巴偷多幸雷行葦無庸類散樗

從軍行

塗山烽候警弭節度龍城冀馬樓蘭將燕犀上谷兵劍
寒花不落弓曉月逾明凜凜嚴霜節冰壯黃河絕蔽日

卷征蓬浮天散飛雪全兵值月滿精騎乘膠折結髮早
驅馳辛苦事旌麾馬凍重關冷輪摧九折危獨有西山
將年年屬數奇

其二

烽火發金微連營出武威孤城塞雪起絕陣虜塵飛俠
客吸龍劍惡少綬胡衣朝摩骨都壘夜解谷蠡圍蕭關
遠無極蒲海廣難依沙磴離旌斷晴川候馬歸交河梁
已畢燕山旆欲飛方知萬里相候服見光輝

擬飲馬長城窟

四明詩幹 卷中

一三四明叢書 約園刊本

馳馬渡河干流深馬渡難前逢錦車使都護在樓蘭輕
騎猶銜勒疑兵尙解鞍溫池下絕澗棧道接危巒拓地
勳方賞亡城律詎寬有月關猶暗經春隴尙寒雲昏無
復影凍合不聞湍懷君不可遇聊持報一餐

結客少年場行

韓魏多奇節倜儻遺名利共矜然諾情各負縱橫意結
交一言重相期千里至綠沈明月弦金絡浮雲繡吹簫
入吳市擊筑遊燕肆尋源博望侯結客遠相求少年懷
一顧長驅背隴頭燄燄戈霜動耿耿虹劍浮風起龍沙

暗木落雁門秋天山冬夏雪交河南北流輕生殉知己
非是爲身謀

怨歌行

紫殿秋風冷雕甍落日沈裁絢悽斷曲織索引離心掖
庭若改畫長門不惜金龍移恩稍薄情疏恨轉深香銷
翠羽帳弦斷鳳皇琴鏡前紅粉歇陌上綠苔侵誰言掩
歌扇翻作白頭吟

門有車馬客

財雄重交結戚里擅豪華曲臺臨上路高軒抵狹斜赭

四明詩幹 卷中

四四明叢書 約園刊本

汗千金馬繡軸五香車白鶴隨飛蓋朱鷺人鳴笳夏蓮
開劍水春桃發綬花高談辯飛兔擗藻握靈蛇逢恩出
毛羽失路委泥沙曖曖風煙晚路長歸騎遠日斜青瑣
第塵飛金谷苑危弦促柱奏巴渝遺簪墮珥解羅襦如
何守直道翻使谷名愚

飛來雙白鶴

飛來雙白鶴奮翼遠凌煙俱棲集紫蓋一舉背青田颺
影過伊洛流聲入管弦鳴儔倒景外刷羽闕風前映海
疑浮雪拂澗寫飛泉燕雀寧知去蜉蝣不識還何言別

倚侶從此開山川顧步已相失徘徊更自憐危心猶警
露哀響詎問天無因振六翮輕舉復隨仙

詠日午奉和

高天淨秋色長漢轉曦車玉樹陰初正桐圭影未斜翠
蓋飛圓影明鏡發輕花再中良表瑞共仰璧暉賒

發營逢雨應詔

豫遊欣勝地皇澤乃先天油雲陰御道膏雨潤公田隴
麥霑逾翠山花溼更然稼穡良所重方復悅豐年

奉和詠風應魏王教

逐舞飄輕袖傳歌共繞梁動枝生亂影吹花送遠香以上

文苑英華

追從鑾輿夕頓戲下

重輪依紫極前耀奉丹霄天經戀宸宸帝命扈仙鏤乘
星開鶴禁帶月下虹橋銀書含曉色金輅轉晨鸞霧徹
軒雲近塵暗斗城遙蓮花分繡萼竹箭下驚潮撫己慚
龍幹承恩集鳳條瑤山盛風樂抽簡薦徒謠

奉和獻歲讌宮臣

履端初啟節長苑命高筵肆夏喧金奏重潤響朱弦春

光催柳色日彩泛槐煙微臣同監吹謬得仰鈞天

奉和出穎至淮應令

良辰喜利涉解纜入淮潯寒流泛鷁首霜吹響哀吟潛
鱗波裏躍水鳥浪前沈邗溝非復遠悵望悅宸襟

奉和幽山雨後應令

肅城鄰上苑黃山邇桂宮雨歇連峰翠煙開竟野通排
虛翔戲馬跨水落長虹日下林全暗雲收嶺半空山泉
鳴石澗地籟響巖風

賦得吳都

畫野通淮泗星躔應斗牛玉牒宏圖表黃旗美氣浮三
分開霸業萬里宅神州高臺臨茂苑飛閣跨澄流江濤
如素蓋海氣似珠樓吳趨自有樂還似鏡中遊

賦得臨池竹

蔥翠捎雲質垂彩映清池波泛含風影流搖防露枝龍
鱗漾解谷鳳翅拂漣漪欲識凌冬性惟有歲寒知

侍宴賦韻得前應詔案文苑英華作侍宴應詔得前字

芬芳禁林晚容與桂舟前橫空一鳥度照水百花然綠
野明斜日青山澹晚煙濫得陪終宴握管類窺天

四明詩幹 卷中

五十四明續書 約園刊本

四明詩幹 卷中

六十四明續書 約園刊本

侍宴歸雁堂

歌堂面綠水舞館接金塘竹開霜後翠梅動雪前香
歸初可侶雁起欲分行刷羽同棲集懷恩愧稻梁

凌晨早朝

萬戶宵光曙重簷夕霧收玉花停夜燭金壺送曉籌
暉青瑣殿霞生結綺樓重門啟應路通籍引王侯

初晴應教

初日明燕館新溜滿梁池歸雲半入嶺殘滴尚懸枝

春夜

春苑月徘徊竹堂侵夜開驚鳥排林度風花隔水來

詠舞

繁弦奏淥水長袖轉迴鸞一雙俱應節還似鏡中看

詠螢

的歷流光小飄飄弱翅輕恐畏人無識獨自暗中明

秋蟬

垂綫飲清露流響出疏桐居高聲自遠非是藉秋風

秋雁

日暮霜風急羽翻轉難任為有傳書意聯翩入上林

初學

中婦織流黃

寒閨織素錦含怨斂雙蛾綜新交縷澀經脆斷絲多
香透舉袖釧動應鳴梭還恐裁縫罷無信達交河

賦得慎罰

帝圖光往册上德表鴻名道冠二儀始風高三代英
樂和知化洽訟息表刑清罰輕猶在念勿喜尙留情
慎全無枉哀矜在好生五疵過亦察二辟理彌精
幪示廉恥嘉石務祥平每削繁苛性當深惻隱誠政
寬思濟

猛疑罪必從輕于張懲不濫陳郭憲無傾刑措諒在斯

歡然仰頌聲以上詩紀

應詔嘲司花女

學畫鴉黃半未成垂肩擲袖太愁生綠愁卻得君王惜
長把花枝傍輦行

隋遺錄煬帝幸江都洛陽人獻合蒂迎輦花帝令

御車女袁寶兒持之號司花女時詔世南草敕於
帝側寶兒注視久之帝曰昔飛燕可掌上舞今得
寶兒方昭前事然多愁態今注目於卿卿可便嘲

寶兒方昭前事然多愁態今注目於卿卿可便嘲

寶兒方昭前事然多愁態今注目於卿卿可便嘲

寶兒方昭前事然多愁態今注目於卿卿可便嘲

寶兒方昭前事然多愁態今注目於卿卿可便嘲

之世南爲絕句云云

賀知章

字季真鄞人中超羣拔萃科累官祕書監性放曠自號四明狂客又稱祕書外監天寶初因病請爲道士還鄉里詔賜鑑湖剡川一曲御製詩贈行皇太子以下咸就執別卒年八十六贈禮部尙書延祐四明志舊志云今鄞縣句章鄉小溪之馬湖有洗馬池故迹世傳以爲賀監舊宅相距三里曰賀家灣其地賀姓甚多而貧掘土得碑石率棄之

四明詩幹 卷中

九四明叢書

約圖刊本

今其斷石存而可識者曰會稽郡賀與府君六字而已耆老謂賀監始居此後乃徙剡川也

鮑琦亭集祕監籍里會稽人爭之久矣會稽所據者新舊兩唐書吾鄉所據者不但李杜二公之詩而以莫氏之碑會稽所據者遺墓吾鄉所據者故居考祕監先世本居會稽吳志賀齊列傳謂浙東賀氏本姓慶氏以避漢諱改而賀方回詳其原委謂由慶湖得姓然慶氏乃儀禮先師慶普之裔沛人而遷越是不以會稽之慶湖得姓也但其爲會

稽望姓則已七百餘年自六朝至唐學士大夫雖

遷居必著舊籍晉隋諸史無不然者劉昫宋祁系

祕監以承輿以此也祕監之生則於甬上實在城

南馬湖有村曰賀家灣有池曰洗馬以祕監族祖

德仁得名馬湖爲嚮巖祕監釣臺在焉有宅曰高

尚莫將之定祕監以鄞產以此也祕監晚年復居

會稽則剡川既賜之後以周官湖爲放生池以千

秋觀爲道場故其嗣子曾子卽以貳郡侍養而墓

亦在焉徐渭之列祕監於會稽寓公以此也然則

四明詩幹 卷中

十四明叢書

約圖刊本

無所事於紛爭如後人輩之曉曉矣

唐詩紀事知章年八十六臥病冥然無知疾損上

表乞爲道士還鄉明皇許之捨宅爲觀賜名千秋

命其男曾子爲會稽郡司馬賜鑑湖剡川一曲詔

令供帳東門百寮祖餞御製送詩并序云天寶三

年太子賓客賀知章鑒知足之分抗歸老之疏解

組辭榮志期入道朕以其年在遲暮用循掛冠之

事俾遂赤松之游正月五日將歸會稽遂餞東路

乃命六卿庶尹大夫供帳青門寵行邁也豈惟崇

德尚齒抑亦勵俗勸人無令二疏獨光漢冊乃賦

詩贈行詩云遺榮期入道辭老竟抽簪豈不惜賢

達其如高尚心實中得祕要方外散幽襟獨有青

門餞羣英悵別深

開元十三年禪社首山祭地祇樂章案唐書樂志迎神用

順和皇帝行用太和登歌奠玉帛用肅和迎俎入用雍和初獻用肅和飲福用肅和還宮用太和送神用靈具

醉以代順和

順和

至哉含柔德萬物資以生常順稱厚載流謙通變盈聖

四明詩幹 卷中

十二四明叢書 約圖刊本

心事能察增廣陳厥誠黃祇優如在泰圻侯咸亨

太和

肅我成命於昭黃祇裴冕而祀陟降在斯五音克備八

變聿施緝熙肆靖厥心匪離

肅和

黃祇是祇我其夙夜負畏誠潔匪違寧舍禮以琮玉薦

厥茅藉念茲降康胡寧克暇

雍和

以夜宥密不敢寧寢五齊既陳八音在縣燦盛以潔房

俎斯薦惟德惟馨尙茲克徧

壽和

惟以明發有懷載殷樂盈而反禮順其禮立清以獻薦

欲是親於穆不已哀對斯臻

福和

穆穆天子告成岱宗大裘如濡執珽有禹樂以平志禮

以和容上帝臨我云胡肅豈

太和

昭昭有唐天畀萬國列祖應命四宗順則申錫無疆宗

四明詩幹 卷中

十二四明叢書 約圖刊本

我同德曾孫繼緒享神配極

靈具醉

神具醉杳熙熙靈將往眇視視顧明德吐正辭爛遺光

流禎祺以上唐文粹

曉發

江皋聞曙鐘輕棹理還舸海潮夜約川露晨溶溶始

見沙上鳥猶埋雲外峰故鄉渺一作杳無際明發懷朋從

案唐文粹唐詩紀事載此詩並作絕句云故鄉杳無際江皋聞曙鐘始見沙上鳥猶埋雲外峰

奉和御製春臺望

青陽布王道玄覽陶真性欣若天下春高踰域中聖神
臯類觀賞帝里如懸鏡繚繞八川浮岩巒雙闕映曉色
徧昭陽晴雲卷豫章華滋的皪丹青樹巔氣氤氳金玉
堂上有靈蛇下脚時還徵瑞寶入陳倉自昔秦奢漢窮
武後庭萬餘宮百數旗迴五丈殿千門連綿南墜出西
垣廣畫螭蛾華一作窈窕羅生玳瑁象崑崙迺瞻天情
興隱恤古來土木良非一荆臨章觀趙叢臺何如堯階
將禹室層欄窳窳下龍輿清管逶迤半綺疏一聽南飛
引鸞舞長謠北極仰鵲居

四明詩幹 卷中

十三四明叢書
約圖刊本

望人家桃李花

山源夜雨度仙家朝發東園桃李花桃花紅兮李花白
照灼城隅復南陌青樓十二重春風桃李為誰容棄置
千金輕不顧踟躕五馬謝相逢徒言南國容華晚遂歎
西家飄落遠的皪長奉一作春光殿氛氲半入披香苑
苑裏珍木元自奇黃金作葉白銀枝千年萬歲不凋落
還將桃李更相宜桃李從來露并傍成蹊結影矜豔陽
莫道春花不可樹會持仙實薦君王

送人之軍中

常經絕脈塞復見斷腸流送子成今別令人起昔愁
雲晴半雨邊草夏先秋萬里長城寄無貽漢國憂

奉和聖製送張說赴集賢院賦得謨字

西學垂玄鑒東堂發聖謨天光燭武殿時宰集鴻都枯
朽霑皇澤翺飛舞帝梧跡同游汗漫榮是出一作泥塗
三歎承湯鼎千歡接舜壺微軀不可答空欲詠依蒲

奉和聖製送張尚書巡邊

荒境一作盡懷忠梯航已自通九攻雖不戰五月尙持
戎遣成徵周牒恢一作邊重漢功選車命元宰授律取

四明詩幹 卷中

十四四明叢書
約圖刊本

文雄胄出天弧上謀成帝幄中詔旂分夏物專討一作

錫唐弓帳宿伊川一作右鉦傳一作晉苑東襲人籍贊

寶樂正理絲桐歧陌涵餘雨離川照晚曉一作虹恭聞詠

方叔千載舞皇風

題袁氏別業一作偶遊主人園

主人不相識偶坐爲林泉莫漫愁沽酒囊中自有錢

詠柳一作柳枝詞

碧玉妝成一樹高萬條垂下綠絲絛不知細葉誰裁出
二月春風似剪刀

采蓮曲

稽山罷一作雲霧鬱嗟峨鏡水無風也自波莫言春度芳
菲盡別有中流采菱荷

回鄉偶成

離別家鄉歲月多近來人事半銷磨惟有門前鑑一作鏡
湖水春風不改舊時波

其二

幼一作少小離家一作鄉老大回鄉音難改面皮一作費毛衰家
兒一作童相見不相識卻一作借作笑問客從何處來以上侯

四明詩餘 卷中

十五 四明叢書 約園刊本

答朝士

鍛鑄銀盤盛蛤蜊鏡湖蓴菜亂如絲鄉曲近來佳此味
遮渠不道是吳兒

唐詩紀事朝士以知章吳越人戲云南金復生中

士知章賦詩云云

句

落花真好些一醉一回詩式

邢允中

奉化人元和中官左班殿直監鹽酒商稅務

洗鉢潭

潭水澄初地長為洗鉢供已能降虎豹不問攪魚龍
沫溪莎碧疏流石瀨重此中清淨理繼跡有禪宗

駐錫峰

高峰常駐錫靈異見當年卓立驚沙界光輝動梵天鶴
飛青鷲外龍護赤嵐邊丈室仍相對重來果夙緣

剡川詩鈔左班所傳西山景詩題贈宗云云明

萬曆閒邢宗道讀書山寺得之老僧廢經籠中詢

所由來云其師祖鋤地得石鐫詩其上因為錄存

四明詩餘 卷中

十六 四明叢書 約園刊本

范的

剡越閒人

慶西案范的自署順陽蓋祖貫也于季友稱剡越
閒人或為越人或為奉化人均不可知如以剡為

嵯縣則嵯乃越屬當曰越之剡人不當曰剡越閒

人矣

時在育王寺書石字奉酬中丞使君寄贈四韻

拙藝荷才雄新詩啟謝公開絨光佛域望景動星宮風

雪文章裴書鐫琬琰中將誰比佳句霞綺散成紅石

附于季友原作

墨妙復辭雄扁舟訪遠公雪天書梵字霜月步蓮

宮迹寄雙林下名留劫石中遙知松逕望棠葉滿

山紅

阿育王寺常住田碑石刻明州刺史于季友後記

云此寺碑記嘗為寇盜隳壞久無豎立有好事僧

惠印錄其舊文藏於篋笥又與老宿僧明秀志詮

寺主僧志仁上座僧棲雲都維那僧巨嵩會議重

建其碑余美其樂善會刻越閒有隱逸之士曰范

四明詩幹 卷中

十七 四明叢書 約園刊本

的業文工書未過於時常萍泊雲水閒一日扁舟

至明余邀以書之添勝境遊觀之一事云

吳商浩

鄞人

李鄴嗣曰甬上耆舊集刻成萬生允誠白余云頃

錄四唐人詩及吳商浩僅載其名氏至塞上篇末

曰分明更想殘宵夢故國依然在甬東然則商浩

定為甬上人也

巫峽聽猿

巴江猿嘯苦響入客舟中孤枕破殘夢三聲隨曉風連
雲波瀟瀟和霧雨濛濛巫峽去家遠不堪魂斷空

塞上即事

身似流星跡似蓬玉關孤望杳溟濛寒沙萬里平鋪月

曉角一聲高捲風戰士沒邊魂尙哭單于獵處火燒

猶紅分明更想殘宵夢故國依然在甬東

長安春贈友人

繁華堪憶帝城春粉堞青樓勢礙雲花對玉鉤簾外發

歌飄塵土陌邊聞幾多遠客魂空斷何處王孫酒自醺

四明詩幹 卷中

十八 四明叢書 約園刊本

各有歸程千萬里東風時節恨離羣

宿山驛

文戰何堪功未圖又驅羸馬指天衢露華凝夜渚蓮盡

月彩滿輪山驛孤歧路辛勤終日有鄉關音信隔年無

好同范蠡扁舟興高掛一帆歸五湖

北邙山

北邙山草又青青今日銷魂事可明綠酒醉來春未歇

白楊風起柳初晴岡原旋葬松新長年代無人闕半平

堪取金爐九還藥不能隨夢向浮生

秋塘曉望

鐘盡疏桐散曙鴉故山煙樹隔天涯西風一夜秋塘曉
零落幾多紅藕花

泊月

身逐煙波魂自驚木蘭舟上一帆輕雲中有寺在何處
山底宿時聞磬聲

水樓感事

高柳蟬啼雨後秋年光空感淚如流滿湖菱葑東歸晚
閒倚南軒盡日愁以上全唐詩

四明詩幹

十五四明叢書

胡幽貞

字抱章四明人自號無生居士嘗擬白氏諷諫詩

題西施浣沙石

一朝入紫宮萬古遺芳塵至今溪邊花不敢嬌青春

歸四明詩

海色連四明仙舟去容易天籟豈輒問不是卑朝士以上詩人主客圖

孫郃

字希韓奉化人博學高才乾寧中登進士第為左

拾遺朱溫篡立著春秋無賢臣論卜世論即脫冠

裳服布衣以隱著書紀年悉用甲子以示不臣之

義有集

唐詩紀事希韓四明人與方干友善好荀楊孟子

之書學退之為文為校書郎中河南府文學其文

為韓琬所序有仕宦類商賈終日常東西之句

古意

擬梓州陳拾遺

屈子生楚國七雄知其才介潔世不容跡合藏蒿萊道

廢固命也瓢飲亦賢哉何事葬江魚空使後人哀

四明詩幹

二十四明叢書

其二

魏禮段干木秦王乃止戈小國有其人大國奈之何賢

哲信為美兵甲豈云多君子戰必勝斯言聞孟軻

哭玄英方干先生

斗牛文星落知是先生死湖上聞哭聲門前見彈指官

無一寸祿名傳千萬里死著紙衣裳生誰念朱紫我心

痛其語淚落不能已猶喜章補闕揚名獻一作天子以上唐文粹

唐文

句

仕宦類商賈終日常東西唐詩紀事

青瑣傳香扶日出紫雲護闕擁山來

三台詩錄卻有春日早朝詩冠冕商皇王翠遺範

頸聯云云其雲日字與春早互映尤佳

林無隱

慈溪人其先閩籍唐季徙明州

句

雪消二月江湖闊花發千山道路香

吳越備史林鼎字煥文父無隱鼎生於明州之大

四明詩幹卷中

三二四明叢書約圖刊本

隱邨初刺史黃晟頗好禮士無隱依之有詩名嘗

有詩云云知言者以無隱必有貴子鼎事吳越果

至丞相

四明詩幹卷中

四明詩幹卷下

清郵縣董慶西竹史編

女子

武后宮人

剡川士人妻配入掖庭

離別難

此別難重陳花飛復戀人來時梅覆雪去日柳含春物

候催行客歸途淑氣新剡川今已遠魂夢暗相親

全唐詩武后朝有士人陷冤獄妻配掖庭善吹簫

四明詩幹卷下

一四明叢書約圖刊本

策乃撰離別難曲以寄情焉初名大郎神蓋取良

人第行也既畏人知遂易其名曰悲切子終號怨

回鶻

釋子

法常

姓鄭氏襄陽人唐貞元中結菴於鄞縣大梅山名

上禪寺後改護聖寺

詩

一池荷葉衣無盡幾樹松花食有餘剛被世人知住處

更移茅舍入深居

其二

摧殘枯木倚寒林幾度逢春不變心樵客遇之猶不顧

郢人那得苦追尋以上鄞縣志

元亮一作富亮

號月山姓馮氏奉化人居明州開元寺道行高潔

邦人敬之有詩集

它山歌

它山堰堰在四明之鄞縣一條水出四明山晝夜長流

四明詩幹 卷下

二四明叢書 約圖刊本

如白練連接大江通海水鹹潮直到深潭裏淡水雖多

無計滄半邑人民田種廢太和中王侯令清儉為官

立民政昨因祈禱入山行識得水源知利病權舟直到

溪巖畔極目江山波濤漫略諍父老問來由便設機謀

造其堰壘石橫浦兩山嘴截斷鹹潮積溪水灌溉民田

萬頃餘此謂齊天功不毀民間日用自不知年年豐稔

因阿誰山邊卻立作神廟不為長官興一祠本是長官

治此水卻將飲食祭開鬼時人若解感此恩年年祭拜

王元暉它山水利備覽

修己

四明山僧

句

羊腸鳥道無人到寂寞雲中一箇人

五燈會元修己嘗卓菴廬山後至四明山心獨居

十餘載有句云云其後道俗聞風而至遂成禪林

無作

自號逍遙子姓司馬氏蘇州人吳越武肅王召居

明州

四明詩幹 卷下

三四明叢書 約圖刊本

辭歸詩

銜恩雖入國辭病卻還山十國春秋

仙

劉綱

字伯經下邳人吳時官上虞令與夫人樊氏雲翹

居四明山師事白君學成仙去今白水觀乃其遺

蹟也

上清神女催妝詩

玉為質兮花為顏蟬為鬢兮雲為髮何勞傅粉兮施渥

丹早出娉婷兮縹渺閒

纂異記元和中洛陽田璆鄧韶博學有文中秋出

建春門望月遇二書生邀至其莊池館臺榭率陳

設盤筵若有待者詰之云今夕上清神女嫁玉京

仙郎羣仙會於茲嶽將藉君禮導升降耳言訖花

燭滿空有雲母雙車借羣仙下嶂中坐者為西王

母相者為劉綱侍者為茅盈彈箏擊筑者麻姑謝

自然二書生衛符卿李八百也頃之漢武帝唐明

皇至未頃穆天子至各為歌相勸酬漢帝又召丁

四明詩幹 卷下

四四明叢書 約園刊本

令威歌子晉吹笙和之王母亦召葉靜能歌明皇

時事於是黃龍持杯於車前再拜祝仙郎神女劉

綱茅盈與巢父各有催妝詩玉女引仙郎與神女

入帳璆韶奉命相禮禮畢符卿八百引之辭王母

各賜延壽酒一杯曰可增人閱半甲子送出莊門

四五步失所在惟嵩山嵯峨倚天得樵徑歸已歲

餘矣於是二人棄家入少室山學道不知所終

許碯一作

高陽人唐時累舉不第學道於王屋周遊名山洞

府嘗居四明每於峭壁題云許碯自峨嶂山尋偃
月子到此卒不詳偃月子何人也

醉吟

閨苑花前是醉鄉一作翻王母九霞觴羣仙拍手嫌

輕薄一作謫向人閒作酒狂

題南嶽招仙觀壁上

洪鑪烹鍛人性命器用不同分皆定妖精鬼魅闕神通

只自干邪不干正黃口小兒初學行惟知日月東西生

還為萬靈威聖力移月在南日在北玉為玉兮石是石

四明詩幹 卷下

五四明叢書 約園刊本

蘊棄深泥終不易鄧通餓死嚴陵貧帝王豈是無人力

丈夫未達莫相侵攀龍附鳳捐精神以上全唐詩

神

鮑蓋

鄧人晉代為縣吏既歿葬三十年夢謂其妻曰吾

當更生盍開吾冢妻不信再夢如初乃發棺其尸

如生第無氣息耳郡人神之立祠以祀其後累封

王號

降神歌

吾姓鮑氏廟食於此自昔及今四十餘紀馬行水林縣
必遷徙家在鹿山不堪居止鄧水西流北接雨水給事
祖室寶吾之廬汝為我請早為改圖待免化龍遇齊得
王移汝來封日月交光萬載無窮我歌章章

樓扶靈應廟記唐神功元年八月八日鮑王降於
鄧縣東門託鄉童終日而歌云云父老告於令柳
惠古即甬水楊給事故宅徙其祠俾楊氏子孫世
掌祠事

鬼

四明詩幹 卷下

六四明叢書
約圖刊本

陳阿登

句章東郊外女子

彈箜篌歌

連綿葛上藤一緩復一絙汝願知我姓姓陳名阿登

靈怪集句章人至東野還暮不及歸見路旁小屋

然火因投宿至有一少女不願與丈夫共宿呼鄰

家女自伴夜彈箜篌歌云云明至東郊外有賣食

母在肆中此人寄坐因說昨所見母驚曰此是我

女近亡葬於郭外爾

桐樹鬼

句章縣吳平門前青桐樹也

樹嶺歌

死樹今更青吳平尋當歸適聞殺此樹已復有光輝

異苑句章吳平門前忽生一青桐樹上有歌謠之

聲平惡而斫殺平隨軍北征首尾三載死桐斲自

還立於古根之上又聞樹嶺空中歌云云平尋歸

如鬼謠

四明詩幹 卷下

七四明叢書
約圖刊本

四明詩幹卷下

丹溪詩鈔

金天翮



丹溪詩鈔

樸學齋叢書
第一集



丹溪詩鈔目錄

胡尙衡 十五首

胡徵齡 二十首

胡一鑑 一首

胡以旌 七首

胡之棟 二首

胡聳孫 八首

胡玉度 七首

胡蜚 七首

胡十泰 二首

胡蛟齡 八首

胡樸 二首

胡巖齡 一首

胡光昌 一首

胡驪齡 一首

胡其浩 二首

胡承璘 五首

胡蛟 一首

胡兆殷 一首

胡開鐸 二首

胡承譜 十六首

胡律聖 一首

胡承課 一首

丹溪詩鈔

目錄

胡承諱 二首

胡貞幹 三首

胡承珙 十八首

胡光岱 四首

胡先抱 二首

胡世松 六首

胡光斗 一首

胡承棠 十首

胡粵生 四首

胡鏘球 一首

胡世琦 九首

胡澤順 一首

胡世敦 九首

一
胡學齋書

丹溪詩鈔卷上

涇縣胡鼎愛亭輯

胡尚衡字辰玉號階平順治壬辰進士授工部主事權浙江僉事提督學

政著有雲章館詩略雨東仇兆鰲有序

過新嶺漫詠贈郝司理

初夏清風穆同羣入郭隴紆迴逐澗流上下依山麓林疎遠遠村雲亂深深

谷筍與若凌虛日午正當燠小庵巖半倚龍鐘若初熟呼茗一叩僧新茶沃

我腹迢遞歷雲封天都宛出目松老昔年鱗山迎舊時綠故人意向其我懷

詎蠅逐黃海雲一篋白嶽石一羽分載游人歸勝事幾千斛

天門

金牛開窟叢鑿石駕飛虹白嶽高真宅天門一線通不用五丁力渾如造化

功川巖自闢開靈氣劃空蒙壁立峭如削坦中虛似虛遠望萬峯錯級盡獨

丹溪詩鈔

卷上

一 樓學齋叢書 第一集

龍嵒岫雲生襟裾俯仰鴻蒙中留得還丹藥長駐明光宮

過富春釣臺

突兀古釣臺漢易臺不易拱立若主賓相對宛咫尺嶙峋儼千尋白雲護其

脊風勁鳥翮稀路幽罕人跡上有雙石亭俯眺江流碧處士披羊裘長竿垂

浪白蕭蕭散人冠飄飄神仙宅一絲水雲寬共臥星是客岸憤笑相迎狂奴

甘泉癖帝德日以振故人態如昔千載富春山清風披林石

登柯山

筍輿出城南極目無止畫曲澗穿小橋層巒吐瓊碧樹密少人家稻田有遺

積車馬來不驚老農安力役行行越阡陌清溪當道隔壑渡爭先登人波聲

相澗遙瞻高峯去天只咫尺古寺倚山隅貧衲形多瘠循階次第升鴻濛

劃然闢橫巨若流虹而無斧鑿迹中邊空復明傍有神仙宅為問奕者誰姓

氏註丹籍黑白指間分不言靜裏擲我懷柯山奇仙踪曠今昔安得挑柴履

相從探玉冊

舟行得風

殘漏正丁丁雞聲雜櫓聲披衣啓窗牖落落晨星明詎不畏多露朔風催曉

程牙檣候統動五兩一帆輕戍馬駛如殿馬時有歸雲疾似爭指顧南陌好

矚目不分明狼籍趁飛鷁荻花亦愁情昨胡達彼怒今忽過其行快哉蘭臺

賦雄雌莫浪評願得常利往驛夫罷遠征

感遇

嚴霜逼敗葉野鳥啼且悲問鳥悲何自葉落霜寒無可棲咄嗟丈夫兒年少

威綺麗高閣煖律吹風雪不敢欺自逢陽之九天不祚鼎螭大將死戰陣羣

下詭稱師中宵刑雞豕盟插盡亡徒殺戮無比屬怒捉劍光施丈夫抑何其

丁茲既獨懼屋歸餘燼僕夫喪戟戮生逃不相顧嬌子棄荒嶧發言痛欲

絕黯黯淚雙垂潛身附近郭依依寄人籬頻笑不由己下氣供肉芝瞻彼負

丹溪詩鈔

卷上

二 樓學齋叢書 第一集

薪者僕俯疑台司鶴鷄各有宿丈夫無一枝十口懸風雪肅氣侵疲肌入鄉

聞號顛號顛缺生資百憂集懷抱怨復誰知流年日以去苟活欲奚為咄

嗟丈夫且聽之廢興何足論天心有定期靜念觀物化隨分安所宜君不見

朱門瓊戶長安宅牆壁圯頽栖鹿麋又不見桑樞瓊牖東魯士風雨不蔽詩

古義

元夜觀燈為孫龍門賦

繡絳瑤光連赤烏龍膏鳳炬正千尺霞彩氤氳氤氳珠瑁梁月華藻耀琉璃壁攢

金伐鼓綺筵開中有仙公坐上台初春既貼宜春勝長壽旋飛獻壽杯水桃

雪藕虛無事救時幸相真仙吏况復開天來日人蕭鼎姜瓊篋姓字福星煜

煜臨江東治行無雙漢吳公不喜鸞鸞喜鸞冠而虎者避行聽乙夜赤丸

向何怒萬山青憤今如鼠緩帶輕裘見一班馳檄飛文又千古手植桃李且

成蹊散作宮花萬樹琪雕龍既擅西京筆捫蝨環容北海危上得天數下人

數天下歸心歌吐哺一願良金範伯陽再願冰齒繡仲甫君不見千門燈火照千春神仙聯袂踏花燈明年花滿千春節黃髮丹書在紫宸

夜雨

老病年來事藥鑄戲翻樂府散閒情無端春思不成寐兀坐吹燈數雨聲奇葩絢爛散離穠地黃昏水漲空堪惜花神不耐事曉來贏得幾枝紅

松楸積雪

瓊枝玉樹傍湖涯素影流波冷暮槎非復青青蒼翠色教人錯認是梅花

牧笛斜陽

湖邊牧子興頗長憤背童心好倘伴橫笛那能吹折柳有聲無曲送斜陽

漁謳斷浦

垂綸不餌意陶如白鷺清波自近余兩雨風愁日暮謳聞隔浦正烹魚

千航極望

丹溪詩鈔

卷上

三

樓學齋叢書
第一集

依依遠浦列雲帆散聚憑風次第儂忽駕仙槎凌碧漢支機石畔已離凡

弔周黨王霸

火德復然改歲華二公何事錮烟霞威儀試問為誰氏天下今朝已漢家

弔嚴子陵

賊莽謙恭漢祚移高人義士挂冠宜當時既識劉文叔助理何妨謝釣磯

公由進士授工部主事奉命巡視街道時以鞏毅道狹講轍兩街房屋

以廣其途公請止去市廛前簷數尺勿擾民居報可遷員外郎權稅清

江惠商柔遠頌聲載途督理山東漕河引泉濟運漕賴以平尋由虞衡

郎中擢浙江僉事提督學政端士習正文體案臨諸郡進諸生易以理

學淵源朝廷典制所取士務以通經學古為尚一時稱月旦評焉報滿

賜表裏一襲補湖南參議道力革一切陋規每月朔望嶽麓書院聚諸

生講學康熙癸丑致仕歸杜門以詩文自娛年七十二卒祀鄉賢

鄭漢林曰胡階平宦游諸作天廚禁饈迥異藜藿之味

胡一鑑

即事

年來託何居攜貧棲山谷終日許何為琴書凝翻覆山居何所存清泉倚茆屋几案沒松陰三徑遠時處花暮繼穠林風凋霜霰逐歷日豈無存四時看草木嵐氣薰衣巾隔俗滋清福但苦遶噴心日夕歡酒熟一壺興薄來詎必三五六人物風難齊徒勞歧路哭天地一混茫君平不用卜

塞下曲

悶帶弓刀上戍樓歸心還折大刀頭將軍五夜開清嘯十萬征夫亦淚流

遠上祈連望碧虛迢迢故國十年餘殷勤為屬南飛雁肯寄離人一紙書

公性冲淡以詩文名由庠貢任天長縣訓導懷寧教諭士風整肅一時

丹溪詩鈔

卷上

四

樓學齋叢書
第一集

名宿皆從之游時桐城張文和公為冢宰雅重其為人保陞河南新安

知縣政寬刑簡慈惠於民每公事暇輒以詩酒自娛

鄭漢林曰胡元馭久處教授刻意詞翰所作如春雲綴空濃淡有情同

時小阮若公重之絕句飄飄風逸漢舉之五古瓊瑣清圓原萬之五七

律位置勻整俱極一時之雋

公之任新安也有命犯仇誣數十人株連逮繫公得情盡釋之中有袁

姓者極貧至質子應官事公聞之泣下典衣給贖當時有胡青天不要

錢之謠

胡玉度諸生

食蟹

金甲鱗鱗光照水斫雪留香披玉髓上方初宴卻新嘗千錢一箸無人市吏部自是愛風流拍浮酒中惟樂此誰將一一品不如止有奉使陶學士黃殼

漫誇美鳳膠多足勝胡何所以最笑關東識且稀藉茲懸門驚怪鬼一班相
照伴鍛荒悲哉種稻無遺矣昨朝霜飽浸寒塘摸沙聲裏鳴細雨自謂橫行
孰敢當東爪何期泣釜死歎息無腸不自謀誰憐汝是無腸子

詠雪二首

昔歐陽文忠公守汝陰與客賦詩於聚星堂凡玉月黎梅絮練白鶴
銀鶴等事皆請勿用舉此令往往閣筆不能下其後蘇子瞻亦守汝
陰爲禱雨得雪偶憶先生前令各賦一篇以追配之亦云白戰不許
持寸鐵殊費人慘淡經營也因依韻漫賦

草木未春先吐蕊朱門自覺氈簾薄漫天飛下瑞葉飄刮地吹來嚴威作黑
夜四映認朝哺乾坤一雲同郭郭興憶山陰欲放舟寒江漁艇孤燈爍歸來
側臥夢旋驚靜聽瀉竹紛紛落對尊思欲解鷓鴣以居尤當厚狐貉曉起呵
手整冰絃蟹行聲中若爪攫隔窗疑是撲春蟲穿管但有依人雀出獵使君

丹溪詩鈔

卷上

五

橫學齋叢書
第一集

應住車待詔先生甘破屨當日衆賓從而歡不知太守樂其樂麩麥三冬要
積凝塵空一切堪滌淪後有東坡續冰文灝氣橫空返冲漢千古詞壇雙樹
幟憑將白戰無劍槊自是陽春和者稀巴人相對成大噱

姨家風急吹落葉攜將青女施白雪高樓坐看衆山低孤館愁吟飛鳥絕港
湛壺冰一片同纖纖解舞千迴折人從灞橋詩思生天教世界塵囂滅客來
相呼酒解圍呵凍難伸手數掣試看澹灑勝濃妝不以麗華競藻纈皎若禪
宗戒律嚴塵尾清談落元屑采夜挑燈夢不成啓窗望曉忙一瞥取水烹茶
氣味清此樂堪與知者說莫笑書生太寒相熱腸見此自冰鐵

春夜聞琴

何處發音理空庭鶴自驚月將孤欲下風以細相迎暗送花香遠虛敲竹韻
清數更鳴籟寂絃外有餘情

曉月

寒流清且碧蚤起正蒼涼鐘透北林響夢殘東壁光淺沙疑薄霧滄漠沒寒
芒猶認板橋上夜來人跡霜

夕照

誰把魯戈揮斜陽返翠微殘霞同鷺落倦鳥傍林飛幾處人家鷓半山烟樹
暉牧童歌未歇山月到柴扉

古意

柔枝初拂隄帶雨打黃鸝豈謂情無賴東風故故吹

胡士泰字履受

答王允侯

春仲高軒過綺談四座傾景星爭快靚威鳳早孤征蔬醜不暇庀二卵藜干
城乃以絳灌才而署筆墨精寄我詩一帙文與論相并險語鬼有淚高情天
且驚玉川與昌谷雙爲方寸翊我見舌猶吐矧乃蚩蚩氓丹黃硃墨費諷誦

丹溪詩鈔

卷上

六

橫學齋叢書
第一集

心骨清短吟寫折實臨翰神飛紫

上元觀燈

鶴鷺魚龍不一形燈燈相續鬧前庭校書亦有劉中壘莫覩藜燃太乙星

胡樸

曉望

早起澄天宇林巒入望平烟非關野火氣足盪塵情山立一人曉水流萬籟
清漸看林景裏樵牧事俱生

蠡城中秋

烽火連年迫乾坤此夜清高樓舒醉眼皓月得深情酒味厚花露盤殮新藕
羹客中殊不寂歌滿越王城

胡光昌字五其貢生

和友人游朝天洞

鳥語頻來枕朝暉更爽然利承山半露水鑿石中天崖巧人緣陟風高物外
傳身心知是委觸處盡安禪

胡其浩字殷書

懷階平叔提督清江

簡命淮陰路遙遙春令行風高天有色日煖物無聲舟濟承恩重業陰頌德
橫不須三載滿河海自澄清

清江送弟次遶歸涇

已識先歸好其如一弟何天寒南客少秋老北風多世事難輕信江關慎重
過到家安慰後莫謂我蹉跎

胡 蚊字起潛

漂母祠感懷

塵埃輒已辨英雄漂母當年識不同國士幸歸渾不識項王空自具重瞳

丹溪詩鈔

卷上

七

撰學齋叢書
第一集

胡開鐸字天木永寧牧旦之長子有聲太學孝友本天性著有龍眠游詩

州

雪中野梅

片片瓊瑤照碧痕溪橋流處傍孤村芳姿何不歸東閣獨傲嚴寒返凍魂
檜撐暮景惟蒼幹肅傲寒天祇綠筠一段幽香招隱侶溪邊巖下恰三人

胡律聖字原萬諸生方正嚴毅著有射隼齋文集

乘山奇石歌

昔來祇得乘山面今來始悉乘山神乘山差高此獨小中含靈氣飛飄渺嶽
巒古木一徑通浮屠隱約懸松杪騷人是地常往來四壁風光照眼開我時
適志坐小樹僧友分韻抽明悟朝挹東郊萬井胸襟捲西山千樹雨自春徂
秋景愈佳時着謝屐開胸懷遙從天際數征雁俯矚山谷恣徘徊初平牧羝
皆成石小碌大礪不一色雨花歷亂結磊砢散布磷磷總奇絕懸崖峭壁憑

116/10/02

雲生蒼巖翠嶽圍錦城鬼斧神工何處擊仰瞻雲氣時縱橫龍泉螭窟流清
波芝草仙葩夾澗阿逶迤一綫乘高阜落帽之石扶藤蘿經臺聳立似緇僧
九年面壁不虛稱西去玉屏雙照耀兩兩遙峙孤山岑亦有岫峯挂薜荔崢
然特豎出人意外龜竇劍動星辰地骨雲根長葱翠飛來靈鷲幾何年倒捲
層霞空際旋米顛若見應下拜僧孺愛惜須流連孰者為甲孰為乙品題之
目將高懸吁嗟乎菱溪穀城今已古此山石奇不可數山川靈異不易得水
西琴溪兩勝蹟定堪媲美終南與少室若使琴高太白早來游應與茲山雄
峙稱鼎立

胡徵齡字聘九諸生所著有北游州鶴湖沈宸垣宣城梅庚有序

泰安道中見饑民有感

驅車泰岱下流離塞道塗赤體走風霜無食復無襦吁嗟生聖世不獲念一
夫和豐齊雨露水旱蠲年租如何偏此輩生意竟全枯彼蒼無私覆帝心曰

丹溪詩鈔

卷上

八

撰學齋叢書
第一集

子辜誰謂民牧者救荒無良謀常平法傳耿社倉制遺朱準酌前代事斯民
其可蘇太息書短句願續監門圖

宿邵伯書懷

舟居厭踞踏筴蹇起行陸泥淖滑于油崎嶇復躑躅長亭走短亭風塵徒碌
碌夕陽射城平雜選聲相屬辛苦宿野店隨意果枵腹耳熱酒酣時萬象繁
心曲瓦缶競黃鐘硤硤涸良玉在彼輕裘子焉識迷兩目南轅雖已敗北轍
尚堪續世事渾如棋失馬詎非福

楊花

旅况如無主楊花東復西吹來將藉草飛去欲封泥驚惜春風老鵲隨夜月
啼玉釵敲正斷莫使舞深闌

陽穀道中

輕風歸遠客細雨送餘春迂拙存吾道飄零惜此身車驅三折嶺衣積隔年

塵欲黃旗亭酒翻然憶澗中

曉發蒙陰

遠霧迷天際空濛月欲斜雞聲辭野店雁影接平沙
美憶青州酒香思蒙頂
茶風霜俱閱盡何日駐京華

琴溪道中

歐州勝地屬琴川每到登臨意欲仙峭筆摩空疑入畫
清流咽石恍聞絃蕭
蕭疎竹荒烟合點點寒鴉落日懸
飽葉無歌折利涉武邢芳躅紹千年

元日舟中即事

長年碌碌走風塵旅况偏驚節序新舟泛平陵猶帶雪
雨吹瀨水自生鱗
擊
危邀影浮三白獻頌呼童薦五辛
擊楫中流會矢志好從薊北問前津

舟發揚巷

連宵風雨入平陵却喜朝來日漸升柳繫河橋青未遍
梅橫村舍白初凝太

丹溪詩鈔

卷上

九

樓學齋叢書
第一集

湖宵森波光迴荆水濛洄爽氣澄大塊文章從此定烟雲吞吐敢矜能

舟次毘陵懷崙西四兄

屈指分歧又十年講堂曾否兆銜鱣芙蓉麗句懷康樂柿葉新題憶鄭虔
荆
水搖搖春漲闊澄江渺渺彩雲懸扁舟應觸池塘夢裏相思意黯然

許仲晦故宅

傍午舟停丁卯橋鄂州遺宅認前朝一區碧草隨春長夾岸青帘帶雨飄
每
向秋風悲楚客閒從烟月泛吳昭白雲山下會留句地主何人慰寂寥

夜半感歸鴻步構李鄭芳谷原韻

落魄常爲伏櫪鳴賓鴻叫月放魂驚南天秋去霜橫野北暮春來錦作城
客
邸消磨人易倦羈心潦倒氣難平聲聲似寄移文詢問我何緣走帝京

舟泊揚州

春雨新添水一篙停舟恰聽廣陵潮瓊花觀冷誰攜酒惟見寒烟鎖柳條

羊叔子故里

驛路猶存晉代名輕裘緩帶鎖襄城山東道上紛鑄石可似當年峴首情
張夏邸舍聽歌童度曲

弔望諸君墓

妙態善爲飛燕舞清喉巧度雪兒歌秦樓楚館饒春色未審風情較若何
只緣間諜暗中行安使前功一旦傾尙與君王期息壤火牛那得復齊城
清明客舍抒懷

遠霧空濛寒食天絲絲弱柳欲貪眠偶從東郭尋芳去無數齊人候祭筵
故園春色隔南天愁向長安市上眠記得去年當此候梅溪城北正開筵

聞笛

羈心久厭逐紅塵忽聽梅花三弄頻寄語桓伊應自惜長安誰是箇中人

三歸臺

丹溪詩鈔

卷上

十

樓學齋叢書
第一集

霸佐才名世所誇何須臺上縱豪奢當年金碧輝煌地化作郵亭賣餅家

望仙樓舊址

流水潺潺碧艸幽東平城外望仙樓一從太素成名後誤煞儒冠盡白頭

夜宿南陽

可堪風雨黯平湖况值新瘥尙未蘇錢挂杖頭難覓醉山東米價又如珠

鄭漢林曰胡聘九馳驅邑校南試不過北游復蹶馬上青山舟中綠水

吟嘯悲歌雖非絕詣亦足愜心

胡以旌字浚城諸生著有松坡集聽松閣集

春興迴文

芊芊綠望一隄斜雨過山樓映彩霞簾捲風來香處處柳垂庭院舞家家
鶻
啼亂樹深藏葉燕啄新泥和落花綠有近村村店酒醉堪春水曲浮槎

菊圃咏

霜英雪瓣細鱗鱗月上枝頭認不真檻外迎風如欲舞孤山均裏想前身鶴白

湘水樓中橘影留只今不見舞樓頭仙姿羞向樽前化作香非傲晚秋鶴黃

陶家種類魏家妝驕白粉紅豔倍常解我無錢能買醉花神捧出紫霞觴霞紫

月窟叢叢錦樣妝色分三品姓名香誰知五柳先生宅也有繁華並玉堂學三

西風吹瘦淡容儀一種芳魂怯不支約略浣紗人樣似芋蘿村裏捧心時西黃

輕紅淡淡瀟柔顏可是沈香醉玉環欲索清平才子調盈盈笑上小雕欄楊醉

丹溪詩鈔

卷上

十一

樓學齋叢書
第一集

公工詩古文賦飄飄有凌雲氣詩餘清新擅長年四十病劇口占而今不向窮途哭好向空冥自在歌之句而卒

鄭漢林曰胡浚城賦與小詞霞舉仙仙堪稱雄霸詩尚妍淡摘其精華

英英逼古

胡聳孫康熙戊子恩貢生

讀史雜詠五首

項王坑秦卒儒生發其毒天意滅嬴氏而後此輩戮沛公雖大度終失兩生屬豎儒非真儒可殺詎可辱表章有後王幸不亡秦續

入秦漢主先灞上龍文現何如拙亞父強使項莊劍天遣楚覆秦特以起炎漢獨哀趙臨人羞見啞暗面

東京尚節義魏武好通達卒開放蕩習流風不可過節義有何負乃遽用排捷遺世祖清談神州化鞮鞢

宋人談理學析義入毫芒聰明作用少全不異老莊汗陷浙亦沒其教乃益章奚開儒學過識拘不知方存理與過欲詎足抑猖狂

藩鎮恣驕蹇黃巢起匹夫太原沙陀威獨能剪汴朱儒生尊主勢動教屏翰屠不見漢明末孤立竟何如

過嚴陵釣臺

漢末羣雄擾中原盡跳梁誰識有真人起自白水鄉天上列星聚蕭王帝洛陽嚴公既執友胡不作龍驤剖符而錫爵將軍大樹傍非公性疎闊山水喜

徜徉明達識先幾寧在水中央一朝稱臣服誰肯許我狂諸將稍失禮漢法有彈章韓彭戮功狗蕙改謗椒房何者非故舊而已沃斧鉞嶙嶙富春石森

森富春水一竿釣游鱗客星強不起

水西桃園

西郊春草碧萋萋滿塢桃花路欲迷醉後都忘秦是晉恍然身到武陵溪

丹溪詩鈔

卷上

十二

樓學齋叢書
第一集

白牡丹

玉階捧出水晶盤好倚沈香亭畔看不用玉環紅一捻善和坊裏李端端

胡蜚字种若國子生著有十慵道人集海寧許焯為之序十慵道人詩集

粵游唱和集

題李峻瞻移情圖

羣山何巖岒水色發清照披圖得佳士箕踞窮遠眺極目望青天似作阮生嘯胸中幾雲夢落筆窮衆妙俗眼渾不識閉炬埋光耀豪情託古音幽意傳

別調蒼茫雲鳥浮委曲林巒窳試從紙上聽微韻發空窳我欲往從游拏舟尋海嶠

題汪采章獨坐幽篁圖

空谷有幽人箕踞而高壞巧窳巖壑深絕境發真賞世慮了不干頽然脫羈鞅時一鳴修琴冷冷衆山響蕭森竹萬个清韻豁塵想博山微烟裊冥默通

惚恍斜日淡沈浮孤雲邈來往形骸信可遺天地一俯仰

過文丞相故里

傍水一墟落傳云丞相村峨峨何懷懷如有正氣存式里古垂訓况乃忠義門憶昔末亡時賢哲爭致身先生尤挺立孤掌撐乾坤鯨波滄海沸落日燕山昏崎嶇終一節百折心彌純義盡乃仁至語可泣鬼神緬維古烈士軌轍各有分從容與慷慨未當一理論先生兩不愧今古惟全人鄙哉黃冠語傳聞竟何因乘筆者誰子嗤點空失真行行偶至止停棹仰芳塵徘徊故里間前路忘追奔風雨蕭蕭至恍惚泣忠魂

過鄱陽湖用王荆公送程公闢守洪州韻

彭蠡湖水蕩天光噴濤吼雪舞洋洋鯨魚翻風撼康耶杳冥欲接白雲鄉漁人出沒載酒漿烹魚作鮓勝稻梁鼓棹驚鷗白日長晚宿洪波安石床斷楓衰柳插荒墟橫空噉壓紛雁行挂席乘風拂川梁銜山吞日真巖疆剩水湖

丹溪詩鈔

卷上

十三

樓學齋叢書 第一集

流破豫章九江低窪瀉其旁饒州高踞漪瀾狂四郡連縣三百強中流擊楫慨以慷慨傲魚龍數舉觴明帝英武謀臣良焚舟破金虜降王江海波息飛龍翔金陵佳氣鬱龍蒼西山蟠繞真金湯珠簾畫棟名獨望甯藩封爵號富藏練兵積粟通穰穰中葉聚盜事買商睥睨神器走牙樁新建號令軍氣揚王孫為俘女為倡可憐婁妃空斷腸可憐南浦空渺茫湖濱死事名姓香韓公廟宇秦笙簧我來弔古懷否臧抵掌喧呼索酒嘗舉世逐物隨低昂意氣凌霄回雨場幾番落魄氣欲剛山水娛情任四方江亭老婦莫霑裳嶺上梅花陸賈裝流水滔滔去未央

梅溪觀魚

十月霜飛淥水涵鄱陽千壑破萬壑天空沙淨一鏡開陣鷗驚起千網落漁歌響徹晚霞流舫艇萬點飄輕縹須臾月出穀紋收水光如練天如箔高低舞浪轉輕鷗穩棹不畏風濤惡烟波極目意茫茫自古漁樵身足託君不見

平地風波解覆人舉觴白眼青天廓

新嶺

斜日銜西岫肩輿上白雲路從巖杪出寺向嶺頭分霞落孤村見鴻飛鳥道紛客心徒函莽流水自殷勤

新安道中

郡郭千峯合溪流一帶依俗猶存禮讓人自愛輕肥歲晚農桑畢山深隴畝稀只今逢水旱應亦苦年饑

饒州次凌九韻

萬山青欲盡遠水拍天來舟入鄱江闕城臨危石開寺猶傳薦福碑已化風雷舊蹟知何處寒烟鎖綠苔

吉水道中次凌九韻

萬里南州路孤蓬不計旬曉風吹落日殘夢冷江濱飛閣凌雲動寒梅照眼

丹溪詩鈔

卷上

十四

樓學齋叢書 第一集

新青山驚歲晚憔悴笑行人

清溪鎮次凌九韻

宿雲孤嶂斷激石亂流通野渡搖關月蒲帆入海風寒鴉殘照外古廟夕烟中可惜蠻花寂飄零向碧叢

泊臨江河口

樹色晚蒼蒼荒烟罩夕陽風聲孤艇月寒色五更霜嚴柝驚殘夢哀鴻警野塘自憐長作客不解憶蕩鄉

吉州晤學山弟

梅嶺雙魚杳停橈祗暫時相思填肺腑攜手拙言辭風急雁行亂雲寒落照遲江南春色早何日報歸期

渡端江

鼓棹端江上開帆趁晚潮疾風吹燕翼漲水長魚苗兩峽連雲動三山挾雨

驕金湯冠百粵鎖鑰憶嫖姚

過擬翠齋

架卜牙籤古焦琴絃有無釀泉堆馬乳拂草臥龍鬚醉看芙蓉劍狂吟蛟蝶圖論才慚阮籍偏到步兵廚

大鑑放舟

新漲汀痕失危樓放小舸陂高回鷓首石亂轉漁篙山傍雲根動天連雪浪高大鑑三十里頃刻見亭臯

游崆峒巖

籍甚崆峒路十年有夢遊春拚展齒刺蘇認丹邱石破疑經斧橋危不放流杳然塵境絕烟靄入滄洲

豐城舟中

波上晨光動征帆遠遠斜歲功歸雨雪霜氣老蒹葭水靜鷗無影江寒浪不

丹溪詩鈔

卷上

十五

樓學齋叢書 第一集

花舫邊繞韻事敲句和嘔啞

鶴山石壁

嵯峨千仞一溪通峯上平曠萬綠叢相對一山天外峙白雲深處欲嘶風春日過雲章館懷會三先叔

萋萋芳草泣斜陽此際思君重斷腸燕子不知非故主還來覓宿舊雕梁

贈黃來一

寸縑尺素比瓊瑰黃石家風近未預安得鶴溪千丈絹與君放筆寫寒梅

甲午除夕

漢江五度見梅開春色年年燕子同何事好風吹瘴盡羈人猶上趙王臺

度關竟絕雁飛愁春草池塘夢亦休解道海洋波浪靜東風不送秣陵舟

漢江舟行雜詠

兩水兼天列岫尖關津最有古良嚴蛋船狹小輕如葉取盡抽分又買鹽

紫燕西飛海上來寒潮猶識舊樓臺春雲帶雨東風疾吹落官衙幾樹梅

竹繞如何石竹篙篙輕船小利於刀客心莫厭行程少百里危難萬丈高

漠漠春雲溼不流西風江上冷于秋何當一夜孤篷雨滴盡行人萬斛愁

羅浮蝴蝶

傍柳穿花踪跡稀乘風直上白雲歸可憐五載嶺南客猶逐梁園蝶蝶飛

公平生敦孝友工詩文兼精簿領弟蛟齡以庶常出知興平屬西方軍

與之際兵餉絡繹州邑多疲敝而興平應酬綽綽公之籌畫也雍正五

年陝藩以保舉才能之例薦公就京引見值例閉而罷未幾卒子承烈

舉人

青虹閣詩評神若游跡半天下清超雅麗之什如九霄春露三鳥秋雲

蓋山水輪楫激其篇什鼓其穎銳也

胡蛟齡字凌九雍正癸卯進士官庶吉士出為陝西興平知縣徵入擢御

丹溪詩鈔

卷上

十六

樓學齋叢書 第一集

史尋遷戶科掌印給事中乾隆主試山東著有石門文集起亭詩鈔豫

章張江有序

寄趙環石 環石宦情素淡自貴溪令遷晉州意不樂赴故作此寄之平生勵名義所要非臚仕長揖謝公卿肯為五斗米鳳翽失高梧乃在荆之

枳江湖二十年崎嶇未云已循資稍一遷惜此天下士頗聞自南來攀轅啼

赤子素心終不渝澄江濯寒水明鏡無倦輝牛刀有長技勉旃良吏心側耳

新政美勿謂宦不達堂堂州刺史勿謂年已邁五十服官始行矣卓魯勸三公將屈指

涇川詩話曰凌九五言如風高秋日瘦雲重暮天低遠烟衝日出空翠

拂天來七言如坐久星河搖病眼夜深風露溼霜髯路入焦心千轉上

水流劍脊兩崖分過大山山逼狼心烽火近渠通灌口水源清上州江南

岸繞山當檻淮浦雲低樹接天平山壯麗雄渾真得感唐氣韻又拜郭

林宗墓云碑自中郎傳絕筆人惟元禮是知音用事尤為細切

清遠峽

兩山何崢嶸一逕通險仄氣勢相雄張峯巒交逼迫露濯蘿薛青雲飛崖谷
白洪波不敢驕東勢徐入隘想當渾敦時崇岡元未劃帝欲導江流乃遣巨
靈劈深林有廢宇恍惚見遺迹云何解飛來萬里緬咫尺事遠地亦荒古籍
莫從核置之勿復論前山看奇石

老牙峽

攀峭山石蹲暗脈通江腹鬼面森離奇駢頭遞出縮翻空似鷹揚據地作虎
伏狂瀾爭出嶮顛倒撼山谷區區操一葦敢與水勢觸哀哉人力窮終日轉
江麓峽暗風雨來林昏草樹簇篝火互推牽獨傍會波宿

同冠峽

一水中盤紆遠作羊腸曲夾岸兩蒼龍并以神力束飛空舞爪牙數里勢相

丹溪詩鈔

卷上

十七

樓學齋叢書
第一集

屬飲潤噴寒泉琤琮落碎玉散成輕雪花聚入澄潭淥跳珠偶一露朱炎失
蒸溽緬彼昌黎叟茲地蒙採錄人與境千年美句誰能續孤蹤幸一過聊以
資遐矚相戒勿題崖庶免山靈辱

大理石

秀色聳兩壁望之紛雲霞平如鏡面展皺作龍鱗斜有時忽中空千丈折鈎
鈎神工困雕繪鬼力窮梳爬懸乳雜萬狀美玉無疵瑕倒垂數莖苔蘚立攢
鏤錫石脈滴靈液仙者所爭誇金膏與水碧光氣難藏遮沿洄憑一棹眞賞
極幽遐物外信多奇俯仰勞咨嗟

羊跳峽

峽腹窄如瓶峽口東如綫江流何澹逸勢比修蛇轉峻壁聳層空玲瓏達四
面天低雲霞湧海立魚龍見人如霧中語響聲通一片空巖自答響倏忽喉
舌便攬勝心若狂探奇目易眩孤帆豈久留幽賞誠堪戀谷口更偉觀雙瀑

懸素練焉得數徘徊盡日窮諸變

龍湫潭

小石何零星大石極礪礪戢戢塞滿江進退輒有礙孤飛似趁人特出欲無
對媧皇試餘巧點作百雜碎殷紅隱丹砂鮮翠攢青黛朝昏呈萬狀俯仰變
千態神物此泳潛靈光時顯晦孱頑垂尺乳雲氣護靄靄終歲瀉甘霖匯入
清川內安得挹餘瀝一濯胸中穢沈疴應解痊庶比天漿澗

望五老峯

夙昔聞廬山五老特奇妙廿年懷勝踐無由極登眺今晨願始償咫尺得形
貌比肩披雲烟離立倚險峭偃偃面東南萬古旭光耀直疑擊效眞豈獨頤
領肯伊余驚乍投蹤跡會未到傾蓋似相識遂成莫逆笑恨茲俗狀牽未暇
窮絕嶠願言盟此心歲晚敦吾好

初至白鹿洞三首

丹溪詩鈔

卷上

十八

樓學齋叢書
第一集

深谷開窈窕長松鬱輪囷新蕪聳翠華中有模範存未至已驚觀凜然肅心
神止與陟高岡躡足窺前津飛梁臨百仞澗石撐嶂岫泉聲響哀玉潺湲寫
清眞策筇題兩壁刻劃爭羅陳惜哉俗體雜點筆汚眞泯前賢垂手澤摩娑
空逡巡

昔賢嘉遯地遺跡良依然大儒繼絕軌倡道荒山間說經正塗輟講學開源
泉耿耿孔孟心日月中天懸於今六百祀誰能會其詮運窮有剝復揆一無
後先恭維賢聖緒薪火同一傳語句豈糟粕精神存簡編濟濟青衿士時敦
誦與絃詩書有妙理豈用資騰翥

白鹿不可見靈洞何恍惚今古亘千春蔽此荒榛密宛宛石屋高岑鑿徒爲
伐流傳果是非憑臆良難核山連翠靄濃谷罅清風發朝飛松桂雲夜度藤
蘿月曲蹤徧空山詎可一隅揭延佇更追尋形神共超越

三峽橋

新山成石梁，倏倏渡絕界。神班執其機，千載不可壞。峽水奔騰來，風雨助滂。
滂尺地轟千雷，一盜吞百派。亂石負輪趾，怒貌扼險隘。勢與奔湍爭，鼻風力
猶懈。攝衣探金井，炎歎變清快。小坐魂轉驚，波瀾出奇怪。俯窺毛髮動，仰瞰
心力憊。戰兢愧古人，味此垂堂戒。

玉淵潭

巨石倚深潭，瞰臨不可測。修腹平且廣，垂末一綫窄。澗谷來驚湍，匯流十畝。
積勢覺并出，難努力衝百尺空。巖僵玉龍銀，柱倒天壁礮。車轟萬輛滄江門，
霹靂朋儕失笑談。鏗鏘亂語默，老蛟蟄何年。潛穴通海脈，守珠此安眠。吟嘯
助瀾濤，幽壑風乍鳴。相顧盡驚覲，紛紛草木颯。恍惚神威逼，相戒勿妄窺。徘徊
增踈踏。

出棲賢谷宿萬杉寺

落日挂西崦，倦興出東嶺。陂陀屢陟降，阡陌忽斜整。澗水各支分，屢涉初不

丹溪詩鈔

卷上

十九

樓學齋叢書
第一集

省修原依翠，微曲折路逾。遙空烟靄橫，暮色沈山影。天仗列七尖，蒼蒼入
杳冥。須臾投林樾，一院占深靜。雖離經梵和，咄咄鐘魚警。主僧無俗情，清談
見繁肯。山味擷園蔬，巖香供林茗。夜深客堂空，露氣侵單屨。萬籟寂不譁，幽
賞非人境。涼知靜室虛，澹覺孤懷惺。惟有初絃月，西窗明罔罔。

開先寺

香爐倚雙劍，紫翠紛攢簇。寺當衆峯下，占此錦繡谷。佛事窮煥爛，層累萬楹。
屬前堂聳朱樓，天章秘匣匱。後堂架華軒，寶像飾珠玉。簷深日月昏，閣迴雲
霞宿。注青林，蘭香已馥。甘泉不着地，澤沛走空竹。愛茲勝地殊，追尋
不厭澆。虛膺泉迭聽，疏窗山互矚。訪古到空巖，書臺有餘躡。攬筆記吾會，他
時期更續。

漱玉亭

石巖拆鈴鐺，萬仞摩天關。青壁落峻瀨，百步聞潺潺。一源判兩道，忽若銀河

翻潛澤，凝綠黛。跳波飛素紈，眩眩彼瀧濤。壯懷茲肌骨，寒回旋石亭。傲默坐息
安，安清聲。擊戛球琳幽響鳴，珮環長風轉。空界楊柳自無端，陡教雙耳聳兼令。
百慮寬，激懷抱。冰雪一洗塵囂煩。

歸宗寺

廬阜富招提，歸宗實古雅。山從邪舍開，宅自右軍捨。因緣有廢興，流傳仍蘭
若。乃知象教神佛力，支大廈客寮。曲徑通別院，亦瀟灑。墨池色黝黝，沈藍凝
不瀉。羲之本達人，風被絕代下一掬。動微波，餘香似盈把。

京師寄祝老友鄭漢林六十初度

自古文章士，患在不知道。浮華表天質，綺語何用好。我友懷古初，俗豔不堪
掃。文學得升堂，聞道一何早。著書十萬言，發憤抒素抱。源流接六經，大義破
纖巧。餘閒徧邑乘，千卷日搜討。文獻僅有傳，遺逸得章表。近作功益奇，一貫
徹。管吳囊括總，皇墳虛無攢。莊老耿耿孔孟心，日月中天皎。此書壽儒林，永

丹溪詩鈔

卷上

二十

樓學齋叢書
第一集

爲千載寶君亦多，歷年與書同壽考。

庚寅冬久雪有感

陰風豁豁飄寒花，層雲千尺封天涯。兔沈烏沒海底香，玉龍一戰三旬餘。貧
兒欲出走，索食開門四望還。歸家天荒地塞不知住，牛衣僵臥空紛拏。前年
蛟水破城市，稻梁雜沓沈淫汙。去年烈日烘黃埃，赤地一望無樓直。直到今
年穀少熟，嗷嗷十口猶咨嗟。如無春氣方已逼，忽此災沴紛相加。試爲仰首
望蒼天，幾時放出黃金鴉。鴉坐令大地開生面，枯心垂盡翻萌芽。

苦旱

炎炎紅鏡昇東方，九日并出燒扶桑。赤帝行天坐明堂，朱旗火傘相開張。祝
融集議垂纁裳，赭龍十萬爭騰驤。鎔金爍石炎崑岡，焚山烈澤乾池塘。下土
何辜走攘攘，蟻行熱熬何倉皇。千里一望塵埃黃，似燒阿房連建章。月亭風
樹無纖涼，鑿深得泉如瓊漿。暑風勃鬱焦肺腸，往往中喝填道旁。誰人顧帝

開天闢地驅豐隆馳茫洋鞭笞旱魃收亢陽一挽天河澆大荒

暮春登青山寺

春風吹入桑麻場菜圃十里黃雲香麥秀漸漸翻綠浪花飛漠漠搖紅妝田婦擷衣閒自採羸牛負輓晴爭忙時運變化遠如許覽物使我增慨慷愛此童冠可自適登臨莫惜隨低昂翩然追陟窮日力暝烟霏霏升前岡

泊臨江河口次冲九兄韻

汀州靄暮色寒雁下斜陽黯淡江邊火淒清夢後霜曙鐘穿洞壑殘月入陂塘可得還高枕前途近瘴鄉

韶州道中

地接芙蓉嶺巍城得上游一關臨楚尾兩水夾瀧頭麥浪翻青岸斜陽立白鷗飽帆聊自得香共菜花浮

兩日韶陽路青巒破萬重殘更敲落日危石冷孤猿狖窺層嶺漁舟宿戍

丹溪詩鈔

卷上

二十一

樓學齋叢書
第一集

烽飛來山寺杏翹首望雲封

韶州道中次冲九兄韻

澤國勞行役孤城北客游遠峯穿日脚細雨過雲頭地僻稀聞雁舟輕任逐鷗今朝風勢好安穩一萍浮

書懷

避世焉能爾趨時恨坎壈古人今不作吾道覺如何餬口同奴隸棲身足網羅歸來無處所長歎漫興歌

正月晦日

綠樹攢新蔭青山沒燒痕雨喧溪浪急雲湧石峯蹲大麥全遮隴新篁半覆門嶺南花事早春色又黃昏

社日

社鼓村村響壇祠處處通作麋招比舍割肉集鄰翁落日歡聲裏歸人醉影

中願教逢大有秋報更須豐

晨發小塘

已喜風頭息仍看雨脚飛水清山影動棹穩浪花稀海國蟠天近江流縮地微正乘潮落後一棹弄清暉

南海舟中

澤國茫無際潮田歲有秋犁鋤蠻婦聚舟楫蛋人浮地勢平千里江濤灌一州滄溟正咫尺怪底水爭流

連州雜興

霽色歸欄檻春風到草根牽絲花結子附節竹生孫屐過苦無印渠乾水有痕為儒兼學圃閑共細人論

簷雀時時鬧鳴蛙歷歷喧花低全拂砌草蔓半踰垣瘴渴思穿井驅愁欲種萱淡中滋味好得意竟忘言

丹溪詩鈔

卷上

二十二

樓學齋叢書
第一集

曉日官衙鼓更深梵寺鐘就眠忘早晏攬鏡笑形容對客偏噴酒看山欲倚筇年來精力減自覺近龍鍾

窗對嶺山翠雲連花洞青風光搖几席花影上階庭客至牀頻設人閉戶不扁靜中閒觀好洗耳有清音

久坐神方倦徐行睡忽醒天高親閃電月暗度流星溼地微吟蚓虛簾靜拂螢牢愁頻掩卷休更說窮經

未得謀今是徒勞嘆昨非鈔書驚目力束帶減腰圍物序新鴻過情懷海燕歸槐柯徒有夢鶴背背南飛

寒食日聞子規次韻

驟雨催寒食山城氣慘悽那堪孤客思更聽杜鵑啼烟火晨猶冷風花望欲迷頻年蹤跡滯歸路忘東西

蕲溪

積雨新晴路乘風逆水船亂紅花掩映深碧草芊眠鳥影沙汀外雞聲竹屋
邊望中城廓近猶自隔炊烟

葛溪

喬木村村樹蕪菁岸岸花浪翻春雨急山帶夕陽斜古縣城三板浮圖水一
涯更投前路宿帆落聽鳴蛙

瓜州夜宿

揚子橋邊路瓜州浦外船白黏潮後浪青綻雪餘天渚葦霜中盡江豚水底
眠收帆度伊妻猶見潤州烟

邵伯驛

舊堰千村聚新堤半岸依米鹽隨客至魚蟹入春稀驛路泥蟠馬人家水入
扉謝公遺愛在誰復繼音微

八月十五夜半湖風月和趙景杜韻

丹溪詩鈔

卷上

二十三

樓學齋叢書
第一集

蕩漾波紋泛碧簾廣寒冰鏡乍開奩呼來美酒當簷下引出新詩在筆尖坐
久星河搖病眼夜深風露濕霜髯羨君妙句鐫天巧一紙傳來字字纖

茂林道中晚行

幽懷旅思轉孤清愁對寒山暮影橫訪古時葦原上謁獻餐深愧野人羹飛
雲送雨村村暗落葉隨風處處鳴既夕不知城郭近漏聲恍惚辨銅鉦

平山堂次王阮亭韻

傑閣高峯鎖翠烟半依城郭半林泉江南岸繞山當檻淮浦雲低樹接天秋
色邗溝空落葉夕陽隋苑剩荒田只應賢守清名在別有風流不礙禪

題淮陰嶺

楚漢存亡向背中嶺頭猶自見雄風成名百戰淮陰士遺恨千秋長樂宮已
看場空收逐鹿豈容鳥盡惜良弓嗟君相止封侯貴錯悔當時失蒯通

送陳屏庵赴黔中

帝念巖疆試遠猷暫來粉署又南陬雙江舊識山川險五馬今看保障收
刈荆榛成稷黍肅銷刀劍化鋤耨他年卓魯承殊寵還在清班最上頭

郭林宗墓

行藏似與世浮沈誰識龍蛇一片心碑自中郎傳絕筆人惟元禮是知音當
年鈞黨何曾累此日流風尚可尋長路驅車空一弔古槐千載影森森

放舟赤灘

青篁彌望蔽山邱千尺深沈瀉綠油小艇一篙無處着自隨洄洑下中流
曲如鈞轉直如弦急箭危流送客船却下灘門望山色遙遙眉黛倚長天

龍坦十景并序

一觴一詠暇日園林某水某山童時游釣眺桑麻今千畝已負鳩鳴
南園春耕展畫卷兮三更長愁懶祭學堂然而春來福地綠樹連邨塔光

秋到楓林黃花滿徑楓林秋色載泛曲人之宅鏡面生風湖潭言尋處士

丹溪詩鈔

卷上

二十四

樓學齋叢書
第一集

之廬琴心月靜方韻佛牙露靄勝餐嶺上之霞佛手石鼓聲聲如和
樓頭之曲石鼓鳴亦云畫本聊識土音乃有十章不名一體

龍坦烟村

俗不入城市仙不入山林龍坦村東朝雲霽龍坦村西夕霧深朝雲夕霧多
烟景中有曲人不可尋君不見輞川右丞圖又不見盤石李愿君烟樹迷離
自今古混茫如在叢和初維桑與梓結吾廬吾廬本是無車馬莫道桃源避
世者

文筆凌雲

蒼頡造書成擲下如椽筆萬古不退尖湘東品弟一借問鼠尾峯幾時聳
崢嶸哉無珊瑚作架移我室裝以白玉管飾以綠沈漆龍衣五色披綵綉雲

霞匹昨夜夢生花佳兆恐相失早起推書窗青葱照初日

石門曉日

亂雲滾滾堆山腰石門湧出紅輪高有似長風吹海立龍珠一躍生波濤曉
樹村烟溼未起野田隻鷺飛寒水可惜朦朧醉夢人駒駒穩睡綠窗裏

梧桐秋月

抬頭眺明月低頭履明月明月隨我行梧桐靜兀兀高秋一葉飛露氣濯山
骨白鶴東南來聲聲最清越

石鯉清泉

黃崑之峯高凌雲下瞰清泉一百尺有鯉不得登龍門點頰暴腮化石牧
童敲火漁插竿江漢無梁地脈脈重爲告曰吾涇仙人有琴高脚踏赤鯉遊
碧濤仙人無情撒爾去荒草空山鎖紐牢養爾鱗甲戢爾翼風雷霹靂會相
遭嗚呼風雷霹靂會相遭

曲水迴瀾

丹水迴瀾繞吾村屋似斷似連如往如復蜿蜒盤蛇轉轡轉轂圓者爲瓚方

丹溪詩鈔

卷上

二十五

漢學齋叢書
第一集

者爲玉亦有磐石挂彼飛瀑浸月一簾跳珠一斛我歌且謠永矢弗告清兮
濯纓濁兮濯足

羅松古刹

佛老不死仙長生二者學之俱無成咄咄有松如羅漢魁岸古容不計年羅
漢之松高百尺寺門白晝青冥冥跡跡大坐長爪甲心則慈悲貌猙獠山魘
野魅不敢過降龍伏虎驅妖精維摩長老朝說法此公解語常竊聽指麾塵
尾松子落颯颯風吹微笑聲掀髯鬚毫者誰子貫休老人夢見真儀形天公
忽欲遣鬼守雷電下助勅六丁仙耶佛誰知之吾將遠叩西竺僧

仙墩遺蹟

登高而呼仙翁來仙翁一去居蓬萊笙簫月冷猿鶴哀石墩遺跡空崔嵬傳
聞此是拜仙臺兩膝著石石爲開仙風拂拂無塵埃松花落翠竹陰堆香林
鹿過青紫苔瞻望仙雲五色迴仙翁不死居蓬萊登高而呼仙翁來

蟠溪晚釣

昨五夜更雨蟠溪添碧流長竿橫短枝秃尾與槎頭得魚失魚兩不問日之
夕矣心悠悠心悠悠青帝浮牧童告我沽酒處我今與子賽裳去

賜谷春耕

雄雞一聲天欲曉健婦持家炊黍早河翁驅犢朝出門芒鞋踏溼場谷草柳
葉青青桑葉黃山田磽确心傍徨官家轉眄修困倉昨宵一雨水平畦桃花
洞口杏花西杏花西春鳥啼君不見前飛布穀後鴛鴦

公性嗜學研窮經史旁涉百家靡不貫串乾隆十七年主試山東所拔
多績學士前尹興平十載關中稱循吏後在諫垣值江楚遏糴乞飭所
在督撫嚴行禁止上是其言

蘭石詩鈔云先生不矜才力冲和爾雅時一振聲精光四燭純乎大歷
遺響

丹溪詩鈔

卷上

二十六

漢學齋叢書
第一集

胡巖齡

漁家樂圖

許大乾坤任跌宕漁翁樂事世無兩楊柳渡頭春漲生桃花片片隨蘭漿感
夏荷香十里灣濯足滄浪鐵笛響瀟瀟零露冷蒹葭推蓬隔岸秋山爽雪夜
遙聞欸乃歌阿誰解作剡溪訪江山風景四時新水面生涯爭舉網斜風細
衣綠簾衣彷彿仙人披鶴氅得魚換酒日將西免醉何須錢掛杖婦孺團圍
笑口開一樽傲殺五湖長醅醱臥水雲鄉笑逐鷗羣息妄想孤舟無稅了
無愁探得河深與漢廣誰將樂意寫丹青神妙直駕秋毫上烟波渺渺試襄
裳悵望伊人神獨往君不見羊裘老子釣嚴灘突過雲臺二十八人之圖像

胡鏞齡

模山探梅

我探梅花信梅花信尙遲嘆君香在骨隱躍許誰知

胡承彜字彬仲雍正癸卯科進士官驛鹽道署雲南藩司策有滇游州

台泉雲龍歌

台山高台泉清天地開關山有靈龍為師雲為弟講學深柳文星聚文星聚處三台光列宿熒熒照廟廊我來登山雲門開書屋無人長莓苔躡蹠怪石吼人來雲龍隱現越觀臺明嘉靖間許文穆公為書台泉山一時從遊俱登

白沙坡行

前年走馬白沙坡白骨棱棱血滿河郵亭灰燼羽書斷啾啾山鬼泣山阿此時我亦捧符檄下馬聞聲心膽慄嗟爾下士義且忠愧殺戎行烏帽客臨風灑淚一杯酒奠此疆場烽火劫今來又復尋哀邱青山綠水秋復秋山寂寂水悠悠康莊有道任馳驟可憐壯士覓封侯黃土青莎骨未收

送王閭齋司馬東歸

十年策騎長安道意氣逢君眼中少掀髯時復露機鋒詞源滾滾人傾倒分

丹溪詩鈔

卷上

二十七

橫學齋叢書 第一集

手南北苦相思着鞭我亦來昆池一樽話舊三更月萬里情懷兩鬢絲無何尺素自南來雁聲中斷亦可哀眼高世事如流水掉頭軒冕等塵埃緬君豪邁仰天呼豈肯騎牛學豎夫耿耿中情言不出欲別不能留不得我聞自古重離別離別與君情更結鄉心鱸膾秋風遠夢裏池塘春草血吁嗟乎人生四海皆兄弟况復紛紛盡知己此日旗亭聲暗吞何忍鼓柁歸江村歸去江村有幾人君獨不見八公山下臥龍處處起雲津

遊黃山

落日穿雲上迴環鳥道斜奇峯開箇蒼古寺認硃砂慈光寺原彌勒風前望神鳥客到譁鳥為一對蕭然松竹外折取木蓮花木蓮樹高二丈花

輕雲籠畫閣侵曉見天都縱目奇方始快心險亦無撫床驚紫玉古韻紫玉床採

藥得珍珠藥珠自是神仙窟何妨木石俱

千尋環石磴緣壁更扶筇行止隨山衲送迎笑老松迎送松在文殊院之松門亂雲巢古洞巢雲洞在斷木倚危峯碧蘚蒼苔裏清涼策藜筇

關禽樂鈞天下山峯鳥鳴醉仙古洞閒仙僧門石文殊跌坐處在文殊院真不類人間

逼仄懸崖斷還從石洞升洞口而止容一人行走蓮溝青杏杏雲路碧層層蓮溝在蓮花峯之下高下衝輕霧攀緣傍古籐驚心渾未已蒼背且相憑路過光明頂丹臺倚遠天輕雲鋪碧海細雨洗青蓮峭壁神龍臥臥龍在層巖獅子懸仙燈更隱躍出沒闐風巔巔既而千百為羣

丹溪詩鈔

卷上

二十八

橫學齋叢書 第一集

崖斷臨無地蒼松接引奇奇松在崖中絕松於彼斜二橋青有影二橋在石門峯四海碧無涯明頂之前為前海光明頂之下為天海始古佛終朝立在石門峯老翁何所思所思在始信峯傳來猶未盡今日到方知方知在始信峯晴雲多變幻晨夕賦環觀雨洗海螺活海螺石名雲深玉兔寒玉兔名春曉松欲睡春曉松在天都峯星落井成丹丹井在煉丹峯晚取蓮溝石茗爐蓮溝在煉丹峯五彩攤五彩石名瘴瘴黃山路經旬不忍歸近峯留曉月遠岫入斜暉秀色松堪食青蒼石亦衣靜中更有得香氣撲人飛

登黃山

小憩皮蓬皮蓬名下停筇丞相源鑿峯仍種柏立石尚啼猿雨瀑千巖冷鳥鳴一徑喧歸途無限意落日聽潺湲

不識黃山路何當盡我心海翻天影闊雲湧客衣侵石磴高還下松濤淺復

深峯頭無限過一住一高吟

天都峯

山高天半出奇絕是天都斗近星堪摘雲寒鳥亦孤路危霄漢逼氣隔陰晴
殊極目窮仙跡峯頭乍有無

蓮花峯

何處來奇種忽開此地花一枝寒萬仞半壁插千葩蕊結苔痕石香浮水面
沙帶蓮池有蓮房誰得到頂上一仙桂
飛超船有石

自硃砂庵至文殊院

乍轉羊腸路攀援又一峯樹危穿石斷雲冷逼巖封洞鎖天留線小一線天社
心坡下
松橫臥是龍松臥龍脫凡橋上過引我一聲鐘

就道

醉別山城去情牽楊柳飛馬遲秋草迥雁盡故人稀萬里餘空囊單車冷夕

丹溪詩鈔

卷上

二十九

樓學齋叢書
第一集

暉驚心砧歷落誰為寄寒衣

曉發龍泉店

疎柳籠殘月微星挂碧河巖空雲有色澗落水無波秋老林空淨霜凝客面
多忽聞雞犬近依約出南坡

次襄城縣

鞭指南天路蒼茫接楚關城襟三面水橋架兩重山宿鳥爭枝亂歸鋤荷月
閉長征暫留此坐聽水潺湲

曉發宣城

孤城江渚外遠樹曙光微棹逐寒雲亂帆隨冷霧飛沙橫兩岸白楓落半林
緋何處漁歌發蘆洲隔淺磯

祭風臺

絕壁江雲斷危臺烟霧空寒波啼魏躡芳草咽吳宮天佐周郎計山留漢將

功蒼冥如可告何止一帆風

登岳陽樓

欲放長空眼科陽上畫樓簷前千嶂合衣上白雲浮鷗鷺南天盡烟波北海
收五年重過此淒絕楚江秋

涉洞庭

不識乾坤大涵虛匯百川孤帆危似葉千嶂淡如烟混白疑無地微青只有
天何年平險阻萬物濟安然

螺螄寨

峭壁奔流湍青螺望幾重挂巖橋有月飛嶂瀑成龍風靜波常怒雲開路尙
封扁舟灘上過遠度一聲鐘

謁伏波廟

傑閣層巖聳蟻行拊薛蘿鐵橋斷石銅柱砥危波地劈飛鳶盡功高劃斧

丹溪詩鈔

卷上

三十

樓學齋叢書
第一集

多豐碑披拂處猶識漢山河

過青浪灘

曲曲青巒鎖磷磷白石封亂聲喧驟雨短棹疾飛龍轉眼驚危浪回頭失好
峯何時波盡伏舟楫泛從容

沈香船

仙槎渺何處海外泛神工綠挂苔為楫青飛石作蓬香留千古月岬抵一巖
風漢使知非遠星源在洞中

望水亭

萬道銀光冷飛泉瀉碧巒疾風雲欲醉怒雨永生寒地岫危將拆天河倒欲
殘源頭奔活水須向靜中看

中秋日還沅城途中口占

鞭指皇華路看山偶寄情小橋流夕影老樹臥空聲物我秋來得乾坤醉後

尋此中清興足好月待歸程

重宿揚武壩

小築殘雲裏偃僕復此身呼杯松子落愛客鳥聲輕樹老風凝葉林空月倚人停驂重過此耕鑿看宜民

昆陽道中

五載邊城客南來第幾程浦雲開亂岫海日湧孤城練武當年事覘文此日情太華遙見處依舊對崢嶸

宿羅呂

路劈重崖合溪緣曲逕斜斷雲寒釀雨湍水急流沙截竹巖通滄梯山穴作家何堪蠻笛起處處似悲笳

沅江咏懷步尹制臺原韻

一身南北類飄蓬笑倒仍前篋半空歷盡宦途真况味炎來涼去十年中

丹溪詩鈔

卷上

三十一

樸學齋叢書 第一集

龍門權北今沅江極南寒夷剛別

聖朝雨露似膏濃歲下蠲租詔幾重魚鳥何知能報答百蠻今也識勤農

關心民事了無期二月時兼八月時春雨纔從江上禱秋霖又恐晚苗遲

熱雨

三年雁不向南飛此去驚心素念違陟屺陟岡何處望羣鄉如夢已全非

掉頭宦計十年虛銀髮惟添兩鬢餘歸去溪山應似舊那堪回憶出門初

依依苦戀我何因蒿目猶多藉手新只有一言須記取太平盡是力田人

浮雲逐逐去仍還敢學逃名伴故山欲報江南消息好丹溪溪上九峯間

熱水潑洞澧社前長年如夏熱如然江村歲歲春行賽百穀場登荔子天

嘉子夏

春風記得柳垂條俗佛良辰類各招歌罷夕陽人醉後牽紅曳紫踏江橋

寒人十

木寨巢居結嶺多梯田截竹引清波勞勞常恐攀雞酒百里蠻山一日過

道迎言及

迢迢萬里阻天南錯節多方拙性堪迴首問關春水闊洞庭風雪柳鬢髮

登黃山

望天都峯

立峯萬仞逼雲孤翠色時時入望無雲得好風吹聞苑浮雲耕盡見天都

蓮花峯

倚杖扶梯上碧峯香沙香水說仙蹤可知不是人間世身到蓮臺第幾重

西海門

西海雲濤塞遠關銀波飛湧去仍還蒼茫萬仞疑無路浪裏輕浮一點山

煉丹臺

丹溪詩鈔

卷上

三十二

樸學齋叢書 第一集

路轉丹臺石徑斜玉屏片片照蓮花

玉屏峯在蓮花峯之下

老僧笑指青山面拾得松

枝去煮茶

上蓮花溝

到眼青蓮未可攀扶筇衝破白雲關碧天瀚海波濤幻現出皮蓬一座山

在蓮花峯之南

鰲魚洞避雨

古洞寒雲曲徑封青巒面面鑲芙蓉看山帶雨行人滑纔過蓮花第一峯

公由進士初授宣化龍門縣息事安人邑人德之調繁長垣以才能奏

最陞雲南沅江知府值猺獠不靖恩威兼著地方卒賴以安舉卓異以

道員用丁內艱歸乾隆六年起復發雲南候缺署藩司策數月卻饋遺

羨耗補驛鹽道以疾卒年四十七居家無私囊一切俸給盡贖宗族

鄭漢林曰胡彬仲少年兩捷北宰劇邑南守滇疆種蠻不靖軍務旁午

肆其標捷居然作家

胡兆殷字商符諸生著有素行堂詩鈔羈鴻敷語

水西雙塔

兩兩浮屠聳碧空青冥如洗矗長虹光連梵宇曇花潔彩散諸天貝葉紅只
有輕鷲摩絕頂想多古佛踞當中凌虛欲步恣遐矚薛蝕苔封悵不窮

丹溪詩鈔

卷上

三十三

橫學齋叢書
第一集

丹溪詩鈔卷上終

丹溪詩鈔卷下

涇縣胡鼎愛亭輯

胡承譜字韻仲號元峯晚又號塾夫乾隆壬申舉人官江甯縣教諭著有

元峯詩鈔四卷詩續鈔一卷

總甲命 查照合規紀所見聞

戚戚復戚戚總甲來造冊囊空無一文何以謝總甲上覆總甲命除我飢口
名今冬何以活殘生上覆總甲命入我飢口名惶恐不敢高作聲上覆總甲
命憐我無錢容我長跪總甲命命大怒而起

小孤山

巖舟馬當山瞥見小孤影烟雨互明滅隱現無常景篙師侵曉發措眼恣所
騎巉巖露山首屹屹峙江永雖云削凡體奇妙殊未領美人看背面玉顏失
修整卓午天霽開微風牽舴艋正襟坐蓬窗靈異現俄頃單楫不連陵披拂

丹溪詩鈔

卷下

樓學齋叢書
第一集

多管管雲鬢何窈窕螺髻亦葱靚延佇望儼然鵠立氣俱屏紛紛世上兒好
事妨貞靜何物是彭郎善謔理宜省荒唐交甫儔輕薄陳思併綺語作神羞
偷俗良足警再拜薦溪毛遡近一同頸山靈倘鑒余毋以石尤梗平生仗忠
信他言不敢請

乙亥壬午嘆有序

明崇正八年乙亥正月獻賊自巢縣由盛家橋至廬江縣縣令蒞任
數月集守無備賊自南門水關入城陷遇難者訓導李兆旂鄉紳盧
大泰等十四年十月賊復由舒城盤踞四鄉焚掠半載次年壬午八
月城再陷千丁之族存者無幾

有明亡以甲申年嗚呼明亡何待甲申年風陽陵寢國根本上書不報真可
嘆坐使關西獻東殺人如麻天地昏斗大龍舒城濱江一彈丸黎赤實何辜
塗炭孰使然壬午之秋乙亥春蒼鬼新鬼啼酸辛初從稟車來鼙鼓煽妖氛

南門盧御史東門柳生金北門張二宿西門呂渭濱四縣保土人儒門
司訓皆能軍不竄而死以身殉斷脛絕吭無遠巡鶴鶴鳴不止鴉鴉送銜冤
天心未厭殺覆巢卵無完封豕長蛇食四鄰人為野火馬轉燼藐爾一區城
再破雲漢子遺靡有存挑燈閱前志目慘聲為吞含涕問故老傷心不忍言
後二三年明亡矣嗚呼明亡何待甲申年

文信國書明德堂歌

學宮中有明倫堂而獨應天書明德上元府學今改明倫明德道則同誰與
書者文信國信國昔作正氣歌嘗百回讀淚滂沱攝衣升堂觀公字沛平浩
然耀太阿公之古誼若龜鑑忠肝若鐵石自其弱冠登第而以得人賀宋三
百年臣一个是時天步正艱難提兵淮海陣雲寒萬死累臣餘碧血孤魂絕
傲着黃冠嗟公一生無煖席流離瑣尾無終極那有餘閒作此字使我稽古
三嘆息太息地維天柱賴公存惟公正氣塞乾坤克明明德培本根成仁取

丹溪詩鈔

卷下

樓學齋叢書
第一集

義至剛大虎臥龍跳並道尊嗚呼信國往矣此書垂登堂恍見公鬚眉戟門
上有泮宮額微國正氣同扶持文公亦泮宮字井欄干銘玉兔字奸相泥塗
千古累學宮內有井欄詩書玉兔泉三字刻影尚存流芳遺臭各為之一樹冬青誓朝翠

過灘

五月河乾舟阻關門高於瞿塘峽六月河乾舟阻灘百步一灘行路難楫
短檣摧不可渡舟子停篙灘頭住候關尚有開關時滯灘不行力安施我今
作詩志小蹇仰視灘流如壘嶽打鼓發船會有時世事迺運應須勉

古風一章次韻答元音十弟

鐵槩閃閃光轉燭二丸競逝白駒速薄宦歸來兩鬢華大病不死興偏足身
世華落天所為癡絕楊朱歧路哭兒子湖口走四方老妻龜勉供旨蓄優臥
方山一敝廬村醪過牆酒新漉與爾小酌還續吟醉墨不辭書滿幅指麾老
眼尋古歡階下黃金綴秋菊

得趙穆庭和余品梅詩却寄

公詩如美色筠窈出花前對影風欹竹尋香月墮烟高吟四十首勝撥兩三
絃領略芳馨意真宜對榻眠

長清道中

十八盤中路三千里外人好山孤夜夢殘雪異鄉春屢客村墟熟長途僕馬
親壯心消未得不致嘆風塵

冬夜檢舊篋得施金門寄詩閱三載矣悵然有懷次原韻寄之

依舊蒼茫獨咏詩奚囊搜索少新詞鬢絲禪榻羈縲日帆影江村野望時楚
客瑤華遲又久佳人金錯報無期衝寒幾度梅花放每向檐前憶浣思

金門別墅名別

登大觀亭

大暮山連小暮山大觀亭子轟禪關有人建轟桓俞後許我題詩李杜閣下

丹溪詩鈔

卷下

三

樸學齋叢書
第一集

水帆橋通澤國上方鐘磬出城寰水西塔影斜陽外絕頂丹梯俯首攀

憩天竺庵遲趙穆庭不至

大暮山頭鶯語歇小天竺下梵聲聞一簾花雨僧留塔原註時曾實宗已下世數載十里
松風客款關附葛捫蘿餘我在蜻絲珠網遲君還何當警憶臨潼今醉墨橫

斜粉壁間原註壁間見趙靜暉同年時故及之

立春後擬遊隨園先呈簡齋太史

石城勝地說隨園惆悵無因一款門文物可珠江令宅風流應似謝公墩其
間簾幕多花影幾度亭臺漏月痕問訊官梅香到未尋香我欲待黃昏

桓公嶺

桓桓桓內史行路皆引領不識桓公名都道桓公嶺

香心廟

焚香香心廟再拜香心娘空山昨夜雪非梅誰敢香

暮溪與趙寶南別

來自燕山雲歸踏暮溪月看月識君心看雲與君別

秋柳

蟬聲斷續醒殘夢雁影參差半落暉北郭門前一躑躅小橋流水見依稀

公少穎悟讀書日數行下弱冠舉於鄉授盧江縣訓導時歲稔奉天府

檄委賑鄉邑禁冒別蠶經畫有方有鄉官觀察某與讐舍二人不協因

詣公謀所以黜二生者公力拒之曰二生無劣行殺人媚人吾不為也

觀察怒以他事中傷罷官去後復任上元縣教諭亦有聲如盧江卒以

前委賑勤於所事嬰瘵疾遂乞休歸以著書自娛年七十四卒所著有

春秋五測隻塵談元峯詩鈔行世

趙琴士曰先生嘗與家穆庭師賦尋梅品梅憶梅等詩往復數四層出

不窮官盧江時取其地古蹟時事作樂府數十餘首並古雅絕倫既病

丹溪詩鈔

卷下

四

樸學齋叢書
第一集

廢于家詩酒之興不輟余刊涇川叢書成先生時已七十餘猶賦四十

韻見寄蓋其才大而垂老不肯廢業如此真足為後生之楷模也

胡承課字書田諸生著有狂文詩集

遊乘山寺

乘山如畫望中收古寺橫山一徑幽采藥僧從天半下攀蘿客到上方留沈

潭浩洞龍蛇護怪石危峯草樹浮初地元來遺勝跡蕭疎絕似秣陵遊

胡承諱字元音乾隆戊申舉人著有卷石山房詩艸

遊黃峴山同文光上人

蒼雲橫天天不高秋山木落風怒號石門壁立五百仞中有一綫飛銀濤老

僧扶我行且止陰崖謾謾入耳登臨四顧羣峯低彷彿天語聞尺咫石磴

迴環鳥道斜青溪紅樹有人家吾獨胡為困塵網琴劍飄零游興賒君不見

下方一路夕陽開樵歌大笑歸去來

遊石崑山

亂峯環繞一峯巉策杖尋幽到石崑古寺雲烟隔鐘磬高秋風雨滿松杉掃
除世事經千卷摩盪愁懷劍一函我欲吟詩登絕頂長空飛鳥夕陽銜

胡承珙字景孟號墨莊嘉慶乙丑進士入翰林改御史官福建臺灣道所
著有求是堂詩鈔二十二卷毛詩後箋三十卷儀禮古今文疏義十七
卷爾雅古義二卷小爾雅義證十三卷求是堂文集九卷

遊子吟

烏啼月欲落雞鳴夜未央遊子乘早發茅舍明燈光嬌女行牽衣瘦妻病在
床顧此弗復戀所戀惟高堂慈顏非昔日鬢髮生微霜知我欲行役日夕榮
愁腸住憂入口窘去憂千里長欲行未行間憂懷難具詳兒身尚膝下親心
已他鄉臨行却緘淚祗恐兒心傷兒心非木石那不增悽惶未能問寒燠累
親授衣裳未能奉甘旨累親籌糗糧豈伊事靡盬敢謂遊有方捧檄愧毛義

丹溪詩鈔

卷下

五

樓學齋叢書
第一集

迴駕慚王陽寸艸心如何君看歧路旁

黃巖山中

蒼崖無階梯天風扶我上白雲忽飛來咫尺墮渺莽千山與雲浮從風欲動
蕩朵朵芙蓉亂插白玉盃地虛未敢踏天逼不可仰舉踵壓後頂出手昧
前掌漸覺衣裳溼微聞笑語響偶逐凌雲遊因懷出世想身披翠霞帔手執
綠玉杖八極從翱翔三山恣來往一曲遊仙詞平生屐幾兩

三疊泉

巨瀑如枯松往往為直幹天公偏好奇故欲翻成案濯錦天孫機翦截為數
段蜿蜒來上層玉虹挂天半巖巖與雲浮亭亭逐風斷萬斛牟尼珠一一冰
絲貫盤空橫巨鯨觸之忽迸散樓高雪成愁臺迥銀作彈百步濺人衣回光
倏淩亂跳空勢不衰屢折氣益悍直下趨龍潭洪流信浩澗俄食偃師戲旋
駭昆陽戰坐久思貂裘赫暑不能汗初入玉川門清泉已渺漫參差走亂石

澗河循曲岸巴水與之江無此好波瀾良由折疊餘水流成習慣百鍊繞指
柔本性幾改換逝矣聖者懷雄哉達人觀到海應獨紆登山此為冠

留別廬山有序

遊廬山數日周山之南得其大概其陰乃在尋陽俗事學如未暇往
也然而東西林寺大小漢陽峯雖不能至心嚮往之矣將子母死尚
能其來白雲在天吾言不食臨別戀戀情見乎詞

丹溪詩鈔

卷下

六

樓學齋叢書
第一集

宰移封黃崖岬欲呼雲中君愧乏霞上作此來偶然耳只辦一芒屨其陽已
選勝其陰未領略豈不懷雲松奈此人事轉悵如別親友胸中有餘惡終當
畢婚嫁淨洗塵土脚潭上鞭蒼龍雲間跨白鶴石髓叩元關金丹合大藥徧
歷千峯頭所至自斟酌細讀青苔篇摩挲紫雲鐔聽唱升天行乃知出世樂
書此謝山靈籍在毋我削駕非俗士迴門寧生客却未敢誇前緣聊以堅後
約

阜城行館久憩

匡床及簾與客夢各分半借茲黑甜遊默令郵籤換百計趁一涼兀兀幾昏
巨赫然畏亭午驕陽熾爐炭千里無寸陰所恐金石爛一室欲流憩童奴盡
驅散鳥聲寂前庭蛛網落虛慢神安夢亦佳恍惚遊汗漫得非乘風輪已到
羅浮院綠樹陰東偏始聞僕夫喚行行至廣川投宿尙未晏

擬古

翩翩雲中禽育青水底魚禽魚各有侶人生胡爲久離居妾今能救魚尾赤不能與郎代作客妾今能使馬蹄方不能使郎早還鄉深閨無人畫情悄落花滿地慵不掃花枝顏雖紅不如青青牆下草征人雖封侯不如相守閨中老

爲呂因叔培秀才題石城讀書圖

生不須探奇徑到龍威宮亦不須讀書射獵深山中但得結茅臨水數間屋半天高柳二分竹讀書其中願已足况是鶯花六代之江山烟雲變滅虛無問君來花下常閉關吟風弄月開心顏經師易得人師難辭家負笈肯便還原註君受業洪北江先生阿蒙超矣異疇昔披圖玉骨何珊珊那不到目爭相看十年作計莫嫌久此外浮名與杯酒畢竟蹉跎付烏有似君少年富居諸有暇可讀讀有書體中試問當何如我有匡山讀書處年來半爲飢驅誤陳編飽死羽陵蠹金陵一別今六年三山二水皆雅故此間乃有瓊樓之洞天見此心如

丹溪詩鈔

卷下

七

樓學齋叢書
第一集

渴貌赴恍惚書聲在秋樹竟欲攜君畫中去

星子訪鄭明府不遇晤其尊人柳門丈留宿且爲辦廬山之遊

赤日曛暉逐客走一笑廬山落吾手見山如見故人面自愧塵容已五斗故人一別黃金臺琴聲遙落宮亭隈西江道院致瀟灑臥看九疊屏風開雲中五老招我宿告我河陽花滿目餅大如槃爾如瓊使君只辦餐湖淥我來不見雙飛鳧忽聞老鳳鳴高梧酌我以下若之春酒飲我以諸山之苦茶開窗指我奇峯九十九烟霏風霧朝昏相與俱怪道新詩古貌皆數腴原註先生出平生空好遊五嶽未登一匡君有約已五年翠壑丹崖如皎日便欲絕頂凌華蓋拈取芙蓉擲天外更乞仙人九節杖持向先生說再拜先生采藥策白鹿我去還騎黃鶴背五月梅花江水流重攜蠟屐泛扁舟故人歸來尙相念已在江干縹緲之飛樓

開先瀑布

石壁陰霖壓僧舍五月清寒不知夏老龍怒拔雷電飛倒捲鄱湖向山瀉崩摧拉雜龍工家迸折玉柱翻冰車絞綃萬丈惜不得石飛海立愁咨嗟罡風一掣忽中斷白雲片片隨風斜日照香爐現五色雙烟一氣噴紫霞濤頭怒春石倒縮窪作澄潭匯曲綠老龍歸去湖水乾依舊仍來潭底伏臨流不敢濯雙足恐致龍驚電如屋

遊廬山後見者輒問奇勝倦於酬應聊作長句答之

萬里岷江猛奔注欲帶羣山盡東去匡廬乃自祝融迴雁之峯來萬馬崩騰逼江住遂鎮吳楚障東南九派安流殺狂鷲里周三百丈七十分野中分斗牛度一重出雲一重霧一重稍偏雲不駐尙有重重不知數自到山中目未閒不覺三朝又三暮崎嶇山谷宜幽尋變幻烟嵐失回顧千峯拔地不讓人一綫通天又成路舉杖敲星鏗有聲轉石成雷落何處山形百態難具論嶧蜀堂盛岑崎尾壯士切雲冠嵯峨老僧偏袒坐箕踞徐娘時作半面粧湘妃方試凌波步熊羆虎爭攫掣鸞鷲鸞互鶩蒼王母欲下羣龍翔海神歸來百靈赴旛幢羽蓋羅天廷戈矛劍戟森武庫亭亭出水芙蓉花鬱鬱干霄豫章樹峯非礙日應更高石未奔雲便能怒老木無枝不成癭懸巖有水皆如布自是知者所設施愚人那得知其故胸中邱壑偶然耳到此何期與目遇看山端合在山中請君莫爲坡公誤

丹溪詩鈔

卷下

八

樓學齋叢書
第一集

十六夜同人步至丹溪玩月石上久坐

昨來月未圓原註先是十三今來月將缺春宵有月能幾時春水粼粼已生縵水中一石如月圓錯疑水底別有天我來問石石不言水流月照空年年人聲半雜灘聲響團團樂躡石石如掌忽看月影波心搖知有游魚吹沫上去年今夕方天涯天涯見月常思家此石此水豈易得故園風景真堪誇月光乍散燈光簇人影出林斷復續僧寺鐘魚寂不聞兒童竹馬競相逐年豐預辦稅汗邪水淺不須歌獨漉但願年年月好來共看漱石枕流吾亦足

山行望雲氣

一山奇橫一山直片雲通明片雲黑雲出於山皆學山但有竊窺無癡頑看雲轉恐山欲惱盡被雲奇奪山巧世間萬事皆浮雲山真雲幻何須分幾日山行朝復暮雲穴雲根盡知數不愛看雲出岫時思量認取雲歸處

江中望廬山

廬山一別今五年胸中如記故人面尋常對客話奇勝談者忘疲聽忘倦塵中擾擾何事無芝田瑤草愁荒蕪偶然清夢落山頂吟魂一夕飛江湖南來六月日如火一朵涼雲馬前墮不教風雨同俗駕廬山倘肯故人我片帆炯娜凌江開江流滔滔終不同世間萬事似江水可憐惟有青崔嵬江上居然見顏色山鳥山花盡相識取將倒影入杯底不許蛟龍更爭得年來苦被市人輕笑我長飢太瘦生但使青山成莫逆人生何必要時名

江上看山贈史荔園

丹溪詩鈔 卷下

九

樓學齋叢書 第一集

名山不屑土為肉所恐凝肥遂成俗以石為骨苔為皮有時皮盡骨更奇臨江豈止愛山影浸入江波骨逾冷江流一轉成一奇山欲削平石不肯沿江皆山江自彎被山皆石山不頑十年行役遍吳楚眼中復此佳江山我自癡容稱山澤君更亭亭高勝石聯舟盡日相歡呼此石此山宜此客

始興晚泊

溽暑行舟劇陰晴轉瞬間斷紅霞外樹新碧雨中山石色含終古江聲走百蠻洞天隨處好風馭若為攀

渡潯陽贈史大荔園

好風相送渡江關醜酒臨風片刻間與我同心如白水期君洗足入青山

宿攸鎮驛

一塵須早計莫令神物怪人頑

合香千巖送夕陰愛看孤館月華臨風牆灑落棕櫚影露砌空明蟋蟀心秋熱果如垂老健夜寒方信此山深莫愁終日醒眸倦夢裏詩多耐可尋

金竹嶺

何處洲邊五色雲亂峯高欲逼斜曛愁心已共山千疊莫更灘聲遣客聞趙琴士曰墨莊穎敏異常手不釋卷詞章考據兩擅其勝余輯竹書紀年多得其力校正至今未嘗敢忘於心自來詞章考據兩家互相譏訕好之者亦各分左右袒今得我墨莊乃欲為諸君解嘲也詩取法於太白東坡清氣流行如不着力而自然入妙

宋蘭坡曰余友胡墨莊觀察少以詩賦鳴有清新俊逸之目比登第喜於經籍中精研考訂晨昏靡間著述斐然意不欲沾沾言詩即詩亦愈進蓋君習毛詩最久沐浴溫柔敦厚之教確知指歸轉增益神智激彼芳潤殆猶炙輶

丹溪詩鈔 卷下

十

樓學齋叢書 第一集

又曰君詩首節悉本唐賢使典尤鎔其膏液棄其渣滓譬如大匠築室柔桶雜施人第見其美哉輪奐而莫識其鈎心鬥角之處又如善御者磬控縱送範我馳驅而水曲交衢和鸞自協斯固才也實學所兼濟故體安以雅辭麗以則而寄託遙深詩之正聲庶幾弗墜也夫

水西竹枝詞

胡先抱字義皆乾隆癸卯舉人著有萬里集嘉善謝墉有序
涇川城北桑麻稠涇川城西溪水流背水桃花臨水竹生涯勝似橘千頭二月東風草着花花草花寬路得山家中女伴青絲籠去採針頭綠雪茶公又號省齋少穎異強記絕人十歲時父廷燮授以二十一史全書感衰典故對客輒如成誦一時稱異與兄先掄分習經史掄十一歲以全通十三經入邑庠學使者目為經義無雙獨於史無所試故知不知者半而獨以詩文得名後專為根柢學尤肆力於經總諸家異同折以己

意鄉薦後即絕意名場有所作隨手散去子世琦撰述其詩稿之存者
為萬里集

胡光斗字劍南乾隆丁酉拔貢任合肥教諭著有荆園詩舛立齋翟槐有

序

磨崖碑

洪頭之山插天表巉崖削壁絕飛鳥巍巍怪石劈空立一拳高撐割昏曉何
人采藥此山中情存佛法無煩擾古竈燒丹孤烟出常與雲霞相縹緲天仙
作樂神護持松風萬壑空裏鼻有唐天寶勒此碑大書深刻紅雲島琢開山
骨神物驚龍蛇奔走知多少奇文怪字光萬丈直射牛斗何晶皎古往今來
風雨掃碧辭青苔纏文藻其間滅沒已八九什一猶存如至寶又聞琴高山
巔古蹟留硃砂山側石刻好我將乘風邀月去探過巖穴開懷抱

丹溪詩鈔

卷下

十一

樓學齋叢書
第一集

知州

石將軍遣戍杭州傲居湖上有懷

十年解甲作羈囚壯志銷沈劍樹嶽畢竟聖恩憐舊續請來猶得住杭州
莫悲去國嘆離家湖上風光興儘賒番藏已平烽火盡將軍只合老鷺花
逍遙帶緩做柔輕十里隄邊穩步行若遇斬王驢背上祇談花柳莫談兵
柳鞦花嬌春色闌賣刀買酒共春酣邯鄲一覺黃梁熟南北峯頭冷眼看
公弱冠為諸生囊甚而誦讀不輟由拔貢中順天辛酉舉人壬戌明通
進士授歙縣教諭丁憂服闋補懷寧教諭董理敬敷書院訓率有方以
保舉授浙江湯溪縣令旋補蕭山縣多竊賊至則嚴為懲創居民夜得
無恐折獄明允民畏之如神復調黃巖令縣濱海兵弁巡察誤以南船
為盜鞠治皆得平反全活甚衆朔望至義學與諸生講論課文必親為
評隲歷宦數十年囊橐蕭然遇友朋有急必竭力以助陞雲南賓川知

州未之官卒

胡世琦字偉臣號玉樵嘉慶甲戌進士官庶吉士出為山東費縣知縣所

著有立經堂詩集八卷

由後海上天都峯

天都峙層雲壁立雲氣漢下臨萬仞海都有老蛟護同遊及崖返我意獨無
住手攜一枝簾腰纏十丈布盤折同蟻絲予學馬步原註土人導遊人一
登山者名馬海馬
面石壓頭羣峭與天括一面谷脊深陰黑層冰涸接趾踏不堅側視吁可怖
目先與足謀手復虞杖誤蒼苔厚論尺秋草高逾程霧虎氣腥浩風魘魄
怒松古壁上攢瀑猛巖端注雲頭亦逐客險見游龍驚作氣幾千級計程九
萬路風耽向平奇獨叱王尊馭當年石門巔絕壁恐不如
和洪太史亮吉過訪培墩種松書屋即登仙石峯久憩日暮由楓嶺觀

孝子祠古柏時同遊黃山言歸後也

丹溪詩鈔

卷下

十二

樓學齋叢書
第一集

知州

江南秀數黃海峯滿天晴放青芙蓉小山大山互百里得其一體皆清雄草
堂本落萬山裏便有山峯從堂起石偏壓屋奇于雲林亦稍天綠似水深秋
九月天氣高松聲十里清成濤碧琅玕館一百畝浪頭并挾天風震濤迸
浪漫峯頂人坐峯巔人轉靜縹烟一碧掃不開村落萬家盡成影日暮中酒
復成歌新詩迭換臨風哦丹楓嶺下柏身古亦與奇石爭嵯峨空山閱物盡
陳迹一段蒼涼何處笛卷中黃海有新吟老鶴同遊夢應識原注時太史正
題余黃海遊詩
以詩乞洪太史亮吉漢瓦著書硯
十一月冬硯乃冰月令四民讀五經我方高齋夢蝴蝶得閒伸紙殊縱橫平
生籀篆苦不工聞舳舻味舐啻司農近學玉箸搜金石溫經正坐時匆匆歐趙
著錄金石古瓦當有文軼不補灑水燕譚始載記東觀餘論續成譜瓦頭硯
名唐後傳未央宮殿西京前面徑五寸圍一尺璧水往往逾石田陶泓入傳
自古製貴石賤瓦徒多事陶甌器用究何為論古茫茫須此意所恨贗鼎珍

瑰玫香萎閣認銅雀臺建古舊隸隨流水興和古策成劫友要知神物原有
待千載靈光歸然在盤盤秦漢字如窠逸逸帝鴻墨似海先生壯遊古關中
搜珍等執桓與躬封除即墨諸軍事墨雲飛出東江東著書三十成名早子
雲硯北今已老假田定笑鄭伯貧易璧敢挾秦人巧栗罔贈硯古所酬中山
染翰凌清秋臨池縱非山東李好事或同鉅鹿侯欲乞洪匡鐵一片露珠涓
滴丞相篆珍重摩娑古物心他年如對先生面

答趙司訓紹祖即以代東

涇西隔水涇山好隔斷紅塵山不老凌冬竹霧屯綠烟春雨桃花想寒鳥此
問一着唐詩人風流頓歇無文藻况乃窮年苦著書溪山幾見傳書稿聞君
纂述山之阿餘力亦復對酒歌早知陸慶兼禪誦更得到蓋同翠磨原注君
謀孫於
水四
精舍冬來寄我書一紙山水閒情注文史商量補訂魏地形正統分明普鑿
齒世間作者何紛紛急於問世原難論永昌先有未見籍季彥欲綜圖經文

丹溪詩鈔

卷下

十三

漢學齋叢書
第一集

若使其時急示璞後思改琢殊無因康成箋詩悔禮注此外餘子奚足云開
君復續叢書帙亦期此意搜羅眞博士猶有字辨作不識可否視前人原注
來札注

余孝女行有序

女四川崇慶州人生數月父遣戍楚中母以叩關歸斃於道賴王父
母存活之茲年十一謀於舅入都訴御史臺父由是獲赦歸余友朱
蘭坡太史詠其事錄以寄余余感其誠同作一首

余孝女西蜀人我友寄新詩字字爲女寫其眞十一歲女究何識乃自天南
之天北爲父籲雪到柏臺森森虎豹當關開云從父戍楚中來湘纍沈宛同
可哀阿母叩關不復回中道而斃已焉哉趨趨我祖力亦頽阿舅攜至黃金
臺御史列詞告天子天子哀之釋其父母今不可作父今亦良苦有淚滴九
京有眼覩三楚父兮歸來可久處誰謂生男不生女太倉令淳于公昔有此

女髻驚同未必此女年亦童

喜洪孝廉鈴孫過訪即送其之新安

前年訪君雲溪頭雲溪秋水如雲浮今年訪我黃海道黃海秋風黃堯老我
家舊在黃堯麓四面山光補天綠偶然一株兩株楓淡似秋霞隱修竹三間
別業仙石峯峯石劈破天無功君家兩代開山手都爲此石關靈叢原注
存先生
曾登仙石峯作歌詩紙編
存孝廉亦欲作歌題之淡墨淋漓一百字回頭愴悵十年事舊夢猶憑雲鳥
鄉新交又指花潭樹喜君昨日訪我來感君今日別我去去去新安一路山
多是當年舊遊處原注丙辰秋余與孫存先
同遊黃山取道於此

贈江上舍藩一首

全家小住在雷塘春色何由共一觴忽漫題襟來漢水便因懷筆問江郎烟
花明月皆新格雲鳥青山此故鄉便擬得閒同載酒聞君高密許升堂原注
上舍注
本族德人占籍揚州
深于漢學自號朝堂

丹溪詩鈔

卷下

十四

漢學齋叢書
第一集

江上舍藩以日前在魯太守銓筵上辨論說文中五龍六甲之義因步
前韻見答復疊韻奉柬一首

偶拈疑義費商量按席千言佐一觴杜鄴書多堪作訓子雲年少未爲郎戈
操學海雖同室幟樹經神自有鄉聚訟千秋成故事况君師陣本堂堂

過涿州房山縣

流離水色滑如油獨鹿山容淡作秋陵寢金源何處是原注金本謂涿州
與陵寢宗道陵寢宗道
房山縣地今西風落日過幽州

綉琴士曰玉樵幼負俊才慷慨豪邁年未弱冠舉於鄉既選庶常以性
不諧俗出爲縣未幾復罷吏議作書寄余謂擠排之者未必非玉成之

尋將拂衣歸里以著書遊山自娛也古今體詩豪宕勁健如其爲人洪

雅存太史極推重之

胡世敦字兼山嘉慶甲子科舉人大挑陝西知縣著有五石瓠齋文集五

石瓠齋詩集

謁西楚霸王墓

成敗紛紛說項劉，千古一荒邱。生前識兆符，三戶身後功名博。五侯逐鹿手，開爭戰局。逝雖情繫別離愁，烏江側畔猶祠墓。蓋世英姿片石留。

亦有王與項墓祠東，石則王像為宋時所移。

朱蘭坡宮贊三疊家墨莊太史送行元韻見示奉和二首錄一

許開三徑慰寒暄，小住為佳一榻安。論世君從高處著，讀書我作矮人觀。相攜塵尾都忘迹，不礙猪肝尚費餐。快事更容疎懶甚，桃笙朝擁日三竿。

壬辰閏中即事

未是能參月，且評暫離簿。領亦身輕，故人相與來空谷。原註時三水汪繼賢武亦至，亦交也。舊業重教唱，謂城拙似催科。常下考罰宜飲墨，不中程六千君子銜。

枚勇贏得旁觀壁上兵。原注入試者六千餘人。

丹溪詩鈔

卷下

十五

樓學齋叢書 第一集

質鼎真碑手，互披偏嫌一目十行。遲人云我亦姑云爾，貌在神原不在斯。莫使金根留外，縷何旁玉尺費支持。雌黃未許論高下，如此操觚事可嗤。

燭光隱約漏聲闌，色相迷離著眼難。似解談玄惟守墨，未經得道已成丹。漂來泡影隨流去，畫就壺盧依樣看。不鑄六州成一錯，此心肯使負孤寒。原注一字日

偶謂全體為某對讀所聚，亦非輕對

石巖春詠

到此絕纖塵，行來滿谷春。一番疎雨足，遠岫感新聲。

翦翦桃花雨，瀟瀟竹葉風。相攜臨仄徑，日在綠陰中。

沿溪芝草生滿地，松花落近學道家。裝攜籃屨采藥

山鳥說新聲，低田流急響。時見巖下人，荷蓑自來往。

余錄族前輩詩，或搜尋故紙中而得之，或訪之於人，或自他集中錄出。要使吉光片羽，終見於世。此素志也。至如墨莊太史公有求是堂全集。

兼山明府公有五石瓠齋遺稿，故僅錄數首，以見先輩典型，非敢意為棄取也。全集具在，皆得而讀之，固無俟備錄云。

胡貞幹字時棟，嘉慶丙子舉人。

入都途中雜詩

燕昭昔禮士，魏巍留高臺。千金市駿骨，結志亦佳哉。我思聖王世，吐哺求賢才。東帛可將意，後乘容追陪。出身事人主，如鳥棲擇枝。本以道義合，豈為富貴移。禮士盡其誠，安用黃金為。粟粟邱山積，轉類芳餌垂。志士恥利誘，裹足恐不來。當時師事者，權與惟郭隗。遂令鄒劇輩，聞風踵自媒。藤花落如雨，傷哉蒿與萊。

哉蒿與萊

名利束衆生，僕僕為形累。舟楫涉洪濤，輪蹄馳絕塞。升高譬蝸牛，黏壁不知退。機巧似春蠶，自縛難為智。盧生美少年，鬱鬱嗟擯棄。邂逅呂仙翁，遽然乃酣睡。始知百年榮難熟，黃梁味荒祠。生暮鴛春雨，失空翠。客子多於鴉，飄飄

丹溪詩鈔

卷下

十六

樓學齋叢書 第一集

等萍寄我亦夢中，人大笑席天地。
螢火

同此爭光意，焚焚小院明。秋風浮冷焰，春草照前生。隔幔將何適，依人亦有情。映藜成往事，聊取代燈檠。

趙琴士曰：時棟天生俊才，年未二十，詩古文及駢語皆能，追溯前賢，不同流俗。惜早世，不得見其大成，殊堪嘆惋。

胡光岱字少坡，道光壬辰舉人。著有小蓬萊館詩集八卷，三極總圖孝經

義疏聖心學會

寓懷

瓊閩有淑女，綽約絕世姿。二十猶未嫁，貌美誰復知。坐惜歲華晚，自製金縷詞。東家婦年少，芳菲二八時。鉛華徒自飾，顏色無足奇。嫁與好夫婿，寵愛如西施。萬金買珠翠，千金買胭脂。世情共矜寵，淑女殊不思。衆芳愛春早，幽菊

憐獨遞無媒勿復炫歲寒良可持朝來對鸞鏡自畫雙蛾眉

擬郭景純游仙詩

少小事游俠心慕遊栖客侯門曳長裾何如岸輕情濯足滄浪流鄰鄰湛深碧去矣從此辭非復應徵辟楚狂有負金安期有遺鳥放志凌雲霄高飛振逸翮請從赤松遊山中煮白石

其二

絕壁覆深蒼林密無限幽中有撫琴客駕鴻乘上遊一彈暮山碧再彈溪水流薰風自南至白雲為我留二妃不再見洞庭如可求冉冉望湘水令我心悠悠

其三

長松俯曲澗偃蹇如玉虹橋成不可渡彌望鬱葱龍借問渡者誰云有黃石公手攜飛龍杖赤足凌太空昂首一長嘯飄飄生天風洪崖笑相拍浮邱方其瞳寄語騎鯨輩何如學此翁

丹溪詩鈔

卷下

十七

樓學齋叢書
第一集

其四

造化有變遷浮榮如轉燭人非淮海禽役形苦自東島不據要津臨風策高足東海有仙人丰姿美如玉瓊瓊山水音為我握中曲放觀緬太虛太虛真一票

其五

三山隔塵世神禽自可填駕梁觀日出仰見蓬萊仙樓閣生虛無結構何自然靈妃倚玉檻仙袂殊翩翩手持赤瑛盞贈我白玉鈿顧影忽不見愁絕中心憐

其六

子建有仙骨娛情賦洛水可憐絕世姿臨流美容止玉貌何亭亭碧波方瀾瀾羅襪生微塵雲裳攬芳芷相望云如何相思無終已日暮愁絕人遠渚寒

烟起

其七

容成不世出仙客慕山居種我北堂竹愛我東山廬挹泉漱玉齒傲志耽清虛白羽製為扇青牛駕為車舉手揮玉塵焚香看道書我欲從之去去去何所如

其八

人生有至性慕道樂澹恬漢武徒爾求燕昭終棄捐丹砂未成鼎白髮盈華顛夫若王子喬抗志窮鑽研控鶴上碧漢白日升青天持謝當途客求仙有夙緣

出塞曲

飛馬過盧龍追虜陰山北少年取功名不聞出塞哭只恐塞上山低於沙中

丹溪詩鈔

卷下

十八

樓學齋叢書
第一集

入塞曲

健兒能射賊功成僅身免入關常若遲出關常苦遠不作關外侯願作關中

犬

江南曲

君歌蓮葉青妾愛蓮花豔花低出水高葉薄隨風旋蓮葉似君心蓮花如妾

面

采菱曲

湖面采菱花湖心采菱角菱角刺人深菱花背日落儂自把花看郎來向儂

索

子夜曲

解妾明月珠繫君合歡襦願君似明月愛妾如明珠明珠妾如此明月君何如

櫂歌曲

船從瓜步來水愛元湖長潮來郎可來潮上郎須上水面有鴛鴦莫打雙飛

合歡曲

春風大輕薄強來入窗戶吹着枝上花芳心向春吐明日畫雙蛾遠山亂眉

登金山用蘇內翰原韻

奇山不傍崖走入江心裏突兀搖晴空孤峯插天起有如奇絕人中立渺無
倚天根探道心世事浮雲比我來登其巔臨風拜蘇子曠懷莫與同千載知
誰似大江終古流高臺只如此題詩屬寺僧詩亦偶然耳異地訂同心應有
知名士一笑天風來維揚吾去矣回首謝山靈濤頭擁雲水

至樂吟

丹溪詩鈔

卷下

十九

樸學齋叢書
第一集

清晨坐明窗曉夢初睡熟隨意撫琴書悠然會心目身在塵寰中快若出籠
鵬乃知真樂來此道從蘊蓄曠觀天地間羣動紛萬族魚鳥樂高深猿鶴愛
林麓人生各有樂樂亦不一足或樂簪組榮或樂風月逐或者樂遊宴或者
競利祿同此寸晷中黃沙滾碌碌又有樂清閑名山誇著錄高談羽客羣笑
着緇流服所樂在性情此樂頗不俗而我何所樂翛然坐濠濮放覽窮古今
遊心任仙佛手把濂溪蓮笑看淵明菊和在抱內萬物同位育此樂不可
名似同而實獨原其致此由戰勝無點欲天地能渾然造化入樞軸孜孜垂
廿年乃今方得鹿甘自苦中來斷即天機續歲華隨水流免鳥儘校擲坐老
風輪臺永脫修羅獄外感并任之內丹此先熟切莫一念生又損無量福

不寐

中夜不能寐輾轉懷憂思憂思將何見感念平生時昔少年日氣蓋尋常
兒十三學擊劍二十學鴻辭富貴致身早勳業行見施左顧定樓蘭右顧平

鮮卑至尊賜顏色擁旄建旌旗男兒生當世報國心所期聖朝關四門羣彥

羅英奇事功應垂老匪曰吾主讀歸種南山側辛若然荳其家貧愈自勵此

志恆勿欺學易晤周孔河圖見皇羲原注余近習易象與世益齟齬親友日

相離舉家常嗷嗷誰念東方飢行將更入山萊婦攜相隨名山足千古著述

追孔姬葆真亦吾事樂命奚所疑經綸在懷抱出處將有爲此意常耿耿自

有蒼天知吾生有濟耳何言獨撫髀近聞大河北地震民瘡痍又聞川湖水

污萊田不治聊生豈獨我十室九無炊感此寤伏枕明發心不夷皎日從東

擇友篇

良友如明月朗朗入我抱使我豁然開雲霧爲之掃良友如良藥能治百病
作心疾愈肺肝頭風健腰脚我友云如何所交非不多求其益我者請君聽
我歌我少交素齋其人貴立品我性太疎狂使我不敢逞故君知我深河圖

丹溪詩鈔

卷下

二十

樸學齋叢書
第一集

共心學謂我不世人襟期大而博近更交小山詩筆妙天挺氣象何崢嶸華
峯想能並梅坪人中龍絕地無行迹友之清風來使我生羽翼乃知友貴精
取友必先擇無友不如人庶幾他山石他山石不同道斯同術如披峯頂
雲如攬天邊日天邊日可愛子猷期我佩金石與之同水火不能碎能擇竟
何人相賞難得真毋爲橫流塞毋使頽波淪吁嗟末俗難友道不如古古者
友性情今也友門戶我友四君子一中流砥豈惟玉荀班真是金蘭譜我
作擇友篇選期友共摧朴稍攻伐材參允延年藥之子各一天匡居感離索
何以慰相思終朝采蘭若

桃花潭懷李太白

桃花潭水深踏歌古岸今重尋桃花潭潭水碧桃花照影紅猶昔我來乘
風歸丹溪鼓余棹兮涇之西求太白兮不可得潭何爲兮渺愁予看水光兮
天一色兩岸桃花紅瑟瑟此時此地送我情祇覺難與桃花說當時故人送

酒來今日故人在何許權船遙向西溪行隔溪漠漠桃花雨

擬東坡舟中夜起

颯颯微風湖上生夜雨未歇月轉明推蓬坐看湖水漲
大魚逼近湖岸行夜良此景不多觀一笑心與鷗鷺盟
月斜柳梢一珠挂潮上蓼灘三尺輕平生慷慨志徒壯
對此頗足移我情來日打鼓發船去同看潮與西山平

霜帷課讀圖

兩淒淒風瑟瑟校不停燈欲滅兒甫讀書兒不歇
兒母燈下淚如血一所天

速頌兒讀苦兒母聽欲成己志成兒志夫見夫面知夫心
兒須苦讀兒母聽

此課兒夜深兒讀未罷兒不讀兮兒母淚盈把嗚呼不悲
兒母淚盈把願兒異日成兒名兒父瞑目黃泉下

雪夜紉兒圖

為朱太母題太宜人作

丹溪詩鈔

卷下

二十一

樓學齋叢書 第一集

兒莫啼兒啼母心苦兒父病劇噴兒啼兒母不能離
兒父吁嗟兒今將誰乳
一出門仰天天雨欲雪北風獵獵長夜寒雪花大如掌
燈光吹欲滅哀此呱呱兒母心斷絕
兒莫啼母抱兒向人家寄門已閉今夜已深風如刀
火如豆兒去離母母心獨悲不忍更對兒父泪
吁嗟母兮愛兒憐父欲離不忍離
欲撫不能撫有如此圖令我對之淚如雨
哀哀母兮勿悲母與此圖兮

終古

解四

寓吳用子美同谷歌體亦作七首
有客有客吟吳趨朝來對鏡生鬢髮男兒致身苦不早
朱顏憔悴清且覆巢燕高飛衆雛泣將從東郭言吹
嗚呼一歌今歌已悲涼風為我愁空帷
寒蛩寒蛩汝何急終宵伴我當窗織
衷光無媒不嫁人翠鬢羞學金釵飾
東家西家多豔粧獨掩寒機三嘆息
嗚呼二歌今歌且吟天寒翠袖誰知音
小人有母先朝露淚流不到黃泉路
家君作宰留洪都罷官清白還流寓大

江遠隔彭湖西蘇臺回首愁雲暮嗚呼三歌今歌三疊
天寒更落吳江葉

有弟有弟曾讀書家居無計未藜藿拋書去就青田
暮夢魂勞我關山徂

南地北不相見未知此去當何如嗚呼四歌今歌
悄悄傷雁飛何日同回鄉

西山有鳥巢林栖衆雛啞啞枝上啼野田無食不能
哺不如啄黍東鄰雞

風破巢漸欲補蘆花何處銜春泥嗚呼五歌今歌
思苦黃昏愁聽瀟瀟雨

男兒有志濟蒼生胡為寄食無所營梅福空走吳門
市拂衣將作邗江行

坐惜光怪逼牛斗匣中寶劍夜有聲嗚呼六歌今歌
未終詩成長嘯來清風

有木有木大合抱長年棄置空山道將作大匠還未
來誰識參天蔽巖島輪

困鬱結君休悲此木不共凡材老嗚呼七歌今歌
已畢詩成獨向蒼茫立

登金山妙高臺放歌

天風琅琅吹我來登茲妙高縹緲之飛臺
妙高高踞金山上憑欄四望江天

開憶昔坡仙會到此乘風欲訪赤松子我今
又後坡公來悵望長空縹緲水

丹溪詩鈔

卷下

二十二

樓學齋叢書 第一集

坡仙已去不復還清風千古留名山臨流仰拜先生
象隔江螺黛堆烟鬢古往今來一何倏
人間歲月空碌碌不如醉取眼前樽
江月搖空墜杯綠狂來飛上高臺頂
倒看層樓弄清影恨不生逢留帶時
好詩同寫江天景嗚呼古今名流無
後先奇才畢竟千秋傳我輩曠懷在
蘊蓄筆底吞吐皆雲烟揮手去且少
別醉揖山靈笑奇絕忽聞天外一聲
鐘敲出金山滿江月

平山堂

邗江之水去何急直走瓜洲停不得江流到此忽一橫
半空堂湧平山出此堂清曠真大觀
廣陵楓落邗江寒淡墨遠山畫橫幅
隔江平挂吳天看為憶歐公昔來此
手書堂額留遺趾種得荷花十里香
風流一帶揚州水我生恨晚不見公
座中高詠來清風飲酒賦詩笑餘事
浮豔一洗豪華空愛公名堂有真意
文采風流仰奕襪好山須是過江看
芙蓉縹緲凌波媚我輩今來又幾秋
買舟莫戀虹橋遊公之文章妙天下
慨想推轂延名流遙遙千載知誰

似今之蔡君洵媿美政事文章並卓然能令後輩聞風起我來此遊重君詩
詩成愛向江樓醉罷歸來月滿船遠山數點搖空翠

再登金山

空際湧樓臺銀濤四面堆潮吞瓜步闊山壓海門開塔影搖星漢天光落酒
杯坡仙應笑我今日又重來

古意

妾有藕絲繭為君裁作衣贈君好顏色較妾還相宜
解妾香羅繡為君合歡帶如妾常抱君此意憑君會
妾繡雙蝴蝶為君製雙履蝴蝶旁君飛閉妾深閨裏
妾有雙玉環一環贈君佩願君持此心循環兩相愛

采菱曲

處處雞頭積淺沙年年弄槳逐雲涯阿儂自住菱湖畔只在湖船不在家

丹溪詩鈔

卷下

二十二

樓學齋叢書
第一集

曉日橫塘露未銷采菱同伴愛相招外湖采罷裏湖去穿過湖西十二橋

重登皖城大觀亭

十年重到大觀亭世事銷磨幾度經留得六朝山色在晚峯無數過江青

過燕子磯

不羨雕梁并玉扉傍人門戶總寒微怎如獨立蒼茫上好向江心作勢飛

胡世松字容齋

甘侯再叔六旬壽期同人擬舉觴稱祝先生以子之生日實母之難日
不忍受賀因搜輯先人遺稿付諸剞劂謹呈古風一章

六十合稱觴先生獨太息哀哀吾父母生我劬勞日此身幸康強子孫其遂
吉悠悠數十年何以酬罔極幸有遺稿在敢不急編集殘篇與斷簡一一自
收拾隻字與片紙網羅無遺失珍重壽梨棗裝潢俟成帙省我東脩金償彼
梓人力同人知其意勿輕入其室誕辰翻不賀先生有喜色世人愛惜費埋

沒難勝述又或浪揮霍堂上虧子職吾欲陳此詩用以振奮習

凌雲行并引

讀袁子才撫孤行偶有所感因題此篇事豈子虛人非烏有強者怒
于言弱者怒于色爰以筆墨代誅用伸孤寡之氣云爾若曰一字之
貶嚴于斧鉞則吾豈敢

二十喪所天茹苦三十年足不踰閨闈上事翁姥下育孤雛內外無間言

翁姥下世婦持門戶兒年弱冠內如處女有強禦與兒同高祖曾祖
能恤孤寡平地起風波任揮老拳孤兒寡母淚滂沱爰有松山輸與庵僧
煎茶飲行人供樵薪山有吉穴強禦鯨吞婦前致語傳自兒祖兒父強禦
吼怒目耽耽如虎男女不授受婦幾絕脰強禦多力多財族人莫敢救
靈和香園題詞

知君此事久忘筌隙地栽花九月天重補藝林新韻事靈和香園手親編

丹溪詩鈔

卷下

二十四

樓學齋叢書
第一集

秋老東籬菊影疎南山佳氣滿庭除忘言采采空盈把底事當年不著書
春雨會分徑寸莖秋來不見一花明問君乞取滋培術莫學中郎秘論衡
秋香不與衆香同稟氣靈和贊化功莫作尋常花譜看長生真訣在其中
胡承棠字甘侯廩貢生

四民箴有序

竊思天下大矣天下之民衆矣然區其類不過四等在昔管子語齊
桓公曰四民者勿使雜處雜處則其言咷其事易是以聖王之世處
士就閒燕處農就田野處工就官府處商就市井務使地宜其人
宜其事誠慎之也後世遊惰者出不士不農不工不商徒浮沈於天
地之間一無所職即列于士農工商之內者又復遊移遷就不精其
業不遵其性是以士多挑達農多減裂工多淫巧商多詐偽何以維
世道何以正人心爰各作箴一章以為四民戒焉

毋怠厥志業爾詩書母玩厥日愛爾居諸功貴能實心貴能虛一編長抱坐此蓬廬

有井可擊有田可耕耕爾之田晦廣而平鑿爾之井泉杳而清守田與井以

樂餘生

個規錯矩匠氏所噴背去繩墨何以成之毋矜爾巧毋街爾奇循循法度自得其宜

服買之道懋遷有無詭計百出魚目混珠羔豚加飾善價而沽我為爾戒務

絕僞途

輓家星五姪

水涵長淮峯頽喬嶽珠斗芒寒蒼穹氣薄咸陽樹靡箕尾星落蓬島騎鯨洞

天駕鶴笑貌寂然儀型聞若里黨同悲交游共愕維憶家聲門楣顯燦堂構

增輝墳篋迭樂樹盡交柯花皆並萼福固崇隆學尤宏博兩漢文章三唐著

丹溪詩鈔

卷下

二一五

樓學齋叢書 第一集

作才並蘇韓理宗濂洛雅頌和平典謨渾噩藏之中箱珍諸瑤閣蕊榜名高

三秋薦鶉挂籍途通兩地司鐸絳帳高懸繙林任拓化雨羣露青風並託槐

市薰陶杏壇龔錯被其教者誰敢不恪客歲錦旋暫尋邱壑杖履優游精神

豐饒笑傲烟霞沈酣杯酌定享遐年疑獲仙藥方祝岡陵忽翔寥廓梁木頽

頽滿目蕭索霜冷亭臺風淒悽悽嗚呼痛哉神游冥漠

題潘耀文書種園

有客關高齋亭臺出山右逶迤石徑斜隨地植花柳虬枝蔭簷前鳳尾栽圃

後黛色欲參天青葱恰入牖墨石却成奇悠然見岡阜倒影澄波中邱壑一

一剖天開此畫圖妙景誰領受君性嗜林泉自號烟霞叟力田及三春耿古

窮二酉耕讀兩不妨思與靖節友却笑世人愚侯門屢趨走博取斗大金煌

煌繫于肘浮雲變幻多白衣蒼狗時會不可常富貴皆其偶何如此巖棲

得不嬰塵垢執卷坐東窗揮灑在南畝夜然子政藜晨菊林宗菲揚雄州蜀

都鄭樸耕谷口秉耒與橫經惟君欲兼有良辰對風花逸興寄詩酒珠玉成百篇醇醪傾五斗醉月任飛觴酬東時又手坐此梁棟間一椽自堪守何須

題朱懷山靈和香園集

愛花須得養花法插棘編籬護周匝日防過炎雨過淫燥溼陰晴貴適恰菊

於百花開最遲晚秋獨挺傲霜枝不逐禮華門妖豔曲芳偏與高士宜憶昔

淵明最愛菊栗里風清淨塵俗喜逢王宏送酒來陶然一醉花前宿却笑常

人見少通牡丹之愛俗情同庸庸富貴是所慕誰追彭澤繼高蹤君本嶽奇

磊落者嘯月吟風稱博雅歌詠餘暇時時花竊比陶令東籬下別蟲不避朝

露盈抱瓊偏宜宵月明自夏徂秋日復日辛勤半載無倦情忽報重陽節已

正園內花枝暗相競同飽斜陽一色新秋花更比春花感鶯鶯繡出巧獨神

欲把金針度與人連篇累牘傳其秘琅函新輯語紛紛我聞臺駝善種樹不

丹溪詩鈔

卷下

二一六

樓學齋叢書 第一集

求速成徐布漢世取其術為官歲養樹養人兩無誤今讀先生種菊書足補

羣芳譜內無同人得識所未識急關花園手自鋤

壬辰夏五為余週甲之期余以子之生日實母之難日本不忍受賀而

先慈見背余甫九齡尤不堪回首因出遊臺泉山寺以遣懷信宿而

返抵家搜輯先嚴遺稿付之剞劂容齋再姪贈余以詩賦此奉答

先生惠我瓊瑤章烟雲落紙迷蒼茫展讀再三齒頰香名言直探我心腸時

值仲夏景物昌榴花爛熳蒲葉芳為余初度看孤張甲滿花齡數適當里中

羣從謀舉觴惕然辭謝情悽惶生我劬勞苦高堂哀哀父母心難忘忍使開

筵酌酒漿賀客到門神轉傷不如暫齋數日糧遨遊山林自徜徉素聞臺泉

擅勝場路經山下空傍惶今朝信步踏上方石徑崎嶇竹杖將當年師生名

顯揚玉帶金帶相輝煌

寺傍雲門諸勝取次望如入武夷應接忙蹤跡不阻白雲鄉平生蓄念一朝

價歸來檢點舊巾箱紙墨零亂遺稿藏痛深夢我淚滿眶網羅蒐輯細端詳
先人著作有兼長詩古文辭並汪洋制義一道尤高強後學負笈問津梁奇
古不矜時俗裝唐宋大家堪頡頏情彼梓人雕刻良長留天地比緣緒

讀容齋再姪凌憲行激而有賦率成七律二章聊以寄口誅筆罰之意
本性生來最喜貪謀人財產得方甘深心巧肆鯨吞計怒目直同虎視耽片
紙懷藏終弗與與山雙拳揮落又何堪他年地下逢先祖一點靈魂定抱慚

莫言傳語費疑猜凌憲孤信有哉心跡應難明嫩日威嚴陡覺發春雷亭
亭翠竹遺風折鬱鬱蒼松被雪摧自恨含冤無處訴兩行清淚落前腮
胡鏘球字素齋諸生

少坡齋中看牡丹長歌

浩浩陽春來大地千花萬花闌斌媚占盡韶光壓眾芳洛陽仙種真奇麗姚
黃魏紫古所傳君家此種倍鮮妍國色繽紛看何似楊妃扶醉雕欄前碧葉

丹溪詩鈔

卷下

二十七

樸學齋叢書
第一集

四圍張翠箔烟薰霧洗光明滅垂手頻翻碧琉璃折腰亂撲綠蝴蝶清蒸一
縷沁肺腸夜深籟動流天香風前倚檻欲衣染月下飛觴和酒嘗反思昨夜
灑膏雨乃是東君降芳趾一夕仙人展玉顏滿座賓朋攜藻綺此種應是瓊
島來不假羯鼓臨軒催謫仙會譜清平調坡老亦名金縷杯有花有酒合有
詩陽阿下調君休嗤舉觴欲飲心早醉盡日看花神倍癡嗚呼安得長繩百
丈絆住東皇駕留得滿屋芬芳到長夏

胡澤順字梅坪附貢生候選訓導著有四書一得錄周易觀玩錄

贈少坡

萬象森羅自古今誰能達靈息深深與君半日談羲易使我千秋有道心鳥
兔兩輪空外轉天人一理箇中尋渾然大極環方寸鳥自高飛魚自沈

丹溪詩鈔卷下終

跋

吾族處萬山中出縣治東三十里曲折行山隙頗有山從人面起雲傍馬頭
生之概再三十里忽然開朗有山崔巍而蔥秀皆在十里外地名龍坦比屋
千餘家有水目山麓出屈曲穿村而過曰丹溪此吾胡姓生於斯長於斯聚
族居於斯之處也吾姓遷滬當在宋元之際譜牒零落語焉不詳耕食鑿飲
有明一代絕少知識階級中人清初文化漸起頗能以商業發展於國內兩
湖川贛蘇浙魯豫之間多有吾姓蹤跡清雍乾時代之建築物留於今者不
僅高出江北鄉間之上即江南蘇常之鄉間亦無此堂皇爽塹足徵當時物
力之豐富而士子讀書者亦因是日多借僻處一隅少師友切磋之益其萃
述蔚然成名者惟墨莊先生承珙與績溪胡匡衷胡羣培號稱三胡所著毛
詩後箋儀禮古今文義疏收入續清經解中固不朽之書也其他諸先生亦
頗有著述惜當時未能播之於世太平天國時吾鄉受兵最巨書卷與其他
物產同歸一燼前輩之著述蕩然無存 先父於同治間由由上海回里於
類垣斷壁之中搜拾前輩之著述僅得各人所作之詩若干首鈔而存之題
曰丹溪詩鈔吾族感時雖不能以文化稱雄而亦不至如三家村挾兔園冊
子之比自太平天國以後經商者漸改旅居為定居故鄉經濟力日薄弱自
通海以來寧廣商業崛起吾族商業隨徽商而衰落故鄉經濟力日愈薄弱
而文化即因之低下矣民國成立戶籍法變更鄉土觀念不如往時之深樸
安遷居上海三十餘年只民國七年反里一次共第七世祖之同族亦皆遷
居上海所謂龍坦所謂丹溪雖時時在想象之中不過僅於小時遊釣之處
使我不能忘情而已茲印丹溪詩鈔成聊寄吾之概想并以示子姪輩吾族
文化之悠久而深歎 先父搜拾吾族文化于劫灰之餘其用意之深遠也
民國二十八年一月男樸安敬識

丹溪詩鈔

跋

樸學齋叢書
第一集

14. 00 1. 00

丹溪詩鈔補遺

蔣維喬



丹溪詩鈔補遺

樓學齋叢書 第一集

丹溪詩鈔補遺目錄

- | | |
|--------|--------|
| 胡元輝 一首 | 胡小莊 三首 |
| 胡亂齡 四首 | 胡仁甫 一首 |
| 胡顯齡 一首 | 胡秀巖 一首 |
| 胡崔齡 一首 | 胡世觀 二首 |
| 胡承琛 三首 | 胡佐祥 一首 |
| 胡承錕 八首 | 胡珠林 四首 |
| 胡先琅 一首 | |

丹溪詩鈔補遺目錄

樓學齋叢書 第一集

丹溪詩鈔補遺

涇縣胡有恂伯春輯

胡元輝字乾九乾隆布衣著有子貫附言石門文集

邵家灣東溪垂釣坐望涇東諸山明秀可賞

伏處偶無事來釣東溪東川原一以攬平楚皆春風花浪瀾十里中有溪路

通砥石似虹橋張網如篠籠泛泛聚漁子落落隨鳧翁芹泥暖燕嘴柳莢嫩

鶯蹤坐對西南山鶴頂龍頭密水山因歸東北秀黃峴絡九峯水山四圍萬翠裏

一氣寒綠中蒼蒼鬱無極渺渺誰與同一釣釣得鯉素書差可封再釣釣得

鱸沽酒呼奚童夕曛林陰改暮靄波容蒼鬱煙碧玉淨水共山濛濛人生際

清曠對景殊昭融不脫養笠歸卷書難為工試過三千年處處桃花紅

胡亂齡字劍神尚衡曾孫著有棟華居詩略

鳩江秋泛

丹溪詩鈔補遺

樓學齋叢書

第一集

蒲帆倒捲石尤風濤蕩江光混太空渡盡雲沙回首望秋花白間蓼花紅

舟中書悶

齊腰牕口打頭蓬委頓終朝曲似弓安得脫將風浪險身輕雲外一長鴻

登樂山亭

陡絕孤亭是樂山我來憑眺亦開顏一江舟楫蒼茫裏三楚樓臺縹緲間何

必漫隨黃鶴去只今且逐白雲閒題襟好友皆同調不厭登臨恣往還

望大別山

遙望大別山儼然一龜負名山古墓沒榛蕪長江隔煙霧幾導岷峨源誰開

荆楚路回首思禹功夕陽低遠樹

胡顥齡字履安律聖長子著有遊豫草

並頭蓮

賞心擬倩釣詩釣吸盡青芬翠欲浮醉看婆娑水上舞阿蠻雙着錦纏頭

胡崔齡字謙有顥齡之弟

青山寺

仰止青山勝閒遊到寺中柳牽門外碧花墮澗邊紅倦翮鳴高樹春雲淡遠

峯忽聞三弄笛悽惻落梅風

胡承琛字贊陳尚衡玄孫著有種義園詩草

種義園即景

小園竟亦衆芳稠適意何須勝地求竹徑風光松徑月梅花春色菊花秋丹

溪水漲聲移閣黃峴峯迴影瞰樓真覺羲皇人未杳有時高枕北窗幽

老屋讀書漫興

何松何竹又何花吠犬鳴雞更噪鴉不盡案前書一架牆頭猶掛夕陽斜

山行

一步一層高層層山趣好藤蘿罩曲谿松竹散巉道石迸水飛花巖鳴風送

丹溪詩鈔補遺

樓學齋叢書

第二集

鳥悠悠日夕歸新月半山曉

胡承鏡字古銛尚衡玄孫著有萊娛軒詩草

農家歌

我愛農學好稼穡以為寶泄泄復閑閑田園可終老七月既烹葵八月又剝

棗春桑綠陰稠秋稼如雲繞稚子率性真天然無所矯老人歌洽比呼鄰共

傾倒鳥語雜雞聲啼破半窗曉携杖出柴門孤雲猶裊裊牆頭月色新落葉

風為掃日夕荷蓀歸炊煙青未了

野望

秋色自西來郊原何莽莽薄暮一憑眺我心忽清爽鳥帶夕陽歸雲開新月

上隔溪風悠悠聽得魚歌響此中有真樂忘言併忘象

山居

世人太鹿鹿曲人有芳躅豈無桃李花偏愛松與竹孤雲出岫間倦鳥投林

宿三春庚嶺梅一徑東籬菊清泉隨意流庭草無心綠午睡夢羲皇醒來酒
正熟頽然忽已醉醉把南華讀求名與求利一般皆局促我亦淡蕩人到此
頗無俗何時來卜居相與慰幽獨

讀陶靖節飲酒詩

明月掛高樹涼風入虛牖閑居何所營我但飲我酒舉世乏同調誰與酌大
斗惟應羲皇人高臥可爲友銜杯莫暫停對之不離手頽然歸醉鄉此樂君
知否

送友之湘江

木落雁鴻過洞庭一夕波寒風催曉色明月弔湘娥款乃漁家曲悠揚楚客
歌伊人揮手去渺渺奈愁何

平山書屋

我愛平山頂蒼蒼迥不羣衰蟬催落日歸鳥破殘雲松竹干霄立鐘魚徹夜

丹溪詩鈔

補遺

三

漢學齋叢書
第一集

聞四時秋更好瀟灑滌塵氛

秋山晚眺

四山秋色渺無涯野菊斑斑正放花老樹枝高橫夕照隔溪風動響魚叉天
邊白雁迷新月古渡丹楓醉暮霞吹笛牧童何處去矮牆茅屋是吾家

初夏同友池上小酌

陰陰綠竹出高牆三面亭臺一面塘莫恨春花飛萬點且看夏木蔭千章流
鶯調舌聲聲老水閣迎風陣陣涼小酌不嫌天氣晚螢燈蛙鼓送斜陽

胡先現字海南善畫蘭

庚戌春二月崙川弟將有漢舉之遊余喜其書法勁秀成長句贈之

吾鄉多善書各各精其術淵原一派來崙川相繼出楷法宗右軍時入元常
室宣示同還示諸表臨一一黃庭並樂毅步武學紀律端莊如翔贊舉止何
縝密流利有曹娥落墨如點漆臨寫每盈案丹溪稱傑筆有願未得伸仗劍

策馬匹人情重偏好貴耳而賤目習見不爲奇乍聞帖然服魚目與蚌胎豈
者嘆爲獨牡丹固稱好似須綠葉簇抱負自有真安能守碌碌山嶽多瑞氣
江海亦靈淑同行通四方龍門文馥郁吾聞漢之南文章盛箱軸時得江山
助好雨欣膏沐探奇泛遠水絕勝閉門讀

胡小莊承琪子著有小莊詩鈔二卷

招同人寄園看茶花

久雨逢新瓣名花帶笑顏風恬池水活日暖鳥聲閒雅客宜同賞沈疇喜盡
刪小山容小隱飛倦亦知還

萬綠菴

雨後重雲漏夕陽清風吹過野花香萬綠難了心如醉梵唄聲聲笑忘忙

江行雜詩

石尤風打頭日晚沙岸泊默然坐蓬窗悔被微名縛烟村水國間何似

丹溪詩鈔

補遺

四

漢學齋叢書
第一集

樂風信無定期只恐波浪惡平生不解飲憂悶亦獨酌青花笑坐陽紅蓼倚
牆角郢城佳士多對景酬新釀江行近二旬蘆荻紛滿目怕聽孤雁鳴嗚悻悻

心頭觸

胡仁甫

壽星海叔

字學由來久高談匪自狂但期教一世聊以讀三唐垂露凝秋意懸針看劍
芒布衣原所賴持此紹書香

胡秀巖

贈星海叔

讀書良有志擊劍亦快事不如揮戈磨盾軍中行博取封侯娛親意變親白
髮已盈顛壯心潦倒誠徒然駐馬愁看隴頭月涉岡孤詠上留田一自從軍
向西去去時雪滿天山路巴江流血響淙淙濯錦城頭報戰功漢南忽起黑

山賊戰功旋在岫嶺北烽烟相望五千里荆襄天日無顏色男兒本輕七尺
軀志士由來多壯圖慈恩三載勞倚闈夢魂九返庭中趨負飲長征復何事
望雲灑淚一長吁軍中送客行復止鞞一擊風雲起雪落關山刁斗寒怒
馬飛馳一萬里離家幾度換春暉到家仍復親慈幃徘徊忽看手中線淚痕
猶沾遊子衣功名自前都前定養親莫取封侯印按劍長教怒目毗壯心不
與聲華并君不見虞邱公慷慨悲歌風樹中

早起

晴煙收捲畫樓東無限朝光爽氣中簷角秋絲留碎露巖腰曙磬送微風深
林徑闢蟲鳴歇疎樹枝撐宿鳥空我愛看山時持杖半空蒼翠接冥濛

登太白樓放歌

長庚不滅巴西豪千載遺象臨江臯樓閣崢嶸雲表到此方知詩境高江

丹溪詩鈔

補遺

五

樓學齋叢書
第一集

上鯨可騎水底月可撈或游天姥造絕頂或泛江海駕飛艘圖書儘堪飽
食富貴只可輕鴻毛祇此五采仙人筆今古不許分一毫狂歌橫鐵板樂府
彈雲璈短章落落喜層霄之垂珠露大篇洋洋觀天漢之湧銀濤令人可見
不可即仰視蒼天首頻搔我來得覩青蓮面丰采宛然真仙曹升堂階而憑
眺樂美景之周遭青山窗前復窗後大江足砥流滔滔清風明月都管領
中仙境空塵囂買醉宜沽聖人酒療饑欲餐王母桃惜未把臂談風騷徘徊
鎮日忘疲勞朝挹峯頭之蒼翠以潤吟管夕侶波上之蟾蜍而放輕舸倦裏
高臥謫仙之虛榻醒來還着羈客之征袍新詩每由覽勝得可能渣滓盡汰
淘仙骨共埋謝家麓何如手把明月之鈞常釣菴

胡佐祥字松亭道光癸卯舉人任陝西洛川縣知縣

丙寅立夏後三日洛川署中燕同僚看牡丹作

園丁忽報牡丹開迎到嘉賓共舉杯累我微官多滯跡驚人好句把詩催寒

生杜壑春猶駐律入清和氣始回消息雖遲花富貴使君端不落塵埃
胡珠林字麗玉世琦之女著有紅樓吟草

送春

把酒高樓半醉時東風一夜送花枝蜘蛛也解留春住重結檐牙幾縷絲
新柳與二妹繡玉同作

又報春光到柳枝青歸鼻鼻拂香池笑儂學得新眉樣借問鶯兒知不知
夜坐

秋夜

靜坐深閨得句時銀缸挑盡漏遲遲十年也有紅窗課除却青燈少得知
小樹同廊映碧池秋風欲放菊花枝重重碧樹前影月透珠簾山未掛時

丹溪詩鈔

補遺

六

樓學齋叢書
第一集

丹溪詩鈔補遺終

跋

吾族前輩之詩惟求是堂詩集在墨莊遺書內尚有存者其他若立經堂詩集五石瓠齋詩集小蓬萊館詩集杏軒集皆在若存若沒之間 先父輯丹

溪詩鈔於劫火之餘不知費幾許心血始輯得三十五人之詩吾族能詩者斷不僅三十五人能詩而刻集者亦不僅三十五人劫火一炬半為灰燼戰

爭之消滅文化此其小焉者也伯春於三十五人之外又得十三人為補遺自清順治至咸豐吾族詩人之詩可徵者只此己廬江陳子言輯皖雅吾族

人之詩入選者胡仲韻承 胡乾九 元 胡墨莊 承 胡時棟 貞幹 鮑雅作 胡 時棟 字 香 軒四人 樸安在國粹學報所刊者亦僅胡墨莊胡玉樵時 胡 玉 樵 時 胡 玉 樵二人之詩吾族人之詩外

間得寓目僅此五人也又胡麗玉林 胡 麗 玉玉樵之女吾族閨秀之詩存於今者只一人小紅樓樓吟草附刻在立經堂詩集後而丹溪詩鈔遺之者 先父尙

未見立經堂詩集全帙也一詩之傳誠不容易古今有同慨焉民國二十九

丹溪詩鈔

補遺 跋

年七月樸安記

一 樸學齋叢書 第一集

續丹溪詩鈔

陳詒先



續丹溪詩鈔

樓學齋叢書
第一集

續丹溪詩鈔目錄

胡鴻澤	首十二	胡維樞	三首
胡書田	五首	胡有鉅	一首
胡桂芳	一首	胡定華	一首
胡之珍	一首	胡蘇生	二首
胡兆恩	一首	胡廷鼎	一首
胡懋齡	一首	胡璧城	二十首
胡蘭芬	一首	胡勝福	一首
胡維祺	一首	胡道濟	二首
胡紹裘	一首	胡廷傑	一首
胡璋	一首	胡翰貞	二首
胡貞照	一首	胡有恆	一首
胡信貞	一首	胡鏡海	二十首
胡瑚	一首		

續丹溪詩鈔

目錄

樓學齋叢書
第一集

續丹溪詩鈔

涇縣胡有恂伯春輯

胡鴻澤字陶軒同治甲戌進士任江西上饒縣知縣著有印雪軒詩稿

感懷

太虛何寥廓無我忽生我身一如寄孰與證因果胡為百端集形勢神復隨安得遺世立不置否與可

古今同一邱無來亦無住所以達觀士胸襟自開朗身從塵中游心超塵外想豈必求長生庶不落世網

茫茫孽海中波濤時起伏胡為處大流浮沈日相逐豈伊風浪惡輕舟自顛覆願言渡迷津登岸苦不速

避亂高峯

攀蘿捫壁上峯巔覺得人間小洞天高臥白雲呼不起那知塵世有烽煙

續丹溪詩鈔

和朱際暉原韻

萍水何期遇故人鄉關回首倍傷神友經劫後空留迹路到窮時屢問津桑梓頻驚千里夢驚花非復六朝春西江一賦無家別猶喜行吟健此身

沙津別家祝伯

遠水泛湘浦孤帆泊郢城去留各無奈同是別離情春草詩人夢東風估客程明朝渺何處江上暮煙橫

感懷

迢迢鄉國恨無窮感情填膺氣轉雄山鬼怒號青嶂月冤魂悲起白楊風聞雞自舞中宵劍射虎誰彎壯士弓世路平陂千古事銅甌高唱大江東

蒼茫雲樹隔關河故舊飄零可奈何蘭蓓芬芳同臭少楊花歷亂別愁多身經虎穴心逾練腰有龍泉志不磨我亦蓬飛無定所吳頭楚尾涉風波

落花用王漁洋秋柳韻

東風無力返香魂寂寞園林半掩門掃徑客來春有迹倚欄人倦夢無痕鵲啼夜月烟中樹馬踏春泥雨外村我亦天涯歎淪落寫將幽怨對花論

昨夜輕寒尚有霜曉來狼藉滿池塘歌殘玉樹愁臨鏡舞罷霓裳懶疊箱弄粉有情憐蝶使采芳無計戀蜂王一場春夢知何處萬點飄零碎錦坊

幾度羣芳整客衣流光轉瞬已全非香銷金谷繁華歇夢冷春闈信息稀紅雨一簾新燕入清風三徑曉鶯飛惜花惟願花長在每到花時願屢違

飄茵墮溷總堪憐粉零香鎖暮烟六代樓臺人寂寂五更風雨恨綿綿春光已老剛三月花事重逢又一年安得錦旛千萬片五雲長護上林邊

胡書田字芸哇善畫蝶著有蓮蘆草盧詩稿

畫蝶

南國草長濃陰滿匝地落花無人管翩翩誰抱惜花心尋芳賴有風流伴金谷繁華綺羅叢粉翅回飛香積展蓮蓬一枕甜夢回癡情每恨韶光短雲烟

續丹溪詩鈔

變幻風雨狂殘香留戀何嘗轉娛遊會記少年場江南幾度柔情繾石城一炬金粉消愁腸已逐香魂斷海上忽遇浮羅仙膩粉輕盈腰支軟采衣五色

妒羅裙綠茵十里隨香葦花逐蝶飛蝶戀花丹青點染閒消遣有時撲作黃金錢不須更覓金張館

九日獨酌

獨酌有誰親艱難客裏貧家山千里夢風雨一吟身不作登高想知無送酒人方山憑眺處回憶淚沾巾

丁卯冬歸玉華愛庭二弟留住梅月山房感賦

我本無家客村墟更幾家幸邀開竹徑相伴有梅花養靜朝炊粥清談夜煮茶讀書期努力莫負此生涯

劍俠

俠氣如虹劍亦仙寸心如沸一囊懸半生熱血酬恩盡手把龍泉夜倚天

秋海棠

檀心一點獨懷芳，總爲愁深不解香。恨到無言祇含淚，美人嬌絕是啼粧。

胡桂芳字月軒同治甲戌舉人任巢縣教授著有老鶴山樵吟草

和愛庭姪春日過聽濤軒原韻

可知今是昨非與，歸去來兮戀故居。羽鍛飛鴻遵渚陸，聲清雛鳳讀詩書。雪

消空帳梅花落風勁，難教柳葉舒。寂寂亭園聊假館，春來吾亦愛吾廬。

胡之珍字小浦號洙庭

題荷淨納涼圖

十年戎馬淚沾巾，歷盡紅羊劫後身。萬朵荷花千頃水，襟期瀟灑絕纖塵。

胡兆恩字心奮

戊戌秋九月溪上書屋賞菊步月坡韻

洗心對菊一方塘，荷藻參差別樣芳。入座西風迷瘦影，開軒爽氣沁幽香。辛

續丹溪詩鈔

勤泥注枝含露子，細評章品傲霜與。此黃花同晚節，北窗高臥夢羲皇。

胡懋齡字梅農光緒丙戌進士

遣懷

從來諫果總同甘，老去情懷語半含。五十年華餘夕照，萬千心事似春蠶。謀

生計拙添蛇足舉，世心貪總虎耽差。喜徵蘭符舊夢庭，前合抱小男男。

胡蘭芬字壽芝

贈月坡姪

思君不見君書寄，我意慙慙寄我書。盈篋山水迢迢情難答，君住琴溪我

朗渚異地相思我，與汝苦恨暫年撲。風塵魂消目斷未逢真，而今世態炎涼

甚何如聚首一家春。

胡維祺字小庭佐祥之子湖北德安府經歷著有蟲吟小草

答俞淡生

傲骨那堪學婦態，咬文自笑效鳩呼。早知世路無平坦，肯向人前再問途。

胡紹棻字古愚善畫梅花

題畫梅花

一枝獨放冷煙中，先占江南廿四風。別有幽香看不見，人間到處覺春融。

胡璋字伯尊

次月坡溪上書屋賞菊韻

爭說黃花晚節香，秋來事事費商量。冷顏原有蒙霜意，傲骨如何也艷妝。誰

是持螯畢吏部，我爲騎馬賀知章。天涯遊子歸來日，頻問詩篇孰短長。

胡貞照字黎閣

次月坡秋感韻

羨君常樂故園秋，碌碌勞人頗去留。莫道歸來風景好，驚心猶認賦登樓。

胡維樞字月坡著有暴拙齋詩草

續丹溪詩鈔

雨後

石磴雨生苔，柳陰春似暮。東風幾度吹杏，續梅花着。

野曠雲低樹，天昏畫掩扉。捲簾放燕入，窗外杏花飛。

曉望

萬綠濃於夏，何如雨後妍。東花殘結子，溪柳淡含煙。

胡有鉅字達夫

溪上書屋賞菊和月坡韻

意淡姿幽有所思，漱芳閣畔興遲遲。嫩寒初屆重陽候，素蕊誰賡靖節詩。映

日醉呈三五色，烟爭放萬千枝。霜風颯颯秋雲暮，杖歸來月滿籬。

胡定華字吉三著有濟美堂詩稿

和月坡賞菊韻

不把芙蓉種滿塘，數叢秋菊鬥芬芳。幽姿不肯同常格，冷艷同來有異香。鶴

瘦影寒三徑露雁高風急一天霜斜陽扶杖東籬下好對黃花醉一觴
胡蘇生字嘯泉著有待月樓詩稿

春日遺興

斗室嘯歌屋似舟遠山高列水西流多愁怕讀江淹賦無語獨登王粲樓細
雨濛濛雲出岫晚烟漠漠月如鉤明朝檢得尋春屐水畔山巔鎮日遊

己丑春將有邗江之行壽臣弟亦將赴浙情有所感漫成此章

前程後會兩茫茫此別雲天各一方舊業漫從雞肋嚼征塵徒趁馬蹄忙幸
愁芳草頻滋雨抱節孤松足耐霜索筆遙遙湖海去仍將餘興託淩梁

胡廷弼字壽臣著有愛梅廬詩藁

偶成

最憐春去又三旬忽爾風光別樣新樹帶朝煙多黯淡花含曉霧倍精神一
天梅雨頻添恨十畝秧針不染塵終日閉門成獨立新詩一卷伴吟身

續丹溪詩鈔

五

樸學齋叢書
第一集

胡璧城字夔文光緒丁酉舉人民國任參議院議員又任審計院審計官

皖省通局局長著有知困齋詩存

借石青志會遊居庸關

破帽疲驢出國門萬山斗絕氣先吞頗聞起陸龍蛇蟄纔覺當關虎豹尊寒
草半燒餘劫火陰巖如削見雲根并刀代馬當年烈想見旌旗萬馬屯

後勁直能壯九邊太行左轉轉中權蒼涼客有幽燕氣駭落碑尋景泰年孤
壘健盤鵬影外夕陽紅到馬蹄前移關廢衛尋常事自壞長城最可憐

春風辛苦度幽岑二月關山草未青雲起只疑龍氣合樵歸猶帶虎風腥喪
師千載悲函谷列騎何人度井陘成敗豈真關險要蒼茫百感倚邊亭

遺址元明問是非興亡一例付斜暉冰穿亂石痕痕斷風撼平沙獵獵飛邊
患有入營白豹羽書何日捷金微半生交盡幽燕伏躍馬應誇塞上歸

沈子培培植去官賦此以將別意

年來漸覺人情換不羨為官羨去官世態浮沈看爛熟朝衣脫却喜無端中
原擾擾方多事來日悠悠已大難好具扁舟向烟水鷺湖佳處下漁竿

贈黃樓存質

樓存用筆如用鐵刀槩颯颯秋風哀千巖萬壑落眼底真氣盤鬱孤雲開吾
家江南有老屋青山四壁森然排草樹搖落石骨瘦陰寒逼礎生莓苔十年
潦倒不歸去僕僕打帽堆黃埃君家亦在黃山下雲氣出入庭陰限坐對溪
山置筆現定知真稿非凡胎讀君此畫三歎息便欲長歌歸去來

晦聞以蟻虹所畫廣雅圖命題

多君風義矜涼薄力疾勤書問太炎時章太炎被
害時以宋版
博文供朝夕海內文章諸老盡平生師
友一身兼旅懷貧窘無書賣博文供朝夕情思幽憂百病添挾冊臨窗歌
不得虛堂燈火朔風嚴

壽樊山七十

六

樸學齋叢書
第一集

續丹溪詩鈔

祇今獨有樊山老雋逸風流似少年花底衙官呼屈宋酒邊遺事話開天吟
成秋柳眉應翠看春春錦髮尚玄願祝詩人長壽考一年一集手親編

和李範之龍興寺詩

英雄競起亡元日仗劍親從郭子興尺土不階能作帝少年無賴却為僧雲
連芒碭真龍出兵過滌陽萬馬騰咫尺故宮城下路隔江遙喚有誰磨

哀梁節庵鼎芬

八年傍關戀餘恩腹痛玄橋有淚痕莽莽烟塵陵樹好迢迢江漢諫書存忠
魂應許依原廟風義真堪堪寢門猶記驅車冰雪地虛堂燈火酒初溫

和樊山增祥見贈原韻

細骨秋鷹健欲飛斗南喜見一星輝養生道力微玄髮化淚京塵受素衣大
陸天寒龍未蟄故巢秋老燕初歸攢眉入社搜吟苦瘦損東陽革帶圍

聞石甫順鼎破京師

龍陽才子真奇絕從此長安不見君六十尚誇顏色好兩家難配錢分博
聞強記東方朔冷館蠹官鄭廣文末世詩人天不與淮南獨客意如焚

憶內

長安飛夢不成眠甘苦親同二十年事過敢忘貧賤日老來猶是別離天王
章對泣哀余拙絡秀持門念汝賢國難家憂千萬緒一時都到夜燈前

奉呈馮蒿庵

光陰十載白駒馳江上追懷有夢思腰脚遠行公尚健瘡痍滿目此何時文
章故國有風雅憂患餘生感鬢絲慚愧萍蓬同筆硯羽毛初長鳳凰池

雨中遊寒山寺

才人千古去瀟瀟紅樹江干葉亂飄秋水太湖三萬頃扁舟我又泊楓橋

哭林琴南師

病中怕過海王村孤負虛懷致語溫下筆未捐書卷味谷而亦味白存忍鐵

續丹溪詩鈔

七

樓書齋叢書
第一集

懶向達官門大姚村稿終難就光用舊紙乞師仿香
大姚村圖竟未成小說家言亦可存記否
門牆遺片札叮嚀鬚髮似葱根

題龔半千畫冊

人心險似臨崖馬世事紛如急劫甚何處溪山安筆硯閉門讀書自忘飢

丙辰除夕羅瘦公惇融約過晚華寓

執手相逢逼歲闌雙瞳翳水照人寒書窗明淨都如畫風貌矜嚴更好看晚
遇教僕真懊惱生才似子太艱難年來怕讀書即由淒語纏綿損肺肝

偕晦閣登江亭

五年空作西山計今日登臨放眼看有客避人來賃屋無聊與子一憑欄幃
簾不捲秋堂冷風露初經菜葉寒差喜牆邊舊詞句捫苔細讀未凋殘

晦閣以所注鮑明遠集見貽

貼我參軍詩開函色先喜鮑謝六代宗千載契知已晦閣注鮑明遠集別高座作導師

君亦可以己爾陵窮愁客著述有正軌誰謂彼帚享不值一杯水

胡勝福字壽庭

和王綬青韻

少年騎馬喜從戎未肯江干學釣翁壓綫人慚春夢裏飄蓬詩在月明中仰
天索句形同鶴撫劍鳴時氣似虹捫虱王郎今健在來朝相訪識絲筒

胡道濟字淡泉有鉅之子

九日登高放歌

茫茫乾坤一閒漢風月為心竹為幹自笑平生無日醒好山好水醉中玩報
道佳節值重陽呼朋攜酒飛羽觴走入長松踞石榻熱客到此胸襟涼風急
日暗蜜雲布欲雨不雨天壓樹樹上鼠走鳥亂啼虎豹窺人若震怒西風獵
獵滿山秋舉杯一飲草木幽坐中有客不能飲仰首視天語不休衆賓拍手
譁然笑佳興不讓龍山妙醉後高歌逸興飛天籟地籟皆同調霜雁橫空炊

續丹溪詩鈔

八

樓書齋叢書
第一集

烟斜一行一行落平沙酒氣冲霄雲已散脫帽露頂長咨嗟山寺鳴鐘聲清
越敲出青天一片月振臂長呼萬象空寒山幻成凌霄闕人生在世貴率真
富貴功名如浮雲古往今來祇如此歸來且釣丹溪鱗

小隱

小隱丹溪上蕭然萬慮刪友風常愛竹鄰月不嫌山地仄詩魂蕩天空酒夢
閒縱觀今古事流水去潺潺

胡廷傑字貢三

九日登高次淡泉長歌韻

山人逸志凌霄漢浩浩落落總貞幹上下千古幾知音世事都從靜中玩夢
愚主人愛秋陽重九邀我飛羽觴逸興遄飛拚一醉不問世態炎與涼翠微
高處一席布坐擁藤蘿身拂樹怪石突兀立四圍窺人虎豹有餘怒黃葉滿
林天氣秋風吹雨一天幽環坐雜選杯在手幽語狂言總不休一客仰天

微微笑酒味何如肉味妙不可一餐食無肉今古有誰是同調炊烟橫空日
已斜秋水澄清底見沙兔走烏飛光陰疾人生有命莫咨嗟肝膽有時如秦
越皎皎青天懸孤月人生快意有幾時昨日月圓今日闕勸君萬事無認真
聚散由來等浮雲天空地闊任來往萬頃烟波一躍鱗

胡翰貞字墨齋

秋興

連朝細雨雜寒烟未許予遊思悄然籬落菊開零夜露吳江楓落霜天蟲
鳴敗葉聲淒楚雁逐西風字跡綿最好柴門臨溪水朝朝攜杖聽秋泉
西風颯颯雁行斜兀坐高樓醉作家木落秋山無限骨煙生靜水不飛花階
前白露微侵袖天外疎星映煮茶我欲開窗看明月無聊又被淡雲遮
胡有恆字月如號子政

蟬

續丹溪詩鈔

九

樸學齋叢書
第一集

長夏江都事事幽蟬聲偏與耳相謀微蟲不解騷人意只管臨風叫不休

胡信貞字芷徵

和息求韻

讀罷長篇更短篇幾回如醉復如顛一家聚首剛三月千里相思各一天水
有離聲聞夜雨山知別恨淡朝烟不堪滿目蕭條景露冷星稀月正圓

胡翔字賓卿

故居一炬妻子盡遭焚如客中聞耗詩以哭之

獵獵薰風鎮日喧吹來噩耗劇驚魂舊巢已燬無完卵雙袖猶存盡淚痕旅
况都從愁裏過私情只有夢中言問天不語天如醉滿地綠陰畫掩門

胡鏡海字息求著有堯山吟草

感懷

轉眼朝陽又夕陽今來古往事茫茫太空騰有浮雲幻塵世徒嗟逝水忙數

卷殘書消永晝一坏荒土是收場賢愚富貴休爭論暗裏伊誰作主張
平生壯志任銷磨夜即酣眠晝放歌中歲盡從忙裏逝百年都在夢中過若
無日月爭方息一讀詩書事便多閱盡滄桑歷盡劫神仙清淨果如何

有感

一輪孤月獨當天萬籟無聲思悄然世事殘棋輪着着光陰逝水去年年身
雖無用心偏熱事到難圖志更堅莫道人生清淨好英雄不幸作神仙

觀星

天為棋局星棋子我與仙人對幾回祇為凡心輸一著此身墮落到塵埃

看花

鎮日尋芳興太奢往來香國樂無涯此身好似風前蝶到處忙忙總為花

天時

天時人事兩相違消息盈虛理本微水自長流山自峙魚龍潛伏鳥能飛與

續丹溪詩鈔

十

樸學齋叢書
第一集

亡豈盡關優劣成敗原難定是非大地山河一棋局英雄事業是心機

咏錢

人間無往不相宜第一錢神最合時富不嫌多貧怨少來誰肯拒去還思視
同糞土情原矯慮到兒孫計亦癡國困民窮同一哭當今何處覓良醫
誰把嘉名錫孔方古今都為阿兄忙是非顛倒原堪恨來去分明自不妨在
我敢云忘得失為人何必太炎涼恩恩怨皆由爾因果牽纏未易償

辛亥秋登大觀亭

人民城郭望蒼茫回首當年舊戰場霸國山河今破碎男兒生死幾興亡長
天有色連秋水芳草無言對夕陽多少前車傾覆盡一憑弔處一神傷
到此消愁更惹愁世間無地可埋憂千年人物餘墳在一代興亡逐水流檻
外怒濤喧日夜墓前芳草自春秋江山如此幾今古獵獵西風獨倚樓

感懷

血雨腥風泣鬼神殺機彌滿此乾坤頭顱肝膽合成我鬼怪妖魔幻作人塵
世難尋乾淨土衡門聊寄自由身可憐敗絮棄金玉浪說文明日日新

匣中寶劍久封塵獨立蒼茫自在身冷眼看穿天下事熱心誤盡世界人乾
坤不毀終遺患陵谷無常莫認真含垢納汙悲大地問天不語淚沾襟
蝶螟蠻觸苦相攻太息天公竟不公猿臂將軍開射虎羊頭都尉競從龍豺
狼當道驅狐兔燕雀逢時笑鷓鴣麟角鳳毛難得見世間今古幾英雄
殘編斷簡眼中過感慨無端哭又歌辨士舌存鋒可畏佞人頭在劍須磨安
邊李牧聲威遠憂國長沙涕淚多自古英雄輪豎子有才無命待如何

雪

柳絮梨花落地輕萬千谿壑一時盈天公果是真公道填盡人間路不平

觀戲

幾多離合與悲歡對此茫茫感百端世上本無真面目人間尚有古衣冠昔

續丹溪詩鈔

十一

橫學齋叢書
第一集

賢何遠難相及萬事當作如是觀大好山河舞台耳上台容易下台難

閨情

草草妝成懶畫眉鏡中非復舊丰姿驕人燕子飛作對驚夢鶯兒喚已遲怕
見燭殘猶滴淚已拚藕斷尚牽絲慈悲空說如來佛訴盡春愁總不知

懷疑

世間真理總難知靜坐紛來觸我思天外有天無盡境古前之古莫窮期滄
桑改變誰安置日月周旋孰主持欲索解人徧不得一回鑽研一懷疑

夢

人世紛紛夢一場夢中又夢更荒唐虛無縹緲同仙境恍惚模糊似醉鄉軀
壳已離身未化乾坤別闢世全忙但知死後如斯耳眠到長時夢也長

和伯春韻

奇妒天心惜忌才放懷古今有餘哀狂奴肝膽腰間劍烈士頭顱劫後灰白

畫搏人多鬼魅紅塵避地少蓬萊消除塊壘惟憑酒海大寬腸斗丈杯

劍

延津有日化龍游百鍊精鋼肯未柔與爾論交同患難千卿底事管恩仇鋒
鋌太露驚凡眼天地無情斫佞頭豪愛劉邦高愛札斬蛇掛墓各千秋
光芒四射肯藏鋒躍躍時思出匣中千古雄心惟殺賊一生成事不居功慣
助異人除鬼魅每于失路慰英雄試看不用安閒日寶劍鉛刀一樣同

續丹溪詩鈔

十二

橫學齋叢書
第一集

續丹溪詩鈔終

跋

續丹溪詩鈔二十五人惟陶軒湖澤官江西上饒縣知縣卒於任所樸安幼居鄉里未曾見面其他皆身見之人僅四五人年事長於樸安或二十歲或三十歲餘皆十年以長五年以長亦有稍少於樸安者今二十五人中惟賓卿湖澤與息求湖澤二人現存也憶樸安二十六歲以前居鄉里時此二十五人中至少有十人與相唱和樸安之詩幼穉不足存己拉雜燒之矣今此詩鈔中無有一首與樸安唱和之詩豈亦幼穉不足存耶亦以見保存之不易也樸安旅居滬上三十餘年於鄉里情形未免隔膜既不能廣搜前輩之著述即同輩之著述亦任其若存若沒之間幸有此冊後之覽者知吾族在清同光以後其流風猶未歇也藝文璧城生長六安時往來蘇滬等處樸安雖嘗與晤面未有一字之唱和蓋樸安隸屬南社世目為草澤文學為搢紳文學所不道入民國以來此界尚未泯也民國二十九年七月樸安記

續丹溪詩鈔

跋

樸學齋叢書
第一集



復 紅 成

圓 板 同

池 橋 乃

正 新 分

復園先生池上主人首發此題

甲子七月十二日 諸名流會


復園先生池上主人首發此題

屬予以小篆揭諸冊首

硯林丁敬誌



復園紅板橋圖



甲子涂月呵凍為
五園主人補圖 故中行者

復園紅板橋詩

穆門 得庚韻

池上紅橋忽復成水邊垂柳覺多情還拋拄杖當風
立更倚闌干待月生人去衫痕分半影客來屐齒有
雙聲前年記得春波闊曾泛輕舸裏外行

茶園 得刪韻

白板橋成指顧間蠶頭波襯曲闌般此中好著瓜皮
艇小立宜看絮帽山水鳥乍衝人影破游鱗忽散釣
絲閒連朝涼雨添如許新漲秋痕似玦環

江聲 得尤韻

復園紅板橋詩

一

小疊平橋跨碧流紅闌雁齒喜新修聊同伐竹通詩
徑卻愛橫波倚釣舟風約綠萍浮宛轉醉攜蠻榼坐
勾留斜陽飛上雙鷓鴣畫出名園一燈秋

復齋 得東韻

小橋飛跨鏡光中亞宇闌干幾曲紅柳外不如煙外
好兩池原是一池通臨流洗盞杯移影倚檻披襟筵
御風愛是主人行樂地去時猶恨太匆匆

筠谷 得真韻

知君才是濟川人依水名園暫隱淪湛綠鴨頭初汎
盪斬新雁齒已排勻閒拖竹杖饒幽興穩踏芒屨絕

點塵最愛鏡空明月上彩虹流影臥青蘋

樊榭 得文韻

朱闌已字漾波紋剡木為橋也策動秋柳略如春柳
映一池今作兩池分東來野色添紅影西望詩情上
夕曛莫道小舟行不得醉眠閒坐總輸君

敬身 得虞韻

削板成橋也是娛為通碧水小施朱縱饒疎雨行何
礙好趁新涼坐不拘拾級淺猶排雁齒倚闌清可見
魚鬚閉門已足西湖味柳帶荷衣色未徂

諉林 得咸韻

復園紅板橋詩

二

十畝風漪夾鏡匳夜來秋漲一橋絨鷺盟重到步差
穩雁齒新排影倒銜最好赤闌閒徙倚合添烏榜小
檣帆沿波無數稔珍柳長趁輕颺拂紗衫

壽門 得陽韻

習家池上好風光小小紅橋映綠楊數到低闌排十
二略通曲水豈尋常適來翠鳥分吟席安得輕輪作
臥牀管領千秋閒意味白髭鬚稱老夫狂

甌亭 得微韻

水北園林暑氣微小橋新構見應稀波光上下添秋
思魚影參差動落暉雨過乍通幽徑滑詩成長傍曲

闌圍何時把釣重來此一桁晴絲映茜衣

堇浦 得肴韻

垂虹宛宛枕塘坳也有蕭森雜樹交行過忽看山影
倒坐來雅稱釣絲拋黏波只許閒鷗傍隔岸微愁野
水滄一段紅闌秋意滿輕舟容易撼蘆梢

秋陸 得侵韻

纔到名園生隱心不知城市有山林鯨魚舊慣從容
樂野客新為宛轉尋菱葉蓼花隨曲折浴鳧飛鷺自
浮沈竹西歌吹揚州近顏齋曰竹西舊地廿四橋頭秋色深

芟虛 得鹽韻

復園紅板橋詩

三

我來池館曉風恬略約新紅映畫簾繞柱荷花香乍
細凭闌秋水碧初添隄平不礙船唇窄雨過微愁展
齒黏柳外煙邊教管領月痕坐待兩頭纖

嶺雲 得蕭韻

趁此新晴有夙招柳絲圓笠共蕭蕭野塘流水分疎
徑碧檻紅欄見短橋在處任憑鷗影得望來只欠酒
旗搖煙波不少尋詩客留待斜陽繫畫橈

崧亭 得覃韻

板橋初搆足幽探數尺涼陰水半涵行處最宜煙漠
漠望中不礙柳毵毵好攜明月供吟詠時倚秋風接

笑談從此池亭增雅興招邀頻許到花南

豫堂 得佳韻

秋入園林水一涯小橋隄畔近安排不愁斷壞妨詩
杖恰喜平鋪穩客鞵低壓蘋花風處靜斜通柳影月
中佳他時重到扶闌過紅藕叢深響亂蛙

壺尊 得青韻

池闊沙虛雨驟零急脩小約得園丁玉鉤未賣仍通
展雁齒休裝且當舡綠意恰平荷上穩涼陰渾罩柳
中冥短闌欲坐儵魚避知我從容步乍經

初觀 得魚韻

復園紅板橋詩

四

瀟灑林亭畫不如新成略約俯清渠憑闌貪看衝波
鴨緩步閒窺在藻魚花影柳絲相傍好芒鞵竹杖過
來徐草堂斷手應非易此亦經營慘澹餘

桐石 得江韻

池光比鑑影分雙穩步何須羨石杠一角山遮秋自
翠數株柳拂老無腔瓜皮但繫尋詩艇鹿眼遙窺入
畫窗徑擬小闌干坐月主人況許倒雞缸

復園 得歌韻

一道空靈跨綠波小橋仍傍樹交柯斜通荒徑來游
少閒凭朱闌獨占多穩稱釣竿橫水檻待迎秋月疊

沙坡廿年曾記凡三葺自笑渾同燕補窠

復園小板橋新成同人分韻各賦七言律一首

刻畧成篇意殊未盡歸作長律八韻補之附
書冊尾設林又稿

平橋小築謝空嵌白板紅油付老杉使我花南穿水
北知君指畫復躬監兩頭護岸先栽柳一字橫波不
受帆曳杖過逢風颯沓倚闌坐待月修纖主持鷗鷺
成盟壤筦領煙波宛鏡函纔報客來聞響屨每觀魚
樂廢長鏡比時秋漲遭新造此後霉苔要細芟最愛
斯園煙水闊半彎鎖卻更非凡

復園紅板橋詩

五

冊內凡二十人詩皆即席手書唯先君子續賦
八韻越日命同書補書因得盡讀諸老之作
時予甫弱冠也不道六十年後復於思亭二
兄篋中見之感而有作遂附錄冊尾嘉慶九
年七月之朔山舟同書時年八十有二
板橋流水傍城闌此地曾經撰杖頻讀畫又逢今甲
子憑闌無復舊庚辛葺蒼露白思諸老臥柳殘陽少
過人贏得昔年詩句在一番童髦話前因

復園在杭州武林門內汪廣文臺故居也乾隆

甲子秋厲樊樹丁敬身金壽門杭堇浦諸先

生燕集于此分韻賦詩手書成冊南屏恆公
為補圖藏予篋中數年矣去年為嘉慶甲子
七月子至杭出觀于山舟梁丈為道舊事甚
悉并題一律于後因借夢華何君訪焉小橋
臥柳彷彿圖中徘徊良久今年春予重過斯
園橋與柳已無復存矣感而題之乙丑四月
思亭居士吳脩記事時寓西湖之玉蓮堂
板橋無柳臥寒煙小劫剛經六十年一笑風光彈指
異紅泥翻賴畫圖傳

復園紅板橋詩

六

世十年曾侍侍郎來謂籀石先生

二十人姓氏爵里考

穆門 周京字少穆號穆門錢塘國子生考授州同
事親至孝年垂艾依依若孺子南游閩海北燕趙
西秦晉所歷名山大川墟莽古蹟悲歌慷慨書法
奇逸酒酣興發數十紙立盡到處名卿倒屣虛席
晚息影蓬廬共里中詩老結社縱浪湖山以老桑調
元撰
墓誌
茶園 顧之珽字月田號茶園仁和人康熙己卯舉
人官陝西三原知縣以屯田功議敘知府左降復

任陝西石泉知縣內陞行人司行人仍以京員管
廣東電白縣事乞休歸田與里中名士結詩社于
西湖之濱以宏獎自任詩筆蒼老士林宗之柴杰
浙人

江聲 金志章初名士奇字繪甫號江聲錢塘人雍

正癸卯舉人由中書遷侍讀出為口北道有江聲

草堂詩集桑調元
撰墓誌

復齋 許承祖字繩武自號雪莊居士海寧人乾隆

庚子副貢有浙西漁唱吳頌
杭郡詩輯

筠谷 鄭江字璣尺號筠谷錢塘人康熙戊戌進士

復園紅板橋詩

七

改庶常授檢討充明史館纂修官兼一統志纂修
官晉贊善視學安徽晉侍讀仍充明史綱目館纂
修官居一年乞告回籍所學無不通尤邃于經有
春秋集義詩經集詁禮記集註杭世駿道
古堂集
樊榭 厲鶚字太鴻號樊榭錢塘人康熙庚子舉人
乾隆丙辰應博學鴻詞試放歸客揚州馬氏其家
遺文祕牒無所不窺故發為詩文削膚存液辭必
己出以清和為聲響以恬淡為神味考據故實之
作搜瑕抉隱仍寓正論于敘事中讀者咸歛手懾
服數十年大江南北所至多爭設壇坫皆奉為盟

主焉尤工長短句入南宋諸家之勝

汪沆樊榭山房文集序

敬身 丁敬字敬身少不習舉子業年甫冠始折節

讀書為詩造語奇崛有龍泓館集

雲螭齋詩話

號龍泓

山人釀麴榘自給身廁傭販未嘗自異願好金石

文字窮巖絕壁手自摸搨證以志傳著武林金石

錄分隸皆入古而于篆尤篤善摹印然非性命之

交不能得一字

道古堂集

葭林 梁敬心字首存號葭林仁和人幼警敏與弟

詩正自相師友為詩文乾隆己未成進上改庶常

時父已屆暮齒遂引疾歸垂二十年不出 上憐

復園紅板橋詩

八

其孝卽家授編修故事所未有也

杭州府志

壽門 金農字壽門錢塘人工八分法鄭谷口而小

變其體有冬心先生集冬心續集三體詩畫竹記

雲螭齋詩話

五十餘始從事于畫涉筆卽脫盡畫家之

習

張庚畫徵錄

甌亭 吳城字敦復號甌亭焯子克承先志殫心羣

籍勤加校勘數十年丹黃不去手

吳氏家傳

葦浦 杭世駿字大宗號葦浦仁和人少蘊清才博

游宏覽于學無所不貫所藏書擁榻積几不下千

萬卷枕藉其中目睇手纂幾忘晷夕故其氣華其

節亮其辭鴻肆而奧博一時羣雄莫與抗者中雍

正甲辰鄉試乾隆初舉鴻博授翰林落職歸借里

中者舊襟契及方外之侶結南屏詩社歌詠太平

著述甚富

汪沆道古堂集序

秋陞 魯曾煜字啟人會稽人康熙辛丑進士改庶

吉士以祖母年九十餘父亦年六十餘終養歸有

秋陞文鈔

紹興府志採訪冊

芟虛 釋明中字芟虛桐鄉施氏子七歲出家秀水

楞嚴教寺雍正十二年參方至京師奉 詔選留

有根器僧二十二人明中與焉 特旨住吉禪院

復園紅板橋詩

九

苑池南參究禪學乾隆元年還本籍四年得法于

無闕六年主席 聖因寺二十二年移住淨慈邀

賜紫三次暨

御製詩及對聯三十二年退院

道古堂集

嶺雲 釋篆玉字讓山號嶺雲仁和萬氏子年十七

投淨慈寺薙髮雍正十二年游京師和碩莊親王

招住海淀法界十三年引 見奉 旨速還會同

承覺禪師超盛查加封妙圓正修智覺禪師法派

仍住萬峯善鼓琴工行草詩法摩詰後住龍翔寺

作偈辭世有話墮詩南屏續志

杭世駿嶺雲禪師塔銘

崧亭 錢塘梁侍講云崧亭揚州詩僧修附記 見隨園詩話 修又

豫堂 祝維誥字宣城秀水人丙辰被徵不及試戊

午舉于鄉考授中書既終養補官升典籍有緣谿

詩稿 伊湯善嘉與府志

壺尊 錢載字坤一號壺尊少不耐為舉業文為之

輒崛奇不合時樣肆力于古漁獵百家尤以詩為

命獨窺古文奧緹不已既以副榜薦博學鴻詞薦

經學皆不獲壬申始聯捷年四十五矣由翰詹累

擢禮部侍郎詩凌紙怪發險入復入橫出復出于

古不名一家更歷萬里游壯觀嶽瀆吸靈奇之氣

復園紅板橋詩 十

而張之故老益肆益硬載名自未第時已達 天

聽受知遇立朝三十年秉正不阿終其身畫其餘

事世珍之有籀石齋詩文集 嘉興府志

初觀 許大綸字若愚號初觀仁和人康熙庚子舉

人雲和教諭有茶毘剩稿 杭郡詩輯

桐石 汪仲鈔字豐玉孟錡弟桐鄉人家故饒兄弟

不事生產遂貧而先世萬卷藏書故在搜討其間

工詩詞卒年未及壯有桐石齋詩集 嘉興府志

復園 汪臺字抱璞號復園錢塘人貢生天台教諭

復園在城北山房鄰武林門野水沿牆垂楊夾岸

遠瞰湖山所謂汪家花園也今過其地斷井頽垣
人有酒壚之感 杭郡詩輯

復園紅板橋詩 十一

十一

附錄題詠

尤維熊 二娛 長洲

雲龍相逐此招要六十年前紅板橋老輩音塵久徂
謝舊時亭館亦蕭條人如司馬文章健地似揚州草
木凋豈但遙巒青一角憐他不語也魂銷遙巒不語
足銷魂思
亭題紅
橋句也

郭 慶 頌伽 吳江

方袍員頂盡能文想見主人雅不羣此地若存儂欲
借一園占得水三分

復園紅板橋詩

圭

問羣公杖履見來無

吳錫麒 穀人 錢塘

風煙隱約護荒闌有園亭燕到頻畫出小橋能宛
轉咽餘流水祇酸辛屐痕難得邀前輩柳眼愁看少
替人我亦時逢舊鷗鷺定曾來往識清塵

姚 甯 姬傳 桐城

曲沼銜山閣垂楊拄杖橋詩魂前日客疑在詠清宵

伊秉綬 墨卿 甯化

紅橋諸老落成詩此地今人我不知惟有白頭梁侍
講操觚曾記少年時

張問陶 船山 遂甯

鷗鷺叢中笑語親小紅橋上小詩新高車駟馬驚鄉
里祇覺相如是俗人

趙懷玉 味辛 武進

綠水紅橋迹已陳尙餘詩句墨如新可知詞客靈長
在六十年前二十人

名士高僧盡盍簪主人情欲比花潭此圖較勝西園
象傳與襄陽耆舊參

朱為弼 某堂 平湖

板橋新築詠新詩裙屐風流彼一時此日荒園誰過

復園紅板橋詩

圭

訪寒鴉棲老夕陽枝

翰墨飛鴻爪上泥赤闌人影各東西如今諸老多淪
落付與詞場認舊題

流水平橋別有村西 記訪花源 嘉慶甲子之秋
會訪江邨高氏

花源草堂遺
址于西谿 那知人 鍵關坐舊雨重逢話復園

雅集剛逾六十年一彎虹采散雲煙畫圖喜入詩人
手好續三吳耆舊篇

陳 均 受笙 海甯

水檻彎環面碧煙風流耆舊此分牋垂楊尙後詩翁
老斷板翻凭畫筆傳白髮有人曾入社紅塵若箇早

歸田詩篇留補先賢傳遺墨匆匆六十年

查世官 南廬 海甯

依然碧沚泛新萍略約斜橫權一停竹裏逢人鬚盡
綠山中留客眼長青欲將斷楮尋前輩賸有斜陽臥
遠汀莫向湖樓閒讀畫秋聲蕭瑟不堪聽

屠倬 孟昭 錢塘

平泉草木儘荒蕪雅集西園尚有圖六十年來吾晚
出板橋雜事記模糊

無多竹粉染鬚眉裙屐風流想見之解憶襄陽耆舊
錄白頭侍講少年時

復園 板橋詩

蔡之定 穀山 歸安

藉甚湖山美園林况占奇名賢爭攬勝高會此題詞
歌舞銷沈矣風流想像之圖詩還好長繫後人思

孫甯衷 萱芝

橋窄波搖紅霜清柳腹碧谿達琉璃風駢闐玳瑁席
勝流擘吟箋禪慧鬪詩格暢哉物外賞逝矣花間屐
清埃坐銷歇甲子忽流易水霧推沙寒野煙棲草白
不見畫橋樁何處幽人宅惆悵此圖中林扉莽蕭械

曹言純 種水 嘉興

一時良 書詩紅板橋無那得知留取當初詩畫

在板橋容有再成時

戴光曾 松門 嘉興

披圖還讀復園詩莫道人亡地不知老樹一灣沙幾
曲板橋認取似當時

周儀暉 伯田 陽湖

一卷林泉十幅詩攜來傳與解人知如今添得江湖
夢古厯亭南讀畫時 時客 歷下

郭琦 丹淵 丹徒

越游憶昨過名園紅板雖荒址尙存畫裏重逢漢南
柳天涯何處武林門百年雲水悠揚夢尺素鴻泥斷

復園 紅板橋詩

續痕留得白頭梁灝在野鷗相見亦銷魂

朱休度 梓廬 嘉興

春去病留愁怎寬讀傷春句使心寒勝游如奕更番
了故紙留塵收拾難東觀新詩添綵筆 謂梁山舟學士追題之作
西園荒草沒雕闌 思亭初訪其處猶見斷橋 喚他亭
角尋詩鬼何似生前一醉歡 汪素嗜酒

陳希濂 澱水 錢塘

問訊汪淪宅花潭第幾家橋分塘半故柳臥路三叉
杖履懷前輩詩歌閱歲華園林尙如舊容我酌流霞
難得延陵客閒尋北郭莊計年周甲子問舍感滄桑

白社風誰續黃墟 徑已荒但傳圖畫在留與話斜陽

方維甸 葆巖 桐城

橋邊叢葦影離離 衰柳臨流賸幾枝當日圖成便蕭瑟吟秋不唱冷春詞

紅橋三板翼扶闌 遺跡全荒再訪難金谷平泉都變滅不如留向畫中看

李方湛 白樓 錢塘

襄陽耆舊集同傳 我恨遲生二十年輸與白頭梁學士幔亭曾見會羣仙

斜陽紅過板橋西 禿柳當門水拍堤愁絕江鄉好風景翦燈翻向客中題

復園紅板橋詩 六

諸老紛紛落葉凋 畫圖難覓舊漁樵吳郎若不矜藏棄過眼雲煙一例銷

李貽德 次白 錢塘

恁銷魂武林門近年時一片秋草汪倫舊日聯吟水榭風廊都好分曲沼喜雁齒排成可添詩料箋分

諸老看虹影眠沙魚花穿水坐暝幾紅蓼 重來也一代名場過了夕陽黯黯紅到小橋臥柳多蕪沒莫

怪題橋人杳遺墨妙讓吳質多情收拾零星稿沈吟鴻爪認秋雪庵荒晚鐘寺冷

謂樊榭 煙外遠山悄 調 寄

塘 遊坡

王世林 雲起

水漲平堤柳拂煙當時諸老此留連圖成合擬蘭亭序陳跡於今六十年

吟興山巔復水涯湖光黛色足徘徊尋常觴詠風流地也歷滄桑小劫來

昔年曾作武林游紅板橋荒滿目秋惆悵西冷西畔路殘陽衰草不勝愁

吳君風雅真成癖遺墨流傳仗護藏一幅丹青慎珍重休教幻影并云亡

復園紅板橋詩 七

戚芸生 餘齋 德清

小橋新築架平池觴詠風流聚一時轉笑蘭亭脩禊日坐中幾輩不成詩

園亭蕪沒畫圖存小劫雲煙閱幾番羨煞吳郎善收拾白頭學士與重論

查 梅史 海甯

枯樹蘭成賦後摹條宣武泫然耆舊百年易盡此詩此畫能傳

中有吾鄉老輩許子將不凡才試問雪莊漁唱可憐煙水池臺

高 塏 爽 泉 錢 塘

斷竹依然北郭偏 鷗沙猶畫夢痕圓 頻羅庵主頭如雪 尙記將車奉杖年

主客圖成付夕曛 百年過眼此煙雲 當時解笑元才子 絕唱蘭亭了不聞

潘曾沂 功父 吳縣

牧牛行者在西湖 八十年前此畫圖 可惜廬山不同社 樹林水鳥已模糊

觴詠空思大雅才 復園無復舊亭臺 江湖後集人垂盡 莫問紅橋臥柳來

復園紅板橋詩

七

不堪重讀梁谿集 此後寥寥郭界舟 嘉慶甲子侍家君杭州學使署
中尤二娛丈同來其 尚憶老蘇開口笑 白頭侍講話
題此冊當在是時 前游日復園之勝 未重到也 山舟侍講贈以楹聯有
湖西花月是前游 句于乾隆癸未始游杭州至是 已四十餘年乙丑迄今 丙戌又二十有二年而公去
世三年矣感念童時 懷恨欲絕不能自已云

查奕照 丙塘 海甯

吾年六十八 石火戀餘春 祖父黃鑪冷 圖中分詠者如願月田金
江聲厲樊榭 丁敬身金壽門 杭堇浦祝宣 城錢籀石
汪抱璞諸先生 曾與先大父 暨先贈公前後交好 倡
詠頗多 兒孫白髮新 驚心前甲子 彈指後庚辰 余生今
日看圖畫 分明夙世因

沈維鏞 小湖 嘉興

流水紅橋落照邊 一時觴詠競名賢 補圖誰倩詩僧手 彈指流光六十年

卷中騷雅數吾鄉 老輩風流不可忘 季重才華今繼起 披圖那不等球琅

龔 烈 楚香 晉陵

紅板橋成亦偶然 輸他觴詠集名賢 風燈過眼皆千古 好與蘭亭一例傳

文章者舊幾人存 認取靈光魯殿尊 莫把秦淮煙月句 斜陽疎柳與同論

復園紅板橋詩

七

綠波春水江南岸 處處垂楊護板橋 安得諸公重喚起 招攜裙屐賦魂消

應 讓 地山 丹徒

無復垂垂舊柳條 一時裙屐足魂銷 何人更倩青蓮筆 好事還吟紅板橋 此日重題唯侍講 謂山舟當年
作繪有參寥 謂植公上人 就中太守風流甚 斷句能令意也消

沈蓮生 遠亭 平湖

曲曲闌干亞有當年風 流諸老共來結夏一自中仙 悲老去幾換風亭月榭 但螢火星星涼惹數樹垂楊

攀不盡點棲鴉流水都如畫山鬼夢向人話 東林
佛火西冷社算白頭學士擘箋會研過眼湖山花鳥
恨一卷行滕重把且讀到窗明燈地我輩塵襟如此
水怕後來照影清江下今夜月柳梢挂 調寄月底
修簫譜

劉嗣綰 美初 陽湖

眼冷平泉路儘低徊舊家庭院昔年風露生綠半灣
紅一板占斷水亭煙渡算前輩風流無數五字新詩
同脫手讓山僧提挈鷗鷺珠唾落碧紗護 吳郎
領略閒細素說前游雪泥猶印劫灰都誤衰柳斷橋
無限好換了蟹汀魚步賸一卷傷心詞賦六十年來

復園紅板橋詩

三

耆舊傳怕磨人墨也從頭盡伴歸權水天暮 調寄乳
燕飛華

顧 翰 蕩塘 無錫

寒漪瀉碧記舊尋詩處小橋低亞幽石涼搜題字在
翠墨幾行會寫乍蛻殘荷將疎賸芰夜雨瀟瀟打一
番裙屐水天都付閒話 堪念白袷詞人青尊老輩
結習耽風雅冷到波心鷗鷺影水檻那容人借夕照
斜樓秋聲別館無復聯吟社荒園極目傷心吹上圖
畫 調寄百
字令

吳 齋 山尊 全椒

丹青過眼亦雲煙梓澤蘭亭那計年為惜飄零收故
紙乾坤借大一亭傳
詩人主客圖誰續小傳重編卽史才天上玉堂前輩
少 集復園如筠谷董浦諸公皆詞館前
輩政者又有山舟學士穀人祭酒師幾人名稱冊
中來

查人和 蕩亭 海甯

九曲闌干挂薜蘿復園遺址竟如何題詩客去青山
冷讀畫人來白髮多 謂山舟穀
人諸先生月下水光空蕩漾風
前柳影尙婆娑西湖勝侶今何限可許鴻泥跡重摹

劉 瀚 雪曉 湘南

復園紅板橋詩

三

六十年中歲月深風流名輩歎消沈披圖欲訪汪倫
宅潭水桃花何處尋
歎我遲生四十年眼前祇結畫中緣墨痕留取當時
跡疎柳斜橋屋數椽
畫圖猶是地全非蔓草荒煙夕照微欲起九原諸老
問茫茫人海但歎歎
惟愛吳君不世情圖存卽是復園存吾曹欲問當年
勝去叩頻羅庵主門 山舟侍講自
號頻羅庵主
鈕樹玉 非石 吳縣
人生鮮百年勝事難頻遇復園萃羣賢觴詠良足慕

過眼等雲烟忘機緬鷗鷺前微幸可攀賴有後人護

錢儀吉 衍石 嘉興

復園此雅集主客東南美感舊重留題白頭一作太息梁

學士回頭六十年今又十年矣吳君寶一作抱殘楮一

再尋遺址昔時紅板橋無恙只流水惟應詩畫心長


住湖山裏

復園紅板橋詩

三

復園紅板橋詩終

惺齋詩課



116 100

惺齋詩課

七夕再游環溪別墅

今夕是何夕 溪游果前約 盈盈一水環 洄溯宛如昨
 仰惟天漢津 東南瀉海若 仙踪渺無際 匹練亘寥廓
 終年費機絲 好會總寂寞 雖當致綢繆 條已感離索
 曠懷值良辰 即事悟遠託 不嫌履跡重 乃識人間樂
 車徒避塵囂 轉徙入澗壑 碧流澹淪漪 紅朶茂灼爍
 野潤生岸隈 秋光動簾箔 來非不速賓 座有無算爵
 笙歌啟長筵 瓜果侑深酌 興濃藤笈分 句妙斑管索
 綺業盡刪除 涼颼忽梳掠 霏霏暗雲頭 颯颯射雨脚
 千葉萬葉喧 大珠小珠落 啾啾散林鴉 襪襪濕庭鶴
 物情勞逸均 轉憶河畔鵲 填橋事云幻 洗車語豈鑿

詩課

太液曝衣樓 天寶穿針閣 癡憐乞巧柳 做想曬書郝
 舊蹟稽傳聞 佳談恣諧謔 人生貴適意 未許世網縛
 眼前即蓬瀛 筇屐隨倚著 往時襲蓮衣 茲復奉蘭幕
 亭臺成夙契 主客亦交錯 何須羨駉鸞 迢遞一天各
 虹收晚景催 歸轡指西郭 金波瓊宇高 泛月後期諾

賦得洗車雨

仙駕將臨渚 秋陰正應辰 乍看飛點點 恰似送鞦韆
 海氣連機石 雲光瀉漢銀 潤分三十幅 情隔一重津
 展轉經年別 霏微下界塵 迅奔隨列御 濃匝掩羲輪
 倦鵲靈先覺 和鸞轍舊循 滴殘桐葉曙 私語定何人

詠西瓜燈十六韻

中元仿上元 棚戲變新格 團團青門收 宛轉綠玉擘

細鏤副其瓢 周刻傾厥液 皮留肖仰 孟蒂覆仍合 壁
 中虛故生明 內熱若含魄 凝然水精寒 遂孕火齊赤
 一盞碧琉璃 炯炯挂瑤席 焚膏奪螢光 鏡宇認蠅迹
 輕珠紙幅糊 暗擬紗籠隔 彭亨邊腹摩 空洞董臍炙
 缺冷窗蛾驚 揮騰素蠅辟 浮波蓮出坑 搏雪佛袒脊
 消融祇須欠 嬉玩此為適 及期秋是期 照夕今何夕
 孤輪影共懸 五色種難獲 燭跋詩亦成 飽星朗堪摘

葉子戲

策策聲中 信手翻校書 餘興藉祛煩 輕於蟬翼飄 秋
 影薄訝魚箋 暈墨痕 算到三思期 得雋拋殘一掬 驗
 歸根落花無語 簾垂地 賭奕閒庭助笑喧
 周遭壁合更環旋 宛轉涼颼約 靜便數擬秦關 雄百

詩課

二形分漢牘 削三千排頭 蟲篆丹黃判 展翅驚羣甲
 乙聯好似亭皋吹 汗漫敗紅堆 裏認華鮮
 入席先拚鄙吝 消免嬉東府 厭虛臬無雙 品格圍瓊
 樹第一功名奪 錦標決勝未妨 虛左待投閒 正喜隔
 林招妃青儷白 終何有得失 分明激勸饒
 幾片淒疎拂袖 過琅玕 繞指列駢柯 後來捷獲能居
 上少許留神 便勝多局外 虧盈知有數 座中安樂且
 成窩斜陽催落梧 桐院狼籍荷錢散 葦波

玉簪花分韻

薜荔牆陰一桁斜 暖煙籠朶淨 無瑕秋橫漢 浦思貽
 佩鬢解朝雲 認浣紗 漫惹苔衣輕 撒影也當鏡 面度
 安花晚香 簾幕溶溶 月欲謝 濃粧玳瑁誇 惺齋

小窗移植占秋深巧簇天工玉作簪青女可曾投
贈得黃姑應待飾妝尋瑤兮宛帶雲珠潤瑩若頻
添月鏡臨最是烟鬟紫白萼玉簪一白萼西風常拂薜
蘿襟姪思

舊詞漫譜玉搔頭爭似堂陰冷韻幽未展芳心憐
影瘦繞抽細蕊已香浮步搖袖拂娟娟竹銀押波
迴瑟瑟秋傍砌有時尋墮珥月痕如水不勝愁

修仁

好與香鬟鬥尹邢晶簾掩映動微馨晚煙披拂雲
垂地夜色徘徊月滿亭雪魄淨宜臨水檻鶴仙幽
愛近山屏盞簪藉爾添詩料數朵輕盈插膽瓶

張時風

詩課

花間堂即席拈詠體限五律七月廿二日

玉井盤根潔玲瓏漱冽泉仙漿承露重脆味及秋鮮
竅悟園中鑿絲難雪後牽一彎憑解渴漫詡大如船

蕙 惺齋

宛轉青菱角堆盤早露尖縱知適口美盃忘剥膚
嫌薦合雞頭共嘗宜菰米兼采從方鏡裏一嚼解
餘炎菱姪思

一碧輪囷剖逢辰種最佳玉匣浮綺席冰盞和銅
街菱逐秋濤湧瓢經臘雪埋青門容小摘野艇泛
誰偕瓜汪如洋

嘉賓江鄉擅浮香襲素襟嫩膚色脆玉細碧捲芳
心露浥蜂房摘甘分月筭斟蔗漿供小飲涼味齒

牙侵蓮子

翠顛初離架繁陰剩倚欄貫珠傾累累滴乳結漣
漣味比投醪美清宜鬢齒寒安期方獻棗持共薦
冰盤蒲萄張時風

為定圃先生畫山水兩幅并題

羣峯矗矗凝烟紫幾樹蕭蕭向夕黃彷彿桐廬秋色
裏兩崖清響動漁榔
紫霧春山綠樹齊碧蓮花嶼曉禽啼層層巖壑雲霞
積隔斷行人畧約西

秋海棠分韻

漠漠幽叢逗晚晴劇憐低態動虛楹芳心搖落顏猶
渥瘦影迷離月乍迎霜信不關鴻雁字啼痕怕近社

詩課

鶉聲吟秋縱惹無香銷賺得桐陰半睡情惺齋

迎涼標格壓霜前鳳翼雞冠巧襯妍顧影真慚西
府隊愛陰如伴北窗眠啼殘晚露蛩吟碎夢覺春
風蝶舞翩一點螢光已腸斷底須銀燭畫堂燃

汪如洋

繞砌繁英韻獨悠春風如舊客情留石家門艷珊
瑚碎金屋含啼翡翠愁細雨暗牽孤館夢微香隱
媚小山秋採芳尚憶紅雲錦剩與黃花結侶俦

張時風

夾竹桃

綠衣偶與絳紗親畢竟紅於二月春筴粉早移湘浦
影洞霞誤引武陵人錦波暈碧烟中辨翠袖含媽鏡

116 四 100

裏真為絢金秋花葉共漫同夜合較緣因 惺齋

嫩烟叢碧護清疎看遍元都錦不如杯醞濃傾腮

乍暈淚斑淺印靨全舒無言翠袖天寒近得句春

江水暖初料是入林芳意淡平安煩訊武陵漁

翠篠紅英取態殊合成佳種近仙區問津夾岸漁

郎渡掃徑沿溪逸客俱綽約幽情千葉縮橫斜秋

影一枝扶此花不擅無雙目細向園丁認萼跌

勁綠梢頭綴粉紅等閒秋蕩奪春工淇園竟有佳

人致露井時披君子風谷口相逢如洞口个中猶

憶似門中羨他高節能醫俗不遣飛花引釣翁

分詠白蓮花禁體七律限用陸魯望月晚風清

欲墮時句 修仁

月晚風清欲墮時亭亭疎影自平池涉江舊恨凌波

香出鏡新粧解語遲不染衣痕秋雨細難尋睡態晚

烟歇何當太華峯頭坐十丈紅塵未許吹 惺齋

秋容如洗照芳池月晚風清欲墮時世外裝梳菱

女妬空中香色荷魚知真成淨域層臺現但覺輕

梳一鏡移漫應碧筒河朔醉遠公揮塵有前期 汪如洋

染一塵縹秋涵花氣涼如水洗盡紅蓮爛縵詞 修仁

娟娟秋影共連漪香隱泚莊隔岸知翡翠東西巢未

定蒹葭洄溯夢頻移笛長舟遠初逢候月晚風清欲

墮時青女為留顏色老影娥休獨照凝脂 惺齋

隔水盈盈颯一枝野塘秋影見來遲芳膚未老紅

衣褪翠檻初凭宿霧披縱使無情偏自愛未能解

語亦相思獨憐蕭瑟終宵後月晚風清欲墮時 張時風

復成一律 月晚風清欲墮時消魂料得幾人知分來涼意迎衫

紵占斷烟光是釣絲柳外野塘驚始見蘆邊新雁漫

相疑臣心久矣澄如水香國何緣結夙期 惺齋

詠月餅分韻 繡籠留香脩玉蟾長生仙藥搗誰添曲江似憶綾痕

薄嫌嶺休誇雪味甜菱鏡印螺分影細羅雲飾粟落

英黏團圓吉語酬佳節瓊屑露餘到筆尖 惺齋

師傅巧製象團團拜罷姮娥說夜闌馥隴瓊英霏

玉杵補天奇彩煥銀盤霞痕預想綾添裏鏡影端

宜字映看節物秋光圓幾度綵貓餽綴菊萸寒 汪如洋

餅師應候給清鮮輕點松花味轉妍畫道中秋傳

節物依然千里共勻圓青冥似鏡非闌畫丹桂如

修仁

細澆重羅繞指柔
乾形巧借月輪修
香浮玉宇圍
團粟露溢珠盤
茁茁秋腹果稠
錫霜似搗齒分瓊
屑斧疑鏤物華
慶賞銅街盛添
供神筵光影幽

張時風

寬夫宮庶視學粵東詩以餞之

蝸坳橐筆十年餘
更領崇班晉直廬
槐樹茂陰連秘閣
藜光高燄燭南墟
鈞衡慎簡宮街貴
原隰乘秋鬱影徐
越秀一峯當駐節
佳名如式故鄉閭
西園前席挹冲襟
別有清標愜素心
抽簡巧鏤元圖玉
臨池恰印月鈞金
本來丹篆同仙授
用事好為青衿振
嗣音聽說珊瑚洲
尚在祇憑鐵網細
搜尋

詩課

七

黃花驛路白雲重
庚嶺岩巖記昔逢
船游時隨任嶺
詩禮門庭羣季盛
文章臺閣士林宗
吟聯謝草懷征雁
夢繞稽山起卧龍
從此綵衣隨步障
徧看桃李倚仙筇

小集賓筵應夕暉
倭遲何計繫駢官
評思曼原無
作遺風宜為中
庶子始客右相如
似此稀舊雨每憐
鸞鷺遠柯兩太
守清芳原差喜
鶴鶴依士弟益
山進南雲北樹
山千疊忍畫羅
浮蛟蝶飛

恭和

御製賦得仙露明珠元韻

朗潤將何擬天然
采曜流露文仙
顥結珠顥夜光收
托體皆明月含津
迥素秋傾囊輝不
定入掌氣相求

的蝶千盤散勻圓
一樣留分形原是
幻如意妙難售
沈澆層空泥牟尼
串影投蕭斯露
滅澤被褐勵朋儔

前題

寓象二而一誰從
體用求潛滋天露
似旁燭意珠伴
湛澆

仁能洽圓通

智必周仙乎凡不
隔明也暗窻投對
待原非幻真如
定擬秋玉壺冰貯
彩梅蕊雪添幽喻
小大斯驗循名
實不由

無私欽久照是道
悟頭頭

賦得詩清都為飲
茶多

詩課

八

綺語防生垢清虛
藉茗柯未解貼水
厄且欲醒詩魔
吸久春移檻吟殘
月寫波百篇機不
滯七碗癖非訛
渣滓天然淨芬腴
日益多旗槍新戰
壘餽飭起沉疴
意蕊滋無盡詞源
導若何陸經須細
味佳韻寄烟蘿

八月廿二日偶過
環溪別墅訪我齋
不值留句
出郭辭塵鞅怪齋
秋光一倍清舊游
循徑熟時風野
靄界溪橫綠引殘
荷岸如洋香拋活
火鑄沙棠虛繫
纜惺齋茅厂別開
楹軟語將歸燕時
風低眠罷浴鵲
偶來同看竹如洋
列生致班荆繚曲
便登頻惺齋周
旋省送迎午暄欺
扇薄時風林翠襲
衣輕寺近鐘催

梵如洋僧閒硯借
耕行篋中過無硯
因抽蕉宜覓句
怪齋別辭試題名
雲過無留迹時風
萍浮暫寄情載

醪重九近如洋共約採霜英 怪齋

花間堂觀劇類詠

弄玉吹簫

瑤臺高與紫霞隣 縹緲仙音聽倍真 露濕銖衣天似水 風飄琳帳月如銀 比肩人有雙飛翼 攜手情深萬劫春 綠鳳不還宮樹寂 尚留雲影在咸秦

雙成搗管

瓊觴欲罷喚雙成 曲度雲和叶鳳笙 珠錯落調黃宛轉玉參差 著指分明巧呈錦隊香風徹 靜過繁音紫霧縈 端勝洛川王子晉 淒清獨鶴下瑤京

絲鸞寫韻

小謫寒窗伴寂寥 傭書亦遣世氛消 勻裁鳳尾行增

詩評

密細綴蠅頭 格倍嬌 坐久焚香開永晝 吟餘刻燭對深宵 劇憐綺語塵緣墮 何似同吹絳浦簫

眉娘繡經

長參白業禮蓮 跌不學金堂少婦 盧錦感貝多心 蕊結光浮優鉢 智花敷停針微訝 雙環重添線真成 七寶鋪雲佩早歸 南海筏畫眉那更費 追摹

麻姑露爪

金釵不用報丁 窻清淺蓬萊盥 屢經玉盞行時 芳暗襲丹砂擲 罷勢猶停明知印雪情 俱幻底待拈花意 獨醒爬背未成 鞭著背漫從色相記 娉婷

洛妃凌波

洛浦徬徨感宓妃 翩然羅戰隔烟微 霞升碧落神光

合蓮印清波 逸藻飛玉佩 乍移風瑟瑟 挂旗欲駐霧霏霏 明珠翠羽紛無數 好向空濛辨是非

漢皋解佩

波裁裙幅霧裁襦 聯步光生不夜珠 的皪懸將明月並 迷離探出絳雲俱 褰裳未許同心寫 買積聊因戲爾愚 從此瀟湘煙雨夕 幾人延睇野航孤

絳河傳書

青鳥殷勤迓紫軒 起居未接早傳言 千年小別容顏近 萬里多情笑語溫 雲鬢霜袍剛奉勅 鳳簫鸞吹又朝元 絳河信是神仙境 官事何緣一例煩

携同仁泛舟環漢別墅集東坡前後赤壁賦中字得句

詩評

小立憑登望 長言託嘯歌 水周堂駕壑 秋窻露明波 睡鶻驚巢出 潛鱗掠影過 虛懷知地主 今昔樂如何 倚棹縱遊遊 山如揖我曹 松風答空響 蘭露洗仙毫 共此天光泛 疇安夢枕高 蒼茫橫一渚 霜葉下東臬 上下虛明應 波光正渺今 風裳披岸口 石坂抱巖西 且復留山酌 相將寄雪泥 幾人消月夜 藉甚羨幽栖 洞口是耶非 滄江興驟飛 觀魚知所樂 放鶴未曾歸 動桂飄黃粟 行盃待白衣 徘徊清况得 共識此遊稀

賦得人淡如菊得仙字

欲擬風騷品 束籬色尚妍 相於成淡契 好藉喻新篇 襟抱秋光豁 鬚眉晚節憐 是花之隱逸 與我以周旋 一枕幽聯夢 三生幻結緣 繁英羞艷冶 老樹襯華鮮

兀立形原傲高吟骨已仙眠琴人在否妙理悟無絃

菊枕聯句

秋懷何處著惺齋籬外睡鄉寬試擷黃英嫩如洋微
露白露殘裝來成角架時風製就學蒲團瘦影黃囊
並惺齋幽香竹簟安籃携肱罷曲如洋憤壓鬢疑攢
結束依屏短時風清涼怯被單扣函蛩響切惺齋繞
榻蝶魂歡酈水流移聽如洋南金色厭看不愁窗月
警時風如護帳梅寒搗謝青奴伴惺齋甘分楚客餐
高眠人自淡如洋薄采夜將闌三徑催成夢時風義
皇一例觀惺齋

七排十六韻祝周海山先生七十壽

南極騰輝麗慶霄台端耆碩贊

詩課

熙朝祥增鳳紙

璇題煥候轉葭戾玉琯調宿望承華仰來李修齡蓮
島揖松喬榮披
賜錦顏逾渥試跨閒驄力倍超早歲清才我嶺雪壯
猷偉跡海門潮巉巖馬齒雲沈黑突兀鴉班浪助驕
寧止笑談神益王直憑忠信險俱消心符習坎躬行
吉德擬中孚性量昭青瑣迴翔餘卅載紫囊佩荷歷
諸僚絳侯厚重風原古細柳精嚴氣不囂露曉龍樓
瀉彩筆旭晴鼇禁珥豐貂春明珊樹平收網江介星
芒屨射軔未羨相如還蜀日欣逢中伯降崧朝經庭
枕李新鋪蔭虎榜荆棠並茁條九醞濃香分竹柏八
琅佳奏和鈞韶扶鳩佇祝偕千叟更被

龍光賦蓼蕭

詠南天燭

漫向篔簹谷裏探離離丹實氣鍾南珊瑚穗重靈遺
網鸚鵡籠低莫誤含火齊休誇珠累百歲寒好待友
成三最宜裝點橫枝雪不是荃熙畫定慚惺齋
細簇猩紅翠滿筵近移磁盞傍窗南青燈映壁風
初颭朱鳥窺簾雪正酣訝許榮煌多結穗諒因繁
衍兆宜男清宵對影圍爐候論斛量珠一笑堪

張時風

磊落丹房雪後酣相思佳種漫同參珊瑚東海收
珍網瓔珞西天現佛龕千秋英留鳳啄上闌春
色借鶯含誰能裹飯遊仙去萬顆晨餐齒頰甘

詩課

汪如洋

戲詠墨硯

長四寸濶二寸硯形而墨質
巧製一丸子名兼兩邑侯就模陶豈寡匪石鍊彌道
易地惟材稱同功乃性侔含章歸醞釀守默謝劉鏤
挹注酌壘液消磨繼晷油研朱空想結比漆暗神投
銅瓦雕嫌軟金壺灑欲浮暖融焚定易濕化洗先愁
不凍元雲翳非坳翠汁留搗成真似白點處莫疑糝
理悟當身具工因踵事求擬增還訝減如發却仍收
積笑後來者穿堪計日不池開應染黑膠滴已凝漚
愛惜耕深淺商量壽短修二難欣合轍九錫並稱優
舊譜緇教徧層巖斷最幽澄泥汾水碧涼露未央秋
筆陣傳新樣文房信畵傳螺紋初出乾龍尾宛蟠漱

相著知無間交融若與謀勢誰分主客體可辨剛柔
古錦經年貶寒星幾道周切磋端所賴珍賞過琳球
慈因寺方丈小集詠物八首

樓拂

涼颼拂袖靜中參妙諦端須對塵談指授心傳開葉
五驅除炎序伏金三暗招雲氣常樓衲欲散花香定
是曇挂近碧紗塵早却清言大小試教探

甃泉

汲水通泉潤蘚乾曲池甃引碧流寬篔簹紋畫捲風漪
活潭影晴散雪竇寒嬌燕蹴花縈細穀織鱗吹藻漾
微瀾珊瑚遲客松檣下擬作山陰墨沼看 惺齋

焦扇

詩課

剪綠居然月樣描輕於白羽嫩于綃雞窗倦握臨
書暇鹿苑微揮引夢遙雪意滿襟圖點淡雨聲連
夕聽飄蕭何如小生紗攏碧舒卷濃陰自在搖

繩牀

移榻涼陰就樹支茶烟微颼鬢邊絲風侵輕篔簹
紋細月映疎簾薜影垂欹枕未妨頻偃仰結跌深
藉寄栖遲碧蒲八尺臨秋水猶憶荷香入夢時

汪如洋

木魚

一聲聲裏應啁啾間和華鯨聽不清激節逗空松
響雜緩音破寂竹風敲香臺乍警禪心定幽枕初
醒旅夢拋相質笑餘朽腹在枯鱗無復伴鼃蛟

盆松

蓄縮虬松勢欲韜淺栽磁盎結根牢春陰近砌留
蒼雪古色侵衣瑩綠毛抱節隱含十尺勁凌寒深
藉一坏高偶因檢點新枝長度檻風微引細濤

張時風

簷竹

綠映閒塔曲徑深六時窗外憂清音捎雲早具千
尋勢寫月纔分半畝陰此處真如窺淨色箇中佳
趣寄虛心寶陀巖下烟凝紫培護根塵認故林

魚缸

買得瓷罌貯玉泉游魚逐隊漾澄鮮微風淡池荷
錢小止水空明月鏡圓欲向壁池窺法相如從芳

詩課

沼問文淵偶看澆滴忘機處不減蒙莊濠上篇

修仁

戲詠紫竹烟筒

剽取蒼巖紫玉枝此君香艸館相思不須求艾三年
蓄已有通犀一點知彩管夢回輸間色青藤步罷伴
支頤晚窗鎖霧閉金鴨漫學商歌但詠芝

連宵聽雨偶拈唐人喻鳧監試夜雨滴空階詩

即次其韻

夜讀何人聽花黃今歲槐漫驚聲在樹暫失月移階
送響蚊雷助黏泥蟻蛭埋三更連折卷一亂入琴齋
振觸銅壺咽低徊竹枕偕明當邀霽色高卧契無懷

惺齋

虛堂不受暑暮雨散風槐驟響斜飄瓦繁聲直到
塔江樓雲氣入山徑月輪埋暗悄聞蛩壁涼喧聽
瀑齋擁衾殘夢共剪燭一僧偕何似西園夜清吟
為寫懷

汪學金

深巷繞傳柝南柯早近槐吟魂栖短榻清響墜涼
塔檐角風鈴靜庭隅翠蘚埋濯枝占候驗和漏警
心齋鷓鴣侵尋溜蛩音斷續借幽居無俗韻即此
愜虛懷

張時風

賦得風定池蓮自在香得蓮字

涼生殿閣度薰絃風送微芬萬朵蓮輕影不翻承葉
露妙香無礙散花天本來清淨存真質纔過刁調悟
靜緣臭味同時君子德聲聞寂處上乘禪遙知巢穩

詩評

五

雙棲翼恰共茶浮半縷烟墜粉千房紅瑟瑟開簾一
鏡碧娟娟月明倚檻含情遠人在披襟得句先定有
彩毫酬百和芙蓉淥水兩新鮮

惺齋

得風字

銀塘芳靄度濛濛知是蓮房乍過風萬柄倦翻波
漾碧一枝猶颺影搖紅心情淡勝披襟處鼻觀香
來悟鏡中隔岸雨聲秋瑟瑟穿簾花氣月朧朧池
萍半約浮踪定窗竹停敲爽籟空茶鼎夜深烟縹
緲銖衣人靜玉玲瓏神從妙遠參先透境到清涼
夢已通持擬芙蓉初日向十分摹寫恐難工

李堯棟

得香字

游絲低胃晝初長靜裏微參鼻觀香已送晚風過
竹檻却看秋水漾蓮塘簾波淺隔亭亭態鏡彩輕
搖淡淡粒欲往從之烟一碧更無人處月初黃禪
心只在空濛界詩思遙尋縹緲鄉籟寂渾忘幡影
動溪喧翻覺擢歌忙花耐遠浦三分雨夢繞虛堂
四面涼合證淨因飯法座芬陀還現寶鬢光

汪學金

花間堂拈詠分體

曲屏半掩水沈瀉亂點瓊蕤媚初夜輕飏罷揮眠欲
遲幽香滿庭雪滿枝水魂宜熱欺梅信又壓薔薇上
雲鬢詩人為解青絲囊縵華疑散維摩場右茉莉

惺齋

詩評

六

櫻枝抱玉怯微暄久愛佳名在茜園開向北窗涼
雨後妙香清遠悟禪根
平池綠水繞花莊搖漾幽芬近月塘地鏡有圖占
瑞色越桃偏點一林黃

簷蔔依檐氣味親就中刻劃更紛陳芳林何事標
繁艷六出新紅易染塵

張時風

閩海傳佳種相江契遠襟數莖開冉冉一室護惺
惺欲夢神先澹忘言意轉深佩遺塵外賞操寂谷
中音潔擬水圍座虛憐竹覆陰無雙超國士本色
悟禪心畫譜宜鈎墨詩盟合斷金憑誰移謝砌玉
樹映清森

汪如洋

蝸牛用塞曉亭詩韻

求仲且喜殼隨軀漸進應殊臂抗車日下豆籬邀蚓
笛烟封薛壁學地書招非牧豎多何擇刀奏庖丁技
總虛問爾浮踪能致遠江湖滿地一蘧廬 惺齋

附錄原作

露澤雲陰總潤軀升危負重類耕車一生踪跡殊
多事雙角崢嶸欲挂書早向朝昏分出處會從枯
槁信盈虛此身到處皆安宅我亦因渠愛我廬
雨餘差可託微軀不學蟠泥學曳車犄角雖成窟
解門漏痕小似詎云書奚須燥吻齊援上終委枯
腸等寄虛輒想山僧安隱法火牛繫定結瓢廬

汪廷瓊

負殼穹然寄一軀幾曾負輓引沉車沿階蓄縮如

詩評

依磨篆壁縈紆似吐書犄角有時爭傑豎印蹄無
跡躡清虛寢訛輸爾藏身好風雨何愁致剝廬

張時風

些子天然託眇軀江蚶海蚌漫專車盤成螺甲三
分髻學就蚪文一筆書未信雕蟲頭角壯劇憐抱
犢歲時虛水鄉莎草陰濃處烟雨牛宮記舊廬

汪學金

賦得雨餘初有一蟬吟

雨陣纔收潤滿林蟬如應候破輕陰歸雲徐散千重
謁晚籟初傳一响吟假物善鳴矜絕唱動人新聽異
繁音密藏綠緝晴猶嫩恰值朱明暑薄侵不羨村鳩
穿樹早漫隨宮漏出花沉露殘烟柳休聞笛響入風

松詎是琴寡和暫饒高韻獨多情緩逐小年深幸依
清近扶疎影常驗南訛十日霖

慈因寺太湖石

空王無盡燈地靈効真脈數弓琳宇開小步栗節策
罷參懶殘禪酷愛米家石摩挲慶佳遭剔抉鶻狝獲
色顏宛肺垂影削類掌擘怒撐蹴獅座橫亘聳虎脊
幻形花跗鏤墮響星彩若虬蟠怪潭深羊叱仙室闢
蓬萊失左股萬華割遠蹠天工謝神剗水府湖淵宅
八十一穴巖三萬六頃澤濤痕浸空青霧氣滄虛白
質瑰璞韞流狀矯龍破隙傳觀乍樵人壓載偶漁舫
鼉輕海上程鷺棲嶺外翮高窳越由旬廣僅界尋尺
經幢對巍我法雨灑濛濛證因宜點頭匿采倏淪魄

詩評

頽然闕蒼鮮寂若孕丹珀街荒斷碑眠墻暗蔽帚擲
頗戴車轍繁疑傷蓮朶碧前聞述僧寮嘉話留講席
錫飛化城遙鉢付傳舍易宗風緬續薪遺語示臨簣
升沉各隨時出處會逢適即物悟去來尋踪誌今昔
荆垣葺蒙茸紺殿起赫奕埋經冊載餘輦致百夫役
愚公力移山趙氏喜完壁何年鑿混沌終古潤潮汐
劫憐恒河頻寶訝仇池亦插暎炬龍從挂月映婉孌
仰承松蓋寬側立竹箭瘠蔓延穿老藤貼妥護方礪
斑斑階卉紛泊泊甃泉窄紋絞變九面寒髓透兩腋
鐘魚宵激音椿蕙曉沾液德水資沃培福田過利益
甲張猛勢馴庚伏冷光迫茲辰選佛場幾緬濟勝履
善果印菩提清言款賓客華嚴貝葉繡般若竺文譯

萬梅熏梅林伊蒲饌香積探奇興靡涯餐秀翠可摘
丈吁得毋顛婦化或嫌僻幸哉淨土依邀與軟紅隔
洞壑信多姿烟霞好非癖布金結歡緣解帶鎮偉迹
聊補支許談更仿韓孟格後游拂塵封紗籠向重繹
戲詠竹夫人十六韻

懷抱含冰雪深閨久擅聲半床明月伴一枕楚雲生
苦節消磨盡虛心輾轉傾沈腰便瘦削湘淚染晶瑩
淇水思歸遠薰風引夢清幻離憐个个好合屬卿卿
鏤骨歡原密開襟妬早平此君靈解語彼美若為情
空洞靈犀透伶俜翠袖橫頗存林下韻差讓掌中輕
錦瑟長堪較桃桃笙倦屢更鸞鳳姿本逸松柏操俱貞
藉煖難娛老瀕秋漫背盟蕙裳騷客佩蘆被夜漁菜

詩課

九

巧拙多殊製炎凉了不驚平安煩報取對影慰宵征
定圃先生屬題李毅齋太常畫簞

能事當年屬太常冰紈猶拂硯池芳學人爭羨營邱
筆家法居然一瓣香

無多淡墨寫秋容粉本臨摹憶九龍王孟端一號最
好霜林纔落葉滿溪烟靄獨携筇

高情自昔鎮憐才書筇珍藏舊麝煤題取秋雲飛隴
首清風真見故人來

妙蹟摩挲儘覺宜自慚強附數行詩年時游藝輸精
到轉益多師信得師

雨中詠盆荷分韻

恥盜香泥移翠柄淺紅曲院初臨鏡雨聲乍至也解

喧卧遊頗憶蓬窗詠驟陣疑傾銀海翻微光宛戴雲
衣映畫閣分題滿漫催玉盤大小明珠迸惺齋

高荷方倚蓋驟雨恰翻盆巧逗千絲影偏成萬斛
源弄珠時不定擊鉢韻同喧莫作芭蕉聽涼芬泥
酒尊平 恕

滄雲不歸山蒼翠卷庭宇瀏瀏竹間風颯颯松際
雨中有菡萏姿灼若綠波吐託根老瓦盆移植恒
春圃汜露臨風長凝香當月午咫尺即蓬壺渺然
對烟浦陸伯焜

軒墀絲雨散芳叢磁斗輕盈映攔紅疊玉淨鋪青
菡萏跳珠細濺碧玲瓏香分畫閣清閒地夢憶華
池曉靄中移傍盆蘭差作伴翠衣纓佩御微風

詩課

二

玉井新移數柄荷綠雲紅裏遠清波却憐八九田
田葉偏受金莖雨露多張時風
持齋先生輓詩百韻修 仁

大雅儀型失層城計問傳暑風吹噩夢夕霧黯箕踞
絳屋師資憶芸臺講習專衣緇溫可即履屐動无愆
砥礪期千古因依近廿年含酸良有以迷德敢辭旃
公望西崑貴人攀北斗前方壺垂派遠黃海毓靈偏
築戟婁江盛弓裘孟里遷龍門聲價廣虎榜姓名先
巨浪瑰詞湧飛霞藻思騫瑾瑜光莫掩杞梓質尤堅
戊歲雕科闈奎垣壁曜圓搜羅珊瑚布翔步錦標奪
瑤島探花使瀛洲賜餅筵露濃釐禁筆旭煖鳳池輒

集試

形輝啟括題

御墨鮮班揚稱並鸞燕許謝如椽

睿賞羣才冠清街美拜聯承華需碩彥翊善領崇員

總角淵源記津梁嚮往度元龍樓易圮仲舉榻孤懸

謂大宗伯安州幸藉歲規勗相親軌範甄桂坊鑿款

洽芝館兀窮研際物暄回泰持躬潔佩荃修容殊藹

請卑論薄談談史業明陳鑑經疑奧抉鍵邢蒿嚴必

屏郵榴博曾詮午夜趨

朝火涼秋出塞鞭淀園勤襍被圍直緩弁復特品臨

川重隆譽頰郎延遂躋鴻列起迷改蝮踪陸日近槎

浮漢宵深炬擁蓮鑿坡真學士霜鬢老臞仙綸綺蕙

詩課

參要虞衡慎執權宏材韜壘輯茂秩羽儀翮紫袿囊

教佩青練帳穩眠

宸衷殷簡注使節賴敷宣幾曲驪歌送分携柳綠牽

高齋催進酒別驛渺啼鶉攬俗輔乘赤量才尺握璇

豫章豐幹采閩海碧波滄化雨因時溥祥颺著處扇

掄英更畿輔首善式垓埏霽宇頻睽隔文瀾自溯沿

驚峯推宿弁輝座理韋編謂少宗伯仁和接武情俱

密他山誼共卷彥章仍草制疏傳已歸田景仰靈光

獨追隨免苑便春韶過在苒霄路劇迴旋義廢憂難

釋萱摧恨忽填白雲吳會樹丹旒潞河船絕少留行

計惟籌繼見緣雁稀歸後信苔積坐餘璫丙舍塵勞

憇苦廬瘦影肢隙駒看袞袞窗草閱芊芊莊社無成

襟荆巖未琢瑤者奇誰課宇感蕩或吟篇今子康衢

駿 昌辰上第連螭坳洗策擅鸞掖蜀袍褰側耳聽

臚唱趨庭想緒絲蘭枝香沁骨蔗境喜盈顛鹿駕蒲

輪返鳩扶玉杖錫載瞻

顏咫尺弗憚路三千畫省鳴珂夏銅階漏鼓蘇廉頗

鞍矍鑠羊叔帶褊褊紀甲猶輸絳齊庚合引錢澄懷

論友道漳浦最華顛獲請裝初辨借藏意忍捐盟言

擬鷗鷺韻事寫朱鉛去夏漳浦蔡萬山先生繪澄懷

與其數亦揖讓香山侶道遙晉代賢南轅剛却軫東閣

恰差肩暮繪添佳話芬芳滿素箋挹輝聊几席馳興

宛林泉庾鼓神彌王韞房齡度不佞談詩頤欲解撫

帖手常胼杜律敲排細顏筋頓挫妍今來星換籥五

詩課

值月抽弦岑木雖增餌膚骸豈受孽僉云工葆攝那

分觸煩悁 冊寶鴻麻迂 陪都鉅典竣瀾編蒼粟

暈琬琤翠虬纏例遣儒臣奉於昭 國慶駢猥當廷

選屬空矢寸誠蠲暗室驚棲鵬枯株冷噪蟬世榮消

水鏡身累脫蹄筌倉卒永盤薦徇徨藥鼎煎覺原知

是幻寂亦偶同禪曾篋終何忝黔衾守克全諸生腰

挽經嗣息淚吞饅謂我從遊者能毋致慨焉音沉桓

氏笛調苦伯牙絃硯匣籠蛛網茶鐺鎖鶴烟寄哀憑

奠醑潔祀備柔痊位業蓬萊上精忱 魏闕邊臨存

同輩歎贈卹

九重憐祖祭悲官道銘旌慘暮天招魂還聞若揮涕

祇清然得句書無次濡毫哽在咽平生香一瓣竊願

表遺什

環溪別墅觀荷

夏伏苦溽蒸餘威火雲煽佳約聯纓簪幽賞涉郊甸
重訪清勝園密邇招提院晨曦隱蒼涼宿露潤葱蒨
門開入林坳徑折逾陂淀輕橈劃淺流迥岸俯修堰
揖階叢筠森蔭檻樛木冑紛携舊雨繁如過好風便
茲溪若玦環厥土實沃衍平波五滌泗淨植穿組練
居惟誅節宜雅稱栽玉徧田田葉橫敷瑟瑟蕊爭炫
白羽搖纖纓紅衣颯芬綸周遭胸羅星條閃目生電
芙蓉匝鏡奩翡翠拭花鈿列同羅幔張燦若綉袍袿
斜牽夾苻帶低拂亞批扇麗日透千層明霞散一片
直視景不移迴矚態屢變蠅祛乍瓜削蟹沸俄茗戰

詩課

三

軒墀竹內陳俎几珍羞薦沾唇傾碧筒摩頂脫瓊弁
結社有禪僧依幕總詩彥錦裁鳳毛箋沫灑龍涎硯
點筆文通毫織詞德祖絹寨棠緝楚騷貼地步齊媛
綺語趣亦佳沉吟久忘倦轉徙隨攀躋登頓恣眺眄
亭隅傳崇基樹外引迴漩前曳華旌移後擁寶蓋殿
太乙凌空浮如來隔座現恍疑咒鉢滋掃盡吹浪濺
徘徊水烟鄉俯仰邱壑戀別墅懷謝公甥才婉景情
板輿奉春暉白華潔常膳想當博慈和長此勤葺繕
雅尚洵逸羣嘉娛足增羨印證不染心披豁本來面
君賦續閒居客詠極歡醺歸携自在香描寫展畫卷
次金圃先生觀奕即事元韻即餞之兩江典試
俯檻涼雲動遠情暫留款語更敲枰坐移水簟澄心

久言比蘭薰覺趣生別墅東山名早擅使君玉尺望
逾傾宵來聽雨懷行旆為盼銀河應候明夕前一吐

即事成吟羨藻思一簾茗椀鎮相宜眼中黑白分塗
熟象外方圓取格奇花院聲聞星散秋燈夢擊手
談時晚楓驛路江城短雁侶如繩指後期

七夕前二日過慈因寺偶題

隣巷疎鐘逗晚烟安心未穩默逃禪竹風靜答珂聲
緩螢火斜侵扇影圓拂塵涼生龍樹底曝衣夢遠鵲
橋邊秋光只合天街踏眉月催將

禁漏傳是晚將赴禁直

詩課

五

惺齋詩課

Blank lines for the 惺齋詩課 section.

香

林

新

萃

集

韻

光緒辛巳秋中
鄭傳流署



五册子
五册子

昔盛宏之有荆楚歲時記韓鄂有歲華紀麗馮應京
有月令廣義皆據時令以徵典故而騷壇吟事未聞
有專詠節物者武林吳太史乃出新年雜詠一編見
示太史與其友舒子黃子姚子項子及令弟六人同
作者也發而讀之覺熙恬景物宛在目前而才情風
調之美豐蔚麗鴻高華卓鑠誠足以黼藻隆平可謂
事辭兩稱者矣余嘗慨夫詩家大病總坐畫肚無書
撐腸無字是故翻空則易奇徵實則難巧每見一著
題詩反以降格爲疑遂致無人不可有詠懷開卷動陳
感寓究之空疎相蹈襲張甲之帽趙乙亦可戴也孰

新年雜詠序

一

若詠物著題詩必稽典籍必按隊伍迴非高心空腹
之子所能假託者乎若乃詠物而限之以時令則徵
實彌甚所題所詠似不越乎涂巷之間而一時可以
爲職志焉後世足以資攷覽焉華陽之士女陳留之
風俗播諸聲韻諧以律切所謂國史明乎得失之故
而太史采詩以觀民風者將於是乎在讀書人之可
貴不由此哉余平素稱詩必先多讀書而江左風尚
輒好空運惟武林多汲古士六君閱博都雅尤我臭
味也此編特其碎金耳然亦足以見理不空綺言皆
有物矣且彼周密吳自牧之所述或偏安而局於一

隅或桑海而追維昔夢孰若我

國家景運全盛杭城名郡繁雄適得六君之鴻筆以
發搗之余謂此編一以勸學而勵空疎焉一以觀風
而揚盛美焉喜劇而著之簡端同學弟吳郡西莊王
鳴盛

新年雜詠序

二

間之三微七始首重元正上之朝堂則有班賞稱壽之典下之閭里則有卜歲饑臘之俗崔氏月令立春食菜意取迎新新年之名其權輿於此乎吾杭自宋留都而後人家正旦有粉荔蠟燕之遺風加之士女丰昌習尚華麗

聖人在上養之如春生斯時者服風獻暄優游無事采靈花於上日制柏酒於頽齡風光不異人情亦同真太平之盛事也爰有說經稽古之儒盍簪而會親製銘而傳坐文可送貧意求如願采掇近事作為新詞合六人得百事成詩百四十首自授時頒朔之鉅

新年雜詠序

三

至薰盤膏粥之細無不具者體物既工而言情亦勝思深哉美乎其觀止矣在昔鄉先進入社之後有桂堂諸老感懷節物新醅輒火雜見於篇詠今六君子者方乘朝氣無遲暮之傷與前人固異夫神明推移精華結紐者春之謂也前史所稱孟春之月行人振鐸以采詩若此雜詠之作其神明其精華如鮮雲條風流布遠近異時太史陳民風而進於朝是六君子者將載筆授簡奏為雅音和上壽之歌進宜春之帖以是卷為先聲六聲六十聲更唱迭應將於新年始已光垂老無歡時日虛過雖欲補夢梁

之別錄續武林之舊事力屏不任無能為役然追惟疇昔未免有情若以膠牙藍尾飲食之者則老饕健在於六君子未之肯讓也

乾隆四十年正月補天日梅東里人顧光撰

新年雜詠序

四

新年雜詠總目

舒紹言字懋中一字古廉仁和人詩十二首

黃模字相圃一字書厓錢唐人詩三十二首

吳錫麒字聖徵一字穀人錢唐人詩三十二首

姚思勤字汝修一字春漪仁和人詩三十二首

項朝菜字聚賢一字蓮峯仁和人詩二十首

吳錫麟字洛書一字箬村錢唐人詩十二首

新年雜詠總目

一

回首辭家卅載餘舊鄉風土夢華胥卷中重認新年

景卻似初來占籍居歲時荆楚記曾繙那得清詞擬

露繁韻語編成謠俗備采風良足待輶軒湖山儘遣

幽奇探城市誰將瓊屑誇爲有春華助搗藻一時點

筆細搜爬太平風景共優游南北逢春假日遊愧我

當年文酒會拈題只辨詠春毬已卯在都讌集分題

不及百分曾詠春毬於集中乃春臺勝賞寄清酣六琯雄鳴鳳律含仁看

聯翩登館閣元正

錫宴紀傳柑天生史筆濟詩才碎事聊憑試翦裁董

浦葭林都下世主盟喜得涑園來海住金姓

新年雜詠題辭

一

少小聞新年心喜如噉蜜先期僕指數遙遙恐難達

美服製綺紈佳果聚榛栗擗蒲每卜夜歌吹幾匝月

邇來貧與病唐麻欲不設況復馬齒增愈嫌駒影疾

撫景輒心驚何暇追歡悅諸君鬪辭翰年富興方逸

搜尋風俗通欲補小正闕讀之眞失笑兒嬉如昨日

乃知春色迴只在才人筆安得倩青陽爲我染華髮

丹徒王文治

條風乍轉一番新簪綵同爲壽域人綴玉聯珠歌淑

景待看帖子進宜春舊事武林曾有著歲時荆楚久

成書物華紀麗翻新樣好與西湖續志餘小樓臥聽

賣歐蘭棖觸前塵感百端垂老尙思爭鉢韻一杯婪
尾詠辛盤又添麻尾十三年節物驚心紛眼前紅紙
賀正非我事太平簫裏樂

堯天槐塘汪沆

繡袋牢盛押歲錢絲絲細裊打春鞭一番節物從頭
數六客才華異樣鮮羅餛釘薦盤筵臨安風俗有遺
編只應蛟柳通梅在我亦將家住十年右調思佳客
古歛汪立

新辭新籥兩相借賀客無緣涸等儕盡斂青陽歸筆
格先看紅豔發吟懷歲華西蜀難專麗節物中吳不

新年雜詠題辭

二

厭俳未到踏鐙三五夜雙鬢宛轉唱春街晴江翟灝
祝富貴鞭聰明筆尖落處春風生均調律呂鸞鳳鳴
吹花孽柳香滿城笑酌屠蘇傾翠筍百事吉利那般
者途歌巷語亦關情譜入春牋總妍雅老輩風流盛
往時花齋齊唱踏鐙詞聯吟別具翻新格如意珠穿
五色絲山舟梁同書

越地春回早東風湖上香新年添勝槩遺事問遊航
才子乘時出輕衫檢韻忙昇平原有象圖寫答韶光
感我尋芳晚來過三月天鶯花餘麗景絲管負華筵
夢逐羣仙會吟酣元日篇他時春帖子賡和叶

虞絃華亭王鼎

小試迎年筆聯吟節物真古杭添雜錄月令志齊民
吉語都沿俗華辭足歷春上元曾有紀故事喜翻新
秀水蔣元龍

物阜人和月復閒太平摹寫貴辭翰翰將題目翻新
做要使年頭帶笑看一編鼓吹叶金絲千呂東雲乍
見時不是杭州當日曲新春樂府國風詩松老丁伶
迢遞西泠有素知蕭齋鎮日坐相思寄來一卷宜春
帖恰配同人銷夏詩雲開同人近歲尾年頭徵故事
吳歛越諺鑄新詞無端牽我三生夢多半鄉風憶昔

新年雜詠題辭

三

時禾中汪大經

歲朝喜見物華新雅詠能回萬象春不為武林傳舊
事直同要術補齊民西湖繼和聯雙美西湖百詠宋
陳贊依韻和之南宋分題萃七人前輩樊榭諸先生分詠南
卷七此冊粉榆添掌故太平風俗頌真淳古緣嚴果
武林六君子正月遞吟筒欲補歲時記須知風俗通
方言訛穀乳俳語隱胡囉不盡年頭事蒐羅五字中

雲間張寶鎔

花農昨返西湖棹示我西湖六子詩樂事叔禾箋未
盡上鐙風裏寫烏絲芋郎君與花師子遺俗多從南

渡傳山色湖光無恙在試新詩詠太平年
物換一年人詩人不厭頻漫推鄉俗始分占歲華新
格韻梅花瘦形容褚葉真眼前成一笑短鬢好禁春
雪廬陳嵇

收拾消寒讌嚼梅花吐將春色香生几
歌吹鬧都爲吟場布演更休說耍兒事件瑣屑米鹽
書太史況鄉風一一堪留戀五雜組壓金錢頻年拚
作西冷伴偏逢著放魂時候烏蓬未喚冷落東風應
笑我杜牧尋春遲慣早不信遲來賞遍一卷黃梁曾
錄夢夢昇平何似身親見數樂事茲篇冠右調金縷

曲秀州汪大綸

新年雜詠題辭

四

獻歲共娛嬉詩家鬪勝宜西湖春事早南宋土風遺
麗景催新句華賤餉故知他年火城裏應憶釣遊時
全椒金兆燕
傳坐傾芳酌紙盆煖高閣熙熙太平人共樂新年春
春風復春日瞥若過羽疾烏啼花亂開由此詩句催
催來試相較聲色究誰好小迂倪印元
韓送送不得賈祭詩祭難默灰堆打了如願來哦
成妙句燭花醇醉一盞讀一章且讀且飲歌聲狂李
甜酒盡除漏忙椒盤守歲戎家裏癡跌叫賣老翁喜

履新壽全盛時風流才子太平詞百藥陳寅
春來燕喜迎芳歲共灑清辭紀物華新事授君誇絲
筆舊題任爾賦驚蛇鈞天樂奏初翻曲勝地名傳獨
振葩醇化譜奇賒月令古杭餘俗占休嘉嘉樹倪一
擊

荔粉錫香春人送老堪禁幾度新年回首故園景物
怕付雲烟喚起桂堂社客圓毫描就小鄉天吹不管
鷓鴣笑倒网兩圖全評泊夢梁賸事算踏鐙時候費
盡蠻賤同是登臺老子戴勝吟仙一醉青囊綠果公
榮不與歎余偏何時便座連袂促學譜烏鹽右調慶

新年雜詠題辭

五

清朝慢竹虛孫錫

開門先喜得甜頭好語還從荔柿求三日年朝四日
節十分打扮是杭州黃公緙句十五團圓月正明踏鐙齊
上大街行清辭寫出豐年樂壓倒當時杜孟平西湖遊覽
志餘杜孟平有看鐙詞十五首杭人稱之筠洲宋永
春漪姚子余比鄰示余一卷佳詠新卷中作者六逸
均筆花共灑陽和辰惟春王月樂事頻就中瑣屑難
具陳諸君得非好事人繁徵博引談津津我曾十年
遊八閩目中少覩家鄉春得於紙上遊心神惜哉無
分攬吟身尋常節物著簡筠椒花柏酒陳陳因始知

後古作詩訣爭奇只在祛陳說似此方不負新節小
泉高家驥

元旦元宵次第過吟成百事費搜羅出新詩思偷新
格妝點年光爾許多和平辭旨答昇平年事都將樂
事迎試向天官書裏覓便如候歲聽宮聲消得宜年
酒幾壺欲連屏障寫為圖紛紛錦綺裁華勝得似諸
君綵筆無太平鼓打

帝城春踏遍東華十丈塵舊雨客非今雨客新年人
是去年人絳甲看週百廿期六家番迭闢妍辭敲春
來與辛盤會可許分曹共燃髭繡水沈叔挺

新年雜詠題辭

六

長命杯傳醉百巡分排麗句紀頌春歲朝圖裏尋常
見那及拈來事事新麻頭大小數年朝寫出
熙朝樂事饒連袂東風傳唱去太平鼓叶太平簫隸
事須將故事除兒童解識也軒渠宜春帖子翻新樣
鞭得聰明總不如四水潛夫紀述強耳新掌故各爭
長從今傳坐添徵令算作宜年韻字箱鎧市前頭付
蹋歌一時吉語盡駢羅沈吳南宋詩編後六子才名
較更多秀水沈珏

武林新年雜詠

時憲書

黃模

正朔奉

君王頌書及萬方始和行政令列宿煥文章日出山

河遠人生歲月長重添花甲子

聖壽頌無疆六十花甲奉

吳錫麒

憲章遵

御製欽若授人時令布三千國年編十二支錦裝新

新年雜詠

一

織鳳官篆重盤囑一卷從頭看春風百事宜

宜動土即有不宣動土凡畜牧移徙種植婚嫁
等類無不皆然獨有宜入學並無不宣入學可
見無日不可學悠悠姑待坐荒歲月豈不可惜
姚思勤

月令

皇王憲天官太史書九州分節氣萬事有權輿紀協

隨方辨欽天監舊有選擇通書以訂其繆經從解角疏廉

改解奉 旨授時明庶物不比註蟲魚

張漁川詠時憲書詞珠殿頌初書棚懸後行行
也買開編春早又冬關隨年換糊窗帖繡故紙
拋殘問兒女多拘泥爲上頭穿耳送日偷看那

得此身重見花甲循環卻笑蟲魚草木剛名
月令管喧寒闈郎返檢逢歸忌又蹙眉山

迎春

立春前一日官府迎春出土牛行芒神士女縱

觀爭擲五穀田叔禾西湖遊覽志餘所載今亦

相同

黃模

東方千騎回鼓吹沸成雷牛擁芒神出春從太守來

歡聲齊撒穀淑氣早舒梅散入閭閻裏芳樽處處開

西湖志至德觀在吳山上俗名太歲廟每歲迎
春奉句芒之神於此 嵇宗孟詩康衢車馬紛
從太守來

新年雜詠

二

姚思勤

曉日蒼龍駕迎來動地歡綵泥裝太歲紗帽演春官

春官舊謂之街道士今俗著
紗帽絳袍補子繪畫黃矮茶浩蕩東風大陽和

帝澤寬今年臺閣盛夾道萬人看

張卿子迎春曲序迎春日胡仲修汪然明邀余
陪韓太史踏歌里門是歲綵裝臺閣甚盛至宮
花報喜一馬上
兒萬日競注

小春牛

立春日民間以小春牛相餽綵杖耕人略如古

制

頂朝菜

具體牛何小搏泥餽送忙支干從配色上下可占鄉

亦塑耕人貌還分綵杖香當時陳百戲雪柳映花裝

困學紀聞土牛之法以歲之干色為首支色為
身納音色為腹以立春日干色為角耳尾支色為
為脛納音色為蹄景祐元年以土牛經四篇頌
示天下丁度為序廣羣芳譜占土牛頭黃頰
熟身主上鄉臨主下鄉東京夢華錄立春日
百姓買小春牛往往花裝欄座上列百戲人物
各相餽遺

春牛圖

陰陽家印圖年前分送上載時日支干下繪春

牛中書太歲姓名旁載地母經流耶詩劉克莊

詩云今年臺厓無人奇且看村翁壁上圖則其

新年雜詠

三

來古矣

舒紹言

宛若牽廩至原非誤筆成幾龍能治水圖中有幾龍
治水幾牛耕

地語皆以正月初所
值辰丑日按算十畝待深耕誰用神仙日兼標太

歲名所欣驛且角流覽有餘情

吳錫麟

已見土牛鞭披圖狀儼然多應老壁上何事送年前

地母經能驗流耶詩共傳莫徒畫裏看藉爾力吾田

張卿子詩我愛田家屋新春酒
滿壺倚牆農耒器掛壁土牛圖

迎神

除夕備迎神至元旦燒紙開門見吳自牧夢梁錄今神號曰新歲迎神

吳錫麒

送舊復迎新除夕燒送神紙迎新仗爾神年華如過客天地又回春爆竹開門早椒花酌酒頻還看迓福者綵帖慶元辰新歲多以紅箋書迎祥等字貼門戶間

項朝茶

歲神迎自昔酒果肅然陳吾道能求福人情但喜新嘉祥開百室享祀協元辰欲問神來處東雲一片春

趙世安仁和縣志元日接竈畢次迎歲神注太歲司一歲之事故以元旦迎之

新年雜詠

喜神

元旦燒吉方喜神紙向方而拜凡出行者先兜喜神方然後隨意命駕吉無不利云

黃模

喜自人心發還知主者不令公諸事遂從我方兜吉夢生麟趾宮花報狀頭圖形誰拜祝風過落鐙收

金介山有落鐙後收喜神詩

姚思勤

吉曜隨方指迎禧在履端圖開還用算時憲書有喜神方位圖兜轉不嫌寬不由徑者俗暖噪檐頭鵲春翔鏡裏鸞

和風吹動處送喜到門闌

查止齋詩枯坐何勞算喜神

青龍馬

鋪家以紙馬挂招牌上謂之馬者天香樓偶得云以此紙為神所憑似乎馬也神作雙像號曰青龍吉慶

姚思勤

俗以神為馬輝煌金碧容年頭多好日開市燒青龍紙謂之做好日市口見青龍左壁行春早杉牌列肆重萬回哥在

否一笑更相逢

新年雜詠

五

西湖遊覽志餘貼青龍於左壁謂之行春錢唐遺事臨安居民祝萬回哥哥其像蓬頭笑面身著絲衣左手擎鼓右手執棒云是和合之神按今俗並祀兩神則曰青龍和合

代圖

歲終懸祖先像新年晨夕設供至落鐙而罷金介山落鐙夜收神子詩若非除夜何能見纔過鐙宵不可留自註俗稱祖先遺像為神子今謂之神姿其三五世合繪一幅者則曰代圖亦曰三代容五代容

吳錫麒

祖祖更宗宗高瞻遺挂中簪纓傳奕世色笑儼春風

半月辛盤供連鄉甲第同新元看聚拜蟄蟄賦斯螽

戴昂新元聚拜詩履端來聚拜和氣
洽昌辰繁衍如今日栽培豈一人

姚思勤

俎豆高曾在圖開影逼真五傳君子澤一度畫堂春
不有摹神手誰為看面人試鐙鐙又落來歲復相親

厲樊榭杭可庵遺像記古者人之於親亡也
為之旗以識之為之重主以依之為之尸以祭
之至漢氏以來乃有畫像雖非古制實寓生存
遂相沿不能廢宋之先儒有恐似他人之議則
畫手不可不工也 朱鹿田元
旦拜先像詩感舊應添看面人

接竈

元旦接竈俗謂竈神於臘月二十四日上天奏

新年雜詠

六

人閒事至是始歸也其神號曰東廚司命

吳錫麒

司命歸來日神牌婦子迎竈牌上銷金紙
馬一歲一換黃羊仍歲

供黔突喜春生如我炊常斷知君職亦清笑斟椒酒

獻聊為解餘醒

范石湖祀竈詞乞取利市歸來分黃羊祀竈
見後漢書陰識傳 東京夢華錄都人至除夜
以酒糟塗竈門之
上謂之醉司命

開門

七修類藁載仁和沈明德元旦螻戀花詞云接

得竈神天未曉爆仗喧喧須要開門早又俗傳

吾鄉項霜田有拜節黃鶯兒四闋首云接竈便

開門

姚思勤

爆竹響如雷千門萬戶開歡聲喧里閉堯色滿樓臺

題鳳何人去登龍幾輩來庭除先整潔無事掃塵埃

通考元日不討火不汲水不掃地 仁和縣志
元旦前一曰灑掃庭內 汪上湖守歲詩俗掃
地 隔年

門簿

賀客沓至設門籍書姓名簿籤標曰留芳或曰

題鳳鋪家設籍門外以紅箋束蔥莖松段壓之

新年雜詠

七

取蔥龍松茂之意云

黃模

大名標甲乙賀客請同登誰忝金閨籍看題絲筆能

一揮旋踵去五尺豈須磨莫漫留詩句防他裂紙騰

朱竹垞劉溥傳劉溥里人劉珏藏有終南山進
士圖際歲除溥題長句其上珏懸之中堂明日
賓客賀正者爭裂門籍紙寫
之而去珏笑曰此耗紙鬼也

吳錫麒

來本同凡鳥何煩更款扉但題名字在不問主人歸

閒以登堂註誰歟代筆揮有己不至而倩人代書者

盈川工點鬼對簿莫相譏

周心羅門簿詩推排甲乙依新歷此例春秋
仗小胥點鬼不勞勤吐握求耶何必盡遷除
拜年

月有閒名而拜節則忙甚鮮衣炫路飛轎生風
靜巷幽坊動成闐市雖終歲不接者至此亦往
拜其門翟晴江用宋人身是舊時王謝燕一年
一度到君家句嘲賀歲客亦雅謔也薄暮謂之
拜晚節初十外謂之拜燈節諺云有心拜節寒
食未遲

黃模

家庭稱慶後人客已盈門一度春風到從來戚誼敦

新年雜詠

八

何煩留刺字失笑誑司閤莫便恩恩別金壺酒正溫
歐陽廬陵與梅宛陵書承見過仍留刺何煩老
兄如此汪桐石元日俳語迎神繁禮庵前袁
卻容諒辭閣外奴頂霜田拜節
詞翰躬深來到便是澹酒兩三巡

姚思勤

香閨人早起也為賀新年履吉弓鞵換催妝歲燭然
勝常稱再四利市乞團圓好待年朝過俗稱元旦為
大年朝初三

為小歸甯拜膝前
陳迦陵元月詞拜罷勝常臉潮渾似醉尤西
堂拜節除夕詞更有一情郎講取團圓預乞明
朝過小年朝問亦峰詩爆竹連聲聽不厭大年
甯讓而御之月令廣義李展治家嚴肅女適

拜節帖

紅單帖書姓名曰某某拜賀例無稱謂有之則
新郎具簡賀妻黨耳項霜田詞云理拜帖叫人
跟眷侍教生通家晚生沿街亂遞忙前奔又不
但新郎用稱呼矣

黃模

綺節交相賀人情紙半張紅單飛遠道不親到而遣
人投刺謂之
飛白簡答新郎新郎致賀用白全帖為
地脚隨名注
帖尾署曰住某
處謂之注地脚年頭為汝忙不知書刺者誰得似蘇
黃

新年雜詠

九

拜年向用古簡今則易以紅單見堅瓠集
止齋客中述故鄉年事詩弄孫親手教花鼓
子分頭答賀箋老學庵筆記元豐後盛行
手刺蘇黃晁張諸公皆手書今猶有藏之者

史錫麒

履端循賀例投帖滿朱扉門巷何人到春風一紙飛
盈車真可載大字欲生輝我抱井公意年來刺已稀

文衡山詩不求見面惟通謁名刺朝來滿敝廬
我亦隨人投數紙世情嫌簡不嫌虛清波雜
志至正交賀多不親往有一士令人持馬銜每
至一門減數盤而留刺字以表到有知其語者
出視之其僕云適已脫籠矣郭泰載刺常盈
車并丹未嘗修刺候人俱見後漢書
賀東詩書將大字偏官
樣豔說新科及第家

拜節錢

160/10

黃模

金錢纔壓歲又見繡囊新出手豈無貨俗以見面錢為出手貨

折腰原有人禮因佳節起情與孔方親以此娛童稚何煩再拜頻

王茨檐除夕詩不惜金錢分壓歲 張鞅青壓歲錢詩年時娛稚子亦藉孔方兄用鎮將除夜聊酬再拜情迴環朱纒結珍重繡囊盛記得垂髫日摩挲笑壓生

燒香

吳山城隍廟及本里土地祠年初皆往炷香天竺尤盛丁龍泓元旦天竺進香有句云似馬促鈴消雪水如魚逐隊進香人寫景如繪

新年雜詠

十

項朝菜

十廟香同點明妝小隊來結緣供茗盒以茶果待香答謂之結緣

隨喜步蓮臺絳蠟燒春熟祥煙逐殿開氤氳攜滿袖

更欲贖香回俗有燒回頭香之例

厲樊榭武林踏燈詞闢蠅叢裏鬪新妝去點吳山十廟香

開井

除夜封井至新正三日獻糕祭酒以開之謂之

接井泉童子

姚思勤

勿幕占元吉開甯三日遲銀瓶齊曉落玉鏡愛春窺

百井傳名地吾杭會城自李長源開設六井後錢王又開九十九井今有百井坊巷在西城

千家受福時吹簫聞有女童子爾何知

張漁川封井詩冰鏡沈寒鬢銀瓶臥晚階明年試初汲昏眼要先措 緡柳編少昊母皇娥璇宮之側有井曰盤靈白帝之子與皇娥宴於宮江妃歌而井神吹簫和之故號井神曰吹簫女子

上墳

獻歲攜肴饌展墓謂之上新年墳亦曰拜節墳

黃模

松柏春逾茂家上冢行紙灰飛蛟蜨佳節似清明此祭甯非古空山亦賀正食糲分餽後一擔夕陽輕

新年雜詠

十一

牀公牀母

鐙夜祀牀薦雞子粉圓寸金糖兼設茶酒俗傳

母嗜酒公癖茶謂之男茶女酒而魏嶸錢唐縣

志惟載除夕用茶酒果餅祀牀神以祈安寢云

黃模

誰識同牀夢君其主夜神玉堂文格在繡戶果筵新

侑以詞雙疊因之酒一巡錦幃風欲動更請酌夫人

婚夕拜堂俗有枕頭羅帳夫人視號

同話錄崔大雅在翰院夜直玉堂忽有內降闕文字乃祭牀婆子文恍然不知格式或問於周丞相翰長云但如常式皇帝遣某人致祭於牀婆子之神曰汝典司牀奠云云 張鞅詩祀牀

婆詩歲祀牀婆于深宵酒果芬
焚樹除夕祀牀作沁園春詞以樂神

姚思勤

公豈渴睡漢母真春夢婆無妨牀下拜笑問夜如何
竹葉醉雙瓊梅花香一窩黑甜有滋味還比蔗餠多

紫姑

卽箕姑鄉村婦女於十五夜召卜一歲吉凶并
蠶田豐歉其類有帚姑鍼姑葦姑

項朝棻

紅裙私下拜夜卜紫姑神月下靈風至鏡前細語頻
滿頭花欲顛落紙句生春乞得豐盈兆田家歲事新

新年雜詠

三

朱鹿田元夕看鏡詞紅裙私拜紫姑前
登正月十五詩深夜行歌聲絕後紫姑神下月
蒼蒼孔清江上元詩羣兒嬉戲尙未度更看
紫姑花滿頭范石湖上元紀吳下節物詩箕
筆驚

門神

門爲五祀之一道家謂門神左曰門丞右曰戶
尉然司門之神昉自桃符以神荼鬱壘能辟邪
也楓窗小牘載靖康以前汴中門神多番樣戴
虎頭盔王公之門至以渾金飾之雜志又稱後
世多畫將軍朝官復加爵鹿蝠喜寶馬瓶鞍等
狀皆取美名以迎祥祉

舒紹言

有丞兼得尉改換舊時身及第春風早充閣繡紋新
功名歸片紙門戶傍誰人空作嶮巖面余葭伯詠
他入室賓門丞句驚

吳錫麟

除書新歲到抖擻好儀容儼厠衣冠列宜膺戶牖封
丹青虛得意啟閉一何慵問爾侯門立能知深幾重

查初白門神詩幾見華楹留故帖偶繡新扉當
除書 陳迎陵詞抖擻門神秦叔寶貝帶璘璠
射光

春聯

新年雜詠

三

卽古桃符板也蜀檮杌載孟昶自題桃符板云
新年納餘慶嘉節號長春癸辛雜志載黃謙之
題桃符板云宜入新年怎生呵百事大吉那般
者觀此可知簪雲樓雜說謂春聯之設昉自明
孝陵不足爲信

黃模

歲華書戶筆范石湖句翠墨染淋漓消得金壺贈揮成黃
絹詞連雲開甲第一色照門楣過目能成誦逢人說
項斯

同心羅春聯詩翠墨淋漓紀歲華清詞麗句劇
相誇連雲甲第風吹兩向日房櫺柳闌花 堅

瓠集趙松雪過揚州爲迎月樓主人書春聯有
春風聞苑三千客明月揚州第一樓之句主人
大喜以紫金壺奉酬胡復齋春聯詩滿寫紅
箋字無勞黃絹詞年煩阿買春色在門楣
陳楚望項霜田傳錢唐項溶字霜田少司馬眉
山公之次子也幼有神童之目時值元旦行大
街二三里歸述春聯
無一誤眾皆奇之

吳錫麒

漫論千金值紅箋別有春書生工屬對麗句必爲鄰
十字家聲重多寫家聲兩行門榜新塗鴉吾自笑何
事乞書頻世澤等語

項朝棻

何處春生好春生矮紙中數聯增市價幾句辨雷同

新年雜詠

古

賣賦嗤余拙揮毫詠汝工曾聞賜門帖雲捧日邊紅
查止齋詩醉書矮紙貼春聯明詩選太祖召
陶安爲學士御製門帖賜之日國朝謀略無雙
士翰苑文章第一家

歡樂

花紙鋪所賣四張爲一堂皆彩印戲齣全本團
圓馬如龍杭州府志謂之合家歡樂圖

吳錫麒

披圖春色好歡樂兩相兼自妙青紅意無煩筆墨添
紫衫仙樂部翠燭美人簾隔歲痕猶在房櫳一例黏

汪恬齋歡樂詩
隔歲黏痕在

姚思勤

一堂陳彩戲小帖襯泥金上貼福祿壽喜四字旁黏
小春聯亦謂之歡樂對
最有團圓意能生歡喜心神仙華屋豔錦繡洞房深
依樣年年畫葫蘆笑不禁

施子野詞更貼小春聯
祝新年筆底花生硯

天花

釋家以五色紙花懸供佛前名取散花實同剪
綵

舒紹言

說得天花墜道場初建時世尊應解笑尼子可能司

新年雜詠

古

自有空香散從來結習癡不知何日果拈起問禪師
維摩詰經天女問說法以天花散諸菩薩大弟
子上爲供養菩薩身上花皆墮落至大弟子便
著不墮天女日結習未盡放花著身

門綵

剪五色紙形如旗腳貼於門額中書風調雨順
國泰民安等語琳宮梵宇在在用之亦名齋牒

姚思勤

仰面皆歡喜三門綵色新光明生法界縹緲隔縹塵
日閃簷牙曙風翻燕尾春曳紅還漾翠接引炷香人

挂錢

彩牋五張爲一堂中鑿連錢文貼梁間以壓勝

黃模

何人欲兄事鏡紙得形模不向杖頭挂先從門面鋪

玲瓏如結綺飄蕩豈飛賦買得春光好還應敵五銖

鮑西岡挂錢詩十樣蠻賤巧製成便非方孔亦稱兄得教蓬戶延春至且並桃符逐歲更梁日

渠體質終輕薄浪錫人間阿堵名

姚思勤

畫梁同數去五彩耀連錢銅綠金黃映藕心鷺眼穿

攤春迷燕壘簾影落花甄莫笑高聲價星文正挂天

步天歌十箇天錢梁下黃

新年雜詠

六

柏枝

柏葉帶子縛竹簽上綴以千日紅金鐙花衣短

者尺咫長或一柯管墳人年前成對分送新歲

置家堂中

吳錫麟

柏枝有佳兆分贈到千門採自先塋域能宜爾子孫

鳳毛春縷縷鸞尾翠翻翻觸物思遺蔭應占後必蕃

浙江通志新歲紫柏枝成鳳形加橋荔諸果懸持堂中

圓鑪

種歡喜團架松柴熾栗炭暖香燄燄春滿一庭

俗謂之生圓鑪又曰打松棚金介山詩新米飯

初勻赤豆圓鑪盆試搭松棚

黃模

暖紅留宿火元旦復新開柏子添香韻烏金選炭材

酒溫旋命酌栗爆不禁煨忽憶前修句深屬聒一回

厲樊榭詠

甘藷元日詩柏子添香延宿火

松棚柴

舒紹言

井字憑誰疊架柴成井字形然松小把添春紅生一架暖氣

新年雜詠

七

上重檐莫以薪樗比時逢旺相占歲寒看乍過怪爾

勢炎炎

方西疇松盆詩生火非商陸然松古俗存陸放翁詩注鄉間有小把柴西湖遊覽志餘燕栗炭於堂中謂之旺相

歡喜團

吳錫麟

杵炭屑而范之上下合成圓而有匾勢炭擊之

巨族也除夕取以埋鑪置寢室中謂之歡喜過

年

吳錫麟

開鑪重得彩餘喜復餘歡火色明通夕春光聚一團

幾人先附熱舉室不知寒笑指青紅意還將兒女看
俗指小兒女之稱
意者亦曰歡喜團

項朝茶

渾同和氣接猶作黑灰看暖屋令公喜團鑪亦合歡
室家完聚意日月大還丹竈婢私相問何如粉米團

呂文德號黑灰團見錢唐遺事
旦祀竈米團謂之歡喜團見府志

善富鐙

以竹爲之舊避鐙蓋蓋字音錫名燃釜後又爲

吉號曰善富買必取雙俗以柄環微裂者爲雌

善富否者爲公善富臘月送竈司則取舊鐙載

新年雜詠

大

印馬穿細薪作損舉火望燎日竈司乘轎上天

矣

吳錫麒

憑誰照虛耗善富錫名嘉身是平安竹鐙開如意花

安牀在除夕壓擔出山家西溪人
工製此獻歲生盆裏還蒸

五色霞有以舊鐙供
生盆之用者

武林舊事除夕明鐙牀下謂之照虛耗按今俗
歲除則取雙鐙封裏青蔥兼貼花紙安置牀頂

歲燭

除夕分歲燃巨蠟譙畢移置寢室中宵永燼長

生花報喜紅榮四照直接晨光

吳錫麒

燭房人乍醒蠟炬未全銷閱歲心三寸流光影一條
誰參無盡意此是可憐宵掩映迎神處春紅隔縹緲

聚寶盆

沈萬三聚寶盆事詳餘冬序錄今象生花店所

造取供家堂若閨中翦紅貼翠而成者作壁上

觀可也

舒紹言

自空騰寶氣照眼一盆明火齊木難樣鏤金錯絲成
由來稱此貨我意有其名莫倚財能聚持身戒滿盈

新年雜詠

大

花元寶

錫紙糊成供神所用閒以綵牌或加瓔珞瓏玲

磊落以爲適觀

吳錫麒

黃白爾何物流傳楮幣奢市人皆載寶吾意等空花

金紫隨春豔銀青入手誇守財應齒冷神座怪紛拏

燒紙色黃而粗止供楮幣之用見西
安縣志 汪上湖有詠金箔錫箔詩

富貴不斷頭

鋪家以紅綠紙黏接阡張引而申之與青龍馬

花元寶同挂招牌上

黃模

一串同興紙都將富貴求美名兼厚利萬歲更千秋
巧樣翻花本機中花本有玉堂春富和風繞市樓君

看居龍斷最是出人頭

沈明德詞細馬送神多著同興紙即阡張也今
又名興隆博古圖唐鐵鑑銘千秋萬歲富貴
斷不

隔年飯

除夕煮飯盛新籬中置橘子年饅於上元旦蒸
食謂之隔年飯

黃模

新年雜詠

三

節物尚時鮮炊香重隔年一簞食舊德萬戶生新烟
待試驅雷手曾春炒雪天釋蒸興嗣歲合補康成箋

余葭白隔年炊詩淨浙桃花米香炊飯一籬
時鏡新書除夕留宿飯俟驚蟄雷鳴擲之屋上
令雷聲遠金介山詩戰冷翻先暖同雲炒雪
天又主婦春年米蒙師收學錢自注年米句云
充過年飯用

吳錫麒

流光容易過一飯不忘前黔突方迎喜黃梁忽換年
儲藏高廩通供養室神先笑看嬌兒女拈來橋尚鮮
仁和縣志自元旦至三日皆用赤豆飯供神
閏玉井蒸飯詩風俗隔年陳中堂位置新但教
炊似玉不使飯生塵蒼翠標松正青
紅釘果勺家家欣鼓腹留此待開春

果子茶

以果代茶其品不一五色錯落泛動茶孟中用
小銀匙攪飲謂之點茶

黃模

繡茶多簇釘龍鳳儼成形舊入乾涓記新翻陸羽經
棗花銀杏肉梨片綠橙丁荷葉行杯處香留客滿廳

乾涓歲時記禁中大慶會用大鍍金鑿以五色
韻果簇釘龍鳳謂之繡茶荷葉茶標子見資
錄

項朝榮

松子核桃肉清泉白石茶流傳清閨壓倒玉川家

新年雜詠

三

莛事今誰尚珠羹只自誇何如烹雀舌一泛蜜蘭花
雲林遺事倪元鎮好飲茶在惠山中用核桃松
子內和真粉成小塊如石狀置茶中名曰清泉
白石茶蔬食譜製珠讚曰汲金井水煮瓊珠
羹蚌胎的清泉龍目精製注圓眼乾荔也肇開取
實烹以清泉一花泛泛鮮如初摘正如湘女凌
波不止壓倒昔人清泉白石也

新年酒

家設酒殺延客三五行卽辭出亦有盡醉而歸
者項霜田詞云湯鑊冷卓圍新小攢熱碗俱齊
整又云筋尖未涇三杯盡便抽身沈明德詞云
斜日半街人醉倒

黃模

筵開多隔宿留客攬衣祛利市三杯酒容辭不飲則
看燈一尾魚俗每留魚不食謂之看傳生原有例

排日更無虛扶醉人歸去春風滿巷闌
荆楚歲時記除夜家家具肴藪為宿歲之儲以
迎新年相聚酣飲願清詩若盃酒杯皆可意
好將新歲作傳生注唐人歲首飲酒名
傳生金介山詩注俗例年酌無虛日

年酌賓盤多冷饌酒酣脫帽一座生春可以命
為熱客矣

吳錫麟

新年雜詠

三

器小原非鼎金銷亦此鍋例教員外置其製偏覺熱
中多水火煩頻給鹽梅必早和春盤羅左右居正不
如他

西湖有銷金鍋兒之號見武林舊事沈心齋
煨盤詩水火調來冬日煨酸醃劑就薄蔬甘

春盤

項朝棻

綺筵人欲醉春爛五辛盤綠勝銀幡外紅絲翠縷攢
由來生菜美抵作萬錢看記否高門出應嫌致此難
據言安定郡王立春日作五辛盤武林舊事
立春前一日後苑辦造春盤翠縷紅絲金雞玉
燕備極精巧每盤值萬錢四時
寶鏡立春日春餅生菜號春盤

鐙節盒

武林舊事稱餽歲盤盒酒擔羊腔充斥道路今
俗上元前兩日以果殼及鐙圓糖糴相餽遺謂
之鐙節盒

姚思勤

裝殼還釘核盒子送家家似仿傳柑例休將畫鴨誇
壓肩雙絡索罩面一團花果物上安放花紙繡榻鐙
閨中人手剪也

屏側分張笑語譁
沈石田盒子會詞東家西家百絡盛裝殼釘核
春滿槃歲時記上元夜貴戚例以黃柑相遺
謂之傳柑范石湖詩注吳下上
元以紅畫鴨子相遺名曰丹鳧子

新年雜詠

三

豬頭肉

歲終祀神尚豬首至年外猶足充饌范石湖祭
竈詞豬頭爛熟雙魚鮮已見於吟詠矣定買豬
頭在冬至前選皺紋如壽字者謂之壽字豬頭
屠人肩送至門者曰送元寶來於是醃透風乾
以備敬神之用

黃模

隔歲留神惠含臆笑背長使君能壽考肉食遂連鄉
取作元陽鬻誰誇黑面郎郭公曾薦酒風味紀吾杭
冷齋夜話王中令入一村寺主僧饒蒸豬頭食
之甚美僧賦詩曰背長毛短淺含臆久向山中

食藥苗又曰紅餅雅稱金盤熟真堪玉筋
挑藪清異錄澆店張美手家元日賣元陽
談藪桂林風俗日食蛙有來仕於中朝者或戲
之曰主蟲之奉豈不勝於黑面耶黑面耶謂
豬也 郭天錫客杭日
記寓樓呼酒薦亥首

吳錫麟

鹽深蒸脫骨春肉乍登盤自識精練味誰將面目看

紅鮮詩衲味香賴老人餐蓼甲芹芽外從頭議食單

元德明謝張使君饒春肉詩牙豬肋厚一尺玉
鹽花入深蒸脫骨非芽蓼甲春滿盤走送茅齋
精練氏面目殊乖而風味不淺

年餅

元旦必食年餅取吉識也委巷通衢橫筐出賣

新年雜詠

香

者什九皆湖墅白蕩墀人

黃模

吉語真堪取當筵喜共邀粉明花截肚春暖玉生臆

憶續銷寒會同成鼓腹諸十年思舊雨題句又今朝

壬午冬丁龍泓先生招同周亦暉何東甫陳
象昭包采南嚴可亭作年餅詩今十稔矣

陳竹町節節餅詩層累盤盃出青紅點染明希
高說吉語酬節節想東京 清興錄餅日內花日
花截肚

糖餅

年餅有青白花三種糖餅只一色如蜜蠟或亦

曰糖年餅武林舊事所載有蒸糖餅生糖餅蜂

糖餅之別

姚思勤

甜味中邊徹迎刀輒玉香真宜稱蜜餞不用蘸糖霜

往歲聯吟袂春風坐桂堂老人留客意猶記喚廚娘

王辰正月十日同黃書屏吳穀人黃玉階倪介亭過
杭葦浦先生桂堂先生煎糖餉客書屏有詩云陌
巷風和動管絃拍肩同訪桂堂仙春晴五日又五日
杖履一年強一年起病那須枚叟筆探花擬款祖生
鞭糖餅留客還堅坐
多謝廚娘試手煎

元寶餅

亦名粉元寶黃白磊砢傑出於諸色點心中

黃模

新年雜詠

香

蒸出金銀氣登盤粉餛高爛然稱富食屬饜及吾曹

下筋萬錢直撐腸一味贊劉郎題不得寒儉笑詩豪

武林舊事市食
類有金錠裹蒸

吳錫麒

世人皆愛寶名字及餅養口腹奢如此金銀餛豈知

老饒爭炙熱一飽已傾貲轉笑堆成屋何曾會療飢

清興錄王元寶家
嘗疊金銀為屋

春餅

西湖遊覽志餘正月以春餅為上供

舒紹言

溪堂煎餅會詩句最生春映字雲翻葉鋪筵月滿輪
賦休誇束皙說欲並吳均節物關情處分餐憶故人
庚寅上元李澄齋招同吳西林先生翟晴江先生
陳雪廬徐秋竹朱明齋陳春榆集溪堂賦春餅詩
張功甫賞心樂事
有人日煎餅會

吳錫麒

金盤香複疊薄與齒牙宜明月忽在手好春味可知

映鏡翻片片屑菜裏絲絲未必輸昭夢紅綾得意時

陳迦陵詞爭覓取金盤敲注立春日啖春餅謂
之敲春 梁設林詠春餅詩裏成四角於標格
疊作千層任覆翻 徐昭夢詩莫
欺老缺殘牙齒曾啖紅綾餅淡來

金團

新年雜詠

毛

鏤木為範多作團花紋和米粉印之燦然金色

故名金團項霜田詞清茶未烹金團亂吞

吳錫麟

不是月華餅羣誇金作團虹光飛入釜寶氣爛盈盤

印自佳人手豐宜上客餐須知黃白意原以稻梁看

湯團

玉尖春繭形各不同新正概用圓者取團樂也

蔬食譜狀水團曰秬粉包糖香湯浴之

黃模

勻圓搓雪粉舊味問湯官明月真珠子仙人玉露團

澄沙誰記取濁水試求看早入平原詠家風說幾般
周益公平園續稿元宵煮浮圓子前輩似未曾
賦此坐開成四韻今夕知何夕團圓事同湯
官尋舊味竈婢說新功星燦烏雲裏珠浮濁水
中歲時編雜詠附此說家風 澄沙團子兒武
林舊事

鏡圓

小而無餡有染作青紅色者鏡節所尚諺云上

鏡圓子落鏡餅顧清以鏡圓餉陸太僕有句云

梅欲鬪圓忙著子雪如爭巧故成團可稱工緻

姚思勤

銀匙官樣盞豔說薦鏡圓此夜明華燭誰家盛綺筵

新年雜詠

毛

晶丸雙掬輒珠顆一簞鮮撚出團樂意應推大范篇

潘應奎踏鏡詞風流曾憶廿年前小閣疎簾坐
亞肩雪色銀匙官樣瑛有人泥我薦鏡圓 范
石湖上元節物
詩撚粉團樂意

燒菜

燒紫芥入甕澆醋亦名芥辣菜呂重寶詩瓶中

有醋堪燒菜

吳錫麒

翠釜看新漉醃蔬滋味長都忘烟火意能助齒牙香

風趣宜殘醉清饒索屢嘗別餘辛辣在纖手試廚娘

俗有試試辣
手段之語

元覽臨安有酸角之陸蔬徐天池菘臺詩
孟公紫菘賽黃獨綠薑大拊抽肥玉一澆一段
曾微生閉在
春瓷餽醉人

筴笋

名見桐廬縣志佳者曰明笋錢唐縣志云澹乾
者為玉版笋明笋火笋鹽曝者為鹽笋並可蔬

食

舒紹言

辨色何曾綠淇園署舊銜繡鞵攤闊綽小而佳者
版切纖摻澹見枯禪性肥充老守饑阿誰知肉味定

未解韶咸

新年雜詠

天

願桐村元旦即事詩紫茸香可搥玉版菜能珍
古夫于亭雜錄越中爭脯俗名素火腿食之
有味

紅蘿蔔絲

紅蘿蔔多產繭橋鏤絲曝乾可供素饌

吳錫麒

已過嚴春候鑲絲紅足誇刀頭如剝繭眼底竟生花
眼生蘿蔔活色留供饌微香試點茶滄村人多以此佳
花謔語也

人能爛嚼比似唾絨賒

東陽縣志鑲蘿蔔成
絲乾之四遠通行

八寶菜

雜炒菜品糝以芝蔴味殊八珍數溢七寶新正
點十廟香喫三官素者尚之

姚思勤

七種挑春菜今傳八寶名琳瑯生齒頰駁萃聚盆罌
潔比伊蒲饌珍同骨董羹隔年留菽乳風味一般清

隔年豆腐除夕
所儲以備用者

荆楚歲時記人日
採七種菜作羹

開口橋

置橋枕畔元旦睡覺時食之言決子也

吳錫麒

新年雜詠

天

丹橋將成頰拈來檀口開種因合歡好人恰夢蘭回
細碎海榴子勻圓豆蔻胎餐香爭道吉笑傍繡衾偎

橋荔

堆盤供神名曰決利或稱吉利西湖遊覽志餘
云簽柏枝於柿餅以大橋承之謂之百事大吉

舒紹言

磊磊荔偏好殷殷橋尚新堆盤如瑪瑙何氣不金銀
君子懷應異斯人嗜有因利途難取決一笑聽吾神

柿餅

黃模

柿餅

誰煎銀作餅觸手柿花香壓匾顏虬卵凍乾冰蜜漿
體柔生乏骨面冷忽凝霜卻愛成佳識添妝十八娘
同荔子供
盤口利市

銀杏

俗名白果燈宵雜用黃菱紅棗白齋煮以供神
謂之煮果兒

舒紹言

前人詠銀杏曾許伴金桃風味豈能絕品題因以高
剝欺蓮子嫩煨奪栗魁豪莫倚朱提貴為君解白袍

楊誠齋銀杏詩深友淺火略相遭小苦微甘
韻最高未必雞頭如鴨腳不妨銀杏伴金桃

新年雜詠

三

風菱

菱有青紅紫三色嫩時剝食皮脆肉美老則殼
黑而硬墜入水中謂之烏菱冬月取之風乾為

果

姚思勤

渡頭風急處采采憶盈襜面目為誰稿心腸到底甜
一彎藏白嫩雙角褪紅尖欲剖愁無力生來玉指纖

糖糴

元宵市食有糖糴蔥管糖見西湖遊覽志餘

項朝茶

玉樓真相似錫糖味獨殊卻看頭有角誰要米如珠
細肯黏瓊粒香疑解綠蒲腹枵君勿哂益智在斯須

蔥管糖

欲笑鰕鬚細還嫌筆竒長今另有筆竒糖取名和事草并作
十般糖近俗鳴鈺賣肩販擊小鑼羣兒棄果嘗窺來竟誰

似花蜜釀蜂房

鰕鬚糖十般糖見夢梁錄清異錄
蔥日和事草注桐元有賣錫鑼詩

一名報春先一莖一花香甚濃郁賣者以馬頭

新年雜詠

三

竹籃盛之歌於市

吳錫麒

密窖蘭纔放筠籠香四生春風小巷曲新歲賣花聲
綠鬢澹相映美人無限情南朝桃葉去惆悵此芳名

朱鹿田詩風信移番遍小寒賣花聲
未報蘭注吾鄉正月方賣蘭

柏子花

柏葉點銅綠紫成小朵曰柏子花刮絨象生曰
長春花染通草作小金錠曰元寶花皆花婆所

貨為閩閩新歲助妝亦綵花春勝之遺也

姚思勤

蔥蒨花如葉堆髮綠半含功夫同點翠紫花點翠皆飾工名
字愛宜男蘭夢夜來得玉顏春太慙偷將歡鏡照剛
被小姑諳

董斯張除夕詞柏子
紫花新小姑專學人

長春花

黃模

人勝兼春勝新年健往年戴將雙鬢上閒向百花先

難老應同錫長生鍾自妍願君千萬壽歲歲醉芳筵

酉陽雜俎北齊婦人
正月進箕帚長生花

吳錫麒

新年雜詠

三

花樣逼真真風光長此新我懷稱壽意不贈掃眉人

春色歸雙鬢高堂健老親因知剪綵者亦要比松筠

元寶花

姚思勤

金簇一枝春繁華兩鬢新買他紅粉笑試作探花人

此貨稱難得拈來應共珍如何蓬巷女願影自嫌貧

項朝茶

黃金誇得勝白璧買芳年一朵催銀翦雙翹壓翠鈿

始知春色貴不待露華鮮富豔誰堪匹應安利市錢

過年鞦

西湖遊覽志餘云新正塗澤婦女衣服釵環之

屬更造一新皆故都遺俗也顧景文詞云杏子

紅裙鵝兒黃袖一尖新窄過年鞦

吳錫麒

料理年頭事花鞦取樣工雙彎履新吉一抄試春紅

鏡檻徐行處燈籠淺立中往時呵凍繡玉指記函函

項朝茶

鏤金還歷綫弓樣逐年新別有和鞦意能添小步春

剪刀纔歌手羅襪未生塵料得迴銜後纖鬆怕示人

古今注凡娶婦之家先下絲麻鞦一鞦取其和
鞦之義李玉溪詩新正未破剪刀閒程箋謂

新年雜詠

三

新正未動剪刀也今尚有此風吳縉谷蓮澗
詞鼻農春雲莫漫鬆迴銜後帶羅襪寬褪番置

東

年鼓

自年前送竈後爆竹鑼鼓之聲迤邐催動至獻

歲則錦城絲管日紛紛矣其名色有曰元宵鼓

曰招財鼓曰雨夾雪曰七五三皆有其聲而無

其辭曰十番曰風雪會曰絲絃鑼鼓則有辭矣

吳錫麒

急鼓遞鄰牆兒童共拍張一番金奏合千點柘枝忙

巷曲喧如此春風記那廂催花花未醒又聽打漁陽

世說補衡被魏武謫為鼓吏正月半試
鼓衡揚袍為漁陽慘地淵淵有金石聲

姚思勤

十棒打春圓繁聲破曉傳風雲生指掌雨雪夾絲絃

取鬧真無理逢場又一年上元燈市近巷陌正喧闐

十棒元宵鼓見竹垞鷺湖權歌 周心羅年
鼓詩玉杓初指畫欄東臘鼓喧喧巷陌同

太平簫

製如單管名比洞簫沿街吹賣以供兒戲其類

有竹喇叭

吳錫麟

千門初啟鑰嘹亮送簫聲所得是天籟居然學鳳鳴

新年雜詠

蕭

康衢喧穉子風日正晴明吹到春鎧上金鍼繡太平

沈香嚴鎧詞玉翦金
鍼繡出箇太平天下

竹喇叭

黃模

彷彿軍中樂吹來一段春何曾金作口直以竹為身

字澀難成調風高欲亂真浪傳生嚼谷惜未遇伶倫

喇叭軍中吹器
見新書號令篇

爆仗

仗字本武林舊事而府志又作杖其類有單響

雙響遍地錦霸王鞭一本萬利春雷百子名目

不同音響斯別

舒紹言

花爆晒新年嘉名一一傳晴飛遍地錦迅落霸王鞭

山竹五更裂春雷百子連祁門還有術吾愛狀非煙

黃煙兒有色無
聲祁門所製

朱鹿田五夜鎧詞霸王鞭走火輪長按霸王鞭
又作報吐鞭張漁川有詩 杭堇浦爆仗詩山
庭黃葉飛

吳錫麒

飛響入春風轟然西復東捷於破竹勢散作落花紅

羯鼓重簾外明鎧小市中買來還縮手畢竟讓人工

新年雜詠

蕭

諺云買了爆
仗把別人放

煙火

史記律書天下殷富粟至十餘錢鳴雞吠犬煙

火萬里可謂和樂者乎夫煙火固太平景象也

黃模

千枝花並照五色氣初生蕊撒翻金翅連蛇挂寶瓔

萬人齊喝采一架放春晴最愛文明瑞相逢是太平

有作天下太
平四大字者

瞿宗吉鎧詞都司煙火揭高竿萬斛珠璣撒
玉盤看到頂頭齊喝采紫筒荷上月團團

花筒

焰硝鐵屑雜置綵筒點放時作蘭蕙梅菊木樨
水仙之狀閃爍如生亦名爆花

姚思勤

賽花相角勝戲火有梨筒楊南峯句是色是空裏非煙非

霧中繽紛千朵白噴薄滿庭紅羯鼓誰家院催來又

一通

仁和縣志鏡夕多製硝黃合
為花筒相對角勝名曰賽花

賽月明

紙筒中置藥丸得火則升數十仞之上鏡前月

下光魄徘徊

新年雜詠

黃模

黃模

月色何能賽騰空紅一丸萬人回首處三五正團樂

燭火終然熄金波只自寒若教明又定真作夜珠看

流星

九龍取水二龍戲珠白鵝生蛋老鸛彈霞皆流

星名也又有作金花墜地者則名曰滴滴金

姚思勤

雲爾穿空起春星落萬家雙垂龍取水一道鸛彈霞

濺瓦金光碎燒雲寶焰奢倚樓人望久趕得月兒斜

俗諺也

沈香嚴鏡詞書流星跌碎鴛
鴛瓦火楊梅燒破碧籠紗

滴滴金

吳錫麟

熟紅收不得潑眼欲流金滴滴落誰手穰穰鬧此心

疊羅休比樣擲地亦成音百鍊光芒好披沙何處尋

風俗志元日俗以烏金紙為飛蠅蚨蚩大如掌
小如錢呼為鬧穰穰廣羣芳譜滴滴金一名

金

燈棚

坊巷懸鏡以連枝竹縛成洞門多處綿亘數里

劉邦彥十三夜鏡詞云千門翠竹結高棚

新年雜詠

姚思勤

姚思勤

月下綵棚立春宵景最佳彎環千个竹輦繡一條街

小院朱扉亞紗籠絳蠟排墜釵何處覓扶醉上驕騎

通典宋時上元開端門起山樓列鈞容教坊樂
及綵棚夾道令都人縱觀梁鼓林武林踏鏡
詞爭說杭州似汴京翠筠環處結山棚不須好
事重裝點身在武林鏡市行沈香嚴鏡詞小
院宜春朱扉亞紗籠

琉璃掛屏山六扇斜

船燈

船燈

通衢神廟前製造鼇山船燈鼓吹其下聚族觀

聽以為樂見仁和縣志今設城隍廟街者最盛

旌德觀前亦如之

舒紹言

壽酒樂城墜杜工部句春燈畫艦張月波搖錦幔金地轟
牙檣夜迥千枝照川虛一葦杭人誇供帳美質氣雜
珠光

金江聲武林踏鏡詞繡額珠簾夾道周繁華從
古說杭州星毬萬點銀簫沸金地山前徹夜遊
注金地山城陸廟街
爲武林鏡最盛處

行燈

吳錫麒

小隊東風裏明燈彩欲流紗籠喬宅眷紅粉鬼胡由
畫鼓方闌巷珠簾盡上鉤踏歌應逐伴誰更買橋遊

新年雜詠

癸

武林舊事舞隊有喬宅眷又云裝宅眷籠鏡前
引珠翠盛飾呵殿而來卒然遇之不辨真偽
沈香嚴鏡詞跳一箇鬼胡由紅粉搽不求甚
解錄周吉甫云余十五歲時同友人元夜看鏡
十餘人皆衣白獨一紅妝女子步上橋呼婢將
錢一串撒於橋
上日買橋錢

籠鏡

籠鏡之妙在舞遠望蒼螭素虬宛延螭略而至
少近則雷輓雲擾如洞庭君擘青天飛去鏡品
中之偉觀也

姚思勤

鏡街人似海天矯燭龍蟠雷駮千聲鼓珠流一顆丹

擘天朱鬢怒照夜火鱗乾銜曜終飛去休同曼衍看

李笠翁龍鏡賦行將飛而上天今旦宇宙
而不夜不則潛而入海兮照水國以奪犀

項朝茶

勝會年年舉青龍光早開龍鏡頭對上寫
青龍勝會四字鼇山浮月
出陸地戲珠來電激一條火波翻百面雷回頭笑魚
鼈隨例上鏡臺

金江聲武林踏鏡詞畫鼓聲喧百面雷燭龍驚
起上春臺游人盡道開光好爭向龍神廟裏來
注杭城內外龍鏡必先至吳山龍神廟開光
桑磔甫龍鏡渡水歌鼈隨龍渡駕山來鏡海鏡
照日光

秧歌

新年雜詠

癸

南宋鏡宵舞隊之村田樂也所扮有花和尚花
公子打花鼓拉花姊田公漁婦裝態貨郎雜沓
鏡街以博觀者之笑

項朝茶

插秧時未至先聽踏歌行搗亂細腰鼓唱高豐歲聲
休誇村婦豔解頌長官清譜入香嚴曲紅腔綠韻生

周穆門武林踏鏡詞且看鏡前村婦豔插秧先
試踏歌聲梁裝林武林踏鏡詞細腰鼓裏秧
歌闌也解豐年頌縣官沈香
嚴鏡詞喧不了唱秧歌鼓亂搗

馬兒燈

武林舊事元夕舞隊有男女竹馬今謂之跳馬

鐙

黃模

兒童騎竹馬妝點太平春一隊彩旗颯呵來頭踏新
輕盈紗映燭掩冉影隨身跳碎銅街月霏霏起暗塵

施竹田武林踏鐙詞妝點春風竹馬來沈香
嚴鐙詞金盡飄絳蠟香雪慘梅花又見些竹馬
兒童呵頭踏馬焚樹武林踏鐙詞雙柳垂鬢
竹馬迎映紗籠燭最輕盈兒童也識熙朝
旗寫太平

大頭和尚

亦宋時鐙夕舞隊之耍和尚也元人百種曲有
月明三度臨岐柳事本假託徐天池變其關目

新年雜詠

罕

演作月明度柳翠傳奇今且訛度為馱兼扮山

神童子跳舞而來皆戴彩繪假頭故曰大頭和
尚施愚山鐙夕口號大頭和尚滿街遊

黃模

即看春柳翠行處月明多笑著袈裟舞輕將嫋娜馱
頭顛今若此肩背失如何遺事憑誰問空生古井波

城中有柳
翠井巷

項朝棻

柳衙誰鬧得畢竟是頭陀似此髮常禿分明頂可摩
誰堪旋面目不解誦波羅梵嫂逢今夕鐙前一笑馱

沈香嚴鐙詞少甚麼竹林寺頭陀開柳衙
終南山小妹憑兄嫁 芭嫂見清異錄

鐙戲

即影戲也武林舊事影戲日繪革社今鄉村新
歲盛行

項朝棻

幾簇鐙毬挂生綃繡戲臺鏡中彩鸞舞月下美人來
里社金錢釀蠶花羯鼓催俗以此戲報賽流風傳繪
革五賈技交推

翟晴江看影戲詩爭說技高司五賈村楠一夜
看場圍注賈震賈賈賈賈賈賈賈賈賈賈賈賈賈賈賈賈
善影戲者

新年雜詠

罕

走馬鐙

人騎在鐙紗之外上作風輪下連鐵綫火光所
到旋轉如飛挂鐙中之一種也

吳錫麒

轉影風爭快連環騎總輕四蹶星火急千里月華明
花看長安陌春歸不夜城翻憐姜白石赤壁憶燒兵

范石湖上元節物詩轉影騎縱橫注馬騎鐙
陳迦陵走馬鐙詞些子光陰恰一般星馳颯激
謝宗可走馬鐙詩麗輪擁騎駕炎精飛遠人
開不夜城姜白石觀鐙口號紛紛鐵馬小回
旋幻出曹公大戰年

紗鐙籠

姚思勤

細縷映方空輝輝表裏融一層花隱霧小樣月擊風

照耀宜春夕提攜便短童笑他圖畫拙消受碧紗籠

王輔文燭籠子賦觀乎表裏無隱方圓可分亦猶春晝而花藏穀霧秋宵而月在羅雲

鏡謎

素鏡四面貼寫詩詞及剪畫物狀藏春走智出

奇無窮好事者懸於簷牙巷角聚人商揣每至

斗轉月斜低回不去

黃模

高揭元宵謎猜鏡入靜坊迷藏如捉影漏洩豈偷光

新年雜詠

星

類把行人戲偏誇夾路香啞辭難打破欲覓定齋商

董志林元夕詞珠箔誰家高揭起元宵謎武

林舊事以絹鏡翦寫詩詞及舊京諺語戲弄

人嚴燈詞打不破村學究鏡詞啞憑人打勝

香嚴燈詞說謎名打謎夢梁錄商謎者先

來客念隱語說謎名打謎夢梁錄商謎者先

以鼓兒和之然後聚人猜詩謎字謎戾謎社謎

杭之猜謎者有歸和尚馬定齋

面鬼

漢書曰象人又曰假面宋時通呼爲面具蓋古

者行儼所用周禮之黃金四目卽此物也

黃模

此物奚宜至搽珠抹粉成將何施面目轉訝近人情

一半頭銜用幾重顏甲生將軍能破敵戴出鬼神驚

畢將軍再遇臨陣戴鐵面具見四朝聞見錄西

史載狄武襄戴銅面具又在畢之前矣又朱伺

戴鐵面

見晉書

項朝棻

面目真有靦吾陳小雅詩豈知塗附者亦有厚顏時

菱鏡何堪照梨園定不嗤若將盧相演笑走郭家姬

楊鐵崖樂府藍面鬼陰且詠郭家姬羣走避

韓門綴學假面又曰戲面古之假面有銅鐵木

三者今用紙糊

竹龍

吳錫麟

豈是葛陂化金鱗閃幾重笑他騎竹馬又欲舞仙筇

赤手一羣捕青雲何日從葉公能好此宛轉歎猶龍

吹雞

揭竿縛草以處雞羣口銜筇管巡街吹賣其音

日哺哺故名哺哺雞亦名叫雞兒胡情田東

園竹枝詞新年無事買吹雞更有高擊數串魚

巷腦巷頭都轉到今朝除本幾文餘數串魚者

趕魚兒也

吳錫麒

曉日一雞唱春風正滿閭居然生羽翼大要借吹噓

功豈養成候聲疑伏卵餘兒童能起舞壯志定何如

姚思勤

大得吹噓力驚人在一鳴齒牙原可借毛羽未全成

齷齪連棲狀膠膠滿市聲莫來雞口笑齊客擅雄名

趕魚兒

魚一金一銀穿馬鬣上張小竹弓顛之倒之往

來相逐賣唱曰金魚兒趕銀魚兒買一串送一

串蓋即夢梁錄所載小兒耍家物件滴鏤而成

者

姚思勤

新年雜詠

器

瞥眼金梭擲銀刀遞接聯那知同隊樂枉被一絲牽

結網誰興羨銜鉤亦可憐回頭看風鶴曳上青天

有起鶴

風箏

紙鳶之能鳴者事物紀原曰其製不一上可懸

箴又以竹爲弦吹之有聲如箏故曰風箏今亦

名琴鶴春初競放清明後乃止諺云正月鶴二

月鶴三月放个斷綫鶴則風氣固殊焉

項朝棻

幾處鳴箏急春風滿近郊送高飛鳥外彈入碧雲幻

得勢可長往失聲終一拋偏頭雖善放何以免人嘲

武林舊事呂偏頭善放風箏

銜鶴

姚思勤

毛羽光輝甚憑空一綫通赤烏流屋上丹鵲繞雲中

灼灼梨花放騰騰月彩烘高飛休自炫怕有電銜風

陳迦陵春城望紙鳶詞急景難淹又天半夜銜初上見火蠅旋繞飛下雪黎十丈注風箏每夜必紅銜火并於其上高放梨花雪爆也

鞦韆子

布裹一錢上綴雞翎以足踢之帝京景物略載

新年雜詠

豎

童謠楊柳兒死踢鞦韆子吳任臣字彙補據謠收

鞦韆字注云音建拋足之戲也而武林舊事小經

紀有鞦韆子其字从革

姚思勤

一闌街塵起提鞋喜欲頭有人誇捷足此戲等拋錢

翠羽翻空疾金絨輓地圓女郎羞角技扶索上鞦韆

陳迦陵戲詠聞人踢鞦韆子詞向花冠尾畔翦他翠羽養娘篋底檢出朱提裏用絛輕製同毬轉鞦韆同輕篋底檢出朱提裏用絛輕製同毬轉鞦韆同輕篋底檢出朱提裏用絛輕製同毬轉

相思版

紙疊花版顛倒可翻亦名翻勝

吳錫麒

花版說相思相思無了時心靈通寸寸腸轉惹絲絲
明月十分好春風一掬癡倚闌翻不迭未遣侍兒知

項朝茶

兒童掌上玩亦解說相思反側真何益牽連卻為誰
歡情留寸紙別恨又經時回首看紅豆春來發滿枝

春毬

灰水煎松香令沸紫小篋圈蘸之向空一繞大
小錯落隨風蕩漾有頃方滅在園雜志所載最

新年雜詠

吳

詳

黃模

泡影本空空勾圓訝許同一揮成五色歷亂滾春風
咳唾從天落珠璣觸手工誰將毬仗比寒食浴橋東

吳錫麒

吹水旋成色輕毬比不殊雲花飛一串風力攪千珠
過眼影何幻承裾春欲無不知周昉在彩筆可能圖

吳錫麟

彷彿毬門戲迎眸五色鮮亂隨風勢捲橫灑唾花圓
魚沫紛升降鮫珠散後先影空空即影待證小乘禪

東京夢華錄左右軍築毬殿前
立毬門約高三丈許雜綵結絡

哈哈笑

鐵滴小器黃白燦然名十樣景賣唱云哈哈笑
一个青錢一大包買得者哈哈笑買不著雙腳

跳

吳錫麟

瑣瑣供兒戲包來十樣新亂攬金錫碎巧弄齒牙春
絕倒王平子胡盧宋主人有錢難買笑頓足轉生瞋

清異錄農師德善捧腹
大笑人謂之齒牙春色

說書

新年雜詠

吳

演說史書本留都遺習今俗於年前選市分場
貼報紙口新正某日於某處開講某書請諸公
早降開春聚聽如堵凡彈詞唱蓮花落靛花開
者亦然

黃模

劔戟颯浮空風雲談笑中搖頭頰優孟抵掌現英雄
委巷從教塞書生孰最工請看新報紙早降幸諸公

黃梨洲柳敬亭傳或如刀劔鐵騎颯然浮
空 武林舊事演史者有穆書生武書生

吳錫麒

為說千秋事都憑摹寫工指揮矜大樣口角有雄風

書販裨官外春驚醒木中柳生餘韻在佳傳問梅翁
柳敬亭拍醒木說書見桃花扇傳奇 吳梅村
生獨以 柳敬亭傳江湖開張樵陳思吳逸各名其家柳
能著

鬪牌
牌自宣和以來為戲舊矣田叔禾云月正有鬪
九翻牌之樂張山來云牙牌之戲闐闐為多

吳錫麒
翻翻三十二一笑攏成場點亦分文武人能話短長
只須爭大吉最後打丁六勝恰好打雙張別愛攙和
處春蔥歷亂忙

新年雜詠

金金門牙牌詩數依九九貴陽開巧截牙籤方寸纜小技偶然誇一得大名竟爾配三才開窗
翻覆勞纖手玉几平鋪淨點埃欲透箇中微妙
旨陰謀須讀短長來談書錄天九之戲見於
明潘之恒
續葉子諾

附官圖
一官兩建擲用二骰以色遷位立法簡易非如
功名爵位圖之煩重也孔清江有選官圖長律

吳錫麒
小繪衣冠隊升階文武同周遭成宦跡呼喝任兒童
捷徑三遷裏可以三官情一紙中清江有題句識取
擲取勝

汪桐石元日俳語優優兒童
更何事設盆爭喝選官圖

姚思勤

彩選翻新格官儀盛建幢亦名道局甯終五五班自
點雙雙好手矜先得名心孰肯降贏輸此一論梅影
過晴窗

錢唐沈時公嶠雅好古藏有漢官儀新格一書
劉放自跋以爲幼年時所為仲原父爲之序其
戲先置盆入金以象口錢舉二十五擲乃終一
局見杭革浦題跋蔣春雨選官圖詩近來那
便名心潛眼亂官階黜陟書
厲樊榭詞選官圖外論贏輸

吳錫麟

紙上功名滿相看欲認真宦途羣起馬資格慣拘人

新年雜詠

豈把年庚試空投穴幣頻曾傳仙與佛彩選亦紛紛
錢椒巖選官圖詩紙上功名亦可呼陸放翁
詩注鄉俗歲朝聚博謂之試年庚房千行次
子選格序開成三年春余自海上北徙舟行大
洞庭之陽繫船野浦下遇二三子號進士者以
穴股雙雙爲戲更投局上以數多少爲進身職
官之差筆叢彩選格久不傳據房序絕類近
卷漢官儀彩選三卷新彩鄭氏書目有散子選格二
卷元豐官制彩選一卷慶曆新選圖一卷選仙
格一卷選佛圖一卷談書錄新選圖一卷選之
百官譯相傳此圖乃倪鴻寶錄所其
實官名雖從時而圖戲則自唐已有

陞仙圖

集古仙人作圖爲戲用骰子比色先爲散仙次
升上洞以漸而至蓬萊大羅則眾仙慶賀比色

時首重緝四為德次六與三為才又次五與二
為功最下者公則謂之過凡有過者謫作採樵
思凡之類遇德復位

姚思勤

紙上聚羣仙圖中別有天如何才德備猶被利名牽
得采方為貴飛瓊欲占先阿誰輸玉筍爭覓到盆錢

貴采見携蒲經蘇東坡詠選仙圖詞整金杯
輸玉筍鳳駕鸞車誰敢爭先進重五休言陸景
紫綵有碧油到了輪堂印王珪宮詞盡日閒
窗賭選仙小娃爭覓到盆錢上籌須占蓬萊島
一擲乘鸞出洞天香樓偶得到
盆錢即如陞官圖戲見面錢之類

百花圖

新年雜詠

辛

集百花名擲用三子四為四季長春五為色公
為香二為風三為雨六為護花寶帳有大賀例
嘉例賀例倍例買法罰規同里陳百藥增益其
製為之繡梓焉

舒紹言

錦字暗藏嬌圍紅擲六么人情如粉蝶花底度春宵
風雨何能妒胭脂不用描妝臺餘雅興九九數寒消
百花圖本賦桃符換筆索懸深閨豔質金屋婢
娟觀鏡多暇剪綵還開絲帷春捲銀燭夜然素
手玉潔耀偷血鮮三三五五珠鏡翠連笑倚花
几競賭金錢帝京景物略曰冬至畫素梅一
枝為瓣八十有一日染一瓣盡而
九九出則春深矣曰九九消寒圖

狀元籌

緋綠兼行贏輸計箸闈閣中為消閒之戲

黃模

笑拂盤盤起掄元握掌同幾人前箸借一色杏花紅
彩局春風會明鑑繡閣中玉纖能坐點何事喝劉公

南宋有狀元局見蘆浦筆記彩局兒見清異
錄閩亦峰詩醉倚梅花水外樓玉纖抽得狀
元籌

吳錫麒

帷幄籌能運掄元更奪魁目甯迷五色巧欲服羣才
狀元以合巧得矯首青雲路何人得意回誰知益益
五子一色奪

新年雜詠

壬

裏平地一聲雷

姚思勤

點點明瓊響春紅報狀頭科名書竹策枚卜用金甌
五色雲真現一枝桂早稠探花筵上坐占盡是風流

元遺山探花詞六十八人中
數少年風流誰占探花筵

項朝棻

妙有掄才意團樂坐綺筵同聲惟六子對策想三千
玉筍班齊點春風捷又聯錦標真奪得高步冠羣仙
金金門狀元籌詩出身須是狀頭為誰寫科名
上竹枝六子紛投當令節一鳴先兆快書癡泉
盧繞席呼劉裕仙桂芳年詠收之十
指淋漓渾易事笑他倭屋費清思

更唱迭和附錄

時憲書

閔華 字廉風一字蓮峯 又號玉井江都人

一歲又將除

天家頒鳳書更新知律轉置閏識歸餘北地寒生早

東方日出初所欣添甲子野老樂何如

倪經培 字右觀一字竹安仁和人

頌朔欽

王制宣書出玉墀春開一卷首事合萬方宜綠字朱

文裏五風十雨時循環看甲子人壽邁期頤

新年雜詠

至

毛西河十月朔午門頌麻侍班恭賦疊冊裝鏤
麗關車賈帝黃背封箱押小面記印泥方殿上
呼三壽階前奏入琅五官陳夏令百辟奉春王
數合軒轅記班隨星宿行授書馳赤縣開卷遇
青陽鄭務鄉憲事期如願又云官紙印朱文
爛若火齊噴問名冠
以黃系豈汝南憲

春牛圖

孫溥 字邠原一字梅軒錢唐人

牛自姬公制圖依向孟傳敢陳時憲左喜在策人前

日腳挨排數農情旦晚牽扶犁方有事春色滿新田

事物紀原周公始制立春土牛向孟土牛經
釋策人所立曰凡春在歲首則人在牛後若春
在歲後則人在牛前春與歲齊則人牛並立按
策人即芒神事物原始出土牛以示農耕之

晚早

迎神

倪經培

歲神能錫福敬迓在元辰曉色催前騎東風逐後塵

燭花隨意發椒酒滿杯春自此承靈祐門闌喜氣新

喜神

張寶銘 字華農一字琳山華亭人

南北東西客由來無定踪今晨須點檢莫自浪追從

但得咸宜往都無不若逢披圖頻算喜何處喜重重

代圖

新年雜詠

至

阿堵傳神妙遙遙見典型春風開萬戶幾代照丹青
笑語兒孫聚高曾俎豆馨拜容勞戚黨冠履早盈庭
至親相賀先拜祖
容謂之拜容兒

接竈

□ □

七日占來復 年前送竈 多在此四焚香尅辱迎暖光生曲突甜

味簇春餚俗競論年紀 俗傳接得早竈君年紀 誰憑

問姓名翻憐一杯水同表 在山清接時供淨水

朱竹垞醉司命辭鍊香以燒竈紙而焚錫餅粉
芳雜還上陳 酒陽雜俎竈神名隗狀如美女

又姓張名單字子郭夫人字離忌有六女皆名察洽一日竈神名孃子也

孫濟字青巖一唐人名

夏祀人蜜媚春迎禮必恭元辰齊拜手老婦若為容

鐙火明矧突瓶盆列饕雍細縷玉池畔彷彿紫官從

禮記夫饗者老婦之祭盛於盆尊於瓶祭饗

禮記夫饗者老婦之祭盛於盆尊於瓶祭饗

禮記夫饗者老婦之祭盛於盆尊於瓶祭饗

門簿

姚思璋字瑞徵一字秋彌仁和人

奔走真如織塗東又抹西金蘭從簿點凡鳥到門題

新年雜詠

家有一編置名應千佛齊亦謂之題名錄還看飛帖在彩筆

未曾提

良齋雜記拜年無論識與不識望門投帖賓主不相見登簿而已答拜者亦如之一月中走奔

如織甚或有帖到而人不到者宋時已然詳見癸辛雜識

拜年

孫溥

絨帽四鄉鮮田家重拜年老翁扶竹杖中婦潔盤筵

打酒鄰牆近看賓稚子顛團樂坐情話禮數愛周全

金介山詩要知隔歲田畝熟只看四鄉絨帽鮮

注鄉人過年獨易新帽陳白沙詩合是田家

稚子齊歌樂歲詩趙松雪詩田家重元日置

酒會鄰里小大易新衣相戒未問起老翁已年
且羅列飲食致甘旨相呼團樂坐聊慰衰莫齒
始茲田饒藉人力糞壤要勤理新歲不敢問農事自

門神

倪經培

左右分丞尉班行文武同爵封萬戶外秩滿一年中

風日容顏改動名閱閣崇休嫌依字下步步欲凌空

程琯字寶擊一字少海仁和人

片紙功名薄登龍不作賓朱門元日鬧繡服一年新

立腳羞隨地忘言慣傲人欲留真面目其奈惹風塵

新年雜詠

張明門神詩功名片紙紙笑空虛

孫濟

高明誰許瞰門戶早兼司劍佩矜春色衣冠嚇市兒

將迎常在暮夜豈無知陌巷鎗宵近何人作豆糜

章豈績戲題門神文無端色相著舊日之衣冠

有甚因緣傍新年之門戶與宜春而俱換歲暮

方歸待報曉以初開夜終不散冷眼常看熟客

往還好在將迎尊官卻似閒人左右虛勞忙立

得誰知者似我今朝幾箇來邪鄭市有人暮夜

指以酒脯及豆粥插門隨枝所

春聯

孫潔字潔輝一字藕船錢唐人

並寫宜春帖朱屏藻翰揚一聯傳繡句到處重書香
華胃何妨遠居鄰幸接芳不緣題柱客已覺有輝光
吳孟舉春聯詩免圖本子漸無奇不用冬烘費
巧思除卻意林屬書柱聯詩殘臘肉齒增出王
文莊和趙意竿為龍賤待寫新年帖馬齒增慙
閒庭伴我數字瑤華當潤筆十分春色早充堂自
白髮題柱名難稱滿載初心竊未忘趙意林謝
惟題師集古贈冬堂
詩輝光集古贈冬堂

天花

汪大綬字印年一字芳樹秀水人

根向佛門栽花煩法鼓催飄空疑散落微笑欲拈來
添得香林色連將貝葉開儻教金布地願建雨花臺

新年雜詠

奕

挂錢

姚思璋

剪鏃工夫細花錢樣幾般高能壓春勝假亦買歡顏

積玉堆金意雕梁畫棟閒紅牋書福字掩映更編爛

武林舊事小經記有翦鏃花樣
立春日士大夫家翦春錢春勝以爲戲
樊榭詩引汪爲山贈予壓勝錢拓本文曰金玉
滿堂 閔亦峰詩人家共許族新運福字通紅
門貼徧

圓鑪

倪經培

一架深廳置光輝照綺筵不因中爲熱何取外能圓

鴿炭生紅暈松枝結綠煙頃時分冷暖祇在落鐙前

程珩

頓覺寒威減金鑪燼炭時煖煙生柏葉春色上松枝
日月雙丸合珊瑚一架支中庭多赫奕莫道附炎癡

善富鐙

倪經培

竹有平安意鐙從臘月張願令君子富不作女兒箱
膏膩蕙根白煙分柏子香
俗以蕙根柏子結束錦盒
鐙上意取百事從容

蘭夢好一點洩春光

歲燭

新年雜詠

季

倪經培

分歲筵前燭雙枝分外紅幾人看曙色偏自怯春風

花發寒初退煙深春漸融流光好相惜欲倩碧紗籠

王次回殘歲卽事詩紗籠椽燭燄如幢火齊呈
花喜一雙爲惜輕風吹燼落曉妝成後未開窗
汪大綬字學年一字橘田秀水人

把燭同迎歲蘭房景最新雙輝題日月
獨上貼金字
松柏長半炬刻冬春翠柏還留識
上簽柏枝
春等語
以取吉
銅荷竟

達晨花開無限喜喜祝案前人

孫溥

待曉堂前拜搖紅坐燭房結花頻送喜流瀟亦生香

更漏珊珊盡春輝寸寸長窗紗明透處晃眼接初陽

新年酒

倪印元

字首善一字介亭又字小迂仁和人

五岳詩人在春風拜草堂醇醪留客醉老健與年長

把瓊梅花笑登盤茶甲香酒酣還起舞樂此歲豐穰

桑葢甫先生自奉甚奢客至未嘗開飲惟新年共二三賞心陳辛盤鮮鼓笑談竟夕不倦有元夕詩

云承平風物喧蕭鼓龍山駕海攢干炬香車寶馬通衢月色團圓猶未午開門泥飲勝傳柑爆竹甯聞

響鄰戶百年良夕幾盞簪爛醉何妨橫枕股諸君更盡金屈厄老狂起為如意舞謹聲豪氣積雪融萬朵

紅梅綻庭堦

孫濟

新年雜詠

美

一杯新歲酒白香山守杭時句也五字白公吟杭俗堪稽古唐

風直至今娛賓還秩秩餞臘去駸駸更理閒絲竹鋪

筵醉月陰

果子茶

孫澡

果釘新年供偏宜蠓眼湯匙翻杯底核茶失籠中香

略辨酸甜味休分品第嘗誰誇三昧手繡出自蘭房

煖鍋

黃杓

字星精一字山外山中客錢唐人

鑪盆任名稱當筵氣自蒸嘉賓方式燕僕者豈先憎

此腹果空洞過時拋冷冰因聲執扇女羹沸亦宜懲

野談煖飲食具謂之僕僧雜投食物於一小釜中鑪而烹之亦名邊鑪亦名煖鑪圍坐共食不復置几案甚便於冬日小集而甚不便於僕者

之竊食宜僕者之憎之也周少穆煖鑪聯句

楊等便腹橫王穀原煖鑪詩牆深羹匣沸膽直燄中趨

年餅

孫濟

糗粒充筐篚賓筵餉月正勸嘗新歲味足屨好高情

薄切投湯沸叩烘候火生阿誰添角黍便欲撥科名

俗以餅佐饌取高中之意

丁龍弘年餅詩糗粒人情筐篚健桃符物候開闕新

新年雜詠

美

春餅

孫溥

說餅逢鏡市重羅屑早和光鋪雲片薄味裏蜜筒多

醉月邀詞客煎香候鼎娥較春題句在映字一高歌

外舅程柯坪先生詠春餅有較春試聽鳳簫之句

藹樊榭春餅詩筒底禁風卷鏡前映字看

湯團

姚思璋

細杵桃花米堆盤不厭多一篩飛玉屑千顆耀銀窩

軟愛香錫裹圓宜纖手搓元宵同慶賀譜入太平歌

金赤泉湯團詩一歸吳米受腰長細杆俄成玉
屑香滴粉丸欺鳳卵堆盤顆耀銀光春筵
織手接搓慣夜市紅鏡慶賞忙記取上元風味
好幾回轉嚼佐糖霜注都門上元市開爭賣湯
團顏其門曰慶賞元宵符藥林詩桂花香餡
裹胡桃江米如珠井水淘見說馬家滴粉好試
鏡風裏
買元宵

鏡圓

程琯

巷口人初賣晶丸萬顆映茜藍工點染錯落滿盤盃
銀燭開筵半霜塘引箸需何人頻咳唾誤認席間珠

閑亦峰詩風吹蕭鼓鬧喧關雪點江南正月天
轉過板橋西巷口人家都賣落鏡圓吳苑庵
粉丸詩既飽有人頻咳唾席間往往落珠玑

新年雜詠

李

開口橘

張寶鎔

枕畔宜朱橘侵晨到口甘未曾逢八叟端合兆多男
繡被懷原穩妝臺頌尙堪手香新有喜勝擘洞庭柑

孫濟

溜白內含精文章外夙成應須探龍頷何用憶仙杵
星籬懷中落甜頭舌上生鄉人除夕甘蔗挂房門阿
元旦取食謂之得甜頭

誰誇利齒膈脯核桃聲

汪乾若有棗橋羌桃龍眼荔枝柿餅荔薺菱八
詠自序云吳興風俗除夕置果枕畔爲新歲休
徵戲詠八章亦效放翁食栗思茨諸絕意也其
詠橘云只恐剝開驚象戲夜深無處著茶枰詠

羌桃云夢回膈脯休相
訝未減童心齒當敲

歐蘭花

口口

第一香誰占唐花藝馬膾販春來北郭唱曉徧西陵

竹葉翠宜酒梅枝寒耐冰歲朝圖裏見添得素心朋

松竹梅歲寒三友也新正以紅梅椿
天竹子黃山松供盆景謂之歲朝圖
馬膾唐花見癸辛雜識
花販唱賣見虎林雜記

項朝藁

字壽之一字
秋吟仁和人

翠羽閒明瑞搔頭玉更長美人原產越公子豈遊湘

綠鬢同心結春風一國香不須嘲入市時世愛新妝

新年雜詠

空

伯父羅翁先生有贈賣歐蘭花者兩絕云一縮筠藍
翠幾叢玉蟠蛻泊曉春風應憐空谷無人賞故遣招
搖入市中芳名早喜播年朝深巷聽來韻
最嬌賣徧春風香一國玉人頭上卸輕貂

長春花

程琯

柏葉觀香絨長生兩鬢中不愁風雨妒幾費剪裁工
春比去年好花應千日紅櫻桃開易落多事怨天公

辛棄疾元日詞誰向椒盤簪
絲勝整整韶華爭上春風鬢

元寶花

姚思璋

翦綵愛成寶圖花新出林誰其百朋錫報以雙南金

春色本無價美人占盃簪因之祝富貴同把香蕪吟

年鼓

孫溥

春臺人共樂搥鼓送寒歸起霸先三搥催花開四圍

柳梅紛弄色燈月況交輝燈月交輝元一種誰見搯紅袖

丁東白雨飛

項羅谿年鼓詩播動春風先起霸點成白雨忽收雷陳迦陵春夜聽鄰閨擊鼓詞落燈風幾陣催人指袂現然響釵應掉

太平簫

倪經培

新年雜詠

奎

遠近簫聲起卿雲映日新裁成斑竹管吹出太平春

未解芳心事誰為跨鳳人但教鳴

盛世如聽奏韶鈞

姜白石詞芳心事簫聲裏

爆仗

趙銘字右書又字月波仁和人

結束身材小層層裏彩牋一聲飛霹靂滿地踏金錢

碧玉竿齊碎丹砂塊復燃連朝聽不厭喜是報豐年

黎涪爆竹詩自憐結束小身材一點芳心未肯灰時節到來寒焰發萬人頭上一聲雷武進縣志元旦放戶放爆仗三聲尚金錢為兆蓋置五色紙錢於爆中發之謂之滿地踏金錢

山志張丞相濬為師日除夕莆人鄭樵客郡中與觀火燄丞相命賦詩給竿字為韻樵口占云

煙火

孫濟

芙蓉開月下樓閣現雲端碧水一珠墮金龍五采蟠

爛然春滿架奇絕景多般貪看人工巧渾忘夜色寒

張時微看煙火詩寶塔峻層跨紫峰青天削出金芙蓉瞿宗吉煙火戲詩天花無數月中開五色祥雲繞絳臺僧園萬屎乙酉春陳旃在孟河口看放煙火其所構架悉用檣竿初點藥纒徐吐金花芙蓉四季百花吐檣竿復放小紙爆及流星賽月明之屬俄而現樓閣亭臺之狀

新年雜詠

奎

掛下大球簾有兩人捲起次第放出戲劇勢皆如生看至夜半呈技將畢發霹靂一聲忽墮一

去球於水面懼出五采金龍追逐此珠掠波而來無此

麗也

龍燈

汪大綸

鱗甲倏噴火飛騰照夜分市聲沸似海人影從如雲

星月爛交射魚蝦導一羣何時傾馬鬣點滴清鈿芸

桑坡甫龍燈歌願得十雨五風調龍神甘澤灑滿湖

大頭和尚

黃杓

鼓欽擁嬋娟遊春啞戲傳不舞而脫離和尚氣參出老
婆禪面目迷藏裏機鋒捉搦邊團團成一笑行脚又
翩然

建甯縣志市井子弟搬弄遊春戲

錯戲

孫津

羊皮宜夜戲鏃影出鏡場扶杖觀村叟橫戈跳霸王
紛如春夢幻巧比木人疆上下渾由手誰誇脚色忙

武木舊事羊皮鏃鏃鏃鏃精巧五色妝染如影戲
之法又小經記有鏃影戲 瞿宗吉鏃詞兩瓦
新開影戲場滿堂明燭照興亡看弄到烏江
渡猶把英雄說霸王又影戲詩鏃火光中夜漏

新年雜詠

奎

運風輪旋轉馳奔馳過來有嶺人爭捉散去無
聲鬼不知月地花階頻出沒雲窗霧閣暫追隨
一場變幻如春夢
綫索重看傀儡糖

走馬鏃

倪經培

兒女宵燃蠟將軍夜斫營煙飛人影暗風入馬蹏輕
儘有騰空勢誰合成遠情樓臺歌吹靜為報已銷兵

孫濟

夜行偏似晝一騎繞東西明月隨人影春風送馬蹏
前程能屢轉覺路總無迷還愛兒童戲跳鏃鬧鼓聲

面鬼

程瑄

脂粉何嫌汚無端作態工長韜三寸舌難翦一雙瞳
賣笑顏偏厚藏羞面可蒙莫嫌真意少色相本來空

鄭荔鄉鬼臉詩何來載一車盈川簿可點將無
兒出神老僧便恐成夢魔乃戲為之淨猛惡不掩
詭但嫌兒啼面軍鵝金鼓鳴以漸似欲厥角明趨
文筆和險參面揪青唇亦可憎突如望之儼故鬚
捷矜走險參面揪青唇亦可憎突如望之儼故鬚
然怒目出險參面揪青唇亦可憎突如望之儼故鬚
更發人襟亦不塵忝顏甲數十重如望之儼故鬚
氣焰不夜豈不芙蓉臉妖孽由人與相取緣
聞庶幾跡都斂

趕魚兒

趙銘

新年雜詠

奎

慣與金銀逐南屏御可如宛然春得水安見子非魚
曉日擎竿出兒童適市初取錢還倍送活計本多餘

錢唐門外多蓄養金魚入城貨
賣名為魚兒活見減滄臨安志

鞭子

倪印元

不須攜馬上小立便成圍鬢角錢花插承以兩鬢謂
之左右插花
鞋尖鳳羽飛回身低簾影兩手互握衣傍晚門牆踢

閨人莫漫揮兒童踢鞭多在
人家門樓下

釋文馬上曰
鞭建也

高虞文字實來一字
半農仁和人

小插金雞尾鞋帮踢最便春風先送喜俗送婿家催
見子云子也稚子况能願眼疾從人巧趾高謂我價輕狂
直如許藥得幾多錢

相思板

倪經培

寸紙情深處相思孰與論幾多心裏事不送手中翻
別有連環意常懷一捻痕高樓愁入眼鴛鴦又黃昏

姚思璋

相思果何物畫板遞催來試手肱三折移時腸九迴
情長嫌紙短易合怕輕開小鳥知人意飛飛傍鏡臺

新年雜詠

突

鳥有名
相思者

哈哈笑

倪經培

笑口開何易街頭聽好音青黃纔入眼歡喜已生心
齒且從人冷情惟與物深女郎如解意便欲埒千金

說書

孫濟

戲社傳雄辯分場說四家胸中有銀字舌上開蓮花
黑子派誰衍韓生名共誇茶筵邀利市又聽響箏琶

擇吉開市俗用歌師酬神
謂之祝嘏又曰了茶筵

武林舊事小說曰雄辯社都城紀勝說話有
四家一小說謂之銀字兒翟晴江上元供體
詩演書宗黑子注朱藝流供奉有李黑子善演
善平 王西樵贈韓生詩話語縱橫許入詩注生

鬪牌

姚思璋

小拍檀心匣雙雙卸玉蟲鋒如爭楚漢味勝孽蓮蓬
楚漢爭鋒孽破蓮四座分頭出三才入掌中陰謀吾

不取裨闔讓人工

周心羅牙牌詩滑笏勻裁徑寸工雷紋翦翦素
肌豐賴摩乍可銷金約小拍微機卸玉蟲襲如
羅綿加髮貼砌檀心匣較開通六
時暫借娛清暇誰信陰謀擲闔功

新年雜詠

宅

陞官圖

孫溥

兒嬉胡遠到彩選戲盤圖畫凌煙似聲名入手看
腰閒白羽箭頭上進賢冠將相原如此形求洵匪難

吳孟舉春日雜詠戲翻彩選匾
榮辱 白香山詩紅袖拂戲盤

陞仙圖

蔣元龍字雲柳一字春雨又
號嶺山樵者秀水人

漫說蓬萊遠披圖小有天偶然事游戲便已號神仙
名隸二山籍功深一指彈丹成凡九轉散手讓誰先

百花圖

倪經培

曾讀羣芳譜花名載略同有香兼有色經雨又經風
約我探春信憑誰奪化工不妨從著袂結習未全空

狀元籌

翁承高字誦芬一字柳湖錢唐人

爭利遂爭名持籌座卽盈先登防見奪緩取爲圖成

五盞憑誰賜雙花合便迎狀頭眞唾手不解老經生

武林舊事集英殿唱進士名狀元賜酒五盞餘
人泡飯朝野類要聞喜宴日選年少二人先
到瓊林折花迎狀元吟詩

倪經培

新年雜詠

突

小試掄魁手拈來緋色新不同才出眾全局屬何人

著意偏輸巧虛名竟逼眞一門連及第滿眼杏花春

程瑄

元鏡明彩局高會樂羣仙竹策題名早春風及第先

奪標憑妙手得意在青錢此日瓊筵坐何人最少年

武林新年雜詠終

前 野 因 武

永善
氏
書

南屏百詠者青湖夫子與同里諸君結社於萬峰庵山舫中所作也南屏自宋南渡後為西湖名勝第一距城不一里南走湖隄六橋高視靈鷲而俯揖胥山千巖萬壑莫出其右以故佛閣森嚴洞石宵奇樹木幽峭邑之賢士大夫皆樂游焉其左稱小南屏者即萬峰庵山舫是也昔庵主讓山和尚以高行見稱於杭葦浦陳句山厲樊榭金江聲朱青湖諸先生游屐所至劈箋分題仿十洲之故事溯八社之遺風洵盛事也維時有禪一號心舟者日侍讓山見其師寄情山水託興高逸以為遠公蓮社而後此其繼歟乾隆

南屏百詠序

一

丁酉春適青湖夫子自北旋里主講於沈君笠人家從游日眾炳亦請業焉青湖夫子於論文之暇兼許游覽而又與心舟有舊緣遂偕沈君笠人胡君三竹結社於山舫中一月一至來者日多而因恐不羈之士之涉於談笑嬉藝也不則習為麤浮怒張言之發於情而未必止於禮義也以南屏古蹟為題以七律限韻為例敏才就範和若笙鏞撫今弔古足以移情吾杭之會友樂羣相宣以道者孰盛於斯乎年久集成刊以質世若夫摭懷舊之蓄念發思古之幽情後之游南屏者亦將有慨乎斯篇也矣錢塘張炳謹序

南屏百詠

朱徵君 彭字青湖本姓馬氏錢邑庠生舉孝廉方正不就隱居吳山力行道德粹然為杭郡名儒凡及門受業者科甲聯翩而上先生樂育之意殷然也詩宗唐宋氣韻深醇南屏詩社中領袖羣英洵不誣也著有抱山

堂詩集

雨華臺在南屏廣教院後今名萬峰庵

臺築香巖石徑斜聖僧曾此布袈裟人來竺國重聯社地異金陵亦兩華遺蹟久傳貞父記空山猶指太

南屏百詠

一

初家於今歎秀峰前立靜聽鐘聲送落霞

藕花居在淨慈寺前南屏八景之一藕花居高儀之別業也

結屋編籬水一涯藕香多處半為家倚闌翠蓋低搖浪隔柳紅衣臥放花野岸烟凝迷鷺渚湖灣月落響魚叉游人莫問當年事石虎荒涼夕照斜

冰玉山人館

數椽茅屋避塵囂高士家居第一橋門外蓬蒿同仲蔚庵前花雨問參寥坐臨流水安琴薦游罷名山臘酒瓢欲問梅根尋墓碣閒原荒草已蕭蕭

晚節香亭韓侂胄園

門開三徑對寒汀，栽菊曾傳建此亭。題額有詩誇祖
句，籌邊無策辱山靈。禍流淮甸全軍，秋到林扉盡
日。扁堪笑玉津，函首去難將。晚節問園丁。

羅漢地在慧日峰旁

閒將碧水注軍持，淨業參來即我師。洞口泉源無別
派，禪門心印在清池。三千法界觀空悟，丈六金身照
影知。何必遠尋羅刹國，一泓澄徹繫人思。

此

南山小築在淨慈寺側，郡人汪之萼築，祭庵於

南屏百詠

二

小築迴峰碧水環，檀園高致迥難攀。清暉已少三層
閣，粉本猶餘幾疊山。逸客聯吟攜酒至，鄰僧乞畫聽
鐘還。子將逝後風流盡，賸有閒情夕照間。

黃公望寓居黃子久卜居於赤山之陰，著有《大

癡山人集

赤山深處結茅茨，此地曾居老畫師。檐外浮嵐飛醉
墨，大癡飛醉墨，王國器袖中秃筆寫枯枝。子久常袖
題子久溪山雨意圖 筆墨遇景
即摹樵童誰覓黃荃宅，壞壁空吟張雨詩。雨曾作符
其吟題壁
聞道笱箕泉尚在，雨餘滌硯憶當時。

盧園

第二橋邊水滿渠，盧生當日闕園居。南朝宮闕浮雲
外，內侍樓臺夕照餘。獨坐遐涼還選樹，閒來撫檻共
觀魚。逍遙大有濠梁樂，曾讀南華一卷書。

玉岑吟社在石屋嶺，左玉岑山許采書西湖入
社之一方九敘號十洲，為玉岑吟社之主。

欲坐籃輿汗漫游，玉岑當日集吟流。平章風月皆餘
事，管領烟霞有十洲。十洲主
此社 古木倒垂山石下，晚鐘

敲斷寺門頭。指慧
因院 只今樵徑間歌處，更有何人共唱
酬。

趙翼王園在慈雲嶺下華津洞側

南屏百詠

三

華津洞外敞雕楹，宋代天潢此駐旌。漫說古牆留竹
色，且來虛谷聽泉聲。數弓餘址茅庵在，一片荒煙墓
道生。訪舊已無仙客過，靜看松影落碁枰。旁有仙人
碁臺立焉

方使君塘 字蒸砂，安徽桐城人，以茂才為蘭溪縣
丞，解組後流寓杭州，曠覽西湖山水，淵才

古思興到即書，性復豪飲，在南屏社有詩

仙酒仙之目

田處士墓廬在九曜山脚

赤山埠古未邱墟，共識當年處士廬。雙屐江湖游子
夢，一椽風木墓門居。甘蕉葉展臨池處，孝筍萌抽野

燒餘今日清明增客感塘時客 梨花麥飯渺愁余

劉松年宅

暗門西望闢荆扉畫士南朝此息機粉本偶然齊馬
角賞心果爾賜金圍繪圖贖繞煙雲氣敗礎仍披薛
荔衣一藝名垂重攬古江山半壁昔人非

南屏書院在淨慈寺側

書院風開慧日扃南山祭酒古儀型巖花澗草舒春
氣松籟梵聲悅性靈遠近煙霞迎北席朝昏藿粥想
橫經牟公詩句非吾道攜手瑤臺入杳冥

聽泉亭

南屏百詠

四

沿隴誅茅亭翼然聽來雨後響山泉軍持滿汲吞初
月卽栗閒拖織晚烟捫葛獨尋危石上傳鐙長照定
光圓地近法相寺爲齋勝乃東坡先生手題 古懷翹首瞻題榜玉局仙豪果
似椽

醉白樓在茅家埠唐白居易書

華構幽棲半幻休夢尋舊蹟此淹留佳名醉白非耽
酒古埠昏黃獨倚樓山月團團三雅後松風簌簌四
時秋縱然賸有吳莊在敗卉叢烟入望愁

毛稚黃養病處

毛公靜攝此東房行藥拋書計本良粥鼓響沈齋乍

罷松篁影寫日初長綠窗耽寂間根斷法界觀空心
地涼我伴維摩微示疾活雲堆處雨花香

摩崖石經在幽居洞之上宋司馬溫公書家人

卦中庸樂記

爲探隸古詣南屏涑水摩崖有石經高廟曾邀三卷
賞瘦筋遠比兩京形未焚野火殊填赤字今填贖

苔錢雨洗青捫讀都關家國語所書乃家人卦鋪揚

不數泰山銘唐元宗東封有摩崖泰山銘亦隸書

葉紹翁東庵

訪古東庵歷劫塵紹翁遺構莽荆榛當年流寓尊蒼

南屏百詠

五

宿近地多瑩結鬼鄰紹翁題寓居詩有整多鄰舍少之句掌故朝端聞

見錄詩朋座上葛天民空餘靖逸吟殘藁每憶唱酬

一 滄神

芙蓉園明富春周中翰園

李翁課子此園偏滄露芙蓉分外鮮破曉誦經聲環
環諸郎才調致翩翩諸子後日均有詩文鍵關爛脚

松林月繫艇閒封艾渚煙遺蹟只今何聞寂天桃亂

落柳芋眠

朱孃酒壚

碧香佳釀夙知名況有朱孃素面迎未暇彈絲吹鬢

影那堪解珮扇風情陳倉浩劫斜陽好仙姥荒墩春
草生一例冶游停騎處玉驄嘶斷墮鞭聲

沈 船字笠人錢塘人笠人少穎異性高介不屑

爲舉子業喜讀史漢入家文工詩抗意而

行復豪於飲凡杭之名士宿儒無不與之

交游在南屏社中八义立就孫太初丁文

策一流人也著有一笠集

飛仙里

半道晴虹曲水邊幽人曾此矮籬編同參玉版通丹
篆偶飯青精入紫煙峰頂閒雲猶往蹟湖干逸事湖

南屏百詠

六

當年我來重結香巖社亦作南屏詩酒仙

歡喜巖在慧日峰下兩石離立相對狀若老翁

勝地由來具異觀南山迤處石巘坑徑通佛國殊清

淨巖接諸天生喜歡縹緲慈雲朝補衲續紛華雨夜

加餐而翁對立不云去一動何如久住安

竹閣

小霽春陰半未醒踏將莎碧入南屏人逢方外心俱

澹竹滿空山屋盡青玉版從來參此地金沙何用說

諸經壑公遺蹟成虛探只有鐘聲似舊聽

珍珠泉在雷峰路口張園

南屏斷處一峰孤泉落高寒似滴珠何事循王園曲
折總教嗣果詠蒿蕪苔浮細雨添新碧湖泛春波見
野鳧回首六橋無恙在可憐荒園日西晡

慧日閣在南山慧日峰淨慈寺內宋孝宗書

小徑叢篁絡翠簾柴扉闌寂見殘僧年湮已沒金書

額地僻元無玉柄繩詩到於今還細詠閣從此後不

須登間將改作淨慈方丈縱然併入祇園勝慧日峰高未許蒼

雙清園

縛箇茅庵過一生山僧老去尙存名地成小隱宗風
繼禪到無心法乳清白社挽回惟兩世荒祠蕪沒已

南屏百詠

七

三更孤雲野鶴有誰主獨往獨來仍此情

仇園仇遠號稱山村築園於南山湖邊

幽懷只合老林泉黃葉秋風慨昔年窗撲晴煙城舊

繞門回曲水竹新編詩名不與閒園廢逸事猶餘小

志傳隔嶺遙聞清磬度白雲飛出港邊船

南莊

宦情老去憶家鄉歸隱湖南構小莊門送畫船回舞

袖檻浮新漲挹荷香夕陽古塔孤棧迥秋水高峰倒

影涼多少亭臺爭傑勝至今遺蹟半蒼茫

少林壁在南屏樓鑰書少林二大字於石壁

蓮蕩參差石徑深松濤萬斛淨塵心昔年面壁青山
老何日耕雲碧樹森蹟遠煙霞無客到字經歲月半
苔侵度江未必嵩峰頂也有禪師稱少林

葛寅亮宅在南屏山左築室讀書負笈者多四

方名士

歸來一笠杖頭挑誰識司勳甘寂寥春雨窗閒翻舊
帙秋風柳外放輕橈殘星夜落當門水積翠晴開近
郭橋猶喜慈幃迎佛閣晨昏何必馬蹏遙

鏡花閣

傑閣憑湖四面開山含蒼翠絕纖埃花浮幻鏡香痕

南屏百詠

八

冷風疊寒波瘦影迴雪後獨登人倚玉月明未寢鶴
閒苔一聲長笛嘯千古吹落不知多少梅

貫酸齋別業貫雲石自號酸齋

宦游已作夢游看賣藥錢唐棄冷官雲屋山舟空著

想先生構有樓洞花幽草二妾了餘歡江南舊有狂

生句嶺下今無學士酸回首煙波沙鳥闊昔年同此

曠懷觀

陶舍人宅

柳伯歸閒此舊基猶餘古柳綠陰垂當年監稅空移
橐身後遺書鮮媿辭學士有橋兼有港舍人耽畫又

耽詩何時我亦尋棲息早晚聽鐘到淨慈

花光齋通元亭皆賈氏亭館花光巧於工輪通

元掩於招提見白珽賦

翠輦雙飛出鳳城綠陰濃處畫舸迎晴波影裏搖花
影歌吹聲中雜鳥聲纔過瑤津陪宴罷重來齋畔待
涼生當年曾說邀慈眷賸有荒榛繞廢塋

白蓮洲在雷峰之陰洲畔有白蓮寺

山曉湖頭起碧煙微風蕩入采菱船水當淨處有紅
藕鐘到幽時開白蓮野鷺飛來留雪影名心澹去憶
華年讀書我亦司勳癖長夏江村共一天

南屏百詠

九

釋禪一字小願一字心舟嘉興府人自幼在南屏

萬峰庵出家爲讓山和尚高弟讓山工詩

與城中厲樊榭杭大宗相友善結社於本

庵山舫中心舟隨侍出口成章雖在禪門

性嗜酒肉不念經不參禪繼讓山之志在

於山舫結詩社朱徵君方使君同人咸集

一時南屏稱盛會焉

琴臺米芾正書在小有天園宋司馬溫公書家

人卦石壁之旁

蓮華峰下斷崖陰仄徑叢篁綠雨深有客閒尋願米

字無僧能鼓穎師琴澗泉細滴和平韻松籟虛傳太古音共向臺邊追逸事廿年重續舊時吟

徐炳宅宋時人在雷峰之右自號回峰先生隱居不仕

一第何榮棄作農著書不出隱回峰牆頭香散花陰薄湖面青浮山影重木榻常留高士臥柴扉時倚野雲封年華幾逐東風去歎惜無人繼舊蹤

觀音洞在麥嶺北

一勺靈泉六月寒洞門紫竹立千竿久空色相惟心視互用塵根以耳觀僧習踟蹰施坐具人來頂禮燕

南屏百詠

十

旃檀鳳凰山麓方家峪便作潮音風景看

讀書林

巍然塔影夕煙沈瘦策時來辨野吟智覺尙留談妙地司勳已沒讀書林吾儕合有探奇癖父老猶傳歸隱心細玩黃山飛錫記至今一字重南金

黃雪山房在清波門外學士港邊詩人徐紫雲

故居

學士橋西碧水灣先生於此閱棠開霜黃檻外堆殘葉暮紫門前識舊山一榻養痾嗟老去半生作客倦游還當年曾入南屏社石上題詩沒蘚斑

南園韓侂胄南園山莊在白雲庵側

遺址荒涼鶴渚南平章曾此憩幽探前朝事去無人問空谷花開詩可參昔日離邊聞犬吠今時雲外接僧談澄湖倒影黃姑塔一半春光落照酣

仙姥墩在清波門外東晉初有裴氏姥采花釀酒遇仙授藥丸姥餌之月餘不知所在

何處方平舊蹟存渺焉姥去已無墩湖山過客詩千首天地遽蘆酒一尊新水綠憐楊柳渚夕陽紅憶杏花村蓬萊清淺桑田變即有仙源未許論

飛泳亭明虞淳熙德園自序西湖南宋放生池

南屏百詠

十一

也亭以飛泳名凡社友以放生來必攜飛泳之類社定錢湖舟中

趁涼曾過藕花居龔袂清香正雨餘亭廢尙留飛泳字潭空不見化龍魚新詩酬唱頻招集遺蹟搜尋細檢書最喜一湖春漲綠誰橫釣艇夕陽初

居然亭

落拓心情本自全林巒此地獨居然曠懷峭拔崇岡上逸興從容細雨前晚翠煖烘孤塔迥晴光虛涌一亭圓華津洞與香巖接登涉時來更息肩

水樂洞在煙霞嶺下

欲尋十八洞流泉先向煙霞洞口淵箇裏似聞金鼓
振靜中若有管絃傳林亭復治搜陳蹟詩句重題感
昔賢會取生公說法意卻鄰點石舊庵邊

聚景園在南屏山前

西園曾記繞城隈景聚湖南面面開鳥語花光三月
媚金輿玉輦兩宮回麤麤柳影迷空閣疊疊荷錢護
野莓欲覓放翁題壁處避人水鳥去還來

酒庫在赤山埠

當年庫設赤山旁今日猶聞麴蘖香能使伯倫荷一
鍤儘容太白醉千觴釀如越郡名無定監若筠州稅

南屏百詠

三

有常卻與雷峰相掩映沈酣古塔立斜陽

草衣庵在小南屏山麓

遺蹟難尋季重詩吳秋有宿南屏草衣庵詩空山無復認茅茨晴

開虛白雲俱遠深閤濃陰夏不知一把葢頭師老衲

七甌供客憶當時夕陽已沒迴峰頂鄰寺疎鐘打獨
遲

大壑井

亦是滄沱一脈傳雲仍日汲飲思源始開志載熙甯
歲重濬碑刊萬歷年仰視心迷指上月坐觀眼窄井
中天香巖消夏道前會沈李浮瓜繼舊緣

胡栗字三竹錢塘人諸生家本素封不事生產

日以詩酒爲事性素豪放嗣因中年家落

抑鬱不得志而終

黃篋樓元張伯雨建樓在南屏浴鵝灣側

砍竹編茅結小邱名傳句曲最風流術精丹篆人空
老製類黃岡地更幽春漲一灣新浴鵝荷花千頃舊
當樓荒涼落日尋遺址湖水依然綠似油

小蓬萊在南屏雷峰夕照處晉葛洪煉丹於此

抱樸曾研丹篆來幽居從號小蓬萊月籠細草分瑤
色煙護長松非世栽湖曲甘園隨主易石梁篁徑自

南屏百詠

三

天開咄他漢武何奢望童叟空思駕海回

勝景園韓侂胄築在長橋北

水榭松亭篆路通幽棲約略野人風勝尋雁宕山差
敵景倩龍眠畫欠工叢薄聲低無犬吠牆隈春盡沒
花紅名園此日誰爲主一記依然說放翁

汪際會字蓮塘安徽宿州人諸生入貢太學二年

後籤掣浙江正八品歷署仁和縣尉生平

以不得科甲爲恥每遇遊覽咸發於詩惜

不能大展其才

石佛洞在淨慈寺側蓮花洞石

嵐氣溟濛古木稠雙巖如劈佛光收三千界向龕中
納丈六身從石上留鳥語空山聲帶慧花開靈谷色
逾幽此間闕寂原無物多事緣何資相求

叢玉軒在淨慈寺

誰展南屏錦畫圖綠筠如翠滴珊瑚清風徐度詩方
就細雨初來酒正蘇萬派琳瑯森半壁一軒閣敞控
全湖李侯墨妙傳千古僧定堂虛澹欲無

幽居洞在南山小築之上

奇石峻嶒細路幽乍晴天氣澹煙浮丹成幾見仙留
蹟洞僻何曾世有伴半夜猿嘯新月朗四山鶴唳碧

南屏百詠

古

雲秋空崖還賸苔痕綠拂拭難忘勝地遊

雪齋在方家峪西林法惠院宋蘇軾題名秦觀

作記

池邊層巖作噴吼灑粉能生六月寒選石僧歸煙雨
寂命齋人往水雲殘涼颺竟透堅冰窟冷氣常凝白
玉盤妝點三冬銀世界至今晴雪滿林巒

白雲庵 國朝荊州守郡人汪獻琛重加葺治

增構齋榭雜蒔花木沿隄爲橋以通湖水易

名慈雲庵乾隆二十二年 聖駕臨幸題

漪園二字爲額並繫以詩又 御筆畫梅

勒石存焉

匠心結構小山莊

簷藻標題翰墨香風送竹聲來遠閣月移波影上迴
廊門前畫舫笙歌沸樓外流雲變幻忙更愛梅花堪
絕俗故留清照煥

宸章

依光堂在今錢王祠側張卽之書

橋通活水落花香曠達平明柳綫長清磬聲傳午
夜殘碑字字寫琳瑯慧雲時擁凌雲閣旭日遙臨向
日堂憑弔瀛洲留蹟處短隄遠目泊歸航

南屏百詠

古

康 梅字春湖錢塘人諸生

浴鵝灣在赤山埠水曲

碧波一曲繞隄灣倒影參差浸赤山黃鵝浴時春水
漲綠蓑歸去釣絲閒溟濛細雨花千樹隱約漁村屋
幾間柳綠至今思外史依依猶護舊柴關

南屏書屋隱君莫惟賢南屏別業二十一景之

南屏一鳴白雲閒竹裏柴扉鎮日闌猿鶴也知親理
學煙霞終古護名山開軒點易鄰高士采藥修丹駐
玉顏今日驢壇諸老宿景行猶指舊煙巒

炊香閣

巍然一閣出崇岡聽得鐘聲識上方曾向窟中煨芋
栗卻從雲外散芬芳禪參玉版留遺韻水引名泉浣
俗腸此日大慈山下路黃瓜紫李正堪嘗

雙投橋在淨慈寺東今之長橋俗名雙投橋元

馮士頤有詞

佳話陶王涕淚餘癡駭兒女最憐渠盟心欲作雙棲
鳥墮水仍為比目魚千載橋名生惋悼三更月色費
躊躇可堪當日停橈處柳外鴛鴦宛頸如

陳愷字西堂錢塘人諸生

南屏百詠

六

崖艇萍道人名如曉字萍蹤蕭山人善書畫能

詩多佳句出遊三吳及宣歙明刻台蕩諸勝

老乃結宇烏石峰下名曰崖艇

山南崖艇足句留豈若梅槎費訪求嶺上百花開寶

塔林閒一葉侍仙舟連朝簫鼓惟耽樂終古湖山未

送愁獨立蒼茫煙水外誅茅追憶舊緇流

徐梅字樸人錢塘人諸生性素狷介居南山滿

覺隴足跡不入城市慕孫太初之風節遇

適興處即走筆題詠惜賁志以沒

寓林黃汝亨結廬讀書在南屏小蓬萊題曰寓

林

殊榮肯謝意何深合與青山作賞音浮世著身原似
寓倦游如鳥總歸林門無車馬應高臥座有琴尊愜
素心最是閒情消不盡一湖煙景入豪吟

湖南吟社西湖八社之一即南屏詩社沈仕號

青門為南屏詩社之主

八社遺蹤不可尋名流今日重南屏嘯歌風雨詩千
首放浪形骸客滿庭嵐翠滴衣春正好湖光明眼酒
初醒幽懷無限寫難盡嘯鳥數聲山欲暝

含暉亭

南屏百詠

七

虛亭如畫枕巖阿綠樹陰深帶薜蘿秋淨竹池煙冷

澹夜涼松徑月婆娑慣游如我終忘倦到此情懷欲

放歌想見風流賢太守烏紗白葛幾經過

越王臺

峰頂雲消望眼開越王曾此築高臺伯圖自昔雄吳
楚遺蹟於今但草萊寒雨怒潮千古恨夕陽煙樹故
宮哀登臨莫問興亡事長嘯風前亦壯哉

厲志齋字層雲錢塘人詩人厲樊榭先生之子

清曠樓在南屏興教寺內

雨餘晴好兩悠悠占得風光最上頭半塔每從雲裏

見全湖都向望中收境空諸相和天遠心曩名山似
畫游我欲尋仙無妙術一管長笛夕陽樓

童 培字鹿庵錢塘人布衣

翠芳園白珽賦南有翠芳蘭棧在焉在携遠堂

南長橋北為內司建

名園陡絕獨無倫占斷全湖結構勻搜討於今憑我
輩荒蕪自昔記咸瀉梅槎夜汛滄溟月蘭棧香消甲
帳春差喜風光仍不改年年供給踏青人

小南屏在廣教院後

酷肖南屏具體微雲根山勢總依稀藤蘿月上窺巖

南屏百詠

六

竇苔蘚霜情攬客衣巧鑿良工難得似名傳信史未
全非老夫不識祇園路可有疎鐘度夕暉

倪印元字小迂錢塘人屢試不售結社於兩峰三

竺間工詩寄託高遠有陶韋風致

華津洞在方家峪

嶺轉梯雲境絕塵又來洞口探嶙峋苔花早沒前朝
字山色長留太古春泉閣寒煙回玉女暮敲白石有
仙人結廬擬溯司動蹟先向華津一問津

張樹績字梅溪仁和人布衣

通元亭在南屏山左

通元亭時近雷峰此地曾參造化工閒對深淵窺躍
鯉靜觀碧落數飛鴻天空海月初生白陽復蹊梅已
逗紅一自采芝人去後可堪草蔓畫關中

張 炳字芭塘錢塘人乾隆己酉胡長齡榜進士

著有來講山房詩藁

甘園在雷峰塔側宋內使甘昇園

園築蓬萊碧練澄當年別墅屬甘昇閒雲猶向山腰
鎖舊事虛將湖曲稱花氣撲人誰是主水光侵檻獨
來憑野鳥飛盡不知莫無限詩懷感廢興

香嚴社在南屏萬峰庵

南屏百詠

七

萬峰深處雨華香地隱南屏選佛場結社人分貞父
約論詩客受壑公房雲含幽石琴為潤篠媚清蓮月
亦涼詩用靈運我欲重來追勝事聽鐘正好話禪牀

望湖樓一名先得

路入南屏一徑幽湖光千頃恰當樓回峰影落春波

淨古寺雲橫夕照收紅杏梢頭颺酒旆綠楊隄外數

歸舟自來應蹟知多少賸有閒情對水鷗

鮑當宅在清波門外鮑有詩編名清風集時號

鮑清風

暗門小隱構茅堂舊事猶聞說鮑當郭外山如倪瓚

116 110

畫尊前人比鄭公鄉宦情老去秋雲薄詩句吟成晚
菊香一卷清風傳北宋欲尋遺蹟已蒼茫

白雲亭在南山半發幽亭之東又其東皆茂林
修竹不知其極

嶺轉峰回路半垌白雲深處結茅亭炊煙曉破千山
霧嵐翠晴開四面屏逸思每懷高士隱幽探曾記老
僧停往來我亦無心者驚起唳鳥散夕暝

冰壑書堂宋樞密金淵嘗於小麥嶺作書堂自

號冰壑

曾傳樞密愛居山冰壑堂開積慶閒高阜橫分峰似

南屏百詠

三

翼平林遠列水如環蘿軒書擁歸田樂草閣棋消清
晝閒最是一簾風雨過憑闌枯坐足怡顏

堂有理宗御書怡顏

鐵窗櫺洞在赤山埠惠因澗

泉聲陡落碧湖中鐵作窗櫺若鬼工深洞蛟龍虛作
勢陰崖雲水遠垂空招涼六月渾無暑拯旱三吳信
有功濯足題名過澗上少游游處湖高風

鶴渚孫一元字太初寓南屏山嘗蓄一鶴自隨

與許給諫善許為置田以充鶴糧

胎化仙禽絕點塵恰來清渚伴幽人秋高九曜山前

警雨淨三潭月下馴自惜羽毛全皓質不貪飲啄得
天真太初沒後雙飛去賸有空田傍水濱

歌樵嶺在大慈山之塢一名五字嶺

樵唱悠揚入嶺隈松風吹送過溪來自然天籟兼人
籟不藉簫材與笛材荒徑鳥驚殘葉下短筇客過夕
陽開眞珠泉近聲聲應贏得一肩帶月回

一湖軒在南屏淨慈寺內

占得湖光在一方恰攜良友竟登堂清流憂玉長當
戶白石如羊任作牀放眼忽忘千里遠安心不覺六
時長歸來佛面猶含笑怪底游人總自忙

南屏百詠

三

問水亭在湧金門外柳洲二賢祠之左

問水亭前問水仙買舟日日費金錢笙歌柳下初開
舫池館花開乍擘箋放鶴僧游山寺外聽鶯人到畫
橋邊全湖風景誰開始好向祠中拜二賢

思白堂在南屏山前湖中白香山舊游處元豐

三年林希榜曰思白以示懷賢之意今改為

放生池

堂闢三潭得月先林公題榜為懷賢當年曲院環青
柳此日清池放白蓮風景依稀勞夢想笙歌縹緲憶
前緣使君此處難拋卻留得新詞萬口傳

張鳳苞錢塘人字相友業儒芭塘長子

過溪亭在風篁嶺舊有歸隱橋辨才師嘗送坡

公過此左右驚曰遠公已過虎溪矣坡後作

亭其上遂名曰過溪亭並以詩紀之

虛亭岑寂枕僧蹊二老風流繼虎溪明月禪心誰為

唾坡贊辨才師云欲知明月所在在彼唾霧之中白雲幽壑手重攜情緣偶

爾同三笑詩傷今猶訪十題辨才十題素觀不是阿

師真定力廬山合讓遠公棲

醒心書屋在花港之西文學戴大受讀書處

古柏山梅掩映餘來遺文學戴公廬道人小築元高

南屏百詠

三

世垂老華顛獨著書刻曲風徹通列宿濼樂樂意羨

遊魚醒心諸錄吾儒事當著醒心畜德諸錄笑殺揚雄問字車

掬湖臺在芙蓉巖東

帶草巖花擁石臺湖光一掬淨纖埃空明忽放簾鉤

入生面都從腕下開如水月宜盈手贈化煙山欲上

衣來白描神技探驪句兼擅應歸闔苑才

可賦軒在赤山寶林院

劇喜探幽憇寶林開軒可賦漫沈吟鶯花慣閱遊人

老山水偏逢隱者尋點筆石欄看月上聽鐘松徑話

雲深靜來詩味如禪味貝葉多裁寫妙心

水南半隱在長橋采鄭起所居

合是當年鄭所南居名半隱過橋採衣冠巢許心兼

灑城市山林趣獨涵猶有遺文傳記一曾自尚留荒

徑於開三桃花莫笑非人世鷓鴣忘機我亦諳

松月居明僧宗泐居

泐翁於此閉禪關淨洗塵根松月開西佛樂章曾製

讀御廚齋膳不時頒洪武初應召製讀佛樂章賜

林坐對門前雪秋雨人懷湖上山張伯雨詩云滿

室清空照虛白乾坤翰卻老僧閒

老龍井越風篁嶺

南屏百詠

三

別有龍泓徑就荒峯巒回或互相望一蹶秋水沈空

碧漪暖寒雲出莽蒼草木自餘靈氣古風泉能使道

心涼不禁幽悄徘徊處更上天門引嘯長

張鳳韶錢塘人國學生字研侯芭塘次男

匏庵在滿覺院舊址之旁吳名溢所居

蒼翠深林舊結茅小庵初築等懸匏風塵回首羣機

息陳洪綬為書杜句云側身天地更懷古回首風塵甘息機水竹當門一徑交翊

曉夢中人自幻中有榻木犀香外句閒敲手植桂樹

輪囷數圍為翁山老桂之冠竭來扶策尋遺冢煙挂藤蘿月挂梢

一片雲石在風篁嶺上石高丈許青潤玲瓏工

緞萬狀

曷下風篁轉嶺隈陡驚片石孽雲來一拳贖自媯皇
鍊萬變奇於鬼斧開雷雨神功分太華有無山色想
蓬萊塵心滌淨緣耽古搜剔題名到蘚苔

夜講亭在靈芝寺

賸水殘山初掛錫空林法鼓夜譚經湖涵金碧禪機
古雨洗琉璃佛火青彈舌頓教頑石解俯窗時有老
猿聽法光首座推當日梵偈依然紀此亭

先照壇在南高峰頂

絕頂層壇俯大荒遙看日月指扶桑乾坤一氣歸先

南屏百詠

雷

照天地雙丸出混茫煙白眾山開曙色雲明孤塔動
湖光振衣頓覺神清曠擬頌重輪燭萬方

菴壁山房在南山宋金應桂築

幽居曾卜翠微巔不愧風流陶令賢玉塵冰絃清氣
味角巾羽氅散神仙為宋時縣令入元隱居善清談
嘗著巾氅衣望之若神仙然
花殘半壁春歸水夢醒空山月在天三十六梯何處
所畫圖省識李龍眠李萊老寄詞云三十六梯樹杪
遡空遐想登臨金善書畫學李

龍眠

齊樹樓在石屋明方豪築

蘊藉為郎便乞休移家湖畔築層樓千章影入琴書

潤五月涼生枕簟秋簷角山因羣佛著壁間句有少
師酬少師夏公謙
曾贈以詩於今遺稿規齊樹嘗著有齊
樹樓稿華簪不早抽

薩捶石在龍井

白石當年臥澗阿於今過客屢三摩空傳飼虎高風
在楊傑詩解虎錫常開飼虎石常
在志軀度有情清風幾千載不比成羊幻術多
寶筏無人參鏡象土花經歲長盤陀忘軀欲度情難
已一片婆心奈世何

于忠肅公祠

巍然廟貌峙湖濱俎豆今經四百春和議豈能安社

南屏百詠


雷

稷回鑿原不愧君臣市中血染莨宏碧地下魂甘武
穆鄰太息童謠徵兩帝策勳翻子奪門人


芙蓉巖

翠微深處翼危亭過鳥穿雲一杖經向日攀來金晃
朗削天飛下碧瓏玲蓮分太華三峰秀屏寫匡廬九
曲青手把芙蓉七十二湖煙湖雨立空冥

南屏百詠



東山訓和集



東山訓和集序

賦也懶性幽野避人小築紅妝畫舫畏東寺之繁華蓬徑席場
傍西丘而至止辛巳元夕歲山半野翁借河東君儼然造馬於
時竹戶蕭閒清陰寂歷白雲殘雪映人面而不分蘭氣梅香與
清言而無別談諧間作獻酬不煩樂翰論文重翦西窗之燭張
燈促席共開北海之尊洞裏吹簫下廳輪於羸女筵前度曲駐
月駕於素娥既醉言歸遂巡再遠寒輕春淺即席之詩立成月
避花輪倚答之詞加麗洵吳都之盛事實藝林之美譚也卧病
經年往再隔歲壬午元夕通訊虞山訓和之詩已成集矣觀其
東山蔥嶺贈切同聲白首紅顏感深相和旌心信誓於白水通
詞遙託於微波及其婉變定情低迴惜別南湖七字折文無以
爲媒南國千言板柳枝而爲贈昔者鄂君繡被徒感說於權歌
蜀國朱絃但留連於琴曲豈如今日以清文爲蒲葦以微詞爲

訓序

虞山叢刻

緙絲贈以芳華止乎禮義者與君方珩璜閨闈裘褐山林清旭
綉帷西室羽陵之籍夜窗絳蠟三元入會之書近將刊落丹華
滌除妖冶然而靈簫繡帶會鼓柅於牽牛羅郁青衣亦棲情於
條脫烏爪接待於爲陸戴勝啜記於復來雖天上以不殊在人
間而何諱自今天孫機杼不候漸臺朱鳥窗前唯看柳宿隴廩
史筆長傍娥眉桴鼓軍容尙資織手斯又可以區明彤管流布
清喬者矣瑣少慕風流老就寂寞迴燈開宴叨陪珠履之賓擊
鉢催詩幸逃金谷之罰附名卷尾喜籍宿因題序簡端聊傳好
事云爾

崇禎十五年二月望日吳門寓叟沈璜壁甫謹序

東山訓和賦

吳國王孫金門仙史登玉堂拂蘭綺冠天上之才華攬人間之
麗德既離憂而靡託望北渚兮帝子接太傅之風流陳令公之
聲伎列屋兮粉黛滿堂兮羅綺恍若有思黯若無視未有疑豔
質於鬼神嫺雅步於詩禮曠絕世而獨立妙傾城而可喜者也
爾乃得意星妃降精柳宿驂青鸞以翔回度弱水而邂逅醜青
澤之容華陋蘅麝之芳臭素質凝脂眞香拂袖皎兮明月寫秋
天燁兮花枝照春豔容與藝林跌宕文囿託微波以通辭知不
可乎遽就詎目挑而心招迺魄動而意授於時東山陪履蔥嶺
申情唱白雪而遙訂感紅顏以結盟捧上壽之觴於椒頰擁合
歡之被於書城芳心自許密訊方成猶有留連徒倚偃蹇猶夷
乍離乍合若信若疑青翰同載銀燭未移削玉管而微韻量明
珠以贈遺振春燈而借別指秋河以爲期帶絳同心恨垂條之

訓賦

虞山叢刻

尙短煙含青眼鎖纖眉而可思分手涕淚遊情鬱滯西谿梅落
餘香未分仙掌瀑懸素練欲遇浴湯泉懷如玉之温登雲嶠望
眞仙之御寄愁心以遙緘託芳詞而先赴暮雨不來行雲何處
於是駕桂棹理蘭航泝洲清凌滄浪流蘇百寶鉤車七香燒石
葉以熏路燭卿雲而催裝客星犯斗牛之位天姝降井鬼之勞
羸女乘鸞向煙霧天孫填鵲渡銀潢連理枝頭共宿女牕之樹
鬱金堂上雙棲玳瑁之梁花影拂箋麗句斯在玉聲度曲清音
未亡記網繆於三星侍巧笑於一綵刻珊瑚以作枕染翡翠以
飾幔垂簾委珮陪甲帳而橫陳敦禮說詩吹乙藜而染翰綠華
條脫纖手宵分紅燭釵蛾眉夜半青靑長在彩雲不斷來朱
鳥於窗前情綢結以泮魚豈若宋玉恍忽於夢中江生仿象於
水上陳思感雅靈而空迴相如疑神女而永歎者與若夫談曲
引願秉燭投文笑倚柳枝而起草醉扶桃葉而書裙掌記紆憂

於行役揆梓賈壯於從軍萊公受諫於菑桃學士鼓腹於朝雲
莫不誌一時之黠事資千古之談芬况良緣之非偶海佳人之
難得辨和鳴於玉簫諧婉變於瑤瑟止禮義而不淫等國風之
好色倚訓唱於曲房傳風流於通國寧芍藥之盈篇競龍鸞之
共織雖靡濫於風人亦不傷乎麗則儷玉臺之新聲猗形管之
有爽
歲在壬午孟陬之月門人孫永祚謹上

詞賦

二虞山叢刻

東山訓和集卷一

庚辰仲冬訪牧翁於半野堂奉贈長句

河東柳是字如是初名

聲名真似漢扶風妙理玄規更不同一室茶香開澹黯千行墨
妙破冥蒙竺西瓶拂因緣在江左風流物論雄今日沾沾誠御
李東山意嶺莫辭從

柳如是過訪山堂枉詩見贈語特莊雅輒次來韻奉荅

牧翁

文君放誕想流風臉際眉間訝許同枉自夢刀思燕婉還將博
土問鴻濛太白樂府詩云女媧厥黃上罔作下感入散作六合開濛濛若沙塵霏花丈室何曾染
折柳章臺也自雄但似王昌消息好履箱擎了便相從河中之水歌云

半野堂舊值柳如是用牧翁韻奉贈

訓一

虞山叢刻

偶菴程嘉燧

翩然水上見驚鴻把燭聽詩訝許同何意病夫焚筆後卻憐才
子掃眉中菖蒲花發公卿夢芍藥春懷士女風此夕尊前相料
理故應惱徹白頭翁

次牧翁韻再贈

偶菴

居然林下有家風誰謂千金一笑同杯近仙源花漱漱半野堂
爾故雲來神峽雨濛濛彈絲吹竹吟偏好挾石錐沙畫更雄詩
酒已無驅使分熏鑪若盃得相從

冬日同如是泛舟有贈

牧翁

冰心玉色正含愁寒日多情照掩樓萬里何當乘小艇五湖已
許辦扁舟每臨青鏡憎紅粉莫為朱顏歎白頭苦愛赤闌橋昨

柳探春仍放舊風流

次日登前韻再贈

牧翁

新詩吟罷半凝愁斜日當風似倚樓爭得三年才一奕可憐今
日與同舟輕車漫憶西陵路斗酒休論溝水頭還勝客兒乘素
雨遙暹明月詠絳流

次韻奉荅

河東

誰家樂府唱無愁望斷浮雲西北樓漢珮敢同神女贈越歌聊
賦鄂君舟春前柳欲窺青眼雪裏山應想白頭莫為盧家怨銀
黃年年河水向東流

次牧翁泛舟韻

偶菴

訓一

虞山叢刻

蚤聞南國翠城愁會見書飛故國樓如是在海新夫故遠客寒
天須秉燭美人清夜恰同舟玉壺傳得詩千首金管吹來坐兩
頭從此煙波好乘興萬山春雪五湖流

寒夕文謙再疊前韻是日我聞室落成延河東君居之

二日

牧翁

清尊細雨不知愁鶴引遙空風下樓紅燭恍如花月夜綠窗還
似木蘭舟曲中楊柳齊舒眼詩裏芙蓉亦並頭河東新賦今夕
梅魂共誰語任他疏影蘸寒流河東寒柳詞云約箇

半野堂夜集惜別仍次前韻

偶菴

何處珠簾擁莫愁笛牀歌席近書樓金鑪銀燭平原酒遺浦寒
星剝曲舟望裏青山仍北郭行時溝水向東頭老懷不為生離

苦雙淚無端只自流

半野堂燕集次牧翁韻奉贈我聞居士

徐錫胤爾從

舞燕鷺鴻見欲愁書籤筆格晚收樓開顏四座迴銀燭咳吐千
鍾倒玉舟七字詩成才舉手一聲曲誤又回頭佳人那得兼才
子蕤苑蓬山第一流

迎春日借河東君泛舟東郊作

牧翁

卷畫山城畫舫開春人春日探春來簾前宿暈猶眠柳鏡裏新
妝欲笑梅花信早隨簪髻發歲華徐逐蕩舟回綠尊紅燭殘年
事傳語東風莫漫催

次韻

河東

詞一

三 歲山叢刻

珠簾從此不須開又是蘭閨夢景來畫舫欲移先傍柳遊衫纔
拂已驚梅東郊金彈行相逐南陌瓊輶度幾回最是詩如玉
瑄春風舞袖一時催

春日我聞室作呈牧翁

河東

裁紅暈碧淚漫漫南國春來正薄寒此去柳花如夢裏向來煙
月是愁端畫堂消息何人曉翠帳容顏獨自看珍重君家蘭桂
室東風取次一憑闌

河東春日詩有夢裏愁端之句憐其作憔悴之語聊廣其

意

牧翁

芳顏淑景思漫漫南國何人更倚闌已借鉛華催曙色更裁紅
碧助春盤早梅半面留殘臘新柳全身耐曉寒從此風光長

十莫將花月等閒看

除夕山莊探梅口占報河東君

牧翁

數日西山踏早梅東風昨夜斬新開停車未許傾杯酒走馬先
須報鏡臺冷蕊正宜簾閣笑繁花還仗翫刀催衫襦攜得寒香
在飄瞥從君嗅一回

庚辰除夕借河東君守歲我聞室中

牧翁

除夜無如此夜良合尊促席餞流光深深深簾幙殘年火小小房
櫳滿院香雪色霏微侵白髮燭花依約戀紅妝知君守歲多佳
思欲進椒花頌幾行

除夕次韻

河東

詞一

四 歲山叢刻

合尊餞歲羨辰良綺席羅帷曙曙光小院圍爐如白晝兩人隱
几白焚香紫窗急雪催殘漏照室華燈促豔妝明日珠簾侵曉
卷鴛鴦羅列已成行

辛巳元日雪後與河東君訂春遊之約

牧翁

新年轉自惜年芳茗椀薰鑪曲房雪裏白頭看髣髴髮風前翠
袖見容光官梅一樹催人老宮柳三眠引我狂西磧藍輿南浦
權春來只為兩人忙

元日次韻

河東

嚴蕪新葉報芬芳彩鳳和鸞戲紫房已覺綺窗迴淑氣還憑青
鏡箱流光參差旅髻從花妬錯莫春風為柳狂料理香車并畫
轡為度難借他忙

新正三日借河東君過拂水山莊梅花半開春餘乍放喜

而有作

牧翁

東風吹水碧於苔柳顰梅魂取次迴爲有香車今日到儂教玉
笛一時催萬條綽約和腰瘦數朶芳華約髻來最是春人愛春
節詠花攀樹故徘徊

次韻

河東

山莊水色變輕苔並騎觀看萬樹迴容髻差池梅欲笑韶光約
略柳先催絲長偏待春風惜香噴真疑夜月來又是度江花寂
寂酒旗歌板首頻回

上元夜同河東君泊舟虎丘西溪小飲沈璧甫齋中

牧翁

詞一

五 虞山叢刻

西丘小築街喧隔微雪疏牖鑪火前玉女共依方丈室金牀仍
見雨花天寒輕人面如春淺曲轉簫聲並月圓明日吳城傳好
事千門誰不避芳妍

次韻

河東

絃管聲停笑語副清尊促坐小閣前已疑月避張燈夜更似花
輪舞雪天玉蕊禁春如我瘦銀缸當夕爲君圓新詩機體僅桃
李行雨流風莫妬妍

次韻示河東君

牧翁

三市從他車馬關焚枯笑語紙窗前晚妝素袖張燈候薄病輕
寒禁酒天梅蕊放春何處好燭花如月向人圓新詩恰似初楊
柳遶勒東風與鬪妍

辛巳元夕牧翁借我間居士載酒攜燈過我荒齋牧翁席

上詩成依韻奉和

沈璜璧甫

乍停歌舞息喧闌移泊橋西蓬戶前弱柳弄風殘雪地老梅破
萼早春天酒邊花倚燈爭豔簾外雲開月正圓夜半詩成多藻
思幽庭芳草倍鮮妍

蘇先子後

春城簫鼓競闌闌別樣風光短燭前殘雪樓臺行樂地薄寒衣
袂放燈天銀花火樹如人豔璧月珠星此夜圓一曲霓裳君莫
羨新詩誰並玉臺妍

鴛湖舟中送牧翁之新安

河東

詞一

六 虞山叢刻

夢裏招招畫舫催鴛湖鴛翼若爲開此時對月虛琴水何處看
雲過釣臺惜別已同鶯久駐銜書應有燕重來祇憐不得因風
去飄拂征衫比落梅

有美一百韻晦日鴛湖舟中作

牧翁

有美生南國芳名異代傳河東論氏族天上問星躔漢殿三眠
黃吳宮萬縷連星榆長歷落月桂並躡躡鬱鬱崑山畔青青谷
水噴諸根來淨域移植自芳年生小爲嬌女容華及麗娟詩賦
應口苦書讀等身便細帙攻文選梯囊貫史編摘詞徵綺合記
事見珠聯八代觀升降三唐辨派沿盡窺羽陵蠹旁及諾舉僂
花草矜菱藕蟲魚喜註箋部居分甲乙繼政雜丹鉛餘曲迴風
後新妝落月前蘭膏燈燭繼翠羽筆牀懸博士慙厨麗兒童愧
刻鏤瑤光朝孕碧玉氣夜生玄隴水應連類唐山可及肩絨練
詩自好搗素賦尤賢錦上文同復盤中字蜿蜒清文嘗滿篋新

製每連篇巧藥翻風豔芙蓉出水鮮頰柳良不忝詠樹亦何憊
文賦傳鄉國詞章述祖先採蘋新藻麗種柳舊風煙字那元和
樣文心樂曲駢千番雲母紙小幅浣花牋吟詠朱樓遍封題赤
牘遺流風殊放誕被教異嬋娟度曲窮分刊當歌妙折旋吹簫
嬴女得協律李家專畫奪丹青妙琴知斷續絃纖腰宜鞦韆弱
骨稱歌羅天爲投壺笑人從爭博癡修眉軒遠翠薄髻妥鳴蟬
向月衣方空當風帶旋穿行塵書寂寂展齒自嬌嬌舞袖嫌纓
拂弓鞋笑足纏盈盈還妬影的的會移妍妙麗傾城國塵埃落
市塵真堪陳甲帳還擬畫甘泉楊柳嗟板折靡燕惜棄捐西家
殊婉約北里正喧闐豪華爭除道兒郎學墜鞭迎車千錦帳輸
面一金錢百兩門闌咽三刀夢寐羶蘇隄渾倒踏野水欲平填
皎潔火中玉芬芳泥裏蓮閉門如入道沈沈欲逃禪未許千金
買何當一笑媽釘心從作惡睡面可除疥蜂蝶行隨總金珠卻

詞一

七 虞山叢刻

載遺勒名雕琬瑤換骨飲珉瑤枉自求蒲葦徒勞卜蓮尊軒車
問至止雜珮意茫然錯莫翻如許追陪果有焉初疑渡河駕復
似泛湖船榜棹歌心說中流笑語嬌江淵風颯香帷浦水潺湲
疏影新詞麗忘憂別館偏華筵開玳瑁綺席豔神僊銀燭光三
五金尊價十千蠟花催冤育羅鼓促烏遷法曲煩聲奏哀爭促
杜宣步搖窺宋玉條脫贈羊權點筆餘香粉繡書雜翠鋼絲窗
和月掩紅燭帶花牽苗苗歡初合皇蘇痾已鑄疑明喚亦好浴
漾坐堪憐薄病如中酒輕寒未折綿清愁長約略微笑與遷延
茗火閉房活鑪香小院全日高慵未起月出皎難眠授色偏含
睇藏闌互握拳屏圍燈焰直坐促笑聲圓朔氣除簾箔流光度
靄甌相將行樂地共趁討春天未索梅花笑徒聞火樹燃半塘
春漠漠西寺草芊芊南浦魂何黯東山約已堅自應隨李白敢
擬伴伶玄密意容挑卓徵詞託感取楊枝今婉變桃葉昔因緣

瀚岸偏禁別章臺易惹顛娉婷臨廣陌婀娜點晴川眉嫵誰堪
畫腰纖軟與搖蕩鴉休捲鵲拂馬莫纏綿絮絮怕粘泥重花憂放
雪蕩芳塵和藥減春病共愁煎目逆歸巢燕心傷叫樹鴉惜衣
鶯呢呢護粉蝶翩翩攜手期弦望沈吟念陌阡暫游非契濶小
別正流連卽席留詩苦當杯出涕法茸城車輕轆駕浦權賞緣
去水迥香篆歸帆激矢弦寄憂分悄悄贈淚裏漣漣迎汝雙安
槩愁子獨扣舷從今吳榜夢昔昔在君邊

詞一

八 虞山叢刻

東山訓和集卷二

西溪永興寺看綠萼梅有懷

牧翁

略約綠溪一徑斜寒梅偏占老僧家
共憐祭酒風流在未惜看花道路賒
繞樹繁英團小閣迴舟玉雪漾晴沙
道人未醒難浮夢正憶新妝萼綠華

次韻永興看梅見懷之作

河東

鄉愁春思兩歎斜那得看梅不憶家
折贈可憐疏影好低迴應惜薄寒賒
穿簾小朵亭亭雪澹月流光細細沙
欲向此中爲問道與君坐卧領芳華

二月九日再過永興看梅花爛發粵有懷適仲芳以畫冊索題遂作短歌書於紙尾

畫冊索題遂作短歌書於紙尾

訓二

虞山叢刻

牧翁

西溪梅花千萬樹低亞凝香塞行路
永興兩樹最綽約素豔孤榮自相顧
飄黃拂綠傍香樓春寒日暮含清愁
依然翠袖修林裏遙憶美人溪水頭
徒倚沈吟正愁絕見君畫冊思飄瞥
開懷落落生雲山觸眼紛紛綴香雪
羨君畫高神亦閒趣在蒼茫近遠問
仲圭殘墨潑武水子久粉本留虞山
我將梅花比君畫月地雲階吐光怪
乞君揮灑墨汁餘何我蕭閒草堂挂
草堂深仰淨無塵淡墨疏窗會賞眞
還將玉雪橫斜意舉似凌風卻月人

橫山江氏書樓

牧翁

人言此地是琴臺小院題詩闕綠苔
妝閣正臨流水曲鏡奩偏向遠山開
印餘屐齒生芳草行處香塵度早梅
日暮碧雲殊有意故應會伴美人來

二月十二春分日橫山晚歸作

牧翁

杏園村店酒旗新度竹穿林踏好春
南浦舟中會計日西溪樓下又經旬
殘梅慘雪飄香粉新柳含風養麴塵
最是花朝并春半與君逸夜共芳辰

次韻

河東

年光詩思競鮮新忽漫韶華逗晚春
止爲花開停十日已憐腰綬足三旬
枝枝媚柳含香粉面面天桃拂軟塵
回首東皇飛轡便安歌吾欲撰良辰

陌上花樂府東坡記吳越王妃事也臨安道中感而和之

和其詞而反其意以有奇焉

牧翁

訓二

虞山叢刻

陌上花開正掩扉茸城草綠雉媒肥
狂夫不合堂堂去小婦翻歌緩緩歸

陌上花開燕子飛柳條初撲麴塵衣
請看石鏡明明在忍撇妝臺緩緩歸

陌上花開音信稀暗將紅淚裏春衣
花開容易紛紛落春暖休教緩緩歸

陌上花開照板扉鸞湖水漲綠波肥
班駘雪後遲遲去油壁風前緩緩歸

陌上花開一片飛還留片片點耶衣
雲山好處亭亭去風月佳時緩緩歸

陌上花開花信稀棟花風暖颺羅衣
殘花和夢垂垂謝弱柳如

奉和陌上花三首

河東

陌上花開照板扉鸞湖水漲綠波肥
班駘雪後遲遲去油壁風前緩緩歸

陌上花開一片飛還留片片點耶衣
雲山好處亭亭去風月佳時緩緩歸

陌上花開花信稀棟花風暖颺羅衣
殘花和夢垂垂謝弱柳如

陌上花開花信稀棟花風暖颺羅衣
殘花和夢垂垂謝弱柳如

入緩緩歸

舊雪閣 新安商山

牧翁

綺窗阿閣赤山湄想像憑闌點筆時
簾捲春波塵寂寂歌傳石
瀨響遲遲清齋每憶桃花米素屬
爭題楊柳詞日夕汀洲聊興
望澄湖沉芷正相思

秋後五日浴黃山下湯池留題四絕句遙寄河東君

牧翁

香溪襖後試溫湯寒食東風谷水揚
卻憶春衫新浴後癡黃淺
絳道家裝

山比驪山湯比香承恩並浴少鴛鴦
阿瞞果是風流主妃子應

居第一湯

沐浴須看稱意身刈蘭附藥想芳春
憑將一掬香泉水噴向耳

詞二

三虞山叢刻

城洗玉人

齊心同體正相因被濯何曾是兩人
料得盈盈羅襪步也應抖

撒拂香塵

奉和黃山湯池留題遙寄之作

河東

素女千年供奉湯拍浮渾似踏春陽
可憐蘭澤都無分宋玉何

繇賦薄裝

浴罷湯泉粉汗香還看被底浴鴛鴦
影山可似驪山好白玉蓮

花解捧湯

睡眼朦朧試浴身芳華竟體欲生春
憐君遙喚香溪水蘭氣梅

魂暗着人

旌心白水是前因戲浴何曾許別人
煎得蘭湯三百斛與君攜

手被征塵

六月七日迎河東君於雲間喜而有述四首

牧翁

鷓鴣畫舸思悠悠谷水香車浣別愁
舊事碑應銜闕口新歡鏡
欲上刀頭此時七夕移弦望他日
雙星笑女牛榜棹歌闌仍乘
燭始知今夜是同舟

次韻

徐波元歎

欲剪吳淞江水悠早梅時節釐酸愁
分開畫燭交紅淚鎖向雕
籠到白頭預借仙期偷鴛鴦深償
願海許沈牛花源一自漁郎
問柳浪春來許繫舟

朱隗雲子

涼波三柳路悠悠望斷雲岬目眇愁
漸覺雨風香渡口驚聞簫
管下峰頭卷帷能自迷陽蔡贈石
身看上斗牛借問藍橋今共

詞二

四虞山叢刻

室何如鄂清音同舟

林雲鳳若撫

天上秋期向繆悠先從九夏慰離愁
垂來柳眼窺簾額繡出花
心粲枕頭翠管雙吹諧啖鴉離闌
並倚笑牽牛誰知宿世藍橋
侶卽在今宵谷水舟

周葵子丹

指顧雲間去路悠悠迢迢淺水漾輕
愁迨隨飄影承纖手縮結柔
條可並頭何似大夫能射雉不須
丞相去鞭牛妝成披扇還相
笑舊恨新歡共一舟

張紀齊芳

飄雲一水自悠悠繡幃先期烏鴉愁
詩裏妝催時逗燭燈前扇
卻半回頭桃源客到因聞犬星渚
槎迴欲飲牛最是塵間難值
候荷風桂露木蘭舟

馮班定遠

薰風長日正悠悠闌室初開待莫愁一尺腰猶紅錦襪萬金鞋
更玉搔頭已障畫扇登油壁好放偏轅促玳牛爭似秣陵桃葉
渡風波迎接隔江舟

錢龍躍子飛

銀河相望兩悠悠臘取新歡減舊愁鳥似有情長比翼花應知
喜亦雙頭障塵彩扇翔金鳳咽路香車駕飛牛魚戲只今惟傍
葉蓮東何必有輕舟

其二

牧翁

五茸媒雉卽鴛鴦樺燭金鑪一水香自有青天如碧海更教銀
漢作紅牆當風弱柳臨妝鏡電水新荷照畫堂從此雙棲惟海
燕再無消息報王昌

詞二

虞山叢刻

次韻

徐波元歎

雙棲休比畫鴛鴦真有隨身藻苻香移植柔條承宴寢捧持飛
絮入宮牆抱衾無復輪常夕舞袖虛教列滿堂從此几間歸路
杳行雲不再到金昌

朱隗雲子

成行羅列蓋鴛鴦面藥還存舊賜香已幸根株移北里不須聲
影傍東牆山川謝傳攜長袖絲竹張公滿後堂千騎上頭何足
羨親曾曳履入文昌

林雲鳳若撫

鴛鴦湖上學鴛鴦體猶霑杜若香此夜依然來北里伊人元
不隔東牆桃花旖旎如前度絲竹駢羅卽後堂一曲將雛應有
待和鳴早已聽歸昌

馮舒已蒼

漫言三十六鴛鴦未抵驚魂一片香漢渚不嫌空解珮宋家應
歎枉鏡鑪燭光高下迷瓊樹月影參差妬玉堂素女撫心天老
笑人間何物不昌昌

何雲士龍

錦衾愛繡兩鴛鴦羅薦薰薰龍腦香鳳自丹山應蔽日雞從碧
樹莫登騰蛟綉作帳宜冰簟玳瑁爲梁稱玉堂寄語秋來休駕
鶴銀河從此接金昌

馮班定遠

殊翁綵翼繡鴛鴦深下銀鈎隔異香少女和風虛拂幌姮娥映
月自過牆驪駒金絡光歸路錦瑟朱絃獨上堂謝傅新來正行
樂詩人休羨嫁王昌

陳玉齊在茲

詞二

虞山叢刻

其三

牧翁

文梓雙棲鴛鴦與鴛金籠深閉羽毛香可憐漢渚虛投珮含笑東
鄰漫隔牆月照綺羅看玉樹風和絲管合金堂新詩聞說多佳
句應道楊花撲武昌

其三

忘憂別館是農家烏榜牙櫓路不賒柳色濃於九華殿鶯聲嬌
傍七香車朱顏的的明朝日錦障重重暗晚霞十丈芙蓉俱並
蒂爲君開作合昏花

次韻

徐波元歎
旋周詭限返仙家一笑相迎路不賒懷夢自珍方朔草急行須
借阿香車長懸素影憑脩月久駐紅顏賴飲霞坐擁羣真嘗說
法楊枝在手代拈花

朱曉雲子

綺窗朱戶莫愁家
桃洞藤溪路未賒
此夕同心吟月扇
當年傾耳聽
雷車十眉鸞鏡
翠成譜五羣
羅裙步起霞一道
吳歌采蓮伴
爭看越女勝如花

林雲鳳若撫

九山佳處女仙家
路比章臺定不賒
渡口未曾邀鵲駕
門前先已駐
羊車修眉浣出纖
纖月嬌顰勻來淡
淡霞自此攜歸琴水曲
分明解語白蓮花

吳宗榮能遠

彩雲一片下仙家
河漢先期路豈賒
千疊青螺開寶鏡
兩行銀燭照書車
扇搖圓月迴秦風
帳拂和風動
羅霞行看池邊種蓮子
紅芳齊發並頭花

張紀齊芳

詞二

七虞山叢刻

咫尺藍橋阿母家
崎嶇何必玉京賒
銀屏待月聽瓊瑟
金犢迎風起
銅車纖手擁深通
德髻短菱烘煖浣
溪霞當筵欲問新栽柳
看取春來撲面花

馮班定遠

從來富貴似仙家
弱水蓬山恨較賒
自向湖頭催畫艇
全勝嶺上駐
金車行雲入暮方
爲雨皎日凌晨莫
上霞若把千年當一夜
碧桃明早合開花

陸貽典勅先

紅蓮白芩美人家
跨鳳乘鸞事豈賒
錦繡好裁雙紫枕
珍珠須綴五雲車
敢誇神女凌秋水
欲笑靈妃待曉霞
桃李從今莫教發
杏媒新有柳如花

馮孝威子重

薰風初至詠宜家
翻笑填河會尙賒
同擘彩牋催御扇
獨扶錦

綉看停車溪邊忽墮雲
中月岩畔纔昇日
下霞此夜羊家水齋
裏燭光波影共金花

何雲士龍

織女迎秋欲到家
迢迢天漢未云賒
和風交倚瑤扇香
露深藏雲母車
賦就錦篇催夢雨
妝成繡領待昇霞
多情絳蠟渾如畫
賸取同心四照花

其四

牧翁

朱鳥光連河漢深
鵲橋先爲架秋陰
銀缸照壁還雙影
絳蠟交花總一心
地久天長頻致語
鸞歌鳳舞並知音
人間若問章臺事
銅合分明抵萬金

次韻

朱曉雲子

詞二

八虞山叢刻

吳江不識幾何深
畫舫螭頭泊柳陰
雜佩互投珠是意
名香對熟字爲心
師經素女盈奇態
仙號青琴足賞音
方信蓬壺人世有
何煩餐玉餌黃金

顧凝遠青霞

蘭缸背立碧霄深
浴罷凝妝繡閣陰
學士懶捫時事腹
美人歡結海天心
低蛾葉並眉舒色
幽吹簫同語出音
一笑故應無處買
等閒評泊說千金

周葵子丹

畫檻朱欄別院深
荷香曲處覆成陰
銀河笑指他年事
碧海歡盟此夜心
花燭開時吟好句
管絃歇處奏繁音
願將婀娜重憐惜
莫謂枝頭長似金

錢龍揚夕公

鵲未成橋水尚深
驚看織女下牆陰
絃槽始解胸前意
厨串方

知炙裏心錦段連篇搜麗句霓裳一曲奏仙音從今鬱鬱園中柳嫩緒千條色似金

何雲士龍

鴛湖猶未比情深蟾影祇應照柳陰結念芙蓉緣並蒂關情梳子是同心簫能迎鶴方知曲琴解求凰始賞音十斛明珠等閒事買春爭擬借量金

馮班定遠

一樹名花色最深章臺長帶枉垂陰紅蕖直下方連藕絳蠟縱燒便見心祇取鴛鴦為髻樣閒調鳳語作笙音瑠璃鴛瓦香泥地嬌屋重樓費幾金

催妝詞四首

牧翁

養鶴坡前烏鵲過雲間天上不爭多較他織女還憐伴月簇生

詞二

九虞山叢刻

時早渡河

鵲駕鸞車報早秋盈盈一水有誰留妝成莫待雙蛾畫新月新眉總似鉤

鵲火舒光照畫屏銀河倒轉渡青冥從今不用看牛女朱鳥窗前候柳星

寶架牙籤歷畫輪筆牀硯匣動隨身玉臺自有催妝句花燭筵前與細論

奉和

許經令則

秀泖遙通銀漢潮先期一月鵲填橋妝樓那有炎敵到玉女頭盆雪未消

莫是前身柳七郎曉風殘月玉人傍要將學士新詞比恰好橫江雙鶴翔

作賦登高未易才香奩新樣玉臺開更將神袞彌天線問取針神醉夜來

動名千古說汾陽織女空中咬記詳今日雲翬映雙好柳星李宿兩輝光

周永安安期

白龍潭古鵲橋虛取道駕湖聚戲魚那得直逢牛女夕始教隔巷看停車

柳姓會問賜作楊垂條飛絮攪人腸而今一任三眠起松柏同心箱帶長

鼓將錦瑟曲聲和不數吳娃子夜歌江上數峰青似黛算來猶未及雙蛾

紙扇紗幃逗晚煙月和花燭共嬋娟同心梔子甘蕉葉題罷還堪詠畫眠

詞二

十虞山叢刻

周永言安仁

黃雀風吹雨濯枝錦帆開葉棹歌遲金鈴簪向宮妝好採取衣香入酒卮

窗外長條蘸碧流鴛雲眉月鏡中收染花奩底從容簡拈得飛環喜並頭



湖

舫

詩

嘉興朱文懋

光緒己未閏五月

竹書堂丁氏梓行

湖舫詩序

錢塘其名勝古不甚稱稱自有唐中葉一二名部使
郡牧巨掌高躋搽導采染湖山奕然在昔江左勝流
選幽撮翠如謝傅右軍前節後屨大都會稽蔣釐閒
西冷坦淺無餘舒窅窳其次臨安以西金堂玉室猶
諸酒泔醜埜也唐賢因吏治開拂亦非名都雜選
蒼龍九羅雲夢五湖綴於片玉之琦不稱鉅麗自五
季喪亂場一益二宰務春寨所在灰蕩而臨安獨完
錢武孤啤客猶能臨陌上花歌緩緩歸其時羅隱胡
岳貫休之徒吏祿僧廚峰堤觴詠誠忽然不復知有
何天之飛也宋承其華實由五季開采承叔不信於
史他日作有美堂記乃云其民富完安樂十萬餘家
然趙氏都汴中國華盛此為偏方下州偶有名人游
歷與唐哲輝映耳建紹駐蹕倉卒苟安曩所為蒼龍
潭鶴鉅麗華盛之地遂如雲煙過眼不可復計而後
中原士大夫闐駢蜻附始但攀就龍南偷生避地既
而作苑囿興歌舞詩場酒壇其閒錢唐樂園為豪杰
所譏歎而此坳隅乃極盛嗟乎西冷泔埜下州古今
盛衰興亡之感集焉太致王化隆則九衢均平故遠
梧不萃於下都世運陔則洪濤先翻故擇沮每因乎

湖舫詩序

一

偏壞今夫西冷在唐宋則掩於瀟鶴蒼龍降在江左

亦掩於秣陵具區惟五季南宋獨顯豈其盛衰回互
興亡恍惚耶亦地勢使然與然至今日既非謝傅右
軍節屨之年亦非五季建紹闐駢之日而我等適復
來此荒涼刺目所謂其民富完安樂者安在而陌上
之緩緩歸與夫錢唐樂國者皆不可計也則是唐季
以來西冷未有之衰而我等適遭之諸君子乃能選
幽撮翠哦騷舉白徜徉乎吏祿僧廚之間嗟乎此其
事不大難哉雖然先雅不亡後暉難倡夫豈盡奪於
其時哉以吾石友沈公巨掌高躋之所倡又得高士

湖舫詩序

二

汪然明西湖諸曲復標勝迹重新畫船皆絕韻事足
以補西湖誌餘而余亦得廁諸君子後憑高覽古縱
鞏茫如西望玄蓋李伯紀朱元晦之俎豆在焉余所
願攀裳而未能也近眺孤山時見白鶴飛來引人其
林君復之清風乎余則慨然興懷有不止舉白哦騷
之概者得母曰天目台岩徒愁岱華也

順治己丑秋日通家舊寅治弟李際期頓首草

湖舫詩

清明前二日不繫園社集用吳巖子書聯雨絲
風片煙波畫船為韻各卽事八首 有引

廣陵沈奕琛 石友

春方苦雨節屆禁煙湖斂豔陽之天人共水萍之感
良朋觀止雲出岫以何心高韻橫生月滿梁而自喻
小泛攬山川之勝幽期足杖笠之緣聿載方舟溯洄
孤嶼由斯倡和弔彼古今坐蒲團以追白社高風望
竹閣而振青琅逸響雨沈林疲黃鸝橋畔罵桃花雪
漫山空白鶴亭中傾竹葉拈雙聯以杼爛漫之錦集

湖舫詩

一

八韻而霏慷慨之辭將寄趣於瀾光亦畱聲乎黛影
子役慚星使迹類波臣問張緒於當年但有鶯梭誰
是主感林逋於此日試看梅眷尙成妝漫興岳樹之
歌徒盼蘇堤之路情其能抑籟自為音爰授簡以次
倡子用殺青而貽同志

鬱鬱西冷山悠悠見初古尋碑咽杜鵑鼓棹飛鸚鵡
白雪自為歌紅淚誰能譜芳菲幾日妍消受連朝雨
林香二月候游子意何其水步桃花漲人隨柳浪詞
高峰含海氣丹竈帶雲炊不盡畱連意清言廢竹絲
煙水心期盡行藏有夢同餘生成快覽異代閱空濛

西爽沈千碧南枝滴數紅恍然逋士句今古逐春風
偶來明鏡中冰雪狎春讌座壓黛螺低望移蒼狗變
湖山疊萬里風華生八面疇問武陵源漁郎花片片
曲堤分野水上木蘭船小草春來思殘烽江外傳
風和回北雁雲溼近南天欲問千秋蹟荒祠帶夕煙
霰布流空翠寒鐘下尺舸豁高添翡翠春老健藤蘿
略岸冥通夕拈風靜聽歌六橋連更斷無計柰煙波
古塔樹雲邊潮音起衣帶眾景涉還微幽情互為快
山兼濃淡妝湖渾陰晴界竟日成徘徊船中滿書畫
游到真忘倦春城動晚煙山青全入鑑雲黑半垂天

湖舫詩

二

問水迷秦客看碑說宋年鴟夷何代事珍重五湖船
樽里李長順 天助

無窮山色佳白日開津鼓危鳥斂雲飛平橋壓艸舞
空香吹暮花孤籟橫遠浦相對已塵清寒生今夜雨
不倦探幽意相攜秋水詩懷人花半閣逃世酒全卮
春滿山爭動愁深鳥竊知陂塘春正早刷齒薦葦絲
晚峰青更薄鶯語到樽空官渡人飼馬女牆樹挂弓
驚心憑夢穩拙計哭途窮無限登臨思難堪花信風
出門野水深塔影穿雲變日薄客衣肥春明鵲淚賤
招隱書易通游子貧難倦坐惜倚樓人花飛已片片

莫謂愁中集相將酒問禪犬難喧落日風雨靜移年
東影窺三矢銷聲撫一絃兩峰何日講許我破蒼煙
一棹遲花約湖光衣到多鶴懸疑有月鳥語總爲歌
避世封長劍乘流狎短蓑每逢良會好不欲阻橫波
曲塢煙如瀉柳寒絲未挂山蒲採樵聲人半謀晴語
俗畸人近僧道窮書欲賣倚榜見鳩形流民誰爲畫
半等成孤傲誰言茅化荃傷心曾夙夜入眼幾新阡
放世酒千醉逢人詩一箋青箱羞我誤不上米家船

古歎汪汝謙然

藉甚企芳聲才名誇第五乍聆玉屑罪忽變商羊舞

湖舫詩

三

寓目多傷時感懷應弔古春深游屐稀十日九聽雨
空濛山色暝因意雨催詩玄塵琴尊合芳名草木知
多君眉獨白愧我鬢增絲卻喜忘年友時徵絕妙辭
芳辰欣結伴畫舫欲凌空徙席猶霑雨憑高可御風
長堤鋪草綠曲檻亞花紅勝會知同調新詩雪與工
湖山不改色偏感人多變只合重交情何須論貴賤
無心雲出游息影鳥知倦難禁雨兼風落花紅一片
風雨如游屐每逢如隔年因知詩遣興偏向酒逃禪
柳絲不堪折花紅殊可憐閒情一袖伴日日泛湖煙
當年多畫槩羅襪每凌波堪歎采蓮曲翻聞奏凱歌

匡時甯獻策屏迹避操戈欣此招攜日平湖共狎鷗
雨晴山意好幻出讀中書橋畔水初波樹頭瀑布挂
莫言興欲歸況值花將謝自昔動相思千里還命駕
到處蕭條色湖山更可憐堤無拾翠伴湖絕聽歌船
亭榭傷今日雲煙類昔年得君來領略傳誦有詩箋

姑溪吳山巖子

兩峰不出雲十里春陰譜水上快覺鷗簾前怨鷓鴣
花寒不放香月瘦未見補莫謂近山暗遠煙還是雨
雨次青峰落雲飛帶野炊萬山公瀑布千樹圍春枝
鳥代花爲語詩因酒句思載桃俱是浪何處挂游絲

湖舫詩

四

梨放寒香雪杏開秋醉楓野雲無定相翁鶴有閒工
花性同林異春情百草公六橋鶯燕寂無語對東風
注我十年思莫謂尋常見遊客兩朝人明朝古今面
月伴孤山親雲續斷橋倚珍重泛花情都是春光片
塔挂雲枝斷橋分月雨天雨多春值賤花盡客生憐
愁以一尊壓懷將五字宣莫虞身外事未了是烽煙
柳倦絲無緒鶯嫌雨不核雙堤寒蝶夢孤棹冷漁蓑
貧爲耽游甚吟因感句多漫云腸似雪猶自浣春波
獨此別有天超脫滄桑界周折買山錢慷慨償詩債
舟同范蠡尋賦借司馬賣安得朝川人收拾煙波畫

桃花然曲水岸草亦何辛苦雨春如病驕風燕欲仙
鬪茶烹澗酒排夢枕山煙正說無絲竹鶯歌上酒船

姑溪下立文 夢五

山色序當春山骨瘦已古游客泛杯歡湖光笑人苦
且忘桑海憂毋問鶯花怒檻外幽氣繁竹泉嘯風雨
蓬居多暇日坐臥每遲遲賴有青山間聊酬白社詩
鶻聲驚客夢花氣浣塵脾近轉春寒甚何堪風雨絲
嘯歌無累世儘日瀆雙峰閱史消閒雨披囊贈去鴻
竹搖杯底綠花襯筆端紅佳月似無信黃鸝罵晚風
春光不在天游雲臥蒼甸花幽非一香鳥靜能千轉

湖舫詩

五

佳題向雨分好句希晴撰枝上午風恬吹放紅成片
片雨沈南浦風橈蕩醉天一谿新漲滿兩岸綠莎芊
山有驕人意春無慰客憐遙看飛鶴下雙岫鎖寒煙
欲霽雲煙活遙鐘醒薜蘿水明魚犯藻風止鳥閒柯
放眼詩情邈披弦竹韻和晴光有起色雙燕掠文波
坐臥西子湖耳目不容懈松喧鶴可招香靜琴壺挂
無力購奇書有作稱佳話簾捲活丹青殊勝米家畫
幽懷愜佳境吟思渺無邊瀑瀉巖疑雪花繁野欲然
風聯漁唱斷煙絡柳絲懸莫謂淹春雨西冷有醉船

閩南陽 岳 季 五

山色漾晴空習居時異睹嵐高出遠容煙薄斂餘樓
鳥夢榮春堤笛聲來夕塢幽人意若何樓頭待新雨
每愁堤草變漸覺上文漪遊子厭山屨春風戀酒旗
鶴隨采藥去犬報郵筒詩日落前溪影悠然一釣絲
十里涵清鑑羣流合小澗橋低船不礙寺古徑常通
曉翠山光溼春雲塔影空松關長日閉孤鶴自乘風
蕭然風景殊向此集名彥啼歇野塘禽去來茆舍燕
露深看竹回春盡登樓倦曉起捲簾看落花飛片片
小樓深樹裏倒影入湖天風笛人無影雲樵畫半肩
不因虛閣閉長見遠山懸寂寂南屏寺鐘聲破暮煙

湖舫詩

六

涵空無著影遠近一煙蕩春事餘黃鳥幽人只綠蘿
塚生前代草牧下夕陽坡好待東村月移來印碧波
湖上晚風和春衫薄未解分泉灌野蔬埽葉試新芥
柳色嫵猶眠鶯聲繁易敗是中煙景深不假元人畫
春闌花事減樹樹冷晴鶻滿地皆紅綺無因拾翠鈿
松聲隱遠瀑竹茂宜疏椽日覺驪思懶無心上酒船

鍾山王 民 玉 式

橋斷連芳草山孤集子規昔人憑弔處我亦淚如絲
缺岸清波滿移舟積雨中隄身蘇姓舊筋額米家工
楊柳方垂雪燈花不送紅兩峰開霽色同志坐春風
清夢二十年佳人許一見斂眉違清歡合情依良宴
雲氣壓孤城夕陽沈古殿念彼浣紗人勛名逐花片
細雨知寒食湖頭費酒錢梨花多怨墓杜宇獨啼天
祀貌存宮錦碑陰論昔賢莫傳南渡事簫鼓半風煙
不記相逢處萋萋指碧莎青山詠舊墩黃鳥滯新歌
鼓棹勞漁父栽花憶郭駝老僧談勝事澆酒付寒波
名山恰古今西湖洗夙註未許游人私置與高僧話

湖舫詩

七

一鏡吐奇寒千巖凝冷快輞川已闌筆倪米何能畫
賴有旗亭客蒼涼共酒棹當歌春欲去惜別飲難留
六代山情迴諸天梵氣連人疑天上坐風雨不回船

西陵釋曹醜

放船坐天上隄柳垂寒縷魚鳥懷一嶽湖山妙千古
蘭漿擊空明青山撲歌舞渺渺畫圖中風聲送疏雨
春半鳴鷓鴣花香不可窺樓臺成黯淡芳草盡離披
鶻意消寒食鷗情傍酒卮湖邊迷曲檻桃李也絲絲
曲隄苔已碧春水綴殘紅漁艇寒煙人傳鐘晚霧空
遊遊情自達雕琢句誰工萍聚寧聞事清言得晉風

憶昔競笙歌繁華倏已變一聞山水音相對煙雲倩
鼓楫歌滄浪操棹資遊燕春殘雪霰飛零落春光片
登臨意不盡風雨迷遷延鶯猶啼往日湖亦媚當年
伯雅娛文酒陰琴咽武粒古今憑弔處花筆掃春煙
節序無虛度予生可若何移情花不語有意容悲歌
玉笛輕風冽清光此夕多良時終感慨亭樹下湖波
山水重泉瀉岸花一絲挂層嶺動夕鐘孤舟集甫話
蠟屐幾兩存春若何時賣覺句自驚人詩中應有畫
三春環十里總不落蹄筌戲謔隨當世豪華見昔賢
歌聲歸醉客花影滯輝嬾待卜明朝壽重來上酒船

湖舫詩

八

彭城徐必昇

竟日擁涼雲羣峯湖面頰食留千載寒酒送三春雨
同事皆勞人此鄉稱淨土孤山客未歸草色迷微浦
美人零落後日月等閒移未有招魂侶徒嘆虛費絲
梅殘猶見雪鐘冷欲無詩漫道青門老聊過古蕩陂
春氣西陵早青山放遠紅橋憐歌舞斷鶴望海雲空
十里開天地千年仰化工不須金谷夜猶自泊長風
傾國成湖名桃花開面面遙憐絕代人飛作落英片
衫溼白香山墨畊米顛硯乾坤浮鏡中令我鬚眉變
湖心一席地草夙翠鉅煙欲洗雙峰影愁傾百杏泉

殿封花窗外苔翦夜燈前車馬堤塵日江山問杜鵑
酒入鶯花夢何堪五憶歌不經湖寂寞誰復悵煙波
幽榜開林麓春絲蕩晚蓑食愁彈缺老畊傍北山阿
繁星入夜行幽嶠具靈怪處士白雲眠名花春日賣
鳥傳冰壑書人靜諸天界珍重朝川人勞君詩中畫
買山何處好滄海盡茫然春宿西谿月樓依蘇小船
悲風搖古壁短褐坐青氈天老愁應斷書空漫草玄

棲賢釋圓生 梵伊

湖舫詩

九

莫問殘堤柳猶懸芳草思雲頽羣壑異天壓兩峰卑
簫鼓喧何日林泉靜此時一樽聊共對誰謂鬢如絲
煙際荒亭出碑殘積蘚封梅魂如可召鶴夢杳難通
花落漁兒棹驚催游子節垂湖春雨密談笑愜高風
平堤春水明列嶂周遭見花雨泛輕濤芹香薦夕宴
照人杯影涼入世鳥聲變好擇此山阿結茆地一片
十里香塵路遊情二月天移樽開舫社分俸給花錢
廢塔存何代荒祠記宋年隔江春幾許浪說又烽煙
曾憶諸峰勝飛泉竹裏過幾年懸杖笠今日夢煙蘿
雨積山如醉春寒鳥不歌西泠新漲滿草綠濺香波

寒碧如鏡澄倒影涵空界一湖西子名千古詩人債
江沙徧孤城嵐光橫遠邁蒼茫四望中無處不圖畫
是峰皆靜致無樹不啼鵑酒可酬春事題因借錦聯
眾山皆欲響獨我滯言詮無限懷人意風流一釣船

金臺沈彝琮 雜則

一葦湖上來鷗鷺差足伍雲蒸鏡光昏樹壓山形古
幽懷寄萍蹤清韻聆松戶也作問愁人敲詩坐寒雨
逆旅支寒食詞還寫竹枝芳華未消歇風雨故離披
水沒秦王纜妝虛越女眉啼鵑空有恨時傍綠楊絲
鶴徑封苔薛何年別乃公咽泉春亂石遺構老荒叢

湖舫詩

十

代謝花開落升沈客轉蓬踏歌山骨冷可柰歲寒風
飛樓結層陰向我時舒卷南北兩峰鬱草木互蒸變
如闐河伯官或散蛟門霞美人期不來望斷菱花片
放舸三潭外凭虛思欲仙琴彈魚樂國節候雨花天
汎覽孤飛鷁飄零逝海鳶輕寒迎短棹載得五湖煙
踏枝黃鳥下送酒怯高歌勝賞辜青帝仙遊蔽女蘿
亭開湖面闊柳向寺門多更喜聯禪喜袈裟泛碧波
春光虛九十碧草沿堤隘愁絕麗人行釋此當鑪債
孤城雨外封雙塔天邊掛始信老吳興胸中自有畫
林巒昏四望返照一峰懸醉興同山簡遊人幾晉賢

拚翻銀鑿落漫控鐵運錢不盡登臨處期晴下瀨船

山陰趙 陞 孟遷

萍蹤十載連此日良朋舉翠滴入空煙寒峭生零雨
魚鳥解依人湖山欣託主徵詩刻燭催高情捉譚塵
宕漾浮漚去衝波信所之桃花消野意柳色漾游絲
澄湛開新鏡笙歌盡滿厄篷窗迷望處大小米山奇
遊情春最勝勝最擅湖中況乃當寒食何由競暖風
蕪平沈岸碧花落漲波紅與至歌過發憑余酒力雄
漸覺薄春衫條馬先集霰天低或可浮雲經盡成片
絲竹咽清商若香滌華蕙微度水龍吟續作驪珠串

湖舫詩

士

欣此鷗盟訂期同山石堅壽筭霏白雪江筆絢青煙
塔迴懷陳迹隄傾感昔年首搔杯引滿不敢問青天
虛亭憑弔久長嘯復長歌翠失干巖暝青迴十里波
臨風應灑淚對雨不披蓑自笑狂逾昔雄心奈老何
遙挹飛來峰幻靈我欲拜賡酬半風流臨摹展書畫
飛翠六橋紆空濛三竺隘春燈林杪焚時出紅塵界
躋攀情未已迂官獵雲邊我擬邀涼月僧猶到夜船
梅殘孤嶼寂草滿斷橋連自有清音在毋煩沸管絃
練江汪 度 干頂

春游恰禁煙屈指日百五輕楫逐雲飛好峰隨意數

太濛舍朝昏朔汐變今古猶有盟寒松亭亭度風雨
嵐翠空相撲山山蓄雨奇乾坤容汎覽花鳥聽支離
酒德寬爲政禪機寫入詩王孫無限意芳草漸成絲
淋漓收衆動萬絲莽戎戎荻壑難藏筋石嘸不長龐
古雲頑澹冷新月逸虛空作者薪勞後蕭疏十里風
絲竹或衝雲笙歌驚一串坐清煙水迷香徹草木戰
意氣輕雲霞風流高海甸微茫人景遙西子影一片
每對湖山處依依若可憐荅歌樵牧外迷醉白蘇邊
野水吞花屋寒濤漲墓田前林斂薄日霏雨正驅煙
不覺閒生感虬鐘發遠訶樓重環水宅寺古結山窠

湖舫詩

士

往事歸青岫餘生老綠蘿徘徊看鼓柁默默問春波
連陰氣似秋天舉春光賣桃柳問當年碑祠刪古派
兩湖渾醉鄉一棹榮詩債南北幾重山塊塊形諸畫
行藏疑逝水猶喜向湖前生計憑鷗鷺閒情託佛仙
長空從一笑造化獨無權酌盡盃光去仍浮不繫船
古皖姚孫森 繩先

舉目易滄桑扁舟無定主來青欣託鄰流碧自終古
帆遶羣峰迴林缺纖雲補竟夕坐高寒今朝瀉新雨
湖光珍一見煙雨結寒姿淑氣滋青草幽香上綠枝
懷人多雨後論治覺春遲靜對惟鷗鳥朝昏拂柳絲

萬山青在目一水自能通遠樹疏煙上扁舟微霰中
寒偏知客意韻半入詩筒那是羊裘語西窗坐晚風
終日踏波光閒情殆欲徧山影破千重鳥聲徐一嘯
修禊學隨時看花羞照面幽人無與言檢點春光片
曉起凌空翠濃陰隱亦妍林平藏寺古水闊得湖全
春永寒花歷山奢穀雨泉獨憐吟眺後野鳥自啼煙
輕橈劃春雨半日幾迴過雲臥亂香曲風喧荳徑蘿
萬愁銷薄醉一枕託高歌努力持竿去清時有釣波
歷景雨風愁蒼茫春欲邁寒裳雲影流飛瀑山音挂
伊昔問水濱於今習方話游覽一何奇幅幅雲林畫

湖舫詩

三

溥游合遠思山水亦凄然海絮生寒樹潛魚泛積煙
客常依雨住春肯向花傳夢繞江東入西湖尚繫船

湖舫詩終

南湖倡和集

辛巳夏五

吳恒題

錢塘丁氏刊

南湖倡和集

章南湖輯錄

同人姓氏

肯堂王建章字玉樞

書蒼廬之翰字天羽

菊公景星杓字亭北

茜園丁文衡字公銓

梅林王德璘字文白

平川朱咸字聖中

松厓郭用錫字庶蕃

南湖倡和集

桐村俞起螿字震功

東郊宋鳳池字陞升

東皋王嘉樹字傳霖

南湖章世豐字子琦

牧亭章世觀字子亮

致肯堂啟 戊子長夏

牧亭

三伏漸終九秋將屆蠅營擾擾慨世俗之縈懷駒隙
匆匆奈韶華之過眼雖我輩風流儼在不廢嘯歌願
同人星聚時疎還應雅集爰有雲卿之後圃適憑功
甫之南湖人是名流窗臨勝地城外則青山隱隱並

列闌間堦前則綠水潺潺爭環檻下焚菰獵獵翠浪
連翻蓮葉亭亭碧筒堪把準擬明晨於此地共為高
會以聯吟感玉照之荒涼嘆香林之閨寂臨流甲古
爭看鴛綺新裁對酒當歌佇待驪珠先得惠而好我
諒不棄予謹成下里之詞以速高賢之駕

致書蒼啟

火雲天際未斂奇峰水閣湖濱全消溽暑秋菰獵獵
依稀鷗渚之亭殘照蕭蕭彷彿煙波之觀雖隔岸傾
頽古寺剩有荒涼而開窗灑瀨南湖適當佳勝擬因
此地暫屈名流運筆陣而摩空快文瀾之倒映但人

南湖倡和集

二

亾物在重遊恐增此愁懷水閣為君
亾友故居然草長臺荒明

日反添君詩料彩箋謹達文飾須臨

致東郊啟

曾聞古昔招裴迪而入山林何事明晨屈東郊而來
塵市蓋靈鷲煙霞描摹殆遍南湖風月吟咏未經也
此地原為錦繡之名園近作榛蕪之廢寺連雲百雉
橫夕照而依微狎水羣鷗弄殘煙而蕩漾臨流劇飲
足散閒情對景聯吟偏多佳句錦袍未奪專看之問
之來木榻猶懸佇待南州之至魚書此附蠟屐隨過

致菊公啟

不披雲霧倏又兼旬企想芝蘭何堪永日當火雲之
未歛正畏景之方驕座有琴尊門無襪襪陰陰竹徑
想塵垢之都消習習松風自炎蒸之不到興酣落筆
片紙千行手倦拋書方牀一覺高卧北窗之下應傲
羲皇懷古南湖之濱須推禹錫擬因來日用屈名流
主盟李杜之壇獨樹岑王之幟俾令蓬戶俄來長者
之車爰就蕪詞以速良朋之駕至若爲穆生而設醴
原訂侵晨待漢伯之連牀相期卜夜弗忘斯語敢布
高懷

致茜園啟

南湖倡和集

三

聿考南湖原居北郭白蘋紅蓼始爲曹氏之荒園碧
登朱闌更作張公之勝地叢叢竹樹環以爲軒漠漠
煙波臨之築館駕霄亭畔松聲蕭颯以搖風玉照堂
前梅影橫斜而挂月粉圍香陣夜夜徵歌鳳管鸞簫
朝朝侑客及繁華之過眼人去象臺悟色相之成空
家歸龍藏荒涼古寺遺跡在焉灩澦澄波風光邈矣
敢於此地敬屈高賢會勝友於湖濱臨流弔古寄遐
心於物外卽景畱題素紙閒裁走千行之墨妙清尊
漫設聽一曲之琴音何妨赤腳科頭惟擬標新競異
人人有作俱堪助我風流事事都佳更可登君日記

至若頌來雅什已共嘆其鑑金附到短章願垂觀而
那玉詰朝請見清曉爲期

致梅林啟

碧水青茭舊日哦詩之地黃流白雪明晨角技之場
想先生風雅無儔有期必至但我輩形骸自略不速
毋嫌爽氣方佳掃門以待炎威未熾載履須臨腹稿
攜將佗看眾中之珠玉天才獨步諒皆物表之瓊瑤
早祈惠我而過莫使企予之望煩更寄聲秀老可借
介甫而來謂桐村轉語照鄰須其子安而至謂書復成
四韻以達初寮

南湖倡和集

四

致平川啟

縱情詩酒固我輩之高懷託志弦歌實幽人之雅致
以幽人之雅致叶我輩之高懷宜其萬卷樓頭比干
尋之滄海幽樓亭畔坐一月之春風也擬屈名流共
爲高會鸞迴鳳吐驚看麗則之都佳雁落烏啼靜聽
清音之絕妙想相思路命駕昨朝尙爾能來而角技揮
毫明日定然肯顧爰促東山之屐聊附小詩早攜西
省之琴以增佳話

致松厓啟

已訂同人爭歌白雪敢邀來日共試青萍徵題沈氏

之樓憑弔張公之宅煙波在望的是吟場風月無邊
都成詩料至若青山城外隱隱當窗綠樹湖濱遙遙
繞屋有時而雲橫古雉雨響團荷有時而虹挂長空
霞飛遠岫變陰晴於頃刻易涼燠於須臾俱足佐清
談伴酣飲也想隔衡門數武定爾肯來還祈總角相
知惠然早顧謹援毫而成韻聊代柬以效顰

致桐村啟

君孟夏
會招飲

三秋桂子曾誇高士湖頭六月荷花實遜張公宅畔
雖紅衣漸褪而翠蓋猶擎水靜香來窗開綠映不將
團扇自有清風未設涼棚全消溽暑臨流把盞人人

南湖倡和集

五

並以爲仙卽景拈毫筆都疑有鬼朝看麗日以餐
霞暮對長天而攬月企想幽人諒同高致小詩今日
聊憑素楮書呈雅什明晨伫待紫芝攜至

速陳博山暨令坦楊振兮啟

擊石鏗金早已遲君甲乙清水潤玉亟來爲我品題
昨曾走札相邀今特修函再速想君翁壻於我弟兄
非若尋常之交不應咫尺見棄也且澄湖在望足散
閒情畫閣凌空尤多勝概郭外則青山縹緲疑海上
之三峯欄前則碧水澄鮮敵城西之雙鏡幾片明霞
遠映一池爽氣常浮高下畦田焚菰獵獵週遭雉堞

蔓艸離離至若涼風起而荷氣清落照收而林煙翠
遙天漸隱遠樹都迷一聲蕭寺之鐘數點前村之火
依微雲月淡蕩水天相與俯清流步幽徑銜杯漫飲
曳履微吟情隨境遷心與物會託志形骸之外忘懷
天地之間何樂如之洵快賞也非樂衛天機清妙自
難領畧斯言想鄰王風致高閒定肯憑臨此景顧慚
崔瑗無以獲譏莫效黃充期而不至

奉柬同人社集沈氏水軒

南湖

古南湖畔休文宅水榭風軒夏亦涼竹樹幾行翻翠
袖藕花千點鬧紅妝揮毫雅稱臨流興角飲偏宜脫
帽狂爲報騷壇飛將道好追河朔共徜徉

南湖倡和集

六

和南湖

書蒼

隱侯池館曾觴咏幕府攜尊共納涼
檻昔遊諳舊徑池花新樣及時妝質夫有弟皆詞伯思道無才但
酒狂况遇名流與名勝何妨十日共相佯

菊公

來詩卻示休文宅定有鄰池借夜涼才子飛緘教對
酒姮娥臨鏡未殘妝也思醕酌劉伶伴索盡風流阮
藉狂無奈昨朝賒五斗醉鄉猶自獨徜徉

梅林

池閣炎天水雪涼招攜銷夏此徜徉
因臨水秋來早池未開蓮葉亦香
對酒且拚河朔飲何人敢效次
公狂流連竟日忘歸去隔岸鐘聲報夕陽

桐村

風清池館都無暑好向軒窗納晚涼
把臂樂聞高士論投竿又覩美人妝
濠梁韻事情何限河朔襟懷喜欲狂
縱飲且拚今夜醉月明歸路任彷徨

病阻覆詩

菊公

愛向南湖取晚涼風亭滿座藕花香
日來肺病多於酒辜負雙鴻致錦囊

南湖倡和集

七

再致菊公

南湖

先生不淺臨流興處處吟場樹幟來
况遇良朋攜盍至更逢淨友報花開
忍教雅集成虛集難屈仙才愧不才
明日定期文飾過騷壇鼓吹候登臺

牧亭

暑退南湖晚更涼水荷風颭一池香
同人走札招邀遍共擬開尊待智囊

拂拭瀟湘簟已涼候君沉醉鬱金香
爲憐兄弟殷懃意好命奚奴背錦囊

再荅南湖

菊公

自緣貪卧柳陰涼迴隔風亭竹葉香
六月一鴻銜帛下明珠如瀉買胡囊
故人招飲碧筒杯幾度思來嬾待來
何事多情頻檢拾明朝酒禁爲君開

走邀菊公歸途口占

牧亭

爲邀高隱醉蓮杯不憚塵途觸熱來
歸趁綠陰閒散步香風一路藕花開

醞南湖

菊公

題詩曾索君家飲幾問南湖紅藕開
日日探花花不發時時催客客仍來
風前柳色拋涼榭池上鐘聲出

南湖倡和集

八

講臺已對一泓銷暑病况逢二陸騁雄才

南湖席上

菊公

高人招我水亭眠鄰墅開尊集眾賢
紅藕那如秋露冷水輪猶似昨宵圓
支離垂老當愁日珍重尋歡在饑年
醉倚闌干吟不穩沙禽衝破半湖煙

高會千秋不易多江山風月暗消磨
彩毫弔古聯珠玉白髮臨尊足嘯歌
蔭柳蟬聲飛玉笛隔城峯影點青螺
碧筒故事何妨舉教折澄潭一片荷

畱宿沈氏水軒

菊公

醉倚空明煙水傍疎星幾點出林光
遲回良夜當佳

境安得方舟掠野塘高樹揮殘金蓋落故人爲設竹
匡牀相將坐待南湖月消受荷風一枕涼

和菊公

南湖

似倚佳人明鏡傍凌晨啟匣挹清光不緣小閣臨芳
沼安得高軒過柳塘乘興再能攜蠟屐驅愁更爲檢
糟牀新秋醉月南湖宿應比今宵分外涼

牧亭

開尊夜飲碧池傍珍重良朋特寵光清磬數聲來古
寺水螢千點亂橫塘酒闌秉燭頻烹茗浴罷論詩共
踞牀倚枕漫愁眠未穩月明風景倍清涼

南湖倡和集

九

南湖懷古

限七律

肯堂

古寺蕭條對遠峯南湖勺水野田通數畦桑竹秋風
裏幾處人煙夕照中斷碣殘碑荒草翳歌臺舞榭錦
帷空當年興廢成何事且向尊前倒碧筒

書蒼

煙鎖南湖落日昏沁園蒼莽易祇園道人不作朱門
視龍象翻因戚里存檐外風鈴悲自語岸傍桃李欲
無言白洋一曲成今古閱盡興亡見佛尊
風潭百頃映樓臺此地嘗教歌舞來紺殿曾窺花作
伎巢居不見樹浮杯綠沈碑蘚餘雖地粉墜池蓮辨

劫灰朱棋依然現禪寂寒鴉疎柳不勝哀

菊公

招提一曲古南湖獵獵菰田沙路迂落日荒坡今牧
馬垂楊水殿舊藏烏池風漫長王孫草林月猶懸天
女珠往事滄桑何可問行人空話宋畱都

宋家遺有南湖寺寺外南湖舊賜田和議已成歌舞
起豪華欲謝鼓鐘懸臺更彩鳳爲金地僧呪神龍守
白蓮惆悵此波千頃在澄清不及岳王泉

岳墳井名忠泉

湖濱相見張公子曾結香山捨宅緣朱戶創爲栽果
地綠楊沈卻採蓮船燕來香壘增餘感鷗占晴沙不

南湖倡和集

十

記年池上清風池底月總歸詞客彩毫邊

過眼繁華逝水同平泉池沼梵王宮當時翠黛移花
艦祗剩流螢逐柳風禪闌半塘秋雨裏女牆一角夕
陽中更無人會前朝蹟海月依依漾碧空

何人還唱後庭花滌盡清瀾恨轉餘半壁未能歸二
帝一池應已破千家機同湖底深難測鐵聚墳前鑄
豈差頭白老僧閒說鬼夜闌風雨奏琵琶

一奩寒碧鑑光圓磨盡興亡是幾年飯法杜休存廢
宅得閒平子賦歸田占來鄰墅新花月割破前朝舊
水煙猶有空明半湖影夜遊曾此照嬋娟

茜園

渾源州有懸空寺此地駕霄曾結亭紫落夜浮九醞
酒朱門春合五侯鯖荷花露冷開池沼僧寺風清響
殿鈴遙望鳳凰宮闕處當時動閣起青冥
潑刺王餘派水濱可憐羅襪步香塵樓頭吹笛傳金
谷園內看花憶玉津紅蓼白蘋猶滿眼蠻煙瘴雨一
凝神至今軟艸鮮如錦堪為瑤姝作舞裊

梅林

一池雲水古今涵懷古悲今兩不堪晚浴馬嘶芳艸
岸曉涼人鬧芰荷潭放生魚驚恣羣採應禱風雷侈

南湖倡和集

十二

客談憶自昔年神物去絕無靈異表東南
能可煙波着釣徒當時遺蹟半榛蕪長廊何處尋千
步廢井曾聞汲萬夫佛閣香銷歸蔓艸官塘秋冷入
菰蒲荒寒古寺門前水閱盡繁華是此湖
卜居曾傍水之涯坐嘯行吟悶強排廢苑月明清玉
笛名園花落冷金釵風流往事隨雲散跌宕窮途仗
酒埋爭似城西雙鏡好雨晴長繫美人懷
南宋興亡奚足數張家捨宅傳功甫多羅樹換海棠
巢牡丹臺作蓮花土曾幾何時付劫灰空餘老衲司
鐘鼓剽澈南湖水一杯長浮天地無今古

平川

南湖戚里一園亭捨作空門寶樹林花月勞人興廢
感煙雲動我短長吟新菰偷下天邊雁敗井敲殘郭
外砧漫說榮枯千古恨請看身世有浮沈

松厓

勳臣池館更僧寺曾否黃金布地來寺燬園林荒草
遍池成功德妙蓮開已聞蘭棹停歌扇豈識秋千換
講臺贏得水螢千點影卻如燈火夜遊回

南湖倡和集

十三

良山城下古南湖六百年初勝畫圖月遶長廊千步
屢秋生宮井萬枝梧前朝瞬息驚馳電騷客臨流愛
挈壺座上羣賢共懷古自慚元白未探珠

桐村

當年繡戶久銷亾此日珠宮又夕陽池上卧碑磨舊
爵城隅別業屬空王紅蓮映水含秋思白鳥迎風掠
夜涼多少繁華歸逝水情深未免歎滄桑

西陵風月誰常主半壁江山宋故都一自王孫開別
墅遂令名勝擅南湖絮拋官柳思張緒金布祇園悟
給孤最是晨鐘敲欲罷愁聽睥睨曉啼鳥

東郊

一片蒼茫浸太虛當時曾此響瑤琚玻璃共賞朝酣

態歌舞常看落映餘細雨平臺鳴翡翠曉風垂柳拂
芙蕖只今惟有張家寺寂寂殘僧讀梵書

南湖翠浪映珠宮數頃香蓮十里風帝子遊時花滿
岸王孫悟了法歸空更無鸚鵡傳杯綠祇有蜻蛉點
水紅饒幾百年追往事殘碑微辨助和功

王家遺蹟認全非猶剩湖光掠翠微一代恩波同逝
水千年古寺對斜暉鶯花故國歸煙草衰柳寒塘冷
釣磯惆悵昔時行樂地秋來惟有斷鴻飛

危樓曲榭水空涵雲氣濛濛起碧潭習井自深藏
蜥蜴妖狐變化出花龕燕飛簾幕香泥落子結芭蕉齒

南湖倡和集

七

頰甘竹院閒過荒艸滿箏篴誰憶酒方酣

東皋

彩雲無復繞南湖昔日繁華此日無淺渚香生惟菡
萏野塘秋老盡菰蒲紅塵夢破王孫去玉照堂傾紫
燕孤只有空明一片水至今澄澈似水壺

海棠巢已作花龕數頃琉璃尚在南自古魚鰕爲樂
土卽今霖雨祝空潭藥欄勝事休重問水殿荒涼不
可探無限風流踪跡杳獨留明月照精藍

歎息時移境亦非我來臨眺倍愴歎殘碑蘚蝕文俱
斷古鼎香消客到稀物外閒花爭艷艷岸傍官柳故

依依傷心不獨南湖地宋室誰存一帝畿

白洋池水日悠悠今古常含貴主愁羅綺香消餘蔓

艸亭臺冷落傲閒鷗從教名姓傳功甫卻使風流屬

比邱對此不堪思往事澹雲疎雨暗汀洲

南湖

一泓澄碧浸寒光歎息繁華夢渺茫蛙鼓夜喧思雅
奏荷衣秋褪憶殘妝賞心樂事風雲散月榭星橋草
樹荒玉照香銷歸淨土半龕燈火伴空王

象臺人去杳難尋古寺殘碑蔓草侵看竹徒聞誇碧
宇採蓮誰復擁紅衾名園蕪沒悲天意眞境虛空見

南湖倡和集

古

佛心明眼不須頻感慨鳳凰宮闕亦禪林

牧亭

賞心無復碧池邊池上名園半野田十里風光何處
是一泓澄澈尚依然苔侵斷碣埋荒寺草長頽垣亂
夕煙誰信象臺人未去粉圍曾此擁詩仙

杏花零落已無莊楊柳凋殘尚有塘舊業久隨飛焰
盡亂荷猶在晚風香亭臺莫漫尋鷗渚荆棘從教遍
鹿場禪室僅存遺像在祇今行路歎循王

又限百字令用東坡赤壁詞韻

肯堂

南湖凝望見微波澹澹虛涵空碧綠柳青蒲人道是

風景全非疇昔叢爾蹄涔可堪一勺無處容舟楫滄
桑今古消磨多少豪傑 宋室江左偏安中原鼎沸
任神州沈沒總有張劉徒手舞女歌兒羅列玉照
堂空連雲畫棟歎烟消灰滅臨流憑弔一尊且醉明
月不用韻

書蒼

北城池館此誰家猶是南朝遺物蘭若依稀傳姓字
苔畫陰房頽壁珠走歌筵香消花雨跡寄飛鴻雪王
孫蔓草當時應美人傑 依舊遠黛含青朱華冒綠
春謝秋風發玉照堂空人去後往事真同灰滅覽古

南湖倡和集

十五

興歌俯時悲咤偃仰增華髮尊前且醉滄桑都付惹

月

一泓秋水見消沈多少豪華文物茂苑鶯花餘舊址
重感當時題壁古木崢嶸長廊窈窕風磴堆陰雪斯
人安在貽謀雅擅名傑 休歎落落池星依依岸柳
隱隱清暉發舞榭歌臺何處是露草流螢明滅元暢
樓邊元龍宅畔曾縮垂楊髮樹猶如此醉來不計年

月

平泉百頃碧漪漪傳有池中神物風雨羈縻塵事改
猶認張家餘壁鯤徙南溟鵬搏北海鬣奮濤飛雪物

猶爾爾於斯兢說靈傑 還喜輪藏鐘魚阿蘭暮鼓
殷殷潮音發逐臭流芳空百世爭似都無生滅蒼狗
浮踪蚍蜉濁世羈垢同逋髮會須深省白雲休翳明

月

題詩南浦共畱連都是風流英物健筆爭誇鸚鵡賦
奪幟誰遺堅壁花擘青蓮蟻浮碧釀藕斷銀絲雪王
劉屈景一時高會文傑 喜見萬頃詞源層波玉湧
梁苑英華發料得乾坤容我輩不管人間興滅借彼
醅膠還申膠漆此義難容髮尊前一笑雞壇常主風

月

南湖倡和集

十六

菊公

南湖一片是當時甲第畫墻中物細柳新蒲經幾度
誰見紅泥香壁古寺棲鴉澄潭飲馬鴻爪空灘雪秦
臺一鏡照來多少豪傑 乃我今此憑臨軒然水檻
永日荷風發斷岸水禽閒叫雨柳外輕雲明滅名士
交前古人不見感慨霜侵髮澆愁惟酒賓筵且遲緜

月

茜園

南湖風景記當年行處昔人如昨金斗熨波平似掌
莽莽水天澄廓垂柳陰肥輕儵餌上足就欄邊濯夕

陽明斷紫霞天半飛落 何必更慕神仙浮家泛宅
便是長生藥鏡裏飄蕭霜鬢慘始信利名難角露冷
紅綃風翻翠袖一盞香堪酌遠山黛淺雨餘青出城
郭不用韻

梅林

南湖古寺說張家誰識前朝人物貴主樓臺歌舞地
只剩斜陽城壁亭付東風巢棲海燕玉照堂空雪當
時行樂賞心無限英傑 今日水閣雲窗王孫老矣
慷慨尊前發且借醉鄉銷豔想忍把雄心磨滅露濃
荷裳池開水鏡冷浸星星髮仰天長嘯柳梢飛上明

南湖倡和集

七

月

桐村

南湖勺水是王孫別墅當時遺物煙草淒迷更幾代
繡戶僅存苔壁廢苑荒涼招提慘淡古鼎拋霜雪殘
碑尚在不知誰是人傑 無那搔首踟躕臨流感慨
浩氣凌空發一派水雲成幻影賦就閨情難滅良會
稀逢流光易擲此恨多於髮今宵歡燕頓尊且醉風
月

南湖

南湖懷古盡一時藝苑騷壇人物慷慨悲歌憑弔處

不減坡仙赤壁六月寒生午餘暑退滿座陽春雪詩
成凝望此間何限豪傑 回憶功甫風流粉圍香陣
歲歲花爭發一旦歸空成淨土始信無生無滅鷗渚
亭荒象臺人杳徒有衝冠髮千秋常在碧潭冷浸明
月

牧亭

南湖何幸被羣公收作錦囊中物擊鉢爭飛珠玉唾
憑弔荒臺頽壁筆陣摩空文瀾倒峽詩思清如雪碧
筒閒把一時人並英傑 遙想當日張郎瀛巒勝處
紅藕香初發一片水輪天際湧畫閣綵燈都滅玉照

南湖倡和集

六

月

卽景 集字各分百字

肯堂

槐影掩牆蘿莎塘翔水鳥吾友皆舊雨引觴任甌小
書蒼
蜂抱菰莖舞蛾拈渚絮旋坐攀珠樹樹曲處夢娟娟
菊公

庭淨修篁潤籬梢晚霧收漁津滿飲罷半枕枕蓮邱

茜園

密密梧桐交浩浩荒汀白妍態睡鄉濃畫簾秋暑隔

風亭長夏冷瑟瑟墜花香相逢年妙女應憐明鏡光
又

梅林

臺榭清於艇林堂欵故徒露欵房惹蝶葦覆岸驚鳧
綺里猶懷漢簫樓豈念吳揮絃并爾汝羣醉並南湖

又

娛情衫短髻螺偏步上河橋艸颯然各把千卮酣此
地尋涼今夜倚荷邊

松厓

綠池浮靜檻翠竹繞晴窗垂釣臨金鑑開尊瀉玉缸

南湖倡和集

十九

南湖

絕浦高巖展鳳屏澄潭蒲蓼碧盈盈傳壺快酌爭狂
笑一榻棲遲擬對檠

牧亭

聞鐘堪憩足被酒莫攜書虛望三山樂空談計自疎

又

詩人共會鄰家宅曾憶行舟十頃中天際雲飛心寂
寂寞成新句看殘紅

附詩

題南湖書室

南湖

閨闈何堪着此身南湖天假在東鄰藉他冷浸一泓
碧滌我紛囂數斛塵明月滿盃憑寄傲陳編盈几不
憂貧夔龍爲友非吾事且作義皇以上人

才劣欣逢世太平讀書全不爲功名閒裁白紵聊題
怨漫錄黃庭學養生時復曲肱拋警枕何曾刺股對
寒檠最嫌蓮葉能多事水面風來作雨聲

檻外湖光一鏡澄卽逢深夏絕炎蒸彌天縱有垂天
網此地應無絡地繩榮辱不關堪避世廢興如夢欲
依僧試看玉照無遺蹟隔岸昏黃見佛燈

睥睨雲開現碧岑居然城市若山林鳥啼密樹驚詩

南湖倡和集

二十

夢魚躍澄潭證道心未縛簪纓無俗狀不須絲竹有
清音米珠薪桂渾忘卻漫賦南湖快活吟

南湖竹枝詞

南湖

蕭蕭寒碧映菰蒲獨擅天真絕世無笑把西湖比西
子莫將南子擬南湖

宋社邱墟幾百年西湖鼓吹日紛然多情一片南湖
水獨供張家清淨禪

雙鏡城西敞


御筵南湖佳麗昔同傳蕭條歲久風流盡誰把聲名
達

九天

南湖倡和集

南湖倡和集

三



官閣消寒集

01 00 711

01 00 711

官閣消寒集序

乾隆丁酉冬予爲通政司副使職事清簡暇輒與錢閣
學澤石朱竹君翁覃溪陸耳山三學士曹中允習庵程
編修魚門舉消寒文酒之會會自七八人至二十餘人
詩自古今體至聯句詩餘歲率一舉都下指爲盛事辛
丑子居憂歸里習庵寄所刻消寒聯句詩來則舊作在
焉子旣以不文之詞自媿而又以附名其間爲幸良以
子輩遭際升平故得從容退食以文墨相娛戲雖遇
寒凜冽之時而酒酣以往詞賦雜出如融風彩露熏熏
熙熙後世攷詩以論世當不獨爲子輩幸且重爲海內

官閣消寒集序

幸也今來西安道甫侍讀復示消寒之集則分題門韻
略如予輩都下所爲蓋河間中丞一時風雅總持東南
宿望英才半在幕府而竹喚舍人復主席關中書院園
林鐘鼓相與更唱迭和故其工若此夫西安四方冠蓋
所衝節使之署文武兼資書疏填委疑若異于京卿之
清簡而乃能從容文酒詩不拘體體不拘格往往馳騁
上下出怪奇以相角勝殆少陵所云游泳和氣聲韻濶
廣者歟讀是詩也區寓之隆平政事之易簡賓主之盛
而能文皆於此稔之斯集雖小詎可忽諸今者秋將中
矣或歲晚務閒從中丞後與諸君子唱于唱鳴繼京雜

之舊游以續茲集其事不尤可幸歟時道甫以序見屬
因爲道遭際之盛且寄示習庵于京師歲在癸卯八月
上澣青浦王昶述庵書於寶慈書屋

官閣消寒集序

二

官閣消寒集

江寧 嚴長明 用晦

壬寅

十一月十七日集中丞靜寄園登澄觀臺望中南
積雪分韻得明字

檐聲斷昨夜曙色開前楹幽人罷盥濯澹泊無所營招
邀赴高館身若白羽輕隔窻見南山百里光晶瑩明滅
狀匪一可玩不可名幸餘萬瓦屋間以松竹青不然疑
世上信有白玉京坐久銀海眩肌粟漸欲生歡言召佳
釀皎若冰雪清得句上粉壁眼界增雙明以手戲拂拭

官閣消寒集

寒氣猶崢嶸

同作得山字

鎮洋畢 沅 續齋

玉虛凝浩白一氣天銜山占年過小雪顛盼珠澤頰
暮色作蒼雲綬綬布秦關太陰驅滕六三日不放聞
攬衣升高臺縱心杳冥閒中南列銀屏紫府沉元鏡
松深雲盡處微裊青煙鬢虛無想層闕霞骨阻飛攀
祥翼灑襟袖恍惚仙京還仙京與人世萬象涵一環
對此高寒景照予歡樂顏汜勝書可證盈尺望豈怪
西土素瘠薄蓋藏計非嫺雖卜歲功稔終憂民力艱
念茲時在抱敢曰殷痲瘵

二十六日集環香堂同賦庭中花木四首

蠟梅

眞蠟初移種檐間細著行幾時過小雪一樹恰斜陽
笑猶嬌額橫陳祇暗香可容安枕簟閉夢到昏黃

同作

長洲 吳泰來 企晉

一樹蜂黃色凌寒映碧潭異香來雪北幽夢隔江南
脈脈檀心暈微微磬口含折枝堪作供丈室對罍曇

太倉 王思濟 雨甘

取芳搖落後一笑啟檀心春向梅前占香從菊後尋
過秋寒漸悄籠月暈偏深可耐霜禽噪雞浮夢未沈

官閣消寒集

天竹

不信寒巖畔珠光照眼明帶霜梅伴進雪鳥頻驚窠
石應同瘦衰顏欲借頰何因乘薄醉橫幅寫冬晴

同作

吳泰來

南國移佳植叢叢傍短籬翠筠原一色火齊忽交枝
乍訝丹砂染翻疑紅豆垂天涯憐歲暮相伴有仙姿

陽湖 洪亮吉 穉存

簞管影不同千點亦玲瓏秋實偏憐小春花欲讓紅
拂闌朱粉暗映樹火星中自覺冬容淡移瓶插數叢

水仙

清湘遺韻在流盼覺心降拾翠春迢遞凌波影一雙情
誰通玉軫嬌欲背銀缸鄉思何由慰屏間畫楚江

同作

吳泰來

誰解湘臯佩凌波冉冉來燈前移素影葉底透春芽
怪石何年供銅瓶昨夜開無言成獨賞夢繞水雲隈

洪亮吉

海客歸無計江花見有情遙蹤同水國小章得仙名

一種忘言契先春與目成簾疏莫遮卻新月影中橫

木瓜

誰會風人旨搏香慰杖藜清芬隨夢破黃色與眉齊悄

官閨消寒集

三

覺檀心暈曾同佛手搗明瓊何以報吟望轉悽迷

同作

吳泰來

搖落霜林候秋圃碩果成移根傳洛水貢篋記宣城
寶貯金盃重香浮玉椀清報瓊虛有願遲暮不勝情

王思濟

團團看未破佳種說宣州几研能相伴瓊瑤未足酬
黃柑同色麗白定貯香幽藉爾成佳釀還堪汎碧甌

十二月六日集石供軒席上同賦食品二首

鐵雀

小鳥乘風便飛飛徧野壕遠依關樹密寒傍隴雲高東

解翻檐數癡曾喚客勞延按續志續齒即半邊見披綿
八鴨與不已故一名半癡
脂自潤竊鐵趾空牢一名石磧棲穩雲羅條見遭競

同作

鮮隨節候評直任兒曹霧尙蒙雕質霜猶點氈毛無因

期化蛤空自鬪持螯應豈同鴉灰對應勝雉膏慘思和
蒟醬醉合引松醪瓮菜經霜蓄燈花帶雪挑他鄉憐短

翼六度記曾餐

同作

吳泰來

俊味來龍塞充庖品白殊翻飛憐半翅狼藉惜微軀
叢薄連晨集空倉入夜呼何人施弱嫩幾輩墮圓筴

縛向銀沙得搗來玉饌俱食單傳脯腊方法紀臍胸

官閨消寒集

四

洵足俾雞臠無勞議蟹胥雉膏堪比潔鴉炙總非腴

化蛤思淪水銜花憶入厨自從供七箸不復搶枋榆

無事銘饒鼎終宜付酒爐東風先破臘好共飲屠蘇

銀魚

寒信長河緊霜條幾隊輪珍寧誇丙穴貴不數丁沽渾
水雙流接輕冰一面鋪朔風吹欲上高浪擁疑無傍石

花猶陵府志銀魚暖石為笞竹已剝柳條問尚質

苜帶冷還紆不藉刀砧觸微教粉麩俱照嫌銀燭淡盛

愛玉盤腴雪色凝杯而川光溢座隅鱸葑空論蜀鮭菜

漫思吳衍鮑圖應擅烹鮮理不殊笑他歌百一祇自解

焚枯

同作

吳泰來

鷺叵湖邊路年年放艇回綠簑衝雨去白小撇波來
 欲澗傾筐滿續紛入網堆冰條垂細細雪色映皚皚
 半雜溪邊荇輕粘水面苔山來誇俊品未可棄凡材
杜詩小魚凡材盡御棄 鮪許蓴羹並珍宜蝦菜陪何須供大嚼
 自足佐春醅鄉味尋難得離懷撥不開空憐親玉箸
 聊復倒金盞夢繞東西崦詩吟大小泖元真思舊隱
 鷗鷺莫驚猜

十二月十九日為蘇文忠公生辰中丞集同人設

官閣消寒集

五

祀終南仙館賦詩紀事即題陳洪綬畫像之後

蘭陵夢裏吟聲絕夢中寄朱行中詩為公絕筆 精爽飛空作明月清
 光下照七百年令我轉溯哉生前丙字之冬月建丑奎
 宿垂芒巨天久降神應會蓋有山磨竭胡為命官守豈
 知謫墮天所令平 厄公遇正成公名三言奏御見忠愛
 卅載外出空桴營徐黃猶是中原地更遣流離到荒裔
 去國難為響謬心投荒豈是朝廷意儂廉九死始一回
 買田陽羨空徘徊迄今祠宇半天下瓣香致語知誰哉
 河間中丞今玉局政事文章兩無匹傳神阿堵得章侯
 特補龍眠舊時筆像有李公麟畫石在 佛說真應去有

二身思公嗜好如公存
 糝羹島飯豈堪厭花猪竹脚須
 重陳中山松醪近希有三爵但傾真一酒感公身世讀
 公書尚友私枕公鑒否聞公押衙柴府忙幾時人世來
 翱翔御風騎氣倘過此應喜再見秦張黃

原作

畢沅

奎星降精紗敷宅墮地雲霞化硯石七百年前今夕
 是何夕玉京仙人淪謫人間作詞客人間塵劫幾迴
 掄後生思公如公存巫陽披髮招吟魂靈衣玉劍棲
 我終南仙館之明軒終南我我終古時南山不平公
 不死酌酒壽公公色喜滿堂盡是詩弟子子生總角

官閣消寒集

六

時母氏口授一卷東坡詩卷端笠履圖公姿飲食必

以祝卅年嚮往之蘇門門戶窺者誰末學鑽死蚯蚓
 竅壇坫反借公為尸予不識公頻夢公指點詩法啟
 贈隙公詩淵源騷與風風燈霜鬢多專功老蓮貌公
 筆力工飄然鶴筆長鬚翁畫中夢中神明通消寒近
 什盈詩筒執卷請益如兒童冰天雪地照公澗達高
 朗之心胸秦關亦公舊遊處岐下山川今即古紅亭
 宛在東湖中想像當年燕游所桃花三月覆新祠展
 拜昔同嚴道甫東湖有先生祠堂故址余于乙未太
 白西南作霖雨公前請封後及子那縣太白山神先

降沉子甲午歲復爲奏講師公從政學公詩終愧

粗才近非函載拜陳詞覽揆辰嗚呼先生真天人奇

文一世供羅織慧業三生記夙因風波無限憑空構

剩有丹忱光宇宙雪鴻飛去爪痕留磨蝎生來命宮

守國士聲華重樂全罪人名氏書元祐賢如韓琦司

馬光擠之不許上玉堂西臺營營鼠子輩詩人例得

投窮荒期之以宰相稱之曰奇才三朝知遇何有哉

一場春夢隨飛埃公乎公乎茫茫雲海空歸來新詩

聊當神弦曲羅列芋羹及薑粥吾輩或免門牆辱願

公年年此日來不速公諤清都之白鸞予爲赤壁之

官閣消寒集

七

孤鶴迴翔御風迴太清免予上下而求索秦樓西連

蜀道長靈之醉矣樂未央英聲各有千秋業私淑終

留一瓣香丹青肯出神仙骨咫尺雲旗去飄忽文在

茲公不沒錦江水峨眉月

二十四口集紙窗竹屋同賦歲事四律

掃室

微塵身世劇堪憐每到冬餘想淨緣胸次本來無一物

客中尙擬住經年燕巢墮雨痕空在蛛網粘花色尙鮮

料是來朝閒未得窗西猶欠小吟牋

同作

畢沅

地衣華屋笑人癡間課兒童敝帚持未了塵緣聊復

爾本無潔癖偶爲之佛燈西土三生業夢載東華卅

載思自覺靈臺纖滓淨那煩團扇障元規

與洋朱 璿子敬

坐擁書城歲已週遮廬雖小要清幽例除軛砌三分

穢並掃天涯一段愁移榻就花容膝便臨書積案免

塵浮呼童且囑藏箕帚如願年年作意留

糊窗

雲母休誇影似霜素箋得儘仿伴渾疑雪作連宵白

恐負梅子隔院香懸几心情知頓減讐書時候覺微長

官閣消寒集

八

年來諳盡塵勞味牖下常居也未妨

同作

畢沅

晚晚心情乍掩關寒威生怕逼欄頭雪風交橫重簾

外水月通明一紙間室有蘭言香不散庭添梅影夢

常嫻蕭然木榻鄉園景竹屋青熒燈火閒

長洲 吳紹昱 德甫

客子驚心五夜風聊憑繭紙護房櫳遮殘燈影修篁

裏留住爐香小閣中數點雪飛宵颯沓三竿日映曉

瞳矐春和好待開軒坐眼界仍教障礙空

試香

白檀間與辟寒宜，手把熏爐晚自支。
蚤向楞嚴拈一瓣，况兼荀令別經時。
煙消紙帳清于水，影落筠屏瘦似詩。
珍重滿奩休費卻，輟燒須待有花期。

同作

吳泰來

蘭室衡寥絕世紛，通明松火伴宵分。
閒中初試旃檀味，靜裏微參篤耨熏。
坐久忽添紅燭焰，夢闌猶繞碧山雲。
濃芳莫歎成銷歇，破臘紅椒已吐芬。

洪亮吉

數種移從西域遙，拈來仍與栢同燒。
故人一瓣心空寄，繡被經時氣未消。
渾惹凍雲來冉冉，放隨清夢去迢迢。
酒痕滿漬征裘敝，且復濃熏度歲朝。

官閣消寒集

九

烹茗

昨宵有客贈茶經，未曉窗前已試烹。
夢裏待聽松雨過，起來微見竹煙生。
瓦溝雪水收纔滿，石鼎詩篇和蚤成。
傳語樵青勤點滷，有人來要趁朝晴。

同作

吳泰來

紫芽綠雪鬥芳馨，行笈新携桑苧經。
獨擁寒爐消永夜，試煎活水憶中瀟。
一融雲液澆胸遍，幾陣松風喚

夢醒珍重家山交，穀雨溪孃纖手摘。
螺屏洞庭碧螺春為吳茶

第一採焙
昔出女手

爐響間從竹裏聽，霜華初試酒初醒。
參差煙繞屏風碧，深淺山從穀雨青。
渴思幾番憐永夜，空江千尺憶中冷。
終嫌結習除難盡，訂罷茶經又水經。

洪亮吉

癸卯

新正三日立春集，絢雲閣效香山體。
分賦生春詩

四首

何處生春早春生在，研池漸看冰稜。
解悄覺墨華滋

窻口留殘蠶，瓶花移半枝。巡檐思有作，先和水曹詩。

何處生春早春生在，錦牋書筒沈隔歲。
詩筆健新年敢

官閣消寒集

十

擬衡陽貴卿為好事，傳莫教椒酒熟覆瓮。
草簷前

何處生春早春生在，瓦甌響鶯叢。
竹折煙撲野梅蘇，糖

溜經三伏山茶摘，一株銷金眠夢裏。
此味得知無

何處生春早春生在，石瓶凍纜消隔夜。
青已透疏櫺，靜

覺蜂聲碎香掠蝶，夢醒相看須掩映。
新製座間屏

同作

畢沅

何處生春早春生在，畫堂羣鳥環戟集。
雙燕覓巢忙

物象饒和氣，心花貯妙香。
村城燈火盛，譜曲奏愜場

何處生春早春生在小，圍鶯聲纏繞。
喚夢草色欲消魂

九九寒將盡，三三景漸暄。
夜深遺秉燭，芳訊幾番榆

何處生春早春生在遠山曉青螺髻潤薄翠月眉彎
雨作雲難暇泉奔石轉屏遙峯樵徑出時見一僧還
何處生春早春生在麥畦碧添新水外紅襯夕陽西
雲足蟠根穩雲深壓隴低長安十萬戶從此免飢啼

吳泰來

何處生春早春生在釣槎碧縈千尺柳紅傍一川花
撇網時波濶收筒細雨斜蘆中堪結隱草屨日撈蝦
何處生春早春生在酒帘柳邊風細細花外月纖纖
淺酌葡萄美深沾竹葉甜槽牀聽夜雨吟興更能添
何處生春早春生在柳梢窺人青眼動醮水綠痕交

官閣消寒集

七

恰恰藏鶯語陰陰護鵲巢遙憐三月暮風雨暗芳郊
何處生春早春生在草心籠煙初化碧帶雨忽抽簪
簾幕人無那池塘夢獨尋王孫歸未得空費短長吟

吳縣 徐 堅 友竹

何處生春早春生在斗城井煙浮曙色燈火燦星精
煦燠陽和徧盈寧氣象呈熙熙十萬戶歌詠有新聲
何處生春早春生在曲江雲開明雁塔冰泮落魚缸
泛泛鴛成偶飛飛鷺作雙昨來舊鱗畔凍蟻喜浮缸
何處生春早春生在灞橋草痕迴宿燒波影出輕簾
惜別情如故懷人路正迢劇憐憔悴柳又染短長條

何處生春早春生在鹿原驪山消積雪濺水動溫源
麥被高低隴煙籠遠近村樂遊隨地好陳迹莫追論

洪亮吉

何處生春早春生在小樓月中簾影上風裏笛聲柔
綠意枝梢破紅情燭畔流三更乍聞語香氣落牆頭
何處生春早春生在曲廊一雙人影瘦十二曲闌長
掃壁雲濤湧巡檐月露涼微聞屢聲近知欲探疏香
何處生春早春生在畫屏花枝看欲活禽語試潛聽
遠隔窗生曉燭巡夢未醒開還呼小玉山色放眉青
何處生春早春生在碧池水紋開宛轉魚暎動參差

官閣消寒集

七

舊夢牽萍葉新愁颺雨絲淩晨卷簾看波影上來遲
上元日集春祺介雅堂同賦燈詞八首

太平人慶未央春燈火傳聞此夕繁牽牽老夫無暇懶
未中時已盼黃昏

修廊貯月月初圓未許明燈得占先不待戟門更漏起
一輪端正掛樓前
玉山堂上酒如潮小部新翻十棒饒此夜可知歌吹暖
隔年冰雪等閒銷
真個春呈帶草堂銀花催放暗中忙若將花作真珠比
顆顆看來是夜光

深杯百罰苦匆匆更向樓南一過從
借道萬人真似海夜深猶自舞魚龍

衣香人影暗重樓小市閒坊儘逗
遛駿馬也知行處好向人一步一回頭

卜夜依然未盡歡冰獅火判關更
闌明知兒戲無他巧卻要垂鞭仔細看

等閒碌碌引車回已是三通畫鼓
催傳語重城休上鑰恐妨清夢要重來

同作

絡角星河不夜天上春人競卜
春田兒童編作秧歌

官閣消寒集

唱關內豐登已十年

碧樹紅闌萬點明戟門蓮漏轉
三更交春便抱祈年

意不聽歌聲聽雨聲十三日竟夕雨

瓊樓簾卷月初升雲邊珠歌萬景澄
玉貌錦衣諸弟子當筵齊舞太平燈

擊缶烏鳥滿座中清宵花底按玲瓏
曼聲錯認霓裳

調賜斷東吳老阿蒙調石華

諠闌車馬溢街坊十隊雲鬢七寶妝
燈火萬家春色樂遊風景似金闈

鼓鉦殷地走輕雷寶箏千枝百戲開
曾見廣場波浪

直雙龍爭挾火珠來

仙館明輝麗慶霄銅駝四角綴瓊翹
夜長樺燭添寒

飲春曉終南雪未消

十年持節駐秦關夢斷蓬瀛供奉班
記得披香頻侍

宴紅雲萬朵駕龍山

二十一日集小方壺同賦憶梅詩

春雲如夢春風醒搖蕩春花作春影
粉紅賦綠苦綠人

轉使幽懷抱虛耿狂吟桃李三十年
鬢絲收盡東風前

鶯兒燕子半孤負白頭但結梅兄緣
昨朝驛使傳芳訊

道是家江今最盛別時新種已成林
冷蕊疏枝開莫厭

官閣消寒集

春光正好酒正醇歌聲二疊月二分
故園行樂有如此

況有索笑巡檐人羅浮夢境空迢遞
雪伴風媒更誰替

疑向樊川覓小紅暗香疏影為名字

同作

五年不喚潭西渡極目江雲愁日暮
鞭絲帽影苦匆

匆腸斷春風百千樹春風澹蕩虎山隈
望裏銅坑接

米堆竹塢松溪行不盡青油畫舫掠
波來波光零亂

花光繞醉卧花茵不知曉側帽狂吟
杜老詩繁花自

插當時吳風塵潦倒欺雙鬢渭水秋
風動歸興莫問

蓬蒿仲蔚園空懷籬落孤山徑眉冰
峩峩凍雪凝瀾

橋驢背愁凌兢紅椒綠萼不到眼謾呼濁酒尋旗亭
旗亭酒醒情懷惡回首家山怨損鶴遙憐幽澗斷橋
邊漠漠寒香自開落

二月二日集鏡舫席上效長慶集一字至七字體
口占得花月二首

花萼郁天斜正月盡曲江涯光風乍轉新雨交如素質
兮掩月絳氣兮蒸霞前蹊後蹊接吟十隊五隊同車安
得隨他鶯與燕好春多處便爲家

月高寒皎潔兩頭纖半規溢片影如雲交光比雪自東
還自西時圓復時缺經萬古以長新隔千里而無別乘

官閣詩集

五

風倘許寄相思我欲因之向吳越



白奉高而旭
呼

楊巽龍書

戊戌閏三月
錢塘丁氏刊

皋亭倡和集

戊午春日邀同人遊皋亭山看桃花

阮元

皋亭山下多春風，千樹萬樹桃花紅。
江城愁雨二十日，放晴小舸來花中。
三篙新漲紅到底，一片絳雲飛不起。
仙子霞裳住赤城，麗人靚服臨春水。
蘭漿搖搖行復回，橫塘香霧轉輕雷。
薄寒小雨燕支溼，留住濃酣緩緩開。
兩年我為行春去，每到花時不相遇。
崔護重來似去年，劉郎又到成前度。
詩裏情懷畫裏身，坐中慘綠盡詞人。
若非才子樽前筆，辜負臨平二月春。

皋亭倡和集

一

阮雲臺閣學師招遊皋亭看桃花因病不赴

陸繼輅

西陵春色慵如許，衙齋一月聽春雨。
雙棲燕子亦無聊，盡日雕梁作蠻語。
花朝五日是清明，一樣簫聲喚賣鴛。
金鴨香銷留麝篆，玉鉤風悄下簾旌。
仙宮曉策探春騎，賞花不減憐才意。
一路流鶯引出城，萬樹紅圍一峯翠。
此時山中雲正晴，此時客緒如中醒。
桃花識我儻相憶，不見花面知花情。
故園亦有春如繡，花光紅染羅衣透。
趙女工調錦瑟絃，慈親笑酌蘭陵酎。
作客平生第一春，感公清醞慰酸辛。
他時雅集應圖

畫添我花前小病身

奉陪阮雲臺學使皋亭看桃花

陸耀通

皋亭春水疑天上，穀影半篙生細浪。
紅襟燕子掠波來，小語呼人上銀舫。
綠隄芳草綠無涯，曲曲青溪響柁牙。
是處仙源知有路，等閒弄水見浮花。
花深路轉春陰護，蘸影空濛若初曙。
赤城玉女偶相逢，步障圍綉暗香霧。
東風吹雨裊芳洲，十里紅酣住客舟。
岸上踏歌調別曲，尊前流水動離愁。
一半陰霾壓溪重，溼翠閣雲雲不動。
彌天花雨泛紅潮，春氣濃薰欲成夢。
共惜芳菲倚畫橈，載香艇子去迢迢。
舊山幾日花如

皋亭倡和集

二

霰寂寂春寒掩綺寮

蔣徵蔚

朝煙霏微將作雨，一朵白雲向空吐。
弄晴嬌鳥喚行人，水汎花光花滿鳴。
昨宵臥病諱言愁，早共花心入畫樓。
旅舍燈殘初中酒，歸裝寒峭尚披裘。
今朝共策花前騎，誰憐酒醒花猶睡。
芳草連天色更青，曉山瀆雨嵐多翠。
此時花氣襲人衣，萬片紅雲香四圍。
興酣長嘯入雲際，落花滿空停不飛。
琅嬛仙使文章伯，首唱清詞兼屬客。
元龍豪氣二陸才，花前跌宕揮金戟。
相逢載酒共看山，只是新愁未許刪。
洞口桃花人易

別西湖楊柳不勝攀玉簫自倚春風裏此去仙源
幾里惆悵尋春易歸眼見華年送流水勸君莫更
催雙娥我憐花謝花前歌吳山越水別春去其奈楊
花似雪何

庚申上巳雲臺師偕諸同人於皋亭山修禊作
圖紀事

陳文述

迎眸山色一痕青修禊人來畫舫停一種桃花與修
竹皋亭原不讓蘭亭

折花都向綠鬟簪女伴嬰春約兩三莫倚東風笑遊
冶紅妝小隊正祈禳

皋亭倡和集

三

花下親扶杖履來花簪華髮笑顏開羽觴浮向桃花
水都與先生作壽杯

紅雲白雪問如何萬點濃香漲綠波三載春風舊桃
李可知還比此閒多

吳文溥

霏霏旌旆出城遙瀼瀼波紋動畫橈好景眼前拋不
得官詩吟過半山橋

半山彌望爛成霞教拓船窗四面紗同在錦屏風裏
坐老人顏色勝桃花

樓上人看樓下船模糊遠水多含煙折花歸去意不

盡舵尾一枝紅可憐

孫詒

五日東風三日雨桃花萬樹春無語溪光昨夜轉新
晴一片玻璃劃柔櫓夾岸桃花引出城滿藉水暖午
風輕帆從暖鳥聲中轉人在春山畫裏行行路入
花深處穠李天桃豔無數白雪千重暈曉霞紅香十
里籠春霧使君欲博親顏歡緩步橋隨橋上看斑衣
熏處香如海鳩杖扶來花作團紛紛賓從皆名士流
觴齊向桃花水桃花顏色冶春詞一樣風前舒豔綺
我愧羊劉詩後成如陪義獻會蘭亭蘭亭禊後皋亭

皋亭倡和集

四

禊修竹桃花萬古情

程邦憲

小雨十日輕寒過東風吹綠前溪波盪空紅雲漾春
海一夜染遍天桃柯天桃無語羞人面路入繁花人
不見阿誰長帶緋紅霓團住花光成一片初疑赤城
霞綺連又如遠燒騰上前點點燕支墮紅雪濛濛旭
日浮晴煙稜姿冶態看不足更尋花鳴曲復曲雙橈
衝出萬花中避人驚起鴛鴦浴雛姬十五唱春詞手
挽青青楊柳枝柔波一色膩春影青山倒浸紅玻璃
玻璃擊碎麻仙舞漫天錦幃迷花雨桃葉桃根總可

憐絳綃抹額爭眉嫵斯時座客喜欲狂清詞霏豔齒
頰香弄花不覺春著手酌酒空見霞流觴使君折花
笑向客無使春光坐虛擲春風一夜飄繁英瘦盡桃
花肥到麥

許珩

故人留我錢塘住兩度皋亭看桃去十里花光不斷
紅菜黃李白紛無數去年放櫂春陰濃花光淡處煙
濛濛今年雨急舟初轉兀兀篷窗坐淹蹇春風到處
能留客花自乘春弄顏色似識儂生只解愁無言淚
漬燕支亦今年花老去年新今年客多非舊人主人

皋亭倡和集

五

年年作遊主何人長伴皋亭春看花例有贈花詩詩
寫花情更寫時今年苦憶春江北棖觸鄉心我最知
我年四十他鄉半湘水湘山舊遊慣處處鄉心處處
多年年春色年年換主人堂上春暉長主人行處春
風揚歌憐遊客非年少辜負桃花醉萬觴

黃文暘

前年泗濱看紅杏十里花光照鞭影今年皋亭看天
桃花光紅透水三篙年來萬事多疏懶青青只賸看
花眼老翁七十何所求手折花枝插滿頭鬢眉都學
李花白羞見桃花好顏色坐中慘綠盡風華我似桃

林雜李花舉酒醉花還勸客眼前光景休虛擲昨日
春雨前日風催綻桃花萬樹紅幾彎碧水通歌舫當
面青山開畫幃菜花鋪地柳花煙寫出清明二月天
多謝春工好點綴都爲桃花添染抹莫將薄命歎紅
顏結實還能比大還我與主人重訂約秋禊此閒應
更樂高堂奉酒祝千秋不用蟠桃問十洲

阮元

皋亭萬樹桃花紅李花三千爭暖風梨花淡白不相
競菜花滿地黃蓬蓬如此花光真爛漫百二春天方

皋亭倡和集

六

過半千行錦繡羃山川一片雲霞落霄漢或說林花
如美人燕支金粉鬪青春又疑花枝似文筆染出詞
頭五色新美人文筆俱休說終是此花擅奇絕甘遜
村前好夕陽幾年寒食清明節年年邀客來看花好
花耐得詩人誇我今欲歸歸未得春風渡江先到家
我家近在春江北夜月鶯花苦相憶迎鑾鎮北深江
邊十里緋桃盡春色江南江北花孰多花多花少皆
當歌千紅萬紫不來看花自春風人奈何

癸亥冬日皋亭探梅偕陳曼生阮亭

尋徧峯巔與水涯不知何處有梅花吟回官閣春方

到夢入羅浮路未差風外雲煙香漸度
籛邊冰雪影初斜此閒似比孤山好一角青螺插暮霞

張鑑

如海寒香占水涯山深今又見梅花瘦
同老鶴風情遠冷入春雲歲月差坐久
但愁篷背滿歸遲須插帽簷斜官齋留
得冬心在短笛聲高夢落霞

童槐

不向山巔便水涯連宵詩夢繞梅花春
如遠客來無信香在寒雲認又差孤鶴
出籬迎棹久瘦筇和月入林斜歸來東
閣親邀笛吹落遙城一片霞

皋亭倡和集

七

林述曾

春風吹雪到天涯探得寒梅又著花
伴我冰心真耐冷依人香夢莫爭差
影浮淺水千層豔路入深山一徑斜
攜共揚州二分月好隨東閣醉流霞

郭馨

信是吾生未有涯皋亭十度見梅花
時逢野老留相住喚作梨雲夢已差
銅井銅坑山拳確枝南枝北月橫斜
披圖那禁前塵感爲失新宮蔡少霞

張興鏞

風雪侵尋歲有涯冷香飛上隔溪花
何郎官閣情猶

昔仙子天台路恐差宿醒易傾山
榼小吟橈好倚一枝斜勞生似我兼
多病極目皋亭鎖暮霞

黃文暘

蠟屐尋春問水涯靜參鼻觀悟非
花前生幾世修能到舊路三更夢
不差清太逼人姿峭直瘦真如鶴
影欹斜幽情踏徧山中雪色界休
猜海上霞

閔志埏

逸興平生詎有涯衝寒不惜爲梅花
關心凍雀聲初啁屈指春風信未
差幾樹遠藏松徑冷一枝近出竹
林斜長吟竟日忘歸去鶴唳空山
月映霞

皋亭倡和集

八

甲子春日半山看桃花復題庚申
同人看花園

阮元

春花何處來消息甚輕捷一夜皋
亭山綠遍新柳葉桃紅千萬樹
萼破不能攝年年看花來爾榮復
桂楫出城泛花溪燦然撲吾睫
平田遠無際菜花鋪黃氈眾芳
十里餘枝柯盡交接上有借巢鶯
下有逐花蝶照人水亦紅入衣香
更裏沿溪彩虹長曲港未霞疊
譬如金谷園錦障齊出篋又如
黃荃畫脂粉調花頰爛若狄公
門豔若子敬妾見慣尙無異新
客驚歎輒嫌舟登石橋俯視情
更愜一朵五色雲落地何妥貼

山上多松嵐其勢欲凌躡萬花雖極妍爲此頗伏厭
乃知歲寒姿儘與春風涉春風易爲色歲寒疇不懾

侍家大父遊皋亭山看桃花 阮常生

桃花萬樹皋亭東菜花掩映千畝同小橋路轉舟亦
轉紅雲一色開東風山南山北二十里渾似赤城晚
霞起花開古渡招遊人倒浸紅顏入波底船頭破浪
侵香痕隄邊小泊近山村桃花四面抱茅屋茅屋無
人深閉門去年別後逢今日含笑無言似曾識最宜
宿雨助花光嫣紅新著臙脂色更隨杖履過山前蕩
漾風光二月天身在仙源最佳處何須支枕夢遊仙

皋亭倡和集

九

更有李花團白雪相閒桃花光皎潔紅白繽紛鬪豔
陽又添綠柳殊清絕正當歡賞卻忘歸細雨濛濛點
客衣不是催人放歸權欲催驂客早成詩

乙丑二月得桃花消息同人復修皋亭之禊是

日兄以事不果游 阮 亭

春滿皋亭一水涯梅花探後看桃花良時頓覺詩情
健勝引休言足力差冷浸白雲千頃住溼飛紅雨半
篙斜年年好與東風約但有桃花便是家

黃文暘

維摩耽病是生涯天女多情爲散花老去情懷原未

滅霧中眼力竟全差半篙間渡溪多曲幾樹當門影
欲斜我已重來曾識路還將雞犬認人家

顧廷綸

淺白深紅暈水涯一年來看一回花春如有約期先
到人記重遊路未差香霧遠迷芳鏡曉豔枝手倚綠
波斜不須更覓仙源渡但傍花村便當家

張 鑑

未朱白白渺無涯三度開花一看花甘遜村邊春正
承臨平湖上路難差種當山寺香車滿紅近江橋酒
旆斜傳語東風好流轉再來我自認仙家

皋亭倡和集


十

阮蔭曾

皋亭十里水之涯五載杭州未訪花滿徑不言春自
在隔溪有路認偏差如聞翠羽谿頭語好趁錫簫竹
外斜何日扁舟湖上路卻看紅雨過山家

皋亭余屢游看桃探梅均有詩時往來於心胸
一日雲公來辭移席佛日出示皋亭雲隱圖深
得黃鶴山樵筆意屬余錄家兄與同人先後倡
和之作隨檢舊稿寫付之留作山中故事爲將
來重尋鴻爪之券乙亥春三月阮亭識

皋亭倡和集終




秦皇山民
移居偃蹇
詩

黃巖江青署



戊戌中春三月
嘉慶丁亥刊

移居詩



嘉慶庚辰十二月
南卿仁弟移家圖
西樵顧浩

圖一

秦亭山民移居倡和詩

嘉慶庚辰臘月移居城東

周三燮 南鄉

秋水堂空入景殘

曾王父鐵士先生生東青巷有秋水堂八景詩集遺集中書生

家世本清寒神從墮地當門苦仙未昇天拔宅難將

恐打頭無可臥但求容膝已為安君雲甲第多豪貴

不值巧傭冷眼看

何處能容飢餓身三重茅足庇勞人琴書雖少終為

富花草無多恰稱貧頗媿焦先能露處祇愁杜老又

風塵年年如願呼難得初備黃羊祭竈神

五架三間兩版門馬婆舊巷傍城根

馬坡巷宋舊名馬婆

展來

移居倡和詩

金碧徵圖畫

時持贈書畫者數十家余皆張之壁間

看到姚黃慮子孫

屋為姚石丈貌奇宜拜笏雪兒歌近好開尊西冷柴

老思先雅對宇何期屋尙存

對門即柴省軒先生故居

家住錢塘東復東

李長吉句

柳雲梨雪想春風休猜我入

鳴珂里

龔閣齋觀察程伊湄編脩住址相近人每舉以問訊

暫免人嘲鍛錫公

舊居鄰家多鎔錫為業

司馬園方營獨樂屋右即皋

睡鍊之聲日夜不絕

園時章丈

將營別業

元龍樓卻倚高空與陳六秋

君寄畢竟三遷抵一窮

余自打猪巷復張紗舖至此已三易其居矣

吳振棫 仲雲

和作
劍材零落鬢絲殘冰雪胸中味自寒四壁蕭蕭留研

在百年擾擾閉門難客來但喜茶囊重病裏先謀藥
鼎安最是隔城山色好翠痕如沐倚樓看

拂拭松身與竹身買山新署白雲人垂楊許借鄰家
綠燕子還依故主貧豈有村田商活計聊從禪版了

根塵幕天席地真空闊笑煞紛紛解土神

不隨殘客到侯門萬里休衝灑灑根斜衝灑灑根香

游而不但乞長松呼處士肯教芳草怨王孫平生幾

緇名山展一笑千場濁酒尊倦臥燈龕思往事故人
縞紵篋中存

拋簪歸自洱西東逃暑真憐麴院風鄰並喜逢青眼

移居倡和詩

二

客功名誰羨黑頭公九重回首巢痕埽半偈澄心電
影空便着幼輿巖石裏六詩三筆共研窮

受慶源 積堂

補蘿蠹了雪隨殘家具移來冒歲寒元亮重開三逕

易子雲始就一區難鷺鷥宿約須當踐湖海勞身且

暫安春逗庭前梅萬萼東城先趁月明看

十載歸與嶺外身騷壇倡和得同人酒開鵝色先謀

醉書東牛腰未覺貧白版衙門回俗駕烏皮曲几絕

凝塵柳州偶地安居好詩筆拈來似有神

馬婆巷轉近東門卻稱冬烘飽菜根豈可結廬無水

竹還誇畢願有兒孫午橋咫尺頻隨杖地近桐門甲

第比鄰互引尊謂關蕭觀察伊淵編修莫笑侏儒居獨陋皋園

文獻至今存

蹇驢騎出任西東不減前人蕭散風低首自應推謝

眺折腰休笑學陶公詩如水月從心印畫等雲煙過

眼空怪我鵲巢鳩已占還家翻似歎途窮

章 煦 桐門

風雪移家歲已殘一車家具太荒寒律回應喜春光

好遊阻非關蜀道難君將赴四川蔣孺堂制鄉里室

何嫌近市古賢居本不求安綠楊恰似揚州郭紙上

移居倡和詩

三

樓臺大耐看

潤屋何如德潤身願教努力作名人庭無雜客主可

想案有奇書家不貧花月瓊瓏堪入畫軒窗瀟灑總

無塵筆牀茶竈相隨處金石高歌更出神

天地恩容臥里門身如病葉已歸根老成彫謝還求

友暮景清閒自課孫蓮沼涼時聊倚杖桂屏香裏偶

開樽辛巳九月曾招漫言小圃供怡悅中有黃花晚

節存

周郎早歲秀江東何日能乘破浪風媚學名無虛國

士憐才意自切羣公馮實菴侍御張穆菴都轉曾賓

丞沈雲臺制府韓桂齡尚書潘芝軒
司晨香鶴雁中丞皆君所愛知之人
當懷杜甫千間
廣莫慮相如四壁空最近芳鄰數晨夕難酬佳句愧
何窮

蘇 繹 子齋

惜別西泠春未殘鳴蟬又報早秋寒
余今香上已北行南卿以移居
園詩屬和今秋 思君嶺海論交始知我滄桑歷劫難
在都始應之 余於嘉慶癸酉初識南卿于羊城 頗願鹿車隨下澤
及南卿入都而予已干議改官矣
自憐鴻爪復長安攜來新句從頭讀直作通明故事
看

湖山呼吸寄閒身霽月光風得替人細柳每思名士

移居倡和詩

四

度晚菘能耐故園貧肯除春草頻開徑獨愛蓮花不
染塵莫道君家無長物五車書在可通神

濠梁清淺恰當門時有吟聲出樹根半榻茶煙陶學

士一家書畫趙王孫開軒便對東城月投轄常傾北

海樽厲後柴先酬唱地風流老輩至今存

曲曲螺峯鐵冶東數椽老屋捲西風難尋舊徑呼鄰

叟且署新衙喚寓公
余舊居螺山麓在鐵冶嶺之東自嘉慶丙辰燬於火至今未

構一椽尚寄居竹
東自嘉慶丙辰燬於火至今未

空何時得共元龍隱湖上探梅興未窮
今春人日陳秋宇招南卿

與余往瓜
山探梅

檢點琴材惜爨殘扶持花影耐春寒令名自昔推三
絕清福於今并四難臥榻留賓容嘯傲鄰園借竹報
平安眼前無數青山在只隔玲瓏雜堞看

周 凱 芸皋

十年淮海舊遊身爭說名場跌宕人杜牧風流宜作
客安仁顛領豈憂貧一時耆宿開吟社幾輩文章步
後塵手把圖書商位置閒居賦就筆如神

羨君身價重龍門慧業從來有夙根幕府奇才顏記
室錦囊佳句李王孫勝遊每侍東坡屐高會曾開北
海尊贏得草堂歸去好笑看松竹徑猶存

移居倡和詩

五

依稀曾訪郭門東百尺樓頭四面風但有雲煙供小
隱不須聲氣傲羣公河連巷尾青環岸樹倚牆頭綠
嵌空推宅每懷公瑾誼江天回首思無窮

沈 鏞 彪 聽篁

生涯莫笑守叢殘松柏堅貞閱歲寒三徑就荒鴻印
滿一枝未定鷓鴣巢難景追秋水堂思補
君曾祖鐵士先生舊居有
秋木堂
下近春門宅可安
屋在卽樊榭移居忘繪事
八景詩
而今妙筆許傳看

吾愛吾廬足底身放懷高論古之人業勤不效嵇康
懶文富何憂范叔貧怡喜壁間盈采翰那知戶外逐

紅塵琴牀筆格安排好興到吟哦若有神

瘦石當階樹繞門沿隄萊圃接城根溪邊流水菱環

母樓外良田稻長孫地闢數弓多詩菊客交四海屢

開尊棲仁自合來東里記否郊居賦尚存

賒得青山西復東也隨弄月也吟風馬坡巷古招名

士鯉腹書傳感巨公君出新詩辭灑灑我慚妙手說

空空引商刻羽渾難和閣筆幾愁一字窮

屠俚琴鳴

傲骨峻嶒鬢未殘山濤久已忍饑寒賦成萬戶千門

易貧到三旬九食難出谷喜遷鸞樹近樓枝初比燕

移居倡和詩

六

巢安祇應我是頻來客料得兒童亦憤看

未免才名帶累身如君原是可憐人山多白石難終

隱花散黃金似不貧所居前後皆菊圃客對譚詩忘屋雪與南卿

南卿有雪屋談詩圖興來顧曲動梁塵品茶細辨清冷味南卿

飲晏坐圓蒲覺爽神

幽居最好傍東門做事先能斲菜根周必大二老堂雜志云車駕行

在臨安上人諺云東門菜西門水南卿長蘆西湖種得

雜興云杭州食單太爾香西魚東菜總堪誇種得野梅如索婦移來方竹已生孫方竹本翠堂前任撲

西鄰棗座上時開北海尊閒裏工夫殊不惡藥爐香

炷自温存

頻年蹟類隱牆東半宅聊堪蔽雨風余棄老屋後近與周氏半宅以

居養拙有心成傲吏跳身無術學壺公一家難得冬

來飽萬念都因病後空高詠移居原舊例詩人未必

竟多窮

吳一枝香園

少年意興漸摧殘猶憶前盟訂歲寒余交南卿十六年矣少長數月

而南卿以廣廈千閒權不易陽春一曲和皆難移家

况事余略似陶貞逸割席原高管幼安雞犬如僊彝鼎古畫

圖莫作等閒看

南北舟車久客身南卿粵遊六載兩入京師憐君近始作歸人裝

移居倡和詩

七

虛陸賈千金富家賸相如四壁資綠野轉欣鄰白屋

桐門相國師營第舉園以與南卿相近為喜素衣本不染緇塵西冷莫使

騷壇冷醉後高歌動鬼神

敦槃寶從屢盈門相對蓮花粲舌根菜把不妨叨地

主錦裝時見織天孫愛聞集古搜碑版南卿有宋楊潘谷墨迹化

金石之冠每與論文倒酒樽恨我暫歸仍復出余明春將

入徑荒松菊恐無存

好編雜記續城東筆妙應追老輩風書畫船堪珍米

氏南卿鑿藏如蔡忠惠公紙本行書米家父子二卷北宋真蹟向不易覩芝蘭室類築

昌公華見東城雜記置身自作千秋想放眼真看入表空滄

海橫流君莫讓由來吾道不終窮

張雲璈 簡松

玉軸牙籤迴未殘移來家具不酸寒一龕燈火同彌
勒萬首珠璣等木難選樹心隨鷺眠院仁階身共竹
平安莫嫌半宅從人典好作臨江庚信看

歌聲金石苦吟身原是空山絕代人曾說羣公能倒
展斷無名士但長貧生涯誰信鮎魚竹世事常看野
馬塵此日珊瑚應作架拈來詩筆總如神

莊近平泉是相門馬坡小築傍雲根 居與桐門相連
國園亭密通連
牆舊憶黃江夏 君先與黃
蕪泉同居 蒼屋常憐魯叔孫雪夜人

移居倡和詩

八

過閒校藝 君嘗雪夜與居琴鳴太守論
詩琴鳴為畫雪屋談詩圖 梅花香重暖
開尊陸家兄弟東西住不及朱陳氣誼存 與陳秋宇
同居且重
故云

青楊巷近總城東路直朱絃不隔風 唐人詩一條歸
夢朱絃直余去
君居一里而近萬里雲程君有志一簪華髮我偏公
而路直無曲 柴桑松菊秋光老騎省情懷往事空
君於前
歲悼亡 鬱鬱豈
長居戶限底須多恨說途窮

魏成憲 仁庵

十載黃梁續夢殘鷗盟旦旦未應寒 乙亥入都與南
卿別于羊城卽
有歸田 買田陽羨談何易夾宅清漳事不難從此谿
之約

山成獨往長留花竹共平安多君家具蕭然在東野
新詩入畫看

樂志田園自在身天將閒福與閒人書原充棟家藏
富筆可為鋤力勝貧每愛移蔬來負擔不驚飛鶴集
承塵馬婆巷古東舉近雪是梨花句有神 見元戴師
初詩句
穿坐藜牀靜閉門底須丹碧羨王根長松看似支離
叟副墨聞之洛誦孫種得寒花香更晚交聯介石品
彌尊無雙國士誰知己者宿天涯幾箇存

詩人往者住城東倡和移居尚可風 謂厲太
鴻微君 時復推
袁嗟老我曾將薦禰望諸公祝雞已向戶鄉隱相馬

移居倡和詩

九

當令翼野空尚有湖山壇坫重主持畢竟不詩窮
自鋤三徑闢荒殘辛苦移家迫歲寒半宅似分鴻廡
賃一枝應識鳥栖難神廬顯志憐馮衍破壁藏書讓
杜安羨煞柴桑舊松鞠全家攜入畫圖看

趙 鍊 星甫

老屋三椽可庇身天留幽境屬閒人半村半郭地原
古有竹有花家不貧樊榭城東添續錄午橋莊畔憶
前塵 所居鄰章
相國怡園 元龍豪氣今何似我欲停車問翹神

謂陳六
秋字

槿樹編籬薛荔門小橋流水入雲根傳來書畫徵賢

達護到縹緗待子孫檻外濤聲秋拍枕所居城外即捍海塘秋夜
微耳庭前雪霽晚開尊遙知矮屋談詩夜主客圖成
墨尚存琴鳴前輩與君有雪屋談詩圖

鳴珂里接巷西東處士名高躡上風到處逢迎交四
海此才推挽望羣公榜蝦豈合荷衣老怨鶴休懷蕙
帳空君曾悼亡他日萬閒開廣廈願君持此振孤窮

陳文述 願道

楹榜新題墨未殘濂溪門第本清寒琴書無恙移家
易廉讓之閒卜宅難紅樹小庭花蘊藉蒼苔深院竹
平安尋常五架三閒屋恰破旁人作畫看

移居倡和詩

十

瀟灑襟懷磊落身比鄰近喜得詩人獨兒識路家非
遠燕子營巢主不貧沈約郊居閒有味葛洪行具擔
無塵新詩賦罷羣賢和金鴨焚香寫洛神
花裏茆堂竹下門關臨楊葉冶梅根書家客訪鷗波
趙高士人呼鶴渚孫裙屐俊遊書滿屋春秋佳日酒
盈尊懷歸我正思彭澤松菊田廬僅有存
斜日疏林古巷東南湖花隱繼高風千秋作計無餘
子四海論交有鉅公好闢廣庭開氣象更營高閣倚
晴空神仙畢竟居樓好滿眼雲山望不窮

胡敬書 農

家具無多卷軸殘菊畦蔬圃稱清寒輪困徙樹資駘
健辛苦營巢識燕難且效東鄰隨習俗未須西笑向
長安榮枯轉眼朱門改好種蓬蒿自在看

仍是天涯落拓身半廬棲止亦依人門無俗駕休騰
請室有藏編可傲貧但使隔牆容看竹何妨置榻任
凝塵怪他東野居纔定詩寫霜毫便入神

野水鸞環綠到門權花葛葉滿籬根逃名恥作韓康
伯補史交推褚少孫齏外家原無長物坐中酒尙有

盈樽夢梁儻輯前朝錄爲問蓬菴蹟可存湯西庄少宰誼維常
明萬曆間官江西瑞州太守遭母喪歸閉門謝客大
吏疏薦堅以疾辭因築室東園名曰蓬菴讀書灌畦

移居倡和詩

十一

課其子孫其址當在馬婆巷側近
我亦荆扉關里東訪君舟借半帆風草堂貲定輸卿
執椽筆詞先和相公陸氏比鄰皆鼎貴阮家羣從自
囊空余弟九松新移居仍與同巷願借努力崇明德祇有吾儒道
不窮

錢 杖次軒

疎金歡會到宵殘廢屋寶來地不寒入景重開遺構
在三遷纔定卜鄰難琴書伴侶辭江夏君初與黃絲
竹風流訪謝安屋近桐門相府卻喜柳條春信早眼青先對

主人看

百尺高樓合置身此中大有著書人雙丁繞膝堂宜
肯二酉羅胸室未貧佳什投魚人寡和清譚揮塵語
無塵昔年第一江東譽早信文章妙入神君與大兒
衡同以第
一入洋受知於
潘芝軒先生

馬坡巷接慶春門老樹當軒傍石根捲起疏簾通燕
子編成密竹護雞孫呼童掃葉閒烹茗約客看花屢
泛尊笑我郊居鄰北郭鄉民尚有古風存

京北江南又粵東扁舟穩載一帆風名聞卿相驚才
士蹟遍山川憶史公但有行囊千首富可能閉戶萬
緣空蓮花奕葉清芬遠高詠斯千興不窮

移居倡和詩

三

魏謙升 滋伯

風雪衡門臘已殘素心晨夕屢衝寒歲餘十日回春
易家爲三遷擇地難古鏡清泉茶正熟君有品
茶圖紙窗
竹屋硯初安鄰園前後花如海豔福輪君飽眼看
遊遍山川萬里身頻年喜作故鄉人百城書擁侯眞
富千首詩傳字不貧壁蠟明生虛白色簾犀寒辟輒
紅塵庾郎賦就園名小蕙石還宜鎮宅神
燕賀人來屢滿門奇礪別薛倚雲根反招隱薄巢居
子還讀書聞洛誦孫改歲未妨詩有債沽春且酌酒
盈尊他年官貴施行馬我語聊爲左券存

路轉城隅更向東林塘十畝釣絲風卜居昔近黃江
夏君舊居張紗街與
黃文相圖爲鄰入宅今依陳孟公謂陳君
秋宇靜憩
畫陰高樹茂愛聽春雨小樓空鄰家爆竹冬堂贈漫
效昌黎送五窮

黃士珣 鄰泉

過從恆惜曙星殘君更移居巷益寒未許一龜同佛
住始知千萬買鄰難寥寥家具儕東野矯矯才名敵
建安知已雖遙非海內往來仍作隔牆看

移居倡和詩

三

成塵與君一樣橫鰓目願我尤傷奉倩神予與南卿
同抱騎省

一椽茅屋近東門滋味由來說菜根便擬生涯託農
圃何妨家事付兒孫地偏雅稱名賢占室陋惟因道
德尊巷口清明曾坐雪騷人風景至今存元奉化戴
紳初成戊
清明杭州坐雪絕句云雪是梨
花雲是柳馬婆巷口過清明
如君那便隱牆東身世毋傷退鷁風未肯襟裾數餘
子底須臺省羨羣公論文早擅千秋富讀書渾忘四
壁空且共掃除先一室相看吾道豈終窮
費丙章 新橋

書劍飄零鬢已殘借車東野不嫌寒
易落落詩篇和韻難茅屋秋風愁杜老柴門深雪臥
袁安一彎流水三竿竹城市還同郭外看

著作洗洗已等身可憐王粲尙依人蕭條將徑還求
友潦倒雄文憤逐貧遊遍江山歸有味胸藏冰雪語
無塵雞蟲得失都休問坐愛清虛養谷神

廿年前憶共師門余與君同肄業崇文書院穎悟如君尤為馮實菴師所稱賞

君有夙根健筆驅濤驚海若巧思縷錦助天孫桐焦

畢竟知良木瓠落何須慮太樽難忘平生知己感至

今手澤篋中存君蒙實菴先生墨蹟裝池成卷索同人題跋

移居倡和詩

西

年年宦轍自西東痛抱庭萱一夕風余於丙戌春共奉諱旋里

信歸裝非陸賈漫言阡表學歐公時營葬始畢營巢燕始

占安宅余家無舊處近始卜居鹽橋黃諸巷出岫雲仍倚太空現將入都

羨子里居吟興健湖山嘯傲樂何窮

邵正笏魚竹

人事恩恩逼歲殘故園松菊惜荒寒張衡纔識歸田

樂簷尹偏愁卜宅難待構草堂歌杜甫漫除雪地臥

袁安學他燕子營巢意水檻山檐幾度看

但得三椽足庇身况聞幽境住詩人半郊半郭非甘

隱一鶴一琴未是貧書劍幾挑殊不俗煙雲當戶絕

無塵移居若比陶貞逸添酌清泉祀宅神

濂溪原是舊清門萬卷能通具夙根四座春風傾上

客一編秋水誦文孫雲窗煮茗閒安鼎雪屋裁詩共

把尊東野新居逢畫裏如君風雅幾人存

詩人例合住城東樊榭蓬菴慕素風大澤自然藏鉅

物高軒曾此過羣公青陽古巷芳輝遠黃葉前村往

蹟空我欲移家依蔣逕羊求相伴樂何窮

吳清鵬西穀

城南一角小山殘城北千家夕景寒西去湖魚最肥

美東來園菜自艱難移花劇月鋤須把試水煎風鼎

移居倡和詩

五

必安繞屋垂垂如已發雪中紅白會來看

荒荒原畝繞南東獵獵樓臺倚朔風四野冰霜謀入

室一身書劍賸從公西陵潮打寒城急南渡雲歸古

巷空與極蒼茫人不覺少微星隱歲方窮

石林亭豈百年身金谷園非一姓人寒可著花何必

暖飢如寶玉亦為貧樓頭梨雪自春雨門外葦風無

野塵行樂及時隨地足莫因秋水為傷神南鄉原作云秋水堂

空入景殘感故居也

流水寒畦對掩門三遷五徙不離根余居城北東銓第頃放曠徒今

復還故宅鶯鳩計拙營巢室蠅斗生繁長子孫衣食有家

還自累文章於道未爲尊思君只在清漳北我比張
南得枉存

移居倡和詩終

移居倡和詩

去

Faint, illegible text, possibly bleed-through from the reverse side of the page. The text is arranged in several lines and appears to be a list or a set of instructions, but the characters are too light to be accurately transcribed.

養素園待

光緒辛巳秋日

高學川署檢

竹書書影刊

11

養素園詩卷一

十景舊作

余卜居湖墅宅之西有地可五畝舊為金氏友莊
庵養素園之名余所新易也地舊有十景之目題
詠甚多余力為搜羅所得無幾階前老樹多近百
年屋數塵石數卷頗稱樸野高賢勝友倘有當於
吟情惠以佳詠俾林泉生色何幸如之乾隆癸酉
長夏七十老人王鈞書

嚴曾架 杜峯

繞屋梅花

養素園詩卷一

虬枝三百樹冰霜相與永待月捲簾櫳和身是花影

倚樓臨水

岑樓間而靜偶至非有期誰云淡泊懷將以寄漣漪

遠樹柔藍

郊原春未深黯淡色如一轉眼葉青青誰知就中出

乾溪雨漲

亂水落帳坡汨汨彼此注纔作飛雨來忽作飛泉去

夏木垂陰

林木葉重重微暑莫能到蔭枕綠陰中北窗堪一覺

疎雨梧桐

井上有梧桐亭亭百餘尺積澗在高柯枝葉愈光澤

三秋丹桂

天香出廣寒搖曳月華白無由折一枝思殺青雲客

古寺鳴鐘

疎鐘響寺樓遠近殷林麓一聲復一聲三生苦未覺

秋深紅葉

羣木漸以凋惟茲日嫵媚濃霜非濁醪葉葉頰如醉

遠山雪霽

一抹屋角山晶皎寒雲外就如傅粉重不得見眉黛

柴望 秩于

養素園詩卷一

繞屋梅花

梅老愈作花花開白如玉密密復斜斜無枝不繞屋

倚樓臨水

空潭淨無塵與天同一色脈脈倚樓人于茲若有得

遠樹柔藍

參參遠樹枝春光見來早簞輅舊時衣休誇顏色好

乾溪雨漲

尋常無斗水沙石明可數綠漲何由生多緣昨來雨

夏木垂陰

古木立四周交柯密無罅六月敞亭臺翛然不知夏

疎雨梧桐

碧樹金井頭高枝攀莫及漫說坐題詩葉葉尚霑溼

三秋丹桂

八月叢桂開飄香朝及夕何必白侍郎人皆識佳客

古寺鳴鐘

或逐晨風過或帶夕陽度一杵響空山白雲籠不住

秋深紅葉

一夜著嚴霜紅霞映簾幙矯首望秋空庶幾不寂寞

遠山雪霽

雪霽起看山開簾氣凜凜安得飛白手傳此數峯出

養素園詩卷一

三

陳維崧

其年

繞屋梅花

屋前亦如雪屋後亦如雪長笛吹一聲依稀美人出

倚樓臨水

一鏡傍樓明幽人時管領永日憑迴欄清波涵倒影

遠樹柔藍

變綠非關水烘青不待山差池與高下都在有無間

乾溪雨漲

屈曲本無源一雨忽奔沸誚彼世人心波瀾起平地

夏木垂陰

喬木千萬株六月足蔭庇蟬聲欲沸空日色難到地

疎雨梧桐

不煩詩老題不用琴工覓葉葉覆閒齋于焉聞滴瀝

三秋丹桂

子亂月光寒枝高露華足搖落亦復佳秋香收滿斛

古寺鳴鐘

一塔立崢嶸隔此白雲徑朝夕發鐘聲長廊得聞聽

秋深紅葉

秋林何豔豔續紛復重疊洛陽諸女兒如花不如葉

遠山雪霽

養素園詩卷一

四

不避雪山風披裘坐相對何時小窗中還我千朵翠

惲格

壽平

繞屋梅花

花開雪霜時老幹自屈強調古拂瑤琴夢回牽紙帳

倚樓臨水

不邀跨鶴仙不引垂綸客臨流何所為倚檻聊自憚

遠樹柔藍

樹杪何蒙茸葉葉逗春意黛色漫相猜菁華盡足比

乾溪雨漲

滂沱非無時泛濫僅一瞥漫說類牛涔猶堪蘇鮒轍

夏木垂陰

萬木繞亭臺赤日不知午帶露巢鴉尼含風咽嘯父

疎雨梧桐

託根寒磬旁枝條綠以碧未招阿閣禽時蒙泰山澤

三秋丹桂

八月秋正中天香自飄忽誰言冷露枝只在廣寒窟

古寺鳴鐘

疎鐘出白雲一杵令人靜如從老宿游恍入招提境

秋深紅葉

灼灼楓樹林當秋逞顏色非停杜牧車定費韓娥墨

養素園詩卷

五

遠山雪霽

諸峯本微茫被雪覺更遠林下高枕寒溪邊一舟返

洪昇 助思

繞屋梅花

無枝不入古曲曲護迴廊折處花仍發橫來影自長

美人期夢寐元氣在冰霜怪道吟窗下新題字亦香

倚樓臨水

層樓高百尺一水與因依潭曲留人影波光上客衣

豈無紅鯉躍自有白鷗飛休訝憑欄久流連不忍歸

遠樹柔藍

年年三二月烘就蔚藍天樓閣于中敞郊原一望偏

依依含夕照歷歷帶朝煙水潔山明處參差倍可憐

乾溪雨漲

一溪林麓外不雨不澗洞每值翻盆後如分瀑布來

居然走沙石亦足映樓臺莫笑同溝澮餘波潤綠苔

夏木垂陰

不是清江曲人言五月寒周遭籠木葉重疊翳欄杆

蟬咽晴廳細禽歸夕照殘追涼無過此竟日足盤桓

疎雨梧桐

繞徑綠陰陰梧桐已十尋時先簷雷響不待雨聲深

養素園詩卷

六

點滴當金井依稀動玉琴得非鸞鳳意留以助高吟

三秋丹桂

黍稷高枝徧金鋪一樹稠不須靈鷲月已敵小山秋

遠枕風能到中庭露欲流寄言花下客棋局早應收

古寺鳴鐘

何寺鐘頻打鏗然日幾回時從亂山裏穿出白雲隈

塵夢偏難醒浮生自可支頤人獨坐一聽一徘徊

秋深紅葉

誰得青霜信寒山杜牧之霞烘成一片露染已多時

灼灼欺宮樹紛紛映酒卮無庸小兒女游戲說題詩

遠山雪霽

雪後峯巒變開簾望欲空似移青嶂去卻裹白鹽中
有侍盈溪水無嫌到面風夕陽深淺色不與向時同

沈荃 釋堂

繞屋梅花

檀板金樽任有無滿亭雪月自相爭幽人夜半花間
坐一幅羅浮入夢圖

倚樓臨水

紅欄屈曲碧潭幽隔岸煙嵐望裏收最是鬢眉堪鑒
處夕陽一片在樓頭

養素園詩卷一

遠樹柔藍

二月柔枝已可憐半含晴日半烘煙東風卻似吳娥
翦翦得藍橋數尺天

乾溪雨漲

寸尺陰雲觸石纔潺湲屈曲繞亭臺一時瀉出千峯
雨不異源頭活水來

夏木垂陰

靈鳥不敢駐林端為有千重葉帳寒飯飽閒尋消暑
句綸衣倚徧石欄杆

疎雨梧桐

濃陰靄靄氣濛濛莫怨求凰信未通一葉不凋金井

上靜中敞雨逼簾櫳

三秋丹桂

黃鋪綠綴滿高柯但覺中庭冷露多昨夜西風吹太
急定傳消息與嫦娥

古寺鳴鐘

香臺不染世間塵鐘響空山暮復晨誤盡浮生是名
利可憐深省有何人

秋深紅葉

濃霜著處即光華一任離披一任斜怪底神仙不如
樹年年辛苦養丹砂

養素園詩卷一

遠山雪霽

玉屑銀沙裹翠鬟嵐光只在冷雲間開簾莫訝重重
白曾見我眉萬疊山

顧豹文 且庵

繞屋梅花

任是穠芳總後塵冰霜時節十分春虬枝屈曲當窗
戶便不花開也可人

倚樓臨水

激波搖漾帶晴曛倒浸危樓入縠紋薄暮憑欄人未

去一聲清唱隔潭聞

遠樹柔藍

重重疊疊復差差映雨含煙二月時畫院人徒誇好
手但知青綠點春枝

乾溪雨漲

雲氣騰空石汗生盈溪綠漲片時成淙淙一道綠階
去仍作從前急雨聲

夏木垂陰

不待搖風暑已降枝交葉接影幢幢消閒一局殘某
在豈許斜暉到竹窗

養素園詩卷一

九

疎雨梧桐

鞭轡架雨井東西一徑梧桐影欲迷葉潤莫教風翦
破夜來留與鳳凰棲

三秋丹桂

半覆閒庭半覆階離披滿樹愜幽懷秋光暗入青絲
籠早被兒童竊上街

古寺鳴鐘

隔著松篁古刹遙尋僧常怪路迢迢山鐘日向樓頭
打容易隨風散碧霄

秋深紅葉

曉探霜信入秋山葉葉明霞在望間九月西風催落

木翻令衰朽變朱顏

遠山雪霽

千峯照眼白皚皚翠色嵐光盡隱埋不道此山人已
出望中樵徑一條開

王暉丹麓

繞屋梅花

老幹橫斜態自奇周遭曲曲繞疏籬夜深明月窗前
過疑是美人初到時

倚樓臨水

養素園詩卷一

十

朱蠹碧瓦映斜暉池畔蒸煙欲亂雲漫說登樓須作
賦風來碧水自成文

遠樹柔藍

畫掩柴門盡日閒憑欄一望自開顏郊原樹色青堪
滴濃淡參差翠靄間

乾溪雨漲

沿門山路一溪偏雨後新添百道泉徒倚空亭看新
漲當階瀑水正濺濺

夏木垂陰

綠樹濃陰露未乾交柯亂葉葢漫漫何須傍水尋銷

夏草閣林深六月寒

疎雨梧桐

花落銀牀葉正稠一天暝色入高樓
綠窗點滴皆清響何處羈人動客愁

三秋丹桂

月中分種自何年珠萼叢生小院前
莫羨玉杯承露飲清才應遇廣寒仙

古寺鳴鐘

梵王宮殿鬱岩峩樂角沈沈透碧霄
誰似少年能定限聞聲起讀在中宵

養素園詩卷一

十一

秋深紅葉

誰道秋來愁不禁繁霜染徧赤楓林
此時正好停車看莫待西風落葉深

遠山雪霽

遙望平原積素勻玉山朗朗照寒津
已知掃徑迎賓客誰是扁舟過訪人

徐士俊野君

十景合咏

楓桂梧桐木影稠鐘飄漲落兩悠悠
香迷小徑花間屋波漾重簾水畔樓
燠日曝藍春野闊冷雲籠白雪

山幽一庵占盡邱園勝終歲攜壺與客游

蔣宗衡

繞屋梅花

滿徑香浮徑愈幽幽棲何異在孤山
瑤林日夕堪吟咏月上花梢未掩關

倚樓臨水

凭高俯瞰一泓清翠帶隨波檻外平
影破水天成幻境親人魚鳥任游行

遠樹柔藍

茂林深處蔚丹莢樹樹青蔥逐望低
擬向叢中聊假息蒼茫綠野數峯西

養素園詩卷一

十二

乾溪雨漲

潺湲久矣寂陂塘雨溢溪流當望洋
假使樵風真可渡更于何處覓舟航

夏木垂陰

千章綠樹覆空庭炎氣侵人快獨醒
身入清涼煩慮滌枝頭好鳥靜堪聽

疎雨梧桐

鳳柯雨潤未全收滴翠無聲景自幽
青映紗窗留玉案何關搖落動人愁

三秋丹桂

占斷秋光金粟堆誰分仙種倚雲栽叢生深冷幽人意不負淮南作賦才

古寺鳴鐘

金奏非緣出麗譙鯨音鼓動海門潮當年如滿乘佳興風月于今豈盡消

秋深紅葉

撫景蕭疎感物華還看秋葉似春花霜威點染移蒼翠絳樹分輝散彩霞

遠山雪霽

養素園詩卷一

三

極目寒雲卷復舒嵐光霽色兩涵虛遙岑雪未消融處斷續仍餘鳥跡書

袁驥

繞屋梅花

寂寂柴門水接山花開白雪繞松關清姿不與羣葩豔偏向隆寒弄色閒

倚樓臨水

日照高樓爽氣清下臨無地綠波平浮沈戲藻魚堪數玩景優游自在行

遠樹柔藍

春林灌木綠柔黃遙見如煙傍水低一色天成疑畫染不妨游衍步橋西

乾溪雨漲

微雨瀟瀟忽暗塘乾溪驟漲水汪洋昨宵霽月明相照今若潮平可泛航

夏木垂陰

綠樹叢叢香滿庭倦人天氣睡初醒薰風幾度垂陰處噪午蟬琴次第聽

疎雨梧桐

瑟瑟金風微雨收試觀桐葉似含愁閒聽點滴蕭疎韻不異猗蘭奏處幽

養素園詩卷一

四

三秋丹桂

白露瀼瀼金粟堆何年移向此間栽不居天上閒田地甘老淩雲挾月才

古寺鳴鐘

化城鐘應五更譙遠和松聲似曉潮夜欲終時天未白半窗明月伴香消

秋深紅葉

秋葉顏同春月花素娥妙手與穠華堪憐搖落隨風處似散繽紛五色霞

遠山雪霽

曉起凭樓天氣舒遙山霽雪近清虛一行征雁閒
澹染狀出狂僧醉後書

許國賓

繞屋梅花

蕭然誰似古人閒放鶴歸時雪滿山怪底夜來風雨
妬落花庭院鳥闌關

倚樓臨水

小樓分蔭曉池清影入虛窗一鏡平招得舊時詩酒
伴可能攜我共游行

養素園詩卷一

十五

遠樹柔藍

重重翠色發新萋遠岫參差日易低極目友莊形勝
最殘霞又亂數峯西

乾溪雨漲

積雨成淵徧野塘何當溪徑似汪洋夜來枕畔聲流
急定擬尋君泛小航

夏木垂陰

樹拂薰風入戶庭宿醒每得醉還醒凝眸莫漫看圖
畫錯認濤聲紙上聽

疎雨梧桐

雨灑庭梧暝不收花關人靜助清幽初疑佩響鳴寒
玉落葉啼鳥起暮愁

三秋丹桂

仙花開處錦雲堆金谷誰將此樹栽和罷新詩情更
切憐君端的爲憐才

古寺鳴鐘

何處鯨音徹鼓譙繁聲斷續雜江潮興來帶醉穿花
聽繞過花隄醉已消

秋深紅葉

疎林延眺列繁華楓葉霜酣樹樹花應想此時高臥
起凝眸倒屣看丹霞

遠山雪霽

雪晴山頂黛先舒霽色閒莊誦子虛琪樹瑤花融已
盡竹間應涇舊題書

養素園詩卷一

十六

養素園詩卷二

十景新作

人生陶情適性朝夕可息可游之樂莫如家園有
景足以豁愁悶而暢嘯歌故雖一亭一沼一樹一
石一花一草稍堪寓目即自欣然吟賞忘倦謂近
在左右足跡不出戶庭時候不拘晴雨行李器用
不計有無全缺園居無異家居樂其便也若夫亭
沼高深樹石奇古花草靈異積紛得景不止一二
當時必號名園後世且倣為圖畫問有地背湖山
自為區域外隔闌闌中富烟霞跡因前人名曰養

養素園詩卷二

一

素如容大王生之奉親養志園有十景可樂自昔
競傳題詠者乎王生能謹守家訓言行慥慥以教
子孫敦崇實學不為時俗陋習所轉移閉戶讀書
不知有戶外事陶靖節云園日涉以成趣門雖設
而常關可得其崖略矣今將彙諸公前後題詠來
徵序言余謂斯園也君子所居即名教樂地也風
有考槃衡門雖有南陔白華序其集者將無同乾
隆乙酉重陽天台齊召南

齊召南

息園

集陶

鏡屋梅花

遶屋樹扶疎素心正如此銜觴念幽人當年原有幾

倚樓臨水

春水滿四澤迢迢百尺樓素襟不可易落落清瑤流

遠樹柔藍

春風扇微和萬里自森著曖曖遠人村蒼蒼谷中樹

乾溪雨漲

平疇交遠風虛室絕塵想倏如雷電驚崩浪聒天響

夏木垂陰

夏木獨森疎誰當與汝譽好風與之俱王子愛清吹

疎雨梧桐

養素園詩卷二

二

欣然方彈琴舉世少知音涼風起將夕微雨洗高林

三秋丹桂

秋月揚明輝亭亭淩風桂上賴古人書及時富勉勵

古寺鳴鐘

遙謝荷蓀翁所保詎或淺嚴霜九月中厲響思清遠

秋深紅葉

采菊東籬下賦詩頗能工朝霞開宿霧北林榮且豐

遠山雪霽

翳翳經日雪皎皎雲中月悠然見南山青松冠巖列

沈德潛 歸愚

繞屋梅花

何必孤山路梅間得隱居豔從晴雪後影共曉雲疎
林下留嘉客香中讀古書主人能養素清極味何如
倚樓臨水

遠樹柔藍

樓開雲物表闌檻俯漣漪世事流如許人心澹若茲
高深榮氣象清遠印鬚眉不必供垂釣登臨共賦詩
嫩綠春風後參差入望中高宜天借色遠竝水浮空
峯勢芙蓉合牆陰薜荔通樓頭寄遙賞生意靄蒙蒙
乾溪雨漲

養素園詩卷二

三

夏木垂陰

石分溪脈斷雨過水痕平不必高源足依然大澤盈
灌園君自樂鼓枻客多情試聽兒童唱清流可濯纓
此地不知夏陰陰萬木中鶴巢雲自護竹閣日微通
泛響非關雨傳涼不藉風由來忘暑愼底說翠微宮
疎雨梧桐

秋色梧桐裏增涼雨乍經高柯聲颯颯密葉點星星
酒以停雲酌詩宜閣筆聽襄陽傳好句逸韻最清冷

三秋丹桂

露灑三秋白花攢一樹丹叢條香稠弱密葉影團團

迴合瓊林秀高辭玉宇寒小山餘韻在招隱憶淮安

古寺鳴鐘

何處雲林外鯨鏗散太虛五更星淡後一枕夢回初
平旦清明際聞聲警醒餘遙知待漏者袍笏步徐徐

秋深紅葉

萬物經秋老楓林轉耐看恍疑春豔在不受早霜殘
壯士心常健佳人色未闌停車瑯寫意杜牧有餘歡
遠山雪霽

養素園詩卷二

四

邵祖節 椒石

積雪封高下迷漫合遠山中天明霽景大地露屏顏
古寺微茫裏疎林杳靄間興來移短權訪友欵柴關
繞屋梅花

倚樓臨水

小築數椽欲敬榦老梅千樹輒當門香清已覺詩脾
沁花底閒吟雪擁村
憑欄倪矚水漣漪雲影天光映綠湄差喜樓臺因近
水一輪先已碧潭移

遠樹柔藍

散花灘外發新萸雲樹蒼茫綠未齊細雨絲絲春意
足蔚藍天色望中低

乾溪雨漲

草塘寂寂苔封徑芳雨霏霏澗聚漚敲枕夜聽流水
急明朝杜若滿春洲

夏木垂陰

千章夏木障濃陰晝午攤書小院深一曲薰風絃內
意捲簾松色上瑤琴

疎雨梧桐

龍門百尺倚清穹疎雨瀟瀟點碧叢記得襄陽吟句
好秋聲先賦畫圖中

三秋丹桂

養素園詩卷二

五

秋入幽芳粟粟丹根移月窟不知寒華來滿院天香
落莫作淮南招隱看

古寺鳴鐘

杵得鯨鐘聲徹晨妙因寺裏散香塵白雲縹緲難籠
住猛省浮生有幾人

秋深紅葉

葉飽繁霜散綺霞秋容老去復芳華忘情未覺蕭疎
景疑是春來二月花

遠山雪霽

吟窗高拓畫湖山晴日烘殘玉朵顏料是天工先掃

徑園開霽景待賓還

周二學 藥城

繞屋梅花

屋外梅花發周環幾百株且莫孤山去孤山香不殊
倚樓臨水

俯看清且漣結樓乃在此試問會心人曾何取於水

遠樹柔藍

風吹成軟碧雨濺欲飛青縱目凝煙處高枝翡翠停
乾溪雨漲

無水卻名溪有雨便成漲盈涸本無心過情非所尚

養素園詩卷二

六

夏木垂陰

密密千章合陰陰萬木稠偷涼來坐此六月氣如秋
疎雨梧桐

有雨不到地但聞打葉聲澄秋耳根鬧得此祛塵情

三秋丹桂

何必居小山叢桂張金屋不扣木犀香消受谿堂福
古寺鳴鐘

西偏近妙行聲不聞晨昏以禪悅為味鯨鑿含古春

秋深紅葉

最愛秋林晚妍紅畫不如雲霞燦奪目無事更停車

遠山雲霽

飄灑夜來止模糊樹忽明遙岑露寸碧快雪妙時晴

陳淵 文江

繞屋梅花

古幹綴疎花月影橫窗瘦寒香沁詩脾得句益森秀

倚樓臨水

一派涵空碧危樓影半沈最宜三五夕珠顆吐潭心

遠樹柔藍

煙雨何蒼茫眾木漸滋息采采不盈襜春林好顏色

乾溪雨漲

雨急瀉還吞溪流窮而曲從人測淺深濯漑亦時足

養素園詩卷二

七

夏木垂陰

佳氣鬱蔥蔥涼颺披謾謾埽石坐蒼苔何方有三伏

疎雨梧桐

淡淡雲初合蕭蕭葉漸稀碧欄金井畔如露溼苔衣

三秋丹桂

根借小山栽香分月窟來吾無隱乎爾秋興正悠哉

古寺鳴鐘

最是清霜候蒲牢試一鳴夢回生妙悟枕上有詩成

秋深紅葉

道是二月花終嫌失品格宛如太古人醉貌斑斑赤

遠山雪霽

豈是晴雲繞翻呈聚米形綺窗閒眺望微見佛頭青

金農 冬心

繞屋梅花

古屋淨如水梅花發冷香每於疎枝下窺見月明光

倚樓臨水

髣髴千頃陂上有高樓好蒙莊秋水篇可以託遐抱

遠樹柔藍

青青三百樹一望在平陸朝夕與客同聯聯生遠目

養素園詩卷二

八

乾溪雨漲

積雨瀟瀟聲入耳非凡響一道白於練便作清溪賞

夏木垂陰

崇柯幕重帷高吟者誰子五帝與三皇不知何人是

疎雨梧桐

井梧覆蒼苔園扉午後開有客青油繖不辭風雨來

三秋丹桂

丹桂散麝塵其下設茶具四士與五君分詠小山句

古寺鳴鐘

鐘聲古招提深省未能寐因之思南朝四百八十寺

秋深紅葉

小園秋氣清丹黃樹如織何待短轅車坐看好顏色

遠山雪霽

雪晴湖上山簇簇磬頭奇孤藤共雙屐昨與幽人期

沈大成 學子

繞屋梅花

結廬散花灘香雪何漫漫月中自去來不知春風寒

悠然與世忘寂寥尋古歡

倚樓臨水

一鏡入月光空水了不隔儵魚隊隊游沙際點鷗白

養素園詩卷二

九

靜思莊惠言煙沈萬山夕

遠樹柔藍

春序漸向闌娛我有新綠數株出前村清陰帶茆屋

亂紅墮晨風畫意媚遠麓

乾溪雨漲

野夫望時雨將以助林園昨夜檐瓦鳴今朝溪石喧

淙琤去不已環澗高枕寒

夏木垂陰

幽居嘉樹植歲久自成林長日蟬響接涼宵月華深

晞髮此偶憩應知卻塵心

疎雨梧桐

一雨高梧鳴蕭條天已秋因茲點滴聲助君亭館幽

卽事亦復嘉林外况雙鳩

三秋丹桂

庭中木犀香此語妙劉安何必大小山乘閒卽來看

黃雪懸不飛秋光滿闌干

古寺鳴鐘

梵鐘晨夕鳴星星散林樾喧寂兩相忘擊扣亦徒設

要知靜中人默然泯言說

秋深紅葉

養素園詩卷二

十

霜染一園赤倚樓秋色多誰知北城隈還同南山阿

采藥拖筇歸澗髮弄朝霞

遠山雪霽

嚴風卷積雪已沒湖上山晨起嵐光開秦亭意殊閑

暢可泛牒子窈窕雲水間

明中 大板

繞屋梅花

三間老屋數樹春風經行坐臥香雪海中

倚樓臨水

古潭無波高樓貯清日斜風細長笛一聲

遠樹柔藍

參差野樹游目以寓色無定姿浮煙欲暮

乾溪雨漲

快哉時雨溪流試聲霑泥飛絮一夜浮萍

夏木垂陰

嘉樹扶疎葉深如帳午夢清涼羲皇以上

疎雨梧桐

瑟瑟秋風蕭蕭秋雨最是梧桐聲聲不住

三秋丹桂

小山叢桂秋老尤香鼻孔打失吾思晦堂

養素園詩卷二

十一

古寺鳴鐘

遠寺蒲牢最堪清聽月下聲圓人間夢醒

秋深紅葉

秋聲乍老霜葉如花閒園小步何以停車

遠山雪霽

東雲四開眾籟同靜映澈冰壺一痕山影

篆玉 讓山

繞屋梅花

人在梅花屋裏屋居梅影中間消受酸香撲鼻一春

忘卻看山

倚樓臨水

一壁光搖波影樓臺倒映池塘隔水點塵不到濯纓何必滄浪

遠樹柔藍

野趣無分遠近望中最是郊坰一幅殊難圖寫參差樹末浮青

乾溪雨漲

昨日溪頭雨過今朝水漲柴門許我來觀魚樂南華與子重論

夏木垂陰

養素園詩卷二

十二

此中最堪消夏周遭老樹修篁綠陰半間蘿屋肯否借與乘涼

疎雨梧桐

牆角高梧幾樹絲絲秋雨淒清滴醒幽人殘夢最難忘是詩情

三秋丹桂

到處香飄天外彌空黃雪紛紛不待我來試問先生早已云開

古寺鳴鐘

荒寺隱在鄰曲時來枕上鐘聲豈特洗空塵夢一聞

眞妄俱清

秋深紅葉

不見停車相問一舟撐過霜寒烏柏岸邊小泊紅黃
葉作花看

遠山雪霽

衾裯冷如潑水遙山白似堆鹽炙背課諸兒女大家
幽興頻添

沈廷芳 荻林

繞屋梅花

寒香幽絕處深院別開門翠羽曉驚夢美人春斷魂

養素園詩卷二

三

客來不識路如入羅浮村

倚樓臨水

春水方生綠秋波徹底清岑樓冠其上彷彿現蓬瀛

吟殘偶徙倚一碧當軒橫

遠樹柔藍

一片青模糊羅羅原上樹望遠何濛濛紅稀生綠霧

留春春可憐待賦小園賦

乾溪雨漲

幔卷水氣生零雨朝方歇潛通江漲橫滿滑春流笏

對此增遙思注目神超越

夏木垂陰

咽咽亂蟬鳴葉葉流鶯囀赤日午不知綠天風到善
林下逍遙游溽暑奚用遣

疎雨梧桐

昔傳詩聖詩微雲逗疎雨檄檄乍蕭蕭淅淅如語語
幾葉墜銀牀飄來點廊廡

三秋丹桂

小山數叢發為慕小游仙種得月中樹清輝滿碧天
花開露如霰招隱懷當年

古寺鳴鐘

養素園詩卷二

四

聲度清江水寒生古石樓卻從何處起還向白雲求

一杵淡塵慮此境長幽幽

秋深紅葉

秋老林徑寂亭皋葉盡殷三春花遜紅九月菊鬪斑
我來頻小坐絕勝上寒山

遠山雪霽

牆隅瑤岑窺忽幻礬頭形荆蠻筆描白倦圃硯涵青

曹秋岳侍御有硯山名遠山積雪遙知輞川內蕉葉森中庭

汪沆 良園

繞屋梅花

一樹寒英已絕塵周遭況占十分春香來四面中庭
坐不數巢居閣上人

倚樓臨水

欄杆憑處日將曛漸漸檐牙上水紋最愛一翻春雨
後瑣瓏琴筑夜深聞

遠樹柔藍

柳碕柔徑影參差好是煙霏未斂時極目遙林渾似
染那分接葉與交枝

乾溪雨漲

宛然幽草澗邊生一夕如穿渠水成濺玉跳珠等閒

養素園詩卷二

五

事田頭喜免枯槁聲

夏木垂陰

到此人間炎暑降童童如葆復如幢熱堪炙手尋思
避要借風軒臥北窗

疎雨梧桐

晚風策策火流西一徑涼陰路不迷髣髴倪家清閣
閣蕭疎聲裏稱幽棲

三秋丹桂

剡溪移種列層階潑眼秋光香入懷報道今年花信
好一枝攀取上天街

古寺鳴鐘

問訊緇廬隔水遙讀書燈下夜迢迢一編深省微言
發不待華鯨振九霄

秋深紅葉

烘出楓林一抹山焜黃老綠幻林間何緣秋老紅如
許定有丹砂訣駐顏

遠山雪霽

玉峯天半影皚皚訪戴幽人溪上來晴色忽看光四
映荆關粉本望中開關全有雪霽圖

陳枏音齋

養素園詩卷二

六

繞屋梅花

梅花栽繞屋香色遠氤氳知有高人在終朝臥白雲

倚樓臨水

結樓臨溪端俯瞰溪水靜澄泓一鑑清長日涵樓影

遠樹柔藍

遠樹起柔藍幽人足遐企濛濛翠靄中極目情何已

乾溪雨漲

俄聞溪雨喧瞥見溪流漲物外有盈虛我心無得喪

夏木垂陰

夏木晝陰陰炎暑歸何有借問黃塵人能得此樂否

疎雨梧桐

梧桐高且清時聞疎雨滴萬籟悄無聲虛堂增寂歷

三秋丹桂

叢桂小山栽丹葩映月開月明香滿處疑有八公來

古寺鳴鐘

古寺聞鐘聲佛徒詎知警獨有會心人瞿然發深省

秋深紅葉

霜落明丹楓秋光淨如拭返照入深林遙天同一色

遠山雪霽

山以積雪封雪消緣見現白鷺傍山飛模糊猶莫辨

養素園詩卷二

七

潘世仁 秋田

繞屋梅花

曲欄倚徧迷香海瘦葉疎疎待月斜一任冰霜清到

骨何如紅白豔春花

倚樓臨水

屋角參差影欲流一泓水鑑豁雙眸憑高攬勝情無

限盡日臨風獨倚樓

遠樹柔藍

空山凝碧水拖藍秀色兼收遠樹含欲擷清華新雨

後春情猶未十分酣

乾溪雨漲

瞥生波浪望中迷銀竹如傾沒舊蹊可得源頭來活
水不須新漲自成溪

夏木垂陰

眾綠生香繞徑深鶯聲轉處木陰陰不知赤日威何
許一片惟餘冰雪心

疎雨梧桐

大葉如雲溼曉風絲絲清響入簾櫳冬餘愛日陰濃
夏惟有凌霄百尺桐

三秋丹桂

養素園詩卷二

六

露冷中庭一徑幽離離金粟小山稠晦堂老子應生

悟到處香聞滿院秋

古寺鳴鐘

妙行禪寺久相仍幽響泠泠且暮鳴莫到聲聞纔發
省澄懷無處不空明

秋深紅葉

幾番淒滅到霜林賸有丹黃著色深漫道如花顏自
好更於何處探根心

遠山雪霽

玉妃紛下淨塵寰一抹乾坤萬象閑最愛樹頭新霽

後畫眉青勝舊時山

張世舉 無夜

繞屋梅花

籬落一枝橫孤芳詎愜情幽人栽繞屋四照眼增明
月映窗窗白流泉面面清眾香真有國烟水似南行

倚樓臨水

仙子好樓居清光水一渠綺疏沈倒影面目識真子
捎蝶翻元燕吹花數白魚居然濛濛想作賦且躊躇

遠樹柔藍

睇遠偏宜樹何須尋斧柯東皇多與碧一抹似堆螺

養素園詩卷二

九

微雨添膏沐輕烟胃熨羅秋深休悵望猶得醉顏酡

乾溪雨漲

莫道前時涸桑生大海中雨餘梅子熟波入杏花紅

石罅藏魚婢萍衣裊活東晚來新月好蟾影墜秋空

夏木垂陰

何處避炎蒸千章夏木清虛檐團綠淨密葉入秋聲
赤帝行無地黃鸝住復鳴會當邀太白石壁挂冠纓

疎雨梧桐

竹翠黏胡粉梧清惹碧滋露華紛冉冉雨氣復絲絲
入夜銀河淡迎秋玉瑄知孟公圖宛在更乞右丞詩

三秋丹桂

叢桂淮王宅當年築小山先生端向白春豔定須刪
玉露仍舒萼盲風豈損顏花中此中散相對掩禪關

古寺鳴鐘

北郭多名剎鯨鯨靜夜分破塵噩夢斷入定戒香熏
帶月催殘角和風度白雲王晞思爛熟高枕返聞聞

秋深紅葉

小杜愛停車楓林二月花幽人還太素秋樹養丹砂
青女無端麗寒蟬似獨嗟霞烘看更好雲白未須遮

遠山雪霽

養素園詩卷二

十

養素足優游遙山盡入樓雪晴時更豁皴粉宛峯頭
北峙糊黃鶴阜亭山有黃鶴峯西傾走玉虬春風消盡也賺
得白雲留

汪意 魚亭

繞屋梅花

簾押不捲春模糊羅浮美人衣素襦十五五列四
隅明月光中香有無

倚樓臨水

一川澄碧常縈紆如螺之閣臨交衢有人脈脈開金
鋪清波倒影照眉鬚

遠樹柔藍

芳春未深木葉敷隔林似聞叫提壺蒙茸不辨槐柳
榆可憐黛色須人扶

乾溪雨漲

黃梅雨過足灌輸昨日沙痕今日殊灑灑平添三尺
逾結隊拍浮來野鳧

夏木垂陰

翻風高樹八九株白日不動暑已驅綠苔色冷青絲
絢小清涼坐靜者娛

疎雨梧桐

養素園詩卷二

五

昨夜絲絲潤轆轤龍門百尺調笙竿曉來落葉猶半
濡襄陽詩句堪作圖

三秋丹桂

小山秋老閑酒鑪欲招淮南八公徒臙脂淡淡霏蕊
珠解人莫將黃雪呼

古寺鳴鐘

幾回清響疑鐙千招提之宮草久蕪驀然一杵夢覺
瞿贈形苔影見真吾

秋深紅葉

楓林受霜如醍醐棘鳳竊丹顏色俱春花比似其然

116

乎歲云暮矣或感吁

遠山雪霽

無何雨雪紛載塗白頭山改舊形模初日當窗與不
孤敲冰試訪孤山道

何琪 春渚

繞屋梅花

老榦綴花疎幽窗橫影瘦香來自頻頻不待移榻就
此時羨主人巡檐日吟嗅

倚樓臨水

樓外水清漣樓頭客吟寂闌檻何蕭疎倒影見歷歷

養素園詩卷二

五

登眺不知暮煙村起漁笛

遠樹柔藍

春回樹色新依依劇可愛近水映晴波當山亂翠靄
曾聞浣花翁對此憶朋輩

乾溪雨漲

不雨無一勺既雨便瀾漫灣環繞亭角風過生微瀾
令我欲浮艇直作江湖看

夏木垂陰

古木森四周濃陰下几案蟬聲不厭煩日色自遮斷
一枕擁青奴于焉暑可追

疎雨梧桐

梧葉滴殘雨斷續因風翻點點皆清響絕勝檐溜喧
靜中聽來好尤憐近黃昏

三秋丹桂

連蟾數株桂秋來香遠聘入門未見花鼻觀先已領
何必說廣寒是地即仙境

古寺鳴鐘

蒲牢吼鄰寺隨風落園裏餘韻歇徐徐又聽一聲起
足使塵念消幾人肯傾耳

秋深紅葉

養素園詩卷二

三

草木漸搖落此間景正賒試看醉秋樹顏色如丹砂
乃知點綴妙蕭晨亦繁華

遠山雪霽

同雲卷長空蔚藍拆天罅遙山雪尚滿晶瑩初日射
依稀樵徑邊一點見茆舍

養素園詩卷三

十景後作

吾宗馭陶先生少負幹濟薄游京師公卿大夫交
重之將薦以官先生瞻望舊鄉顧懷先業告歸守
父母墳墓不復出買宅北墅為金氏故居西偏有
園曰友莊庵中具十景之目見於前人題咏甚夥
先生時加修葺使不廢獨易舊所為友莊之名曰
養素先生之言曰夫人身世之際自有素分焉不
可或踰也吾見一時宵人有竊居非據者矣當其
得意形神炎炎車馬之揮訶僮奴之歌笑衣服飲

養素園詩卷三

一

食之充斥人世歆豔愛悅之物莫不集於其門迨
夫事窮運盡顛仆隨之有欲為委巷平民不可得
者豈非自忘其素者耶吾心竊凜之又或矯語逃
名矜情晦跡心未忘乎軒冕言每涉乎烟霞託清
士之棲盤希古賢之游踐探奇疊嶂選勝危岑則
又見其登頓為勞而優柔順養之道有所未足亦
匪吾所慕吾於斯園廣不過數畝吾朝夕得經行
焉有會而興時倦而息山原林麓無不與吾意親
也草木土石水泉無不與吾情愜也粲然而有色
吾目不窮於賞也隱然而有聲吾耳不絕於娛也

戶庭之間杖履之下見天地之曠焉接品彙之蕃
焉吾亦願與斯園終老已矣先生爲人夙具至性
向學不厭其居身也嘗不使有餘其視人也憫憫
焉惟恐有不足故其平居所以教子若孫者曰忠
孝讀書勤儉積德勤儉積德者易頤貞吉之義也
忠孝讀書者記素位而行之道也斯園之游憩特
一見其端焉然不可無述也予假館於先生有年
因卽夙所聞於先生者次第焉以爲之記茲檐曾
祥

杭世駿 荊浦

養素園詩卷三

二

繞屋梅花

愛此冰雪委繞屋樹無數一鉤新月橫空庭滿香霧

倚樓臨水

高閣臨溪築波光漾夕暉一聲聞欸乃遙見釣船歸

遠樹柔藍

嘉樹迴春姿露洗淨如拭不辨天與水蔚藍同一色

乾溪雨漲

侵晨溪暴漲昨夜雨初過不覺苔磯沒添來鷗鳥多

夏木垂陰

炎威坐若忘綠蔭濃於染茶熟夢初回涼風起筠簟

疎雨梧桐

秋雨灑高梧滴瀝送清響朗吟浩然詩於焉愜幽賞

三秋丹桂

桂樹吐秋香正值月三五白鶴影離襟聊當霓裳舞

古寺鳴鐘

寂寞山齋空迢遞鐘聲永卻憶贊公房松林一燈影

秋深紅葉

不謂搖落辰有若花爛漫漁人到欲迷疑是武陵岸

遠山雪霽

猶餘殘雪白遠岫失嶙峋溪路無行跡何來獨釣人

養素園詩卷三

三

戴廷煊 鵝亭

繞屋梅花

人樹互標冷韻幽居四望濛濛林開漸融雪徑花放

周被春風不用遠探芳信從看亂插晴空一枝竹外

吟對身在眾香國中

倚樓臨水

締想高懷澄思有樓有水棲遲三層置身縹緲一鏡

照影漣漪負矣神仙居占悠哉濠濮情怡鴻飛魚躍

相契不令朝市人知

遠樹柔藍

泛艇春江明媚迎眸春樹蒙茸纖枝綠敷平楚嫩葉
翠霽前峯淡抹烟影嵐影薄含天容水容清微舉堪
入畫我欲泚筆往從

乾溪雨漲

汨汨澗通竹瀝涓涓曲赴田溝春波未停止水夜雨
驟涌奔流拍岸鴨衝萍泛過橋魚戲花浮好攜志和
蓑笠撥棹沿洄小舟

夏木垂陰

棲託名園十畝參潭美蔭千章重遮赤日忘午徐引
清風納涼小憩農談妮妮晚歸漁唱浪浪南窗夢回

養素園詩卷三

四

雨過一枕靜拒林香

疎雨梧桐

乍感碧梧風落更聽清夜雨初銀牀點傳浙瀝翠幌
韻切蕭疎宛在襄陽句裏緬懷高士洗餘詩人易增
秋興不寐挑燈讀書

三秋丹桂

招隱小山有賦坐禪金粟名庵飄空香自月散無隱
花向風參露溼心神冷健枝叢鼻觀濃酣中庭廣栽
樹樹勝上鷲嶺高探

古寺鳴鐘

佛坐觀空蘭若僧敲覺夢蒲牢三千劫存法界百八
聲度林皋長使幽田傲省不令野馬紛繞朝昏問禪
步履雲護深樹樓高

秋深紅葉

林壑遇寒如燒丹黃是葉非花朔風飀危碎錦斜日
絢奪流霞剩句信明傳幸停車杜牧情賒霜鐘幾翻
聽打點點陣結昏鴉

遠山雪霽

歲晚何從孖曠雪餘最好將殘千峯拓窗堆素一潔
舉目生寒獨擁漁蓑日薄羣飛鳥雀風酸長吟石湖

養素園詩卷三

五

佳句欲寫管邱畫難

丁敬龍別

繞屋梅花

寒香時到榻瘦影欲當門夢回聞語鳥何異羅浮村
倚樓臨水

遠樹柔藍

虛樓近淵淪魚兒清宛宛撫檻一會心濠濮夫豈遠
野樹多青蔥愛之欲徘徊浮浮容不定疑映水光來

未堪游鮒鮒且足噪蝦蟇莫謂流因而偏能浮落花

乾溪雨漲

夏木垂陰

喬木識故家蒼然拱而俯把卷倚胡牀那覺長晝午

疎雨梧桐

我愛孟襄陽疎雨梧桐句此間秋霽餘蕭然契詩趣

三秋丹桂

團圓桂之樹漏放秋時花路人不知處但說香來賒

古寺鳴鐘

曉杵和霜破宵鯨帶月鏗妙行鐘韻舊祇隔一牛鳴

按待鳴鐘為湖墅十景之一古妙行寺也

秋深紅葉

養素園詩卷三

六

朝霞入襯奇夕陽相映好醉客忘秋園疑是春花早

遠山雪霽

雪後景物佳園林淨如刷尤憐拓高窗湖上山巒嶺

俞光耀 道章

繞屋梅花

己在花間住何須花底眠臨風憶君復吟處聳山肩

倚樓臨水

凭欄心轉澹天水兩悠悠無限空明象澄然與目謀

遠樹柔藍

遠襯青山郭濃遮綠水村林端多態度鬱鬱露春痕

乾溪雨漲

雨過園林好微波曲折生沿溪成活趣不盡在川情

夏木垂陰

烏翼矯難入蟬聲靜轉長小窗敲枕處午熱已相忘

疎雨梧桐

新桐愛初引殘雨墜高枝點滴宮商趣惟應靜者知

三秋丹桂

夜深香轉烈皓月出天心招隱淮南句無勞物外尋

古寺鳴鐘

僧吟何處聲蒲牢吼禪域清晨散虛無重山遮不得

養素園詩卷三

七

秋深紅葉

葉葉明如火搖風欲出烟石榴裊上色何似染霜鮮

遠山雪霽

玉尖雲外聳粉朵霧中開極目初晴雪峯峯入望來

陸飛 筱飲

繞屋梅花

萬樹敲斜玉作屏虛堂無客晝常扃閒情直與梅花約有夢從今不願醒

倚樓臨水

方池十畝淡涵秋便擬莊生濠上游我自黯然君莫

問平生腸斷是登樓

遠樹柔藍

近連春水遠含烟
冉冉柔條隔野田
想見村墟好風日
閒門人靜育蠶天

乾溪雨張

陡覺溪流帶雨翻
居然赴壑沒雲根
道人注目目渾無
事見慣江河竹箭渾

夏木垂陰

老木千章碧四圍
清陰滿地卻炎暉
不知抵死干名客
觸熱何堪襪襪衣

養素園詩卷三

八

疎雨梧桐

庭宇蕭蕭涼意多
廉纖微雨溼高梧
秋聲先遣詩情覺
卻向荒池滴芰荷

三秋丹桂

曲檻虛廊疊石幽
濃香千斛貯深愁
三分明月吹簫夜
冷醉閒吟過一秋

古寺鳴鐘

何處鐘聲撼寂寥
霜天夜雨更無聊
江南三百六十寺
一杵蒲牢送六朝

秋深紅葉

秋容堪賞倍春妍
葉葉玲瓏透日邊
掃入山廚供晚爨
西風吹出一林烟

遠山雪霽

一峯突兀倚高空
霽色遙看也不同
我欲移家最高頂
萬山飛雪玉龍從

羅聘兩峯

繞屋梅花

詩人例愛梅香繞
屋前後巡檐詩已成
句比梅花瘦倚樓
臨水

近水樓偏好人倚
正昏黃月出簾先卷
波光上屋梁

養素園詩卷三

九

遠樹柔藍

遠樹春痕露歷歷
似烟含山青與水
綠不及此柔藍乾
溪雨漲

疎雨梧桐

夜雨曉無聲漲綠
溪前響獨立看飛
流泠泠滌凡想一
徑碧梧陰愛聽疎
雨度點滴聲漸多
詩成客初去

三秋丹桂

八月秋正佳況此
桂花發露冷溼無
聲疑在廣寒窟
古寺鳴鐘

纔送鄰僧去柴門
寂已扃鐘聲攔不
住直到水邊亭

秋深紅葉

霜葉紅如染莫道是春花年年秋九月門外日停車

遠山雪霽

未雪山常青既雪山如瑩試問雁飛來曾否見樵徑

汪彭壽 葯圃

繞屋梅花

烟影一逕深月色滿林曉幽築迴絕塵沉復梅花繞
疎疎照清池短短護叢篠嫩寒先起探香破南枝早

倚樓臨水

我聞南湖主看山誇繪幅宋張功甫南湖園中有羣
仙繪幅樓可眺湖上諸山

養素園詩卷三

十

茲樓更擅奇倪納一池渌拍檻玩儵游卷簾窺鷺浴
何來長笛聲吹度滄江曲

遠樹柔藍

鳩鳴雨初歇鶯語烟欲曙春情渺何許極目原上樹
秀姿弱可憐黛色畫難具遙想山窗中青靄落如霧

乾溪雨漲

築石成小溪溪回曲如月一雨春水生繞階流汨汨
萍星忽零亂魚妾時出沒泛觴擬前修相期上巳節

夏木垂陰

人徑清陰生隨步暑光失竭來盛夏時千章樹叢密

檐翠晴霏微窗風午蕭瑟借榻臥北軒一涼銷百疾
時借吳小谷借居
園中養疾故云

疎雨梧桐

有月陰自佳無月雨亦好葉大聲蕭蕭秋入井梧早
高林滴未殘遙空淨如瑤對景夜聯詩吾愛襄陽老

三秋丹桂

蒼蒼青桂枝花中此中散幽人愛其德植根伴歲晚
天風吹古香清露浥高館月閨逢今秋花放十分滿

古寺鳴鐘

且暮聞寺鐘鐘聲遠益響晃蕩白雲中窸窣青冥上
此際念居士獨棲絕塵想坐對淨名經誰知道機長

養素園詩卷三

十一

秋深紅葉

羞與桃李花三春鬪顏色年年雁來時霜染豔如織
陳綠猶參差初紅已重疊把卷倚樹根風脫兩三葉

遠山雪霽

長空卷玉花昨宵滿山墮起看青瑤岑幻作白蓮朵
朝旭欲放晴凍雲尙半鎖小閣暢幽情風景太素可

應澧 藕泉

繞屋梅花

霧絡烟籠有萬枝傾斜屋角獨行遲影橫綠沼低時

兒香吐寒心靜裏知玉蝶禁春憐夙豔湘筵含怨費
清思主人已約林廬老不共羅浮醉薄醪

倚樓臨水

日暮何人倚畫欄澄泓窺處鬢生寒鏡奩撥藻初開
翠樓閣沈霞欲射丹照眼秋雲涼冉冉振衣玉骨響
珊珊明玕百尺凌霄迴分得清音上下看

遠樹柔藍

蔚藍難辨是遙天樹色層層染更鮮浮齊不須連絕
巘點螺長想俯平川畫垣雨過橫新靄漁浦春深洗
碧烟馬遠倪迂誰繪得林光霑溼晚湖邊

養素園詩卷三

三

乾溪雨漲

不比盈科取次加瀾翻已自擁銀沙淺潮汎溢春三
月驟雨喧厓水一涯鬪鳴最宜藏芷葉游魚虛想逐
桃花中流泡影看空幻酒轍須臾莫慢嗟

夏木垂陰

翦成叢卉列千章結夏於茲景更長已有鶴巢盤絕
頂試聽蟬嘒亂斜陽陰吟雨微生籟落落排闥好
送涼喬木十年承美蔭當樓選得老根強

疎雨梧桐

高梧掠影響騷騷阿閣重陰薄雨流密葉暗沈宮徵

細碧雲遙墜暑炎收轆轤涼瑩千家暮笳箏清輪一
夜秋好待鳳皇鸞羽翼孫枝婀娜舞青粼

三秋丹桂

輪囷百尺屑瓊枝丹粟粲粲吐豔遲天上重暉秋月
影人間招隱小山詞香飛列館停仙藥霧襲層城汎
玉卮桂父餐漿今得道不須服食采神芝

古寺鳴鐘

傍郭招提未許尋鐘聲迢遞出前林劇知塵夢消來
久初破蟬花覺後深梵版粥魚依淨業藥鑪茗椀足
禪心晨喧暮警閒房慣又聽蕭蕭夜雨侵

養素園詩卷三

三

秋深紅葉

靈楓繡蝕遠爛熳茶火深林極望間秋意亦如春意
好霜華長比露華斑平田映日開丹嶂古水流霞醉
玉顏正憶江潭倦行役亂山紅處費追攀

遠山雪霽

界出遙天一線空萬峯爭插玉玲瓏疎林乍識寒禽
樂肅且還欣霽景同不用峨眉開夕照儘教樓閣列
屏風十洲三島閒游地試與西湖喚短篷

徐曰連 勇庭

繞屋梅花

林園花四時窗戶香不己何似數株梅冰雪拆素藥

倚樓臨水

樓亦不厭高水亦不厭深興到理筇策何人共登臨

遠樹柔藍

園樹亦干章春風乍抽絲叢叢野色分浮藍通遠矚

乾溪雨漲

盈盈活水流乾溪夜來雨好鳥時一鳴幽花自在吐

夏木垂陰

夏日良可畏願息喬木陰清風冷然至逍遙豁煩襟

疎雨梧桐

養素園詩卷三

古

清陰滿窗前愴然不知暑乍聞浙瀝聲梧桐數點雨

三秋丹桂

望中接廣寒散落扶疎種中有讀書人秋來桂香動

古寺鳴鐘

窈窕深山裏疎鐘何處聞此園亦復爾遠響度白雲

秋深紅葉

春去久不歸秋來又以老紅葉欲欺花不厭風霜飽

遠山雪霽

雪深園戶閉雪霽出門看極目遠山色日高動清寒

沈士駿 明峯

繞屋梅花

幽人厭雜樹愛爾性高潔干英浮寒香開窗滿空雪
於此橫素琴蕭然謝塵雜

倚樓臨水

清川無停流每作濠濮想沉與登樓宜似得鏡中象
凭欄試垂竿策策鱖魚上

遠樹柔藍

煙雲無時無蒼翠若可挹頗得畫師妙模糊墨痕溼
開軒面深林時揖空翠入

乾溪雨漲

養素園詩卷三

古

枕上聽雨急凌晨甌溪水猶疑春潮生回風泛蘋起
物理復偶然流行悟微旨

夏木垂陰

珍木干章清綠陰晝垂地反厭蟬聲來擾此靜中意
永日形神清熱客且相避

疎雨梧桐

據梧倏已暝高枝翠色藹一夜飛雨來分響入秋籟
幽居夢魂清默與蕭疎會

三秋丹桂

天花滿秋空散此月中葉當其迎露開夜影涼如水

聞香得清心吾無隱乎爾

古寺鳴鐘

居士衍大乘忽驚蒲牢吼聞根自云靜尋聲竟何有
鏗然清夜來仰看橫參斗

秋深紅葉

溪邊一夜霜葉葉紅衣染寒林亦何爲衰時反加豔
回問三春花繁華幾人念

遠山雪霽

翠松明山巔晴空失寒素遙知遠林中初得樵人路
斜陽淡煙雲層峯碧無數

養素園詩卷三

六

汪舸可舟

繞屋梅花

結屋香雪林窗虛晝生白有時彈素琴不覺人如壁

倚樓臨水

層城十二樓銀漢三千界莫倚玉闌干倒影落沆漭

遠樹柔藍

春風吹綠雲散漫不成朵極目送黃鸝遙遙入婀娜

乾溪雨漲

游魚去復來飛鳥來復去半夜雨聲中溪邊兩相遇

夏木垂陰

清陰覆林樹歧脚臥高館未識有炎官何從見火繖

疎雨梧桐

高柯與雲齊密葉作雲布雲溼雨無聲還疑墜清露
三秋丹桂

叢生山之阿竝落月中影舉世愛天香何人樂招隱

古寺鳴鐘

鳥啼不出山泉響付流水唯有百八聲聲清人耳

秋深紅葉

清霜如濁醪一飲千林醉何事三春花無因自榮悴

遠山雪霽

七

養素園詩卷三

柳溥潔夫

繞屋梅花

陽景曜昆岡寒芒刺遠暎未須吟白頭行看好眉黛

倚樓臨水

君非處士家晴雪圍素景宛若夢羅浮絕勝過庾嶺
那得一聲笛喚起波底螭且來眺檻外憶讀釣臺詩

遠樹柔藍

望若美人眉翠黛欲青出煙雲薄暮時髣髴湘靈瑟

乾溪雨漲

溪邊飛柳絮糝合仙人芋昨暮春雨深忽躍朱衣鮒

夏木垂陰

森森挾層冰炎官橫秋帽我欲聽松風來彈水仙操

疎雨梧桐

好箇孟襄陽不須著秋屐滴來落葉上古牆生虛碧

三秋丹桂

我本廣寒客暫抱小山石參拜有如來翻徹木犀跡

古寺鳴鐘

如臥山僧榻最喜夢初覺一聲發清響村雞多呢呢

秋深紅葉

十月登楓嶺雲臥楓同醉儘憶養素人後觀丹崖荔

養素園詩卷三

六

遠山雪霽

連日碎竹聲忽繪粉墨態大塊來陽烏飛逼羣峯外

吳玉暉 小谷

繞屋梅花

長林擁茅茨煙影淡於曉枝枝自回互勿受雜樹繞

我欲共歲寒種花悔不早

倚樓臨水

羣峯列畫屏一樓倚煙水淥淨無纖塵物影鑿州里

青林回繞之時有蒼鷺起

遠樹柔藍

春風散餘寒煙樹滿芳甸山黛接微茫村虛影蔥蒨
極目蔚藍天疑是丹青變

乾溪雨漲

何年築雲根疊作溪幾曲一林山雨來奔階響汨汨

瞥眼綠漲生盈盈不隔宿

夏木垂陰

炎光無不到獨避主人樹一徑綠雲深杳杳日如暮

安得移涼陰分庇往來路

疎雨梧桐

涼氣入房櫺池上雨初歇高梧發秋聲清響滴殘月

養素園詩卷三

九

四壁風蕭蕭蟲聲助幽咽

三秋丹桂

團團蒼桂枝試花涼吹裏清露滿林飛明蟾當戶起

人住香界中與秋相終始

古寺鳴鐘

鐘鳴古寺中聲落秋枕上人生有至性一杵銷百妄

何須旦暮撞談空入幻想

秋深紅葉

秋光無所依一夕上楓葉欲令搖落成園林復如織

只愁大段風吹落好顏色

遠山雪霽

看山雪最佳帶雪晴更好長空插玉屏青翠淨如埽
凌寒試起探一簾堆白曉

高繩武 湘初

繞屋梅花

面面窗開映雪徐徐香暗迎人大可巡檐索笑何須
策蹇尋春

遠樹柔藍

風色暖扶春到樹頭遙送青來蔥鬱剛逢雨後迷離
正際雲開

養素園詩卷三

壬

乾溪雨漲

纔過一番急雨便生數點浮萍儼似泉聲灑灑和花
流過閒亭

倚樓臨水

傑閣三椽高架平池十畝新疏拊檻悅臨濠濮親人
不乏禽魚

夏木垂陰

漠漠陰鋪幽砌森森樹繞吟堂日午不聞蟬噪夢回
一枕清涼

疎雨梧桐

庭外蟬光新霽梧閒雨滴猶聞心折襄陽佳句悠然
吟到宵分

三秋丹桂

古榦疑分蟾窟天香漸滿人間大好此間招隱不讓
當年小山

秋深紅葉

白雁初傳寒信丹楓淡染霜痕隔岸參差滿眼斜陽
掩映消魂

古寺鳴鐘

古巷徑通佛屋清鐘聲出禪扉夜靜頻來枕上風回
忽又依稀

養素園詩卷三

壬

忽又依稀

遠山雪霽

湖上遙峯朵朵尤憐雪未消時訪戴漫尋短櫂消寒
自有深卮

梁同書 山舟

繞屋梅花

幽人坐夜闌香影滿窗格玉簫一聲吹參橫殘月白
倚樓臨水

高閣俯清流闌干界寒綠憑闌日幾回游魚往來熟

遠樹柔藍

過雨天如沐春林翠欲流情誰開畫燈染出曉煙浮
乾溪雨漲

漱漱溪聲活中宵急雨催平添半篙水魚上釣磯來

夏木垂陰

最好濃陰下低安曲彖牀滿身涼影碧白日到羲皇

疎雨梧桐

襄陽詩中禪靜處時一悟合相不可尋梧桐碧如故

三秋丹桂

小庭如小山叢桂茂秋日吾無隱乎爾金粟維摩室

古寺鳴鐘

養素園詩卷三

圭

幽居近招提放梵禪房悄鐘聲花外來時見輕紅裊

秋深紅葉

九月秋霜重千林楓葉丹迷離爭夕耀爛漫護朝寒

遠山雪齋

玉龍映寒日銀海眩生花埽徑遲來客詩成手屢叉

魏成憲 春松 集選句

繞屋梅花

卜室倚北阜林園無世情摘芳愛氣馥月露皓已盈

王生和鼎實遊當羅浮行

倚樓臨水

登樓爲誰思清川帶華薄臨眺殊復奇翰墨時間作
高情屬天雲連翩御飛鶴

遠樹柔藍

飛閣縷虹帶逸翮思拂霄長煙引輕素陰此百尺條

夙齡愛遠壑終以反林巢

乾溪雨漲

磷磷水中石塊若枯池魚重陰潤萬物霖潦淹庭除

聊恣山泉賞抱杖臨清渠

夏木垂陰

岡木數十尋春華與秋實鮮雲垂薄陰珍簾清夏室

養素園詩卷三

圭

想見山阿人美話信非一

疎雨梧桐

桐葉何離離疏峯抗高館微雨從東來圓景早已滿

涼風起座隅文墨紛消散

古寺鳴鐘

庭際俯喬林逶迤自相屬鐘鳴猶未歸夕陰暖平陸

此中有真意四禪隱巖曲

三秋丹桂

淮南好丹經白雲隨玉趾秋風生桂枝杖策招隱士

峭蒨青葱間清機發妙理

秋深紅葉

金風扇素節仰陟高山盤雁行緣石徑遊林難爲觀
輕霞冠秋日曉霜楓葉丹

遠山雪霽

山明望松雪瑟瑟谷中風豈徒暫清曠長懷莫與同
良田無晚歲養素克有終

養素園詩卷三

古

養素園詩卷四

介壽詩

湖墅歸錦橋之南有園曰養素花深鳥閒亭榭疎
窅周不五畝而流目散武則曠如奧如景趣遞變
卽游衍竟日未欲遽去者爲王秀才容大奉其尊
人馭陶先生怡老之所也舊爲武林金氏之宅吾
鄉柴秩于顧且庵洪稗村諸先達皆有題咏其樹
石奇秀悉百年以外物山臞張適爲寫圖傳之國
初黃文僖公額其概曰澗阿幽賞信品目淵妙之
語已馭陶先生既有是宅顧斯園而樂之每風日

養素園詩卷四

一

佳好輒詣園中登小閣臨清池眺山色之連蟠賞
花影之明靚悅性導和相羊忘倦容大時率諸子
撰杖以從偶坐繞膝濟濟蹒跚曳彩分甘之娛率
爲常事人咸謂馭陶先生之能安其素而歎容大
之善事其親也容大天質純懿事其尊人能體
意志自處甚約遇寒素佗佗之夫則情義歛篤務
塞其意而歉然若谷懼或有幾微德色之見於眉
睫之間也人以是益多之性尤勤敏於學綺妙之
年卽已聲噪藝林爲儕偶所推乃益聚四庫書構
寶日軒藏之日鍵戶披誦嚴督課其諸子吾友芙

樽王先生鴻筆碩學之儒也風性高簡非其人未嘗一踰其闕容大延之家塾久而彌敬論文課詩相得歡甚暇則手自排纂舊聞勤勤不已北墅之掌故賴以漸舉於是勝流長者多折行輩樂與容大交而馭陶先生之風素益以遠矣若夫標榜之子趨附之徒容大望而避去惟恐其將挽於己也白華之詩曰堂堂處子無營無欲鮮侔晨葩莫之點辱容大有焉今年仲夏馭陶先生七十稱慶既張羣公韻言於屏以侑康筭以衍嘉會而容大更請予序次其端予聞御板輿周家園見潘岳閒居

養素園詩卷四

二

之賦摘辭家掇爲養親樂事然而岳與石崇輩招望塵之譏遺桐厥親爲兒童所羞視容大之砥學自愛見重於貞潔芳茂之士其賢不肖爲何若必有能辨之者是知容大之克遵其庭誥也深而馭陶先生之所得於養素之樂者不旣多乎哉當循陵奉觴時先生定爲引滿加爵無算喜可知也予交容大蓋十年於茲每出北墅未嘗不過其家間或一涉其園小留移晷而後返他日尙當躡諸鄉先達之後塵爲次第以賦園中之趣容大得不爲我和乎龍泓丁敬

金志章 江聲

名園成日涉養素樂何如屋繞梅千樹門臨水一渠春風靈壽杖花徑小籃輿居士眞離垢逍遙賦遂初滿院桐陰合翛然五月中雨添枯澗瀑涼送北窗風竹翠侵書幌荷香沁酒筭長筵紛介壽玉貌羨如童開徑來三益藏書聚百家延年酈泉水招隱小山花酒近餘杭賞詩從北郭誇秋光隨望好霜葉學丹砂冬日眞堪愛閒居更可論承歡看令子課讀喜諸孫霽雪登樓賞寒鐘靜市喧忘機遂冲素久視道彌尊

吳廷華 東壁

養素園詩卷四

三

吾家十葉居霍山柏香一樹森小園清華水木借鄰苑友莊池館容躋攀頻年睽隔此重過卻喜摩詰住輞川到門鄰鐘正報午黃梅雨漲溪潺湲水明樓處影遠樹千章夏木綠蔭繁楓梧叢桂抱秋意想見梅雪凌春寒亭林勝賞喜如昨薰風一道披長筵先生清德本高世山林鐘鼎隨其天浦珠崑玉寶作樹義種仁穫情爲田駐年有道在養素樂全堂上蓬瀛仙安得洽比舊里閑舒長化日時追歡年年壽酒會眞率扶醉唱徹池上篇

金農 冬心

七十老而傳其禮見禮經有子策令名文字生芳馨
養親奉甘旨精潔非羊羹君家闢小園竹檻紛松櫺
樂志具閒論戒奢勒新銘玉池灌仙骨丹砂駐長齡
是日風景和逍遙平廣庭載誦難老篇舉觴開雲屏

丁敬龍泓

一時風素羨謙謙三徑從容樂事厭竹子成龍初解
籜桐孫棲鳳已凌檐園中客至頻移席湖上峯高試
卷簾石髓曾先嵇氏得樊阿休道託青黏

王曾祥芙蓉

閒園嘉樹足婆娑倦即敬眠起放歌入世無心塵累

養素園詩卷四

四

少持身有道勝情多逍遙自得長生訣俯仰真同安
樂高所願年年陪杖履風流二老意如何

吳城臨亭

蘭成昔有言林園不在大咫尺迷東西幽棲此為最
往者鄉前輩雍容競良會觴詠久寂寥水石仍蒼蒼
先生購得之辛勤重葺葢十景各獻奇依然落檻外
鳥影掠簡編池光染衣帶喬松生石罅刺檜聳而兌
橫枝長子孫傳家勝珠貝眺餘坐樓中心空寂萬籟
膝上況佳兒詩筆超輕霧寸鐵戰吟場笑我等曹鄴
風流外史遺園近張伯聲名懷祖頌濟今屆古稀鬮

鬢髮未艾吾自養吾素焉用丹砂句

施安竹田

琅邪文物本清門獨有高情賦小園雪北香南分野
徑荷花桂子入吟樽佳兒已擅璠璣美舊雨羣推杖
履尊他日籃輿來往處風流應作畫圖論

汪沆西嶺

十畝之宅五畝園中有至人謝塵喧蒔花藝藥樂事
繁春秋佳日羅清樽翛然嘯傲絲晨昏仙人常慕李
長源嵇康養生論亦存青飢黃獨錯盤飧丹砂伏火
玉醴溫神清骨健如鶴軒回思少壯馳輪轅乃摩燕

養素園詩卷四

五

烏翽騰騫遠視寰宇胥弟昆任黎之誼久弗諼宜丸
魯史藉一言銅街聲價比瓊璠高才遠久傍籬藩掉
頭歸尋北郭門遂得真訣守丹元復儲緗素遺兒孫
有兒研經抉道根才藻詎止斗石論文譽日起慰家
尊人生此福致有原絳宮何須羨崑崙榴花煜煜開
朝暎蒲酒滿貯玻璃盆鳳絲龍竹素更番日涉成趣
雙眉掀絳縣甲子來沅沅

曹芝荔帷

先生蘊藉入遺榮而養素十畝離垢園一水淡回互
高林不住煙遠浦無窮樹我為客不速認得尋詩路

半酣染霜毫紅吟兼綠賦所恨區中緣奪我巖壑趣
乖隔輒經時幽賞何由屢竭來上壽筵堂戶盛簪履
大還在闕元神明白怡裕翛然七十年本向仙源住
鬚鬢雖皤皓精神純若童孺令子富才華珠玉作欬吐
父歌紫芝篇子補白華句卷幔亂紅雲開樽浮碧露
何以軒冕爲清福天所付

高繩武 湘初

三三小徑絕喧塵樂事長輸靜者身崖翠溼飛侵牖
戶古花晴綴媚冬春逢迎在昔傾燕市蕭灑從今號
散人頻向此中舒望眼白雲蓬勃護靈椿

養素園詩卷四

六

徐堂 南徐

北郭饒水石幽居背橫塘老樹滴晚翠曲徑抽新篁
花草具四時蘿薜垂鄰牆小樓縱遠目西山色青蒼
人煙遠近間歷歷皆稠桑樂哉白頭翁端居號羨皇
水邊及林下藜杖時扶將課讀有諸孫繞屋聲琅琅
問年已七十養性傳真方便是百四十矍鑠丰神強
令子美詞藻翰墨馳文場每誦小園賦瀏亮誇庚郎
茲值介壽期百福筵初張榴花媚庭砌葵藿傾朝陽
先生一笑粲滿酌崑崙觴

吳玉墀 二雨

北墅多耆舊先生德業尊晚年方注易暇日一窺園
茵閣原同里松溪近接村晴峯青黛繞華沼黑蛟翻
竹密迷修徑花濃隱畫垣明星瞻嶽麓春水問河源
季布名堪重王通道自存青箱親授受朱鳳看騰騫
鶴髮迎丹綬鸚鵡頤啟綠樽綺筵歌壽考金石願無諼

浴鷺圖

戊辰三月望時天氣明潔風日和暢偶思友人王
子容大遂買舟達湖墅登岸北行穿梅竹松桂之
間詣其廬焉而王子快然躍出讓之寶日軒中雖
晤言一室頗獲塵外之樂適見几上短箋墨蹟淋

養素園詩卷四

七

滴乃王子咏鷺佳製清新雅調迴越凡響僕歸草
屋猶憶翻身穿翠苻側翅拂清波之句因爲點筆
并詩索笑圓池媚幽泛撥浪搖輕煙羣游戲新碧
單影翻空端長項含歌舉素毛拆風妍側睇略不
審恣意誠有拳綠萍試一唼苻帶青欲纏依依清
檻下時獲右軍憐秋岳華岳

梁文濂 紹父

解踏沿溪綠蘚紋鷺羣原不比雞羣浴殘現出全身
雪待賞清真王右軍

春開一水鏡新磨兩掌輕游觸嫩荷小作深沈有微

意倩余老眼視如何

厲鶚 樊榭

曇瓊邨中我舊過
暝船無力困滄浪
近來頗厭書生
幻不愛籠鶯愛浴鶯

施謙 蘭垞

閒身頗欲寄鶯籠
羨煞書生術最工
記否退之偏偏
張論書且莫說門風

博得山陰道士鶯
霜翎紅襪夕陽波
何心更學於陵
子得肉還應對酒歌

吳城 臨亭

養素園詩卷四

八

引領愛看黃似酒
眠沙靜對白於雲
杜陵舟上偶成
句房相池頭白一羣

丁敬 龍泓

咬藻閒萍素翼齊
宛然頑傲出清溪
羽毛搖漾春波
活漫道濠梁舊子西

池塘春漲綠參差
正是桃花對影時
曾記大毛公有
語暖回鶯也得先知

金志章 汪聲

華君墨妙如昌祐
不羨穠香寫睡鶯
只愛先生詩句
好飛翻翠苻拂清波

短短新蒲澹澹波
白毛紅掌浴羣鶯
散花灘外春陰
淺一片如雲亂眼多

鄭羽達 雪崖

欄外時聞駢駢聲
不煩雪夜令人驚
憑誰置酒呼相
問可是雛兒新長成

施廷樞 慎甫

春漲平磯浸碧蒲
綺徒素羽引新雛
翻波臥水渾無
賴未許人呼兀地奴

金顧斐 疏田

籠畔羣鶯尙有無
漫將書法示官奴
於今卻被新詩

養素園詩卷四

九

賺側翅翻身入畫圖

金涓 翅農

駱丞七歲能咏鶯
後有作者誰能過
吾年七十又加
七坐對此圖難著筆
籠鶯浴鶯自有分
因詩作畫更

不羣染去無煩黃
似酒圖成惟見白
如雲一鶯引吭
一鶯沒隱約全身
尾側出一鶯浴罷
踏水行餘各整

翅若有聲沈浮
顧眄極生動
莖絲苻帶紛牽
縈新羅
山人信好手
不見新詩能畫否

全祖望 謝山

漾漾春波平翻翻
繡翎疾絕勝
穠香下交頸
臥沙日

泛浦如雲白暝船似酒黃非關遭宿雨展翅向魚梁
黃庭千載筆祇傳一鷺羣寫生輒相贈正復憐右軍

汪沆 西鼎

唼荇穿蒲不受籠一羣如雪狎波中莫嫌寄跡春瀾
小也似冥冥天際鴻

王曾祥 芙蓉

斜日下滄波臨風看浴鷺竝游沙見影交撲水旋渦
頑傲衝蒲出舒遲拂藻過吾家書動腕得法此應多

姚鈴 效川

汎汎青溪似白鷗一羣閒逐接余浮阿誰更擅臨川

養素園詩卷四

十

筆寫就黃庭換得不

鵝萋幾個影婆娑擬壯軍聲笑未多旅鴈一行秋夜
裏爭如恬適戲晴波

陳章 竹町

池館玲瓏水四周雪翎丹掌恣浮游午窗夢醒鉤簾
坐錯認春江浪白頭

閒染霜毫墨未乾開門正對散花灘縱橫盡得飛翻
勢不羨天隨鬪鴨欄

范肇新 容安

新羅高士淋漓筆畫出翻身翠荇詩爲愛清波濯毛

羽不爭側翅鳳皇池

寶日軒中客屢過清新雅調日相摩也知逸少風流
在儘把黃庭換白鷺

施安 竹田

蘭渚橋邊戲綠蒲一羣曾乞右軍書鷺欄教鬪渾閒
事比較烟波恐不如

門外一灣春水香酒波濼濼竝船黃祗疑白石哦詩
處三十六鷗飛夕陽

僧明中 芙蓉

川光何容與一鏡浮春潭柳條初弄色新黃染未酣

養素園詩卷四

十一

羣鷺出烟港玉羽紛紛舞晴天振短翎長鳴依經龕
我思傳給事換竹栽溪南扁舟汎蘭渚逸事君所諳

舒瞻 望歆

曾記山陰泛棹過參差玉羽戲晴波丹青忽見滕昌
祐一樹桃花照影多

陳皋 對鷗

家傳自有籠鷺帖得句還憐妙入神春水四周波浩
浩不教喧處鬧比鄰

陸飛 筱飲

白雲點點碧波清刷翅梳翎照眼明一自山陰籠去

後家雜野鷺各爭名

逸少風流真不孤 卻逢好手寫新圖 吾家贖有呼名

鴨肯換黃庭一卷無

高繩武 湘初

一羣蘆畔白於綿 兩掌參差感浪圓 底事山陰王內

史又裁新句賺黃筌

曾矜南郡欄邊鬪 幾向西亭沙際眠 一種天機付能

手翻身沒項水濺濺

丁健 淨居

海棠枝頭叫鴨鳩 池塘春草長蒲葉 誰寫山陰道士

養素園詩卷四

三

鷺畫裏疑聞聲 唼梳翎翻掌態 逼真似困滄波力

猶怯欲借明窗子 細看印沙定有籀文雜 他時籠取

一羣歸便向君家乞筆法

曹芝 荔帷

君家洗硯池邊影 宛轉臨流意欲飛 何必將心憐孔

翠野雲溪雪好光輝

徐堂 南徐

半幅依然房相池 綠差差水浴鷺時 都憑華叟烟霞

筆寫出眠沙泛浦詩

丁傳 希曾

三五鳧雛戲綠莎 荷香花外漾晴波 成詩苦愛張司

業解道無池亦養鷺 無池亦養鷺 張蒲句也

紅掌翻翻自浴翎 坡圖彷彿見蘭亭 如何蜀國滕昌

祐只寫鷺羣睡淺汀

許大綸 初觀

葭菼蒼蒼漾碧流 一羣舒雁互沈浮 籠鷺不及游鷺

樂箇箇忘機似海鷗 嗜好知君與俗殊 素翎丹掌一塵無 黃庭換得良非

易肯饋人閒蓋大夫

江立 雲漢

養素園詩卷四

三

又見風流王右軍 黃鸞戲作換鷺人 籠來試一看浮

拍養素西池水不渾

又調思佳客 附

將鷺伴與鷗 分團團切莫逐 雞羣華生雅有蕭閒

筆絕似桂家為寫真 千客揚州曾見商丘宋中 丞所藏崔白荷塘浴鷺圖

梁桐書 山舟

王子有聲畫山人 不語詩一時留粉繪 諸老各清辭

墨礪荆家事散花灘 畔宜風流 緬今昔宛在水中坻

耕讀圖

馭陶王先生香嗜古 鷺學築居烟水荷柳間 枕山

面田以家業訓子孫且讀且耕計無虛度遂擬寶
日二字銘其軒云令子容大兄與僕交親時己已
臘月風衣雪帽躡屐提壺過僕寒堂以尊大人命
告欲僕寫圖垂戒將來耕讀絲絲弗違世業僕悅
其用意明達卽爲展翰并繫半律世守青箱課子
孫稱華香裏別開門小橋活水粼粼浪捲入蕩塘
繞一村新羅山人華岳

厲鷄樊榭

人生良計無如耕子真谷口垂高名人生至樂無如
讀莊叟曾云學爲福從來二事合并難耕兮求富學

養素園詩卷四

西

求官何如九年之耕十年讀悅心果腹相盤桓君家
歸錦橋西住北墅連延夾城路白蕩波通柳外村秦
亭翠見烟中樹當年卜築先誅茆買田繞屋書成巢
自資地利鄙煙鞅每探古義窮軒庖文度佳兒美無
匹更構風軒名寶日刻之扁勝示子孫輟耒荒經俱
有失幾時泛艇過幽居擬趁紅荷消夏初瓜瓞菱港
經行徧蠶書蟹略鈔膳餘吟聲未斷農歌起彷彿置
身圖畫裏比鄰近喜有同心我詩請示芙蓉子

吳城 鳳亭

郭外二頃田可耕架上四庫書可讀出則負耒入橫

經俯仰身世亦云足君家散花灘上住樓居高築無
煩卜環河不少慮全船插柳正傍陶潛屋日長閉戶
傲羲皇姓氏何妨溷樵牧有時把卷忽長行看展春
秧青滿目直阡曲陌任經行三過五鈔重著錄底須
更羨帶經鋤恥向人間名利逐嗟余少悔不力田賣
劍買牛供饘粥而今老去爲口忙萬卷遺書笑空腹
披圖惆悵卷還時家風似此推君獨

金志章 江聲

每每原田十畝宮披圖髣髴見家風要知龍虎門才
盛只在橫經耒耜中

養素園詩卷四

五

過江門第數諸王舊德先疇世澤長最羨敦敦勤課
誦異時家學繼青箱

吳廷華 東壁

生人恆業如裳衣服習終身戒無數古人擇術多專
門負耒橫經各分席有田不耕地易蕪有書不讀修
何獲士子恆士農恆農四鄉何必無兼職太原高士
愛幽居皋亭之西聖湖北一犁春雨傍衡茅萬帙芸
暉芬典冊書往于田夜讀書綠耜青編隨所適百年
心法長子孫雲程九萬塵三百古樸家風昔所希鄉
號鄭公門號德老夫生平喜力田無奈硯田盡頑石

耘耕何處可乘時，藜杖有光空照夕。披圖忽復發遐想，老嫗尙堪重努力。竭來敢比帶經鋤，聊免人譏不耕食。何時把臂入書林，籥章土鼓聞同擊。

施謙 蘭垞

江左推名族，瑯琊大道王。分枝稱譜牒，接葉有輝光。君宅鄰湖壑，門風著禹航。積書求四庫，儲粟欲千倉。主伯常相洽，師資豈可忘。聞淮埽庭宇，叱犢下陂塘。檢點承家冊，平治打稻場。先期修綠帙，奕世紹青箱。肆力非無效，安心別有方。實兼收圃囿，名益重膠庠。畫手知清尚，澄襟滌古香。鶯啼深柳外，犬吠曲籬傍。

養素園詩卷四

夫

但熟五千卷，還栽八百桑。何須誇許史，自足傲羲皇。索句煩吳質，賦留賓慕鄭莊。摩牋慚敏捷，尙冀引壺觴。

丁敬 龍泓

高堂粉壁張新圖，圖中蕭灑耕讀俱。呻其佔畢者誰子，烏衣少長鸞鶴雛。澆梧洗竹列翠幃，籤芸帙蕙開香廚。硯北先生髮未衰，儼然畫出癯仙儒。日長課暇且散步，紅荷風擺青菰蒲。操觚豈便為干祿，要使兒曹知厥趨。君子之學乃為己，聖人所好云從吾。烟鋤雨耒況足力，屋外麥壠連瓜區。夜檢枯蟬成脈望，曉

驅健僮逾於菟，當年卜宅更佳勝。北郭繞舍通西湖，山容日見偏婉孌。墟池光夜起，非模糊我時過游煩欸。曲披襟屢倒花前壺，聽書翫稼樂莫樂。人生似此何求乎，他年鄰垞倘可遂。嗚呼吾道庶不孤。

王曾永 稚歎

既種時還讀我書，家風似此肯求餘。執觚人起雞鳴候，秉耒言歸月上初。妻使閭闔知禮讓，更將經訓自畱畬。披圖直欲希隆古，不獨田園一感余。

王曾祥 芝巖

吾家執耕誰最賢，偉元計口躬於田。吾家讀書代恆

養素園詩卷四

七

有暗誦獨膺唐李友，何似吾兄兼得之。披圖素業欣在茲，散花灘接清潭水。風景自與幽居宜，高窗大几絕塵埃。東阡西陌紛逶迤，乍因課子有餘日。旋起勸農靡失時，叱犢人看烟籠遠。受經聲出茆檐，遲卻怪世俗少長算。第羨高俸兼華資，古訓未必厚儲積。素餐詎免羞風詩，不如潛心且戮力。於己無歉人無咄，我從數歲得假館。插架窮觀愁目短，去年賃屋喜為鄰。碌碌場中經過頻，好懷雅興與兄相協。擬買良疇勤服習，放卷悠然日和歌。還將耕讀同名集，明初王紹原有耕讀集

金清 趨農

十年客長安棲息不為甞冠蓋紛往來襟懷抑可淡
得錢輒買書晨夕事讐勸浮榮復何益畫餅那可啖
獨惜壠上田蕪穢抱微憾翩然竟南歸奚啻弛荷擔
朝望越山青暮望越山紫山下有良田吾家世居此
出即秉鋤緩歸而讀書史人爵非不懷先訓具在是
我來此卜居遙遙隔江水睠焉懷故鄉圖以貽孫子
誰能為此圖華叟洵不俗漠漠幾稜田陰陰數間屋
書以課子孫耕以責奴僕此外無異營均足致成熟
我則顧而笑無乃似村塾如何耦而耕負米一人獨

養素園詩卷四

六

汪沆 西題

尋常生事話田廬覆盜門邊小雨初辨得巖耕有佳
趣肯將金鼎易農書
數間老屋傍林巒時聽書聲徹夜闌要使兒郎知聖
道辛勤豈必為求官
金顧裴 秣田
泗水絃歌遠句龍報賽長人情爭繡壤吾道在青箱
照案流螢聚穿林布穀忙橫經兼負耒若箇說相妨
君家名父子允矣鳳將雛高廩屯紅粒芳芸繞碧廚
烟霞追谷口歲月問潛夫道是平生願依稀在此圖

一局橫牛角伊余舊逸民衰遲拋素業奔走汗紅塵
破硯成何事長鏡覺誤人中田有廬否鑿壁願為鄰

陳章 竹田

不讀何能解立身不耕何以實倉困水田三頃書千
卷真是人間快活人
手足胼胝文彩韜傳家兩字寫勤勞聲名衣食能悠
久那用黃金北斗高

范肇新 容安

散花灘是小東皋重闢幽棲水竹饒萬卷秋鏡供散
帙一犁春雨長新苗荷邊鳴隊呼相應柳外漁船晚

養素園詩卷四

五

見招我欲借書兼學稼好攜筇笠度溪橋

輪帆汗漫徧塵寰眼底烟雲萬里寬但想澗瀝聊築
室嬾從鷓鴣驚更彈冠半生只欠攤書福十畝惟謀秉
未安今日披圖成一笑杜陵長擬過蘇端

施安 竹田

願為堯山農讀書岷山宅平生此二事懷抱詎虛擲
如何秔稻鄉恆苦硯田瘠陶令有諸男稍知弄紙筆
未能充耘耔於事竟何益展圖輒欣然野性各所適
城北碌碡村相訪便輕策入室課文史開門辨阡陌
春山幾桁青谿景一篇碧家風示雲初經鋤期有獲

豐年社酒香老瓦共浮拍

陳皋 對聯

三椽之居其插架也書十畝之間其負郭也田日出
而作兮帶經以鋤日入而息兮釋耒呬唔紹青箱兮
本君家之世業課力穡兮惟永永以無茶

舒瞻 望歎

葉塘踈地垂楊枝綠陰吹雨涼絲絲幽人結廬號知
止貯書萬卷草堂裏兒讀書史僮荷鋤一時寫作家
風圖百年素業耕與讀吾儒得此萬事足

高繩武 湘紉

養素園詩卷四

三

疑是陶徵士生涯耕讀兼底須榮祿遂聊把歲時占
兒課傳清籟農炊接暮檐此中佳趣足酒瓊欲煩拈
世或無恆產恆心不可求披圖餘古意傳後足孫謀
綠樹侵書幌黃雲布稻疇何當陪杖履日夕散煩憂

陸飛 筱飲

結廬在中田頗與幽趣并粼粼碧溪水照見過橋影
稍遠接山麓竹木散清景時有讀書聲地偏聽逾靜
春畊貴及時汲古賴修綆出入兩無曠橫經未猶讓
口腹安足營恆心庶能永

丁健 淨居

我無二頃負郭田復無萬卷撐腸書悠悠忽忽奚爲

數適來看畫一惆悵牆東君公真閒曠室中文史兒

善讀門外牛羊僕能放耕焉可息學猶殖誰能安坐

不食力學稼未可鄙樊遲問經端合詣王式嗚呼前

有瓜疇後芋區北牕跛脚歌黃虞何如識字畊田夫

僧明中 北山

曲徑千村外闌門二頃餘家風有絃誦樂事在留畬

谷口差堪擬斜川應不如何時攜笠屐相訪授村書

徐堂 南徐

人生有至樂耕讀味何長章閣富圖史秋畦熟稻梁

養素園詩卷四

三

野花牛老晚村酒瓦盆香日課兒孫外陰晴細校量

曹芝 荔雌

記得前游韋杜曲清風一徑絲筵竹寶日軒開插架

多紅牙籤與畫牙軸最愛春秋弦誦聲千尋已長凌

雲木而翁身著簑衣綠買斷烟霞事畊圃歲晚山春

處處喧揚珠擣玉三千斛家風視此真娛足我願相

從踈健犢藪栗仍將挂漢書夜歸還課吾兒讀

丁傳 希曾

先生讀書處門外足秧田窗宿紅爐火村分白蕩烟

傳家圖史在結耦澗沮偏他日如鄰竝移居借釣船

江立 雲溪

調壺中天令 附

浮名休誤算世間良策無如耕讀堂上書聲聽水
瀉窗外一犁春綠才子聞孫田夫野老此意恬然
足繞脍行罷歸來還坐家塾 瓦盆好貯村醪醉
眠安穩嬾把陰晴卜晴固四檐飛暖翠雨亦遙山
新沐種柳成圍編茆蓋頂更架三間屋翁真樂也
泉明高致重囑

許大綸 初觀

人生耕讀是良謀舊德先疇樂事稠一卷農書須鄭

養素園詩卷門

三

重兒寬當日亦鋤耰

斷斷童冠與逢迎估畢閒時戴笠耕試向散花灘上

望讀書聲和叱牛聲

利藪名場了不知閒閒十畝樂清時披圖一笑忘朝

市請賦田家雜興詩

立秋日見階下梧葉

澹和原作

少昊行秋矣梧桐報我知隨風飄一葉帶露落高枝
暑散成陰候涼回入座時榮衰何定在太息為題詩

金涓 以下次韻

葉向空階墜秋先萬木知生憎棲鳳處疎卻抱蟬枝

以我驚心候當君刺眼時幽懷兩無著鄭重託風詩
此葉落伊始此情君已知因憐庭畔樹轉憶嶧陽枝
陰薄扶欄外聲乾著夢時遙遙近干載一和少陵詩

金顧裴

的皦金風動鉤簾客未知怪來庭下樹先有感秋枝
玉簫涼何處銀餅冷此時平臺清興在寧廢坐題詩
伊我悲搖落驚心只自知淒涼盤上子寂寞爨餘枝
悴色飄檐後枯聲走砌時西風蕭瑟意都入老夫詩
丁敬

應月陰初減報秋聲可知偶看綠砌葉應墮出檐枝

養素園詩卷門

三

俯仰殊堪適枯榮會有時吾生任天與物且裁詩

王曾永

暑甚夏將過涼生秋未知蟬聲猶在樹梧葉已離枝
物老歸根日人間寓目時幾多消息意收拾付新詩

王曾祥

一葉何緣落問秋秋不知衰微先眾草寒意薄高枝
曉露真難託青陰已過時達人驚物變無賴只吟詩

陳瀾

春信梅先覺秋聲爾乍知何難同碩果豈屑鬪瓊枝
影散銀牀外風清玉軫時盈虛良可悟二復葦萋詩

陳護

秋來何處覓消息報君知一葉從風墮千林冷露枝
閨中驚杵曉塞上泣笳時檢點窗前夢吟秋復有詩

高繩武

壯士驚心候先教草木知乍聞蛩咽砌已覺葉翻枝
疎雨滴來久涼風動有時情人寄何所漫咏御溝詩

汪治

閨餘秋氣早桐葉驚人知似燕辭香墨如黃謝故枝
吳宮愁欲暮周殿翦何時金井碧欄上猶堪坐論詩

華浚

養素園詩卷四

五

一葉今朝見秋緣爾得知臨風翻曉露顯影落疎枝
景肅將無色名榮正有時撫懷參物化相對漫成詩

陸飛

觸景逢搖落悲秋若箇知獨疑風雨意偏在鳳凰枝
月色自深夜霜威或後時蕭蕭故相警吹女爲催詩

曹芝

人間秋爾許消息有誰知落葉帶清露高蟬刺故枝
粥香初雨候客起晚涼時振觸無聊賴先聲畫扇詩

吳玉墀

萬里西風至庭梧先我知涼飛第一葉秋在最高枝

小院茶香裏重林月墮時炎塵留不得可以賦新詩

汪彭壽

秋聲空外至獨報井梧知一葉先辭樹餘陰尚戀枝
月生清暑夜露滴曉風時坐對聞遙籟冷淡淡入詩

何琪

展扇有秋色何須訪始知試看一片葉想見十尋枝
似坐清陰底渾忘濕暑時多因才子筆能寫達人詩

金麴農穉田兩先生以梧葉吟箋畫扇詩見贈

因疊前韻奉荅和原作

一葉偏增感圖成寄所知試看浮碧色似落拂雲枝

養素園詩卷四

五

魚雁相將日填簾迭和時吟情老逾健珍重讀來詩
寫向聚頭扇悲秋情可知淋漓如泣露搖颺似翻枝

拾取塔前日緘藏篋裏時又成彈指事感此重拈詩

金洵以下次韻

形模梧葉似依約少人知淺帶香蒲色遙連碧樹枝
西風吹過後南雁寄來時把玩誰能釋斯箋稱此詩

點染成秋扇淒涼葉自知不煩將子墨更爲寫孫枝

大手含商氣緣塔想墜時莫教藏篋筭賜斷婕妤詩

金顧裴

影自空中見涼從硯畔知似經鴻雁口啣出鳳凰枝

玉露愁翻處銀刀憶翦時
蟬陽秋一片容得幾多詩
颯然金井冷丁緩獨先知
兔魄生新影龍門死故枝
搖風原勿定滴雨更何時
不道悲秋客催妝亦有詩

陸飛

雅製規桐葉閒吟興可知
臨風裁妙句帶韻出疎枝
碧樹有分影秋聲無已時
誰能同刻楮聊擬寫新詩
秋吟託絨素畫意我能知
渲漬偏含潤動搖如有枝
化工不到處涼影獨看時
隴首秋雲好惟宜柳惲詩



同

文

舞

一
舞



崇明黃吟棣先生清光緒閒隨使日東與日人士酬唱款洽
有同文集之編施稚桐太守爲先生姪婿官湘時嘗延先生
在署女公子湘痕女士淑儀從受詩法辛亥後施女士以此
映見貽緬惟兩國人士唱和之雅始于有唐而盛于近代因
刪存其半重刊餉世夫詩之爲道內以理性情外以聞國政
日自甲午庚子後恃武力以凌中華積之既久感情乖焉雖
近日兩國草野逸士詩酒往還者未必無人而求如先生往
昔之壇坫雍容廣唱迭和氣象蓋不侔矣顧世無刺而不復
之運國之盛衰強弱曠觀五洲歷史如環無端今以後我國
當統一圖治日亦宜出以親善之誠庶幾彼我邦人握手言
歡通商興業之餘詠歌不廢進而籍文教以息兵機不致牽
同文集 序

東亞一髮而動全球則豈僅兩同文國之幸福乎哉吾是以
披吟此集爲之低徊往復而不能無所感也

己未閏月江浦陳洙珠泉序于觀海樓

同文集

江浦陳氏房山
山房叢書之一

送黃吟梅先生奉使命游歷內地次留別韻

江浦後學陳洙 重選

禮樂久欽鄒魯鄉杏壇遺教奉辦香祖龍昔求不死藥神仙
縹緲神彷彿所以日東一孤島早與秦漢通信好爾來三千
六百年三代直道卽吾道逸書百篇今尙存歐公當年情特
敦民間猶是古遺俗支流旣得還尋源君乃星使所任使采
風使兼載筆史六十餘州徧歷游京城文物爲風始

向山榮 黃村

吟梅黃君將內游餞別九層樓賦此贈行

長岡護美 雲海

同文集

人生何必悵離思聚散由來無定期蔡澤入秦才固冠張騫
使宛節還持歷游奇勝詩千首看破功名酒一卮到處知君
懸榻待等閑休厭馬行遲

吟梅黃先生將游歷內地賦詩贈別

龜谷行 自軒

騷客難銷萬古愁風前把酒倚高樓三千里外探奇景八十
州中試壯游龍闕光搖松島月仙壇香散晃山秋何當鞋笠
隨君去共嘯芙蓉最上頭

蓬海觀風先著鞭詞壇聲價壓前賢世傳河嶽英靈集人誦
中興氣篤林鶴嶺猿迎劍履漁歌樵唱答微絃知君到處
多吟詠一路春光桃李天

看竹齋席上探韻率成五古一首奉贈

藻思湧清泉健筆飛蒼鶴大能吞雲夢微將剖毫髮萬里隨
星槎飄飄有仙骨寶籙探蓬壺蘭楫窺龍窟祖筵卜春宵林
芳送秘辭論交一片心皎皎江頭月

奉祖黃吟梅先生采詩內游

城井國綱

星槎萬里志難酬欲蹈靖洲尾又頭季子觀風元盛事徐生
求藥豈同傳愁雲弔古芳山暮朗月浮舸明石秋此日古梅
花落盡與君分手夢香洲盟江一名向島
國音訓夢香洲

古澤介堂饒席和黃吟梅先生瑤韻

關根桑癡堂

士女游春鬪冶姿新晴天氣日遲遲花欺人面嬌如笑水泛
鴨頭清且漪到手酒杯憐激濺臨風吟帽任傾欹分攜三處
君須記芳草斜陽牛渚祠

同文集

吟梅黃君將內游置酒墨江入百松樓集同人話別次

韻奉答并賦一律贈行

長岡護美

櫻花夾道似雲堆今日吟筵好共陪金管玉簫移畫舫雕欄
珠箔簇瑤臺扇題斑竹情何限巖谷迂堂題
詩摺扇贈行劍拂青萍歌莫
哀歌散難期浮世事馬卿辭蜀却多才

一曲驪歌更愴神傳杯共醉墨江濱桃花歷歷尋詩地楊柳
青青借別人黃鶴欲飛千嶂表紫騮長踏六橋塵只今甲北
寒猶住到日湖山應化春

吳郡吟梅黃君奉節使命游歷我內地將發會同人於

滬上酒樓爲留別之宴席上次矢士實夫韻奉贈

巖谷修迂堂

肝膽相披交最親可堪又此別江津落花流水添離恨芳草
斜陽近暮春絲竹滿堂行酒女雲山萬里采風人遠游到處
才名噪誰把文章謁後塵

疊前韻

林木翳然魚鳥親會心處在墨陀津樓臺南北多呼酒舟舫
去來皆載春今日幸陪文字飲明朝其奈別離人相攜更擬
看花去天到黃昏不起塵

岡鹿門將游清國同人饒飲滬上時清國黃君吟梅亦

將內游我國同日與會卽次贈鹿門韻兼贈兩君

巖谷修一六

歌舞紅樓墨水東歌如鳴鳳舞游龍豪懷須盡十分醉餞二

同文集

名流一席中

吟梅黃使君將內游留別東都諸文學寄示佳章謹賦

一絕遙贈以送其行

水越成章耕甫

不獨乘槎意氣豪采風紀盛壓風騷一鞭殘月關西路馬首
雲開蓮岳高

五瀨源樓集同人設饒席上代女校書雪兒次黃吟梅

先生韻以贈行

巖谷修古梅

眼注秋波情有餘逢君初是別君初春風無限臨歧恨生怕
飛花點客裾

甲申四月黃使君吟梅奉黎公使命將游海東諸道飲

饒墨江席閒賦贈

森大來槐甫

士女游春嬌一羣花如舞袖草如裙喜聞鶯語頻招我好唱
驪歌此送君琴韻隔船風斷續墨香滿壁酒平分碧虛捲盡
雙峰影休道明朝是白雲

白雲縹緲繞滄洲肅傲如君信罕儔才豔句教紅袖索聲嬌
歌愛綠髮羞君妙解東國音律簾波盪月猶忘返花氣含煙易散愁
只願年年此時節相邀更放木蘭舟

再次黃吟梅先生留別韻

石川英

三千七百七十鄉春風駘蕩櫻花香誰泛仙槎采靈藥蓬萊
山下嘗彷彿列子已說方瀛島弱水萬里終難到秦皇漢武
徒流涎漫服金丹苦修道九州自古六經存獨見黃君學業
敦海路初開飛錫首遠探遺跡欲逢源久矣東周絕通使科

同文集

斗爭知載舊史歐公刀歌據那書藝文實自百濟始

吟梅黃先生將探我山川賦詩留別謹和玉韻

十四齡童

錦江堤寬

椽筆攜來日東鄉都門久聞姓字香一朝欲尋邱壑勝天涯
萬里獨彷徨駿有富峰與松島北陸南海看將到青雲漠漠
路迢迢征鞍先向甲州道邊土遐邑名跡存風化自古古處
敦民和年豐競鼓腹何異天台有仙源誰意海外隨槎使扶
桑又見劉言史錦囊一擔付奚奴收拾新篇何處始

吟梅黃先生會同人瀝江宴別次矢士實夫韻奉呈

橫田香苗

三唱驪歌情話親桃花渡口綠楊津采風且載一枝筆探勝

拾逢千里春教洽無慙君子國俗敦何讓武陵人水明山媚
似圖畫到處好清雙眼塵

吟梅黃先生置酒墨川譙集都下諸文豪話別席上次

矢士錦山韻

大嶋正人

邂逅無端意便親酒間談笑口津津滿江煙月朦朧夕十里
櫻花爛漫春健筆長隨泛槎使轡軒又作采詩人不堪明日
河梁別細雨垂楊溼麴塵

吟梅黃先生枉過敝居見贈次韻奉和 高橋貞白山

海東早已識文名今日相逢肝膽傾但爲意醇知至疎卻因
交淡見真情半生邱壑謝安石一代詞章陸士衡此去信山
多險阻昇沈未必問君平

同文集

五

訪黃吟梅先生談及山水佳勝賦贈 河野通萬

遠隨使節筆爲鋒更踏信山雲萬重尙說攀躋氣豪壯欲窮
富嶽最高峰

吟梅使君來訪喜賦

僧日鑑 清分

姑射真人問我來冰肌玉骨出塵埃此中不用燒沈水香氣
滿堂清似梅

次黃吟梅先生留別韻

僧三籟 堯惇

君子人在君子鄉其人如玉其德香何事先生煙霞癖飄然
萬里猶彷徨蕞爾東海一孤島王仁當年遠探到遂授魯論
千字文文士始知崇聖道只今唯有古風存古風存處交誼
敦水土語音縱相異文章禮樂同淵源寄語中華存問使往

事堪稽載在史我願彼此如一家輔車相依善終始

疊前韻

山露尖頭雨洗來青苔滿地絕塵埃睡餘錯認人投石水面
紋開墮熟梅

采風使君黃先生辱過訪謹賦奉呈 小野泉

星槎縹緲泛東瀛更策輶軒日下行千里雲山歸指顧八州

花木競逢迎采風問俗非閑事異域同文好主盟自愧藩籬
無健翻九霄安得趁鵬程

吟梅先生榮過草廬辱贈大作謹和

綠陰如雨水初過入座風清竹滿窩我學識才無一得余嘗

斐國君詩書畫有三多眉浮紫翠秀堪掬舌粲青蓮語不訛修甲

同文集

茶熟香温忘晝永任人癡夢到南柯

陪黃吟梅先生游御嶽新道途次倒用清兮上人韻

雙雙翳屐入山陬水石煙霞滿目幽更有侍兒助吟興風情

不減謝家游

開口詞章琢玉來胸中雪亮不留埃高標灑落誰堪匹慶曆

郎官記姓梅

奉送黃吟梅使君游歷諸州時閏月十七日也

文酒交歡幾日情無端千里又長征相思何夕入清夢落月

啼鵲古甲城

甲申夏月梅雨初霽陪吟梅先生游大泉寺玄公墳及

躑躅崎古城陟途中作

小野泉

荆棘鉤衣石注荒涼城郭去徘徊不妨無路客車處貪看
雨餘山色佳

吟梅先生來訪次韻賦呈

僧日鑑

喜迎道士叩雲關猶是厚顏開笑顏為雪彥倫千載辱夙拋

紫綬入青山

嚼梅仙吏見示高韻次酬

樵牧猶無過終年絕也綠林閒苔滿地厨下篋牽泉一鉢具
枯淡對牀讀太玄何人知此味雲衲與梅仙

奉寄吟梅先生游身延山寺

小野泉

永晝真成一小年庭柯陰密欲無天高賢別後懶殊甚只向

北窗貪午眠

同文集

奉寄吟梅先生住身延山寺

靈巖有路紫雲濃掬水焚雲認舊蹤料識違公相待人蓮花

社裏語從容

朝晏起

僧日鑑

已鳴飯後鐘雲髮睡猶濃千載無劉主何人起臥龍

吟梅先生出示御嶽紀游五十韻漫次卻呈

早起喜新晴風爐茶正熟桔槔汲井華盟噉且薰沐同盟相
會來行裝皆不俗攜瓢又抱琴一樣道人服飄然出城門笑

蒼露林麓青天無片雲白雪映紅旭前喞更後于肩摩幾擊

穀閑步發清吟琅琅戛金玉愈窮景愈奇十里沿溪澳桃花

雖辭枝時尋紅躑躅異類若有情黃耳相馳逐喘喘吐舌行

依人立徑曲有巖如胡牀苔文細而繩坐石呼犬前尾搖足
撲朔絕壁斷雲連欲攀屢往復松老作龍鱗嵌崖結濃綠客
來不衣冠相逢惟樵牧林外有人家丁丁聞伐木天然王者
窟白鳥與鹿羈居兩無猜鳥飛鹿又伏此景塵境稀騁懷
宜遠矚卻愛山中民不知世煩酷先生筆有神有勝手必錄
客星穿雲過雲腳加山腹笑對三詩仙嗒然忘涼燠富貴如
浮雲何心舉版築願如木石居他時卜幽屋一路水潺潺四
圍峰簇簇買劍買山田典衣換耕犢箇中寄遐心自是神仙
福危橋跨深淵戰戰賊心目策杖魚貫行徐步足踟躕美哉
二髯翁脫巾頭半禿腰閒解詩瓢撫琴又鳴筑歡樂坐團藥
省煩屏徒屬琴筑助幽興曲罷乾坤肅可憐荷樵童丁字不

同文集

八

能讀側耳絕聞根卸去薪一束誰翻銀河水灑作千丈瀑仙
窟非人間洞天三十六肉味雖已忘行厨具脫粟野蕪雜山
肴傾瓢酌芳醪習習天風吹水雲活畫軸清流魚可數俯視
試手掬莫問濁與清濯纓又濯足拳裝過前汀白沙映翠竹
不貪祿萬鐘甘受涼萬斛勿踐世途險棧道如平陸林外暮
鐘鳴匆匆山谷山靈送山人山月代銀燭

奉寄黃吟梅使君寓清水港

小野泉

三保浦松朝拾青度江鐘磬晚聞聲傲蓮更在層雲裏應照
先生詩思清

崖樹洲蘆水幾灣芙蓉遙聳壓翠巒江山佳處縱吟眺人在
漁歌艣響間

黃吟梅先生過訪敝廬喜賦奉贈

小野田松

踏偏寰瀛海外天采風紀土積成編未題龍峽千尋壁君言
信陽以道紆未曾泛鶴湖一棹煙東道主人爭倒屣西江學
探龍峽為憾

次贈黃吟梅先生韻

小野田松

客居夏過及秋初萬里天涯意自如只恐先生嘆長狹荒江
村市食無魚如君愛食鮮魚市遠都不適口

次黃吟梅先生韻

柴田敬齋

詩友不來秋到初晨昏未免寂寥如幽齋賴有清婢在泉水
聲中躍鯉魚

秋夜得句呈黃先生

柴田敬齋

同文集

九

欲苔新詩得句運夜深人靜費尋思綠窗聲送蟲如雨竹月
松風涼到時

吟梅黃先生游歷我邦道經豐水賦贈 山田令太古

閑過日月恰如驄有客超然塵壒中卻笑市人都不識馬周
獨酌到新豐

呈黃吟梅先生次杉南詩韻

雲萍相遇是何緣萬里滄波隔各天宗派從知出山谷文思
曾不讓坡仙樽中酒滿葡萄美先生嗜葡萄酒座上花香茉莉妍破

禁不妨謀一醉時方戒酒明朝分手跡如煙

大吉樓席上呈黃吟梅先生

津田英杉南

得接溫姿也夙緣江樓把酒話涼天誰知河漢乘槎客好似

蓬萊采藥仙對我胸襟元灑落欽君詞藻太清妍如斯邂逅
知難再未得留連到暮煙

吟梅黃君奉采風使命道經名古屋同好相謀觴君於
大吉樓藤井紫水詩先成次韻以贈 石井彭

山河跋涉意超然探勝尋奇事可傳未必言辭用重譯卻從
文字了前緣清談誰讓晉名士豪氣我推唐謫仙佳句立成
驚一座看君落筆似雲煙

次藤井紫水韻奉呈

森本勸 寒泉

短筇尋句意飄然到處河山筆底傳詩律森嚴同杜老丰姿
清瘦似逋仙絕無名利煩心事且託煙霞謝世緣時復憑樓
伴明月白鷗江上水如煙

同文集

甲申秋九月藤井紫水宅送吟梅先生游伊勢三疊前

韻

詩骨稜稜斷俗緣只疑妙句落從天遠來萬里慣爲客此去
一身輕似仙海氣吹衣秋意爽野花夾路夕陽妍不堪別後
登樓望殘柳蕭條鎖暮煙

奉贈黃使君吟梅用大吉樓席上韻

一東順 石如

羨君妙筆出天然一首詩成萬口傳修到梅花如許瘦相逢
萍水若爲緣競誇白戰歐陽子願鑄黃金買浪仙瀛海采風
留韻事莫教過眼等雲煙

黃吟梅使君奉采風命至名古屋小住經旬將至勢州

發之前日辱訪做廬因置酒敘別席上疊燕韻見贈

謹次奉寄

藤井勳

人生聚散似浮萍醉別江樓酒易醒瀛海探奇詩鍊骨天機
入妙畫通靈蟲吟午夜半鉤月雁語清秋幾點星客去茶煙
猶繞榻祇憐難得眼垂青

井上鄉 湖雲

自此相思總淼茫江天雨歇碧雲涼新蟾有影照愁暗早雁
無情叫恨長惜別今宵空對酒論文何日共焚香輕帆一片
南洲去渺渺秋波鷗鷺鄉

一東順 石如

往事回頭夢杳茫看來世態感炎涼曠懷若此前人少不飲
其如今夕長曲到陽關酒方醉詩留古壁墨猶香知君客裏

同文集

士

逢重九何處登高望故鄉

吉田暹 竹南

古柳蕭疎水綠茫高樓極目暮雲涼相逢未久交雖淺欲挽
難留話轉長天際孤帆容易去衣邊殘酒等閑香逆君試問
秋江上何處青山似故鄉

吟梅黃君將南游同人餞飲賦贈

石井彭

津頭積雨人離歌奈此秋淒客去何分付雙鬢忙勸酒尊前
好唱定風波

奉呈黃吟梅先生

谷庸 城東

翰墨因緣若素知尋盟未久惜將離菊花同姓梅名號金石
爲文畫是詩鑑浦留題稽太古瑞巖游跡紀靈奇自今相隔

長相憶夜雨津城翳燭時

贈黃吟梅先生

中內秀 江上

輕艘航海遠辭家博雅驚君未敢誇絕代文章紀風土才名
流播滿京華

黃吟梅先生奉黎大使命游歷日域有留別僚友并遺

我國諸文人一章吟誦之餘次韻以贈

大林修 習圃

采風來過松坂鄉所至如留麝跡香老我雙腳雖云蹇願挹
丰采肯彷彿君愛東瀛如蓬島名水名山無不到絕勝采藥
學徐生虛無空說神仙道我邦尙武古俗存好文尤喜鄰誼
敦見君詞藻如江水滔滔江水逢其源雅懷更欽大邦使餘

同文集

五

事欲編一詩史神路山邊櫻樹多再游尙待三春始

黃吟梅先生游歷內地探勝蹟名區將發使館留別同

僚及東都諸名下澄奉謁之次謹攀瑤礎呈正

小川澄 鶴城

衣錦何日還故鄉隨處留得名字香收拾詩囊滿珠玉使人
一見神彷徨似說蜻洲乃瓊島星槎萬里踰海到域則雖異
文則同時憑不律談詩道更喜我邦道誼存講信修睦鄰交
敦君來風土亦云適登山涉水探靈源揚風挖雅采風使異
日紀聞付太史一時雅集足千秋須記橙黃橘綠始

吟梅先生來游松城賦此奉呈

米中堀 西南

綵筆攜來任所之吟窗愛月夜眠遲旁人欲問囊中句紅葉

青山半是詩

傾蓋相逢意最親招賢恨不若平津仙才獨擅吳中美瑤草
遙探海外春舊友幾年勞我夢 余與前何張二星使及黃沈諸君交最篤 佳賓今
日得斯人清茶一碗淡如水洗盡胸間案牘塵

明治十七年孟冬十七日自安濃津赴名古屋舟中喜

逢黃吟梅先生返東京謹賦一絕奉呈 勝川寶

願隨壇坫列清班但識文名未識顏今日幸逢滄海上祇憐

同渡不同還

黃吟梅先生見過賦一絕

蒲生重章 子開

雪泥滿路碾輕車薄暮來尋隱士家欲暖春醪君已去詩腸
清冷似梅花

同文集

三

載得如椽筆星輅使日東采風三致意奉職一思忠道大交
逾廣才高詩自雄此游呼快處富嶽起遙空

乙酉冬日喜黃吟梅先生見訪次其春暮出游舊作韻

以言謝

兒玉彰 天雨

偶然柴戶逐清姿呼婢擎杯杯到遲數幅雲煙評古蹟一簾
晴影卷輕漪翹街風雪鏡相對墨水鸞花帽並歎今昨話來
愁日短寒林鴉噪夕陽祠

吟梅先生及長栗山兄見枉酒閒分韻漫賦

偶遊籬壁忘塵囂置酒聯牀樂趣饒且莫忽忽促歸去詩中
蔗境屬吾曹

奉和吟梅先生留別之什卻寄

森大來

無數仙槎標渺邊惟君曠逸邁羣賢不期蓬島春來早未見
梅花客去先時乙酉二月當黃曆甲申歲杪梅未開酒餞百壺思贈別詩留合
璧許吟聯殷情此意酬何日望斷雲濤萬里天

叱石靈奇記姓黃可將海水變枯桑滄溟杯滄溟影雲漢
文回奕奕光仙子折花爭結珮天風吹霧欲褰裳好將織女
七襄錦譜出大東詩幾章

吟梅黃君將歸國和留別詩韻奉送 巖谷脩

有客乘槎泛日邊丰神奕奕見才賢品花題柳敢居後問俗
采風還著先冰雪論文杯共把江山探勝袂相聯一朝分手
增惆悵雲水蒼茫隔各天

神駿何論驪與黃男兒真不負蓬桑滄溟萬里舒豪氣文字

尚文集

千秋發焰光瑤闕應看搖玉珮雲林莫使曳蘿裳壯哉行色
爭誇美贈錦投珠幾百章

送吟梅先生還國次留別瑤韻 岡本迪

游徧扶桑日出邊襟期宛似古名賢高流可慕謝康樂博物
堪稱張茂先題壁字催秋月上采風詩綴夜光聯一朝掉首
吟歸去衝破春寒料峭天

驪駒將發太倉黃歸夢多應繞梓桑一卷竹枝傳逸事三年
莫戒閱流光須知異體元同氣只要忠衣與信裳盧照鄰詩 若有人兮 天一方忠為 依秀信為裳此去不堪雲樹思因風莫惜寄瓊章

吟梅黃君同陳明經辱訪草堂有詩見贈次

小松伊勢華

惠然聯壁度長干低小柴門怕觸冠對榻言談同筆硯鉤簾
指點說峰巒勿嫌白酒淡如水且嚼青梅肥似丸自笑淵明
歸去未老來尚作折腰官

吟梅黃君遙和自壽韻疊韻奉酬 小野長愿

名流海內想丰姿愧把郢吟供笑嗤我是櫟櫟空老矣君於
學藝兩兼之游蹤千里水雲隔心事一生風月知最喜因緣
文字在競奇爭巧彼何為

吟就新篇味更幽碧天無際白雲浮誠齋策自名千慮高叟
詩常說百憂念及衰年真厚誼跡經滄海豈閑游知君霄漢
前途遠信是江南第一流

次吟梅先生見贈韻 果齋上人

鴨漣間泛米家船丰致翩翩意灑然萬里隨槎辭漢關當年
采藥笑秦仙花天把酒堪賞雨夜挑燈詩是禪休道冷交
緇素異三生石上有因緣

癸未首夏清國黃吟梅先生與宮原君宥陽見訪做廬
席上和宥陽韻 不著上人

古竹蕭蕭繞屋清一園新茗對山烹杜鵑何事無情甚遠客
來時隔樹鳴



黃吟梅先生自京師返神戶寄懷一絕 印部慎行

憶昨河梁別語濃如今相隔幾千峰西窗愁絕無人伴暮雨
秋風遠寺鐘

戊辰閏花朝

博播集

陳寶琛題



武進陶氏
涉園印行

擗擔集序 集樊南文

日者慶屬中興纂修舊服蒼生延首下武重光授忠武統帥之時有風雨翕張之氣篋園閣丞既從上將又託英僚遂借前籌未淹旬日旋值孽童拒詔羣帥受成負約渝盟欲舉而墮梧桐半死媮此殘生松筠不改將期晚節感恩撫已抑鬱誰聊豁契闊於屯夷寄夢寐於宣室志有所在聊裁短什縱橫筆硯玉谿在中脂粉簡編天球並價其碎細分擘切截纖顆屬詞之工抑有旨焉以某嘗備論思榮從憲秩三都作序以召下材一言相許莫副虛伫嗟乎一去不迴者良時一失不復者機事奇功垂立短願未果一

擗擔集

序

佛出世十年忽然豈珠岸迴光或期他日儻蕭稜可刈有

感斯文

歲在彊圍單闕涂月順德溫肅毅夫甫時在析津

擗擔集題詞

書篋園夢遊仙詩後

胡嗣瑗

去後漳河隔夢思上清淪請得歸遲不知腐鼠成滋味便是孤鸞罷舞時中禁詞臣尋引領披香新殿闕要支賈生年少虛垂涕却羨楊朱泣路岐欲拂塵時簟竟牀五更鐘後更迴腸漢廷急詔誰先入項羽何曾在故鄉豈有蛟龍愁失水不辭鴟鳩妬年芳秋霖腹疾俱難遣亦要天花作道場巧笑知堪敵萬幾白門寥落意多違人間只有嵇延祖天上應無劉武威細路獨來當此夕私書幽夢約忘機可憐

擗擔集

題詞

留著臨江宅猶自君王恨見稀

雨過河源隔座看南風無處附平安深知身在情長在相見時難別亦難玉檢賜書迷鳳篆鍾山何處有龍蟠晝號夜哭兼幽顯爭拭酬思淚得乾

萬里南雲滯所思十年移易住山期但須鸞鷺巢阿閣惟向蜘蛛乞巧絲下苑經過勞想像嘉辰長短是參差天津西望腸真斷盡日靈風不滿旗

微香冉冉淚涓涓獨背寒燈枕手眠堪歎故君成杜宇可能留命待桑田重吟細把真無奈對影聞聲已可憐豈到白頭長只爾清樽相伴省他年

夢遊仙詩

南昌萬繩杖後園

龍護瑤窻鳳掩扉殘燈向曉夢清暉約天雖許人閒聽
望人間萬事違

樓寒院冷接平明欲舉黃旗竟未成何處更求迴日馭禁
門深掩斷人聲

莫言圖蓋便無私一片非煙隔九枝自是當時天地醉故
教沼遞作佳期

雲臺高議正紛紛背闕歸藩路欲分唱盡陽關無限疊松
擗捨集

州猶駐殿前軍

戰功高後數文章乘運應須宅八荒舜格有苗旬太遠何
曾自敢占流光

元武湖中玉漏催君王長在集靈臺金蟾習蠟燒香人只
待相如草詔來

瑞霞明麗滿晴天從事人人庾杲蓮我是夢中傳彩筆五
雲章色破巴牋

鸞鵲天書濕紫泥玉樓雙舞羨鷓鴣雞更無人處簾垂地聞
闔門多夢自迷

首荷榴花逼近郊絲絲誰惜懼長較重衾幽夢他年斷惟

有衣香染未銷

金殿銷香閉綺櫺麝薰微度繡芙蓉漫誇鴛子眞羅漢得
上經樓第幾重

朝元閣迴羽衣新錦瑟鶯絃破夢頻絳簡尙參黃紙素至
今猶謝蕊珠人

冀馬燕犀動地來遠聞鼙鼓欲驚雷玉璫函札何由達青
雀西飛竟未迴

兵殘楚帳夜聞歌香地燈光奈爾何但使故鄉三戶在不
關秦地有山河

桂巷杉籬不可尋積骸成莽陣雲深猿啼鶴怨終年事幾
擗捨集

竭中原置關心

楚歌重疊怨蘭叢溝水分流西復東別館覺來雲雨夢餘
香猶入敗荷風

我爲分行近翠翹女蘿山鬼語相邀紅樓隔雨相望冷更
困腥臊豈易招

朱邸方酬力戰功燭房尋類外庭空天教李令心如日臨
老中原見朔風

紫泉宮殿鎖煙霞終古蒼梧哭翠華誰料蘇卿老歸國青
陵臺畔日光斜

露曉春多鳳舞遲蕙蘭蹊徑失佳期劉郎已恨蓬山遠又

向壺中傷別離

五年從事霍嫖姚神劍歸來未易銷
休問梁園舊賓客漳濱卧病竟無瘳

梁父吟成恨有餘比來秋興復何如
維摩一室雖多病欹枕時驚落蠹魚

舊主江邊側帽簷傾城消息隔重簾
君懷一匹胡威絹未必金堂得免嫌

消息青郊木帝迴不知迷路為花開
徒令上將揮神筆用盡陳王八斗才

眾仙同日詠霓裳可惜秋眸一櫛光
若信貝多真實語男

持齋集

三

兒安在戀池隍

海客乘槎上紫氛羅窗不識繞街塵
迴廊簷斷燕飛去瘦盡東陽姓沈人

老憂王室泣銅駝此去秦關路幾多
欲就麻姑買滄海風光今日兩蹉跎

哀痛天書近已裁星橋橫過雀飛迴
此時燕脯無人寄老盡會孫更不來

江風吹浪動雲根萬里梁王有舊園
謝壘庾村相弔後至今青海有龍孫

萬里高飛雁與鴻自今岐路各西東
失羣挂木知何限雲

水升沈一會中

後門前檻思無窮香棗何勞問石崇
誰與王昌報消息直教雲漢墮懷中

徐甲何曾有此身華清恩倖古無倫
漢庭急詔誰先入首按昭陽第一人

妬獻專場好自娛今來滄海欲求珠
義和自逐虞泉宿欲逐義和去得無

不是花迷客自迷夫君太騁錦障泥
只應既斬斯高後坐法宮中朝四夷

楚天長短黃昏雨已落猶開未放愁
貝闕夜移鯨失色新

持齋集

四

人來上舊粧樓

風飄大樹撼熊羆渡陌臨流不自持
莫謂無人欺一物雪中梅下與誰期

浪笑榴花不及春世閒榮落重逡巡
幾人曾與南薰曲併覺今朝粉態新

迢遞高城百尺樓更無鷹隼與高秋
天荒地變心雖折埋骨成灰恨未休

想像咸池日欲光久留金勒為迴腸
不須看盡魚龍戲苟令薰爐更換香

人欲天從竟不疑嘉辰長短是參差
蓬山此去無多路莫

遣佳期更後期

前朝神廟鎖煙煤欲構中天正急材何日滄桑俱變了萬
靈回首賀軒臺

附讀後園夢遊仙詩有感

李放

青雀如何鳩鳥媒年華憂共水相催此情可待成追憶
一寸相思一寸灰

來時仙館阻佳期恐是仙家好別離空記大羅天上事
收將風紙寫相思

碧海青天夜夜心高秋望斷正長吟將來為報姦雄輩
豈假鷓鴣在泮林

辨精集

五

流鶯舞蝶兩相欺不記人閒葉落時海濶天翻迷處所
空教楚客詠江蘼

酬李詞壺

清秋一首杜秋詩薄落生涯獨酒知楚雨合情皆有託非
闕宋玉有微詞

芟天倚牆邊梅樹花不妨何范盡詩家春風猶自疑聯句少
得得團圓足怨嗟

百尺方資柱石功華筵俄歎逝波窮空歸腐敗猶難復鳥
覆危巢豈待風

對泣春天類楚囚江間亭下悵淹留洞庭湖濶蛟龍惡瘦

盡瓊枝詩四愁

附前詩既成意有未盡再作

李放

長吟遠下燕臺去浪跡江湖白髮新刻意傷春復傷別
賈生才調更無倫

懷古思鄉共白頭同君身世屬離憂豈知為雨為雲處
宋玉無愁也自愁

粥香餚白杏花天望帝春心託杜鵑守到清秋還寂寞
微香冉冉淚涓涓

郭令素心非曠武阿童高義集橫秋人閒桑海朝朝變
早晚皇關雲涕收

辨精集

六

再酬詞壺

高樓風雨感斯文歌襍漁樵斷更聞獨想道衡詩思苦洛
陽花雪夢隨君

驟和陳王白玉篇出雲清梵想歌筵背燈獨共餘香語對
影聞聲已可憐

東山事往妓樓空玉女窗虛五夜風願我有懷同大夢至
今雲雨暗丹楓

六國樓臺艷綺羅離情終日思風波此聲腸斷非今日不
道春來獨自多

詞壺既歿重讀前作感賦

華清別館閉黃昏爲拂蒼苔換淚痕獨坐遺芳成故事何
曾宋玉解招魂

嶺上猶多隱士雲人間何處不離羣幽蘭泣露新香死清
嘯無因更一聞

草閒霜露古今情郢曲新傳白雪英山下祇今黃絹字可
憐才調最縱橫

村砧塢笛隔煙蘿白日相思可奈何更閱前題已披卷空
聞子夜鬼悲歌

毅夫中丞爲作集序詩以謝之

溫嶠終虛玉鏡臺瓊筵不醉玉交盃天涯海角同榮謝安

得好風吹汝來

從來繫日乏長繩奕世勤王國史稱下苑經過勞想像路
人遙識郢都鷹

幾對梧桐憶鳳凰眾中賞我賦高唐獨留巧思傳千古不
信年華有斷腸

草堂歸思背煙蘿迴望高城落曉河浮世本來多聚散長
亭歲盡雪如波

愔公爲拙集書後賦謝

獨下長亭念過秦殘花泣露莫留春金輿不返傾城色玉
樹未憐亡國人檢與神方教駐景任緣書札損文鱗逡巡

又過瀟湘雨白髮如絲日日新

樂遊春苑斷腸天曾逐東風拂舞筵珠樹重行聯翡翠鳳
樓迢遞憶鞦韆荆王枕上原無夢徐福空來不得仙莫向
樽前奏花落雲羅滿眼淚潸然

班雖嘶斷七香車枉破陽城十萬家誰憚士龍多笑疾惟
教宋玉擅才華已悲節物同寒雁終古垂楊有暮鴉我爲
傷春心自醉更持紅燭賞殘花

宣室求賢訪逐臣二江風水接天津迴看屈宋由年輩不
道劉盧是世親碧草暗侵穿苑路漢宮長有隔山春捲簾
夢斷聞殘語尖髮誰非怨別人

搗搗集

八


搗搗集終

Main body of the document containing faint, illegible text or markings.

采
茶
煉
唱


閣
公
題

100-1000



宋王臺秋唱圖

南海伍子畫



序

九龍海汭巒嶂沓匝中有崔嵬峙列者三大書深刻曰宋王臺臺南平眺綠樹寒蕪風煙掩抑有村曰二王殿居民沿故稱莫詳所自久矣辛壬之交厲人卜居其地自號九龍真逸登覽之暇鉤攷史乘知其地為宋季南遷之官富場村即以宋故行宮遺趾得名陵遷谷變閱七百年今且淪為異域而久湮之蹟顯發露於易代避地之遺民此非偶然也自是而後懷古之士俯仰憑弔稍稍見之吟咏兩辰秋真逸以祝宋遺民王淵子生日大集同志於茲臺酒樽既設魂招若來有詩一章有詞一闕和者喁喁遂以盈帙蓋痛河山之歷劫懷斯人而與歸其歌有思焉其聲有哀焉昌黎所謂曠百世而相感誠不知其何心者非耶其同邑蘇君選樓雅尚士也彙而集之名曰宋臺秋唱又為圖弁首懷古憑弔山居唱酬諸作輯附卷後其視杜伯原之谷音謝晞髮之天地間集吳清翁之月泉吟社託旨略殊體亦差別然而性情所得未能忘言其所感一也雖然感生於心亦既不自知何心矣心之忘何所不忘哉而有不忘者存斯可以觀性情焉噫嘻其忘也茲其所以未能忘歟歲在丁巳端節前三日澹庵永晦

序

宋臺秋唱者東官蘇選樓先生所輯也嗟夫讀水雲之野
史總是傷心聽清碧之谷音原難制淚青天何世滄海多
風長歌皆變徵之聲遯迹亦思歸之操茲編之製曷容已
歟宋臺僻在官富曩隸寶安遺臣之所曾躋少帝之所暫
駐怒濤欲齧帆岫千霜危石誰銘荒涼三字九龍眞逸管
甯辟地陳咸閉門纂述餘閒斯焉登眺當夫霜天素節海
國蕭辰謝皋羽之西臺偶從學子王英孫之南墅時集遺
民爰於丙辰季秋同祝玉淵子生日焉天潢苦節怨斜陽
之易昏嶺海遺忠薦寒泉而共享黃龍痛飲匡復何年未
鳥招魂哀歌有客咸成騷些之作足譜神絃之章固已激

唱一序

二

齊館之商想奪梁臺之清吹他若鶴嶺踏月鯉門望潮捫
亮節之廟碑重蒐史闕拾景炎之宮瓦彌珍研材白石續
冬青之辭樓甯贈離黍之什靡不哀散林木響淒烟霜期
共溯夫流風屑徒描夫光景斯又言茂陵於霸上金秋如
逢閱典午於雒中銅駝欲泣者矣嗚呼蘇劉義之不返翊
戴無絲馬南寶之孤吟感傷奚補詩溫酒熟難覓可人水
剩山殘矧非吾土覽斯集者其將如洪雅存所云讀臧洪
之傳髮自衝冠登廣武之原皆先裂血乎抑第眛爲天地
間集一流而祇與月泉吟社之列乎各存會心靡所逆睹
已歲在疆圉大荒落立春日鐵城頭豔生黃慈博謹序

宋臺秋唱卷上

東官蘇澤東選樓甫編

丙辰九月十七祀趙秋曉先生生日次秋曉生朝陽

客韻

真逸

翠旗虹旂海上槎白鵬刷羽鳴荒遐靈偃蹇兮被赤霞薦
以莞香建翁茶高臺躡屩屬宋家庚申帝亡勢莫加仰天
電笑聲聲牙桑海變滅如空花桃實千年棗若瓜蓬萊仙
子迴雲車翩然而去隨翠華匡山風雨歸途賒

秋曉先生生日並祀借隱諸公次前韻

南溟一葦回靈槎寶安隱君心不遐清沁冰雪醉流霞羅
浮春釀茶山茶逢匡塊肉心趙家漢宗節苦世茂加公等

唱一

一

倡和鳴璫牙燦燦叢菊霜中花中固有廬場有瓜畦以留
夷并揭車廢與莫問胡與華海濱避世風濤賒

賀新郎

秋曉先生生日前詩意有未盡再次秋曉生
朝答陳新綠韻

一盞寒泉菊痛當年禾黍荒墟邱山華屋金甲神人雲際

見匡海終沈璽玉空淚灑江流魚腹報國丹心長耿耿奈

三閭未受王明福嗟宋鶴退飛六冬青樹老寒蕪綠緬

清風晉室柴桑周家孤竹松雪齋中丹詔至未肯餐芝商

谷頽君結遺民一局朱鳥悲呼江水黑試招魂為奏歸來

曲瀨海地稻梁足

又 再次前韻祀秋曉借隱諸公

舊里荒松菊記詩人海邦借隱菜羹茅屋畫像同瞻文信

國應泣卷卷帶玉更節義文章滿腹比似月泉吟社合變
姓名咸重羅公福天地閉筮坤六富場水漲蒲萄綠歎
故鄉無人為作祠堂脩竹南野西臺哀勸處一例遷移陵
谷况虎鬪龍爭幾局不有黃冠歸里客曠千年誰與論心
曲巖穴士幾蛇足

丙辰秋余輯宋東莞遺民錄成奠節忽過桂輪漸缺同

人乃於宋王臺下官富場邊蕪棧香樹桂酒嶸山馬柱

肆昌黎之筵甘菊黃精擷東坡之圃相與拜秋曉先生

生日并祀諸隱君之靈於時園花綻金山葉染赤龍湫

曉澈鯉門不波因和秋曉詩詞四章按神絃肅靈鑿雖

續貂可笑庶附驥益彰嗚呼鼎湖龍去既棄羣黎華表

唱一

二

鶴飛又逾千歲問人間何世定知今我安歸望海上諸

峯聊作高山仰止云爾九龍真逸記

奉和九龍真逸祀趙秋曉先生生日次原韻

永晦

天風吹水迴靈槎重雲歸隄匡門遐終古啼鵲怨落霞眉
端苦上不甘茶龍湫千年亦帝家崇臺刻石森交加曠代
生感誰期牙紅羊歷劫飛風花山中尚薦東陵瓜羣仙雜
選來雲車白頭吟望傷鬢華高原空悔前途賒

賀新郎 次原韻

永晦

無奈柴桑菊歎當年迴日雄心換來茅屋風雪匡門悽冷
處無數沉珠碎玉悔不共龍鬚魚腹把臂儻隨張陸去算

人生似此還天福五噫咏續應六 江山幾劫猶寒綠且
漫說高節甘薇汗青留竹大地狂泉人飲遍何處逃虛有
谷怪造化巧翻新局何似破黃收拾後暑詩豪高唱梅花
曲能如是菜羹足

奉和真逸山人祀宋趙秋曉先生生日次原韻

閻公

海風吹斷雲中槎幽人來往空谷遇躡衣徑去餐流霞龍
湫井水嘗新茶飄零難問帝子家陵谷遷移風雨加紛紛
豺虎方磨牙世外尙有碧桃花再拜待獻安期瓜神旗遠
迤降寶車蕙肴椒糈揚芳華城郭千年歸路賒

賀新郎 次原韻

閻公

令節過黃菊湖當年匡山風雨海濤如屋芳草王孫哀怨
苦自分甯爲碎玉瞻畫像十圍腰腹鞍馬平生無用處算
歸來飽領湖山福殘夢醒聽更六 荒臺一片烟蕪綠是
何人淒涼野哭長歌擊竹沙社風流遙倡和尙有登音空
谷千載後滄桑幾局風馬雲車翩欲下怕悲來莫奏冬青
曲芳醴薦晚香足

九龍真逸以丙辰九月十七拜趙秋曉先生生日次

秋曉生朝觴客韻詩見示依韻寄和

清谿漁隱

復烽海上驚浮槎忠憤鬱勃起莫遐靈兮歸來駕青霞荒
臺冥冥酌瓊茶菜羹茅屋何爲家一成一旅勇倍加屋門

風雨摧轟牙遺址今作桃源花誰識故侯青門瓜飄忽桂
旗辛夷車匪云廢苑懷昌華俛仰獨悲去國賒

丙辰九月十七日真逸招同拜趙秋曉先生生日恭

誦大作和秋曉生朝觴客詩謹步原韻

香山 何鼎元 玉錄

星漢渺渺窮銀槎長離遁影潛幽遐滌濯皓雪餐縹霞
然清沁盧仝茶松雪學士亦趙家南枝北枝胡參加荒臺
悲風摧轟牙如瞻嶺上萬梅花祀之蕉荔薦以瓜碧天迢
迢來雲車高山仰止尊太華 陸德明尙書釋文華讀如字 曠世相感情
不賒

又

唱一

四

海天萬里乘秋槎招邀猿鶴同心遐未餐宏景山中霞自
飲樵青竹裏茶胡爲萋楚悲無家素心有人餐勸加絲桐
清響期伯牙漁舟未許隨桃花平疇但種邵陵瓜暮日時
乘阮籍車深山草木忘歲華黍牀脫粟風濤賒

次和九龍真逸丙辰九月十七祀趙秋曉先生生日

次秋曉生朝觴客韻

番禺 凌鶴書 孟徵

月明滄海揚仙槎心清神人不我遐靈旗逶迤戴朱霞
席傲薦羅浮茶官富場今屬誰家蒼狼白鹿橫相加枉用
爭據狎畔牙何妨于闐採名花供君雜以東陵瓜風爲馬
兮雲爲車條來忽逝留容華歲月未覺人閒賒

賀新郎 和祀趙秋曉先生生日用原韻

香山黃衍昌叔升

莫採南宮菊莽乾坤風塵瀆洞勢傾黃屋惶恐離前回首
望惆悵厓門沈玉有塊壘縱橫盈腹一木斷難支大厦便
埋頭暫受清閒福韜素具儘拋六 旌檀靜蕪烟浮綠樹
芳型萑蒲恰似拜將霜竹落落孤標雲外鶴淒絕長依寒
谷早淚洒河山殘局天遣巫陽招已定且羞觴低和迎神
曲鞭可執願猶足

又和並祀偕隱諸公登前韻

好種淵明菊看杖扶提鵬孳鷺並歸林屋醉月迷花尋舊
事匱裏原堪藏玉况萬卷奇書撐腹羞然當途情僧伍祇
癡頑饜享庸庸福塵滿眼淨除六 門前柳定垂垂綠傍

唱一

五

柴桑風姿絕勝七賢幽竹虎豹蛟龍逃遁處宛爾徜徉盤
谷已破盡金甌全局恥續蘭成哀怨賦返商山但作同心
曲渾不顧商生足

賀新郎 祝秋曉先生生日次和

香山黃佛頤慈博

秋淚滋叢菊歎臨安百年宗社一朝為屋萬事成陳空俯
仰寄訊漫勞自玉符仰聞萬事或陳秋曉和
李自玉蒲節見寄句也算祇合菜羹

果腹休取神仙相比况老吳門拌學逃梅福逢廣四聽更
六 故園今見陳新綠祝生辰魂招海島宋臺擊竹啼鳥

斜陽無限怨返日誰從嶠谷又一雲滄桑變局百世長餘
相感意闔幽光詎為私鄉曲遺逸傳一編足

敬和九龍真逸祀家族祖秋曉公生日並偕隱諸公

東莞趙祉皆 古菴

魂兮歸來駕靈槎海濱祀者不棄遐重公守節偕棲霞清
供新詩白露茶緬維助餉曾毀家參謀草檄各分加袍鼓
傳聲旗建牙義師共起莞榴花宋室難挽如瓜瓜孤忠莫
報歸懸車采薇長歌思翠華古今同調人非賒

敬和九龍真逸祀家族祖秋曉公生日並偕隱諸公

東莞趙九疇叔範

宋家天下沈枯槎宋皇臺蹟遺荒遐我來憑弔楓若霞拾
將楓葉烹香茶感慨當年為國家殫心竭力勢莫加厓門
崩浪摧隳牙秀夫一躍飛雪花歸去來今種邵瓜消愁聯
詠高懸車諸公勁節凌霄華一祀顯微互古賒

唱一

六

敬和祀秋曉公生日並偕隱諸公

東莞趙宗敏 勵吾

黃冠歸客乘仙桂早歲聲名達邇遐相慕隱君老烟霞薦
以芳馨玉乳茶靈爽誠感山人家曠代知音無以加奚啻
子期遇伯牙香留晚節羞黃花清高豈若繫匏瓜閉戶書
著富五車許多泉石蘊清華聞風興起情更賒

丙辰秋旅港為真逸校東官宋遺民錄旣里旋真逸

以祀秋曉先生生日詩見示索和賦此却寄

潛客

海上辟兵踴斗室手校蟬編師古逸篁墩舊錄須補遺開
卷玉淵呼卽出公詩多態態不羣公氣勇激榴花軍魯連
蹈海恨不早靈旗長繞厓山雲把菊何人奠瓊華龍湫道

人好事者未親祠堂傍未臺先集衣冠迎沙社拜坡生日
陳坡詩西陂韻事當繼之事見國朝宋牧仲西陂類稿萊蕪茆屋幸不
乏可似温塘書壁時况公本是文山客柴市淋漓病蘊碧
百拜宜兼畫象懸孤貞還伯朱烏食噫吁嘻禾油歌罷歌
黍離前人儻識後人悲願將蠶夢君臣意寫入神弦迎送
詞南柯還是夢蝶也
自君臣秋曉句也

九龍真逸寄示所著宋東莞遺民錄勝朝粵東遺民
錄索序又寄丙辰九月十七日祀趙秋曉先生生
日並祀偕隱諸公詩詞四篇屬和因賦長歌奉寄

寓公

我曾作歌寄九龍九龍山人世外蹤山人寄我書一束兩

唱一

七

編新著遺民錄憑弔詩詞皆鳳毛吁嗟隱士幾蛇足真逸
曠生日詞末云廉頑自慕伯夷清卒讀欲效唐衢哭有宋
遺民謝唐數秋曉荒山與誰語萊蕪茅屋有斯人玉潤冰
清念吾祖余七世寶大祖妣三吾宗小山敲月手族祖小
有趙氏皆秋曉先生女吾宗小山敲月手山先生
集與秋曉常唱和雙烟一氣同覆瓿社名傳方幼學文
溪稿訂李春叟莞沙遺著已湮淪君生况在古人後叢殘
綴拾至寶現信是天工令鬼守有明遺佚嶺海多紛披薛
荔帶女蘿豈惟子升與獨漉蓬生麻中無敵斜吾家瓊子
亦傑出名山寒木同悲歌名山集集喜君刻苦為搜羅維
持名教崇丘軻遂令嶺南三百人陵谷雖變名不磨杜陵
乾坤一俯仰昌黎涕淚雙滂沱九月涼風到林藪山人特

為玉淵壽女兒香薦羅浮茶寒泉共奠坡仙酒匡門波浪
深復深古人心印今人心滄桑華表鶴偶返風雨空山龍
自吟盛會難逢嗟我失滬濱五度重陽日長吉奚囊屢嘔
心余寓滬五度幼安木榻將穿膝安得扁舟載我回與君
重登宋王臺柯亭竹製李委笛菊花酒酌陶潛杯白衣蒼
狗笑變幻富貴於我何有哉景公千駟輕塵埃君不見冬
青樹下鵲啼哀滄江朱鳥魂歸來

選樓成自輓詩索和久未報命今又示九月十七日
借九龍山人拜趙秋曉先生生日詩作此卻寄

寓公

選樓寄咏自輓詩鼠肝蟲臂蒙莊詞二樵一世等一夢流
言似水吾安知自傳黎二樵死者二樵作詩云已索我和
吟為絕倒自夏徂冬未脫稿珠江花傍戰場開宋王臺畔
多秋草秋風秋雨迫人來九龍山人奠酒杯覆瓿一集壽
千古漫作異代遺民哀令人哀亦令人喜哀樂無端人老
矣何妨酒盡聽蒿里狂飲高歌有吾子君之吟館名祖坡
壽蘇遺集重摩挲百歲神遊亦來此早識東坡死非死秋
曉生日將毋同匡山漠漠來天風詩人茅屋化歸鶴真逸
瓜廬多酒龍山人新構君之祖是蘇閣部君臣碧血埋黃
土紅羊黑劫幾滄桑俯仰乾坤淚如雨吁嗟乎長樂老人
壽幾何人生七十容易過長樂恰齊仲尼壽終齊彭祖亦
判那愛君長歌聊當哭喬松之壽為君祝好伴山人壽逸

唱一

八

民歲歲寒泉薦秋菊

九月十七宋皇臺祝趙秋曉先生生日和真逸

順德 何藻翔 魏高

嶺南今土族半是宋遺民重話咸清事都為龍漢人雲車
風馬想甲子大奚濱一盞薦寒菊秋風吹角巾

設位兼林謝招魂復趙方儘教亡國鬼全集化人場生死
還今日興亡盡此觴茫茫十七史何必問滄桑

攬撥登高後江山秋氣多併為三日哭辛亥廣東獨立且

續七哀歌天命已如此古人無奈何業業行處有初念肯

蹉跎辛亥十二月二日

九龍成異域漫說宋王臺只合中原死盜徒易姓哀忠臣

唱一

九

出盜賊遺老空蒿萊淚盡匡門水花溪魂儻來

讀九龍真逸祝宋遺民趙秋曉生朝詩感而賦此

南海 方菁莪 默谷

今人愛古人曠世寄瞻矚仗義肯從戎遺民此著錄九龍

訪故臺六合惜殘局嗟我生不辰仰天同慟哭

志謀亦殫竭無救宋室亡縱飲時大叫幽居自退藏聞風

感婦孺掃石供酒漿大奚甲子問魂兮其來嘗

讀真逸樓諸君宋王臺拜趙秋曉生日各作感賦

番禺 沈澤棠 芷鄰

一卷遺民錄千秋涕淚存河山悲故國風雨泣匡門世變

詩魂在臺荒帝號尊鼎湖弓劍感往事忍重論

閒關復何恤海上遠浮槎薇蕨孤臣粟柴桑處士家勤王
頰草檄避地厭吹笳今古銅駝恨雲山望眼賒

睇髮真吾友相依玉帶生襟懷菊屋貴風味菜羹清朱鳥

應同痛黃冠早得名慈元留殿宇遙對夕陽明
豈祇論風雅今無汝社人誓師衛義旅奉召笑宗親世事

嗟何補子生歎不辰未能趨盛會遲我薦溪蘋

九月十七日趙秋曉先生生日九龍真逸集同人敬

祝於宋王臺下有詩寄和漫賦香山 黃映奎 日坡

古今數遺民寥落慨天壤茅屋茹菜羹貧賤多悒快名節

一掃地厥行道胥枉那有滄桑餘倘忝黍離想卓哉玉淵

子大節起欽仰運遭天水窮國祚丁板蕩間關出勤王義

唱一

十

兵集閩廣戎幕屢贊襄慷慨場忠讜迥迥勢不支退處甘

草莽慟哭激海濤聲答匡山響高風七百載久未沫靈衷

真逸遜九龍敬恭緬鄴黨天荒地老悲今情豈殊曩祝嘏

萃同人遺忠追既往寒泉秋菊潔魂兮定來享嗟余隔干

里盛事慳一廷會尋宋王臺景慕謁遺像雲垂海立中覽

古溯蘭漿

祀秋曉先生生日諸公各有賡和寓公亦賦長歌寄

真逸感而有作時真逸瓜廬初成

東莞 黃瀚華 蕪池

乾坤頌洞莽風塵申浦香江兩逸民異代與懷絨芥合一

篇憑弔瓣香新關河迢遞增惆悵身世飄零幾苦辛除卻

桃花源裏住更無樂土可逃秦

丙辰九月十七趙秋曉先生生日九龍真逸集諸同

人致祭於宋王臺畔時粵亂稍定子忽忽返里未

克與會爲之歎然屬天寒院靜風雨蕭蕭舉杯陶

然素琴欲雪意有所觸神與之游中心傍徨不能

自閤援筆秉燭悠然賦之

東莞 葉寶濤 子瓊

閒居物外有圖有書天地焉閉哲人其徂我思遺民幽香

闕如緊惟趙公形神遠邈龍德斯耀與爲蟠踞自雲在天

蕭然野廬張我網維著書滿車浩氣耿光塊然太虛瞻仰

弗逮慨獨在予

宋室不競奸宄用猖義聲一呼旌旄載揚信國是依匡山

之陽手弄白日頂摩穹蒼雲雷初動宙合則皇天不佑德

日月蔽光智哉玉淵是用韜藏雲鶴戢翼神鋒歛鋸茅屋

可居菜羹可嘗賦詩以娛蔚爲天章聖人之道與時偕藏

屈伸異宜無有常方

維公有神厥光熒熒叱咤日月鞭驅雷霆軒乎大江此焉

揚靈我吹參差天風清冷桂檣椒漿含芬吐馨公其來思

降于九冥洋洋鈞天冉冉雲軒華冠寶璐燦如列星宋臺

之側其草則青

昔我避地涉春徂秋寂寞伊鬱渺然寡儔言陟九龍用懷

百憂沈沈三季莽莽神州蘭艾雜揉鳳凰笈囚乾坤或息

譬彼舟流不有達者將焉式浮歲序不居鳥鳴啾啾素琴

橫牀濁酒在甌遠瞻八表旁矚九幽我思古人中心以悠

九龍山人以祀趙秋曉先生生日詩見奇敬賦長句

奉和 東莞 鍾卓林 秀甫

九龍之山高龍從天荒地老留行宮官富場邊訪遺址宋

王臺上多悲風山人入山愛披髮思古幽情俄勃發鯉門

水落寒無波蟾魄光涵影初缺高風慨慕宋遺民欣逢濮

宗覽揆辰海桑已歷七百載蟠桃正熟三千春曠代此心

同耿耿莢節初過惜光景秋菊宜供鶴嶺花寒泉合薦龍

漱井溫塘路隔山水遙臨風試把詩魂招生朝觴客做舊

作往事尙可稽前朝憶當海濱沈玉璽至元授官卧不起

匡門瞻望涕淚新西走大奚東甲子吁嗟乎白鵲哀鳴失

樓櫓回首中原無寸土阜羽慟吳真同儔松雪親顏安足

數君臣大幾燭古今人間何世傷陸沈覆瓿還編刺忠憤

夕陽啼鳥空悲吟

真逸於丙辰九月十七在九龍祀三世祖秋曉公賦

此感謝 東莞 趙允鏐 紫良

隻手難鉤玉璽沈滄桑局換感懷深菜羹薦饌思初度絲

筆成詩和舊吟老團晚香韓相節毀家紓難楚臣心徵公

孰與論衷曲七百年來有賞音

九月十七宋趙秋曉先生生日九龍真逸集同人於

宋王臺下設像拜之賦此紀盛 選樓

佳節登高後宗臣覽揆辰花溪欽義士 公助熊飛 起兵花溪 茅屋祀

詩人公題隱居曰詩人只合住茅屋心戀匡門闕身潛莞水濱宋亡公寒泉秋菊薦清潔表遺民

誰訪冬青記勤王志可哀曾參文相慕同抱謝朝才劉鴻遺民錄序言文丞相客謝朝與趙必豫本末相類翹首黃龍見傷心白雁來流芬

七百載祝向宋王臺

不盡滄桑感臨風醉一觴山河牛角隘霄漢鶴齡長朱旒招魂些黃花挺節香朝周瞻畫馬松雪亦天潢

真逸黃冠客著書消古愁殘山賸水地詩虎酒龍儔桑海

高風挹吳萊桑海遺錄言文陸二公事篁墩佚史搜壽蘇侔雅會懷抱並

千秋南海李長榮撰有壽蘇編

重賦二首

選擇

一

三

異代稱鷓集鯉門菜羹只合薦王孫天下未嘗無菜羹難羹公題隱居句最難

風雨常相會大好河山不復存白馬銀濤撼義憤蠻花屹

鳥伴忠魂海天憑弔空文藻覆瓿千秋有定論

龍湫落照故宮移臺下舊有行宮故址天水孤臣助義師闕穀毀家

紆難日靈均憂國遯荒時鵲啼倚怨庚申帝公有數聲啼鳥怨斜陽句

鴻印惟編甲子詩酒酌黃花祝公壽幾多靖節醉東籬與者均屬遺臣者舊輩

者均屬遺臣者舊輩

宋臺秋唱卷中

東莞蘇澤東選樓甫編

宋皇臺懷古 并序

真逸

九龍古官富場地明初置巡司嘉慶間總督百齡築岩改名九龍道光間復改官富巡司為九龍巡司而官富場之名遂隱其地東南有小山瀕海上有巨石刻曰宋王臺新安縣志以為帝昺駐蹕於此考明錢士升南宋書稱端宗景炎二年二月帝舟次梅蔚四月次官富場九月次淺灣三地俱新安縣界相去不遠宋史二王紀祇云至元十三年十一月是次甲子門在惠州十四年十月劉深攻淺

真唱二

一

灣是走秀山今虎門無次官富場之文然宋史杜衍傳云文天祥移屯潮州使詳護海舟至官富場元史峻都傳云至元十四年塔出今峻都取道泉州泛海會於廣之富場即官富場又云峻都進攻潮州知府馬發不降恐失富場之期乃舍去皆景炎二年事當時遣臣奔赴敵人會攻並指茲地南宋書所云當得其實二王紀偶失載耳逮至元十五年四月端宗崩於瀾州即今大嶼山帝昺立六月遷崖山不再至茲地然則臺乃端宗駐蹕之所非帝昺也一統志稱宋行宮三十餘所可考者四其一為官富場廣州府志則云殿址猶存今惟匡山最著

茲地改稱九龍世罕有知之者矣余登眺之暇因

為考證諸書以著其實石刻舊稱宋王以史稱二

王而然茲正之曰宋皇蓋使後之人無惑焉爾

朔方白雁翔杭湖五更頭叫頭白鳥龍爪合尊朝上都造二籠子南溟連金甲神人斗膽竊戈船閩廣相提扶行宮草創三十所富場桂桓閱規模零丁惶恐節義徒麻衣草屨來于于鐵石忠肝一團血普徇塊肉捐微軀秀山瘡痍井澳颺當年弓劍號龍胡不知天祐趙氏無黃龍復隱礪州郭浮沈袍服魚腹見慈元殿下生青蕪茲臺兀立海裔孤西望匡山血模糊化為朱鳥張其味海潮不起羣礁呼臯羽所南足跡絕遺黎老死云誰吁君不見臨安宮禁啼

真唱二

二

鷓鴣蘭亭坏土冬青枯建炎陵開一朝盡何況航海行崎嶇噴庚申帝亡亦如此和林草荒雪塞塗彼送子英胡為乎元蔡子英為明太祖所得不肯屈太祖命有司送出塞今從故主於和林

宋行宮遺瓦歌 并序

真逸

官富場宋皇臺之東有村名二王殿景炎行宮舊基也新安縣志稱土人因其址建北帝廟即此今廟後石礎猶存其地耕人往往得古瓦色赭黝堅如石雖稍麤朴然頗經久考景炎自福州航海後由泉而潮而惠顛沛至極至二年二月次廣之藍蔚山四月進次官富場其時張鎮孫復廣州文天祥趙時賞等由梅州分復吉贛諸縣進圍贛州張

世傑討蒲壽庚陳贖應之復邵武軍淮兵在福州
者亦謀殺王積翁以應世傑兵勢頗振故景炎得
於其間繕治宮室爲久駐計其後諸路皆潰敵氛
漸逼遂敗走秀山并澳間至祥興之世厓山不守
而宋亡矣余獲其一瓦因作歌以紀之

官富場前宋行殿荒村廢址青蕪徧野人耕地得遺瓦楮
黝相兼餘碎片楮如烈士歎赤血黝似侍臣森鐵面當時
燔植善陶甄卻比范銅經冶鍊憶昔南遷景炎帝御舟次
此誇形便紹興家法遵簡約崇政殿基亟營繕樹樹陰成
鷓尾出茅茨易盡魚鱗見但令風雨免漂播詎與雲霞爭
藻絢丞相忠肝泣上表將軍鐵膽怒張岑詔稱南海馬牛

唱二

三

風誓入中原龍虎戰建炎中興運豈再景德孤注事俄變
渡江泥馬不復神赴海白鵬誰更唁可憐宮瓦碎慈元違
問故都杭與汴君不見漢代鴛鴦栽作枕魏家銅雀鑄爲
硯延年益壽辨當文萬歲千秋感奔電淒涼故國哭杜鵑
零落舊巢悲海燕手揩此瓦重摩挲惆悵遺基淚如霰
宋皇臺之北有楊太妃女晉國公主墓新安縣志稱
公主溺死鑄金身以葬故俗呼金夫人墓十年前
碑址尙存近因牧師築教堂於上遺蹟堙滅矣詩
以弔之

真逸

秀發金枝桃李妍鎮星降認憶當年趙家塊肉真同體臨
海先行作水仙

三宮北去獨南奔回首端門有淚痕柔福帝姬同不反靖
之亂柔福帝姬相祇應精衛更銜冤
隨北侍死於沙漢

宮禁援琴江水雲莫言活國在和親汪水雲以善琴出入
宮禁元兵入臨安賦
詩有若說和天家一任金甌缺尙得完貞鑄此身文丞相
親能活國句天家一任金甌缺尙得完貞鑄此身文丞相
備赴北題壁詞續篇有算妾
身不願似天家金甌缺句

海關三山定不歸挽詞依舊出龍關會稽市上珠誰獻悽
絕鮫宮泣太妃宋神宗挽公主詞海關三山路香輪
定不歸又區區會稽市無復獻珠人

景炎而後又祥興浪打厓山霧氣蒸惆悵白鵬齊赴水更
無麥飯上疑陵

楊侯王廟迎神送神曲

真逸

唱二

四

九龍峇西北有侯王廟甚靈異舊碑稱神楊姓佚
其名南宋末忠臣始封侯繼封王故稱曰侯王余
曰此殆楊亮節也史稱楊淑妃生益王是俞脩容
生衛王昺德祐二年以淑妃弟亮節脩容弟如珪
提舉二王府事元兵入臨安奉二王走婺州范文
虎趣婺亮節等負二王徒步匿山中七日張全追
及遂走溫州至元十二年五月昺即位福州冊
楊淑妃爲太妃亮節居中秉權秀王與擇自以國
家親賢多所諫正遂犯忌嫉諸將俱憚之當時勞
苦功高爲朝廷具瞻如是自是以後亮節遂不見
於史考是年十一月元兵破建寧宋主遁入海十
二月次惠州甲子門十三年二月次廣之藍蔚山

四月次官富場九龍古官富場地疑亮節道病卒
葬於斯土土人哀之立廟以祀史蓋失載也宋世
外戚多封王亮節脫二王於險又輔政則生封侯
死封王亦恩禮所必至海濱朴魯故不能舉其名
及封郡耳不然如珪與亮節俱提舉亮節尤用事
十四年十一月劉深追宋主至七州洋執如珪史
有其文如亮節不死後必為元俘史當特之矣
况從二王海上史別無楊姓者蓋有進侯而王烜
赫如是而史闕文者乎余故曰此殆亮節也嗚呼
南宋之亡諸臣崎嶇海上有死無貳皆知不可為
而為之者也史稱朝臣言秀王有劉更生之忠曹

唱二

五

王舉之孝宜留輔以隆國本乃遣之出兵浙東被
敗而死因加亮節以忌嫉之名然福州一隅不圖
進取何以立國景炎冲幼不克親征非秀王親賢
孰總師干以係人望奈何以此為亮節罪乎余謂
亮節之忠為宋外戚所罕有雖走死而其英魂毅
魄血食茲土到今不衰有以也因詳考之以告土
人且復為迎神送神之曲以侑之亦婆娑樂神之
意云爾

朝潮兮富場神之來兮被冕裳前朱鳥兮後白鷗背負黃
龍兮相戲而蜿蜒鳴金鏡兮伐銅鼓小海唱兮公莫舞蕉
荔兮堆盤神飲食兮酣懽驅騶母兮搏癘鬼福我民兮壽

無有害右迎神

夕汐兮淺灣神之去兮朱旗殷目煌煌兮氣英英火輪小
兒兮御風以俱行沈香炷兮煙縷黑巨燉喧兮浪花白海
鱸兮裁殺神具醉兮委佗射旄頭兮乘箕尾食茲土兮享
于世世右送神

癸丑秋日借九龍真逸張閣公伍建公賴智公遊龍

山訪宋季遺蹟感賦

永晦

中興成旅苦經營憑弔荒臺淚漫傾百萬義師齊捲甲傷
心尚有庾蘭成宋王臺

寒林擁日到虞淵戎馬艱難瘴海邊七百年來陵谷變二
王村尙鳥啼煙二王村

唱二

六

敷天左祖語非虛直到窮邊有帝居破碎河山瓦全少千
秋一片重瓊瑣宋行宮瓦
鑄金往事劇堪哀半畝荒墳亦草萊猶勝北轅行萬里翠
翹風雪走龍堆金夫人墓

宋皇臺

黃佛頤 慈博

梅蔚移蹕來海角此臺古岫嶼荒煙中御榻迷處所欲乞
思肖蘭偏蒔數尺土日暮多悲風蠻邨號杜宇

景炎行宮

寥落古神叢人傳二王殿半載駐六飛潮郡猶血戰龍舟
入淺灣故躅桑海變榻來拾遺甕碧繡土花片

晉國公主墓

鑄金夫何爲身已葬魚腹南來天女孫借此一塊肉鳳簫
聲沈沈海風動墳竹斜照黯荒山斷碣無處讀

揚亮節廟

間闕負龍種中道悲身熾紅日墮洲殺魄應攀髯海濱
轟遺廟故封忘景炎不遘陳仲微誰發千秋潛

登宋王臺作

荔垵

九州何更有堪垵小絕朝廷此地開六璽螭龍潛海曲百
官牆壁倚山隈難憑天塹限胡越爲訪遺碑剔草萊宋道
景炎明紹武皇與先後總南來

登臨遠在水之涓豈獨與亡異代悲大地已隨滄海盡怒
濤猶挾故宮移殘山今屬周原外地肉曾無趙氏遺我亦

當年謝皇羽百臺物哭只編詩

奉陪荔垵師遊九龍宋王臺兼訪厲人山居

南海 李景康 鳳坡

片雲亂石出孤鳥寒林還野草入天末清江明遠山古人
獨不見巖壑空躋攀闌巷郊原外荆扉鷄犬間先生有道
者白髮猶朱顏讀易來玄鶴添香勞綠鬢追陪歸舊徑回
望掩重關

宋王臺懷古

番禺 張德炳 輝庭

萬壑千山控海門孤臺無復賡頌垣洪濤咽盡三忠恨夜
月招殘二帝魂王氣銷沈餘片石故宮寥落有荒村離離
禾黍秋將晚題壁何人爲紀元

慈元遺跡鎖煙蘿湖落西風白雁過玉璽縱教歸朔漠金
環終欲復山河空憐塊肉君臣盡回翔吞孩涕淚多我亦
零丁正飄泊憑欄看劍話銅駝

宋王臺懷古

番禺 姚 筠 俊卿

破碎山河塊肉存播遷曾此駐雲根運窮猶作浮家計地
僻難招杜宇魂樓閣迷離疑海市風濤瀆洞接厓門君臣
殉國堪千古莫共微欽一例論

牢落天涯兩鬢霜煙笳雨屐對蒼茫少游空道愁如海坡
老難歌醉有鄉一代興亡餘片石幾人憑弔至窮荒荆榛
滿目歸何日不爲登臨亦斷腸

丙辰秋日步張君輝庭宋王臺懷古韻

唱二

八

姚 筠 俊卿

倉皇龍馭走厓門荒島遺蹤有斷垣一片竟難存淨土六
師同盡槍忠魂人穿拳礮雲間路日落凄迷海上村極目
依然天水碧故宮何處謁慈元

西風瑟瑟動青蘿令節無端客裏過只覺窮愁銷歲月可
能大好惜山河萬家燈火攢星出十里帆檣繞岸多話到
興亡同有恨何人逸史續荆駝

借叔葆拱垣二先生登宋王臺

凌鶴書 孟微

白鹿蒼狼獷氣多登臨遙望奈皇何播遷到海波猶滯駐
躡留臺石不磨塊肉忍拋天水裔尾間終匪鳳凰巢興衰
萬古烏能定玉斧吾思再畫河

宋王臺

黃映奎 日坡

荒臺仍宋土 岫嶼垂千秋 駐蹕御舟泊 擘窠崖石留 淪亡
倦今昔 天地悲沈浮 望古九龍去 登臨涕泗流

次韻日坡宋王臺之作

高公

官富場邊道 荒臺閱幾秋 登臨吾輩感 名字宋王留 塵劫
千年遠 人來一葉浮 記同真逸子 憑弔瞰江流

登宋王臺有感

黃瀚華 蕪池

七百年來幾劫灰 蒼茫時局劇堪哀 只今尺地非王有 羸
得行人說宋臺

丙辰春遊地九龍遊宋王臺有感

東莞 陳景梁 芝岡

景炎龍馭杳難攀 海闊天空悵淺灣 不盡蠻雲屯故壘 何

唱二

九

堪殘日落荒山遺 民淚灑冬青 上望帝魂歸杜宇 聞今古
興亡增感慨 富場憑弔踏歌還

宋王臺懷古

東莞 初 正 武垣

播越炎荒帝子哀 只今猶有宋王臺 崖山風雨若離合 溟
海波濤空去來誰戀 趙家一塊肉不堪胡禍百年胎 楊侯
祠屋還鄰近 莫歎君臣沒草萊

冬暮訪蘇選樓君於九龍寄廬因逢宋皇臺遺址

東莞 梁 清 又農

趁舟曉入九龍港 霜風獵獵寒濤澄 雲氣蒼茫冷不飛 日
光晃漾晴初上 須臾傍岸隨山行 山深道遠怡物情 荒村
老屋祖坡子 拈髭一笑來相迎 我昔聞君說遺跡 宋季行

宮此堪憶 飈梭何處問 慈元沈鬱 山川空岸 嶺祖坡為我
前致詞 舊宮蕪沒 埋蛟螭 衰草無邊 臥古道 宋王已逝 臺
有基 登臺攬勝 且盤礴 有石隆然 隱斑駁 翔空龍去 奈何
天似此 乾坤已非 昨大江滾滾 日西流 兵革當年 碧血流
興亡不盡感 今昔華屋 山邱生遠 愁運移 宋祚知難 復厓
海可憐 沈塊肉 賸水殘 山祗斷 魂斯臺 未沒誰興 築塌來
訪古相 徘徊安得有 酒傾百杯 與君澆盡 幾塊壘 莫管滄
桑餘劫灰

丁巳春借選樓重登宋王臺感賦并呈真逸先生

梁 清 又農

七百年來氣鬱蟠 尚留臺址壯遊觀 遺民有恨海天老 帝

唱二

十

子不歸 山石寒 官富場空 莽何處 景炎事 往感無端 憑君
莫話滄桑局 數盡興亡心已酸

皇圖泡影久成空 百感新吟此寓公 真逸先生倚寓此間
徧搜景炎事著為詩

足資考證 落落乾坤餘片石 荒荒禾黍掩遺宮 鯉門水遠連天

碧鶴嶺花深 特地紅風景 不殊時事異 可堪多難萬方同

丙辰登宋王臺歸謁楊侯廟次蘇君選樓原韻

東莞 方啟華 拱垣

煙消日出海門開 天水蒼茫尚有臺 巨石不隨炎宋去 孤
城竟任島夷來 崎嶇戎馬悲孱主 跋涉江關失將才 未造
君臣同殉國 魂招江上幾沿洄

敬步蘇君選樓游宋王臺詩原韻

東莞 蔣 航心禪

島外風雲生面開宋家遺跡有荒臺孤舟塊肉今何在半
角殘山事可哀畫界誰胎終古恨中原須待不凡才一般
亡國堪腸斷海畔飄零幾湖洞

丙辰春偕葉君楚白方君拱垣黃君君式游宋王臺
作 選樓

天水蒼茫霽色開春游訪古共登臺白鷗殉主空遺恨朱
鳥招魂劇可哀風景不殊思故國河山再造仗奇才頽暉
莫挽飛濤險擊楫江頭幾湖洞

丁巳孟春偕梁君又農重游宋王臺賦此索和
選樓

塊肉今何在千秋尚有臺帆檣環島嶼宮闕訪蒿萊慟哭
遺民恨留題學士才

真逸首詠宋臺詩序尤為考據精博鯉門同望古搔首
問天來

片壤鎮南溟諸夷此地經依然天水碧終古暮山青桑海
憂時錄華陽旌事銘

李君瑞琴於宋王臺麓環築石垣真
逸為作記近擬建亭山坡刻記於上
逢厓感殘局一曲弔英靈
過九龍山弔宋行宮遺址書感 選樓

山圍湖打海天空零落宮花染淚紅丁鶴歸來感今昔傷
心故國有無中

弓劍沈埋官富場滄桑幾度換紅羊倩誰更種冬青樹望
帝悲啼咽夕陽

宋行宮古木

選樓

驅車富場路二王蹕曾駐行宮禾黍墟

行宮右尚祇餘煙

中樹喬木參天高杈杈飽霜露棠留召伯祠柏植武侯墓

年老心已空虬枝半生露去歲遭颶風殘柯隨地仆碎然

天目崩根幹盤石固獨立有生機皇靈實呵護撫樹思前

朝君臣痛南渡遺官卅餘所榛蕪委煙霧斯地石礎存

志數官富場有宋景槐街陰如故榮枯悟物理興亡亦天

數我游宋臺下蒼茫悲日暮鴉歸噪其顛幽怨尚如訴大

樹憶馮坐焦桐邀蔡願悠悠百感生懷才胡不遇飄零東

子山為作枯樹賦縱受冰雪侵尚望萌芽吐鱗被儼蒼龍

滄桑經幾度遺民哭冬青今古忠憤寓

游宋王臺訪晉國公主墓 選樓

投生曾向帝王家龍種流離逐浪花精衛不無填海恨尚
留疑塚寄天涯

鑄金為像瘞高原宋代松楸不復存料有芳魂臺上望白
雲飛處認慈元

題鶴嶺宋楊亮節廟壁 選樓

謠傳白雁渡江哀負帝間關避劫友舊燕依人多北去

臣留夢炎等簷鳥戀主竟南來殘山賸水埋忠骨越舞蠻

多降元北去

歌薦酒杯華表鶴歸誰弔古廟後石刻鶴千秋悵望宋王
臺

宋臺秋唱卷下

東莞蘇澤東選樓甫編

九龍山居作

真逸

蓬蒿三徑少人行，疑託幽居老此生。
迷路東西逢子慶，在
山南北法高卿。井華近汲龍湫曉，雲絮遙披鶴嶺晴。
傍晚
鯉魚門外望滄浪，還喜濯塵纓。

布衣卓帽自徘徊，地比遼東亦痛哉。
異物偶通柔佛國，
城古柔佛國土人。遺民猶哭宋皇臺，驚風蓬老根常轉浮。
多航海往該埠。海桑枯葉已摧欲，學忘機狎鷗鳥野童溪叟莫相猜。

楚公戲呼余為九龍山人，蓋以王孟端見比也。詩以

解嘲

真逸

唱三

自笑前身老畫師，九龍深處偶棲遲。
泛舟湖曲希元朗，
晚易姓名吹笛車箱學大癡。謝疊山應來戲謔，
為奚元朗。戲稱謝疊山吳原博詩嘲。陳驚座合別嫌疑，生平不作爭
之有謔語空傳謝疊山句。墩事真逸相呼副夙期。

登九龍城放歌九龍岩土人呼之曰城

真逸

鯉魚風緊鮫人泣，鯉魚門開巨鯨入。
飛雲蓋海駕轟濤，直
拍九龍城下濕。九龍之山高插天，九龍城與山鈎連龍頭
龍從列戰格下瞰，激碧環深淵。清時置戍防海賊，海賊未
平夷患亟。已悲埃卒化蟲沙，復見疆臣棄雞肋。
石城何盤盤，憑眺慘我魂。千山鱗甲忽破碎，玄黃血濺羣龍奔。
迢迢南望街鱸舳，左走東瀛右西竺。回看直北是神州，墮地已

萬萬人哭城邊野老長，苦飢我亦寓公歌。式微內蛇外蛇
鬪未已，橫流滄海吾安歸。吁嗟乎橫流滄海吾安歸

開公是同澹菴潛客二老過九龍山居

真逸

空石中有斂不聞，蟲聲足音至頓使耳目驚。我本
麋鹿性，山居遺世情。卅年墮塵網，枯拳被裾纓。泉花抱晚
節，况此時運傾淖。約姑射山縹渺，化人城分非希有。鳥未
許翔太清，控槍枋榆間。庶以得此生，茲山似仇池。福地世
莫爭，隱居復談道。且與諸公盟

李聯隱柱下蒙叟游漆園學禮有答問衛道多寓言德義
世通家隸也出聖門苟非十二子老莊不批根奈何溝登

唱三

二

儒直並釋氏，論豈惟寡通。識亦昧河海，源闢是兩道人近。
頗涉其藩，俱暎日月輝。遠窮天地根，黃冠與草服。古處
與敦玄談，得至契足示迷者捫

昔聞王彥方，避地渡遼水。桓桓曹征西，襁帛微不起。東夷
感德化，相與撰杖履。管邴神龍姿，亦從小鄰比。我慙蹈海
節，穴室此棲止。澹帶二大老，乃樂風土美。介山負慈母，鹿
門攜妻子。云將賃新居，過我同栗里。世無桃花源，九夷幸
勿鄙。他時雞黍局，素心至可喜

蒲澗安期境，羅浮稚川界。昔誦聶蘇詩，笠屐欲從邁。風塵
何涸洞，名勝遭破壞。大澤蟠龍蛇，深叢聚蠹蝨。杞狗茯苓
龜，一一成餒敗。茲來海濱地，造物闢靈怪。夕波浴濛汜，朝

龜一一成餒敗，茲來海濱地，造物闢靈怪。夕波浴濛汜，朝

露飲沆瀣雖匪方壺居胸次不芥蒂乃知避秦者徐市獨
愉快願言招四皓搔首發深喟

潛客過山居後詩來索和次韻奉答 真逸

窮海悲秋屢送歸問君何事訪柴扉宅殊魯望饒甘菊人
似冬郎見紫薇對酒偶撩心緒惡脫冠誰笑鬢毛稀買山
招隱吾何敢且學頤神臺孝威

停雲人表已同昏肆志相從綺與園澗底菖蒲方士宅溪
邊枸杞老人村沈冥世豈知梅尉憔悴君休歎屈原但使
攜家浮海至此間猶可避塵喧

得寓公九月五日滬上漫成用和潛客韻二律次原

韻奉寄 真逸

唱三 三

一函今寄荀富歸計日應投海上扉知爾未能忘漢臘此
間原不食周薇草堂適容移長勒蓮社高賢見莫稀更欲
勸君除綺語山居素笈問龍威

由來至道貴昏昏銷盡機心且灌園願我結廬居北渚有
人卜宅向南村澹卷是公
先後居此飾巾待老思陳實鑿室相從愧

那原他日君來同沙社詩成應答海潮喧

鶴嶺散步 真逸

城郭人民修已非令威去後暮雲飛蒼苔白石青松路惆
悵山頭待鶴歸

齋厨煮石道人居絳帕蒙頭髮未梳一卷黃庭隨意寫更
無鵝換右軍書嶺上有石刻
鵝兩大字

題是公小園 真逸

荒園半畝隔塵囂中有幽人自閉關簾映花叢斜障日燈
移竹缺飽看山瓶笙響處聞根淨棋劫爭時袖手閒莫說
暮年蕭瑟甚壺公巢父向人問

龍湫井

井在九龍岩西陂田中土人相傳昔有佳井九今
堙其人惟此獨存云 真逸

九龍有九井八井迹已遷遺井曰龍坎陂田出涓涓頗疑
千載上地有龍蟠淵杞菊綠四厓根老落英鮮渟滢復甘
冽嘉名故流傳中冷大江底脩綆銅餅懸江流近北改沼
泚涵如漣何况滄海涯揚塵變桑田我來挈甄汲小試龍

唱三 四

團煎蟹眼沸已過滑美流香涎蒼溪桑苧翁不到粵海塹
未知第一品比比誰後先側問仇池穴九十有九泉其間
避世者飲之壽登仙茲山石脈潤乳水腹內便家家壘井
發臭味如一川雖微鄜縣潭自得龜鶴年神龍貴不見此
語欽前賢

過逢春園 真逸

路轉荒城曲幽棲別有天牆東王避世窗北宋談玄井溢
騰秋雨亭虛納野煙垂垂嘉果熟海上喜流連園內植有
南洋果名

主人何所似蕭散紫谿翁雞籠齊民術鹽齋處土風新曠
瓜異色小徑桂成叢莫話人間世鄉關劫火紅

大風雨欲渡海訪智公不果

真逸

智公有道者，涸跡塵囂中。誰關招隱館，授此雷次宗。我志慕元晏，摯虞今不逢。爲借一紙書，渡海聊相從。侵晨出門去，雨氣來濛濛。海鳥各奔避，江豚復吹風。歸來抱膝坐，停雲諷陶公。八表既同昏，平陸眞成江。遙知茅屋下，今雨慨亦同。晦鳴不改度，相見期從容。

謝闇公餉茶笋

真逸

一笑開緘不自持，谿茶山笋遠相貽。搜腸愧對清風使，合掌眞參玉版師。臘酒三杯微醉後，春蔬半把軟炊時。廿年飽飫官家僕，至味于今始略知。

謝澹菴餉笋并簡蓬公

真逸

唱三

五

苦笋休官誰硬派，魯直謂言子瞻怪。我今蔬食已無官，玉版眞禪須受戒。筠籃兩束土膏足，故人餉我深下拜。大如犢角養初成，小者兎毫鋒未敗。一東名笋清班聯玉縱無分，重價論金應不賣。菘蒿楮雞那足道，取助盤飧當饒忽。憶昌黎和侯作前軒，笋苗穿壁壞蛇虺。掀掀露頭角，戈矛戢戢森器械。書生腹儉何所有，干畝渭川留學畫。若令得酒出槎枒，拄肚撐腸詫雄邁。腹上生松，謝春夢胸中成竹。發秋噫他時，饒守見此詩，笑噴飯囊知一快。

送寓公之滬上

真逸

申浦歸闕幾時香，江判儂復何之。寓公回粵至山居再宿閱月赴滬邀機不至走送三秋鱸膾懷張翰，一舸鳴夷逐范蠡。草拔卷施原

不死花殘勺藥又，將離嶺南著籍眞無分。愁絕筵前啖荔支。

知君混俗比龍蛇，此去迢遙足歎嗟。天地長留巢父卷煙波，還泛釣徒家。空勞望眼人千里，願保吟身海一涯。到日名花流淚看，莫教重抱怨琵琶。

黎翁公梁根公同過山居話舊兩公俱僑寓天津去

歲同至梁格莊奉安者也

真逸

官富場邊落日黃，南冠相對感滄桑。寓公久處托中露，詩

傳中露高士長噫發，北芒共聽鶉聲橋上雨。竝攀龍

馭闕前霜素衣我亦蓬山侶，惆悵觚棱淚數行。

次韻闇公丙辰元旦

真逸

唱三

六

春光撩我拂瓜廬，歎息龔生調太孤。新室元年驚瞥過，新始建國元年以十漢家臘日敢合糊。去歲應書或以爲傳二月朔日爲元旦臘月有三十日聞角上爭登觸閭煞，盤中轉雉盧獨坐無聊。須一醉屠蘇酒盡且重沽。

再登前韻

真逸

曾記承朋入直廬，觚棱回首夢魂孤。文成賀歲階前進帖，賜宜春座上糊。一自落花飄糞溷，那堪啼鳥勸壺盧。歸休苦憶斜川老，深谷逃名未許沽。

春雨再登前韻懷闇公

真逸

雨氣濛濛暗敞廬，清吟難遣客懷孤。雲橫遠浦燈猶出，風襲幽窗紙半糊。並世喜隨東野孟，閉門聊效玉川盧。遙知

仲蔚蓬蒿宅滑踏春泥酒更沽

丙辰正月六日與李君瑞琴張君魯齋暨闇公智公

同遊沙田李君為言黎悅真居士擬築靜室山中

悼古傷今慨然有作

真逸

昔聞陶靖節歸休樂斜川發春朋齋集邀我遊沙田沙田在何許涉行窮海邊翠巖互西東中有陌與阡草屋枕荒麓稻畦瀉清泉亭亭望夫石矗立南山巔夫君不可見淚目窮幽燕我如老客婦中情慨蘭荃念茲石不轉守節師前賢

周室昔代殷溥天皆王土食薇不食粟夷叔節空苦沙田本租界要約載盟府九十九年中 聖清倘為主南服

唱三

七

橫鯨鯨中原鬪豺虎尺地無乾淨何方覓安堵黃冠不歸里烏瞻此焉取生當葦重茅死當穴宿莽

黎子齋繡佛度地築茅菴逶迤深谷間樹石侵雲風緬懷曹洞宗衣鉢走嶺南天然祖心輩花葉傳經函當時王陳

屈謂說作喬生雷峯相聚談國破圖自全洗心面瞿曇居士豈有意遺民夙所諸寒泉薦秋菊配食應同龕靈運冀

生天我懶安敢貪庶幾白蓮社斗酒容沈酣

移居龍湫潛容辱以詩賀次韻戲答即以招之並呈

九龍真逸及闇公

永晦

倦遊君忽返征轡卜宅我且遲歸輪頻年風鶴苦行役海隅蜷局常酸辛故人枉存意良厚織詩遠寄寂寞濱詩中

盛譽新居樂使我不復傷風塵我因有味漆園語蓋云

名者實之韻說君詩仄名實拓地有願胡遠巡君詩有恨不拓

地村朱陳語世外仙源安所得陸沈何地非迷津故鄉風景豈

不戀登臨舉目百感新玉山峯高冷叢桂歲寒堂寂無松筠

君嘗作玉山延秀閣年來玉山諸勝地諸君子風流雲散無復文酒之會餘會所居巖寒堂經年客遊不歸亦

闕其無瓜廬寄此雖少僻成眾例已符三人臨池學書或

訪伍公漢臘能談亦有陳九龍真逸潘輿儻更奉此地慈鰲同

舉羅浮春谷音一卷詩可續南村三徑菊可耘更待無邊

花柳動努力共饗為天民莫問滄桑桑梓劫且結樂天天

隨鄰借用張船山事清和之月真逸惠菊賦謝

永晦

唱三

八

秋光陡接春光至意外幽人入座中澹泊相看容未改炎涼何物見塵空故園歸去荒陶徑老淚悲來澗杜叢猶有

孤芳慰岑寂可如一瓣奉南豐

癸丑三月自香江九龍歸里闇公確夫置酒餞別口

占以謝並寄真逸

永晦

久別例思歸歸轉傷懷抱故人情欸欸樽酒風前倒但勸我且歸不言歸去好滄桑一離羣閉門春欲老

寓港喻月歸意撩亂闇公招同澹菴登公訪真逸于

九龍山居遊眺至暮得詩二首

潛客

日日言歸未得歸天教聯袂秋巖屏連陸野色翻禾黍帶雨山光護蕨薇瓊笈參玄丹井冽霓裳譜舊瞻星稀神龍

一去空城郭愁煞尊前老令威

瘦日荒煙廢壘昏何人獨樂此題園氣餘湖海書千卷家在羅浮月一村天地無情任蠻觸邑居成聚待孟原荔園半畝容招隱鴉鳴比鄰未覺喧

真逸以詩索和次韻奉答

潛客

嚶鳴相應和千里同一聲久別艱過逢驟見喜且驚憶昔游崔臺酒賦餘豪情江南理歸榜真逸由江甯返滄浪濕塵纓惟能幾何慘顯天柱傾龍川有大長象郡無堅城三年兩構亂海濱待誰清卷施心不死若華念無生方寸各箕穎無讓初何爭君獨尊一壑息壤當先盟

東陵豈炒瓜彭澤非惡園烈士多苦心難與悠悠言秉邪

唱三

九

恣攫搏銳欲朱其門芬華不盈皆災禍相批根鼎食亦鼎烹得喪誰復論且歌紫芝曲還我桃花源繩游甘曳泥維啄忘處藩聊以遠機辟清淨為道根巖棲未厭窳野屏期共敦玄文五千齋籥安足捫

龍山好峯巒龍湫冽泉水靈境不終闕津逮從此起同儕推祭酒謂吳澹菴先生命杖履從來季重名雅與孔璋比謂陳真逸

欣然挈家具買鄰得所止花竹信娟觀尤樂土風美似聞十畝間仍招二三子樹題交讓枝門署高陽里五馬舊諳徑謂位遠公傳車時在鄙謂張間公何必定入林間遁色然喜

逃空思避喧乃墮羣鷺界飛車當門馳日夜越行邁魂夢困歎鏡忍壓坤輜壞士女豈不都空詠髮卷薑高浪怒搏

人牀席險欲敗資空者誰氏舉室賦遭怪今晨果斯遊御風吸仙濯頰令耳目淨一洗胸芥蒂頽暝莫挽貪此數刻快不合望荒臺滄涼發深喟

過澹庵龍湫新居詩以賀之并簡真逸 潛客

人生所資居與食如鳥兩翼軍雙輪試令露處飽風霰肥魚大酒增愁辛故山幾度穴地豕十有九室逃海濱買區乘危索倍稱雖有華屋粉蠶塵君居麻埭境差僻巢雲卻苦門無賓催租賦與急難擇望門傭隙行遠巡今朝喜色上眉宇俯拾卽是桃花津層軒曲榭畧展眺爽氣已奪新秋新蕭蕭蒼雪撥衣袂柔榆繞舍橫脩筠庭階頓復鄉土觀嘯傲恰稱羲皇人同游拊掌羨且妬恨不拓地村朱陳

唱三

十

著書有暇散履脚欲飲紅領取無邊春距宅不遠有小園顏曰逢春敗垣槍卧膽落薛九龍故城有嘉慶間廢壘故侯瓜美同耕耘宅為真逸所引真逸將買田為終焉之計龍山高龍湫曲天豈有意哀遺民徑來取醉防惡客何時祭龜邀比鄰

癸丑八月借澹庵潛客楚公同訪九龍真逸次潛客

韻

間公

惆悵天涯客未歸竭來重叩白雲扉蒼茫城郭埋荆棘寂真巖阿足蕨薇海內已傷同志少山中得見故人稀相從舊是濠洲侶秋說麟祥與鳳威

斜風細雨入黃昏花竹參差半畝園為愛林泉堪避俗便離塵市自成村買山豈必同支遁卜宅何妨似屈原最憶

黃龍山下宿萬松深處絕塵喧

丙辰元旦作呈真逸

閻公

春風依舊到吾廬
托首長吟興不孤
花鳥向人猶旖旎
雲山如夢總模糊
兒童笑樂還簪勝
鄰舍懽呼正得盧
莫問義熙何甲子
但須強飲學屠沽

春日山居寄真逸作

閻公

春光不解為誰妍
獨卧空山雨雪天
曉夢驚回殘臘後
芳樽辜負好花前
南飛何處棲烏鵲
北望茫然拜社鵝
惟有匣中心史在
一編私署景炎年

桑海遷流已幾經
此身敢復怨飄零
蒼茫故國雲中樹
寥落知交曙後星
山鳥祇應催客醉
林鶯未必喚人醒
若為

長得真春在重開
當年野史亭

丁巳初春過真逸瓜廬率賦呈選樓詩家

閻公

舊是羅浮客
林泉卜宅幽
在山迷徑路
當戶面田疇

宸翰猶懸壁
高歌獨倚樓
層巒千疊翠
如入畫中遊

莫問滄桑事
空山幾歲華
方春談稼穡
隨地種桃花
野史

心同證幽人
跡未遯宋臺
憑弔後流轉
各天涯
滄海清客

同訪君於樂園宅
寄題今五年矣

九龍山人歌呈厲人先生

寓公

名士紛紛為國出
山人寄廬號真逸
朝接徵書暮接電
鳳

風內閣函電
招山人不出
山人高卧人難見
洞天福地空復空
先生杖

履移九龍九龍滿
繞香江水中
有卧龍呼不起
十年不晤

張離羣我訪山人
當暮春
卓帽斜簪孤島雲
幼安龍頭當屬君
沈沈風雨青猿叫
山人獨效洪匡嘯
碧血殘碑宋帝臺
青煙冷酒揚侯廟
中原龍戰多荆榛
縱有魯叟悲鳳麟
先生龍性誰能馴
我願步履隨山人
君不見九龍潭上多

蘭芷白鶴青松寒
不死梅花清絕
任君濃長在山人
夢魂裏
采薇而食歌式微
淵明今是悟
昨非蓬萊左股神仙依

我同山人他日歸
山人九龍成詩采薇而食吾安歸

九月五日滬上漫成次潛客韻寄厲人
寓公

松柏山人久不歸
寂寥籬菊對荆扉
東坡老去思嘗荔
庾信騶樓賦食薇
厭聽杜鵑頻淚落
愁同烏鵲見星稀
近來

頗得消閒法
一卷駢文效稚威

秋風秋雨易黃昏
胡蝶遽然化漆園
桃梗似人悲逝水
梅花入夢返孤村
餘生有幾看雙鬢
一死無名憾九原
便欲從君賦招隱
流鶯不聽比鄰喧

滬上漫成詩厲人讀之以為沈痛步前韻再成一律

并呈厲人選樓碧峯
寓公

倦遊似鳥亦思歸
雪滿園林月滿扉
松柏名任荒三徑
菊羅浮應戀兩山薇
好撐傲骨冰霜鍊
已過重陽風雨稀
問訊芙蓉塘外路
輕雷無復作寒威
上海五晝夜之戰
砲聲不絕義山所謂芙蓉塘外有輕雷

一笑那知夕景昏
飄蕭杖履味菹園
夢生南海池塘草
春

在東風嶺崎村圍扇幾家圖務觀買絲他日繡平原選樓和詩

有文章有價重平雲中雞犬休相笑安穩茅簷燕雀喧

厲人和漚上漫成詩有更欲勸君除綺語山居素笈

問龍威句賦此答之仍步前韻 寓公

風塵瀕洞我安歸每作愁吟畫掩扉騷客靈脩怨蘭蕙女

郎詩句愛薔薇義山楚雨含情託昌谷秦灰感淚稀粥粥

羣雌飛啄好無鹽刻畫妬南威

紫陌黃埃白日昏杜鵑魂魄去芳園歌殘後主無愁曲蹟

訪明妃倘有村細雨聽鶯桃葉渡秋風匹馬杜陵原何曾

怕墮泥犁獄綺語刪除厭客喧

聞九龍真逸瓜廬築成喜賦次鄰池過真逸瓜廬詩

唱三 吉

韻 寓公

我愛真逸子瓜廬築九龍鱗鱗歸大澤射隼執高塘杜老

詩心苦陶公酒醑濃西疇倚欄望力穡願為農

異代精靈聚嶺南多逸民過江人似鮪浮海世悲麟吾意

歸來切鄰居夢想張融與慧曉楊柳雨家春

九龍真逸惠寄龍門度牒賦謝 四首 永恆

故人憐我老無田尋人朱明舊洞天從此不愁薇蕨盡餐

霞飲露足窮年

四百峯尖各出羣酥醪高絕斷浮雲頌來一紙長桑牒便

是華陽十資文

誰謂癯翁鶴可騎衰顏自鏡似蒙俱從今端坐遲筌鶴示

我先機賴導師

英雄回首卽神仙熟了黃梁夢已圓還騰羅浮山色好齊

州九點只成煙

寄懷真逸

遜谷

折得蓬山桂一枝元稹才調內人知丹霄咫尺容揮翰絳

節輜軒命採詩何意錦帆收建業適當珂里起潢池江河

日下衣冠異長抱冰心住水湄

一別春明廿載深故交難得共山林公權筆正颯風骨宏

景樓高稱道心藥譜丹經期互訂雲裝煙駕合相尋踵門

休怪陶潛懶扶上籃輿力不禁

恭和九龍山居原韻

東安 梁樹勳 炳常

唱三

古

仰望高蹤切景行深情可證石三生事艱直道悲禽父賦

賣長門讓馬卿海外有天同日月中無歷記陰晴滄浪

合濯龍秋水我亦年來早解纜

後塵進步莫遲徊竊附幽光亦快哉有志避秦今何地無

心朝漢復登臺風驚荏澤氣猶熾景迫崦嵫鬢已摧欲買

德鄰長卜宅兩家春好漫相猜

讀過九龍山居諸作有感次韻寫懷寄呈

東安 梁樹勳 炳常

黃農已沒我安歸叢竹深深靜掩扉 家園中有 荒徑猶存

彭澤菊窮山願採首陽薇京遙久慨來書絕地僻何嫌過

客稀太息問閭兵燹後祇留虛室長伊威

霧氣沈沈白晝昏三年久不出怡園家園名怡園自辛酉亥東歸家居三載時常醉雞豚社十畝閑居碌碌村空有素心懷故國愧無綿力致中原愛尋勝境履同結車馬門稀合避喧

訪九龍真逸山居宿留談讌奉題並和真逸作

凌鶴書 孟徵

陳蕃榻下辱留徐大海前橫好隱居鶴嶺種梅娛像設西遊羅浮宿榜花仙院乃先生尊甫暨同人所築也今見山居像設宅日當於鶴嶺之下種種梅花耳龍湫煮茗助談餘幸從子慶窺益益漫詫圖南讀道書欲買芳鄰博餘力五羊回首一愁予

冬日過真逸瓜廬

黃瀚華 蕪池

麒麟峯高樹百尺一曲瑤琴眾山碧深深柳護讀書堂四

唱三

五

壁詩篇題晉歷青精閉戶依長松漸作龍鱗映顏色宋王臺畔有薇蕨載酒人來借采食酒酣高吟天地寬藜牀已穿堪偃息回憶燕臺聚首時一場春夢空懷思 璇宮疊額福壽字星報三賦皇華詩觀風曾向東瀛渡匆匆又指江南路化雨方宏造士恩望雲忽作思親賦歸來攜得鍾山雲自奉板輿娛老親鼠狐嘯聚城社覆覓得桃源淚滿巾我來正值孟冬月朔風凜凜刺人骨中原干戈尙未歇毒霧一窩鬱地蹴徘徊官富對夕陽共訪遺民尋斷碣世外滄桑何足論此中便是神仙窟

寓公寄示癸丑九月五日滬上漫成二律次韻和之

以促其歸並呈真逸

東莞 鍾菁華 碧峯

楓冷吳江一鴈歸新詩讀罷倚柴扉六朝殘夢迷金粉千里秋心感蕪蘆塵海蒼茫衰鬢改晨星寥落故人稀羅浮舊隱依然在采藥何時約孝威高士傳臺孝威隱居不仕采藥自樂

極目天涯日又昏荒蕪應自憶田園先望松柏森參里邑

孝子舒晉時人有司推其居曰參里其公所居亦名邵村以漫感滄桑悲往事且欣聲鼓敬中原南漢邵廷珩得名樽酒論文笑語喧

鳳臺社散憑君復邑舊有鳳臺詩社樽酒論文笑語喧

龍湫井賦呈真逸

柳 正 武 垣

鶴嶺西陵下人間第幾泉天留飲遺老清結在山緣

九龍訪真逸先生瓜廬賦呈兼簡選樓瀾池雨君

梁 清 又 農

唱三

六

荒村極野趣老屋空塵囂春風蕩門巷喜叩青陽蕭主人達官貴落落魄輕仙條冷眼閱世變息心期道昭瓜廬著述富志晦神獨超文章炳淵穆山斗疑風標頻年思故鄉所歷足憂懼鴟鴞滿人寰樂土此堪賦愛茲杖履適弗里荆棘步先生深結廬高挹山林趣我來飽眼福珍秘飫心慕榮枯任乾坤真宰漫相訴屏迹寄幽獨物情緣未墜田疇密以邇木石瘦且頑嗤彼僕僕輩白日誰能閒金錢塞人海萬惡羣追攀信美此閒樂擁書對雲山野服自瀟灑清風時往還卓午登前樓鯉門望不遠荒城雉堞古巖岫碧相獻近園有嘉蔬日可摘新嫩如何 南齋彥甘此作肥遯喜讀驚

座詩傾情起頑鈍同來有蘇黃深契慰吾願

過九龍城訪真逸山居

選樓

真逸於國變後隱居九龍山中不聞世事徵書屢

下出岫無心饒有伯鸞高致甲寅夏日訪之導游

官富場諸古蹟若談暢甚爰賦此奉贈

閒雲舒卷翠微巖能解巖棲善自全高蹈宛如遷谷鳥清

流恥作出山泉陳咸詎用王家臘靖節猶書晉代年悵望

故宮禾黍遍青衫和淚灑蠻煙

寓公以滬上漫成見寄次和並呈真逸 選樓

秋風鱸膾客思歸蕭瑟江關獨掩扉西去曾栽彭澤柳

西黎坡北行忍采首山薇聽琶司馬青衫濕攬鏡安仁白

唱三

七

髮稀悵望天涯千里月素娥能耐霜威

頤洞風塵日欲昏荆榛處處獨田園鄉愁撩亂聞砧夜吟

夢敲殘落葉村湖海無波容少白文章有價重平原

久已傳誦何人借隱羅浮去高臥雲中謝俗道

厲人讀滬上漫成詩以為沈痛寓公再用前韻奉寄

次答

選樓

遼海高翔鶴未歸寓公贈詩有我

雅集歌黃竹玉署清時憶紫薇園事競爭鸞鶴急人才寥

落鳳麟稀蓬臺元圃洽桑感

孝威

淚灑新亭落照昏秋風憔悴感文園交游燕趙悲歌士夢

想羅浮貫酒村豆泣忍教鋤異種瓜分誰復挽中原滄江
龍卧甘遺逸冷笑羣鴉繞樹喧

九龍寄廬奉懷澹庵潘客兩先生

選樓

二老采薇客清高海鶴姿所南鐵函史臯羽冬青辭同掬

遺民淚難忘故主思楚庭有松柏挺立歲寒時

名士攀龍去陳咸甘村門三湖能獨植八表慨同昏靜對

圖書古清言道義敦宋臺寄高詠尙有典型存

九龍中秋次宋趙秋曉和文文山賞月原韻

選樓

佳節相逢惟飲酒稱心人月共圓難疏桐夜雨迷高漢叢

桂秋風冷小山紫府儘容仙侶住黃冠敢冀故鄉還瓊樓

唱三

六

玉宇心猶戀水調歌聲徹海寰

題真逸瓜廬次淵明移居韻

選樓

龍湫白雲深中有幽人宅山色滿窗牖覽勝樂晨夕蕪香

讀道書肯為好爵役嗤彼美新輩皇皇不煖席何如學種

瓜夢梁悟疇昔窮達素所安蓬萌三綱析

杜門絕塵想飲酒復賦詩矯首眄庭柯鴻飛目送之客道

桑麻長談諧無俗思誰識申屠蟠匿跡芒碭時風抱黍離

感宋臺近詩茲抗節歌黃農雲壑忍見欺

丁巳春陪闈公過真逸瓜廬作

選樓

鶴嶺誰高蹈幽人此結廬東陵瓜種後南野柳垂初回首

滄桑夢移情笠澤書采薇曾抗節濁迹侶樵漁

海濱偕一老訪舊未臺過地僻鳥聲寂天空野趣多蓬蒿
仲蔚徑安樂邵雍高詩畫恣流覽憑欄發浩歌

唱三

元

附錄

與寓公書 乙卯臘月

真逸

寓公足下奉讀所撰海上寓賢錄跋評懸月且義炳陽秋
孔稚圭勒北山之文魯仲連蹈東海之節矜然不滓情見
乎辭續接手書於一二寓賢中舉彼篇章以爲訕笑華歆
龍頭拜司徒之職阮籍鸞鷟成勸進之賤惟寂寞自投閣
爰清靜作符命昔之所侈今以爲榮名士如斯可勝浩歎
抑僕尤有感者夫東漢之世節義相高兩晉以還廉恥日
喪顧亭林以爲建安丞相薄仁孝之風正始名流蔑周孔
之典是以國亡於上致淪於下羌戎互僭君臣屢易斯昔
賢之至論亦後學所稔知若夫李唐以後爰迄今茲凡厥

唱三 附錄

字

遷流差堪商榷慨自鄭五無能朱三肆虐熾其凶敵毒彼
清流然韋端已之依西蜀冀復唐仇司空圖之隱中條誓
辭梁祿高標松節羅昭諫不履新朝危捋虎鬚韓致光但
稱舊職雖天運窮剝世道陵夷一行之傳惟有逍遙先生
長樂之書爭羨癡頑老子而物極必反宋儒遂興泰山濼
浴倡絕學於前涑水紫陽續大經於後其間荆公異說舉
世崇宗謂伯夷不甘餓死謂馮道實救衆生學僻而非折
衷一是流風所播易代逾彰疊山賈卜旣變姓名深益著
書不聞徵辟西臺皋父擊竹如意而悲歌南野憶翁署鐵
函經而百拜汪水雲之隨北狩歸老黃冠唐玉潛之護諸
陵甘爲行丐斯並神傷杜宇淚洒冬青身歷興亡心存名

教他若月泉吟侶沙社遺民霽山樵唱之篇清碧谷音之
集聯翩借隱史册未書匪惟死事之烈氣壯本朝抑且肥
遯之高道光前代將非道學之說其入人者深乎故自金
元以迄勝朝皆黜楊墨而崇先聖前徵未沫正氣常存凡
河汾逸老湖湘高人東林復社之賢二曲夏峯之學俱敦
道義無事救揚乃若遺山則就觀世祖鐵崖則赴召高皇
東澗尚書竟修降表梅邨學士亦上徵車然而題詩仍謂
布衣獻詞乃稱老婦錄吾彘一集深契孤臣著絕命小詞
緬懷奇節苟白圭之有玷終清夜之滋慙從未有毀冠裂
裳膏唇拭舌故人過我自比嚴陵國史非公競稱危素又
其甚者乃謂諸夏亡君有臣何貳倡爲邪說以誤後生豈

唱三

三

新莽稱攝逢萌不必挂冠董卓未篡蔡邕非爲失節乎伊
川野祭周辛有已歎其亡神州陸沈王夷甫詎辭其責斯
又亭林所謂有亡國有亡天下姓號改易謂之亡國仁義
充塞謂之亡天下者也嗚呼痛哉且僕更爲足下罕譬言
之夫息媿事楚憫默無言文姬入胡流離自悼樂昌公主
撫破鏡而銜悲花藥夫人拜紫衣而飲泣雖未比虜面引
鑑割鼻援刀刎頸於強鄰斷臂於逆旅然大節縱虧貞心
未泯或悲所遇猶諒其人乃若效齊國之鄰女育七子而
俱成學河間之婦人聚羣惡而相處而猶侈言不嫁自稱
未亡似此厚顏必當唾面然則今之諸臣以無君爲非貳
者毋乃昔之二婦亦無夫而非淫乎嗟夫文人無行自古

爲然貪夫徇財於今尤烈三綱既墮四維不張淪胥以亡
累劫莫復僕與足下躬丁陽九跡寄海濱勉松柏之後凋
嗟風雨其如晦亦惟有永矢弗過永矢弗告而已悠悠斯
世夫復何言真逸頓首

唱三


三

跋

丙辰季秋九龍真逸暨蘇君建樓爲拜趙秋曉先生生日
之會勝懷雅集庶唱遂多蘇君并錄真逸諸公詠懷古蹟
及山居贈答之作附以已作都爲一帙名曰宋臺秋唱當
時以同人索閱未遑編次遂付排印使諸鈔符諸公見之
重爲訂定釐作三卷余因取付剞劂俾永流傳卷端仍署
蘇君編者從其舊也原有梁君又農一跋疏舉真逸諸公
姓名聞諸公多不欲以姓名見諸世茲不復載入嗟夫吳
清翁之吟社祇賦出園謝皋羽之登臺惟稱甲乙後之覽
者幸無訾焉旨丁巳仲秋東莞黃瀚華謹跋

唱三跋

三



松吹讀書堂

題詠

陳豪
署卷

光緒乙未春
錢唐丁氏刊

余先後得董浦太史暨苑野文學松吹讀書堂兩圖繪事之雅題詠之富可供鑒賞而寶收藏矣第念寒家在東青門之舊城南路更南數百武夙稱大方伯里蓋以明江右布政應公太室第宅得名太史世家於斯松吹堂卽構於斯堂之西則及氏萬夫其先德昭叔君有人倫鑿徐文敬爲秀才時卽目爲公輔器以其子妻之與及連牆以居者爲汪舍亭孝廉築聽雨樓延厲樊榭徵君課其子槐堂昆仲當時太史及王茨檐符聖幾亦朝夕敦詩說禮於其間跨街對宇者則有王竹所大令嘗校書內廷出宰寶應又爲河

松吹題詠序

間太守江敬軒經術飾治循聲卓然江之鄰爲金存齋隱君著有詩集其隔巷則南漪張孝廉著書談藝爲太史之畏友一里之中文采風流與松吹堂相輝映顧不盛歟乾隆改元開博學鴻詞科太史旣遇斯選一時通儒碩彥蓋簪接席藻耀高翔松吹堂圖半題於是時也旣而太史以言事罷歸奉母間居四方羔雁恆滿堂外後恭遇

南巡迎

駕湖上

賜復原官


聖上且詢其作何生涯太史謹對曰買賣破銅爛鐵上卽書六字以賜之蓋大方伯里半市破舊器物太史以實對

聖上鑑其誠而恕其顛其非常遭際豈他人所能幸比哉百餘年來喬木彫零文物漸滅太史華屋早換山邱或拓爲梵宇或割爲教堂白頭里叟無一能返道舊聞者良可慨矣而斯兩圖也不惟劫火幸逃且慶珠還璧合適余友汪子用明府補雕太史道古堂全集並訪得大馬山葬地重表墓碣更祠其栗主於西溪交蘆庵與樊榭徵君同綿香火余因承其意而

松吹題詠序

二

梓斯圖牽連以記顛未俾與道古集永垂無斃松風謾謾書聲琅琅彷彿於楮墨間也光緒甲午冬日里後學丁丙記



董浦詩人讀書處
 漢松翠翠深高雲
 我來相訪滿清聽
 松吹書聲都不分
 南徐許濱弄題
 印
 門



古
 枕君芑野近
 溥枕先輩董
 浦所葺松吹
 讀書坐圖曰
 屬余寫小松
 吹讀書坐圖
 蓋企前人之
 餘緒懷昔日
 之風流余政
 樂而為之作此
 芑野遂以黃
 丈松石所篆
 三言楹帖為
 潤筆鐵生記
 印
 印

松吹讀書堂題詠

圖記

厲鶚 太鴻 錢塘

易云撓萬物者莫疾於風至於木尤撓之易者也莊子云吹萬不同而使其自己至於松尤吹之清者也若淵明之逕貞白之庭多好種之其所寄有遠出於塵蓋之表者乎迺余少耽閨寂頗同此好春時嘗坐西溪永興寺前地多古松蒼然如毅夫介士離立拱揖青鬣交蓋微漏日色條風徐至裴回而披薄有聲起於纖末如瓶笙吟如澗泉咽怡神澹志殆難爲狀

松吹題詠

俯視林影參差久而後靜焉又嘗冬夜宿焦山松寥閣山之松之多且古不減西溪檻外下臨大江夜將分天風蓬蓬入林杪噴灑鼓怒龍鳴鼉吼猛雨激雷挾以迅濤幾欲卷禪榻而去起窺破窗明星磊落三五而後悻魄始定蓋予之好聽松於是極其趣也然未幾羈遊於城市汨之以譁囂喧卑之俗欲求向二境者獨坐嘿存曾不得其彷彿乃歎淵明貞白所好之專而余視之爲有媿矣夫杭君堇浦題其書堂曰松吹而實無一松豈有所託而云然歟堇浦學殖宏富著書滿家方今開延閣拓石渠以來文學士堇浦

起而獻聖主賢臣之頌歌中和樂職之詩鏗錡鏘洋聲滿宇宙若夫礪望之材淒疏之響此特山澤壘者藉以自娛而何足以留堇浦雖然無聲之樂謂之至樂無耳之聽謂之至聽好松而不能致余與堇浦同堇浦坐斯堂而據硯北齋心服形窮乎其若存嗒焉其若亾淵明貞白之風來自無何有之鄉固非予之所得而跋也姑應命記之雍正十三年閏月十有八日書于吳興月河寓舍

趙一清 誠夫 仁和

松吹題詠

堇浦先生度屋之東偏隙地數弓築而居之既成選妙手圖之合諸同好爲詩歌以落之丹牖不施絲竹不設朋儕晨夕前于後唱清籟徐響琅然中節默若有會聽若可樂此松吹之所以名堂也先生家食貧績學不倦三傳三禮疑義與析而尤長於論史於班范兩書有補注北齊書有疏證且於金源一代之制詳其人物紀其風土遺文佚事多所援據竊附於裴松之顏師古之流又將冥搜羣籍取新舊唐書考竟其是非得失而折衷於盡善亦復不子棄引予爲助徒以抱慙舛陋悅其意而卒莫之能助也今先生方上承

明詔哀對

大廷使得遂窺中祕之藏用展所學於其生平庶幾
無負若乃姓名通譽於中朝風標迥絕於流輩異日
者閉戶著書種松皆老撫磔何之節憩泉壑之陰飲
膏擢秀寄傲良時躋斯堂也鬱蟠偃蓋之祥其亦可
徵矣夫余姑記之以俟

詩詞

厲鶚

愛閒誰肯辭塵鞅司馬悔山悔已非閑世儻然滌煩
磯著書種竹皆十圍居士散髮兼散衣疏釵滿地開

松吹題詠

三

林扉羃翠蒙煙漏清暉須臾動影颯欲飛風馭適從
何處歸披薄織末無停機瓶笙幽咽泉語微此中默
喻埋不違聽匪緣耳悟者稀但將畫本付韋偃何事
談柄持張譏

金農 冬心 錢塘

雙松若偃蓋直上高不已萬卷同兼車壑之快可喜
夫君坐其下諷誦咀英華山中六月秋涼籟生齒牙

吳斯沼 五亭 歸安

塵埃野馬困鞚轡唯有松風無是非況披卷帙聽苔
磯百城環攻大合圍何人簪冠而芟衣爬梳古義開

為扉昱為巖電騰晨暉吟聲輒挾寒濤飛又疑緜笙
嶺半歸剖抉囊箭通元機其旨遠者其詞微補史亭
中論孰逢朱絲疏越知者稀豈須游夏不能贊早免
曹鄩皆無譏

朱振祖 香齋 秀水

庭前樹雙松枝榦見蟠曲日長清風來謾謾獻茅屋
幽人坐此閒擁書謝塵俗松聲與書聲悠揚自相續
樂哉志不渝德音播空谷

施安 竹田 仁和

漠漠春江嵐娟媚松林兩大類澗谷居先生著書處

松吹題詠

四

秋雪凝盆池寒冰雕肝腑七略與三經商榷心獨苦
手披金石奇身逐上下古紛然操觚家典籍見樽俎
我愧椎魯資媚學廢清晤何時叩門帷叫嘯破昏霧
陋室呈笙竽明堂考鐘鼓蕭蕭青雲根百尺乃見許
濤聲落空檐花香滿山路結茆僅一尺髻鬢如相顧
邱壑在冥搜風塵絕遐慕冷然吟夕陽清風吹一縷

周長發 石帆 會稽

菲堂結山椒窳窳得幽趣坐對兩蒼髯寒濤瀉老樹
中有磊落人手欲撥雲霧著書住煙岑破屋窺飢鼠
秋影澹疏林涼颼寂人語清曠生道心澹泊開遐悟

琴筑在礪泉笙簧出風雨萬物嗟聽登繡塵滿歧路
何如入深山朗抱足千古掩卷一笑粲醉捉松枝舞

徐秉仁 茗風

風拗松枝掃短簷蕭蕭清籟落牙籤幽人更洗雙荷
葉靜聽難聲雨後添

吳修道 子謙 山陰

一片松風落空山思更清微分澗泉響遠逐海濤生
併人書籤潤初聞鶴夢驚蕭疏庭院好弘景最含情

王霖 雨楓 仁和

五聲令人聾五色令人盲朱絃而疏越遺響一何長

松吹題詠

五

至人不聽笙六籍爲笙簧結茆臨眾壑繞階玉瑋瑋
兩鬢蔭其上古榦摩青蒼微風動鱗鬣戛擊鳴鏗鏘
之子方雅誦應節諧清商無言領其妙嗒焉若坐忘
但恨少知音此意墮渺茫余亦慕希夷相思輒褰裳
煩君捉松枝一罄夙所藏洗淨笙笛耳高談聆羲皇

吳晨 曉門 錢塘

許生畫筆超凡躐南宗北宗論是非展卷如見涪州

磯陳子昂讀書處清溪繞戶松成圍中有一士薜荔衣把卷

雜誦聲徹扉襟期曖曖明朝暉山風忽吹松花飛磨

丹漬墨探指歸動靜相半衡者機披羅精粹通元微

經術經世兩不違空山領略世已稀他日瀛洲我國
畫詎使列壑相譏議

陸奎勳 坡星 平湖

經樓兀坐愛松風滌盡遊塵半點紅見說讀書難字
過韓豪杜聖合爭雄

餘杭學識世無雙健筆能將九鼎扛擬向秋宵話明

月驚濤驀地撼虛窗

查祥 藪齋 海甯

結屋自何年清泉白石邊書聲傳戶外松韻落窗前
汲古乏同調探幽契夙緣願尋投足處展卷隔蒼煙

松吹題詠

六

周大樞 元木 山陰

峩峩湖江濤怒起人在空山春雨裏倚窗軒鶴天際
鳴一片清音發妙理華陽居士刷茯苓日日天風浣
仙耳豈無絲吹蕩人心二月明湖沸桃李草堂溉餘
足疏籬白雲一丸封不啟卓犖時還讀我書嗒然稿
木確枯几莊周蝴蝶蝶莊周明月蕭蕭照流水

沈德潛 確士 長洲

長松蓋亭亭寒流瀉泠泠天籟和地籟幽響聚巖局

興到人籟發琅琅誦遺經割腴輕蒨魄投奇棄芻靈

緬懷黃與炎尙友三萬齡至聽不在耳心得能通冥

儻逢倚松問蟠蟠疑負苓

諸錦 襄七 秀水

松風獵獵翻濤江中有國士侑無雙萬斛湧出若懸
甕高枝扶疏齊斬椿野王逋翁兩寂寞縱橫石墨爭
紛厖抉經執聖棄糟粕莫使自節輕鄉邦

胡天游 稚威 山陰

草堂數椽壓西蜀手豢兩龍爭蛻腹樹根脫帽時讀
書露淨山空秋謾謾胸蟠風雨鬱千仞併散江濤喧
萬斛尚須不作五雲吏何事還堪八州督我生寂寞
尤自笑那解豨膏轉方轂後軒前輕念疇昔詎有壯

松吹題詠

七

懷憐曳尾唯應居士對華陽一枕高樓夢清熟牀頭
老易脫復看袖底煙颺涼滿掬山南山北徧來往掃
石牽蘿曾未卜暫將崖壑問許偃故看斯人在幽谷
瘦狂恒笑沈昭略深拔方嗤王簡穆相從竟欲到歲
寒靄靄眉須生翠綠一庭落葉森斷箭百尺飛流漾
晴穀窗虛香滿葵更明月午土肪饑可劇他時禦寇
乘風來松下叩門應不速

沈甲 桐破 仁和

秋山骨何瘦一路之字盤蒼髯當戶牖晝寂羅古歡
上牀排完善下牀堆缺殘城城煙靄中韻出青林端

愛茲遠市譁矧其嘉木攢尋聲落清響躑躅徒旁觀

沈岑 崎公 錢塘

松頂蒼濤海風颺飛泉丁當答空谷半橋龍影香蒙
濛夕靄橫林開畫幅伊人卜築臨清炯曲曲斜斜花
繞屋茶煙一簇捲湘簾滴露研朱抱經讀書巢枕籍
等身富吟社歌呼叉手速室延佳士五千卷座折諸
儒三萬軸有時含毫心萬仞車馬敲門若睡熟有時
金石出音聲孤邨風雨搖窗竹有時隸事新且多彩
筆滿堂醴賞獨有時夜話尋山僧天眼已作台司目
徑路無媒掩兩扉文章有神傳九牧三浴三薰傾鉅

松吹題詠

八

公一談一詠驚尊宿氣凌細草壓干槐只共蒼官數
寒燠
文思天子要宏辭天網乾羅匝地思
詔下大臣公聽採為天啟齒舉所知士不求公公求
士蕭然松下方哦詩孝廉聞一竟知十出手一試先
探驪朱衣引上淡墨榜鶴鳴雞樹離茅茨真學士宜
宣室召行祕書合甘泉隨水北水南人盡去草堂一
蹙三清路松蓋蟠為徵士祥洪邁與弟道遵讀書白
茅山有松二株結毳蓋
既而兄弟舉博學棟雲飛作人間樹蕙帳空兮莫謾
宏詞木之祥也
嘲竹筒喘者徒勞如誰家跌坐佛隨成幾個吹簫仙

便度雪天螢席三十年容易抽毫邀對御人言捷徑
在終南不見匡山讀書處

楊知 詩仲 錢塘

小隱不須隱朝市山栖一區早料理雨株松樹當戶
生微送風音清滿耳午夜思移瘦木牀凌晨坐隱鳥
皮几狂飈忽撼老龍鱗謾謾如逢李元禮蒼髯翠鬣
紛披昌堅節勁枝鳴不已上巢名鶴難穩棲下眠白
大還驚起託根雖未歷千年飄馥非惟過十里萬壑
無聲遠相答孤韻騷騷落澗水披圖今日見靜幽未
必聞人足音喜當年弘景愛松風聽響欣然差可比

松吹題詠

九

周二學 幼聞 仁和

因樹偏宜補史亭吟哦雅不負山靈寒空謾謾分清
響何似笙簧隔水聽

嗜好無他一意書兩緝蒼翠護幽居門奇正訝斷溪
口忽併清風度碧虛

朱樟 鹿田 錢塘

謾謾林梢晚吹生屏山昨夜雨初晴不須聽到溪迴
處隔水笙簧無此聲

翠崖岡外夕涼生才得清風便不晴一派寒潮落枯
磣轉疑秋水是煩聲

吟盡谿風晚趣生茶煙澹颺總宜晴他年若許同虛
籟只答相思磬一聲

潘安禮 立夫 南城

蕭森圖畫朝川如三徑蒼蒼五畝居瘦蓋孤吟秋澗
合寒缸偶影夜窗虛鷺歸蓬閣塵常隔鶴慣煙扇夢
未疏他日青山期一啜紗巾藜杖許相如

鄧士錦 太初 肝水

小築青岑下松濤疑駐空校書秋影碧搔鬢夜缸紅
鶴唳此宵月龍吟何處風不須題樹品謾謾玉堂東
直閣從容後風泉愜素心遠煙寒食雨細股畫橋陰

松吹題詠

十

樂慮蠲塵景冥搜得賞音芭籬長不掩道氣滿沖襟

黃琛 西清 錢塘

先生閉門在媚學十年著書軒兩眉筆頭辛苦失寒
暑耳根寂靜栖山茨小園徑僻草幽長雙松樹古風
閒吹他日相訪恐不暇竭來兼讀無聲詩

符之恆 聖幾 錢塘

小齋寂寂小窗晴日午篆煙清無人爲語孤淒韻風
前樹自寫商聲纔見花飄烏帽微聞子落秋杵 著
書閒伴歲崢嶸揮塵好題評晝眠我慣尋三徑憑誰
畫凌影青青記取沈冥香霧夜涼和月吹笙 詞寄風

入松

孫灝 虛船 錢塘

虛堂滌耳來清聲勝以松吹之嘉名畢宏韋偃復好事放筆謾謾寒濤生一別林園向塵土松花細落香無主鷺溪尺幅鎮隨身乍拂蒼髯走風雨君才礪研千丈松勿施大厦將安從明堂清廟盛鼓吹坐拊琴瑟羅鐘鏞中和樂職須大手賡唱雅頌聲雍容科頭清籟聽雖好夫子未是矚仙蹤三層樓上吹笙容松風寄謝陶貞白庭前一樹憶森森舊圍量去今幾尋

沈樹本 厚餘 歸安

松吹題詠

十一

孫楚庭中聳榦長森森直上五雲旁笑他陶令門前柳弱質先零杆自傷
華陽古洞倚天高最愛風來沸海濤更向三層樓上聽怡神何用奏笙璫

沈榮仁 勉士 歸安

老餘蕭森閱歲年摩空清籟徹諸天操琴至竟嫌凡響好借先生賦裏傳

長吉詩殿前作賦聲摩空

著書閉戶絕塵翳咫尺丹臺路不遙想見朝陽在高頂一聲鳴和鶴冲霄

閔華 蓮峯 江都

幽人手植青松樹楚楚森森殊可憐一霎微風過亭角秋林如瀉七條絃

百千萬卷盈湘帙一十二時常雨聲想得清陰劇棋候吹來松粉落紋枰

王藻 梅泚 吳江

雙松長十尋下覆一茆屋月來松欲移雨過松若沐松子因風飛松羔滿林谷無風窗亦鳴清籟勝絲竹松門讀書者嗜松已成酷攜琴松下彈抱被松下宿夜夢不離松蒼然生其腹楊君寫作圖尺頁看不足安得趙大年更掃三丈幅

松吹題詠

十二

秦勇均 杜川 金匱

蒼翠扶蘇映碧山清風幽韻隔塵寰知君抱膝行吟處常倚剡枝太古斑

著書久伴老龍鱗奉

詔新看侍

紫宸閣徧上林花爛漫題詩還憶故園春

商盤 寶意 會稽

翰林愛松如愛龍以松名堂無一松直疑象外得蒼翠忽覺耳邊聞鼓鐘有生有枯雙管畫若遠若近三茆峰承明入直不歸去坐隔白雲千萬重

萬光泰 柘坡 秀水

江上彈玉琴山中拾翠草美人在虛堂遙夢清以窈
開軒落月微啟牖流煙皎清風遠相聞知君愜幽抱

金虞 長孺 錢塘

青松惜別草堂春偶吹原非竊吹人放筆寫成雙直
幹不知風雨在龍鱗

潘汝龍 健君 吳江

杭君落筆風雨奔長身玉立如松蹲飢腸萬卷互撐
拄突兀欲作千龍鱗天公憐其太岑寂卻借蒼髯伴
吟客虛堂颯颯燈熒熒笑煮松肪蒸松節三鬣五鬣

松吹題詠

三

枝參差草屋彷彿如瀼西林援歛下積翠暝海鶴欲
止圓陰低幾年遠游歷閩越逸氣雄姿自披拂可憐
楚楚終何施摩娑長友支離物我昨讀書湖上峰山
前植立蒼精龍空林雪滿寺鐘歇長風戛戛來絲桐
一從覽壘向塵土卻對此圖起遐慕黛色疑含太古
雲濤聲欲落干林雨君今奉

詔詣

帝京便結飛佩趨承明江流北固悠悠去憶爾青松

白雲處

徐以升 恕齋 德清

喬柯落落挺千尋
奏秋濤萬派和龍吟

種樹善師坡老法
積書雅擅鄴侯才
他年願作就鈔

客可許松風院裏來

張棟 鴻勳 震澤

自笑一生惟拓落
豈知蓬島有神仙
道心原向靜中
得俗慮應從物外
禪不見松梢巢野
鶴恍疑枕畔過
流泉日斜玉署歸
來後好共清風作
醉眠

讀君畫幅識君心
結構還依松樹林
時見白雲生戶

牖幾邀仙吹拂衣
襟固知此地夢魂
好獨自坐來詩

松吹題詠

十四

味深他日煙霞同
攬結西湖一棹好
相尋

劉玉麟 蘇村 荷澤

世人聽松聽以耳
吹既起時諸法起
若使無松吹亦
滅華陽達者尚如
此吾友獨自會心
人萬壑松濤惟
意使欲覓天籟無
端倪圖作書堂聊
爾爾山頭老屋
吹欲去主吹非風
亦非樹反疑吹從
圖上來入手入
眼皆吹處我有松
吹圖不得眾竅為
虛常默默何當
從君事冥討此圖
可成亦可掃

薄海 沐波 雁門

寄意松吹山之隅
乘興遣寫書堂圖
濤聲破夢鐵骨

冷偃蓋林立拱潛夫大儒讀書樂幽寂亭亭蔽映松
雙株造物爲君鼓天籟知音靜聽蒼髯呼中有柴門
通茆屋恍疑仙景來蓬壺逢時喜作棟梁選喬柯成
龍騰雲衢凌霄謾謾拂青翠松溪想像勞形模楊白
沙眞吾徒雲煙落紙何扶疏君今綵筆直臺閣澹泊
還似畫中無索題老史發深省此中警悟其余乎此
中警悟其余乎

胡期頤 紫華 樂全

鬱鬱兩高松盤空作風雨下有澹岩人倚松聊結字
清吟和幽韻嫋嫋音如縷有時發長嘯九天鸞鳳舉

松吹題詠

十五

有琴不須彈有瑟不須鼓祇此松籟鳴希聲追太古
歲寒君子交舍此更誰伍

金焜 赤泉 錢塘

因樹成幽築縑繡繞榻皆松風滿清聽終日坐來佳
帙啟黏香粉簾疏綴落釵一編勤補緝尙論到盤媧
庭有松堪撫家留硯可耕先生無外慕

天子正延英啟戶徵書至攜圖別緒縈看君入清祕
夢斷草堂聲

胡期恆 復齋 樂全

傍水依山絕四鄰翛然茆屋淨無塵可知今日蓬瀛

客原是華陽洞裏人

桃李成蹊滿綠陰先生堅守歲寒心回看眾竅爲虛
日只許青音和舜琴

陸培 南香 平湖

老幹撐雲圓陰漏日傍廬幽絕雙松深護篔簹分明
隔了埃紅冷泠入夜生虛籟甚溪梅徑竹堪同颯山
風響和鳴泉韻通焦桐 攤書認得圖中客約千年
往事歷歷蟠胸珥筆清華草堂從此苔封幼輿邱壑
情猶繫夢梢頭鶴語惺忪只憐儂讀盡沈吟未浣塵
容 調寄高陽臺

松吹題詠

十六

張映斗 雪子 烏程

南山舊識青松樹吹落雲濤三徑中應笑無聲聞草
木也叨二十四番風

吟聲久與鶴聲對聳壑昂霄兩絕羣畫稿底須溫昔
夢直將眞果證聲聞

汪上樽 舜陶 秀水

十年小築傍山居一片濤聲動四虛閒捲湘簾看翠
色松花飛落半牀書

幾樹支離畫裏形早驚千尺破蒼冥他年爲我開三
徑共向松根採茯苓

汪祚 菊田

松風流澗復迴蹊小構軒窗絕俗壁忽憶校書天際

遠為君續筆寫紅梨李義山詩無限
紅梨憶校書

別墅松溪舊有名余邨居里名松
溪別墅在焉亂山青處擁書城

十年不讀吾何悔歸檢南華老此生

符曾 幼魯 錢塘

松風若流水為君奏無絃此音自太古乃在琴之先

時時聞清響非指非絃焉以此知元理妙悟歸聖賢

舍彼糟粕遺大道師自然讀書求甚解何異尋魚筌

試觀風與松可以參其天松自本無聲因風忽以宣

松吹題詠

七

聲亦本非松因聽忽以傳喧寂兩不聞吾又何所言

王洛 中澗 桐城

古巷藪稀下直餘虛窗塵絕舊山如幽人自愛中條

管領取高閒好著書

松雖艾納清盈袖髮几芸囊靜有緣取義何須公配

木不殊臭味總宜仙

翟顥 晴江 仁和

我昔常登萬松嶺松陰滿徑翠可踏於菟夜嘯白日

寒長風一鼓四山匝雷霆破津走青天勢挾髯龍恣

笥礪軒窗戛戛恍動搖攬衣起恐傾木榻曉來風定

出山去餘音宛向耳邊颯息心燕坐時一追笙竽尙

覺奏房闔是知太虛原寂寥人官自與心相答杭君

於此得真筌盈空萬籟一襟納堂開松吹無一松錫

名石匾鏤灰蛤設心幽獨地亦偏羣動交喧耳不雜

清境已憑意想成繪聲妙手還意合枝枝葉葉任手

生無枝葉處皆闐闐窗展玩紙盡寒懶使天機鼓

闐鞞紅塵退掃十丈餘人閒世難較伏臘消受清涼

坐滑苔鬚絲日日爽烏匱何時許我過相從琴材三

尺酒百榼

顧于觀 涪陸 興化

松吹題詠

六

燕地碌碌多車塵書堂風來愁煞人視席拂拭仍陳

陳開卷瀾暗褫吾神披圖豁然雙眼新耳畔謾謾清

且真今夕何夕余何身已在江南之東津石氣青潤

骨嶙峋花香瑣細苔痕勻杭伸據案清心馴遠抱獨

欲程先民柴門不閉遲嘉賓被俗者子越與秦松濤

作意酬唵呻虛無清籟通天人松獨有耦人無鄰我

欲從之數夕晨飢餐蠹簡渴飲醅醉抱松影眠花茵

日夜風吹不厭頻翔塵何自沾烏巾

張漢 月槎 石屏

貞白起為官松風夢故在仙人寄塵中流風自瀟瀟

亦有杭州杭家馬古松旁松與讀聲亂逸響雜清商
我不知因堂置松因松置堂得松如此其專也閉戶
先生如陟岡松煙和墨寫松真料應無筆寫松聲愛
松如此其甚矣松從聲外動君聽我家最多松數有
哦松句復起爲名驅不忍推松去感君有同聲昨夜
夢松樹

申甫 笏山 江都

松下茆齋結構佳亂書圍裏作生涯無端一陣風濤
起錯認山僮爲煮茶

開編獨與古人對閉戶曾無俗客臨此是讀書真趣

松吹題詠

九

味滿庭松影淡秋陰

符元嘉 樹谷 錢塘

先生抱微尚嗜古領異致俯仰揖周孔至道悉呈闕
時有松風來灑然落清吹聲非金石奏妙想託遙寄
俗學味喧虺如飲日沈醉我將把一卷相從析疑義

金德瑛 檢門 仁和

吹萬故不聞松聲最清曠幽如澗泉激鳴比江濤壯
青林白日聞天籟自酬唱吳山千萬株翠色浮丹嶂
彷彿夢龍吟迴出霄漢上誰知我友居適與煙霞旁
結交蒼髯交俯仰相揖讓海風披山庭偃蓋力能抗

謾謾落空中聽之心神王披圖想高寄觀物愜微尚
期君譜正音淫哇定可放

沈廷芳 椒園 仁和

誰將一幅蔡侯紙爲仿韋家小筆工紅紫紛紛那在
眼屋檐約取兩青蔥

清齋折葵王右丞吹笙樓上陶通明幽人更愛芟作

筆使司空閉戶著書聞籟聲

愛爾長依五大夫也勝花窟占明湖異時鈴索聲中

夢朝隱還尋舊畫圖 時堇浦應制科

擬返鄉園住隔牆歲寒有約過書堂對君兼對支離

松吹題詠

十

交我願身爲白鳳皇

潘啟賢 築巖

剝啄來過松下居翛然人在小匡廬荆扉竹徑朝延
客雨簾風燈夜校書靜聽泉聲當枕落閒看翠影拂
窗疏深情直似陶貞白解帶臨風任卷舒

陳皋 對瀨 錢塘

避賢塵幽居半畝蒼髯時與爲侶著書不問龍鱗老
歲月暗中閒數春欲暮任粉陣崩花吹落吟牀住涼
颯乍鼓正一徑天簣四圍溪瀨不辨響來處 頻年
趣遙憶清陰如幕晴牕披映鉛素幾番喚起功名夢

未許苔根扇戶君莫慮況有歲寒留取爲盟主歸來
漫撫看翠粒參雲虬枝拂地相對爲君舞調寄摸魚
兒

趙大鯨學齋 二册

連朝暑雨書堂靜沿階積潤生苔錢吟唔手卷不忍
釋畫長吟置聞鳴蟬披圖忽見讀書處雙松夾立何
蒼然龍吟迭奏落空雪清響謾謾鳴秋泉此中曾有
金石樂太古以上羲皇前耽書不計喧與寂妙蘊所
契忘言筌涼風拂牖開素帙明月浸影娛清漣隨身
卷軸富辭理焚膏繼晷眞忘年知音一旦契天籟鸞

松吹題詠

王

嘯欲振蓬瀛仙由來汲古得高價文采遠耀湖山巔
故鄉清景時入夢畫圖掩露紛參天我愛西湖九里
松白雲遙望思縣縣君今校書入天祿槐龍舞翠清
畫便回首書堂掩策處松風清聽堪醉眠何當馳書
報巖壑一奏流水高山篇

李重華君實 吳江

湖山勝處有詩翁萬卷攜隨萬壑松近以才華供吐
鳳價將談笑和聽龍氣凌仙掌排雲幹意在峨眉積
雪峰我亦善聞天籟者吹笙樓畔幾時逢

施念曾得仍

松風吹屋角謾謾來清曠繞屋帶平岡激流激迴浪
廓然塵境空緬爾太虛廣中有讀書人自在羲皇上
萬卷羅胸中從來鄙章句白赴鶴書徵早接鸞坡步
蕭灑諳風期不易煙霞素展卷憶山居松聲覺在樹

陳章竹町 錢塘

草堂在何許地靜遠塵雜蒼然兩高松渾身長艾納
迴颺振古柯溪流寒霽書又疑笙簧起頻與書聲答
老槐仲文庭修梧元鎮閣非無清涼陰難歷冰雪臘
主人留玉堂橫枝檐際合春來有夢無松花滿石榻

張鵬神南華 嘉定

松吹題詠

王

連朝風惡塵生昔長日攤書唯引睡忽聞剝啄夢初
醒倒屣欣看故人至素心幸得數晨夕握手無言笑
相視披圖示我讀書堂彷彿松風動清吹千間廣廈
在胸懷萬卷圖書窮奧祕江干老屋坐伊唔濤籟虛
窗撲空翠昨朝偶見所著書研辨石經稱考異豈惟
高識陋箋疏直剖微茫證分隸典故千年等列眉縱
橫萬里如游肆三篋眞能誌不遺五車詎以多爲累
卽今眞作行祕書孰敢輕嘲五經笥平生讀書不求
解漫託古人通大意忝將年輩謬推先博奧似君誠
可畏世兒談笑束高閣雲霧茫然眼增刺經生帖括

守一編頭白粉如自慙
志鶴天虎觀得君來爲我藝
林張赤幟松風舊夢漫重溫
日影花軛當別識樵蘇
不爨恣清談陋室斜暉餘
蠹字窮經豈獨抱叢殘
妮古共期無失墜興來燒燭
一題辭聊當移書誌同志
汪臺 復園 仁和

帝京從今後論思

名滿 金殿大展生平 當時虛籟同聽歎
轉眼升沈仕與

松吹題詠

圭

耕料泉石煙霞卿還念我早朝
宴罷我亦憐卿宦海
無邊抽身休晚十載期歸衣錦
城應相訪書堂無恙
重許陶情 調寄沁園春

王太岳 芥子 定興

人間競萬吹大雅見斯堂有樹
琤琮奏慨慷有人譚
笑凌羲皇我欲從之天一方披
圖玉電開雷岷涼雲
帶響走瀟湘白日卻阻清颺
颺茯苓無人刷雲腴鬱
鬱千載香化爲山中之老仙對
語風前鬚鬢蒼蒼指揮
丁甲交旗槍膠龍鬪珠花崩豁
白鳳叫閣天阻長鈞
天樂部一十二近缺一部無清
商况乃元聲久渺茫

此聲在人人不識墜地紛爲泉
壑擾誰與廉勁其嗣
微幽吟淡吹相低昂引宮度角
一椎激在地在天殊
未央

潘汝誠 立人 吳江

杭君結屋臨江泉三重
茆捲秋風號日夕潮聲怒未
已遠空謾謾來寒濤楚楚可
憐松樹子削鐵摩霄有
如此綠蓋閒吹一片雲去灑
人間無數雨

范志鎮 次岳

翠蓋玲瓏小窗曾伴哦秋句
一庭風雨月在高高樹
夢裏移根還傍吟邊住情何
許好將幽緒添寫琴

松吹題詠

圭

絲去 調寄點絳脣

德齡 松如

天籟寂無聲地籟號眾竅吹
萬有不同洩盡無聲妙
倚彼雲端松時和蘇門嘯風
濤乍作止聲聞通至道
嗒然隱几仙于焉得深造非
寂亦非喧心聽領其要
爰築讀書堂示人以聞與此
堂不遠人門外誰能到

程志鑰 魚門 岑川

天風萬里來盤吹古松杪
雌鸞鳳鳴嘈雜笙簧繞
書堂倚松根有客坐聳肩
時還讀故書金石聲淵淵
人無聽松心松無媚人意
唱于復唱唱吹萬其一氣

眾木響皆柔老蒼聲獨直崢嶸烈士腸于此益可識

陳滋 玉池 武進

韻致偏瀟灑向林泉研朱滴露十年晝夜茅屋數椽
容習靜位置天然幽雅看檻外虬松低亞一抹秋煙
縈晚翠吼清風長伴高吟者當此境真無價 棲棲
眼底殊堪詫誰只是丹鉛甲乙牙籤滿架鼓吹休明
端有此不獨陽春和寡曾記取凌雲賦罷茗椀爐香
山色裏比攜琴度曲寒濤下今與古皆仙也 調寄金
縷曲

萬承蒼 字兆 南昌

松吹題詠

三

結宇萬峯下讀書松樹林青霄排直幹白雪抱貞心
隱挾虬龍勢如聞鸞鳳音塵颺吹不到拔地已千尋

胡睿烈 吳齋

結茅青松根松老作涼吹坐久聞笙簧明月在天際
虛牖散清陰靈籟託微議悠哉素心人著書忘年歲

胡國楨 鏡舫

縹緲魏闕下江湖興逸寄誰謂京華賢邱壑能遽廢
吳山鬱蒼蒼胥濤日夜厲排頭萬虬鬚倒浸西湖翠
中有一畝宮學士絃歌地庀材聊樸斲斷手稍塗墍
列植惟青松楚楚憐佳致漸看龍鱗生已作凌雲勢

鷓鴣或晨唵元鶴每宵唳霑霜玉瓏瓏漏月金瑣碎

長風一以撓靈響飄然至鉅若鯨波翻小亦蚓鼎沸
調刁作無時于喞唱相遞散快搖沈陰撫琴答微籟
聽之欲忘倦往往清不寐學士佩飛霞御風來謁帝
烟爛瞻棟雲鏘鏘聞風吹念結舊山阿卓立千人教
草堂合蒼苔寒歲姿自媚呼入畢宏圖涼颺恍搖曳
坐披蓬觀書歌酬大塊噫理存象已忘神往境斯會
北院一鈴風海棠雙鵲戲借問華陽何如玉堂祕

姚範 南菊 桐城

傳柑節過樽壘空閉門三日號春風紙閣坐愁羸

松吹題詠

三

曲十指齋箱僵寒蟲出門試望東華路車塵十丈何
由通歸來卻理殘編簾自笑樓我蔀家屋硯花未泮
冰池頑管城詎可三薰沐何來煙颺橫短幅孤茅隱
見蕙笏緘疏叙滿徑日絲微竹素倒映鬚眉綠誰與
兀坐華陽居磨丹漬墨看豕烏人生懽興詎有幾仰
面屋梁愁著書令人東望增長吁我稍自省干時迂
角觴歲月爭蟬魚一椽縛置岩巒隅其間雜樹楓楠
楮七星五鬣章百餘茯苓化大鳴躍躍白日不到跳
鼉鼉禽聲上下歌嘯孤中有愚者山澤癩失計一墮
長安衛猿鶴夢冷松竹蕪阿誰曾收保遜燭道上跛

笑昌圖驢按陽燃桂不堪煮長日邊腹空摩撫枉向
樽前辨壘齧浪與時賢分虎鼠從知篋扇負王摛當
年麻炬欺法武曲江翰林鬱龍文抽思祕籍吐皇墳
囊橐文雅馳英羣陳說潰剝披亂耗螭坳載筆看日
曠松風猶戀舊時聞畫圖彷彿蒼髯君前經舊史丹
鉛勻御六衷聖綜放紛我生愛接揚子雲問字頗思
中壘歆松枝折塵談紛綸他時不速來殷殷

金文滔 質甫 錢塘

上帝高居何所喜生物四時鳴不已秋蟲春鳥寂復
喧披拂餘首到花蕊又恐草木多柔情揣色摩聲笑

松吹題詠

毛

桃李何年詔遣雙青龍飛落君家茅屋裏鬚髯拔地
二千尺鱗爪擎空三十里皮皴肉剝不敢捫萬竅怒
號聲忽起長空似捲秋江濤半夜如翻大海水森森
六時寒激骨冷冷七絃清入髓詩人得飽便嘲弄雕
刻萬象時隱几忽聞此聲神爲王開堂改築成基址
弘景蕭條院落偏嵇康倔強形骸似有時得句互酬
答人語松音同一旨阿誰妙手繼韋畢十笏蕭齋圖
畫史諸公文采鬪富麗獅子嘖申聽滿紙展觀恍恍坐
三層樓淨洗間根利牙齒我才薄劣蒼蠅鳴鼓劫搖
昏不知止緣知帝欲長吟哦松與吾曹俱職此詩成

寒日照空庭謾謾長風正盈耳

李龍官 渭英 甯都

蓬萊海水磨青銅松花馥馥鬱菁蔥蕭森入室奏春
風笙簧不隔響瓊瓏中有仙人以青童刻削造化爭
天工收拾香草譜魚蟲二酉五丁紛錯巖塔然天籟
其和冲高才不讓蘇長公誰與比君鄭小同時清甯
許老牆東上林相如甘泉雄多文爲富等身崇卻憶
故廬風雪中不忘蒼髯五鬣翁盈盈一水沮臙臙勞
心不見憂仲仲開圖彷彿霧濛濛結巢止羨雙飛鴻
秋盡江南繞丹楓驅馳滕六走豐隆俯視凡卉眼底

松吹題詠

天

空礪何偃仰聳龍從逋梅猷竹臭味通相對卻疑信
與回憶我南窗一畝宮四樟百竹菊成叢別來五度
桃花紅夢絮飄飄逐征篷倩誰爲寫小簾攏待月清
暉漏綠桐相與把酒吸荷筒還君此圖心如烘雲山
萬壘思崆峒攜辭早已媿嚴終歲寒碣石難執犢但
願長侍兩高峰茯苓采采無時窮

馬位 思山 武功

先生自入明光宮故山無主書堂空庭前手種蒼松
樹鱗甲之而溜煙雨著書閉戶書已成幾年不聽風
濤聲老後拾子鶴警宿春來花開墮香綠思之不見

倩畫傳臥遊撫卷心茫然
濠洲時時耿清夢輒御天
風曉相送覺來依舊京塵紅
如鳥羈縲歸樊籠狂生
含毫作詩苦白雲隔我香茆宇
先生欲聞松吹乎此
聲除卻書堂無

查學禮 茶垞 海甯

長松高百尺位置宜空山
幽人悅松色揖之堂廡間
曉雨潔蒼雲臨階擁膝坐
微風吹其巔珠玉生欬唾
眾籟本闕寂有耳斯有聲
聽者自喧靜孰謂松能鳴
回首閱羣書交錯若梳櫛
朱墨燦兩行時見注與乙
邀朋析疑義對客揚高詞
名教有樂地何羨金紫爲

松吹題詠

无

拋卷踞松陰松與人共語
誰能寫此聲嗶嗶入鐘呂

趙青藜 然乙 涇縣

余家本深山種樹日娛樂
樹老龍鱗成清姿迴寥廓
驅車踰淮泗長揖謝邱壑
一別十餘年不見虬龍錯
披圖詠松吹瀟灑憶如昨
當其明月上繼以清風作
幽人箕踞坐開襟引杯酌
客來一局碁聲敲破羈絡
送奏無煩響知音不更索
何必非羲皇啟戶橫野鶴
蔣和甯 山亭 陽湖

古聞著書人松作龍鱗老
相與無相與意在不言表
乾坤兩茅舍 遺山 小築青松下
心遠澹無爲冷然聞

清籟

人生苦鹿鹿陶寫在絲竹
何如此笙簧物外天然曲
六籍爲琴箏和之而成聲
疏陰漏涼月笙鶴遙天鳴
有客言過從北窗共企脚
謾讓五粒風微聞棋于落

于振 鶴泉 金壇

堇浦築草堂蓋頭茅一把
圖中兩松樹實無一松者
無松吹亦虛吹虛讀亦假
詩書本糟粕下士競搗搗
何異棄元珠而往拾土苴
堇浦善讀書萬物任陶冶
而實無一物觸境水銀瀉
茲圖特寄託命意甚瀟灑
而我不知書清景費難寫
徒讀諸公詩想像見松厦

松吹題詠

三

濤聲喧耳觀清吹入簾
罽倣詭非一體咄咄但驚詫
自慚朽兀姿恐遭識者罵
雖然毋乃稱貧兒賊不打
曹學詩 以南

種得青蒼礙帽檐罡風碧
海掣長髯異書著後龍鱗
老仙籟吹醒客夢甜抱鄰
襟懷同峴強搔頭氣味共
幽恬祇今善畫無章偃誰
繪匹鞅看不厭
曾疑洗耳聽潺湲草屋藏
雲靜掩關扶杖客過聞急
雨鼓琴人正在空山參差
影帶斜陽亂斷續聲和鶴
喚還我憶軒皇天樂洞青
音未肯奏人間

王峻 次山 常熟

愛爾當年讀書處閒花不種種雙松三間老屋能容
膝萬卷陳編總貯胸盡日丹黃勤點勘有時清吹和
春容玉堂回首應難忘牆角蒼髯幾載從

又

杜老種四松愛護如小友崎嶇梓閭間念念不置口
豈無閒草木天豔非我耦君昔種雙松幾年伴左右
亭亭翠掃空謾謾風入牖託根一畝宮奚啻依二酉
牙籤三萬軸披拂絕纖垢有時海濤音靜和虬龍吼
自登鸞坡來憶爾屢回首傳以章偃筆補以營邱手
結習未盡除索題到粗醜自慚懶讀書廿載事奔走

松吹題詠

三

君才真武庫腹笥無不有平生所披閱辨析雍良莠
時或奏英韶天籟發深叩卽今館閣中如星有北斗
書堂舊松林藤蔓恐纏糾風雨每相思猿鶴爲君守
彼木雖後凋未若典墳壽願君勤著書金石志不朽

程茂 蕙江

天都四千仞不與眾峰齒邈然登蓮花脫屣杳溟滓
雲海綴波濤蛟龍鬱偃起裂石走長松蒼蒼橫未已
陟磴協幽期天風清入耳丹岷裊飛泉俯仰兼依倚
迴首緬靈蹤忽忽奄一紀風高半入雲梯空靡自始
何爲金華人高寄窮秋旻江山日已遠嵐光隱以寒

飛簷落湖月明波皓無端噉岫起層陰架壑獨柴關
濤吹日夜清松聲虛往還長嘯寄寥廓適意相與宣

松吹讀書堂題詠終

松吹題詠

三

小松吹讀書堂題詠

圖記

胡敬書農仁和

夫少陵已往草堂留浣花之名逋翁不歸山亭標放
鶴之處稽山之脩竹得右軍以傳灑溪之竄尊因沒
叟而著是以溯彭澤者延訪淵明之舊居經輞川者
流連摩詰之別墅而况履道之第琴尊尙留平泉之
園花木無恙乎小松吹堂者乃太史堇浦舊有是構
其從孫芑堃新爲之圖所以誦清芬紹前緒意至善
也爾乃蘭成垂暮才動鄉關騎省閒居怡泉石數

小松吹題詠

弓拓地半畝延秋結屋城東攤書硯北於以續方言
於揚子徵逸注於裴君選輯課虛史傳補缺鑿楹而
藏者連軸仰屋而著者等身時或道曩銷寒推襟送
抱則有戴笠扶筇之侶判花頌酒之徒就竹圍棋迎
風煮茗或則聯吟石鼎或則高唱銅提鉢少停催燭
留臍刻莫不宮商應律鑪錘在胸挾風雨於毫端走
龍蛇於腕底非讀萬卷身難入其門中但傳一篇紙
早貴於市上蓋斯堂之在當日其遭際亦云盛矣然
而驅馳萬里絕少家居落拓半生竟由道長蠻煙蠻
雨梅探庾嶺之春丹荔紅蕉波泛閩江之棹溯自歸

田而後暨乎送老以前其得偃息斯堂者正無幾爾
今者堂危燕去松老鱗生喬木猶存遺書已散嗟乎
小山仍時趙家之昆季不逢樊榭空傳厲氏之孫曾
何在思欲橋尋村塾齋訪瓶花而几上塵埋壁間詩
暗其室則是其人則非又奚獨斯堂爲藝苑之奧區
經騷人所寄跡而風流歇絕搖落生悲哉芑堃以遠
到之才挺後來之秀希蹤前哲流攬遺徽仿雅集以
成圖情迂倪而點筆行見通德之里復生小同述祖
之詩羣傳大謝摩挲舊澤須思一代之才難栽種成
陰莫笑十年之計拙

小松吹題詠

詩詞

陳焯 烏程

太史凌雲筆大科舉鴻博輕泛孝廉船上直石渠閣
往誦道古集味美溢漸鱗光輝韞山巖嚼啖出鐘鐃
文成法自立誰能越其護良由求志時含咀臍貧柏
嘗聞發慷慨拔劍向地斫魚頭有骨鯁秋高起雕鷲
遽爾返三浙終焉專一壑千尺老蒼髯甯教受束縛
書堂接松吹榭翁貌崖略久落好事家屠門恣大嚼
楚弓忽復得從孫信龍籜翻新作小圖總緣著棣萼
冬華盒中主妙筆今猶昨何讓宣城老濤聲定不惡

屬題媿無句聊用資寂寞無眠信口哦長夜雜寒析

湯錫蕃 畫人 仁和

古木寒巖伴一經知君有意紹前型世人未識吟哦苦只合支離叟共聽

竿瑟齊門事總虛不如天籟靜吹噓而今更進竿頭步任是無松也讀書

陸堯春 二雅 錢塘

家世儒名早屬君別成小築繼清芬風邊忽挾秋濤至天半遙疑廣樂聞鼓吹何人高兩部笙簧終古出三墳卻看指顧吟龍起墨海翻騰好策勳

小松吹題詠

查揆 梅史 海甯

三

道古堂荒紫苔鎖盧家病樹頽蓬顯蒼官僵立閱人代百年迅疾如飛笥豈惟難覓種松人畫裏雲煙亦塵埋君從何處返趙璧魚甲猶然存碩果書堂乃作小松吹滿地松花掩關坐君家太史行祕書詞賦聲名動江左建言歸去神武門丹墨校勘幾改火後來才調定何如應有薪傳如炙輠七松處士將毋同臥聽寒濤夜掀簸

黃模 書崖 錢塘

憶昔登桂堂靜不聞松吹欲參無隱禪但棘柯古事

回頭四十年前塵亦茫然不知繪風手吹入書聲圓書聲間松聲寒翠一天播嗣音喜不小更請爲其大

朱彭 青湖 錢塘

太史當年返初服仍攜萬卷歸田讀支離一樹倚茆堂百尺虬松頂先禿風來彷彿奏笙簧遙和書聲時謬謬曾煩妙手寫丹青松吹還從紙上聽此堂此樹足千古貌出先生心跡清自從零落山邱後雲煙變滅今何有憑誰呵護若有神畫圖復入裔孫手杭生頗好古卷軸時相親三間築吟屋亦復栽松筠謁我袖中出小幘乞題長句殊殷勤我思亢宗不在區區

小松吹題詠

四

松與堂要使腹笥羅縑細奇思湧現發光怪與酣落筆皆琳琅懸門知當壽奕世影纓會見登巖廊具此鴻詞歷儕輩家風不墜留餘芳道古老人倘復作定許吾說非荒唐

高樹程 適庵 錢塘

長松天矯覆精廬滿座清風萬卷書老幹綠釵侵徑路細花金糝上衣裾援琴靜寫朝陽澹把筆高吟夜月虛彷彿風流前輩在閒來指點任樵漁

趙之琛 次開 錢塘

繼先賢結箇茅堂小小生涯儘可徜徉松下披書風

前解帶月裏迎涼 伴夜讀青藜吐光倚春嬌紅袖
添香休負芸窗萬里鵬程從此高翔 調寄折桂令

黃士珣 薊泉 錢塘

琅然清圓綠陰琴 瞑嚼吟鎗鞞華鐘殷榻吾不知書
聲之與松聲兮抑天籟與人籟紛然而相答四山兮
同雲波溶溶兮遠聞君超超兮誰慕拈一瓣兮清芬

翁名濂 蓮叔 仁和

眞想締霞門 批棟等鷺務山房禪縛除松靄有餘慕
巽然緬前型湖山盛文賦陳孫抱旌旄接踵翹鴛鴦
堇浦太史與句山舅氏 飛樓五鳳高筆花九虬驚太
虛船先生齋名詞館

小松吹題詠

五

史皮裏書抉若天瓢注上書青簡標道古鴻詞鑄松
吹顏書堂養到合抱樹詎意金石文忽遭羽陵蠹遺
圖落人間青瓊幸如故步武有孫枝瓣香延一炷摹
繪先人心畫亦得精趣文讌憶胥山將軍開武庫吾
與雪舫交敢靳三舍遇有子復才名登轍猶拗怒吟
成石虎驚彈徹天驚怖進修靡窮期紅輪不暫駐披
冊作端言清芬一再泝 其野復得三松錢別
圖有堇浦先生題句

錢斌 次軒 仁和

喬喬數株松小小幾間屋謾謾吹長風有人展書讀
憶昔染柔翰前輩繪成幅撰述騁雄奇姓氏欽耆宿

歷今三十年過眼煙雲速前賢畏後生蘭桂萃華族
雅度愛高枝清芬願私淑門庭樂有餘得此亦稱福
盟誦道古堂詩文播芳馥珥筆繼家聲預藉榮名卜

邵瑛 桐南

人中仙愛木中仙孫綽齋前種幾年礪礪千尋終落
落貫通七略自便便橙花館集連城重松吹堂圖合
浦還好倩荆關分粉本瓣香早讓一家傳

萬松深處且棲潛擁几芸編信手拈千卷敢誇追小
西 性愛書山
中攜帶頗多三年贏得伴蒼髯清風勁質裔孫續
膾殘膏後學沾欲乞佳名慙炳燭效顰應笑有無

小松吹題詠

六

鹽

張樹穀 柳愚 仁和

宛委仙蹤閱瑯環福地虛何如此靜坐卓犖對羣書
松韻遙相答吟懷得自如四時蒼翠在長此伴幽居
窗前春草綠相對淡忘機載酒攜柑去吟風弄月歸
曠懷尋樂處古色透書幃珍重韶光好何勞悟昨非
羲皇高臥伴天籟靜遙空曉日纔垂脚層雲欲盪胸
千章清夏木一曲來薰風不學崔評事長哦對二松
秋意滿空山秋聲在樹間高人當此際樂意正相關
懷古自磊落尋詩獨往還牀頭短檠在夜讀倍清閒

木落水歸壑真吾得宛然紙窗竹屋裏茶鼎地爐邊
不負歲寒約況當少壯年由來有本性名節愈應堅
草堂新築就插架敵曹倉嗟我十年悔羨君三味長
古今在懷抱嬉笑亦文章會得箇中意象言已兩忘

沈亦然 梅村 仁和

君家老侍御松吹堂前讀書處人閒之書讀不足跨
鶴擲環洞天去松作龍鱗鶴未還此圖流落在人寰
因緣復入後嗣手再拜重仰當時顏松聲書聲疑是
紙中出朱圍墨圍想見筆底刪慨然勵志踵前武也
作新圖松映戶松香時和辟蠹芸松音不是攻心鼓

小松吹題詠

七

憑誰報與侍御知公家有孫能似祖

江鑑 石如 仁和

誰與娛青暉結茆青雲端堂前羅長松堂外延青山
清風入松來聲連澗水寒讀書故自佳容與於其閒
此中卽濠濮斯人得非仙芄野實清超緬焉希前賢
放眼望白日縱心游青天但有蒼髯叟而可與晤言
讓讓松吹發冷冷太古絃孤情自高潔謳歌有餘閒
何當與子偕高詠逍遙篇

裘春湛 萊雪

瑤厓凝翠下結宇谿南披圖硯北人靜日長山太古

天矯瘦松蟠曲百尺蚪枝一簾吟篋不厭當窗讀濤
聲怒卷碧雲濃壓巖屋 瞥見飛節之高蒼髯叟老
相伴鐙搖綠讓讓清風吹袂起定有傳書鳴鶴霞若
研朱柄如拂塵雅繼前賢躅森然和嶠棟梁應許殊
俗 調寄百字令

施紹武 石樵

太史著書地滿堂松吹生今君繼高躅早歲擅才名
下筆親風雅披圖憶老成如聞寒籟響颯颯有餘清

陳斌 策卿 海甯

醉鄉後人與飲酒道古後人還讀書文采風流此不

小松吹題詠

八

墜令予抱冊增躊躇昔日詞科多正色道古昌言尤
足惜長揖歸來書滿家松吹書堂瓊畫冊輝輝道古
之從孫文章歷碌常有神放圖作圖述名氏一家圖
史真傳薪徹廬一畝環桑柳耕田識字嗟長久眼前
畫手當與誰不堪老病呼奚九似君述古懷清芬余
將慷慨商生平誰向東湖圖老圃但逢牧也思君卿

小松吹讀書堂題詠終

隨園雅集

丙子季秋 蟬隱廬印行

園卷題詠



隨園雅集團題詠序

前人繪圖記事徵當代名流題詠梳作卷冊寶翰墨者重焉然一卷一冊易於燬失必錄以成書壽之梨棗則化一為千百乃可傳之久遠如宋存理鐵網珊瑚張丑清河書畫舫諸書所錄古人書畫題跋至夥求之今日原蹟已十無一存幸賴所錄以傳斯其例也向嘗見曹氏棟亭圖繪者數家題者數十家欲就之錄副匆促不果僅記其目每以為憾後現倦園圖並印行傳之此外藏有副本者有袁氏隨園雅集團及錢氏梅花溪圖詠而袁圖尤著名此本為秀水陸

題詠序

鏡手寫原圖已付劫灰僅存此傳錄之快不為刊布懼遂湮沒爰重為編定凡題詠在畫蹟概先詩文後後及詩文蓋如此則同界限較清今既刪除於前其後之年月每謂作者稱贊題詞均為劃除於存之仍附註詩文之後付諸手民棠稼沈歸愚袁春圃所題均言繪圖者為薛壽魚而袁志祖隨園頌記則謂為吳省曾志祖作頌記時圖卷久燬當是其記憶之誤惟頌記又謂題者有鄭板橋此本無之或卷有脫佚或失名之七古一首即為板橋作殊不可知又王述庵五古云隨園雅集團題者三十一句餘墜檐外與我盡膠漆則以題者尚有墜秀此本亦無

之夫對墜秀自不當云膠漆故述庵特除外言之如無墜秀何必作此語耶知有錄實有脫佚陸跋謂卷斷為四安知不斷為五六而失其一二耶如此本頓

次述庵以前題者已三十三人並非三十一則陸氏所排比特存年月者不令顛倒無年月者亦並非原次可知也夫時際承平達官聞人優游林下流連觴詠以摠一己之幽懷為休明之鼓吹未足奇也而自衰世觀之則已視為神仙中人以為幾生修得到矣掩卷廢書為之三歎時雨子孟冬上虞羅振常序於修後齋

題詠序

附錄隨園頌記三則
隨園雅集團卷中五人一沈歸愚尚書一蔣心餘太史一尹以村公子一陳梅岑司馬一卞先大夫也或觀書或撫琴或垂釣或對語神采畢肖為錫山吳省曾筆墨圖後題者更多若乾嘉兩朝名宿最後一人則吾鄉吳穀人祭酒錫麒也從此擱筆數十年無人加墨迨道光初年揚州阮文達公元子告在籍余家啟請題句文達謙讓未遑曰卷上皆老師宿儒科名前輩余何敢置詞但書八分數字曰儀徵後學阮元拜觀而已

芸臺初國既題觀款從此開端如林文忠公則徐
 陶文毅公謝陳芝楫中丞鑒者介春制府英張小
 浦中丞第一時名公巨卿科名領袖皆一遵此例
 不復題詩但書觀款焉
 鄧板橋先生雙題隨園雅集圖既畢復於詩後大
 書特書云筆有餘墨乘興畫蘭數枝想見名士風
 流與酣落筆之概

題詠序


三

隨園雅集圖題詠補目


梁國治一 尹繼善文一 沈德潛文一
 錢陳羣詩五律 錢維城詩七古 王鳴盛詩七絕
 失名一詩七古 嵇璜詩七律 劉綸文一
 錢大昕詩七絕 蔣和寧詩五言 蔣士銓詩七律
 彭啓豐詩五古 汪瑞光詩七絕 朱筠詩五古
 彭元瑞詩七古 載敬文一 嚴長明聯文
 沈榮昌詩七律 史邦昂文一 陳淮詩七古
 梁同書詩七絕 鄭虎文詩五古 錢維喬詩五絕
 江恂詩五律 王文治詩五古 吳玉璣詞一
 盧文弨詩三言 周厚轅詩七古 洪亮吉詩七古
 畢沅詩七古 趙翼詩七古 姚鼐文一
 孫士毅詩四言 王昶詩五古 袁鑑文一
 奇豐額詩七古 阿林保詩七絕 張朝綱詩七律
 曾燠詩七古 尹慶霖文一 尹慶保詩七古
 鮑蘭詩七絕 談祖綬詩七絕 吳錫麒詞一
 右題者四十五人計記一首文九首詩七十
 首詞二首

隨園雅集圖

題評圖



題評圖



隨園雅集圖題詠

隨園雅集圖記

錢塘袁枚輯

隨園在金陵小倉山有水石竹木之勝主人仿西園雅集故事繪圖一卷老人執杖立者吾師太子太傅禮部尚書長洲沈歸愚先生也年九十三垂竿以釣者編修鉛山蔣君士銓年四十伸紙執筆者相國尹公之第六子慶蘭年二十八把卷而倚石者江甯司馬秀水陳君之孫熙年十八跌坐而抱琴者則主人也主人姓袁名枚字子才錢塘人已未翰林改知江甯縣事辭官奉母居園十七年矣年四十九乾隆三十年歲在乙酉八月八日梁國治書

題隨園雅集圖

尹繼善文一首

乙酉仲秋予將入都子才以隨園雅集圖索余題句披覽之餘因念子才至金陵而此番駐節最久子才時來官署登不繫舟話舊論文予亦曾過隨園相訪其中花木池臺歷歷如畫今將行矣不能再一往游與子才俯清流倚喬木同為畫中人而僅得見此圖雲山滿目離緒紛披不禁黯然魂銷者久之細閱圖

內之人或扶杖而立或持竿而釣或抱琴而彈率皆才子名儒而吾兒慶蘭以駑鈍之資得與把卷之後生共廁其間執經請業詎非厚幸且為之題名者莊滋圃大參為之紀事者梁瑤峰少宰悉皆當代之名公鉅卿而與圖中諸人非予之相契及門即門生所得士此誠一時盛事未可作西園雅集觀也欣喜之至因題數語而歸之望山尹繼善

沈德潛文一首

隨詠

二十

隨園在小倉山旁前明焦弱侯故址同年袁太史子才葺而新之者也園依山締構水木明瑟樓閣亭臺碣沂位置秋如游其地者目為小樓霞不斷笳鼓才奉母愉怡暇常集友生與高觴酌拘忌之客不與焉因仿西園雅集意命薛生壽魚寫隨園雅集圖昔王晉卿以天家懿戚聚名流女士侍側聲華耀艷隨園擬之何啻江黃仰視荆楚宛之西園之傳不以聲華仍以文藻則今之會合隨園者或饜飶風騷或穿穴經籍或六法八法分擅人功或觀魚聽松並涵天趣古今人何不相及耶吾師望山尹公亦嘗游憩於此寫圖時適臨他郡園中闕如然公之德言道範不過於圖中轉過於圖外過圖中者披卷而始得過圖

外者常在心游目想間也歸愚沈德潛時年九十有三

錢陳羣詩一首有跋

雲水忘年友林亭不速來罷彈通化理忘遺一作解絕

驚猶仙散逢賢路家浮共酒杯注人無無結琴蔣君

本同館今皆為南州寓公太邱多世德吉甫盛門才陳生為余表

公第六子皆能詩善書其見梁少宰序中南極一星見園扉兩版開錢孫

為載筆五緯聚中台愚尚書怡符五星之數

予曾奉 旨游攝山時兒子汝誠典兩江試事並

許入會城一見適望山節相勾當公事留吳中胥

門命婦張夫人賢而有禮命諸子導予登不繫舟

後匆匆返棹未獲一訪隨園至今時為悵快簡齋

館又却寄此卷索題並識數行於尾他日扈從過

江當邀望山同游園中取此為左券云香樹居士

錢陳羣時年八十有一

錢維城詩一首

曠代逸才袁子才弱冠結契黃金臺中間南北紛聚

散廿年會面惟三回庾申之歲舟中遇黃河岸側風

吹住我隨南雁過河來公逐燕雲從北去壬戌公車

重握手公厭承明復南走從此迢迢歲月深十年不

共尊中酒丁巳危 輝下白門見公乃在公之園軒

渠快讀裘五篇平生契濶無一言今春有客來京口

誦公好句西園柳樹色風聲夢寐多霜華鬢影相思

久今夕何夕公惠來八門大笑聲如雷雄談高論驚

內室主客何故旁人猜談中示我圖一卷秀色射人

光落繭五君識者我有三文采風流此其選索我題

詩我不辭世間會合不可期行污點墨向公畫千秋

人識曾相知袁公袁公且安坐我亦走筆要公和更

請畫師添一人著我樹旁石上卧

王鳴盛詩十首

東園載酒醉西園承蓋扶輪幾輩存欲仿延年五君

詠還憐名士共推袁

煙筇雨屐興偏賒漢上題襟正且范付與張為圖主

容花開樹樹玉家家

梓澤繁華豈足豪由來我道在風騷洛陽漫記名園

好今日江山慶所遭

與世聳牙古性情結交蒼老見平生玉山璞藁新編

就金粟依稀顧阿瑛

鈞天回首夢曾游小集江湖且獻酬茆舍玉堂都不

繫知君心跡似虛舟

過頭扶去步徐徐不律拈來意灑如琴是無絃聊送
目竿雖在手已忘魚

千箇篔簹翠影寒松濤拉颯儘盤桓諸公爾許鬚眉
古那屑金瓶賞壯丹

一時聯袂想儀形太史占來聚德星若續建康景定
志此間真合補圖經

地似仙家人亦仙泉聲石色鏡中天花源俗客無由
到只許洪崖與拍肩

相思廿載馬牛風何日將身入畫中文采聲名雖絕
遠心空世締或能同簡齋老前輩命
館侍王鳴威題

蘭詠
五
口口口詩一首

月夜扣門來舊友為說隨園任已久一時盛集千載
期彷彿西園傳不朽索我題詩未見圖園中景物總
模糊酒酣捉筆漫得句燭花落紙相虛胡經年始得
見此卷如入林巒步深淺了然不俗凜鬚眉似此風
流蓋已鮮歸愚挂杖怪石旁士銓垂釣魚相忘慶蘭
頗得筆先意陳熙觀書書味長簡齋主人橫琴坐商
風入絃誰與和兒女恩怨寂無聲天地飛揚只一箇
平生自抱不羈才名揚詞館爭相推抽身早出利名
窟却向小倉山下來名園第辰盛如許名士相見無

常語徘徊徒倚孰主賓泉石煙霞自儔侶我思古人
跡可尋七賢六逸稱知音俗物未須敗人意入主出
奴苦用心知公道義忘車笠偶爾成圖繼雅集願我
樓遲不出門為公詠詩嗟獨立

嵇璜詩二首

超然高躅似冥鴻城市山林孰許同早有大名驚海
內何妨小築占江東客來不速爭浮白花自無言慢
落紅彷彿其人良亦足豈能畫繼伯時工

長身玉立儼清標壯矣文瀾湧怒潮不向巖廊垂著
作却營邱壑伴漁樵園林窈窕開三徑人物蕭閒見

蘭詠

六

六朝他日散仙來入社笑迎還過虎溪橋同學弟
嵇璜題

劉綸文一首

余昨冬奉諱南旋年友袁子簡齋拏舟惠信今春負
土竟始扶服赴隨園報謝時方銜恤久輟倡酬主客
臨歧悵悵乃就肩輿前口占二句為贈難得名園能
繞郭何妨薄宦即為家蓋紀寶也涉冬余棘居丙舍
簡齋走力齋書屬跋此卷卷中若人若景前題緣起
了然初無所事跋者惟憶嚮題鄒小山前輩水村山
郭卷有云曷不坐我茲園中左方棄冥雲天空題蔡
葛山年友澄懷八友卷有云園成何為不我偕山則

有巖水有涯與今披對此卷共增神往耳顧余歷按
卷中五君獨陳子齒最少余及茲行始識之其四子
者固余三十年已來年世舊好也由余之恨不得與
五君同此集則知五君亦必恨此集之不得與余同
然烏知異日余與五君并其他一切年世舊好不更
有推若人若景之勝而宏此遠模都為一集者哉簡
齋其命良工泚筆以須且執余成言以為之券丙戌
小除前五日劉綸呵凍跋

錢大昕詩八首

萍池竹里輞川同如此園林屬寓公偶爾數八成小

韻詠

集德星指點聚江東

才名蚤歲玉堂傳穩卧山中又卅年手撫陶潛琴一
隻算來得趣在無絃

那知誰主復誰賓散坐科頭面目真寫、圖中全不
俗只緣都是讀書人

鐘乳金釵膽太豚十眉往往學春山如何不做西園
例添箇紅裙翠竹間

背郭依山只數椽紅葉冉冉篠娟娟洛陽不乏名園
記誰似蘭成作賦年

詩酒風流又一時圖中認取舊鬚眉却看林下逾蒼

秀比似公文老益奇

弱草輕塵歲月侵應劉沈范半銷沈留題小印分明
在橫觸平生師友心

少時元九稱才子老去廉夫號福人異日定登文苑
傳可容洪爽附吳均存齊老前輩以雅集圖屬題
即請教正館後學錢大昕

蔣和寧詩一首

茲是昭陽歲相於衆妙津圖成文苑傳觀出宰官身
都尉風難再西園跡已陳那知千載後別占蘇陵春

北極遙分岫北極在嶺南東山近結鄰東山在嶺南

歎咳舍三秀紫巖帶六朝銀樓閣丹青障海嶼嶼在嶺南

苗每懸堂上榻時墊雨餘巾折簡延良會酒好及今

辰數剛符列緯情共懷秋翰杖履尊者碩衣絳見群

真無聲古絃指隨手舊絲綸公子來天上名流儼洛

濱此籍詩五子年十五
陳生年最少故云論交原有道揮翰總如神誰

擅林泉勝能將風雅親道書齊福地屋象聚賢人祗

欠雙鬟侍何勞五蘊中圖中與侍
姬神相茫茫念浮世落落

此良因粉本龍眠似琅函繭紙新藝林珍口口題句

集簪紳自愧耕田侶空懷入座賓意中留碩席象外

指松筠漫惜來何暮還忻到更頻花燈秋夕宴共
會層巖畢至端欲傲前塵
存齊先生前輩命即請題

定館後學
蔣和甫

蔣士銓詩一首

雲壑風泉共此心况於城市得山林畫來恰喜生同
世傳去遙知後視今老輩鬚眉隨樹古先生情意比
秋深就中悟徹忘筌旨還似昭文不鼓琴簡齋前彈
子小除日

彭啟豐詩一首有序

乾隆二十六年春謁吾師望山先生於江甯因訪
袁太史簡齋而識所謂隨園者其地名柳谷面清
涼山亭臺聳峭池沼迴合主人坐嘯其中擁書萬

隨詠

九

卷琳琅列左右甚足樂也維時春雨彌旬綠楊掩
冉紅桃爛熳余徘徊久之乃去明日主人折柬招
予飲適子將游樓霞不果赴留詩四章終為別迄
於今忽忽已九年主人乃命使以隨園雅集圖屬
子題其後子展圖一過懷念舊游宛如昨日繼觀
諸名公題詠多以不獲與於斯圖為憾即余亦為
之憮然也雖然圖有五人而歸愚先生先已下世
其他諸君子各散處一方重舉故事曾不可得然
則覽斯圖也如水中月如空中花求其實而初無
有也夫與斯圖者既未嘗實有而不與斯圖者更

未嘗實有也兩者既皆不有又何足容心於與不
與之間哉為之詩曰

面山起臺閣傍水開亭林條魚吐微沫好鳥酬清音
江潮會盤敷風雨同苔岑閒垂直竿釣時弄無絃琴
植杖曾不語執卷方微吟儵然各殊趣莞爾諧一心
曇華乍隱現玉魄俄升沈雲烟自杳杳竹柏還森森
觀幻斯得實迨往甯非今題詩若面語履跡言重尋
乾隆三十五年歲次庚辰夏四月題詩簡
齋老先生年政長洲同館弟彭啟豐稿

汪端光詩二首有跋

天上秋多地少塵芳園高會寫丰神謝公絲竹都羞

隨詠

十

聽平遠河山幾故人

蒼梧叢竹兩扶疎倚杖風流孰不如多少洛陽人似
玉鬚眉猶說范尚書

癸巳七月將游天都過白下謁簡齋太史遂得窺
其園太史以隨園雅集圖示觀攬目前之勝追往
日之歡生余甚晚俯仰今昔感喜交深更以車騎
催人去不能舍太史遂命題此圖余以當代名公
詠歌隆盛菰蘆下士未敢呻吟太史固命因不揣
謏陋草草成章非敢品題盛會亦曰書紀清游云
爾揚州汪端光拜題並誌言

朱筠詩一首

先生人中豪早歲抗前輩我小聞而識出自棘開內
倚柱哦其文若無人窺背河漢聽莫極氣盛波刷塊
入館掉兩臂一度縣印佩諸公良不忍送客淚面頰
咄咄坐廳事摘發漢簿對所判本無冤于祗罔或慙
路烏與亭鬼傳說喧闐闕神哉卦布似應若貞與敵
古人先得心飾治合每每一朝手版抽腰折自呼醫
三十懸車勇貴獲輸一退築園圍玻璃達心失羣味
小隱小倉間不病稱魁樵江山人亦住秣陵拊其胸
爰開樊張門忽擬米李繪一卷雅集圖昔之西園配

隨詠

十一

園中有五人英翁一鼓搥鉛山老編修勁者利劍淬
尹氏佳公子風度何縹緲吾門梅岑少詩清尤拔隊
先生坐撤髯主此牛耳到此集愜此地星星五采辭
梁公短記之百讀百曲迴楷平前輩有所作模竟必如是我來觀先
生雞鳴雨如晦坐中蠟梅花相視笑香碎來日江北
去無由更聽誼臨歧詩諸圖書用附鄙鄙乾隆癸巳

簡河館
侍末第

彭元瑞詩一首

作園十年前題園十年後未知再更幾十年此圖畢
竟歸何有當年文采盛文游金粉勝地山林幽居然

老幼混坐立不分賓主誰倡酬雲散風流利那頃如
此佳游燭須秉主人示我對境披布置樹石猶井井
東南牛耳泣數盤來游幾輩續所歡不解名士定何
物徒令覽者心盤桓鬚眉意氣吞不下千古文章歸
大雅都知有集留世間論定憑誰後來者南州後學
彭元瑞

錢載文一首

乾隆乙酉秋奉命江南試事竣至隨園謁簡齋前
輩時以送文端公望山相國濠朝於淮上不得見
今歲庚子復蒙恩秋試江南重九日始得謁見前
輩於隨園徧歷亭榭觀所藏諸占物於池上窓中得

隨詠

十二

見清涼山於竹間亭子得見鍾山芙蓉始發秋色滿
園此為清福此為真境蓋樂此者三十年矣出國屬
畫以題遂寫園中所有花三兩種以復回憶初元京
華聚首今公車小錄一百七十餘人不知尚有幾人
在耶而簡齋先生歸然杖履著作成家載年七十有
三猶及坐水亭一刻叙至賓之禮相對忘言得不為
之欣幸也後一日秀水同徵後進錢載并記

嚴長明文一首

小倉山隨園者簡齋先生之家墅也謝太傅之東山
潘黃門之西宅森羅竹樹小有山川先生以左馬之

洪才式裴王之逸執主張勝地管頌風騷八表賦其
傳雲萬流因之仰鏡於時端居多暇三徑徂秋素雁
橫天落英在礎則有香山尊宿仙籍同科歌林杜以
尋盟款松筠而話舊于是西園公子飛蓋平臨東道
寓公褰裳翁至嵇康八座左右煥以生光王烈登山
林泉滄其動色迺曳印竹踐庶葑親霞意於林巔結
風期於天末此中有星沼焉可以垂緡其旁置露席
馬可以振藻主人則公絃獨御雙鑠頻挑淶水之調
一彈碧雲之思千里慨夫嚶其鳴矣詩人摘伐木之
謠別遠會稀公子軫折華之歎合離之際伊古所希

隨詠

因是號台風烟繹思神彩疏斜川之爵里系蘭渚之
詩篇予以延俊賞予以永貞懷明懷清尚不其然乎
然而公胥莞爾僕獨適然余以瀕洛之年華荷魯山
之盼睐識陳寔於朗陵之座道山濤於中散之林退
谷杯湖無多舊雨茂林修竹幾度清風今則洛社官
林漢南人老以舊時之燕子看前度之桃花會散飛
英游同秉燭蘭重露砌祇解啼烟桂發霜華難歌招
隱空使桐留百尺石話三生贈答形神勾留粉墨似
上陽之宮女閒說開元宛中洛之仙人親摩銅狄此
東甫昔游之詠子山思舊之銘所為悄焉其疚懷斐

然而有作也不揆短筆謬希前執聊附永懷之義輒
題眾製之左詎惟欽遜往躅忼惜前塵並期傳之方
來將復有感於今日也乾隆庚子仲冬江甯後學嚴
長明拜跋

沈榮昌詩二首

簡齋同年以隨園雅集圖屬題踰十年矣輾轉輪
轅奔騰歲月於庚子長至復宿園中而舊題諸老
或帥友或父行己半不可見撫卷增慨急踐前約
龍虎盤頭無逸客清涼山脚有潛夫書雲筆墨烟霞
護戲綠衣裳花石鋪盟與元公心共結輪扛大雅手

隨詠

常扶畫圖殊勝西園集垂釣彈琴少翠襦
我老馳驅四十年脫簪相見雪盈顛每依今夕重逢
會苦憶當時舊別筵即席婚姻前定數舉頭風月浩
無邊前題諸老應常在天上人間一樣圖予與簡齋
姻親諸前宿破臺閣之當亦輟然一笑也
乾隆辛丑春正月年姻弟沈榮昌拜手

史奕昂文一首

隨園有天然山水之勝簡齋世丈辭官後居之余久
聞園之名而未得一至心竊慕焉壬寅仲春世丈過
訪留宿荒莊剪燭話舊之餘出雅集圖以示屬余題
語綴數言以識會面年月圖中人有五皆風流儒雅

余僅識其二卷後題詠頗多皆名流鉅卿而各盡其致余締觀久之恍若身入名園矣惟是余與先生少年世好老訂姻盟盤桓四五日古詩云生平少年日分手易前期及爾同哀慕非復離別時正為相逢轉增感慨也姻世弟史奕昂時年七十有一

陳 淮詩一首

首山天闕盤飛龍大江之水磨青銅黃旂紫蓋已成昔六代花草猶春風山川如洛足游覽謝公往者留其蹤更聞青溪有遺宅新聲玉樹聽無從小亭木末可望遠新林西善開山鍾官游坐得此勝概西湖烟

隨詠

十五

景將毋同翰林主人稱好事早年索筆明光宮百里君才定非是文游紀盛來江東銅章墨綬足官府折腰不復煩吾公卜築名園傍水石愛此五粒前朝松澤雷取義在燕息利用交友甯無功論文往往屈東馬譚空一一來雷宗或者扶節過綺里或者垂釣臨篁中或者作書坐磐石或者倚樹探詩簡主人無言寂相對寓意豈必闕絲桐西園雅集近千載如此勝事知難逢文章錦繡照今古供養泉石非虛空此圖丹題不粉黜流傳墨妙知無窮主人今年夢天姥好山聽說青芙蓉石梁迢迢徑易度洞口尚及桃花紅

尋源采葯忘遠近短衣掃塔掛兒童奚囊麗句定攜載小倉詩話改殘叢勝游雅集相繼作令我日極南飛鴻歸來定有圖第二如手可得龍眠翁王寅三月梁同書詩四首

選勝開園占翠微地經賢劫剩苔衣南朝烟月無人管留住詩翁不放歸

先生高與碧雲齊想見披髯危坐時白眼看人無罪過不彈不釣不賦詩

小園庾信江陵宅妙繪王維輞口幽我比陶公歸更早至今松竹尚荒蕪先生有詩三十七致在印

隨詠

十六

吳下詩翁亦父友江西社長是同人風流兩世圖中鶴昭年及詒不得相從拜後臺任寅著春年

鄭虎文詩一首有跋

或補園中花或題詩中畫西園與隨園袁王各成派先生豈其然今可破詩械行矣疾為之春江片帆挂簡齋先生壬寅暮春寓居西湖將為天台雁蕩之游命題隨園雅集圖文以老疾廢詩久矣且臂弱不能作書辭先生不可越日圖來且告行遂書四十字於葺石閣學所補圖中蘭梅之右云壬寅穀雨後六日館侍鄭虎文

錢維喬詩四首

但得朝衫脫幽棲即洞天先生此宴坐已過卅餘年
地足當三徑人還稱五君江山有文藻休擬付烟雲
似鶴猶能健先生甚矍鑠方游天台雁宕以歸盟漚竟不寒何須待
千載便作古人看

吟詠多前輩風流數十公猶為折腰吏名愧綴圖窮
簡齋先生以隨園雅集圖屬題名公鉅卿墨盈紙
矣先生以為所少者五絕用剪燭率成四首時乾
隆壬寅五月十日在武林客舍毘陵錢維喬拜題

江 恂詩二首有序

隨詠

十七

乾隆四十七年壬寅九月簡齋太史見訪鳩茲權
署因得觀隨園雅集圖不惟勝地勝人勝事足以
媲美西園而捧讀諸題跋金鐘大鏞珊瑚碧樹充
叔錯列一代之英華萃焉賤子思得附名不朽爰
綴數語卷尾并錄隨園舊作二首請正

結構知誰氏今成大隱居樓臺于市外竹樹六朝餘
架屋依奇石疏泉得舊渠主人無一事日日坐繡書
靜地遠塵俗幽懷得暫開雲陰留几席花氣伴尊壘
書共齊諧讀文疑蜀錦裁門前有車轍知是問奇求

王文治詩三首

落落人間世名士幾幾人如何此合并花間共酒樽

山陰鴈詠盛南皮綠竹繁風徽如昨日流傳遠隨園

錢唐老寓公解組卧邱樊海內文章豪相將駐華軒

譬如磁引鐵又如龍逐雲氣類所感名道愜情自真

披圖想風采宛然聲款親持此贈後來萬劫猶朝昏

歸愚晚始達銀髮垂華服蒼生耀而清談鋒不可觸

似村貴公子謹厚逾士族梅岑最少年人文兩如玉

主人更豁達海口而河日勇退三十春備享名山福

是皆絕代人藝苑共尸祝或如冰雪寒或如鼎鑊肅

或偉如華嵩或祥如鸞鷲嗜好不必同苔岑自相屬

置之邱壑中此客差不俗誰家好屏風倩工摹一幅

友朋幾聚散忽然容鬢改世事泥遷移倏已成千載

憶余見此圖滇南綬初解彈指將廿年疾如風雨灑

其間題詩者辭藻闕珠琲存亡已各半興感臨文每

主人魯靈光江左歸然在才華老益奇浩蕩如巨海

山川與人物自古信有待品哉身後名千金不可買

謝傳風流差少俊青山未盡五君子忘年折契小倉

之榭柱史驚才真玉樹尚書流譽由玉馬問其中頌

吳玉堦詞一首調滿江紅

乾隆四十八年癸卯正月
有八日館後學弟王文治

袖復何人如公者 奇礪石孤桐藉回波開公綠桂
笑松枝麈尾東朝聲價一度秋風吹過容幾番翠蠟
還燒夜待阿儂卷末綴新詞廿年也 後學共玉
燁呈稿

盧文昭詩三首

卜築小倉山下神仙遊戲人間客至便成雅集那管
西園玉山

蔣君南州名士沈翁吳下詩人翩翩介兩公子台并
定是前因

畫師好手難遇寫來亦自神完莫道都無顧盼共留
面目人看 乾隆乙巳九月
年侍盧文昭

隨詠

周厚轅

少年十五二十時手胈口沫先生詩先生時已奉親
歸廿年彈指一相過秣陵冬月新追隨先生年七十
鬚鬢略如絲尋山非倚杖對酒亦傾危雄譚健飯有
誰及戲語諧笑皆吾師嗟我後生來何遲謁假先年
夢在茲 昨冬請假將出都亭臺池浴一一記章法竹
夢在茲 夢謁先生於此
石皆成絕妙辭詞容登堂五十載白雲蒼狗秦田海
即看斯集五君圖祇今惟有三君在三君兩是少年
八天為先生壽此身管領文章成運會遨遊游山海出
風塵年來竹石添如許比似圖中更奇古江南偌大

收前楹海內多干集今雨今時雅集又何人後進進
隨祖視孫多謝小眠齋一宿 昨宿隨園
小眠齋 得輕凡骨近
仙鄰仙乎仙乎斯人斯集天下無伯時之畫襄陽書
不須好手重臨摹自有斯園雅集圖 乙巳嘉平江州
後學周厚轅

洪亮吉詩一首

生年雖後可不慚園中五君識者三吳門尚書年近
百歲舟亭邊亦相值我讀尚書篇已識袁尹賢白門
深秋一相訪苦說詩人惟瘦蔣驗壇落落此數翁若
論文筆尤推公園中少年昔驚坐此日鬚眉已如我
公前罷吏學閉闕却有謝傳遺泉山後先居山兩安

隨詠

手

石公不爭墩名自敵儵然松竹倚北原因憶主者名
隨園 園本隋織造所
創因以為名 卅餘年來執牛耳不到茲園名
不起 公自言不列斯園者
未有不列斯園者 偶然落筆貌昔游歲則乙酉
時清秋園林疎疎風屑屑已覺尚書履聲出彈琴既
無絃垂釣亦直鈎少年落紙不肯休我見識是非常
流此詩此畫誰能速出筆都憐才蓋代南北詩人十
數公 卷中如尹文端劉文定莊滋園三相國錢文端
文敏彭芝庭沈文愨諸尚書暨朱荷河學士均
世僅餘一老稱前輩山中訪客當花朝擲我一卷如
牛腰止留紙尾盈一尺寒夜乞我來揮毫小眠齋外
花光紫 時窓前藤
花或開 讀畫讀詩志不止尚餘一客味生

平拖卷來尋尹公子
朝後

畢 沅詩一首

六朝麗藻千江色雲濤蕩漾金陵月一螺幻出小倉
山天教替作詩人窟我別隨園已七年夢游頻駐蔚
藍天菟裘獨擅亭林勝鶴貌遙從畫卷傳寫真一一
添風采初元徵士惟公在曾駉瑤鳳謁清都記掣金
鰲釣滄海風波一葉早收綸花影琴聲了俗塵規取
一邱還一聲商量位置此閒身鬚眉翠染松筠古神
仙中人為什伍贏得詩情撇宦情難忘舊雨聯今雨
石頭斜照莫愁深南國鶯花費短吟春潮蕩漿迎桃

陸說

三

葉秋雨騎驢訪定林卅年歲月飛觴度五人落落晨
星布零落生存百感增冰銷無恙人如故尋芳垂老
減風情杖底芙蓉萬朵青山踏徧吟罷冷似似圖
中白幾莖偶來驂使傳雙鯉尺絨未展心先喜返悰
江上午橋莊滿紙簾前丁字水館娃勝蹟硯山隅舊
築書堂偏具區白雲放我出山去孤負梅花十萬株
近聞雨夕停芳屐秉燭掃苔醉題石主人不見見梅
花剩有寒香款游容壇坫東南屬我徒幾人姓字滿
江湖他時洛社聯吟侶另寫靈巖高會圖題詩寄公
三太息容祥月照長相憶詞場老輩數靈光留得畫

園人愛惜望山仙去已多年如此人才孰解憐摩挲

官閣參天柳重到西園倍黯然晚歲光陰肯虛擲寄

託詩篇並泉石盛名早占福千秋古調孤彈琴一隻

去秋孫子淵如從白門來携簡齋前輩手札以隨

園雅集圖屬題卷中多名作無美不備拈毫數次

不能成報章也今夏睢陽下汎伏雨過多黃河漫

溢沅衝命堵塞決口古祠破屋河聲如吼秋涼

夜長生月不寐因成是詩卷內缺長慶一體偶效

為之來書迫促不敢延滯詩仍不工未識先生何

以教我乾隆丁未中秋詞館後學畢沅題於睢甯

龍說

三

工次寓閩

趙 翼詩一首

歸德老食尚書俸簡齋官未竟因牽連作圖殊不

倫壇坫齊名乃伯仲華簪青籍兩突兀始知人不以

官重何哉題卷仍列諸鉅公官非僕射即侍中毋乃

處士索高價牙行須藉朝貴充笑公竟學党家畫黃

全點出雙明瞳及觀諸老總名宿一字不肯輕標目

燕公手筆一代推王令文章萬人讀若非被公才名

壁方蛟龍門豎旗纛詎便低頭拜東野各致辭香題

滿福是知隨園又五山直比東林聲氣聯朝局文紙

名章無空處寄來又索我題句我亦無官似野鷗安
可附他鸞鳳肅公謂不可缺斯人後世倘稽名士數
我披圖中識三人心餘已歿似村貧獨有主人尚跋
扈黑鬚亦已白如銀陳跡難追一轉瞬所不沫者名
流韻此卷傳流天地間要知好事爭摹中揚州後

姚 龍文一首

曩者龍居京師友人程魚門為語在江甯時嘗寓居
袁簡齋先生隨園幾一月其水石林竹清流幽靜使
人忘世事欲從之終老也簡齋先生與龍伯父蓋塢
先生故交友而龍未見獨聞魚門語識之不能忘其

龍文

三

後鼎以疾歸開居於皖乾隆四十八年簡齋先生年
近七十游登黃山過皖鼎因得謁見先生於皖又後
七年鼎至江甯始獲造隨園觀之魚門語不虛也而
魚門於前數年卒於陝獨家歸江甯因見先生述其
語而相對太息先生故有隨園雅集圖所圖五人為
沈尚書蔣編修尹公子陳文學及先生先生以示龍
攷作圖之年與魚門語鼎時相次時陳文學年纔十
八今先生外惟文學尚存仕為郡倅亦已老矣圖後
名公卿題識數十人於今求之非特昔之耆者宿德
邈焉已往即與鼎年輩等者亦零落殆盡獨先生故

志泉石四五十年以文章魁傑長詔後學於茲夫豈
非得天之至厚而龍亦幸值之於是時也圖有山陰
梁相國記五人爵里其馬先生俾龍書其末夫人與
園圃有時變遷而圖可久存終亦必毀而文字可以
不泯千百年後必有想見先生風流者然而龍固非
其人不足託也先生故人皆有題詠獨魚門無名字
其間鼎識其辭蓋可為補闕云桐城姪姚鼎後託

孫士毅詩一首

有鳥翩如六月過息皋鶴其音丹鳳其色鸞崩杉巢
石城戢翼相厥攸俗小倉之側散得天隨會布梓澤
口聲推袁福地自闢名流仰鏡野老爭席亦延杖履
亦招裘屐詠樓五君鬚眉奕奕謝公留瓊江令讓宅
乾坤清氣華收此冊其居何崇去天才尺

龍文

三

簡齋前輩宦游白下居隨園作寓公者垂四十年
海內望之如魯殿趨之如鄭驛也予方移節於此
獲展斯圖適文麗藻尋味未足輒拈四字跋之不
勝游道游趣之羨焉辛亥人日館後學孫士毅時
年七十有二

王 昶詩一首

隨園雅集圖題者三十一自餘閨檐外與我盡膠漆

高吟夏鸞鳳雅奏協琴瑟羨君頌君園詎有譽詞溢
 是園在秣陵山水信超軼况逢君卜居三紀理荒枿
 臺榭既逶迤櫳倍疎露望岫争息心翹仰等慶商
 款門牙駢闐載酒類英達先時章佳公謂尹文屢作
 名伯芟清秋景更佳晴光巨溪術青梧葉未凋翠竹
 叢逾密吳下老詩翁謂沈歸槁來拄柳栗亦有蔣苕
 生簞竿釣泗泊似村泊梅峯披衿理書帙君也撫龍
 唇意似忘去聲鐘律芳踪抵七賢佳侶視六逸圖成詩
 滿圖詎能審甲乙我昔造其園淹留愛清謚剪燈坐
 殘宵抱被卧幽室曾題澄碧洞苔蘚上屈戎游人後
 來捫疑是古人筆沉閣柳絮飛早結標梅實空勞許
 嘉耦未獲遂靈匹以上二事詳簡齋來書中前游安可忘舊夢何
 能詰今茲展橫幅風景宛曩日獨念圖中人長洲已
 枕膝蔣尹亦仙游相與赴兜率陳郎聞尚在蕉萃依
 蓬華其諸題詩人逝者十六七恒河空自照雙圖散
 誰恤我昨奉英蕩再過金陵驛詣君不見君悵惘奚
 由畢聞君尋稚川又訪寒山出腰脚老逾健汗漫計
 未失歎我久衰遲矧抱維摩疾深懷江上鷗彌媿禪
 中蠶行將賦投簪扁舟溯衡泌再續聞笛圖已亥初夏
 青州過君於蘭陵同至北固山貌此喬松質主客仿
 下余少雲為作扁舟聞笛圖

116. 117. 118

張為庶以供笑唾時香居士王九

袁 鑑文一首

予生也晚方髫齡時即知簡齋大兄居隨園奉老母
 顧錢塘白下相距千餘里其人其地邈隔雲烟乾隆
 己卯予改庶常假歸於此留宿數日又十餘年以給
 諫觀察常鎮繼復開藩建業遂一至再至三至然以
 熱官來清涼山下情景况味格格不相入丁未秋予
 罷職病寓江城小築白頭兄弟往來問訊文酒之會
 數舉一日大兄出隨園雅集圖卷見示曰我三十年
 前屬薛生壽魚仿李伯時西園圖繪斯卷題者甚眾
 第盍跋之存雪泥鴻爪意耶予携歸展閱圖中五人
 大兄今雖鶴髮蒼顏與圖中貌幾不相似然猶健在
 若沈歸愚前輩將若生同年皆化去而尸似村陳梅
 岑又天各一方跡難合并宜昔人傷心於盛時之不
 再也至題斯圖者吾師吾前輩吾同學及屈指不勝
 計大半已修文地下存者如落落晨星散布天壤感
 逝傷離振觸五內秋燈如豆老淚縱橫且予亦卷中
 人矣年已六十有四蘭亭序內後之視今亦猶今之
 視昔可慨也夫春圃第鑑跋

奇豐頌詩一首

隨園太史過蘇州于剪吳淞一幅秋翡翠匣開見水竹當年文謙紀風流畫中之人多不識只有梅岑微仿佛謂陳司馬先生未改舊精神白盡鬚眉還認得飲

然以扇指向予若為九十老尚書沈歸愚公子娟娟

尤秀絕伊拟村姓名次第及其餘小集滄桑成舊夢

飛鴻印爪春鶯送樂石垂楊風景存年時展玩繡珍

重我聞此語意惘然憶與先生初結緣皖江之水滌

千尺挂嶺之雲翠接天昨日虎山人過訪新詩到手

相嗟賞別後殷勤詢起居書來懇款言病廢副以名

牋一字無寄將遠道胡為手屬我題詩須自寫相思

時節待披圖我纔濡墨復閣筆吏身羞對泉石逸圖

中况乃多名流琳琅仙句珍珠綴小詩未敢擬風流

但數交情記舊游他年如仿香山例九老圖中著我

不麗頌奇

阿林保詩四首

日日西園作燕游搜羅風月供清流當年丰采披圖

見莫恨相逢已白頭

山色六朝留勝地星光五緯聚中台西湖空有好風

景爭奈詩人去不回

長松怪石竹千竿物外幽情畫裏看頌略高山流水

意橫琴終古不須彈

文采光芒一世中青天浩月湛長空如何只學陶宏

景悟得無生幾許功兩窓內林保

張朝縉詩二首

應與柴桑作後身無絃琴撫總吾真江山平遠全歸

畫著舊東南獨結鄰星聚開園俄往事風清曠世永

懷人贖將一卷留天地不許龍華換劫塵

百尺龍門湖大賢元亭手澤得公傳文章六代憑鑪

冶人物千秋倩墨禪芝宇口口牀下拜塵談小結靜

中緣雪泥鴻印原無跡名在清涼便是仙乾隆甲寅和中

後學張朝縉

曾燠詩一首

我後公生四十有三載更卅五年識風采公嘗過我

來題襟對酒當歌壯心在知公白下園林開陽江似

望三神山仙源有路不可入但聞昔時漁者曾往還

雅集流傳在圖幅園中公尚鬚眉綠今日疑公隔世

人歸然一老靈光獨閒居奉母方壯年當時四客誰

能然山陽鄰笛徒多感聞道轅駒亦可憐我有白髮

親家園不能任兒方羈一官歸隱定何處隨園山水

人間多餘少福命如公何我命年甲雖鼎感較公解

組之載一載先蹉跎相公以三十七歲致仕今年嘉慶元年時江樓學

尹慶霖 文一首

夫不自傳者地也傳以人而地愈靈不少留者境也留以情而境可久柳子曰蘭亭也不遭右軍則清漪修竹蕪沒於空山矣東坡再游赤壁即有日月幾何江山不可復識之嘆而况予於隨園固幼而游壯而思老而再至有如是之不能忍置者哉吁此予所以展斯園而不禁悲喜之交集也喜者喜夫卅年夢想之地一駐節而輞川可尋悲者悲夫三生膠漆之人

隨園

三

未班荆而玉棺先下即謂宦游之身離合莫定而以子才子類年問訊之殷祝望之切又烏能知今日者余竟來而君先逝乎雖然余不復見山中之人而猶及見園中之人幸矣且因是而并得見余生平所願見弗克見與夫一見不可再見之人抑兀幸矣不甯惟是園中之數行烟墨手跡分明則予先君文端公之題辭也石上之相顧揮毫傳神如昨則又予六弟似村之遺照也以予類然一叟莫能追觴詠於林間猶獲遺天親於畫裏不有斯園誰為作合而予又能不釋悲為喜視今猶昔也哉爰日取其園反復摩玩

而更加裝治用識雅集聊中鄙懷非好事也亦不過因其地感其人而終不忘情於境之歷歷如此云爾嘉慶戊午秋七月晴村慶霖題於將軍署後不繫舟

尹慶霖 詩一首

鶴化袁安將十載畫圖留得春風在發出示我心茫然感舊懷人見風采昔年雅集仿西園六代江山愛謝墩花竹樓臺都絕妙前人備述贊奚煩七賢六逸爭相擬誰復交情見羣紀佳篇吟編月三更祇父恭兄吾愴矣憶君初入試承明廊廟鴻裁少不更關以先成銀漢句登瀛幾誤玉珂聲先人此際方當事獨

隨園

三

違眾議誇詩思爾齋先生已未朝考賦因賦相玉不莊將被斥先文端黃閣憐才一片心青袍處過千公力持之遂入館選秋淚遂令彭宣到後堂通門氣詭海天長譽漸龍鳳皆投契韻暢頃荒各對牀就中六郎厭聽鼓不營簪緩耽吟若扶筇得侍丈人旁執卷不妨後生伍試尋手澤蓋心悽大筆淋漓辦舊題離緒紛披傷錄別雲山滿日感鴻泥詩倚到處更番寄閨閣多才亦附驥乾隆文苑採無遺此是曹倉人物志歲月堂堂四十年星移物換過雲烟無才自顧真頑鈍最小曾蒙破恰憐堂構箕裘承未有得逢 感世生何幸及今陳

臬到榕城駁駁野禽聞天聘聞天白下畫疆區回首
前游徑欲薰閑卷人琴俱宛在將無華表鶴歸手得
維暮歲新期荷筆識家聲能勿墮茲圖珍重付名山
添作昇平佳話可忽悵今原廢蓼莪百端根觸發清
城有靈吟客應心喜又補師門少子歌
嘉慶丁卯初夏之官閩中世兄出示隨園雅集圖
中有先公先兄作跋題其後慶保敬識

鰲 圖詩四首

展卷無端一個然也曾高會賦羣仙獨憐未得重描
畫辜負春光三十年

隨詠

兩來淒水兩琴川予年始文賦淒水數到園中訪地

仙再過金陵邊往事風流故作一江烟

風雨雲陽蘆荻秋分明夜半入孤舟豈知其夕空山

裏正是先生台玉樓

曾將妻子託朱生野馬白駒歲月更眼對何遜題是

卷一朝千古見交情嘉慶丁卯春三月
滄水鰲圖題

談祖綬詩一首

黃鶴樓中莫作詩慈恩塔下亦如之今朝薰沐披圖
看妙手何能贊一辭

吳錫麒詞一首詞滿江紅

屋角堆堆簇擁著六朝山色道此處樹園雲繞慣留
吟屐集比西園圖宛在褰游南澗秋先得只時光換
了秣陵潮聲蕭瑟 尚書履苔藓寂藏園筆春風息
便翩翩公子已都頭白喬木賸教池館護烏衣尚認
簾櫳入數渡江若箇寓公能千秋憶辛未四月同里
後學吳錫麒

隨詠

上



鑿金公精舍納



涼圖題詠

錢塘王元楸嘉興

朱文懋臨摹書

畫光緒乙未長夏

武林丁氏付雕





納涼圖

三



日
田
願
之
庭



納涼圖

四





物記

柳綠荷香近水涼
納涼忘却暑
中身法風不用一
綉買能領受者
便至人

癸酉夏魚存題

元暉



納涼圖

七

榮書

夏日同人過

鑒公精舍納涼分賦

王暉丹麓

禪舍堪銷夏
輕舟結伴

過解衣歌
白石酌酒把

青荷雨逼東
皋暗風穿

北戶多憑闌
共凝眺乘興

一高歌不獨
耽幽境吾

納涼圖

八

尤愛遠公風
深高士並

墨妙古人曰
竹韻殘碁

靜荷香曲沼
通徘徊難

遠別矯首夕
陽中

周京白山

炎歊逼亭午來憇贊
公房池上忽飛雨空中聞
妙香素甕斟魯酒佛火

納涼圖

九

沸羹湯翰墨俱閒雅風
流到二王楮墨填文几
茶香淨客心北窓堪跋
脚西爽共披襟飛雨洗

晴日涼風生遠林樽前
無俗侶一倍惜知音

吳儀一舒鳧

共愛東林睽扁舟到水

納涼圖

十

湄苔經踈雨濕竹引午風
吹白社遠公酒青山謝
毗詩殘雷逗斜日愁絕
欲歸時禪隱蕪書画

高齋任客窺試象茶
屢換就竹座頻移雨落
芭蕉急風開菡萏遲
更憐初地月森興待秋

納涼圖

十一

期

吳允嘉 石簷

結得烟霞侶河東訪舊
僧到來銷百慮何必問

三乘靜鳥窺茶曰幽花
覆古藤高書者不厭况
復酒如澗 小菴不遠市
野竹護禪關客到思進

納涼圖

十二

暑吾無愛者山水常
經竈下雲或出衣間
揮手醉相別扁舟掉
月還

鑿上人器宇湛深神理閒王望而知為
有道其墨妙為一時之絕加以博學精識
特工鑿賞僕與之交有年矣今歲秋未見
訪出所作納涼圖相示高柳蔽天紅蕖搖
風雲烟莽蒼咫尺千里臨水有閣上四
五人解衣盤薄日夕賦詩飲酒其中反

納涼圖

三

霞諦觀恍若神往但以不得廁身其
間與諸君倡和為悵耳不覺技癢
輒思效顰會有海昌之役倉卒不及
俟暇時當為補之為語鑿公僕異日相
訪時能沽酒燒豬相待否耶癸酉十月
二十日毛宗文書并識



鑿公精舍納涼圖題詠

毛宗文 建平 錢唐

鑿公上人器宇湛深神理閒王望而知為有道其墨
妙為一時之絕加以博學精識特工鑿賞僕與之交
有年矣今歲秋來見訪出所作納涼圖相示高柳蔽
天紅蕖搖風雲煙莽蒼咫尺千里臨水有閣閣上四
五人解衣盤薄日夕賦詩飲酒其中反覆諦觀恍若
神往但以不得廁身其閒與諸君倡和為悵悵耳不
覺技癢輒思效顰會有海昌之役倉卒不及俟暇時
當為補之為語鑿公僕異日相訪時能沽酒燒豬相

納涼圖題詠

一

待否耶癸酉十月二十日

吳陳琰 寶崖 錢唐

去秋閔子憩召拉訪鑿微開士蘭若焚香煮茗評賞
法書名畫坐語移時不忍去今春過志上家兄書屋
觀鑿公所繪納涼圖恍坐洞庭銷夏灣哦荷淨納涼
之句余將重之江右計長夏當在車塵馬足閒視諸
君豪飲水亭得無嘲余作熟客耶甲戌花朝

毛宗文

垂楊高百尺池館綠陰中座客來陶令山僧即遠公
茶瓜獻清供荷芰送香風余亦就泉石招尋調可同

開士今三絕丹青只自娛偶因長日暇繪作納涼圖
諸子當時彥新篇照乘珠紙佳畱待我書竟愧髯蘇
去年冬鑿公攜諸君所作納涼圖詩屬余書余既爲
錄之思欲以一言附諸君後未逮也甲戌春始成二
詩書便函奉寄更閱半月許借友人過鑿公齋出佳
筆妙墨於明窗淨几閒書之雅時鑿香正藝名花在
左我愛其靜頗覺心適手調但余詩自成一家言與
世所論殊不合然余元無意以詩見長第余書向於
無佛處稱尊今不覺塗抹滿紙鑿公愛我應爲我藏拙也

吳曾因其茗溪

不煩去大暑人在靜中過帶鎮門畱草衣香沼落荷
苔錢經雨潤蕉扇受風多何處涼偏早時聞白雪詞
茅屋良朋聚新詩出已公論文雲樹遠聽講雨花同

納涼圖題詠

二

受戒思三法持齋感六通懷人并得句久立晚風中

韓純玉子邃

記與遠公別谿橋不覺過遙聞來舊雨選韻賦新荷
近市飛塵少臨池散影多晚風如有待柳外聽漁歌
篆籀兼彝鼎標題論最公禪心無定相畫意不求同
幽賞高人共微涼靜者通懸知水晶域青嶂淥池中

韓雯碧城茗溪

東林精舍好池上水亭孤柳色深於染荷香澹欲無
清言霏玉屑朗映徹冰壺相對忘賓主悠然到日晡
書畫爲禪悅微涼客過頻林泉欣有託魚鳥自相親

濠濮之閒想羲皇以上人解衣磅礴意披豁見天真

張韜權六海昌

蜂臺茶話後荷氣數番新遙想納涼處恍依作畫人
心清不受暑情澹可全眞翰墨聊遊戲披圖莫問津
結社亦偶耳何須問白蓮此心非佞佛絕口不談禪
墨灑楊枝露箋鋪菡萏天水亭如可到爲泛雪溪船

吳景旭仁山歸安

逃暑有何策愛閒尋鷺盟雨因無事好風得故人清
看畫疑空幻凭欄免俗擾不如展此卷的的午涼生
遙山并極浦望望盡堪娛月進三重閣冰涼一握圖

納涼圖題詠

三

桃笙誰與送葵扇不容沽銷夏偏畱得此中涵太湖

吳之振孟舉石門

唐莊宗於河上與梁人相拒行營卑溼披甲乘馬盛
暑不以介懷後當無事雖珍臺閑館猶苦鬱蒸志氣
專一不爲外物所奪凡事係於人不係於境此其明
驗也諸君當溽暑中能尋鑿公靜者相對與之圍碁
煮茗論詩讀畫心有所寄煩歎自退三舍避暑第一
妙諦非解人不能領此四君倡和詩體氣高妙言外
之韻味之無盡鑿微補圖得華亭神髓建平正書咄
咄逼王氏父子俱可不朽卷末茗溪仁山翁老而好

學詩格日進寶崖志上皆吾宗之秀此卷不更爲延
陵生色卯甲戌仲夏志上攜過語溪爲題其後黃葉
老人書於老友亭

毛奇齡 初晴 蕭山

讀王周二吳納涼詩並妙絕致足嬾復加之鑒公畫
其前建平書其後雅集能事盡此矣予老禁作詩且
自忖必不能續續亦必不清故爾輟筆近方好中晚
唐詩昨讀皮陸北禪院避暑聯句窮極裝綴各不下
二十韻而讀訖生厭及閱唐人李咸用游寺作涼覺
暑衣薄老知塵世空只十字憬然動心詩人妙地豈

納涼圖題詠

四

在多耶甲戌夏五偕同人集志上書室書此時年七

十二

宋 犖 漫堂 商邱

哦詩讀畫卽何減淵明北窗跂脚時也正爾簿書眯
眼披對洒然康熙乙亥正月二十九日

沈三曾 允斌 荅上

當伏暑時讀少陵荷淨竹深之句不啻謾謾涼飈披
拂四座覺河朔豪飲之爲煩吾於此圖亦云

沈 涵 心齋 荅上

小閣臨流六月涼荷花世界柳絲鄉 用誠齋句此中便是

眞如境那羨西江選佛場

沈樹本 厚餘 吳興

諸公癖幽討吾師破禪寂廣文畫詩書玉局風月笛
自是懷葛民安問義和麻

頌年苦奔逐觸熱踏京埃對此清涼境能無襟抱開
願書擘窠字題作小蓬萊

馮 景山 公 錢唐

火雲燭地天鬱蒸三伏畏見陽烏升我肥非由義戰
勝喘汗思浴秋江澄科頭赤脚北窗臥袒裼又苦侵
蠱蠅數搖羽扇不停手戲作冷語招諧朋或言齧雪

納涼圖題詠

五

蘇屬國或言臥冰王休徵或言千里凍窮髮或言七
日僵白登或言太康二年事雙鶴對語唐堯崩就中
得句最幽險不周風黑吹鬼燈相與大笑滌內熱齒
牙得利勝飲冰王周二吳善逃暑扁舟徑訪魚山僧
高柳百尺障雲日青荷一池雜荇菱爽氣西來支頤
受涼風北至披襟承此時炎歊避穉穢清涼地上聞
三乘鑿公靜者復善畫俗物求之百不磨偶然寫作
納涼圖景物動宕疑飛騰文沈之後作者少賞不容
口雙眸凝諸公題句各雅健我續貂尾良堪憎袖中
蒼毫筆鋒秃抽秘騁妍力弗勝明年倘邀河朔飲一

醉累月吾猶能

吳祖彬 謙六 松陵

聽說精廬好仍看銷暑圖當門澄水閣背屋老松株
夕月偏中牖晨煙長遠厨到來吟客伴詩思貯冰壺
五字詞宗秀丹青禪隱工香山有圖畫蓮社得諸公
佛火炎襟外清風午磬中招尋許同調會謝軟塵紅

陳恭尹 元孝 南海

風柳高亭上諸賢共一僧暑同河朔避興似剡溪乘
至樂存飛管羣書暫架藤一時儒與佛誰得判淄澠
歸夢懸湖水經年度庾闕干篇新著作一卷舊家山

納涼圖題詠

六

自子為羈旅誰人醉此閒荷花香有待掛席暑中還
石倉年道兄將歸西湖為題此卷次其
元韻即以爲別己卯三月時年六十九

喬崇烈 紫淵 白田

清吟十九首字字比南金白社荒寒聚言見古心
名圖經共抱作者頗如林一夕含毫意年時憶子襟
納涼曾此地謂蓮池無畫亦無詩披卷追疇昔懷人轉
恣飢秋高毛穎健雨過馮君遲及爾僧寮話霜天繫
別詞乙卯秋日喜晤石倉先生於蓮池荷舍出納涼
楷皆稱至佳山公時將
至故并及之以志懷想

徐倬 方虎 德清

突兀火雲欲沸川朱門穠穢客摩肩此中還有納涼
者不負西湖六月天
何日拏舟一訪君藕絲冰水好平分吳均詩思如泉
湧不假當頭一片雲
雲鶴孤僧書畫船維摩病室記畱連自從隻履西歸
去空對雲峰想巨然

徐志莘 任可 德清

小閣臨虛敞水濱綠楊深處絕纖塵笑他觸熱驅車
客輸爾乘涼踈脚人
一帶雲山傍晚涼攤書潑墨共相羊莫嫌吟伴多枯

納涼圖題詠

七

寂坐擁紅妝萬柄香
吾宗石倉叟相識巨然僧欲寄荷洲賞閒呼篋舫乘
說經頻舉塵蕉茗一枝簾山谷詩處處
煮茶藤一枝清宴談諧好
風流似在渥

吳穎芳 西林 仁和

老禪調幻藥妙迹擬荆關幘尾古香墨磬頭小筆山
提攜萬里外流落百年閒海嶽今歸架如珠合浦還
丙戌夏日山舟太
史出此圖大韻
翟灝 晴江 仁和
諸公借道暑借閣向郊僧碧蔭移牀就香風舉袂乘

引情抒岳藻雷蹟染溪藤意味皆清絕誰分淄與澠
住老城東地無從訪竹關我頻遙指水客擬別尋山
耆舊百年內金蘭一坐閒且將編續集乞軸細鈔還
石倉先生輒武林耆舊詩丹麓先生
有金蘭集彙其友人投贈唱和之作

吳穎芳

鑒公之妙繪一時名卿巨公之詩題墨迹咸可寶貴
昔藏於吾宗石倉先生傳之七八十年今屬山舟太
史足慶斯卷得其所矣而又為吾城東添一故事芳
東郊人也欣忭無量故再識數語於末

吳城 風亭 錢唐

納涼圖題詠

八

城東富幽景妙繪得支公徑竹猶新碧池荷想舊紅
滄桑人代遠文字釋門空何處尋遺蹟寒煙小劫中
萬里伴登臨講族伯 石倉翁標題歲月深雲山收旅篋鑿賞
助清吟舊物高齋集殘緜宿蠹侵摩挲手忍釋相對
感人琴

吳城

上人住城東蘭若即南宋畫院舊址也康熙癸酉夏
日作納涼圖長卷繫以斷句願丈月田題竹深荷淨
四字於卷端復乞其友王暉丹麓周京敷文吳儀一
舒鳧毛宗文建平吳允嘉石倉賦詩於後上人筆墨

流麗在麓臺元照之閒尋歸家石倉翁攜之行笈中
出示陳恭尹元孝毛奇齡西河宋犖漫堂吳之振孟
舉沈涵汪度沈三曾尹斌韓純玉子邃徐倬瑛村馮
景山公吳陳琰寶崖徐志莘商農沈樹本厚餘共相
鑒賞前後題詠名蹟燦然歷今七十餘年輾轉流傳
麝煤蛛網狼籍滿幅今為梁山舟侍講所得重加裝
潢整舊如新前哲文獻藉以攷徵鄙人摩挲不忍釋
手

吳城

鑒微與金氏介山書云兩人同在貧病中買書買畫

納涼圖題詠

九

典衣責券在所不惜又書云買書畫不可計較價直
交臂一失後悔莫及兩人嗜好如此據蘋村先生集
介山歿後所藏愛玩盡散失而鑒微蓮舍今詢之東
城居人無復有知之者物換桑田況書畫乎

朱文藻 映精 錢唐

按納涼圖從山舟先生借閱一過鑒公所住蓮花精
舍當在艮山門外村落開王丹麓諸人皆扁舟造訪
道暑精舍遂作此圖王丹麓詩云禪舍堪銷夏輕舟
結伴過吳舒鳧詩云共愛東林勝扁舟到水湄吳石
倉詩云結得煙霞侶河東訪舊僧又云小巷不遠市

野竹護禪關客到思消暑吾兼愛看山水常經竈下
雲或出衣閒揮手醉相別扁舟掉月還丹麓石倉俱
家湖墅買舟河東其路甚便若在城東畫院舊址則
扁舟入城有水門之限安得掉月還耶小菴不遠市
是去市不遠矣吾兼愛看山是湖上諸山及皋亭黃
鶴諸峰歷歷在目矣水常經竈下則有活水經厨矣
皆非城東之境所得備又按吟老編年詩鈔贈鑒徵
長老時寓卓子式東園句云我住塘西君關北所謂
關北者頗疑是東新關之北非北關之北也惜無從
訪其處耳甲午仲冬

納涼園題詠

十

朱文藻

庚子歲余自東街移家艮山門外東嶽廟後舍北有
池廣畝許池北有精舍俗呼王家庵庵東西皆有池
其東池較廣庵中齋厨瀕於其上庵後遠山一帶即
皋亭黃鶴諸峰其前則湖上諸山在望也吳丈西林
語余曰子向欲求鑿上人所居之精舍今得之矣此
庵是也余欣然詢其故吳丈曰吾自觀納涼園後畱
意久之此庵左右并前諸池里老云昔時栽荷盛甚
至庵中壁上覓得鑿上人手書詩箋二紙諦視先代
法師神位內有上元下暉鑿法師名號庵北有線地

屋基爲毛氏產卽建平族人建平因此常往來與鑿
公安密其爲鑿上人居此無疑矣余鼓掌稱快向之
積疑一旦釋然越四年余居爲鄰火所燬庵僧不修
戒行主者無人屋宇漸圯而吳丈先已作古人朝煙
暮靄惟余常經行其間憑弔今昔便可作竹深荷淨
觀矣今過山舟先生齋頭重觀此卷蓋距甲午且十
有六年先生命識於後因合前跋錄之乾隆己酉清
和月朔

鑿公精舍納涼園題詠終

納涼園題詠

十一

鑿公生平已見朱映澹先生跋可無贅述吾族毅甫
向書杭郡詩續輯載鑿公贈金介山四詩云遠山有
飛雲近村有漁老秋風滿空亭日落人來少瀑從天
杪來雲向樹根長除卻風泉聲萬山無一響鷓突溪
山鷓突雲乾坤雙眼望難分邇來世事渾如此莫把
聰明持贈君青山白社夢歸時可但前身是畫師記
得西陵煙雨後最堪圖取大蘇詩家西林先生臨江
鄉人集贈元暉上人詩上人無憾欲不愛吐納氣閉
門日恬如天令壽千世我如典牧牛垂老未穿鼻泪
沒塵空中身縛家轉累昨春叩山竹屢問楞伽字如

納涼園題詠跋

一

乘太虛輿來赴元鑪肆宣音啟幽門豎指露密意茶
檻接餘爽松崖暢所奇雲護洞口白雪駁山顛翠蒼
茫渺何覲海氣奪遠地江菴錫初卓道脈係舊記莫
闕相思文坐台薄懷企鑿公以卷贈家志上先生先
生徧徵題詠後歸梁山舟學士其因緣載之家甌亭
先生雲螻齋詩話中河此卷先後與吾家多夙契耶
猶憶道光戊申夏日避暑南屏訪六舟上人小繫扁
精舍評論金石書畫得見及此六公題詩云小繫扁
舟護柳陰玻璃劃碎澹雲深全湖一碧通花氣萬籟
無聲有水禽對景何妨共點筆聞香原可續題襟畫

來卻稱南屏路明淨波光證道心余亦繼作未寫卷
上今忽忽四十餘年六公久寂而舊詩尙可彷彿松
生二兄今梓入武林掌故叢編摹繪甚精追錄諸什
以當跋尾光緒甲午夏日南屏解社中人了無吳恆

納涼園題詠跋

二



竹 西

山 漢



莊 樓

圖

詠

道光十七年丁酉八月廿二日
武林寓齋題

許嘉張廷濟時年七十



章次白先生小像



丁未初冬西吳賞丹旭寫

梅竹山莊圖

三



一掃西點
住書坐
樂不交敵
詩來竹
下把酒過
花時翠
陽藏仙宅
水天茫
玉枝便教
清興發
莫負歲
寒期


梅竹山莊圖

四



一日便教成兩日彈琴
長嘯復何如林泉小占
清虛境客膝節堂好
讀書萬卷為策繫
靜思此中佳趣有誰
知疏竹弄影梅舒白
正是春風獨坐時
癸亥長夏為
次白作梅竹山莊圖
家道士吳雲

乙丑春活
 次白三兄画
 梅竹山莊
 園弄題
 樓羅子
 高樹程



梅竹山莊圖

五

光緒二十三年丁酉八月
 廿二日恭甫朱文樾重摹

西溪梅竹山莊圖題詠

記

金應麟

亞伯 錢塘

七十二峯青 逐夏雲九十九泉白 交方井大灘小灘
 之翠東鳴西鳴之芳吾友次白築舍其中顏以梅竹
 記夫實也爾其綴紫絳闢絲笱訊梅迴謀竹笑般斤
 閣閣無俟禹梁童澗漪漪多載貧瓦百笏時頽香遠
 暖鼎萬竿族碧雲清搖階遂乃懸紙帳疊湘簾君復
 之集時陳平烏皮子猷之畫直補夫白壁佳味菹韭
 閒以梅諸逸致水石或曳邛杖羅浮之夢召紫蝶而
 詡詡淇園之謳步青鸞而拂拂此地行之仙亦高士
 之偶也夫侯梅之貴蕩節之俊黃蠟九命青苞千戶
 江南瓊蕊付花事於園丁渭北粉籜寄吟情於樂府
 一旦佛桑外覺占城內攻魏師渴暎董蒲拋亡陳門
 萃鴉申池焚餽全割子真之饋欲以叢篁爲疆水邊
 萼華笑覆鼎之苦早山頭廷尉豈種管之能羨感笛
 韻而淒腑江城杼憤彈蕉絲而變色楚水自悲蒼筤
 之管黑獄無以自明絳雪之澤頽衣苦其同色梅毒
 蓬首屏於白屋鳳孫枯瘦繫彼尙方求夫匿影孤石
 訪香小溪一枝兩枝千个萬个結仙尉爲侶寐遠長

梅竹山莊圖詠

一

安招青士爲朋心契明月永作灌園之叟獨聽賣花
之聲此景杳然此生難再如我次白芒屨訪幽藤牀
把露心清於葩骨勁夫竹不規規於玉骨與至而吟
不屑屑於柯亭酒酣即臥蕩魂一樹寄傲千載視彼
夫已偶乎遠矣霜風告寒獲觀此幀負曠作記勿以
爲笑

魏謙升 滋伯 仁和

山居之事有二難焉金閨之彥身處廟廊心存滌澗
出紫標黃標之貲營一丘一壑之館主人何在花任
鄰看遠宦不歸門惟鶴守行客過而裴回遊人爲之

梅竹山莊圖詠

二

帳望蓬衡之士願抱買山力艱卜宅借清光於月榭
寄微尚於煙蘿神廬是名託之圖畫勝題虛設系以
詩歌等諸無何有之鄉疑在大干界以外然則貴仕
寒峻皆不能有山居之樂也章君次白得梅之清與
竹同秀鄭虔詩畫擅三絕之譽向平婚嫁遲五嶽之
遊旣取暢夫山情因耽翫乎野趣陶潛則松逕無恙
杜陵則草堂有貲夙愛西溪之勝頻爲華陽之遊偶
昇藍輿短筇在手時租野艇低篷打頭或香雪照人
夜半月出或風篁成韻林端翠浮是焉棲寄實可盤
細不無卜築之思久蓄買田之念鍾太傅之丙舍石

墨永傳王右軍之誓墓山林在望某上某水爲童時
所釣遊一瓦一椽皆心精所結撰近訪林間梵隱長
留溪上巢痕密邇三橋喜無多屋辛勤卅載以有此
廬照水橫斜君復相狎叩門刺啄子猷所欣余以甲
辰冬仲與沈蓮叔都轉張仲甫舍人同宿山房時則
谿風戒寒庭柯脫葉梅未著花竹可倚翠君乃導余
周覽挈侶行遊門署漢隸標以吾廬門鐫梅竹花詩
吾廬四字
鄰園題曰借圃烹魚佐酒出紙索書鐙下成詩宵分
未寢僮有倦色客猶清談信宿出山桑下同戀招隱
息壤卷中留題視彼槐棘列卿勢難去夫高位菰蘆
窮士境莫辨夫幽棲者與君相交難可等齊蓋清福
勝於榮名造物每有吝色非其宿根何能輕畀君則
抽身簪紱之場洗眼水雲之窟喧寂殊致進退綽然
其得失所判亦惟仁者見仁智者見智而已道光丙
午夏四月

梅竹山莊圖詠

三

序

王宗炎 穀陸 蕭山

錢塘章子次白有山莊在西溪之陰幽邃清曠多古
梅修竹疏花先春叢篁後暑章子城居奉親而力於
學不能時時往山莊而心樂之請奚先生鐵生高先

生邁菴各爲之圖善章子者相與詠歌之言情範景
工矣備矣吾以爲章子之志則在於學其爲是圖者
以寓其心者也今夫無形而日變者莫如心有形而
日變者莫如境若有形若無形屢變而不變者莫如
學是故學有以境市者有以境稽者有以境遷者有
以境忘者有以境化者溷喧嘖者思閒靜厭枯槁者
慕都麗以心奪其境者也習城市者得遂所求棲山
林者不役於物以境域其心者也若夫未始有境之
見存其處湫隘囂塵也猶之寬閒之野寂寞之濱也
心爲之樞也若夫未始有心之見存山川之流時風

梅竹山莊圖詠

四

雲之變幻草木之華落與之爲結構焉與之爲僕緣
焉形與心凝也若夫未始有境與心之見存天地之
大古今之遠人物之繁庶因其自然無人而不自得
心有所不必奇形有所不必繫也故曰羣萃而州處
屏耳目壹思慮好學之士也藏焉遊焉息焉修焉善
學之士也居之安則資之深資之深則取之左右逢
其原學而有得之士也章子之於學氣銳而力勤勤
則苦而不甘銳則疾而不徐吾懼其煙鬱而不宣也
思有以廣之而優柔之而未龍也姑於言是圖也進
而誘其志焉其視山莊也無山莊也所見無非山莊

也其視梅竹也無梅竹也所見無非梅竹也其視西
溪也無西溪也無時無地而不西溪也以有形留之
以無形求之以有心應之以無心任之皆學也夫是
之謂深造其境而不物於境嘉慶戊辰四月旣望序

陳桐生 芝潤 錢塘

梅竹山莊者同年次白尊兄讀書游息之所也占北
郭之名區橫西溪之勝槩六橋三竺遜此幽妍輞水
藍田無其曠朗入桃源之路雞犬皆仙過栗里之居
桑麻俱古半村半墅可讀可漁一壑一丘如圖如畫
斯真樓汲之上游雲霞之息壤也憶丙子歲訪次白

梅竹山莊圖詠

五

於山莊相與汎舟溪上時則清霜戒寒玉露團潔蟬
吟風而菰蒲答響蘆飛雪而鷗鷺奪鮮幽磬墮空不
隔煙水涼月如洗可濯肺肝曠然移情迥出塵表歸
而止宿山莊申媿媿之塵譚罄陶陶之杯酌雅又挂
壁眞賞不虛象齒盈籤古香可掬對此君之瀟灑萬
个淺雲挹清客之孤標三分讓雪顧而戀嫪不覺羨
且生如樂以忘疲宜次白之蕙帶難忘菟裘矢意者
乎惟是次白具吐鳳之才擅雕龍之技宜其鱗飛橫
海翼奮垂天而乃雲壑裏傘螢窗株兔荷衣籜喧徒
混跡於山人齒枕松牀空寄懷於逸事覽其圖悲其

遇矣雖然鳳羽自耀龍梭必騰港虛巨闕不聞滅沒
於豐城結綠懸黎豈終沈淪於荆谷一旦虹霓吐氣
金帖書名則騶唱沓來難扁岫幌鶴書敦迫且服朝
簪避人焚草風節邁時作賦摩空文章報國則是圖
也留之異日可以省前塵可以託遐想主組所繫且
作臥遊花竹無恙可通芳訊豈惟是驅染煙墨徵引
諷詠而已哉

賦

葛慶曾 秋生 仁和

攬花鳴之幽遠沂河浩以縈迴依素亭之山麓仁蘆

梅竹山莊圖詠

六

庵於水隈或艤舟以孤往或策杖以獨來一丘一壑
有竹有梅花信纔通林香暗惹蕊坼風前枝橫月下
珊珊若有人兮寂寂誰爲知者影搖翠篠寒鑑碧玉
占二分以裁青巾萬个以圍綠聆佳士之清談對此
君而不俗爰有幽人卜居水濱白雲爲侶青山買鄰
迎涼結夏踏雪尋春感芳華之遲莫認明月兮前身
翠滴詩牌香清酒懷攤書風亂張琴露指引花枝以
入戶送竹筍以穿階此地則宜晴宜雨伊人在山涯
水涯小住爲佳臥遊亦得一幘雲山幾重煙墨葉落
花疏林迴徑側揮翠袖兮無言夢縞衣兮相識日薄

天寒客去酒闌感獨居之幽寂補曩時之墜歡集吟
儔於卷裏遙逸興於豪端託于懷兮渺渺望香雪兮
漫漫

詩

湯禮祥 點山 仁和

一棹別河渚浪遊今十年詩情隔秋水鄉夢落吳天
獨有明經客頻移載酒船故人遺墨在風景尙依然
便欲拂衣去相期歸舊林無人作同調有爾卽知音
疏竹入清聽寒梅多古心紅塵飛不到盡日此閒吟

沈亦然 梅邨 仁和

梅竹山莊圖詠

七

我欲往西溪如躡不忘走結鄰成虛言獨往愁入口
遷延重遷延遂踰十年久乃知福地居不落勞人手
羨君甫弱齡讀書喜郊坳小築西溪上放腳任所經
梅香細繞舍竹翠低映庭四時總瀟灑獨酌酒一瓶
還視城市宅奚啻鮑肆腥函之八尺幅曠與寫林麓
時發紙上香不辨梅與竹含毫爲君題老懷忽振觸
擬粉四壁光畫山滿一屋梅竹森其閒長年臥遊獨
卽非真林泉自謂亦不俗

吳嵩梁 蘭雪 東鄉

但能高臥卽神仙况有西溪屋數椽惆悵法華山下

路一竿香煞釣魚船

陳鴻壽 夏生 錢塘

溪流溯南湖溪源接天目羣山互迴繞中有高人屋
擁雪萬樹梅成町千箇竹不知人境遠靜對溪光綠
橫枝叢篠雜碧影寒香足雙屐阻幽尋計里三十六
黃安濤 齋青 海鹽

大好溪邊水竹居喬松百蔭是秦餘琅玕節下題詩
徧更驗龍鱗問著書

蹒跚曳杖記前遊為訪楊家老桂秋應被溪頭鷗鷺
笑柴門臨水未停舟

梅竹山莊圖詠

八

兩岸蘆花白似銀萬株梅綻玉鱗皴主人若問來時
節不是深秋便早春

許乃 韻生 錢塘

幽人愛山棲 乃來 結廬在深鳴清風動修篁 乃普生
雪圍孤嶼蘆中盪寒碧 乃洵欵乃出柔檣溪面波微

皴 乃林 初吐此樂輒忘返 生相於結勝侶或攜

一卷書 臣信 擁膝不出戶客來款荆扉 深譚揮松塵

圍爐釋酒冰 生煎茶 颺煙縷斜枝窺竹外 遠山開

眉嫵筆底有春風 禪圖成記客主彈指經廿年 雲

煙供仰俯相期訂 信空復聯雁序頻年隔南北

菊故山幾延伫丙舍憶白雲 生鄉夢落何所歸來值

花時 臣信 襪被宿河渚聚如貼水萍 禪菊 聽即連狀雨行

矣各天涯 生 題襟牽別緒羨君得清福 臣信 循陔樂如

許城市與山林 禪菊 佳日儘容與珍重歲寒心 生 臨風

頻寄語芳信報平安 臣信 枝頭翠羽安得接比鄰 禪菊

往來敦古處 生

潘恭辰 紅茶 錢塘

百城高擁福原豐況是煙霞境不同最好西溪且留
下只今家有建炎風
烽火嚴城雪氣催展圖人想避兵來萬松黃海我將

梅竹山莊圖詠

九

去輸爾竹籬長看梅

張祥河 詩船 華亭

一重翠掩一重陰溪水長流不競心遺老黃冠多避

地秦亭山色自來深

梁章鉅 荏林 長樂

乍向西湖學息陰西溪未到最關心何時拄杖真西

去領取詩禪畫理深

冷梅疏竹自陰陰招隱高人易簡心惜不當年同把

臂空從畫裏叩崇深

鄔鶴徵 雪舫 山陰

溪上新吟卷山中舊草堂老梅百本瘦野竹萬梢長
室有琴歌樂庭留翰簡香何當風雪夜一到水雲鄉

戴熙 醇士 錢塘

河渚風光畫裏收山莊小築最清幽竟攜梅竹偕來
隱不讓蘆花獨占秋月落參橫人似鶴煙曉雨嘯屋
如舟卅年陳迹多者舊那欲題詩在上頭

朱俊 睡庵 錢塘

曾飲茅堂酒同遊物外天蘆花秋在水溪月晚生煙
寒趣著梅瘦冬心爲竹妍山莊可能住不羨古膠仙
展卷多鴻筆風流是我師此中香雪海足稱畫書詩

梅竹山莊圖詠

十

泉石容吾拙田園隱不辭款門來竹下重許醉花時

陸費瓌 春帆 嘉興

寂寥人境外結屋西溪口緬懷菱蘆仙靜與梅竹友
梅邊橫素琴竹裏安茶臼寒綠浸鬢眉虛白生甕爨
漁榔沿流入鶴柴閉門守主人談黃虞樂道寄畎畝
瓢飲示真率巢居寡儔偶濯髮詠滄浪儻許從遊否

沈兆霖 朗亭 仁和

西溪清且幽詩人例居此結屋兩三間嘯傲亦足矣
種梅侑以竹橫斜俯寒水供養羅煙雲寬閒擁圖史
豈必襲高蹈奇與聊爾耳有時招朋簪謠詠達夜子

酒杯數正寬花影側頻徒流連近卅年積句滿百紙
三絕畫書詩展卷盡宿士我生嗟已晚點筆汗流泚
詩成迫解維夢繞千峯裏買山計若成丙舍幸密邇
尋梅與問竹忘年作鄰里。

項廷綬 芝生 錢塘

春波十里花娟娟招我北樓張綺筵落葉四山風屑
屑遲我西溪看秋雪蹉跎良會不可常搏沙放手成
蒼涼可憐河渚狹於帶十年未到君山莊山莊老屋
橫溪上高竹低梅兩無恙綠雲片片裏寒香香裏畫
君君跌宕縞衣仙袂宵沈沈鸞笙鳳吹春惜惜千花

梅竹山莊圖詠

十一

萬花弄明月一枝兩枝鳴水禽幅巾鶴篔簹拂子歌
風讀易揮素琴美人林下有絕調此君座上無煩襟
人生俯仰徒落落祇有青山真不惡貪財好色雖英
雄何苦屠沽逞六博況我比歲愁邊關盛年劊削羈
旅閒青山滿眼不可買大笑頗有看囊錢吁嗟乎法
華山下數尺水流入官河作清泚來船去舫密如市
明日征帆我北指卻望山中煮石人黯然惟別而已
矣

吳乙照 子校 海甯

西溪十八里到處是蒹葭客有此中住求之路轉賒

偶逢三晦宅種竹與梅花不向樵夫問門前縮釣艤

魏謙升 滋伯 仁和

我家煙水窟到處皆漁牀最數西溪勝洲渚阻且長
中多梅與竹觴詠宜詩狂君也結廬在獨往非踽涼
風篁暮深翠雪榦飄寒香鷗朋或見訪掠艇破溪光
鷗鷁閒曬翅拍拍時飛翔尋僧儻載鶴清唳引圓吭
水村好圖子展對靜境生叶回頭笑塵世名利何皇

江青 聽香 錢塘

向禽樂遨遊吾儕慕鄉里耕釣雖一區但使遠塵市

梅竹山莊圖詠

七

市遠亦非遠十里城西偏河渚路紆曲曲曲梅花煙
梅花盪空香修竹弄柔碧到岸不見門寒影一林隔
團蕉枕山麓簾捲山光浮几榻淨不拭琴書足鈞憂
閒雲寫君心流水澹君欲我來一訪君雲水笑我俗
笑我我不瞋柄栖苦長貧買山儻有貴願結煙霞鄰

余 鐸 慈柏 仁和

卷迹不入市巖棲娛幽情地有竹不俗人如梅之清
獨坐得妙理相期辭浮名世事那復極惟聞琴書聲

孫顯元 花梅 仁和

幽居占河渚半竹半梅花北戶清風入南枝冷月斜

儻非君復宅定是子猷家直與紅塵隔山扉待我搥

查 癸 菽原 海甯

有梅有竹儘高寒選樹於嚴未許寬多少春風閒草
木不曾徹倖近闌干

勝來秋雪董華亭記乞殘僧幾卷經僕於丁巳秋放
雪庵二十
餘年矣何日白頭成梵隱首楞嚴與野鷗聽

陳文述 頤道 錢塘

君是西溪邁子山山莊四面綠陰環路經秋雪交蘆
外門掩疏篁瘦萼閒鶴步殘香孤嶼冷鶯曉空翠草
堂閒溪邊我亦漁磯在蓑笠煙波約往還

梅竹山莊圖詠

七

景 謙 福泉 仁和

便看圖畫輞川如未到山莊意已舒山色四圍書萬
卷人生樂事願無餘

水竹娟娟淨絕塵梅花萬樹一樓春定知殘雪蒼煙
裏中有輕舸訪戴人

脫卻朝衫已一年歸來笑乏買山錢西溪魚鳥如相

識老我遊筇卽是仙

張雲璈 簡松 錢塘

西溪新漲碧無邊棹得春船似上天我欲到門青隔
斷書堂圍在法華煙

有梅有竹稱幽居
梅自橫斜竹自疏
誰似詩人簾底坐
一庭香擁萬行書

茂先記得舊行蹤
癡絕曾教借賃春
定有神仙真窟宅
鄉媛小犬是雙龍

幾番對此欲傷神
看畫還思作畫人
二十年來名繪手
高三奚九總成塵

於去春歸道山為之惘然
陳嵩慶 荔峯 錢塘

左攤詩卷右琴尊
選勝西溪溪上邨
猶恐此君成獨笑
萬梅花裏畫柴門

梅竹山莊圖詠

幾年清夢墮林肩
酒力無多夢易醒
笑對家山如過客
空餘三宿在兩屏

錢師曾 歎雲 錢塘

秀色在天地妙香懸
古今迹象了無言
得之有淺深之子
冰玉人棲泊天為

對有勝安其巢有幽
暢其襟世人具皮相
絕俗同一歎天寒鶴
迹蒼圖書掩空林

是中有清風可挹不
可尋苔石澹相照白
雪為知音誰歎造其
廬邈然見此心

又
懶情經年不做詩
幽情暮地起相思
按囊尚有寒香

筆重為山莊醮墨池
曩於齋頭見此圖忽忽二十餘年矣光陰剎那風流宛在復綴

姚燮 梅伯 鎮海

柴屯柳柵出煙中
九汊青波一棹通
上界雲巢依佛國
祕壇焚樹仰詩宗

篁陰密雨延秋綠
花隙初霞餌曉紅
起側羅巾尋漁子
琅琅水調答天風

生涯酒國與鷗天
著作渾忘幾歲年
壽世文章才士福
主盟風月上清仙

過門冷闌無騶騎
入夢清涼有石泉
安得與君結鄰社
馬塍花底拜嬋娟

梅竹山莊圖詠

煙雨千竿繞座隅
做居竹竿巷先祖文莊公題曰修竹廬
羅浮萬樹到官初

雙清那得兼梅竹
羨煞西溪溪上居
萬橫香雪坐幽篁
鐵生曾為余畫萬橫香雪

逢感慨長零落知
交數年耳悔從薄宦
失周行西湖也占屋
三閒

謂葛林園忘及西溪水一灣七十二峯
曾鼓棹未教蘆雪叩
花關前與同人遊西
溪竟

蔣炯 葆存 錢塘
春山悄無人茫茫
白雲夢迴風涵香
林山動雲亦動

山莊舊闢永興麓
門遠溪光吸寒淅
槎枒地擁萬株
梅瀟碧窗明千挺
竹安前本是神仙
宮星冠絳節隨

青童無瑕玉貌恍可遇玉貌冠冠隨鳳節成不及

也何必遠夢羅浮東雪堂祭酒老好事手植寒花向

古寺天寒翠袖太孤清夾竹雙鬟倍明媚羨君鉤簾

日讀書流泉瀲灩鳴階除探梅時放雲溪權問竹還

從石鵑居我亦山中三人載留溪住僕閣七十二賢

峯萬玉玲瓏擁寒霧有時君也來叩門茶鎗酒榼紛

橫陳煙雲落紙條變化高髯畫手妙絕倫乙酉春君

庵沈竹亭江聽香余慈柏同訪余留今君崢嶸負素

志驛驅欲向天衢試故園梅竹苦留人索句林閒日

徙倚予亦近作句甬遊海風吹雪如搓球雲湖有梅

梅竹山莊圖詠

七

深似海雲岫有竹長如舟雲湖鳴雲岫寺皆在慈

山僕西明年驛使春光早一枝遠寄長安道山中莫忘

歲寒盟友竹寵梅吾事了

徐廷錫 秋雪 仁和

七十二峯外開軒對白雲野梅香一鳴水竹占三分

性定逢僧話身閒與鶴羣何時攜短棹載酒好從君

戚學標 鶴泉 太平

列障圍雲山團團下庭綠竹裏無人聲浩然媚幽獨

喜見春風還氣暖變寒谷徑出梅花橋清歌絃古曲

集青 蓮句

趙學敏 庸吾 陽湖

浮名碌碌成何用塵世勞勞信可哀何似西溪幽絕

處數竿修竹幾株梅

任是虛心難屈節要留寒意肯因人君將梅竹成三

友還許吾來共結鄰

湯貽汾 雨生 武進

路繞西溪石逕斜結廬疑是輞川家旋栽修竹留新

筍多補寒梅待早花甚欲從君獵樽酒因茲為我洗

塵譚湖干不少閒田地有幾能來學種瓜

汪仲洋 少海 成都

梅竹山莊圖詠

七

平生恣游眺襟抱殊流俗梅訪孤山隈竹間韶光麓

偶然發清興兩腳瘦不于街山日未晡返舍景先促

豈若誅茅居繞窗種梅竹醉沁肺腑香夢染須眉綠

何異仙之人坐享洞天福

仙人亦人耳不必在瀛洲西湖更西去河渚清且幽

殘雪滿籬落遠山橫畫樓樓下老梅發籬邊叢竹修

野鳥答吟嘯天籟相和酬但愛吾廬靜焉知天下愁

儻非林和靖定是王子猷

遠聞溪上巢近接留下市中有棧隱人高臥北窗裏

我著閒居賦頗具出塵理拄杖持示之微笑粲玉齒

梅花香送風修竹淨於水觴酌坐相賞澹對心如洗
瞥眼便鴻雪披圖感歎起

我懶如白雲風吹不得住風息雲未還挂在西湖樹
西湖與西溪背面分吞吐利濟吾豈能者老舉應誤
余以里民之請嘗賴君助疏鑿源流一氣注補插梅
與君疏濬西溪
萬株掩映竹無數結鄰儻見許幽棲對朝暮

王乃斌 香雪 仁和

雁聲寒叫蘆花秋次翁邀我西溪遊千峯月色落酒
殘一篷雪影迷輕舟盡歡相對數六逸
同遊梁春勝朱彥甫關子
槐卿醉來共宿山莊幽梅蕊隔水吐微馥竹葉上窗

梅竹山莊圖詠

尤

搖清修主客吟詩各靜悄賤子伏枕生離憂探梅憶
昔到鄧尉太湖一碧雲山浮看竹又登黃岡樓大江
遠溯峨岷流拋卻孤嶼之梅篁橫竹書劍直向東海
曠身經戎馬撫髀歎書生骨相誰封侯燕昭臺畔雪
花大衝寒去爲五斗謀何似闌干種苜蓿許散襟帶
樂樊丘西溪有田足鶴料西溪有水垂魚鉤有時閒
步竹林裏枕琴涼愛綠陰稠有時醉臥梅花下夢醒
微聞翠鳥啾杭翁厲翁舊遊處興來晨夕招朋儔鶴
渚生煙羅子清景爲君筆底收卽今僧寮花鴨共登
眺眼中輸君詩興道君不見傲廬亦有梅與竹出山

便欲賦歸休題詩再訂西溪約笑指蘆花盟白頭不
信請問溪邊鷗

錢 杜 叔美 仁和

愛尋西溪小精舍高枕臥看溪頭雲雪幹野籬最幽
窈窕風簾攪翠相氳氳衣冠不來城市客門巷時有沙
鷗羣尋秋擬買扁舟去茗椀鑪香細論文

汪適孫 天村 益婦

君豈林和靖客無王子猷胡爲嗜梅竹小築占清幽
心事煙波寄生涯世網留何時歸隱去慎勿負盟鷗

梁紹王 晉竹 錢塘

梅竹山莊圖詠

尤

瀟瀟林君復風流王子猷笑看溪上水吾亦一閒鷗
千峯萬峯雲樹十里五里秋蘆人呼風月亭長自署
煙波釣徒

梅香竹韻與泉聲未許斯人獨主盟七十二峯青窈
窕買山先有玉溪生

孫熙元 邵庵 仁和

偶攜輕樂劃波痕西堰橋西別有村千樹梅花萬竿
竹凍香寒翠擁柴門

陳列琴書一室中文莊故自有家風
宋章文莊良能少時居一室必
汲掃坊飾陳列琴
何時鑿翠懷先隱君在溪西我在

東有鑿翠軒余繪圖記之

張珍泉 詞莊 錢塘

晴雲擁絮胎禽眠碧鸞搖尾聲娟娟三分雪意二分
水西溪溪畔新園慶疏影清陰卻當屋屋外時聽鳴
飛泉泉清草細山徑靜山深無盡天無邊中有詞人
抱雲臥雲頭朵朵開青蓮蓮臺十丈舌本湧芸籤萬
帙胸羅全不尋翠羽續僊夢不參玉版談空禪一椽
卜築聊避俗焚香讀畫心悠然君不見杭厲去今百
餘載魏吳亦復凌蒼煙春松穀人 兩先生谿山得君乃有主
蘆庵歲時修維度冬心獨抱樂莫樂春華坐閱年復

梅竹山莊圖詠

壬

年但覺清風有時至不知明月幾回圓松枝打門香
芋熟誰與來話名山緣買宅卜鄰定許我惜無十萬

青銅錢

詞

余集 秋室 仁和

占得西溪地幾弓梅兄竹友儘相從等閒不入幽人
夢有客到庭中水周堂雲影容容荷長鏡出遠峯開
混沌作玲瓏是前朝雪上詩翁南宋章文莊居吳興
鑿玲瓏山有詩取以

况相

吳錫麒 穀人 錢塘

幾間老屋占溪山幽勝水竹環梅互開徑暝煙生問
是梵隱誰家春色外留住雲邊清磬許教尋舊約
短筏沿緣重向兼葭里中認鶴夢已經年廝守柴門
渾不改斜陽瘦影只隔渚喧喧老漁催怕草長波寬
鴨送歸陣調寄洞仙歌

李堂 西齋 仁和

占煙波第三橋外無多茅屋粗就移梅腰以便娟竹
石丈更求為友環戶牖與抱膝吟人風格同清瘦殘
年雪後對滿硯寒香侵簾溼翠自漉葛巾酒低回
久讀畫徒搔白首容吾來結鄰否向平婚嫁何時了

梅竹山莊圖詠

壬

自署渚中漁叟情似舊隔水北風南相見頻招手方
塘半畝好借籠撈鰕編欄護鴨補種五株柳調寄買陂塘

吳衡照 子律 海甯

廿年舊夢歎畫裏重逢可憐俱老那時路杳記蘆花
浸處夜涼同擢屋角林灣一半清遊未了月兒小待
撐出樹陰溪上潛曉彈指成浩渺想梵隱空山但
聞號鳥結廬甚悄料何郎阮客幾番曾到滿幅蕭閒
補箇吳儂更好接離倒趁樽前竹鬢梅笑調寄掃花遊

汪遠孫 小米 錢塘

繫扁舟萬梅花裏竹深容我相就西湖熟了西溪僻

問爾與誰爲友雲滿牖喜屋小如蝸恰稱詩人瘦狂
吟倦後儘打疊閒愁銷磨豪氣付與一盃酒 披圖
久細讀新詞幾首故人試數存否年時秋雪庵前路
解后漁童樵叟還憶舊算郭李屠吳都是曾攜手重
來五畝認苔徑依然白鷗指點門外臥髡柳 次西齋
買陂塘

項繼章 蓮生 錢塘

雪銷溪路淨梅深竹窈籬落雨三家冷雲隨權轉肥
尺幽香占斷水西涯野瀉導我認過橋幾樹查牙似
倚然身行畫裏詩思入昏鴉 橫斜梵鐘破暝漁篴

梅竹山莊圖詠

三

吹香又月明林下憑喚取天寒翠袖同倚霜華提壺
慣負經年約最撩人還有蘆花君知否夢遊空賦兼
葭 調寄三犯
渡江雲

趙之琛 次開 錢塘

東風吹暖正浮煙乍斂晴光輕逗小小山莊春晝永
只合詩人銷受案有奇書門無俗客相伴梅花瘦幾
竿修竹一梢低拂窗牖 因念此日西溪亭邊橋外
香雪應如舊枝北枝南清夢繞呢鳥數聲飛溜半鵲
閒雲一溪流水解我沈吟久結茅他日問君還憶儂
否 調寄壺
中天

及三慶 積堂 錢塘

憶當年玉梅花底簫聲遲我相就寒姿弄色煙痕冪
雅稱綠卿爲友香入牖正賭酒評花人與花同瘦落
梅風後怕翠羽雙曉驚回曉夢醒了一春酒 相離
久不覺披圖搔首春寒風峭知否買山兼買三分水
妬煞溪西漁叟逢故舊且竹友梅兄溪畔同叉手閒
園數畝定惜我遠遊多君賦別花外折枝柳 次西齋
買陂塘

郭麐 類佩 吳江

無盡好溪山水竹回環妬他占取屋三間想見春風

梅竹山莊圖詠

三

人獨坐香雪斑斑 舊約訪前灣可奈綠慳何時一
棹款柴關竹外梅邊須爲我留箇煙鬟 調寄賣
花聲

許乃濟 青士 錢塘

路曲水明沙修竹橫遮愛他竹外一枝斜彷彿天寒
凭翠袖有箇人家 清夢爲寒花小艇輕划柴扉款
罷坐煎茶笑指溪頭新月上半拓窗紗 和類佩賣
花聲詞

屠倬 琴鳴 仁和

記年時白沙翠竹詠茅容我相就 余於真州構就竹
亭四面環以梅竹
兼葭冷月西溪棹 真州亦
有西溪難忘西泠詞友通曲牖也
小小窗櫺低插寒梅瘦倦遊以後梅早不歸來山靈

笑我空戀幾升酒 相違久只向青山低首煙霞還

似前否打魚射鴨閒來往認得溪邊童叟邀故舊且

竹外梅邊商略同攜手荒園幾畝尙許結比鄰疏泉

鑿石門外映榆柳次西齋買

姚椿 春木 莫縣

何處結幽棲淺碧沙隄西湖西去是西溪除是盧鴻

曾解畫牋有詩題 乘興訪招提舫逼橋低此閒一

曲一瓊瑤手種竹孫干萬箇一箇梅妻調寄浪

張應昌 仲甫 錢塘

憶幽居幾番相約蹉跎遊屐難就寒煙淡月三閒屋

梅竹山莊圖詠

翰與聊川詩友花作牖想疏影孤標比似吟肩瘦春

前雪後更萬頃蘆吹一溪玉映傾盡羽樽酒 歛歛

久我又分馳馬首他年能買鄰否芒屨櫻笠真孤負

負了西湖漁叟還話舊總莫忘梅邊竹外同攜手閒

田數畝但斷筍爲肴賣花永日奚學折腰柳次西齋

高日濬 犀泉 仁和

谿影漾春山水曲煙環此君恰好住中閒有鶴有梅

兼有竹繞屋爛斑 門徑界蘆灣浮處香慳小樓月

上最心關好約扁舟花海去喚醒煙鬢次類老賣

許乃毅 玉年 錢塘

萬竹綠沈山野水彎環一聲翠羽隔花閒有客尋春

春起早屐印苔斑 香雪壓溪灣風力猶慳銷寒點

筆寫荆關擬共誅茅君信否笑指雙鬢次類伽賣

吳振棫 仲雲 錢塘

浮名撇卻與青山廝守竹瘦梅肥勸行酒款柴關不

是漁弟漁兄風雨裏誰肯披蓑相就 第三橋畔路

短牒春煙惆悵佳人未攜手指點認幽廬黃柳拖晴

橫遮斷白雲溪口問雪色寒蘆幾時花有舊約尋秋

野鷗休負調寄洞

梅竹山莊圖詠

潘恭常 吾亭 錢塘

問鷗沙溪西小築牽蘿何日吟就補梅添竹都瀟灑

算結歲寒三友開北牖看興引王猷筇倚孤山瘦追

陪肯後料凍返芳魂香吹娟擘破費幾尊酒 沈吟

久爲續新詞兩首西齋題買陂塘一闕琴鳴次韻于

此遊蹤曾記來否山莊于芒屨欲問山莊路輸與詞

童溪叟他日舊好認取留題朔雪同分手重來五畝

待種月攜鉏敲風選韻還指宅邊柳買陂塘

顧翰 蕙塘 吳縣

蘆花蕭瑟路彎環遊罷棹船還羨君結箇團圓住傍

漁磯數掩柴關想見生平高致梅谿竹屋之間
來綺語未全刪身已出塵寰階前瘦鶴餐丹屑故應
共爾幽閒堪笑醉翁未老漫云白髮蒼顏歐陽公作
年未五十而云白髮蒼顏
非實錄也醉翁亭記

戴熙 醉士 錢塘

一家眷屬人與梅花竹客到主人新睡覺花影滿身
如鶴 門前流水潺湲籬根明月娟娟依雪偎雲醉
倒不知夢在誰邊詞寄清
平樂

後序

吳騫 查客 海甯

梅竹山莊圖詠

美

予耳西溪之勝垂數十年思一理筇屐訖未果比觀
次白章君梅竹山莊圖恍置身千嶂 壑中洵哉筆
墨之足以移情也作圖者二人一為處士鐵生一
為高君適菴二君武林妙手皆能詩而鐵生尤予舊
好生平雅自矜許不輕爲人點筆閒復讀所題想盤
薄解袂時故非漫與之也聞之西溪之上多隱君子
鑿井而飲耕田而食至有終老而不出者次白豈其
人乎予雖衰而好遊之心未厭將以曉春良月權一
葉道南漳徑造幽人之廬汲石鳴之凍泉淪秦亭之
苦茗相與抗論古今盡發平生未見書而讀之於時

有翠羽啁啾飛鳴上下與疏篁瘦萼同其清絕輒令
人悠然意遠且樂而忘反隱鐵生不作儻邁盒猶能
含毫泚墨爲我補一席於山窗之次則息壤在彼矣
嘉慶丙寅秋中月

西溪梅竹山莊圖詠終

梅竹山莊圖詠

毛

絳雲樓印

拓本題辭

丙子歲七月
建德周氏刊

絳雲樓印拓本題辭

十經齋遺集附錄

自題

蠹簡難尋却燼餘
僊人漫道好樓居
輸他一片燈明石
閱盡當年未見書

閣勝齊半貯柳枝
絳雲樓閣勝齊半蒙叟句也
幾人紅籬擅冰斯靡

蕪詩句初成後
押尾應鈴倒好嬉

拂水莊荒孰弄藏
百年流轉到長塘
書城一例歸零落

銘語空鐫鮑夕陽
淥飲翁以夕陽詩得名時號鮑夕陽

張金鏞

絳雲樓印題辭

一 自莊嚴地

銷聲息影幾何時
晚託空門減鬢絲
銷聲息影取心空門皆蒙叟尺牘中語

早識人無貞石壽
義熙甲子悔編詩

二寸燈明認粉汗
年年詞客弔蘼蕪
松園詩友河東婦

曾把頭銜作印無
蒙叟稱程嘉燧為松園詩友柳如是為河東夫人

燼灰飛盡蠹香空
小楷銘辭鐵畫工
一樣藏書知不足

牙籤如葉掃秋風

未入虞山一徑深
雉皋曾訪舊園林
畫中詩意書中女

小篆芝紅沒處尋
冒巢民姬人金明蔡合嘗合筆畫紅梅玉茗小印文曰書中有女畫中詩

見樊榭集

甘熙

絳雲僊姥塵寰謫
樓上圖書高百尺
傷心終古劫灰飛
留得晶瑩一片石
石印方寸有奇白
文四字摹冰斯
樓成卻為貯嬌計
想見河東初嫁時
滿架琳瑯誰校覈
織纖玉手親鈐冊
風流絕勝梁千秋
女史妙能通翰墨
海內知名錢侍郎
憐才女子亦堪傷
倘將慷慨勤王責
鑿取軍中急就章
事如不濟甘同死
樓頭珠墜從君子
成夫節義泐貞珉
可惜當年不出此
虞山風月空婆娑
二百年來玷不磨
回憶投繯家難報
君似妾君如何

絳雲樓印題辭

二

愛古軒同清閣閣主人雅興勤搽索
玉印曾遺天蓋樓

西冷市上猶零落
王午春游杭州於古董肆見一蒼玉小印鐫天蓋樓三字篆法甚古因索

值過昂遂忽忽舍去

邱煌

彭咸遺則好同歸
入洛匆匆轉念非
片石堅貞繇本性

不隨萬軸作灰飛

丹筆親題孟八郎
文章從此更無光
長塘詩叟多情甚

樂石鐫銘為弄藏

黃安濤

萬卷可憐歸一炬幾疑此印亦灰塵六丁不取非無意
留與人間惜二臣

雙忠祠宇列羅張誰問虞山拂水莊等是區區一方石

何如臨桂郡侯章羅忠宣公有臨桂郡侯行軍章

縹緗藏弄甲吳中想見芝泥押尾紅別有青田書鎮在

巧心誰似柳河東柳如是有手鑄青田石山水書鎮

徐渭仁

昆明池水劫灰餘斗檢猶傳舊隱居何事壽爭金石永

白頭誤煞老尙書

絳雲樓印題辭

三

荒莊紅豆燼無枝謔詘終難到籀斯楞嚴蒙鈔序庚寅之冬不戒於火五

車萬卷蕩記向洛神鈴玉版十三行內辨飛嬉趙子昂藏洛神

十三行燬於絳雲樓王良常云

祕笈薰鑪並度藏余有絳雲樓銅薰鑪回文款六字是宋比玉隸書嘗製湘月一闕詠之吳

中和者肯隨收鏡膠錢塘關心一印光芒射貞石羅十餘家

到范陽觀察者有常山貞石志摻羅極富攷證精確讀者方之歐趙

章光轍

一炬牙籤惜絳雲青珉幸不與樓焚薰鑪收鏡猶珍惜

都付詞人證我聞

虞山晚節重堪吁遺塚茫茫冷尙湖余曾過河東君墓間蒙叟葬地無有

知片石至今完趙壁貞心應爲柳蔭燕

白頭羞煞對紅顏

稼軒印與河東印一樣璠璣歷劫餘編入君家金石錄

千秋詩史在匏廬

一萼紅

邵建詩

暮雲浮早圖書散盡劫火冷重樓蘭燼都灰苔斑未蝕

小印猶篆銀鉤想前度河東收閣傍唾絨牕底伴清幽

絳雲樓印題辭

四

蠹簡鈴紅鸞殘押紫纖手黃柔不與明珠同碎算人

間難得好物長留匣鏤沉檀囊縫古錦甚時珊網重摻

轉歎惜臨春結綺滿南朝金粉霎時休爭似平泉片石

名字千秋

韓崇

莊荒朽盡河東柳樓燼猶傳小印文脂粉一痕留旖旎

圖書萬卷散煙雲長賸舊物供人翫柴辟新詩憶我聞

好與博山同作伴摩挲親檢妙香薰絳雲樓燼今歸滬上徐紫珊明經

洞僊歌晏小山體

戈載

116 201 100

雲崩風戶寶架牙籤滿榜列齊牢紫泥煥自庚寅劫火

有學集詩庚寅劫火六丁然錄字丹書運上天汝去箋天應乞與絳雲樓閣故依然餘燼編詩有

集第四卷名祇留得小印鸞迴玉篆盤螭霞散彩誰

運鑑鍾可與君華字同款前會見柳如是印書對校句聯摻拂

紙丹鉛想幾度排窠紅綻幸好古東陽訪雙臺更珍重

青囊初學集松談閣印史歌關中郭靖十年抄藝林傳

翫雲窗風戶伴君行寶架牙籤傍綺疏絳雲樓閣勝齊

聯句拂紙丹鉛雲母細攤手雙童覽人世皆初學集絳雲樓上梁詩八首中句

吳雲

絳雲樓印題辭

五

細帙縹囊一燼餘轉從片石賸樓居劇憐瓜圃秋風裏

老去歸依剎利書

徧採新歌譜竹枝餘生劫外正如斯若非遺託龍門筆

水跡金踪儘自嬉

瑣壁終嗟不早藏空留舊曲記橫塘摩挲拳石追前事

拂水莊荒弔夕陽

金寶樹

古木寒鴉拂水巖荒莊遺址碧苔黏劫灰飛盡留珉石

曾伴高樓甲乙籤

鏡花爐篆共氤氳芝室維摩證我聞記取明鏡妝閣畔

紅泥小札署回文

當代詩名八詠樓一編金石費雕鏤就中別有滄桑感

風雨斯文二百秋

翠樓吟

顧文彬

紫燕樓空紅羊劫換還留閣榜圖記若華工刻玉抵私

印綢繆鈐臂瑤牖清祕伴粉鏡妝備熏鑪香膩滄桑外

梵書親寫墨西應試一自零落蕪蕪恁翠匳貞石不

隨琴座鮑家銘泐在問聽唱秋墳詩未詞僊新致更小

絳雲樓印題辭

木

拓芝泥分題珠字摩抄意畫眉殘共吟魂繫吳竹橋先生藏有柳

如是

葉志詒

祕笈難尋舊絳雲小鐫猶認劫餘文應知却扇詩成後

更有新鈐署我聞我聞室為柳如是所居

寸石珍藏記語工長塘圖籍久云空百年故物今餘幾

蠶尾何人說阮翁余家藏有王文簡公名印

潘遵祁

山莊零落賸斜陽片石猶傳俠骨香樓外塵深飛不到

故應殘劫避紅羊

銀手盪然鐵畫誇書城轉徙感年華護持畢竟詩人仗

八詠風流繼鮑家

梅曾亮

寶架牙籤迹已荒高榆深柳只蒼蒼二句用絳雲樓上梁詩古懽

誰似西雍子收得書樓一印章

王柏心

河東才調領書城小印行間押尾明石不能言猶有恨

南朝羞見褚淵生

絳雲樓印題辭

七

好事人間鮑夕陽曾攜片石感滄桑東風幾換靡蕪絲

誰問當年拂水莊

隱侯八詠自從容倒籛猶傳拓本濃印史若煩君更輯

人間只重段司農

南樓令

陳彬華

拂水賸荒莊琴湖徧綠楊歎向書身世身滄茫只有靡

蕪芳韻遠鈴小印舊琳琅黛鏡冷明妝錢唐徐問遠藏有靡蕪妝鏡

鏡熏蘊瘦影香上海徐紫珊新得絳雲樓熏蘊奈猩紅淚劫紅羊空憶

絳雲樓一角留片石羨東陽

孔憲彝

江左文光燭此樓絳雲飛去劫友留祇今誰憶虞山叟

一印流傳二百秋

文章六代有餘風壇坫爭傳幾鉅公入手摩抄留片石

更將私印識婁東余藏吳梅邨名印

鑄就青銅五字銘鏡中樓影絳雲停廣平太守多情甚

金石還應供一亭嘗見柳如是鏡銘以五言二十字

潘曾瑩

合浦珠光燭斗牛琳琅萬卷正分讐絳雲故物通靈甚

絳雲樓印題辭

八

飛上清風八詠樓

裙屐翩躚夜舉觴傳觀曾付柳枝孃虞山文藻都零落

烈骨同留萬古香

三姝媚

邊浴禮

青琅玕一寸是曾經焚餘劫灰殘燼鐵綫銀鈎裏綠絳

千弓木泥香沁紅豆花前自什襲團窠鴛錦鏤雪鏤雲

抑倩靡蕪玉纖脂暈零落南朝金粉歎縹帙煙飛畫

樓難問柳老章臺甚連環珠篆不隨同殉著手摩抄謾

根觸滄桑幽恨配取河東妝鏡清光未墜

姚輝第

一代詞華在擅場高樓人去碧苔荒如何一寸堅貞石
劫火難銷翰墨香

粉印脂痕尙宛然冰斯小篆阿誰鑄天心豈爲蛾眉惜
更遣遺踪藉爾傳

題名憶自長塘叟綠飲風流豔一時記否墨香茶熟後
猩紅會上鮑家詩

貞石編成篤耨薰犀匳細帙伴休文卽今太守珍藏意
果重虞山重柳君

絳雲樓印題辭

九

綺羅香

金泰

苔篆凝斑雲根沁翠刳燼誰重磨洗拂水莊荒空認仙
居名字想當時紅豆庭前伴清供碧紗牖底問題成寶
架牙籤也曾分贈一詩未 秋鏡人倦繡佛幾度蠻牋
押尾煩他纖指一搦脂痕猶帶蘼蕪香意祇無情片石
空留暗追惜明珠輕墜賸芝泥點點疑霜憶君清夜淚

集杜

金德麟

絕壁過雲開錦繡斯須改變如蒼狗老儒不用尙書郎
扁舟繫纜沙邊久江山故宅空文藻舟人漁子歌回首

時無王良伯樂死卽休人生反覆看亦醜子雲識字終
投閣憶昔范增碎玉斗太守頃者領山南西望瑤池降
王母細看火印帶官字好事就之爲搗酒字體變化如
浮雲安得思如陶謝手嗚呼壯士多慷慨致君堯舜焉
肯朽忽驚星裏琴書冷青袍白馬更何有獨立縹緲之
飛樓河東女兒身姓柳

朱善旂

私印識書更識圖樓藏萬卷認紅腴聽雨紀談古人圖
印惟用以識圖書
書天教刳火留餘燼曾入松談印史無東澗遺老有郭
允伯松談閣印

絳雲樓印題辭

十

史歌

一捻脂痕宛逼真後先輝映墮樓人東陽題句矜新得
價等連城爲爾珍

印銘忠孝詡家傳蒙叟大觀太清樓二王法帖歌有吾
家圓印銘忠孝句自注引米元章書
史云錢氏所收浩博帖上有希聖字
及忠孝之家圓錢印并錢氏書堂印 姓氏流馨記米顛
石亦能言君試問果教傳柳抑傳錢

夕陽於我舊葭苳緣飲先生爲吾家中表親又其文
孫牧堂兄爲程春廬表叔祖之聲歎
絕風流蔓草蕪試檢叢書看自署應添小篆認模糊
藏書何似著書難邕翁著述甚富得讀已刊行者十經
齊文集四卷論語孔注辨偽兩卷柴

辟亭詩集四卷魏廬詩話 卷常山貞石志二十四卷
近又撰兩漢金石補遺以續翁氏之書並遠金藝文存
佚攷及歷代金石者 海內今推著作壇合併丹黃同不
朽頌函啟處斗芒寒

註經手澤憶鏤經先大夫在誥經精舍時儀徵相國目
堂在里耶先君子于詩文全集外尚 有鏤經堂集古印譜每印皆有攷釋 欲讀楹書數典型
珍重先人紅押尾見山樓古牋排青 先大夫薊園公卜
亢爽可喜內築高樓三層名其第二層曰見山
樓以貯書畫圖籍有見山樓珍藏書畫之印

宗稷辰

東林憐浪子南渡弔殘魂青史太無色絳雲空有痕偏

絳雲樓印題辭

二

逃秦火出不與鄴書燔節取為芳烈河東曾手捫

會記石函字姓名僊筆題奈何聽墮落終古辱涂泥霞

赤愧山面淚紅愁柳眉斜竿先倒卻密印更奚為 旌陽石函

開有虞山名法門刹竿
不憂倒卻則懸山語也

綠飲號精鑿匏廬能博收古心繁片石遺跡想重樓彌

世休磨滅名山費討搽不才彝鼎物深覺感陽秋

念奴嬌

張曜孫

絳雲銷盡問何處十萬牙籤瑤冊小印晶瑩無恙在猶

認虞山舊跡鐵畫留痕香泥半蝕劫火灰猶赤滄桑夥

影沈沙多少殘戟 不是絕世蛾眉小腮曾手詭誰還
珍惜疏柳煙蕪憔悴 一片斜陽巷陌故物長存芳魂
應自慰寸心如石同伊妝鏡數行無愧銘勅

陳慶鏞

瑤編祕笈滿琳琅古印猶含姓字香珍重冰斯遺跡在

絳雲樓外柳蒼蒼

楊文孫

膠醒初成百尺樓雙臺攜手寫新愁牙籤寶架灰飛盡

開勝還憑片石留

絳雲樓印題辭

三

問郎玉篆記親攜完璧會聞返隴西此印不教同羽化

留將幽恨寄綃縹

長塘流轉幾經秋又上東陽八詠樓合與熏鑪同志幸

天教先後伴名流 滬上徐紫珊得一熏鑪上縹緲雲
樓主人玩六字宋比玉八分書

頻年游屐熟虞山汲古空存小印班元玉更傳秋水閣

文房相對許開顏 余藏有汲古閣毛氏藏
書印及蒙叟秋水閣墨

南樓令

雷葆廉

小劫歷滄桑空留石一方印芝泥猶帶脂香一樣人間

珍祕玩鑑擁袖鏡臨妝 紅豆感蒼涼誰憐拂水荒喜

新詞徵徧東陽遠憶雲窗風戶下
棧綠字解青囊

贊并跋

喬重禧

古無以齋榜入私印者有之自唐李沁端居室始是印三字配合卽仿之白文繆篆頗得漢意按說文繆大赤也从糸各聲雲一作？山川氣也樓重屋也此雲字獨參用碧落碑及淳于雲吳雲之諸古印作雲而少一筆未免參差前人稱何雪漁變化從心不拘一體且其客拂水莊甚久當爲雪漁作無疑曩在京師見宋畫上有絳雲樓錢氏收藏長方印較此稍狹元朱文工秀獨絕

絳雲樓印題辭

三


望而知爲鈿閣手筆矣惟絳雲樓火於順治六年庚寅樓中書籍金石碑板之屬無存者是時宗伯方以江陰人黃毓祺案逮訊入都又十年始卒河東君則長齋繡佛久不與世事蓋自甲申以後引繩指劍不能申其忠義奮發之氣我聞一室版託梵王人世玩好固已遺棄久矣何有區區一印哉余舊藏垢道人中林堂印以邊款有嘉定四先生字留之友人徐君紫珊謂一印而具古名人十人可寶也蓋印文以韓愈王維爲句而旁款則宗伯程松圓孟陽穆倩宋比玉何雪漁與四先生共

十一人今西離先生以是冊命題適讀禮不作詩因附揭舊印就正有道而系以贊曰

是摩并石是斗檢封烈士之血美人之虹俠氣摧刀貞香沁紙矢彼白頭負此青史齊雲我我阿房並焦祝融有情下護蘭若鑪熏欲灰鏡月沈彤我聞空空芒寒色正

絳雲樓印題辭

古自莊嚴堪




橫橋吟館
圖題詠

光緒乙未孟春

嘉惠堂丁氏刊

橫橋吟 館圖



歲乙丑余與家弟滇生鄭表甥竹雪俊舅氏
 九橋戴先生讀書積厚軒秋生來共筆硯遂
 相莫逆逾歲舅氏館吳門秋生泛游予亦往
 來淮浦蹤跡契濶越十年甲戌屏秋生來深
 兒姪輩相聚子稔矣年表子兄弟多散處
 異地竹雪早卒惟秋生與予聯吟一室用慰
 宗寥以治吟之誼久而彌篤秋生滑此十數
 載核事不可無以紀之適子若自婁中來輒合
 寫此圖舊雨今雨當益珍重臨盟

庚辰中秋胡許乃毅并法于讀書春性齋

橫橋吟館圖題詠

倪 同 英 風 仁 和

蓋聞潯陽九流未若淄澠之味合韶濩八變終異笙
磬之音和波遠者派歧調高者和寡自古同心之侶
其惟束髮之交乎況夫素尚相欽崇情夙契弦章幽
贄金玉古歡穿幼安之藜牀學成秋鳩寫溫舒之蒲
牒坐並春風眷言花竹之聯吟宜付圖書而增重橫
橋吟館者秋生與玉年滇生昆季鄭君竹雲齋年共
讀之所也溯自異開識面其社論交問年則駒齒方
齊出手而龍文已耀映庭前之雙樹覽舉激輝占宅

橫橋吟館圖題詠

一

相之一枝舅甥酷似時也捧戴憑之席月上絳帷游
安道之門風高白社英英然弟昆之友愛抑抑然師
友之蟬媿焉余與滇生縣門共揖試院同游白袍半
襲裘裳不衣之年紅燭三條方領論文之日因越石
而慶孫把臂得何妥而蕭奮新知始知門列槐榆舊
稱道德橋名丁卯伊古多才遂分燕燕之行同作魚
魚之隊氣相求齒相若也於是形忘爾汝語共嬉酣
頭角森森綠衣滿座笑言啞啞蠟屐同持與聞詩聞
禮之義方無大冠小冠之異尙時或驅煙噴汗爭搖
篋而共走長屐收爐鏗銅命蜚騰而忽分短韻尋煙

而語喝月而行每鶯初雁晚之逢迎多翦韭烹葵之
燕語雖嵇呂盛軌華邴素交高風固殊綺情斯合此
一時也慨自沙團易散萍聚俄分滄于作贅束錦而
行元憲從師挂書而去閒以名爭得失迹判榮枯雷
門競上幾看奮鬣之魚雲路終迷屢作退飛之鷁京
華邈爾團雪何年粉社依然晨星幾个徒有張高之
夢罕通慶忌之書尋鷗語而波長乞雉媒而秋老雲
孤谷冷雨絕山空此又一時也余與秋生以札僑之
契締盧李之姻吳市年年甫里秋風之感舉靡落落
天涯客子之悲依景升而未得王粲誰知薦常何以

橫橋吟館圖題詠

二

何年賓王欲老似文成之石既吐而才思都非如醴
陵之豪被奪而光華頓減趙悲窮鳥卜賦枯魚其遇
同也然而草名獨活瞻蔭暘以何依萱號忘憂樹堂
襟而禾茂鴿靡同原之樂鳥多返哺之私荝容作饌
分馬卿賣賦之金孔奮傳餐是孟起傭書之直淡斗
符之祿半為倚閭卻羔雁之書彌懷將母素衣黠淡
采服嬉娛其樂又同也若夫窗塵畫損塗豈成雅瓦
缶敲殘歌偏類蜎風雲足寫助其豪情沙石成文摩
堪健筆訪蔬圃讀雲卿之句學箴冠結僧紹之儔水
逐波流蒼因岑合則又今舊雨之感深而新故知之

情異也雙橋宛轉是童時游釣之鄉一水汀滄憶曩
日盤迴之地邈傾蓋於十年痛黃墟之一个聊緩畫
圖之末雜書連狝之詞將以復於秋生兼寄懷於玉
年滇生也甲申春仲記

魏謙升 滋伯 仁和

在昔圖西園者不虛雅集游輞川者兼著新詩況乎
同硯席以談成洽苔岑之臭味蹤迹所託煙墨斯留
談柄於以有資交誼因而增重則有橫橋吟館圖者
子若王君玉年許君所合寫爲秋生仁兄作也方其
執經請業負笈從師喜傾益之初逢惜題襟之不早

橫橋吟館圖題詠

三

夢中秋駕愛詠繙衣坐上春風親披絳帳入比自來
之燕出爲同隊之魚紙窗竹屋不絕其書聲月榭風
臺時聆乎權唱樂矣而乃琴彈送遠花贈將離吳苑
草長越山雲隔不無贈策之心應有搏沙之感聚如
負屨散若解鱗水宿星飯維袁浦之舟騰實蜚聲縱
燕京之轡千里相思百端交集憶昔夢而西堂得句
寫新愁而南浦銷魂事既隔乎十霜情尙縈乎方寸
當夫水綠到門春波無恙苔青及榻舊雨再來踐往
日攀條之地柳大十圍停此閒問字之車人開三徑
題筆而巢痕掃舊踏月而履綦改新回憶前塵恍如

一昨惜光陰於逝水慨榮悴之分途或地下埋憂蓉
城返其故主或日邊染翰蓬池證其列仙於是壇坫
重開晨夕樂數話三更之風雨眺一角之湖山筆垂
秋露洗涼句於花閒詩雜仙心助嘯聲於竹外蘭臭
彌深林條不異遂乃借荆關之合璧摹主客以成圖
觀綴尾之辭識論交之久他時五色書雲霓裳同詠
一枝畫日瀛洲載登則是圖也閒琴尊於畫裏無事
聯吟驚猿鶴於山中儘容騰笑道光初元辛巳夏四
月序

姚伊憲 古芬 仁和

橫橋吟館圖題詠

四

余家北郭一水之偏折而南東橫河出焉緣岸數步
甲第所連風檣煙艖鱗萃乎前上有梧桐媚彼清漣
適子之館客雅主賢方其問字初來傾筐乍見戴憑
授經鄭嶠識面隨肩二難把臂羣彥談或一燈安必
雙硯小橋則丁卯同呼仙侶而長庚交羨送子從游
煙波可愁春風別館春草芳洲岑聯苔異蹤散萍浮
或蘇臺以憑弔或袁浦以羈留亭短亭長之驛江南
江北之舟客歲云徂歸人乃卜奉母居閒有朋來熟
阮修則名士助婚王氏則諸郎能讀還予授粲復此
信宿舊榻花軒小窗書屋鴻爪無迷鷗盟再續於是

論文結社賭字臨池尋花隔巷看竹開籬夜語見月
山游有詩座舊雨以今雨河朝漪而暮漪來同不速
去或暫離十年而後七載於茲感爾蘭襟寄之竹素
圖合王維人如徐孺繞郭溪迴開林山露流水不言
綠陰在戶懷詰弟於金剛傷同堂之玉樹無忘昔歡
願留小住煙雲既寫翰墨爭披相與讀畫各有贈詞
君乃謂僕爲予賦之伸紙未盡綴歌以貽孝子兮絳
帷從子兮河涓數椽兮碧玉君吟兮我思既以報君
更念許子兩美必合一歌不已橫橋兮雙峙東西兮
一水望韋杜兮城南畫中天兮尺咫

橫橋吟館圖題詠 五

戴安詩 九橋 仁和

憶昔乙丑春楊下高陽室東西兩橫橋流水漾碧色
紛紛媚學子子實居其一崢嶸不凡材匪獨我自出
古心各奮鞭何嘗閒昕夕有時一藝成評隲分甲乙
有時風月清吟恬咏更密予時年始衰猶得竭心力
簪井泉欲枯千慮或一得啓發那敢云助我洵可悅
忽忽二十秋回頭如曠息中閒歷文戰得失區以別
達者登蓬萊窮者猶窟穴甚或入黃泉宿草滋淒惻
欣感雜沓來吾胸多凹凸今子讀書齋依舊橫橋側
圖成屬我題我亦何稱述聊敘疇昔情仍喜衡門泌

梧竹竝蕭森秋風搖瑟瑟趁此聽鹿鳴騰驥倘可必
吾老亦已矣矧子抒鬱結

姚祖憲 小春 仁和

稚川僊骨本前身丁卯風流屬弟昆同是說經門下
士天涯多少雪泥痕

馬婆巷口夕陽低薄醉歸來記手攜最愛晚晴能入
畫秋霞紅過土橋西

偶將舊事託秋蟲小草煩摘彩筆工君曾爲子題爭
及煙雲雙管妙故人相對坐春風

敝廬一水望迢迢路指東河十二橋愧我琴臺負家

橫橋吟館圖題詠 六

學權歌莫繼古風謠先君有東河權歌百首

姚承憲 秋芷 仁和

我思匪遠細路蜿蜒雲水回互孤舟弗前
緣溪溯洄悠然而止喬木百尋傾城之美
落落遠勢亂山插空飛鳥韜影不斲樊籠
付諸狎客未喻斯致此中有人儻然高奇
一一照耀杜膚衛神神仙富貴花木青春
行樂及辰急雨忽至使人意消同中有異
掉頭長往冷然飛仙倏忽變化人生中年
兀坐靜參舊時歷歷積久彌新凡想自滌

九華作帳飄然而來跌坐幽室羅帷自開
草樹微馨蒼苔繡石風日暄妍况埽前迹
白日忽暝新蟾吐光真人坐對時聞清商
自爾珊珊倚天拔地襟素徐流不關笑唾
萬籟俱寂月上松門微聞夜讀風雨吐吞
有酒盈卮涉筆成趣味之逾甘拂拭絹素
不求形似傳詩之神心游目想見之愈真
玉澤蘭芬天生殊色含毫邈然意匠自得

魏成憲 春松 七和

林居三載西湖長細與論文記昔曾香案日邊榮視

橫橋吟館圖題詠 七

草溟生入 直南齋 衡茅老去媿傳燈共將好句推張祐秋生詩名
早更有何人御李膺遙憶梅花新種滿題詩孤嶼倦
猶能

陳彬華 小松

每從摩詰若仰詩名丁卯橋邊感舊情遲我西冷未

識面年年孤負好鷗盟

畢文玉 覺農

與君同挹練湖清官閣朋簪快合并客有新詩銷歲
月天教瘦骨鍊聰明千秋姓氏神仙籍六代江山痛
咏情想見衿衣年少日橫橋一片讀書聲

吾於許子為僚婿同拜經帷戴侍中今雨情多懷舊
雨薰風句妙憶春風九橋夫子贈詩有田浮生真作
衝泥燕往迹都成印雪鴻卻恨年年成小別有人尙
滯軟塵紅謂玉

王應殺 子若 妻縣

浮生都在寄生中假館何妨屬寓公入社聯吟忘主
客繪圖留迹印泥鴻天才我愧非王勃仙句君應是
葛洪我卻嘲君酬賃值但饒珠玉滿屏風

已將書寄舊苔岑猶自相思日轉深散步涼天秋夜
詠屋梁落月夢餘吟略無豔體題紅葉剩有長箋託

橫橋吟館圖題詠 八

素心每為懷人先得句不須詩向灞橋尋
門外溪橋景最佳只嫌流水易天涯煙波一味催歸
思鷗夢無端動別懷泛影漸遙孤櫂月虛痕倒浸半
扉柴伊人宛在空凝望心與迴瀾直到塔

黃 敬 君望 陽湖

誰擅荆關筆追歡任與黎詩多如束筍墨妙比歸黃
香火依禪社光芒接斗奎寫懷兼聚散繪影益離迷
憶昔乘書舫方春權畫谿橋通斜偃月岸曲宛卷霓
列棘人初到垂楊馬慣嘶並交山大小頻過瀨東西
六枳閒窺鹿雙柑雅聽鷗裁箋還命侶索句只隨奚

蕉葉承窗暗桐華礙戶低亂紅巢翡翠重碧汎玻璃
最怒全歌虎通靈競點犀回頭成雪印揮手隔雲泥
有客曾聯榻當年各佩騰談經爭折鹿仿恆互珍鷲
搖裝窮驪頰推敲冷麝臍汗青名肯讓油素記能齋
開徑先看竹穿林復借藜春風圍蠟鳳曉露暈銅蠹
夙洽平臺茗交推釘坐梨三秋同警鶴五夜共聞雞
舊雨常排闥新陰漸拂隄疏螢幽映字獨鳥靜銜題
絕調矜雉尾佳音奉赫蹏故人仍白屋公子盡丹梯
架可傳燈捷干將出篋齊鷗盟思再狎鷺序悵分攜
謂慎生 告孔偏憐鄭謂鄭君師歐忽奪倪刺藤餘墜
洗馬

橫橋吟館圖題詠

九

簡宿草冷荒畦斷夢時時續前塵欸欸提蘇臺忻說
項時寓榕皋蓮幕快攀嵇蘊采懷硯瑾量陰景惜圭
室馨逾艾蒨岑託附檣檣鵬路摩鷹隼龍文瑩鸞
飛英期瑤屺通籍於金閨簪筆吟堪接彈冠願不睨
君要程袞袞我奈迹栖栖望遠當歸寄求晨盍且嘸
臨歧烏榜判渺渺正流漸

父三慶 積堂 錢塘

酒痕詩夢漸模糊記共澆春醉玉壺聽到鷓鴣懷舊
雨賦來鸚鵡賞文殊儘多願協升沈感聊寫張爲主
客圖我是廿年來往熟諸郎親見識之無

顧 翊 蘭 厓 無錫

繕性務豐殖麗澤貴得朋同心二三子伐木求嬰鳴
橫橋水之灤松桂交檐檻發篔簹共晨夕陳膳聯杯觥
選勝兩手瓶吐文萬眼瞠軍思飽經術餘事鏗成英
思羨旋風來詞若翻水成至味薄餐踰高懷陋言鯖
捲握猗頓牟欸唾枚馬并上足揮羣雅甄陶發皇情
下以范欸流激汰揚正聲羲娥馳雙駟百歲聿修程
體貌易變衰日月愈邁征新圖紀陳迹壯志何屏營
繁余晚聞道渺獲慙瓶罍幽幽候蟲號見奪琵琶箏
徵生信多艱外樂中搖精百怪炙腸藪萬感纏心旌

橫橋吟館圖題詠

十

空堂偈闌年良士瞿且驚月鏡函歛盡風鐘漏噲吟
礪雪老硯僵燃星凍槩明瓜桃獻微費敢望玖與瓊
郭 慶 齋 伯 震 澤

丁卯橋邊舊草堂交羣拜紀廿年強如君合下南州
榻老我思分四壁光竹徑行厨懷故侶荷衣揖客又
諸郎置身早晚青雲上莫忘鷗盟此故鄉

陳表之 小雲 錢塘

少年同學儘飛騰裘馬翩翩傲五陵回首橫橋煙樹
裏最難忘是讀書鏡
君家嶺上花千樹唵館無人獨白開斗酒瓊肩差快

意約君風雨渡江來

劍門汪七賦從軍弱弟還看桂嶺雲記否草堂曾共
讀蟲聲今夜泣秋墳

朱為燮 理堂 平湖

此來便算小游仙汗漫相逢葛稚川時在滬上與君同交并養

有功資汲古吾鄉有葛仙并故巖及之丹成何計問諸天同榮金

碧觚枝夢為話提鵬望鸞年家督與許氏昆季交甚深君更敦總角之好

丁卯橋邊舊吟館當時裘屐最翩翩

趙 耿子明

橫橋之館城東隅誰其主者吟朋俱一灣流水繞寒

橫橋吟館圖題詠

士

碧遙山幾點青芙蓉繁花壓檻春陰重金蛻吐篆浮

高棟柳外初聞搏黍聲窗前乍覺池塘夢夢足羲皇

日正長雞碑雀籙披琳瑯蟬聲搖曳入高樹薰風習

習來虛堂羅雲四卷天地肅修竹蕭疏憂寒玉顧影

頻添太白杯指筇獨對淵明菊朔風獵獵葉辭條紙

帳青燈待雪飄一丸寒月上林薄數點梅花隔絳綃

玉年居士蓬瀛客十載吟唔共晨夕為展鷲溪補作

圖徵得新詩聯后冊嗟余歷碌走風塵不到橫橋已

八春披圖亦欲追高躅慚媿門前問字人

鍾桂霖 蒼山 錢塘

燭菊西窗迹尙留素心離合感前游琴歌酒賦難忘
虞珍重倪黃粉本收

詩才如子雜仙心羣從當年想盍簪我亦橫橋數相

過獨憐高會未題襟

胡元熙 春如 黟縣

白首青衫感寂寥如雲意氣已全消披圖似有吟聲

出陳迹難忘丁卯橋

故人幾輩盡飛騰眼見諸郎又化鵬病榻獨支吟更

苦君時方嬰病十年心事一疏燈

胡 敬書農 仁和

橫橋吟館圖題詠

士

廣濟與普安雙橋宋時著名應換丁卯為有詩人住

門前烏榜集繫纜垂楊樹花木亦無多臨水總成趣

披圖動遐想舊是經行處許家兄弟好謂榕泉常過

話情慄雞飛一舍地晨夕招便赴舉圍讀書堂共縱

尋詩步深談到月上夜半忘歸去惟時羣從小謂玉

厓在塾習章句君亦遠從師大戴心所慕謂九橋我

時未識君君倘目先注君時髮未燥我髮已垂素況

今將卅年歸老盟瀕鷺惘然出處隔離索感遲暮江

海多風波欲往愁難渡相思借君冊把對當良晤微

茫一水開萬里關山路

吳清皋 小穀 錢塘

舊時丁卯橋邊路攜手機雲下榻曾一老傳經猶白
屋十年同學感青燈霄壚事業分彈指師友文章總
服膺祇惜萍波飄泊易鷗盟不負幾人能

高 蘭 佩生 錢塘

橋頭丁卯夙知名嵇呂攀邀斗室清珍重張爲圖主
客至今莫忘舊鷗盟

瓣香我亦奉南豐問字元亭三載中容易搏沙感離
索何時重許坐春風

鄒志初 栗園 錢塘

橫橋吟館圖題詠

古

長虹宛宛東復西綠水湛湛清玻璃羣仙高會此投
轄一老攜尊來聽鷗謂戴九橋先生往時朋舊各瀟灑今日
畫圖勞品題誅茅擬結讀書舍莫再饑驅蹶馬蹶

鄒志路 仲虎 錢塘

十載與君別相逢各惘然篋餘求米帖囊少買山錢
身世嗟蓬梗江湖擲歲年暫歸彌足戀尊酒話纏綿
鮑叔能知我君苗敢對兄文章秋比潔懷抱月同明
豈羨山林樂虛傳里巷名此才猶不遇劔氣鬱難平
儘有梁春託終慚禰刺投移巢忙旅燕浴浪愧閒鷗
織論機中練霜添鬢上秋依人最無賴王粲怕登樓

眼前何突兀有此舊書堂春雨談詩地秋風角藝場
故人多磊落陳迹記練湘卻怪橋邊水年年送客航
邵正笏 魚竹 仁和

不踏橫橋路於今已六年故人攜畫至花木尚依然
舊事渾如夢吟朋盡若仙慙余溷朝籍俗狀未能捐
池館東西讓才華大小蘇謂玉年溟生昆季借將摩詰筆譜
入稚川圖圖爲婁東王子若作一个嗟先弱謂鄭竹雲三秋感與俱
海天風景壯送子去游吳

葉 詰 小湖 錢塘

侍中門下夙聯羣佳士香濃廿載熏檐角嫋花窺榻

橫橋吟館圖題詠

古

下河唇髡柳悵襟分不疏舊雨成今雨敢倚青雲負
白雲會向蓬瀛開雅集澄懷圖裏共論文

畫出吟廬儼偃真重門臨水水如銀半窗蕉紙安詩
座一隊荷衣結硯鄰譜妙荆關珍合作交深羣紀更
何人披圖想到尋君日丁卯橋邊蠅屐頻

項繼章 蓮生 仁和

獨留蹤迹白鷗知載酒江湖定幾時此去幸無千里
隔論交已恨十年遲坐中我亦秋風客畫裏君徵舊
雨詩最苦橫河橋畔柳如今多少折殘枝

汪建孫 小米 錢塘

曲水雙橋小樓連夕吟春雨畫船閒了盡繫著垂楊
青樓戶掩苔如茸輒好襯殘紅舞筍厭厭迸出籬去
數朝暮倡和有眉山伯仲共翦燭聯牀住謂許氏
昆仲
臨花判酒占勝地蹤常聚不減玉山堂裏傳唱多新
句今相憶歲歲江南路調寄簇水

梁紹王 晉竹 錢塘

指東河彎環一水橋名應喚丁卯廿年舊雨兼新雨
影事雪泥鴻爪魂夢繞憶翦燭同商酒後茶餘彙前
歡頓渺怕鷓鴣宿言離燕巢感舊容易鬢絲老 相思
處難忘年時遊釣紀羣兩世交好萍蹤聚散都無定

橫橋吟館圖題詠 五

根觸尊前懊惱朋輩少看元季蜚聲先後長安道重
遊若到認水際重門門前楊柳柳外挂殘照調寄買
陂塘

項繼章 蓮生 仁和

湖山不醒笙歌夢難傷又催南浦聽鼓官津聽鐘野
寺聽到垂虹風雨荷鄉未暑有丁卯同舟載將詩去
剩我無慘登高懷遠更吟苦 橫橋誰念舊備城南
天尺五今日韋杜鶴禁移家鷗波泛宅一樣年年羈
旅憑君細數算楚尾吳頭倦游重賦問訊王郎別來
相憶否調寄臺城路

朱 綬 百生 元和

蘋煙絮雨漠漠橫橋路一岸野鷗閒自語中有兩三
人住 如今各自清游畫圖憑寫離愁觸我西谿前
夢五年不到杭州調寄清平樂

歸懋儀 佩珊 常熟女史

吟風話雨慣踏橋邊路午夜一燈人共語數載雞窗
同住 幾人蓬島先游升沈同抱離愁感舊登樓作
賦仲宣暫客荊州調寄清平樂

吳 藻 蕙香 錢塘女史

幾輩推清望正才人評花醉月冷冷閒賞一帶河橋

橫橋吟館圖題詠 六

橫雁齒畫出輞川新樣有幅幅柔藍低漾小拓軒窗
三兩處把筆牀茶籠都安放添設到絳紗帳 十年
前打吳門棹挂煙波輕帆葉葉歸來無恙問訊盟鷗
同舊日續了蘭陵高唱算詩虎酒龍誰讓卻怪雲泥
分手異又無端小別成惆悵能不作望風想調寄金
貂換酒

趙慶熹 秋舸 仁和

南北仙呂入雙調合套

莽天涯何處挂詩瓢瘦書生鬢絲吟老江湖尋舊夢
風雨感離巢十載橫橋今日箇纔畫出停雲裏新水

令

記當初戴酒元亭同傾倒問字師安道時受業戴九橋亦在許

氏安現也金蘭簿訂交現北花南一例兒排年少顧

影換青袍翠生生都似春來草步步嬌

暢好是嫩年華過眼如潮秋去春來柳又千條百忙

中跳上征橈兩處相思紅豆鏡挑這壁廂風塵懊惱

那壁廂書札迢遙故人兒幾箇雲霄幾箇蓬蒿一霎

時賭酒評花倒做了雨散雲飄折桂令

吳市空彈瑟秦樓待引簫念家山忽作思親操束琴

書試鼓迴波權返鄉園好比投林鳥一任那雪泥鴻

橫橋吟館圖題詠

七

爪虧的杼下流黃博得箇萱花微笑江見水

再休提蹟名場劍氣消說甚麼困寒氈心緒稿你看

有的是痛黃墟玉樹彫有的是走京華花插帽呀但

詩成且倚玉笙調但酒來且索金樽倒興來時齊向

白雲嘲悶來時共對青天灑花朝放明湖雙槳好寒

宵擁紅鑪合座邀雁兒落帶得勝令

重開新畫閣再整舊書巢喜荷衣又年諸郎少渾不

是感離羣賦寂寥倦僥令

呀我也把十年前事話今朝記風檐立雪訂深交不

多時桃花三月廣陵湖歎生成蕙泣蘭淚料向瀟湘

走遣向瀟湘走遣苦煞我一盞秋雨續離騷收江南

盼魚書長江路遙憶朋儕離魂暗銷依舊的南飛鵲

噪重把臂飲醕醪重識面贈瓊瑤園林好

望橫河水一條望橫河水一條認橋邊許了卯他是

裊履風流甲第高沒些兒塵擾王摩詰更相招把悶

愁懷毫端輕掃離別恨畫裏句消索舊雨題詩須早

倩新知補吟亦妙你呵學名箋烏闌自鈔熟名香銀

鑪自燒呀這畫圖兒須索自收藏好沽美酒帶太平

從今不恨知音少拚箇爛醉狂歌也意氣豪你看那

橫橋吟館圖題詠

六

一樹藤花開泛了尾聲

橫橋吟館圖題詠終

杭城自咸豐庚辛後故家文獻蕩爲煙塵雖近十數
年事幾無從知其端委者每與士夫譚次輒彼此唏
噓累歎而不能止吾家居東城久習知故實道光閒
有橫河吟館圖是玉年許先生爲葛秋生丈所繪者
一時名流題詠偉爲巨觀兒時嘗習見之亂後遂無
可究竟時往來胸臆閒光緒癸巳秋八月子友許君
邁孫挾巨冊見屬才展眎卽此圖也首尾完好無殘
缺若有呵護之者邁孫固居爲奇構子亦摩挲老眼
幸復覩兒時習見之物相視而笑爲之狂喜亟錄副
授之梓人想見空谷遐心考槃寤歌之徒當偃蹇參

橫橋吟館圖題詠跋

一

戾之餘終不使之泯滅不傳宜昔人論楮墨之壽世
堅於金石也刻旣竟以原冊仍歸之邁孫邁孫所居
距橫河橋才一牛鳴地近繪榆園今甫園流播蒞林
後將與此冊並爲東城掌故予當濡墨以紀之光緒
歲次甲午月次庚午日次壬午萬安橋北老民丁丙